

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

集部  
第二〇二冊





責任編輯：孫言誠 賀 偉

ISBN 7-5333-0615-5



ZB24/13

## 四庫全書存目叢書·集部二〇二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二〇二冊目次

## 集部・別集類

栖雲閣詩十六卷拾遺三卷文集十五卷

〔清〕高珩撰  
上海師範大學圖書館藏清乾隆三年四十四年刻合印本

..... 一

誠正齋文集八卷

〔清〕上官鉉撰  
山西大學圖書館藏清康熙二十二年刻本

..... 四二一



栖雲閣詩十六卷拾遺三卷

文集十五卷

〔清〕高珩撰

上海師範大學圖書館藏清乾隆三年

四十四年刻合印本

附《四庫全書總目·栖雲閣詩

十六卷拾遺三卷》提要

先曾王父司寇公服官如千年宦情實淡讀阿  
殿燕臺遊賦等篇志可知也家政如千年又未  
嘗一日果哉斯世亦卽於文章見之顧晦迹沉  
名方禁後人不得請恤諡於

朝又於文乎何有故強半散逸不自收拾然後  
人於遺澤所畱則曷敢失墜詩存僅數千首蒙  
宮贊趙秋谷先生選定蒙泉宋先生又拾其餘  
珍前後刊刻成編文存數百篇猶寶諸衍筭欲  
求名公先生遴選竝梓以永其傳乃年甫逾艾

栖雲閣

一

早衰且病恐志不能遂敬附數言於藏稿之末  
以授二子時

乾隆乙酉九月九日曾孫 糾緒 謹識

嗚呼此先大人未竟之志也今曷幸逢我

藩臺吳江陸大人搜羅遺文蒙賜選輯恭依

明教先以正集付梓 小子榮樂蒙蒙何知

先高王父日監在茲其有曠世知己之感也

夫

五世孫 貽榮 沐手謹識

淄川高念東先生始以雄才博學受知於

世祖皇帝由史官歷擢至少冢宰小繫下遷入

聖祖皇帝朝累進至少司寇一退再起卒引年以歸臥

里第者前後二十年薨年八十有六遺令不具遺

疏不請祭葬及諡於

朝不求碑誌傳記於世之名輩蓋澹於榮祿名位其

本懷也少爲諸生與益都孫文定公馮文毅公及

先叔祖清止公齊名厚善咸推其詩筆超拔敏瞻

非時流所及新城王司寇漁洋公與先生爲中外

栖雲閣

序

一

雖晚進詩名絕盛稱先生詩超詣妙悟不可以耳目町畦限之每欲爲之論定先生笑而謝焉親知間有學識者晚以爲言先生不應於是子姪輩無敢復請計先生平生詩不下萬首皆晦於家終不使斯世一睹光氣也已先生薨後垂四十年有賢孫三人不忍其終晦也合力排纂搜藏發覆乃知先生都無容心隨手棄置而已於殘帙敗簾中零星綴拾得詩僅數千首而重複訛闕者什三四請余訂正之余時已衰倦譬若獨持斧斤深入名山

大壑所見者罔非干雲蔽霄之木將安施其力乎

黽俛勞思久乃有緒刪其複者闕者定其訛誤者

凡存若干首區爲若干卷縱觀而長嘆者久之蓋

詩之道極敝於有明尤壞於科第館閣一落其中

盲聾畢世積習堅牢卒不可拔而南北風氣則大

異焉南中勦襲假請僞久成性共立門戶笑北人

爲空疎北人固無辭也有粗知問學者苟得而輒

滿不足忌其或卓然能自成就則必遭排擠俾斥

廢終身而後已先生獨能破除積習播其聲華從

栖雲閣

序

二

容而至卿貳其遺篇發露於四十年後將與岱北名山同其不朽非若文定文毅兩相國家書籍蕩散或付諸薪炭或辱於市儈卽漁洋尚書歿僅二十年亦彷彿無餘而先清止公集已雕之板遂無一片存者先生棲心空寂澹於祿位超然忘名矣而二者顧相隨不去一由於遇時一由於有後殆天實假之以吐科第館閣之氣而刷鄉邦閭閻之恥豈偶然者歟余自弱冠登先生栖雲閣旣而隨先生於



朝又侍先生於家誠不自意先生詩集乃成於余手  
然方今之時經識先生而者海內無幾人况欲知  
其出處大概究其詩格之所造與其久晦之由非  
余其誰屬哉余故詳述而謹書之庶有傳於後辛  
亥夏六月晦日飴山後學趙執信序

栖雲閣

序

三

栖雲閣詩總目

飴山後學趙執信選定

第一卷

五言古詩四十九首

第二卷

七言古詩四十三首

第三卷

七言古詩三十二首

第四卷

栖雲閣

總目

一

雜言詩十九首

第五卷

五言絕句詩四十五首

第六卷

六言絕句詩十二首

第七卷

五言律詩六十四首

第八卷

五言律詩六十六首

第九卷

七言絕句詩八十一首

第十卷

七言絕句詩九十七首

第十一卷

七言絕句詩一百三首

第十二卷

七言絕句詩九十七首

第十三卷

栖雲閣

總目

三

七言律詩六十八首

第十四卷

七言律詩七十首

第十五卷

七言律詩六十七首

第十六卷

七言律詩六十七首

後學同邑畢海琬崑明

博山趙 孫去奢

姪孫 肇脛徑千同校字

元孫 貽榮

貽樂 重校

栖雲閣

總目

三



栖雲閣詩卷第一

刑部左侍郎前吏部左侍郎蒲川高珩字慈佩

五言古詩四十九首

都中二首

阿殿走長衢塵土汙君顏旁觀或噴噴誰知如檻  
猿何時出城去極目青滿田野廬多好景鷄犬皆  
蕭然行行重行行碧山當我前掬流幽澗濯抱雲  
古洞眠奇花饒芬馥野鹿時往還鬱鬱百尺松澆  
號千派泉松與烟嵐迷泉兼冰雪寒匏鐔淪石芝  
栖雲閣 卷一 一  
書帙粘苔錢霞駢雖未來塵疴忽已痊所以陶貞  
白金羈僧一官

長安多貴人火龍燭欲死宛轉甌釜中遙羨林居  
子林居樂何如稍讓神仙耳竹樹十丈高迴匝數  
十里萬鳥嘯其巔千泉鳴其底高人靜者流歌笑  
遞相倚各有一匡牀各據一棊几或卧看雲飛或  
坐濯流水楸枰剥啄聲琴筑參差起焚香或瞑目  
靜息觀無始微颺來不窮已訝晚霞紫涼月出東  
山青霄去人咫可以避暑無軒車未能爾

欲出遊

燕臺苦風沙溪山亦懷新豈曰無勝地所少蓋閑  
人人固有時閑役役乃其神誰能勇且智振策出  
城闌我聞高梁橋萬柳照水濱昂首糞土中乃識  
天地春傾觴對與卒所與皆子倫山水開昏蒙性  
情瘳其身

欲假一廬於響閤畔

車馬盡日馳逐逐無時休其中不相謀各有喜與  
憂僕本澹蕩人投箸輒出遊雖逐屠沽塵而心無

栖雲閣

卷一

二

所求譬若艤岸舫停橈閱衆流意將買一廬雜于  
負販儔前數往來騎後枕清溪頭垂楊間高槐一  
榻衆影收處囂心乃寂用以勉吾修

正陽門

朝進正陽門暮過正陽橋雜沓萬人趨車騎何囂  
囂馬下多負販馬上多金貂呵殿九衢喧飛揚意  
氣驕那知百年內公卿向此銷豈無陶貞白掛冠  
躡雲霄怡然懷昔賢未覺仙路遙誓將脫塵氛赤  
城有霞標羽車浮上清鸞鶴紛相招

贈王敬哉

攜酒云贈君自傾觥已匿譬如閉門飲何關主人  
事佳饒與清歌了了開人意此則郇公厨良與蓮  
蒿異一樽謝不敏所對明妝醉京洛多飲醉蓼蟲  
獨依桂醴甘非不知性情有所寄仲祖我輩人吳  
味能無類

警悟

羲和未整轡驚門征馬嘶揚鞭至康莊冠蓋馳多  
時問君何爲爾營營各有詞馳驅夜未休來日復  
栖雲閣  
卷一  
三  
如茲月月復年年吳霜乍滿髭撇瑟行方休徒爲  
達者嗤車聲馬足塵萬劫盡于斯

送友人歸

故人翩然來朝夕成良晤笑語每分榻過從或徒  
步所恨駒隙中忽言某日去是時意不驚把臂猶  
如故冉冉至其期門前僕馬具攬轡一揮手飄然  
如烟霧次第一一歸皆云歲將暮而我滯京華直  
爲名所誤霜下旗亭柳雲隔津門樹書來當有時  
夢去豈無路牽衣更相詢今夜宿何處

安知

安知道旁塚不有昔年吾遺山真達人念念與化  
徂一身隨萬變豈止如斯乎大均喜怒恣驅我如  
驅奴蟲肝與鼠臂游麟復夢胥鐵石或我骨土壤  
或我膚泉澤或我血蓬蒿或我髮安知我食我已  
爲菽與蔬安知我用我已爲缶與壺譬如舟無帆  
海颶狎天吳譬如車有輻輳輾閱三途誰能卓然  
立不爲造物愚一念未起處豈與太空殊長嘯歸  
去來海山豈荒蕪

栖雲閣

卷一

四

東歸

臨岐慨以慷決晨乃惻惻引領馬南首靡靡方越  
陌揮鞭顧日影亭午當食息險道附車徒欲慙安  
可得

途中咏

懷歸思美酒到口亦平平健羨皆妄馳學道貴無  
營息心聊晏眠風窸策策鳴

冬宿平原張氏齋頭綠竹獨茂

襖被宿精廬天風鳴珮環推枕開北窓愛此碧琅



玆我來自薊皇黃竹萎且殘嚴威無華滋清臞如  
枯禪幸托君子庭森森青鳳翰天姿豈有殊所殊  
煥與寒賢達無令名托處良獨難所以千載人易  
地乃達觀悠悠大冶中萬變固無端區區偶榮枯  
乘化何足言

長安歸途

不待渡白河良鄉已足喜千里好歸途宛在吾足  
底名郡指河間荒城不足紀衡水一橋橫幸入高  
陽里三日過黃岡潏水清瀾瀾單椒空翠來鞭拂  
栖雲閣

卷一

五

華山趾龍山纔向東長白當面起客子良苦辛數  
月重見爾

閑居

支牀臨清流鼓枕對遙山卧看疎林中勞者趨息  
肩遠望或相笑始悟我正閑亦日隔簷楹南來風  
颯然

夜中有感

十年習劍術劍卧虹不起胸臆五嶽填冠髮忽上  
指寧可遲神仙快意聊爾爾天下無不平鬪懷化

爲水

窰頭遊

吾弟村居久今年添草堂昨日招我遊河水聲琅  
琅赤足踏清波逸興江湖長雲破日侵人昏昏睡  
欲偃吾弟頗解事云盍陟前岡南北夾雙溪其中  
草樹荒其窄僅容坐共高風來翔久之攜手歸當  
庭支板牀于時忻然卧意適神亦揚西望怒雲垂  
傍日金碧煌久依槐鬱森仰視雲頽頽諸弟咸愛  
留我歸爲俗妨入城便煥悶乃識野宿良迨夜月  
栖雲閣

卷一

六

甚明湛溢爐金黃此時念諸弟坐卧將興狂晨起  
恍有悟臧穀同一竿晚凉既不存好月亦已亡世  
間得意事萬變固難量逆計神欲飛入手事亦常  
過去如蛆蠟搏影縛流光熟思聊所然萬化皆茫  
茫

窰頭河上

出郭意忻然雪清晴日矣猶恨北風來峭寒時作  
止策蹇不入村就泉行靡靡咫尺忽歛望望之如  
止水久坐對沙紋方見流芳芷淙淙漸有聲似爲

遊人起賃鍾疏小潭遊戲同童子所憾百步餘到  
橋沃焦比茫然還自笑我識爲崇耳若不窮源流  
兀然坐於此焉知源自東不隔千山趾焉知其流  
去赴海不千里若令元駒步定詫張騫使再見飛  
仙遊大千一彈指崑崙到滄溟如此而已矣修短  
何足校且用滌吾齒

爾爾

天地誰所爲未能探其始其來不可窮其去安可  
止所以耳目目前日日聞人死相逼何咄咄未免或  
栖雲閣  
爾爾哀哉智勇豪安坐行卽此

過五弟不值

昨日夕陽好薄言可出遊及到君齋前應門但平  
頭連夜月如霜野望意方快今晨叩君門云昨宿  
郭外苟在名教中爲樂無不可所憾見事遲往往  
已先我息駕三里溝主人值他出清風恣酣眠無  
主意更適縱筆了應酬策蹇緣溪去若遇佳石潭  
浴可同鷗鷺歸來月在橋諸弟或當逐解鞍話晚  
涼此興復不淺我憶三夕前嫋嫋絲與竹安得等

歌人唱和遊仙曲小閣卧空明如在瑤臺表荷香  
來不窮風露忽清曉紅妝箇箇鮮斜對盤龍鏡青  
山曉黛濃早已來相映

漫興

符梁而病噎不如泌水飢貧賤得卽適遠勝公卿  
危啄雀常廻顧粒粟禍所基鴻鵠爾何能冥冥天  
外飛仙凡途自殊造物寧有私

聽鳥鳴

好鳥愛佳樹日來鳴其巔宛轉聲不窮妍若笙歌

栖雲閣

卷一

八

然正宜南窓下幽人展轉眠俗客祝無來逸興方  
翩翩與爾期久要誓去仍當還不妨多呼偶永以  
相周旋

偶成

我愛王右丞倚杖柴門外臨風聽暮蟬此語良有  
味浩然見君心胷中無一累事事是真如萬物歡  
來會移境惟此心哀樂將誰對不見漢家王閭樂  
反垂淚

古意

昂首蓬萊宮眺望西山曉烟起失峯巒螺髻青  
繞中有幽人行褰袂拾瑤草下望鳳城深笑指塵  
浩淼

醉吟行

粟米如故人來自滄海曲慙入君子堂  
黽勉伴梁肉樽中復何有潞酒湛醺醺  
微醉發高吟燕坐梅花屋偶念南山匪  
叢桂發新綠雨雪迷空山幽人方獨宿

贈謝起東

栖雲閣

卷一

九

家有十年酒隣有萬頃荷何不攜嬋娟扁舟日笑  
歌問訊元真子所得孰爲多不則歷名山蝸廬栖  
雲阿黃鵠鳴咽風絳節來相過聳身凌倒景挹斗  
傾天波下視蟻子羣擾擾方稱戈其名曰項劉云  
是爭山河輒然開笑口如此滄桑何

送遠遊

牀下一尺地畏與蜀道同故人駕星輶快然萬里  
蹤驅車懸崖巔呼吸闔闔通鼓枹大江流夷猶玻  
璃宮諸君身所閱皆我意所從井蛙拘泥淖黃鵠

翔天風委心命不猶一榻遊鴻濛

遊西堤

秋色汝何來乃與閑人遇起舞意飛揚不知身在  
處高唱紫微詩走馬城西路遠望通高奎雉堞止  
數步叢碧亘里餘戕戕郊壇露黃屋北嵯峨瞻霽  
雜烟霧下視積水明橫塘如疋素中有拄杖人石  
梁方半渡安得蕩爲湖扁舟狎鷗鷺童僕追我來  
攜壺治草具地僻罕問難喜瞻馬繫樹豪飲怨聖  
賢山色冉冉暮虛翠漸西濃塔立烏橫度忽念八  
栖雲閣

卷一

十

閑居

心在青冥間身如土木偶隨日可尋花無月亦飲  
酒醉卽水洩眠狂每山巔走借問葛天時斯人或  
多有

自慰

行過太行山礪礪平如砥舟過灕潏堆江河池沼  
耳諸事不關心向來已九死所以拂意事受之常



歡喜

萬年溝

鬱鬱萬年溝左顧高竿蟠山溪自西來琤琮橫其  
前老樹大十圍枝榦交樛纏赤日從不至俯仰天  
蒼然居人夜布枕行者朝息肩我來暫徘徊僕夫  
輒解鞍安得攜樽坐高枕聞鳴蟬十里綠陰稠直  
至山城邊

紀遊

處暑夜來雨曉起庭如沐駕言出東門天氣頗清

栖雲閣

卷一

十

淑野有饁女笑林無鳩婦哭小園棗纍纍半赤已  
可撲北駕臨藍泉淳汙不潤菽賈莊樓如斗青囊  
再三讀元起亦仁人其誤在推轂如何捨俞跗乃  
欲兼頗牧不止喪其元而且覆公餗一編留博濟  
或可資冥福西至三里溝門前苗苗覆門內楓棘  
良數株團簇簇我臂羊棗同頻年搜林麓坐得踰  
望涯豈非天所篤殷勤囑圃人勿使兒童觸秋紅  
攜友來開樽嘗新熟振衣登笠雲雲山谿遠目湖  
漲小錦秋微風縹緲紗縠閣南花如星閣北荷如星

遊魚疑落紅拍手揚鬢倏秋藕老多泮秋桃甘勝

肉葡萄黑乃酢良者水晶綠主人有奇懷五丁藏

心曲許田似可假當戶裁方幅入眼愛嶽崎爲園

厓平陸將以畚鍤靈突然出岳瀆穴洞作崆峒引

流躍飛瀑鬱鬱環長林娟娟茂修竹草屋與茅亭

綠岸遙相屬名園匠心成其妙尤在速何異樂化

天宮殿手反覆世眼驚神通不爲天地束禹水稷

教稼皆是偶然欲慎勿商俗人笑謗肘爲縮一願

沃土外峻嶒山骨禿二願秋禾豐鹿困悉多蓄三

栖雲閣

卷一

十

願石鄧財助子成金谷我爲子東隣卽當同版築  
驅馬就廟阜隱牛撫壽木三杯暮色催渡河濕馬  
腹無乃南山雨潮漲來何促漏下僅入城高枕對  
燈宿明日北村行更叩君平卜

山遊

墨池巨靈手劈此萬仞壁老松踞其巔垂蓋如相  
揖白雲將求友來往時翕集欲跨青田君萬丈凌  
秋碧

石崑下

夕陽萬里明颯颯天風舞欲搥石壁閒坐對拾得語

贈趙韞退

塵中靜固難稍靜已若寂所賴接宇人素心可晨  
夕過從時無數微光月在壁候門童子熟聞聲暗  
已悉主人催短檠倒屣未覓憤一問新聞見笑謔  
雜太息

中元月坐

雨歇新月上翠海玉蟾過翩翩素女裳風露影婆

栖雲閣

卷一

車

娑乘此千里光宜泛萬頃波舟楫若浮空魚龍答  
浩歌

夜半

小立四更天何事清如許正當明月中幾點花梢  
雨庭空戶牖閑四顧無人語漏促鷄又鳴此聲消  
今古

對菊

寒香似幽人自是溪山偶展卷意悠然秋色落吾  
手乾坤共東籬畢竟爲誰有靖節與靈均不識果

某某昔賢今也亡對花且飲酒

河上

火雲猶未斂返照在東壁野靜游氛薄涼風淡將  
夕曳杖大河湄波聲晚益急驅犢童子還父老門  
前立村墟息車徒問價商晚食清泉十步近操纆  
身自汲偃仰古槐陰有鵲方啾啾傳聞貨價騰沽  
酒莫深惜

北寺

鄰寺借綠陰高卧誰予侮欹枕常近北風來涼欲

栖雲閣

卷一

古

雨簾鈴玉珮鳴宛轉隨風舞枝搖天不定隙中鳥  
可數久之頗覺炎起看已日午安得佳士來楸枰  
聊共賭勝敗同一笑豈作攢眉苦

東園

翹首入清商溽暑漸轉轂久乾連朝雨時時驚霖  
霖蝸舍閉柴局欲出沾單服新晴東郭外雲山聊  
送日豔妍似新妝笑人初出沐雲繁天愈高大火  
驚西陸嘒嘒晚蟬鳴夕陽掛高木孤枕徹秋亭起  
看亭前竹十日慵未來遶砌驚新綠共東桐丈餘

驚秋將瑟縮其北柳參天綠錦張高屋茵苔復無  
餘孤花媚幽獨雨多堰反頽流斷澗溝瀆深爲魚  
婢愁轉恐鳩婦哭西成萬物終大化遷何速吾生  
亦有極安能空碌碌

遊南旺莊憶舊事

負笈垂髫初別墅倚山樓拋書有餘暇挾侶清溪  
頭烟火近相隣愛此南村遊平田百步盡深澗道  
阻修土窟懸半天稚子疑猿猴登陟息盤陀行歌  
如有求村樹已迎人入門庭舍幽空堦坐綠陰斗

栖雲閣

卷一

五

酒不須謀盤餐草草成九鼎薄五侯重來三十年  
逝水安可留老樹綠猶前榮落了無愁清風如笑  
客枝間聲颼颼

僻怪自笑

章衮非不華猿狙視如仇鼓鐘非不樂爰居以爲  
愁乃知性情殊喧寂難相謀拍浮富貴中肯效巢  
與由嗟彼沉淵人明王何深求

秋夜

四更不成寐起望月如玦亭亭懸東方西壁光明

滅微風冷然來著體寒霜雪清適惻悵并幽意難  
指說身化淨琉璃寒輝疑可啜浩思湖海涓萬里  
方澄徹有夢神骨清乘龍翔玉闕反恐天鷄鳴塵  
事紛瓜瓞

看花

好花看不盡不看更超然色香何所與耳目便相  
牽只如已謝後或作未開前莫被穠華誤賞心總  
可憐所以觀空士看花中有禪

河上

栖雲閣

卷一

六

流水向人閑向水人亦爾客心何淡淡清波正齒  
齒人境兩蕭然太清遊無始勞勞車馬塵誰是滄  
浪子

贈友人

卿相恐難求神仙亦易得千年樂未央祝君好顏  
色上客盡才人清言各出手仍抱明霞心此會豈  
易有涼月轉簾鉤草蟲語不休風前雙杵接鴈外  
數星流

河上浴

誰能塵土中，蹙領神仙福。碧樹蔭方濃，青溪流似穀。上爲翡翠帷，下爲玻璃屋。毅然脫衣衫，莞爾投脰足。不愁便滅頂，乍喜才及腹。荇藻紛可穿，沙石或相觸。大勝南面樂，便擬東潭宿。留苦與僕蟲，分甘向水族。世人耽牀第，形娛神乃辱。試問妮妖紅，何如濯淨綠。落日波氣寒，行歌返初服。好月興亦饒，與我同出浴。

陽生訪友人山居

孤村面平原，老樹百餘株。相去百步許，叢木各相栖。雲閣如東西，與南北連延。亦分區柴籬，垂野花三兩。小茅廬種菜兼鋤瓜，井泉流清渠。短榻并棋局，兼有得意書。時或杖青藜，過從一胡盧。夕陽呼斗酒，涼月來相娛。酒家幸不遙，旣竭仍沽諸。人如沮溺倫，世卽黃虞初。

待月

待月卧匡牀，屋高庭如井。展轉烏夜啼，簷額忽炯炯。不見明月輪，但見明月影。

栖雲閣詩卷第一終

栖雲閣

卷一

六

栖雲閣詩卷第二

刑部左侍郎前吏部左侍郎潯川高珩字慈佩

七言古詩四十三首

帝城泥

長安潦雨濛濛注九衢成河人不渡快風吹轉憶  
山雲朝喜新晴午有路明日潦乾泥亦空併向行  
人足底去始信王城个个忙紅塵入夜無停步自  
笑我亦隨忙人終身了不知其故

殘紙中得去歲李家莊園丁報花開單

栖雲閣

卷二

垂柳陰中花幾樹盡是飛觴行樂處栽花不是看  
花人花村西北長安路歲歲春風歲歲花主人抱  
絮在天涯園丁莫報花開未花正開時人憶家

太常樂

長安百職趨路達說向閑人皆不宜惟有館卿云  
最樂官身惟問私家著其次屈指則太常碧樹清  
風秋滿廊數日文書一兩紙不過牲牲榛栗耳巡  
簾閑步據牀眠葉聲城城催鳴蟬病叟荷鋤行菜  
圃青蟲化蝶迎風舞萬物自得移我情何止芳草

當窻生此暑終身無不可誰云曼倩談公卿會議  
會推揮汗雨寄謝諸君良勞苦

仕宦赴筵行

古人看花每欲遲遲開還得遲遲看我謂赴筵正  
欲早早集還得早早散世人且莫笑先登百尺竿  
頭住豈能不妨談笑取公卿

和同年孫介黃仕不可爲行

仕不可爲隱無所郡邑憂危輦下苦高飛莫道是  
冥鴻彌天何處逃網罟漁舟往歲送君行今日我

栖雲閣

卷二

來君笑迎問我長林之樂何所至又向金門來避  
世我亦大笑復握手君勿多言飲我酒蔭葉誰防  
卿在旁登至且任柳生肘片帆大海共沉淪漂泊  
風中豈我身昨歲垂亡竟不果偶得生全復自可  
荆棘茫茫閉目行閑卽高眠起復坐有何不足乃  
顰眉逝水流光到眼非會稽王郎才適俗我宗子  
靜清如玉昨聞子靜愍凶王郎死不意驕驕遽止  
此又見蹀躞驄馬來黃金突兀高如臺偏鵲束手  
空注目雙鬟婀娜何爲哉我輩所得無乃多暇日

相尋且放歌身健囊空何足愁與君屈指計交遊

老樹行贈艾學士長人

僕本疎慵塵外人生平所好山與水竭來瘦馬走  
京華魯國男子疲欲死但見長林駐馬蹄清涼不  
減山水喜君家老樹何年種濃綠侵天猶未已到  
來巾拂自蕭然神寒骨冷水壺裏湘簾楸枰借主  
人院靜時時聞落子青州從事肯偕來日日訪君  
從此始

北邙行

栖雲閣

卷二

三

闕闕王城人似堵吹簫鳴鐘伐大鼓流風迴雪吳  
姬妍絳綃更作天魔舞道旁嘖嘖羨行樂貴人宜  
與仙人伍那知得失一翻手五內如焚足愁苦城  
外松楸多古墳千古公卿一抔土慨然一嘆轉成  
笑樂如電光愁萬縷人居朝市心茫茫請聽香山  
歌北邙

送吳美成侍御歸

芙蓉城主神仙客乘風歸去留不得歛然披髮馭  
麒麟歲星汗漫誰能識青蓮內視燁神光大千換

作黃金色尺書莫斬薊門鴻潮斷潯陽報消息

送張石帆

大勞小勞青芙蓉倒懸海影玻璃同故人爲我築  
茅舍至今猶抗塵中容長安逢君君大笑几案五  
城仍未到上書行掛神武冠與君攜手棲雲嶠

訪友人

六月般湄驚介馬勞勞誰是安堵者刁斗黃昏荆  
棘行訪君快飲東山下邇來出岫雲無心驅馬緇  
塵染素襟何時拂袖長安道攜手千峯萬壑深

栖雲閣

卷二

四

午衢聞賣冰者唱云一錢任飲也

緇塵不子愁亭午籃輿負擔同愁苦鳴蟬嘒嘒柳  
陰陰一息停車抵萬金長安六月無好處只喜寒  
冰汲水注長鯨縱飲只一錢不羨封侯移酒泉

寄受之弟醉後墮馬

聞君大醉鞭怒馬纔旋蟻封墮馬下知章騎馬似  
乘船那得船中安枕眠伯倫荷鍾常隨步應解槽  
至隣塚墓再來醉卽卧墟頭紫騮半繫墟頭樹

看象行



吾兄天真全於酒日日解醒傾五斗足將過巢  
燧前低頭亦是阮嵇偶懶因世事小顰眉當向風  
光開笑口未知何事便離鄉不告家人不問友千  
里長歌薊門行輕舟忽渡趙北口入都惟問象房  
橋百錢看罷疾回首帝闕天壇了不知吾事畢矣  
何遲久春明門外萬人趨紫綬金章牛馬走千人  
未見一人閑風塵此客曾聞否瓢笠高流說亦驚  
尚平五岳夫何有歸來僕怨妻孥訝但喜巨羅仍  
入手

栢雲閣

卷二

五

五弟九日書來

君走尺書述快遊坐我去年萬仞之峯頭錦石丹  
楓雜翡翠長天鵬鶚橫清秋砧杵千村互隱見羣  
峯東走如飛虬從者四客皆浮白君胡鬬齒菜莢  
愁西北浮雲翹足望有人匏繫金臺上笳聲吹落  
夕陽寒黃花與爾同惆悵

城南行寄五弟

聞君讀書城南村老樹團天綠掩門去我下帷廿  
餘載敗筆醉墨留遺痕琅玕萬竹穿屋角夜來過

雨生龍孫村西桃花開滿院紅裳千畝如雲屯斜  
日曳杖或徒步清風颯颯吹前軒河流捲雪西南  
去藉沙展簾棋與樽醉聽鳴泉如絲竹繁蟬破睡  
侵黃昏零亂月影隨歸客遠村燈火栖鳥喧清齋  
下榻剪短燭孤城遠隔秋山雲幽人夢淡百無慮  
何知朝市多紅塵金臺題詩空矯首羽翰安得乘  
風翻山水之間結茅屋與子漁釣終其身

送友人歸里

太嶽之後隆隆起我家合是高陽里才子唐宋指

栢雲閣

卷二

六

難屈酒人燕趙肩相比阿兄崛起位文昌爽氣逸  
情良自喜麴部尚書衙可兼平原勝地圖難擬種  
德行高東海間遺榮不曳南宮履青門祖帳何足  
道翩翩一笑黃鵠比莫向官家乞鏡湖出門海澱  
波瀾瀾予將誓掛貞白冠剝啄登堂爵先洗攜手  
一葉千頃波我歌浮白君還歌

買畫

報國寺開百貨集塵起千人騎馬入屈指決旬一  
度來無錢但對長松立乍眩大秦珠錯落一一檢

點非所急若能誅過墓中人可以揮灑爲收拾我  
友乘興將無同日斜下直明光宮文頤巡廊看古  
畫撥棄名蹟如蒿蓬與我意合畫卽我山水乃與  
神明通故紙能令阮籍笑歛然馭氣遊其中耳食  
關展爲古役其見無乃如兒童君但賞心勿復道  
若遇清流應大笑

長安道

長安大道香塵舉七貴五侯驂欲舞馬嚼金銜青  
轆飛車輕油壁紅妝語北風獵獵塞垣來水結天  
栖雲閣  
卷二  
七  
津葉葉苔僵卧蛟龍呼不起柴車歷落聲如雷渾  
河蒼茫方東注萬里玻璃天水路醉來赤腳踏罡  
風吹簫閑訪三山去

燕京雪中行

歲暮矣無雨雪金臺日沒紅韎鞬一夜北風僵  
玉龍走凌千尺堅如鐵負擔徒步乍躊躇錦帳羊  
羔凍玉蛆不見黃頭轉雀舫忽聞紫電走羊車短  
轡蹀躞長衢久羽衣鶴氅分前後傳呼狹路大官  
來僕僕罄折瞻馬首并軟不獨遊冶郎亦有娥娥

翡翠收事異採蓮湘浦岸人如解珮洛川旁蕙風  
蘭雪清涼意紅塵拂袖非人世颺輪搖曳坐雲陰  
羽車潏潏行天際憶昨經過蘆溝橋層冰南望海  
天交便思單衣飛渤海琉璃萬里乘神鰲蕭然天  
地無儔侶阿誰銀闕同遊遨

遊京師西山

世間快事誰能伍閑日尋山攜勝侶歷歷青峯掌  
上來翩翩黃鶴雲中舉石經西去是桑乾東下洪  
光又玉泉到處琴樽勝老衲賜來湯沐領羣山浮  
栖雲閣  
卷二  
八  
至把袂同追逐信步遨遊隨地宿僕射三公未若  
閑神仙五日君何福樊籠自笑耐京塵遲鈍多生  
禽尚身芒鞋竹杖行歸去共訪園風蓬海人

分夢

參寥夜夢非坡翁曉來一笑迎匆匆聘夢何如分  
夢好拙庵學士將無同學士文章道山最天下楷  
模風不墜千載康成留後身一時矜式推前輩斑  
衣十載海之涯鰲禁重來髮有華心懸青帝峯前  
月眼冷元都觀裏花遂初每續興公賦世祿未盡

聊復住化爲胥也南華遊偶乘荒爾東田顧高臺  
突兀意方舒浩浩平流席綠蕪罷釣還呼大戶酒  
課農復駕短轅車華胥譜盡俄成覺稍帶餘歡旋  
作惡纔欣解綬返茅堂又賦招弓別雲壑起來小  
襪烏絲闌字字吟成樂志篇閒適欲添高士譚嫵  
媚如借麻姑壇予謂先生計亦左便夢沙堤何不  
可野人湯沐忍瓜分假璧許田仍付我先生大笑  
君侯愚分席希逸幸有餘閑足華山誰敢侮秣君  
馬矣駕君輿與江山風吾與子楚漢鴻溝不到此

栖雲閣

卷二

九

夢中人結夢中盟如卿此意復佳耳麋鹿啾啾愁  
在樊野鶴何事乘高軒侯骨公才君細數豈有吾  
輩耽榮膺文人回首亦神仙侍晨玉闕相爾汝此  
日山林猛虎多籍籍佞鬼牙方磨溺陵醉尉尊如  
帝橫溺儒冠奈爾何行調玉燭三辰叙神武門前  
客緩步安期玉鳥待多時與君同跨明霞去

初春

自古春光年少事屈指十朝六七至寶馬爭趨蹴  
鞠場柳絲已樹鶯花幟青帝多情逐斗旋絳幡有

約皆鱗次彩杖徐麾萬卉蕪望春樓敞更歌呼五  
十年前一回首當窓下筆蛟龍吼神駿逼人荷品  
題渥注汗血吾何有雙丸轉轂太匆忙宦海浮沉  
鬢已霜漫道簪纓堪附鳳那知臧穀盡亡羊徬徨  
舊夢如俯仰白髮青陽忽消長未論鐵馬人驚心  
且喜銀螺猶入掌潯陽江上霰雪乾樊圃峯頭瑤  
珮響春來春去奈春何十二萬年一曲歌

春風

退飛六鷁蹲沙渚驚黃嫩柳婆娑舞桃花杏花海

栖雲閣

卷二

棠花努力妖紅嬌欲吐妝點穠華喚冶遊只愁宿  
麥皆乾土但得黃雲慶有年百花不開亦無苦酒  
香再拜社公筵願以春風換春雨

古寺行贈龍膺大弟

蓬頭跣足者誰子三伏長坐禿松底古寺無垣塔  
半傾松陰著袂涼如水門外紅塵障暘門內松  
風穿醉耳兩三野衲坐復眠但取諧謔非析理拂  
曙來遊薄暮歸塵綠膠葛一時洗問君閑遊何所  
爲君言日者許我死歲在龍蛇不可逃符到奉行

而已矣假以數年固自佳倏然而往亦可喜歲暮  
我自長安歸雄露歌聲竟未起相見抵掌舊時同  
仍來飲酒高齋裏

題同年馮易齋冶園圖

三尺驚溪玉版光盤礴能事極毫芒驅策輞川入  
筆底歛然林壑開虛堂崇禎之初里無事走馬南  
尋仰天寺古洞乳垂幢蓋形老苔名剝金元字迹  
遲遂爲冷水遊十里未至溪聲幽流泉縱橫行畧  
接名園錯落環滄洲千畝渭川清玉簇桴枻老樹  
栖雲閣

卷二

七

凌清秋碧潭萬丈縷難續父老云有神龍遊年來  
摩詰高卧久難忘道北金絲柳夢遶南塘第五橋  
華清閣圯重新否道元賞會千載餘尚書遊記同  
不朽摩娑生綃病眼明模糊雲樹觸懷生如嘯阮  
唇何許覓便將曳杖此中行繡嶺興衰已旦暮平  
泉花石還如故小咏登臨憶侍郎琴樽密藹叢篁  
處漢家休沐主恩殊不羨知章賜鏡湖彩雲影散  
秋孃老寂寞東山絲竹圖

玩竹

頗訝黃葉幾時墜暮去朝來已滿地青青嫩葉自  
何來鬱森忽有參天勢衰老人生事亦然頓覺眼  
前多少年

閑行

我愛荒田古墓好墓外白楊臨古道石門千載永  
無春今古紅顏此中老

贈唐濟武太史

主人逸興忽爲山一拳五嶽驚噴吼縹緲危峯不  
可上笙鶴彷彿遊其巔逸興未已重栽竹五日未

卷二

七

來已百束長夏蕭條綠玉寒廣榭毳毼青鳳簇桐  
梢有月更森森蘋末無風已謾謾譬如高士立重  
鼎宛若佳人在空谷肩輿徑造莫相噴豐豆大嚼  
何堪辱金莖瀉來應百觴玉釵敲罷或一曲扁舟  
我昔下南荒洞庭之浦衡山陽琅玕倚天天亦綠  
檀欒覆水水能蒼七載南雲空目送澧草沅花香  
欲動何可一日無此君瀟湘滿眼連雲夢小圃新  
開東郭東銀塘潋灩散芙蓉乞取新栽環浦淑十  
年滿地攢此龍市門野色忽蕭爽六逸策杖常相

訪一生張薦苦俗人此中天地屬吾黨

寒食

百歲年光插柳中佳節清明四海同一百五日寒  
食節二十四番花信風賜火喧傳五侯第禁烟冷  
落連昌宮棠梨樹底紙錢白杏花村邊酒旆紅歲  
序自新人自老東風西日無終窮

清明

纔過花朝重細數此日良辰一百五人世皆誇寒  
食節天工莫作清明雨秋千處處聚釵環歌舞村

栖雲閣

卷二

車

村聞社鼓火空介子竈邊烟酒遍劉伶墳上土紙  
錢已作蛺蝶飛柳絮還爲鸚鵡舞歸來痛飲洗杯  
觴明日東郊更邀侶

咏史

海水爲杯酒瀾瀾帝方沉醉契璠喜手竊金簡招  
天狼阿房宮中按劍起粉黛含啼西入秦吁嗟六  
國多美人憔悴西江苦不售咸陽市上如雲屯英  
雄今昔無定主得意爲龍失爲鼠君不見堂堂萬  
乘會稽行道旁男子擬代女

泥馬渡江圖爲同年梁玉立題

道君之季火德微靖康內禪事已非鐵騎突飲汴  
流口六甲神兵戰不歸太微彗掃銜璽走孟婆方  
便何曾有青城青笠啼洸瀾濁水北渡空回首錢  
王入夢索山川質子天教曩帳還肅王不返康王  
住磁州物色相州去蹀躞神馳夜半嘶茫茫天塹  
驚飛渡崑梁蟠結翼潛龍四蹄曳練生陰風神怪  
元虛何必問滹沱水合將無同良工盤礴心獨苦  
吮毫如對陽侯語一尺生綃屋欲崩天吳紫鳳爭

栖雲閣

卷二

南

飛舞蒼髯司馬昔少年游藝久參書畫禪過眼雲  
烟爭著意箚中弓玉更欣然秋碧堂前落妙墨與  
君俯仰興亡蹟年年社屋閉朝陽自古豈有不亡  
國其間往往說中興司隸南陽多氣色延秋門西  
玉璽長乾千山頭凍雀息永嘉建炎亦自好配天  
宗祀仍踰百乃知凡事讓昔人此後偏安那可待  
杜鵑血灑碣石裂腰裏骨朽金臺圻落葉寒潮帶  
夕陽還君此圖淚沾臆

初秋庭中積雨縱目

葡萄今年枝葉短龍蛇上架青偃蹇紅玉青霞相  
映明海榴累累垂鵲卵芭蕉昨暮書初卷森森綠  
影橫窓展平明缸面走金鱗碧甃一夜秋濤滿

癡男子 哀青田也

青田昔有癡男子抱膝自比隆中龍海上憤結揮  
七首歸來佗係存微躬宿業難消心不死縱酒談  
笑西湖中白眼指點雲五色真人鵲起吾將從丈  
夫出則帝師耳明良千載而一逢蕭曹小兒未足  
爲挹華躡渭一何雄是時坐客皆辟易慨然長劍  
柄雲閣

卷二

五

夜雨

山中聽泉如聽雨斷崖幽澗相爾汝澎湃銀河瀉  
九天枕面疑有鯨珠吐城中聽雨如聽泉竹屋淙  
淙飛瀑懸大似曲溪哀玉走蕭蕭襖被空堂寒雨  
聲不斷泉聲怒翩然清夢湘沅去曉寒明日欲成  
霜丹我山中楓萬樹

夜聞葉聲

秋樹未霜已半禿空階落葉風相逐蕭蕭一夜隔  
窓鳴幽人似傍山泉宿

漫興

世人盡道爲官好里門也是仙人島那識周秦士  
不同燕函越縛元皎皎人生只合住江南錦綺方  
輿花竹山唾手風中生珠玉轉輓地上走金錢中  
州顧盼何矜貴廬兒蒼頭多意氣竈下雍客倚頓  
多更番直日供甘毳教坊法部讓山西三五盧姬  
社鼓齊十丈纒頭渾不問朱門供奉尚愁遲生世  
柄雲閣

卷二

六

庵子溝玩水

前崖北去庵子溝巉崿百仞臨清流我來拂蘚支  
頤久頓如浩淼滄溟遊沉沉酣綠深無底正好琴  
高藏赤鯉軟玉刀輕千疊飛燦銀火熾百光起長  
風倒束蹙神山西去崩騰東捲還誰凌牛斗誚機  
石欲取珊瑚拂釣竿鱗鱗起伏天不定只疑鰲足



金輪動張目恍惚世欲空冥心惶惑身如夢性空  
真水異還同霆擊雷轟豈有聲海印上人塵已盡  
月光童子觀應成

遊暢然園

二十年前曾到此寒花千本東籬紫秋娘分身笑  
滿堂玉蛆缸面猶浮浮幾年入夢今重遊忘却某  
地與某至桃瓣千層錦窈窕丁香一樹玉雕鏤就  
中尤喜山茶好焰焰珊瑚海上島吳天回首虎皇  
東玉雪江梅渾壓倒拾級全登叢桂山下看竹樹

栖雲閣

卷二

七

滿朱闌連延近圍牆南路萬綠迷濛到遠天梓櫨  
臨臨薄雲外影入飛觴青似黛拍浮一吸盡芙蓉  
回頭笑顧青山在

佳節愁催租

石泉槐花爾能新四壁不改相如貧縣吏不來宿  
稅竟賀客開宴誰敢噴嘈嘈絲竹通通鼓爲若楚  
歌爲若舞出門忽見天地寬杏花柳葉參差吐里  
胥重過驚人冤今年楚餉嚴于秦十分三月程期  
促望斷青龍蘭若門

無題

美人貽我鹿角膠丹山盎盎如春潮使我健翻凌  
重霄衝霜不怯紫宸朝綬山一桃已足豪青黏青  
精徒爾勞糟至速致百斛膠

青州懷古

寄奴南來氣如虎隻手席捲青齊土大峴關空戰  
鼓鳴降王楹車送吳楚西擒姚羗埽咸陽水仙南  
竄如奔羊草澤英雄乃爾爾功成何不身早死始  
也桓文竟莽操蛇足五年作天子

栖雲閣

卷二

八

晴雪

雪晴宜向山頭望玉峯萬仞白雲上瓊枝琪樹高  
插天斷續高低千百狀萬井炊烟青不度毫芒指  
點漁樵路人在冰壺羨玉京翩然跨鶴三清去

栖雲閣詩卷第二終

栖雲閣詩卷第三

刑部左侍郎前吏部左侍郎潯川高珩字慈佩

七言古詩三十二首

看海棠

往年與客東郊行海棠灼灼藏杞荆醉眼摩娑三  
太息佳人空谷難爲情幾株移我松窓右三載猶  
憐紅樹瘦慚愧今年作數花破瓜碧玉春風透舊  
叢聞道已平蕪樵柯牧火河陽屠豈是物情難兩  
大大鈞有意換榮枯衣冠南渡矜江左一任成陽  
柳雲閣

卷三

三月火但得春風到處宜陳廢田興無不可

約王子下看花

鶴背笙歌何地去梓潼山東三日住梨花清酒是  
誰家垂柳秋千凡幾處歸來冉冉過清明水滿銀  
塘搖古亭未聞菡萏香催發不見漣淪風蹙成倦  
卧南窓蝶未糊敲門父老爭言苦今日民愁官亦  
愁昨宵檄下顏如土我苦與君兩無涯拙宦真慙  
不作家司農新法誰能免且向隣園看杏花

同馮孔博遊寺

君家門前柴車路向西曉靄入烟樹巷陌風清雞  
犬幽蕭散偏宜野客步簷蔔依依遶竹林長流北  
枕玉河深拋書攜酒斜陽裏秋色蒼茫世外心

暑日途中

青門瓜種故侯良綠玉爲膚紅雪瓢帝城日積如  
堵牆行人不顧去揚揚豈知驛路險且長火龍得  
意熾而昌賜人寸步行復僵溶溶清泉隔遠岡田  
家深屋支繩牀前路迢遞在末遑乞水一勺敵曠  
陽井乾水濁鹵不涼肩輿靡靡敞兩窓上清梅挂

栖雲閣

卷三

二

非良方何況與卒汗如漿火咽烟鼻兩頤張夸父  
棄杖意驚惶安得青林出道旁綠沉纍纍飛盈筐  
勸君縶馬暫解裝大餐坐卧恣徜徉飽及騶僕潤  
枯腸遲遲高枕待斜陽起望前途燈火光酒家留  
客風滿堂

廣平城下湖

武安城下水空廓十里波明綠浸郭五月芙蓉香  
滿天居人蕩槳客解鞍郡吏拔葵公儀子蓮實秋  
老沉波底漳邗澄邗遶城陰我欲重挑百尺深世

閒緩急時時有他日寇來但搗手

### 成安樹

成安萬樹何年種百里走馬陰不動且快遊人眠  
復歌何論他日櫨與棟長吏不勤那有此樊侯樹  
漆文公梓百年之計亦爾爾

### 邯鄲道

邯鄲城北神京路願作盧生不願寤偶驚鐘鼓睡  
眸開飽食黃粱追夢去祠前再拜爲涕淚不愁醒  
時愁夢時

### 栖雲閣

卷三

三

### 使君怒

巡邏使者來何許平干太守色如土敲扑卒吏血  
滿堂身冠峩峩劇號虎卒吏附耳守再拜前路揭  
竿例聞戒使者一笑顏迴春回朝薦爾好官人

### 曲周藍

曲周城下水北注百里濁漳公莫渡老圃夾岸荷  
鋤歌桔槔啞啞斜陽暮不種名花只種藍千金一  
畝綠甃甃千樹濃陰籠岸口老圃擲鋤還飲酒  
廷尉癡

魯國男子疲欲死呵殿闐闐來不止聞者謝客客  
怒嗔客喜主人多苦辛羅雀門庭良不惡廷尉翻  
嫌無剝啄我自樂此不爲疲乃知廷尉真癡兒

### 平定州山岳

桃源不必武陵溪水遠山深饒異境太行中斷井  
陘開青天陡落芙蓉影支笻歷井乍穿雲千尋碧  
壑披峯頂數間茅屋挂銀河松桂香中讀內景

### 襄陽行

襄陽城中罷高宴飛書吳會期酣戰赤壁懸兵未

### 栖雲閣

卷三

四

聞時阿瞞肯信周郎健投鞭驕語斷洪波千里合  
圍兵百萬平陽料陣馬踏泥淝水血流幾帶箭破  
釜一戰兩成功從此奠陽江之東乃知立國須人  
耳遺恨譙周劒閣空

### 題海水桃源圖

武陵千載桃花水是隱是仙未易擬衣冠俎豆乍  
堪驚雞黍酒漿亦可喜年來牛斗過戈鋌浩浩三  
湘百戰天青嶺立撲神仙榻丹竈難當熊虎船子  
驥路迷問澧曲瞿童跡晦閨風巖眼開尺幅神爲

爽晉耶魏耶還情恍似同靖節賦歌行止憑顧陸  
恣清賞飛步已循綠水灣閑情更度白雲上刺促  
塵埃那足留翩翩白鶴伴青虬縑細驟捲呼高枕  
度索山頭汗漫遊

秋途

西風吹送豆花雨蝴蝶影藏石燕舞馬背征人白  
紵單郵亭深閉誰留汝芭蕉葉大一尺寬颯颯風  
搖生暮寒襦襜高低鳳尾烟幽窓迷目綠參天蘭  
舟夢泛湘沅渺紅裳憔悴芙蓉老一夜雨聲天又

栖雲閣

卷三

五

明濕雲如幙人清悄

晨起

膠膠喔喔隣雞鳴鳴譙門曉角聲蓬窓朦朧曙  
色啓寒帷又喜今朝晴昨日何福仍未死辜負天  
公徒爲爾今朝不識欲何爲百劫千生只若此學  
仙無若解偷閑三尺蒲團卽海山跏趺穩坐如鶴  
背十二樓高任往還

舟中玩月

閒窓船影穿秋碧天水光粘海氣白何人鶴袂拂

瑤雲歷歷星榆低可摘下看五嶽青芙蓉濯髮絳  
河寒沁魄老桂花香八萬年玉斧吳剛修不得飛  
瓊玉管雙成舞紫雲回寫遊仙譜遺恨人間作尹  
邢芙蓉城小聊爲主

清江浦

官河舟遲岸上速雨後閑雲飛相逐行倦歸船坐  
落窓棟宇蟬連堪送目北望岱宗五日耳女兒已  
覺清如玉淡妝結束稱時宜倚門解唱鷓鴣曲門  
外南來北來橈籬下一叢兩叢菊南國秋溫霜信

栖雲閣

卷三

六

遲扶疎嫩柳垂垂綠估客鱗集十里墅叩扉新洒  
誰家熟蒸濕久愁艚底眠襪被今宵登岸宿

弔韓信二首

無食垂釣君良苦執戟典版復去楚大將壁中已  
怖人真王鐘下遂殺汝赫赫因人難有終爲德不  
卒將無同何因呼取南昌長一校咸陽隆準公  
古來苦樂元相倚莫恨君恩薄如紙五鼎食還五  
鼎烹丈夫直以封侯死族彭滅英血九原孺子碎  
穀亦堪憐茹芝老叟商山笑何事殷勤抱虎眠

登吳山

武林樓閣空千層樓下家家旋馬廳蝸舍蜂房蟻  
子穴伏首低眼難爲情卜居宜在吳山足後戶才  
登綠山麓轉逕盈盈盡短牆引眠處處多修竹盤  
迴猶未到山巔已見長江天鏡懸沙鳥幾羣飛浦  
外蒲帆千幅落尊前極目忻然開笑口臨觴愁進  
杯中酒青州從事汝來難拂衣越水吾何有

回首歎

少年縱控如飛虎馬上能爲折腰舞一點流星滅

栖雲閣

卷三

七

沒間翩翩雙袖凌風舉回首當時三十年此君雖  
在已堪憐東蠅暖日行如醉鳩杖龍鍾扶不前

放言

未能免俗聊復爾胸中五嶽隆隆起擊劍長歌髮  
指冠毫端恨血胭脂紫道人讀罷笑絕纓欲奏赤  
章襪故鬼無以冰炭置人腸且借松風吹醉耳

北人愚

昔我蹙蹙上公車下鍵株守一束書吳越孝廉殊  
不爾高會妍歌心自喜猖狂似是忘南宮榜發聯

連皆鵠起又聞一葉過江天牛醫馬走各怡然千  
錢之傭暮進酒姑婦歡呼傾一斗人生得失各有  
道得算豈在多煩惱剝藥爲糧飽亦殫南人何慧  
北何愚

朝岱

歲云暮矣當豐年香火逐羣禮泰山半夜鳴金催  
社侶踏星靡靡霜花斑千聲一佛潮音吼甲馬咸  
云神掖走閨中嚴屬戒腥葷梵宇琳宮徧稽首上  
山竭歷下山輕三百青蚨沽一斗歸遺兒女買銅

栖雲閣

卷三

八

鉦千里秦松猶在手泰山滿腹誇鄉人鞭聲霹靂  
天門神

明湖行 憶癸未夏寓濟南趙孝廉書舍

大明湖頭久作客葦葉蒲花風瑟瑟遠山虛靄入  
空檻盡日讀書消不得漫將清霽倚湖山清霽湖  
山對正難不有紅妝臨菴畫縱依翠巘意闌珊我  
欲當軒三里許跨溪樓閣鄰洲渚曲榭風開翡翠  
簾晚妝掩髻迎人語顧步鴛鴦七十雙解環鳴珮  
將翱翔紫綺臨波還自笑青鸞帳底入迷香幽人

睡足桐陰罽一葉鳴橈疾于馬飛飛白鷺掠吟瓢  
送人直到朱闌下龍香罷調又篴篴舞入陽阿樂  
未休縱不相憐許相對遲遲延竚正嬌羞有時漢  
女臨溪訪清瀨采芝還蕩槳芙蕖城外水仙家  
登堂六博留清賞不然隔岸生遙態閑睇紫釵消欲  
墜菖蒲門畔畫褰遮碧銀塘下雙鳬睡斜日遊人  
也自宜哀絲聲落彩雲遲回畔低扇偷成笑擲果  
君前知不知濟南白昔稱名勝投鞭一度風流淨  
秋孃老去秦孃衰十里平湖空似鏡文鴛盡日立  
栖雲閣

卷三

九

青蘿洞行

僕本野人宜岳壑百種疎慵安落拓揣分端尋樵  
牧宜宿緣偶被冠裳縛翩然掉首賦歸田十日疾  
看海上山蜃市依稀感海若天吳紫鳳嬉吾前重  
陽之後尋吳越帆颺錢塘江上雪王謝風流千載  
人殘山斷水還鳴咽禽尚高風不可招擔簦五嶽

栖雲閣

卷三

亦勞勞香山皇甫寧無厭宇下綏桃正自豪歸來  
又踏東池道一線青溪斷續好芋壟蔬畦葱蒨成  
平疇荒野哈呀少芒鞋布韞杖藜遊步屨東風倦  
卽休烟村去郭餘三里綠浦環崑占一垞村西郭  
界垂楊道卯君布置非草草橋上茅亭鳳蠟明潭  
中畫舫菱歌繞主人遺世去學仙白雲坐卧南山  
巔潭洞亭傾歌板歌重來芳草悵芊芊風光流轉  
忽已屢此日村東堪左顧小闢龍渠百步長驟開  
猿岫三峯聚風流張緒自何年雨葉烟條劇可憐  
已布清陰藏浴鷺尚遲客葉待鳴蟬藉草高眠時  
脫帽任人拍手從吾好酒客顛狂不足驚朝衣塗  
炭何煩校閑人有例供閑遊拍浮兒曹笑不休承  
乏同封酒泉郡凌風自託龍驤舟伐石可成千金  
堰秋水洋洋浮竹箭驅來北地錦秋湖幻出南州  
溧陽縣一尺奔湍一寸山會心不遠自開顏塔廟  
神遊嵩華上浩然置我湘沅間主人飯後徒步到  
野客閑人皆可召奇書重疊每雙囊楸枰輸贏或  
一笑有興開樽倦卽眠陰陰小洞鬱羅天不須楚



簾涼如水但愛吳歛調欲仙夕陽山翠飛相向更  
陽南嶺舒遠望處處柴門帶綠蘿陰陰喬木穿青  
嶂呼馬更衣客欲還娟娟月出虛危邊銀漢沾衣  
塵上盡空堂小榻盡留連明年更種桃千樹武陵  
彷彿邯鄲步回憶於陵萬片霞尚書歌舞誰家去  
君家西郭好林泉石帆南接畫橋烟百株楊柳長  
溪外十畝芙蓉小圃前般流浩浩方北注鷓鴣鵲  
鵲如家鶯一葉重添載酒行長歌便可滄溟去西  
溪風物勝東田小小經營即大觀穀洛爭流那敢  
栖雲閣 卷三 十一

惆悵

天下夢緣都是妄風流一往餘惆悵世間幽恨幾  
人閒紅淚珊瑚照鏡臺多情自古偏多恨蒼茫最  
是天難問莫道觀空可息心未能化石焉辭困何  
人能免有情癡飛絮乘風未作泥不見隋堤三月  
暮杜鵑血灑綠楊枝

宿山家

山深短景忽忽入徑轉茅村歷落出夜寂風鳴鳥  
不聞十年偶宿山中室明日途長欲早行荒村寂  
寂無鼓聲三五但看明月墮闌干北斗天河橫主  
人丁寧起莫早霜重天寒曉欲飽甕頭新酌玉梁  
浮粥熟羹香紅日曉

寄懷友人

昨日訪君君出城小駟逍遙信轡行童僕皆云無  
定所處處清流茂樹迎我因開揣閑行處短杖隨  
綠皆小住香溢東池花可觀風來北牖簾堪布日  
栖雲閣 卷三 十二

酒器

至正巧匠朱碧山屈指康熙三百年冶鑄精鏤爲  
鑿落刳灰未燼留人間一笑張騫鑿空手葡萄天  
馬西極走崑崙諸國未沾風浩淼孤槎將犯斗君  
平之卜何荒唐黃姑碧漢兩茫茫何如屈作糟壺  
長滄溟一吸蛟龍狂繁父之弓肅慎矢茂陵玉盃  
苔花紫千古弓裘傳舍移泗濱九鼎仍爾爾子京

年來亦可憐若虛猶寶舊青氍遷客囊中一蕉葉  
乞兒杖底九府錢河朔縱飲君無怪需次京華啓  
事在市上荆高酒客稀林中嵇阮吾徒代俯仰蒼  
茫可奈何子能楚舞吾當歌三商未放螺鸚鵡百  
罰寧辭金叵羅博望通侯豎子耳安能睜髮銀河  
水吾將改作太乙仙人蓮葉舟與君拍浮香海裏

後長恨歌

後庭玉樹傷心曲六代茫茫烟草綠永嘉南渡不  
成龍五侯七貴已紛逐當時阮馬氣熏天得意金

栖雲閣

卷三

事

吾亦盛年鳳翼龍鱗誇侍衛金貂玉珮儼神仙小  
兒程李何足齒賈鄧元勳一屈指天子無愁將相  
驕只言千載常爾爾趙李經過珠箔開連錢細馬  
下朝來呼盧客賭青娥伎滅燭人分紫燕釵鸚鵡  
嬌語鸚鵡舞藏春別院驀姚府花奴羯鼓杜秋歌  
天魔小队霓裳譜重興詔獄殺清流甲起晉陽朱  
析愁乍傳鐵騎飛天璽又見降幡出石頭降幡一  
片江頭豎墮馬啼妝江北去羅綺春寒青塚霜脂  
脂淚灑白門樹麻姑書信幾時傳滄海桑田劇可

憐樓槽共驚銅馬火勾陳新闢玉京天鴛鴦七十  
深深宿誤向綺筵誇碧玉遙接金陵曲未終爭知  
鐵騎來相續建業荒亡怨殺童室虛亦復坐諸公  
祁徐流落臨春廢壁月瓊枝回首空昏昏叔寶已  
黃土次第天誅及社鼠自古奢淫是死媒孽臣懷  
璧誰容汝紅顏無主任飄搖又向何門闢細腰輕  
薄花方辭舊砌翩跹燕亦換新巢豪華百歲元難  
保步障錦絲春悄悄東市誰憐石季倫珍珠十斛  
驚波渺就中別有斷腸人慷慨相期贈紫雲細揀

栖雲閣

卷三

古

花枝鏤琬琰鴛鴦待缺喚真真那知三日存亡變  
宛轉蛾眉空掩面月榭綺窓鬼火青彩雲一散何  
由見日成苦憶曼波明掛玉風流一座傾銀灣乍  
涸瑤宮圮紅淚珊瑚曉鏡裏叔夜不仙廣不侯千  
秋恨事多如此座客纔聞已斷腸如君那不消魂  
死幽懷禪觀竟難忘尚憶縷金夢裏香人生莫作  
多情物才有情時恨更長

獵

天風颯颯催枯柳野外雪花大如斗短衣走獵南

山下合圍觴角南山阜細馬妖姬玉轡輕銀箏歌  
板還隨肘貂領能爲出塞妝下馬更衣上馬走山  
中雉兔飢且寒驚啼已分鷹犬口厚地高天定汝  
憐雕弓持滿還停手攜樽篝火最高峯不搏兔雉  
只飲酒

栖雲閣詩卷第三終

栖雲閣

卷三

圭

栖雲閣詩卷第四

刑部左侍郎前吏部左侍郎蒲川高珩字慈佩

雜言詩十九首

城門行

城之門閤闊高景陰陰風騷騷涼颼掠面如霜濤  
負擔車馬聲嘈嘈路地何人白眼驕笑爾朝入暮  
歸逐其曹承明之廬無乃勞蓼蟲蓼蟲自云豪

賈客樂

仕宦愁苦願爲商賈商賈偃仰樂有餘畫廊棐几

栖雲閣

卷四

臨廣除客到拈鬚聊爾汝客去六博還吹竽俠客  
名如時送酒不問封章毀譽口商賈之樂無不至  
腰有金錢心無事

別

昔亦曾爲客迢迢千里行千里雖云遠日歸故有  
程所恨身王都送子歸鄉國子歸我天涯安得不  
惻惻送別雖同意不同人在文通別賦中渭城酒  
後千絲雨平則門西萬里風

涿鹿道上

田家喜客來呼兒旋埽地言貌何溫恭棗栗紛綸  
置粗糲噉亦佳深愧殷勤意都門列肆一何惡客  
子不來牽臂捉解鞍冷面喚難應橫索金錢如欲  
搏短杖疲馬走風塵一宿君應擇主人

### 憶東海

天雞驚翼海天紅東窓曙色方瞳瞳醉眼乍開曉  
夢破垂楊垂柳浮長空野客恍惚多異想置身不  
在京塵中我聞青門之外韋杜曲綠野爲堂情慙  
重栽移花樹光暎燈引流載舟水淙淙東去一千

### 栖雲閣

卷四

二

五百有餘里大澤山起何穹窿十里松交浮碧雪  
攫擎騰踏紛蛟龍之岑崑崙莽相接笙鶴往往摩  
蒼穹我友昔年向我語大槩恨未青鞋布韞褳杖  
俄相從滄海茫茫幾萬里波涵日月天無窮羨門  
安期諸人所來往五城十二樓閣蓬萊宮神風截  
舫片帆不能到騰輪羽仙呼吸登其峯歛然御氣  
吾將往回首綠林翠靄遙相通

### 休歇

小休歇依深樹中休歇旅中住大休大歇須到家

盡捲征衫擲馬樞認客作家君莫悞三生石上東  
西路

### 廉吏行

廉吏不可爲牟腸難爲趨君不見陸益都益都治  
狀二東無手哺子遺如哺雛訟庭鳴琴鞭以蒲爾  
盡力田早輸租戟門持牒胡爲乎梗楊之賄誰敢  
汙皦然冰心濯玉壺杞菊蕭蕭郇公厨三升乾飯  
無酒沽誓戒繭絲蘋尾蕪春陽益益滿薄姑夫也  
含沙毒短狐謂天蓋高安敢呼關西男子意自如

### 栖雲閣

卷四

主

掉頭歸去天爲徒奔走父老泣且吁他年空寫琴  
轅圖噫嘻乎廉吏廉吏罰何辜牟腸世路難爲趨  
君不見陸益都

### 郭外

二載不窺長河堰秋半徒步踞西田放脚猶堪追  
年少聯影布蓋何翩翩百武溪聲已聒耳亂流分  
道爭相穿安得平波蕩漾十里淵唼喋白鷺隨漁  
船南來支流別有派杖藜相與窮其源窄徑蒼蔚  
無道路長溪乍展逢深淵東有疎樹可以避風雨

西有菰蘆數頃綠，酬碧怒或恐藏桃源。山雲靄靄  
遂麻深，東風吹過西南偏。村前流水清如玉，山腰  
北瀉來潺潺。今年亢旱百川涸，石橋中圯砂磧乾。  
古寺村背地幽僻，入門密樹高摩天。風物清涼殿  
宇靜，夕陽萬葉增鮮妍。意思恍惚雙眼炯，偃仰階  
石非人間。蒲牢掛樹今幾代，虬枝鐵紐相樛纏。殿  
後青葱蔬百畝，曠朗乃與平疇連。白顧渾疑行脚  
至，襍被欲掛僧寮單。須臾雨止歸途直，農夫歌笑  
來山間。入門解衣催煮茗，晚風淅瀝猶蕭然。積陰  
栖雲閣

卷四

四

蝕月寒蟾泣熒熒，短燭搖搖驚端人。生適意斯佳耳  
麋鹿豈憶夔龍班，吳越扁舟雖有阻。溪山蠟屐豈  
無緣，芒鞋棕笠吾已辦。明日鼓勇南山巔

嬾水園看竹

我年十四五，肄業水竹村。短竿釣魴鱖，徒步探泉  
源。竹微僅比箸，羸瘦如王孫。年來人說肥如瓠，虬  
龍入眼森森怒。萬戶侯封或有時，千尋長影遂無  
度。舒嘯酣眠事事宜，子猷之癖豈云癡。安知百歲  
繁榮後，不與淇園渭水齊。坐客勸我亦種竹，此語

欲笑還欲哭，誰能更待四十年。看渠拱把團寒玉

漫興

景升兒豚犬，大耳荊州拋擲輕。干紙阿瞞一一好兒  
郎，奪取山陽帝洛陽。仲謀嘖嘖羨阿瞞，那識渠家  
亦可憐。長沙桓王長沙守，父兄都死他人手。兒好  
兒劣何關人，高陽苗裔今幾存

喜得長孫

世間快事寧有此，七十年生五十子。八千里外瘴  
烟歸，敢望殘年重見爾。爾已喜，孫更奇。憂喜轉伏

栖雲閣

卷四

五

人豈知虎穴夤緣能出甯，龍鍾適意又含飴。福禍  
人生元有數，明神有意垂呵護。當知奇事盡天恩，  
夢中相對聊忻忻。棲心仍有香光在，萬事紛紛奚  
足論

張幼量古劍篇

何年歐冶子鑄此切雲鋒，神物恥隱淪煒煒豐城  
中青蛇。出土繡妖血，刺犀刺鐘鐔。未缺長宵風雨  
吼，空牀百丈寒光一尺鐵。鵬鵠細拭手摩娑，白帝  
方驕貔貍多風塵。湏洞無人用，長鈇空彈奈爾何

丁亥淄邑三烈行

收馬急收兵急戮兇夜半縋城入姑烈死婦烈死  
一門水雪寒青史妖雞甲夜咿唔鳴海潮滿拜賊  
登城吁嗟乎伏虎不刺卒吞嚙長衢白骨何縱橫  
驚說蕙燹明珠碎烈火精鏐色無改笑呼白刃氣  
橫秋紉結無爲夫子羞沉沉深碧千尋冷漢水巴  
陵此義并凜冽應齊玉檻香蟬娟猶掛銀甕影斷  
腸鴟鴞葬穠華風雨夜深聞鬼車一瞑千秋天雨  
泣驚呼投刃賊咨嗟是姑是婦婦有母噫嘻三烈  
栖雲閣 卷四 六

梧宮秋

梧宮秋吳王愁姑蘓草生麋鹿遊水犀三千帶吳  
鉤酒城蓮涇浮蓮舟黃池爭長方遲留甬東爲君  
卜菟裘吳耶越耶一回頭江東錦衣亦蜉蝣西風  
又滿百花洲兩君千年共一壘茫茫啼笑從爽鳩  
題丁野鶴夢遊赤城卷

五城十二樓連娟若烟鬟不識今宵夢將尋何處

山豈風吹綠髮影落滄海間滄海兮渺渺華芝兮  
瑤草遊八表兮澹忘歸拂若木兮天雞曉

秋夕

西風半夜銀甕秋魚鱗雲散星西流蟋蟀草根啼  
不止來我牀下能相求飛螢火映枝頭乍飛旋  
落如深愁羅幕涼生露未休小院疎砧清且幽小  
院幽輕風舉茜萼香芭蕉雨

擬古

車搖搖馬迢迢如斯逝者方滔滔雲喬喬風蕭蕭  
栖雲閣 卷四 七  
神遊八極天寥寥

感悟

華山一覺眠失却數十帝武陵一叩扉失却數十  
世燒却廿一史天地從今始今日以上元無人只  
問木槿與蟻子

面衣

摩掌亦有火搖掌亦有風乃知陰陽力不獨造化  
工君不見犀甲良工矜七屬駿馬陷陣無金鏃假  
面雖涼人面溫人面人面何須真

栖雲閣詩卷第四終

栖雲閣

卷四

八

栖雲閣詩卷第五

刑部左侍郎前吏部左侍郎滑州高珩字慈佩

五言絕句詩四十五首

清明寒

清明寒若此似不惜鶯花佳節春三月勞人天一涯

旅夜

月懶偏遲照窻虛已送明旅懷春更切不耐五更情

栖雲閣

卷五

十

舊夢

故里天涯遠雙丸幾度新時從歸夢到猶是少年身

旅夕納涼

日夕人意閑歸鳥紛可數風過送微涼知是何方雨

登寓中木臺

空翠久相待脩然世外閑秋臺小築後今日見西山



殘巖二首

殘巖醒偏早蕭晨起易遲雲陰將欲雪又復睡多時  
浮名良自苦殘歷不宜看風雪欺人甚天涯幾倍寒

湖湘雜咏十三首

未入衡州郭先見衡州城城門垂薜荔大抵似巴

陵通庚

兩岸竹層嶂孤城面西山橫襟憑一葉睥睨洞庭

栖雲閣

卷五

二

問

幾日舟行倦今朝眼乍開千峯翔舞處一片大江

來

南嶽連雲盡東流際海長他年圖畫裏著我在瀟

湘

菰米鳬鷖聞蒲帆江渚秋不知湘漢水辛苦爲誰

流

初意黃州郭重追和仲遊那知客路緩纔得發衡

州

彰汴襄陽路武昌衡嶽中滄桑君見否處處故王

宮

迴鴈匆匆過重尋石鼓嶂萬家城郭底一一度江

帆

迴鴈峯邊過秋初鴈未來渡江驕語鴈我自永南

回

小泊愁江口鳴鉦意爽然微陰不作雨大好放舟

天

西郭溪山好長松午蔭濃飛頭雲起處已識祝融

栖雲閣

卷五

三

峯

江濶眼光大舟空意思清漁歌風外好更借兩三

聲

未得長沙住東歸趁素秋瀟湘千古意輸與釣魚

舟

途次

烟村望尚遠倦鳥歸何處青山漸近人忽過青山

去

武昌道中五首

行人到武昌已作半途喜那識武昌南烟水五千

里  
綠淨不可唾此語足千古天水淡相涵中有數聲

櫓  
偶作念首詩投筆飛雲過此後莫豪吟毘盧頂上

生  
花放不知名稻秀猶能長芳草隱清流但聽清流

響  
芋火夜經聲悲喜寒岳寺宰相世間人何與山僧

栖雲閣  
事  
寫懷

忙處身多健閑來念起頻晴窓高卧久却喜叩門

人  
漫興  
把酒還臨水拋書忽對山未知此日裏曾有幾人

閑  
雨

浙瀝方愁住濃陰且莫開遊仙多少夢專待雨聲

來

卽事

好鳥解評花對坐枝頭語似數夜來紅幾點隨風

雨  
卽目

矮屋水邊村斜陽山下路垂柳綠遮門中有幽人

住  
山村

絕澗斷乃佳小橋過亦好澗邊倚樹看不踏橋西

栖雲閣  
道

題子下壁

庭花寂更妍主人不知處開却東西窓清風自來

去  
坐東園柳陰下

柳陰定奇涼黃鳥來一个不負百囀心主人方閑

坐  
西郭漫興

買瓜大道旁如傍煨茶火忽憶抱琴人清溪洗山

果

桐下

綠葉何翩翩長風偶到此歡呼童子集桐下拾桐

子

六月菊

黃菊夏已花那能待重九但布給孤金莫勸淵明

酒

芭蕉

濃綠欲迷天將有輕風動煩君帶雨聲助我蕭蕭

栖雲閣

卷五

夢

秋意

應茸林中閣以就山下泉閑心微醉候秋色遠遊

天

秋二首

草尚離披綠花猶寂寞紅蝶來庭下少應是怨西

風

遠浦初聞鴈斜陽乍倚樓閑從芳草語又是一年

秋

窻下

几坐覺微風篆烟飄縷縷何處乍心空點點芭蕉

雨

秋望

芙蓉不耐秋八月蓮房黑夕陽一片山中有萬古

色

秋夜

夜從人淡蕩秋與月精神長笛聽宜遠疎星望漸

親

栖雲閣

卷五

卽景

雲低古洞寒雪壓梅花屋殘燈淡欲無悄對山僧

宿

西郭外

酒盡莫重呼殘陽半已無遙天連積雪一望似平

湖

栖雲閣詩卷第五終

栖雲閣詩卷第六

刑部左侍郎前吏部左侍郎涇川高珩字慈佩

六言絕句詩十二首

初春遣興二首

鶯語初依弱樹鷗波漸滿方塘細問浮生百歲能  
消幾度斜陽

料峭東風乍轉漸看桃李花穠慙愧昏昏醉夢勞  
他天外晨鐘

春遊

栖雲閣

卷六

走馬沿村覓酒敲門隨處尋花天氣清和時候柳  
陰淡蕩人家

閑居

遠處高樓燭影靜中明月簫聲且緩三杯淡酒先  
賒一枕風清

題扇

猿嘯林風策策鹿眠溪水潄潄高巘幽人獨坐夕  
陽樵客將還

抄書

何云小偷郭象便欲全贈齊至直恐兔園冊敝難  
因羊祜名留

題畫

斜日斷雲冉冉蘆花楓葉悠悠十里平沙無舍一  
行高岸維舟

偶成

介甫不近人情平叔端工姿首安仁土墨皆妍張  
載胭脂亦醜

雲

栖雲閣

卷六

何處飛來青嶂壓茅屋嶙峋熟視莞然一笑連  
天潑墨雲新

訪友人二首

幾度攝衣到門闌云高枕自在恐君正友莊周未  
敢便爲樊噲

沈約得朋分病東方有客同飢何處與君對面應  
求如許多時

載績云股家泉可以避暑

百畝森森綠樹千畝灑灑長流我欲從君避暑聽

泉直到深秋

栖雲閣詩卷第六終

栖雲閣

卷六

三

卷六

栖雲閣詩卷第七

刑部左侍郎前吏部左侍郎淄川高珩字慈佩

五言律詩六十四首

簡梁蒼岳

帝里終何事匆匆已暮春從容花鳥伴潦倒醉眠  
身我懼妨賢路君當恕放民嵇康非漫語慵病本  
來真

送仇景萬歸里

啓事遲司馬輕裝出帝畿鶯花三月至笑語五陵

栖雲閣

卷七

一

歸月射青萍劍風迴白紵衣到家誰共醉約略杏  
花稀

遊草橋

茅屋紫畦合閑花映水香看山如得藥出郭似還  
鄉醉眼方塘濶風林野夢長始知南浦樂絕勝北  
窓涼

與篁庵年友話次偶成

樽酒唱青驪河梁迢迢照低宦緣真可見世論本難  
齊賣舍裝猶薄迴舟事又稽那堪楚水上鴻鴈數

行迷

贈李闡修

宦遊疎酒政頗憶竹林遊昔日狂歌侶蕭蕭鬢欲秋  
鄉心霜後鴈野興渚邊鷗新報秫田熟行將歸故至

送沈靜瀾觀察越東

河梁今日意立馬更徘徊樽酒離亭晚軒車驛道開  
天風滄海樹秋色越王臺別後知相憶時看旅鴈廻

栖雲閣

卷七

二

留康表弟

命駕君無遽臨岐我欲愁離家難計日送客便如秋  
已作三年別何辭一夕留娟娟今夜月相待石橋頭

和易齋示兒二首

故國經時隔安危近若何檄嚴愁轉餉戍久困橫戈  
闢戶綢繆少乾坤踟躕多髫年寄家世勉矣慎風波

客歲冰霜道歸鴻又早寒世方稀善地吾豈戀微

官涕泗無家別辛勤行路難鄉書遲累月何計客心寬

寄五弟

全身多事日蕭散足娛親空蒙無憂盜孤村尚有隣  
閑心拙自可廢業嬾尤真莫作楓林夢金臺憶遠人

長安送客

不盡開籠喜離懷亦黯然輕將輦道柳折向海門  
船鼓柁東風外懷人北斗邊名章何日上涿水有

栖雲閣

卷七

三

閑田

立秋日汪園小集次韻三首

仇池何處到羈縻夢悠悠落葉經年別涼雲醉客留  
已知連夜雨併作故園秋洗馬臨江日茫茫始欲愁

風雨宜蘿帶青葱對小山猿歸披樾宿鶴唳帶雲還  
松菊雖開巡蓬蒿自掩關坐來飛瀑近拄杖聽潺湲

無何力能飲持此駐京華客夢風前絮塵情雨後

花笑談尋絳雪意氣贈青霞歸路長林晚爭枝笑  
暮鴉

都門西閨

休沐閒身快河梁勝地偏猶嫌騎馬路未有釣魚  
船夕嶂明空翠平波上遠烟樵蕪將過盡何處筍  
輿還

早秋

西風客興好是夕月微涼千里天雄酒三秋楚曉  
香流螢穿竹牖斜漢掛書牀上客從安坐厭厭漏  
栖雲閣  
漸長

卷七

四

京邸秋日雜咏四首

聊飲王城酒柴桑事若何歲荒軍壘益閑遠稅條  
多秋色誰閑眺浮生盍放歌依依明月下白露遍  
庭莎  
巷南村落近秋色淡斜暉夢苦林泉少遊嫌伴侶  
稀讀書窮野稗多病羨癡肥新寫林居錄巾車胡  
不歸

南柯開夢眼歸路有柴車豈敢薄卿相聊求便拙

疏心慵書自少脾病食常餘獨羨青門畔行歌暮  
荷鋤

隱几風簾冷頗宜幽夢深蝶樓如有待蕉綠本無  
心藥裏醫初去觥籌客欲臨莫嫌秋色淡隔院足  
長林

秋夜

繁星晴欲墮斜月尚東廊遙憶秋湖曲時聞杜若  
香燈搖村歷歷天貼水茫茫鼓柁吾將去蓬壺路  
不長

栖雲閣

卷七

五

將遊退谷

都門餘退谷退士揭來遊禪問黃楊閨花愁白露  
秋山幽宜卧鹿泉出便浮鷗修竹真奇絕檀欒近  
帝旌

季秋獨登報國寺閣

野色橫今古西風滿帝州山寒雲外出水遠日邊  
流萬象秋皆靜浮生倦亦休長松幽意愜少爲夕  
陽留

問五粒酒熟

豈復金臺味溶溶。水雪香潯槽。將計日到口似還。  
鄉舊德元青社新。街自釀王莫嫌。嵇阮輩晨夜數  
登堂。

寄王子下

霽雪輕寒後。蕭條仲蔚居。鄉心飢益切。花事閑還  
疏。奕鈍備尋謔。官閒喜借書。一樽桑梓意。暫枉故  
人車。

憶歸

五嶽多生願。微官悞尚平。馬蹄何事苦。鶴髮幾年

栖雲閣

卷七

六

生已辦歸田計。微須抱病行。嵩華雲卧處。醉墨一

題名

告歸

拭目忻然笑。而今始是歸。朝來著簪笠。昨已捲朝  
衣。招手青山近。同心白鳥飛。到家樽酒在。先上釣  
魚磯。

給假將歸

今朝遂晏起。已覺是閑身。簷雀皆成兆。庭花重作  
春。束裝看日歷。買舫向天津。况近茱萸節。秋山杖

履親

早行

已與朝陽約。長天淡曉星。鳬鷗遠近浦。雲樹短長  
亭。白社新來創。黃壚舊所經。前途息馬處。遙見一  
山青。

歸途次良鄉

楊柳多情甚。旗亭遠近圍。雖將佳節過。猶及暮春  
歸。暝色輕依市。山光遠映扉。不妨時駐馬。小看栗  
留飛。

栖雲閣

卷七

十

旅宿野寺

晚照斜銜樹。寒雲澹下田。但求今夜宿。敢問詰朝  
天。爐火熏衾熱。龕燈照壁圓。殘書讀倦否。賴爾引  
安眠。

途中偶成

愁深勉自解。遂與世人同。杜口雲山外。投身車馬  
中。世惟卿相樂。人被鬼神蒙。自笑吾真悟。紅塵不  
負公。

贈友



帝城三歲別復此駐金羈花月元宵後琴樽濟水  
涯每從遊子路偏與故人期所悵容華歇蘭芳憶  
往時

雪後

角立誰爭立當前意酒然鴻濛鐘報夜清瑩雪交  
天錯會巉嵒境休耽枯木禪玉壺冰意永爲向洛  
陽傳

春日雪後

雪後微陰徑東郊欲問津閑行穿柳陌遠趣看花

栖雲閣

卷七

八

人清茗疑妨酒微寒不損春遠山晴乍好峯頂翠  
微新

早春

杏花消息近芳草已叢生馬識尋花快鶯呼載酒  
行秋千歸夢遠寒食禁烟輕俯仰東風裏天人各  
有情

二月

閑庭天地內元化豈吾欺草色還如夢東風似不  
知只留春住人何恨燕來遲無限王孫路青青萬

里時

村居三首

倦鳥聯翩動殘陽約畧微勞生何自苦拙宦不如  
歸竹塢鋪琴薦桃花簇釣磯磬聲誰款戶應是水  
田衣

風塵來往路僕僕亦何緣殘鴈抽身早孤村盡日  
眠牀頭酒注缶門外雪垂天城市多新狀人來一  
一傳

名刺投還却柴關應客遲人傳楸枰譜客贈竹根

卷七

九

厄懶與閑相得衰將病不辭菟裘只此是莫問世  
差池

偶興

作意綠參差東風小立時鳥聲如有憶春色欲何  
之晴意醺於酒閑情蕩若絲感人離別處柳陌有  
殘枝

問友人山遊

把袂相逢笑諸君去幾晨爲張臨水屋細問看山  
人竹徑何村好桃花幾處春卜期吾命駕禽尚本

同倫

與友人

十年初會面俱是遠歸人  
往日燕齊路平生湖海  
身酒酣能喝月詩就已離塵  
共跨明霞去翩翩鶴影新

閑遊

不必預爲期閑遊日日宜  
泉爭溪口路花放嶺頭  
枝絲竹從吾好壺樽任客持  
醉呼笙鶴下已見白雲隨

栖雲閣

卷七

十

看花

究竟真閑矣流連庭際花  
飄風仍淡蕩晴日又敲  
斜槐柳自如市笙歌凡幾家  
我思偏有在濃綠水之涯

訪友人不遇

訪君君不在留語向隣家  
案敞會翻帖井甘空試  
茶相期須竹嶼再過待桃花  
欲候行歌逐前林日已斜

新柳

插柳休嫌小踰年已有陰  
自然慳倦羽乍可慰遊  
心旁接叢祠古斜穿溪水  
深當風聊駐馬子細拂  
塵襟

卽日

城東山水好自在野鶯鳴  
雨後潺湲出耕餘犂犂  
平雞豚隨饍婦樵牧笑經  
生故舊誰相訪林扉片  
月清

新晴

新晴初出郭山翠已相親  
白髮人非舊青陽序又  
新有情皆酒伴無事卽良  
辰臨水風光好桃花欲  
暮春

栖雲閣

卷七

士

閒居二首

未說歸田樂停官已自由  
閑行書估肆小試水關  
舟祛暑聊憑月尋山好待  
秋名場如快飲一醉復  
何求

驟雨方垂幕新晴又捲簾  
卧宜翻畫譜懶久厭書  
籤斷酒期頻改遊山具屢  
漆君平爲送喜驛馬入  
新占

警悟

未証無生理難辭有漏身壽元愁積算樂卽病爲  
隣覺路憐岐路前因悟苦因阿誰同寶筏翹首向  
迷津

感

花開旋卽謝那得四時春何意匆匆去都爲草草  
入山河元自舊名姓幾回新珍重千秋事無爲負  
此身

述夢

栖雲閣

卷七

三

夢中尋拄杖直欲跨崆峒蓬閣三山外鴻濛一氣  
中欲歸忘世界不住到虛空下看天雞小扶桑葉  
葉紅

墳

誰能獨免此今古一荒全但要歌呼去全難涕泗  
留身元如過鳥世已付虛舟大好菟裘在飄零莫  
沒愁

悼亡

鏡影鸞留半東風夜可憐夢爲埋玉世春是落花

年腸斷鴛鴦水魂消過鳩天空將一點恨和淚寄

重泉

哭亡友二首

比歲人琴恨連翩王謝微夜臺疑最樂良友盡如  
歸滄海吞山盡清霜入夏飛寢門多少淚幾度盡  
沾衣

鵬鳥來何遽驚聞轉自傷病花甘早殞飛兔乃先

亡埋玉天如夢探珠事竟荒申池鳴咽水一賦憶

山陽

栖雲閣

卷七

三

慰人喪子

莫訝涕漣漣霜摧玉樹枝寥天那可問浮世本如  
斯香燼三生夢蓮胎萬劫期不妨歌薤露便是步  
虛詞

放歌

知復幾朝在仲眉且放歌花催樽激盞月放舞婆  
娑聽命消前業乘流信逝波唐生真悞矣雪涕欲  
如何

溪上小酌

但對東流水休愁西去烏雲陰濃草樹城影落江湖一曲黃金縷三杯碧玉壺過憐襍穢客解向此間無

少年行

百萬賭博蒲鮮衣過五都長歌估客樂調笑酒家胡袖裏金條脫腰懸玉鹿盧下春馳獵去雨血洒平蕪

次康祿第韻

浩浩乾坤濶吾生固已微勞薪何自苦籠鳥豈忘栖雲閣

卷七

西

飛人是休文病時難賀監歸心期錦水上竹簟傍苔磯

次李吉津韻

猶有鬚眉在浮生竟若何聊將禪板舞莫擊唾壺歌天地誠難問風塵亦易過息心心未得久矣愧蹉跎

栖雲閣詩卷第七終

栖雲閣詩卷第八

刑部左侍郎前吏部左侍郎淄川高珩字慈佩

五言律詩六十六首

東園

岸幘照平池疏麻緝短籬燕忙新雨後蜂懶落花時夢起尋書卜燈殘待客棋壁間題伏日移竹莫愆期

載酒堂

短楫點方塘輕輕燕尾忙風來柳四面人在水中栖雲閣

卷八

一

尖山壓城樓翠峰穿菜圃香便應鋪枕簟吾欲夢瀟湘

卽目

一望綠茫茫城南野興長長溪聲到枕密竹影隨塘郭近輕微雨天炎愛夕陽吾將師柳下袒裼亦何妨

亭前新築高臺二首

改作高臺好長天一望同曠收遙浦月虛納廣城風濃蔓遮簷綠飛花落還紅夕陽猶不盡初月已

朦朧

新篁林自滿長夏更宜過花愛風中舞萍看雨後  
多涼因知北牖夢莫負南柯直待黃昏月匡牀就  
綠莎

野外二首

宜人野外色策杖不辭煩樵牧高低徑鶯花遠近  
村微風吹鶴袂斜日倚柴門囊溢愁沽酒隣家借  
一樽

牽纏遂匝月此夕乍閑遊綠樹人消夏黃雲麥報

栖雲閣

卷八

二

秋臨城堪放眼入舍卽科頭又欲西郊去寒泉雪  
滿甌

新晴

積雨快新晴歡呼世太平招邀宜小飲放浪更閑  
行有水皆添鷺無林不聚鶯便尋絃管試絲竹有  
清聲

晨起

自笑妻孥在居然方外心嫌花輸竹冷愛水較山  
深岳下停樵斧室中抱素琴更思瓢笠去風雪坐

嵩岑 一

洞子溝

纔到幽岳下蕭然意不同迎眸遮寺柳撲面度溪  
風清瑟疑天外長歌似夢中山城三里近只在夕  
陽東

密頭河上

青山登頓倦吾意愛漁莊垂釣芙蓉浦讀書楊柳  
堂荅炊小饒軟歌引大堤長睡起支筇去平蕪滿  
夕陽

栖雲閣

卷八

三

坐聖水溝寺門前

別客廻趨墅沿山曲過灘獨來多藉藉所得是荒  
寒溪落泉分浦碑殘蘚出癰東南峯更好宜向夕  
陽看

過李淦秋山居

閑行入翠微蠟屐淡忘歸谷靜溪聲滿山深日影  
稀鳥醒樵客夢雲起定僧衣便結宗雷社長林話  
息機

寄白東谷太常

此日黃冠長真當署道民宿生居易是晚節玉蟾  
真降謫歡如素浮休夢是身只愁齋解日微醉有  
人嗔

送王子下自里門還京

七月登車去悵然如未歸又將官道絮一拂故園  
衣遊子休回首居人已掩扉良時須努力六翮刺  
天飛

遊東南山

窈窕千峯曲青葱幾徑苔瀑池穿地轉石室自天

栖雲閣

卷八

四

開佳樹隨敲仄幽人信往來焚香翻內景心到鬱

羅臺

閑遊

名士無塵事追尋水石間沉酣千日酒長嘯白雲  
關自喜班荆卧誰矜騎馬還同人皆曰可爭肯負

青山

簡易齋

已恨相從晚遙憐乍返疲須君喜客日是我叩門  
時出郭溪山富懸車日月私閑心無不可爲樂想

難支

東園

清風全領略閑客興翩翩鷗喜新來水蟬爭欲午  
天矜誇酒可聖斟酌奕猶賢殘照依依在諸君未  
可還

避暑

避暑何方好隨緣到卽休花官古殿角柳浦遠溪  
頭夜坐堅邀月晨興早借秋自寬還有衙簪笠向  
西嚀

栖雲閣

卷八

五

野興

赤日行何緩青溪坐正深遙知田畔笠羨我洞中  
琴水瀉千岳雪雲垂萬樹陰提壺待林叟和月或  
相尋

夏夜

四更殘露下約略欲成秋夢斷求重續天空憶遠  
遊風來池北面月掛屋東頭莫便匆匆曉晨光劇  
可愁

秋

白鳥蒼波遠偏憐夕照宜秋歸人靜後雨喚客來  
時楊柳遙峯斷蒹葭故徑移幸君能賄墅攜酒聽  
哀絲

秋日

莫信東方語浮沉金馬門青帘郭外路紅葉水邊  
村古寺僧分座閑園酒滿樽應須仗幽事盡懺市  
朝喧

秋日漫興

識得西風否銀屏昨夜聲行耽流水急嘯具遠山  
栖雲閣

卷八

六

倩草媚蝶翻去果殘禽不爭蕭然皆自得委化復  
何營

與六弟夜坐話舊

坐久涼侵袂疎鐘入夜輕蒼茫追舊事依約似前  
生慶弔年多悞鄉城第屢更流螢如昨暮還向短  
枝明

雨後聞蟬聲

蟬聲咽不盡又報一年秋挾枕千章樹鳴琴百尺  
樓雨意宜穩卧晴日便閑遊騷客殊難問浮生底

事愁

答友人

秋色西風滿吹來錦字書衰容雖已減狂態尚如  
初綠酒真佳士青山卽敝廬迎門應一笑黃葉滿  
柴車

遊嘯園

殘陽駐馬處最好是秋山雲物淡將息園田寬且  
閑匡牀偃仰卧樵牧嘯歌還廣大清涼月遲遲莫  
掩關

栖雲閣

卷八

七

遊青雲寺

漁樵小逕好今日始能來山色寒逾翠林陰午乍  
開屋廬穿澗壑車馬破莓苔擬覓登真訣遲留未  
肯回

秋日

積雨秋如借無風意已涼花低皆亞砌苔上已侵  
廊長日宜敲枕重帷有暗香虛亭生好夢隨意泛  
瀟湘

秋月

不信今宵月清光委積陰絃歌咽夜永風露閉門  
深旅枕遲秋夢殘燈聚宿禽明河凝望久倚醉更  
長吟

秋夜庭中望月

天漢穿簾入盈盈白玉堂哀絃千里夢涼月一樓  
霜燈影連幃遠蟲聲向夜長南溪風已定穩著睡  
鴛鴦

夜遊

閑人無逸興那解夜分遊華子岡頭侵臨臯亭畔

栖雲閣

卷八

八

舟月高天放曠水曲地深幽約略殘燈火東村隔  
一壑

夜坐

滅燭諸緣盡微風細細生殘香人一榻好月夜三  
更夢易湖邊去詩多枕上成高樓河漢接頻起遶

闌行

秋夜

西窓燈未暗影射小池頭白露堪消夜紅裳不負  
秋提壺吾自喜促織爾何愁明月闌干雪茫茫河

漢流

清夜

銀灣星斗浴風起夜蕭蕭月色天鋪雪林聲海上  
潮送歌來繡幕吹夢向蘭茗敲枕支清漏爐香半  
欲消

村居

村居風物好纔到便蕭然清籟樓頭起寒蟬樹杪  
懸溶溶遠浦溜淡淡下山烟一卷從高枕渾忘薄

暮天

栖雲閣

卷八

九

掩關

掩關何所事高枕望閑雲棲鳥爭枝動流泉過竹  
聞盤餐蒸棗熟燈火續麻分已漉松醪未殷勤問  
細君

九日

重陽佳節至風日最堪憐酒合乘秋縱山尤向晚  
妍青溪九曲地白鴈數行天寒儉東籬客聊依錦  
瑟前

高卧



癡矣何多福殘年直至今自緣匡世拙敢謂入山  
深鼓枻隨漁父函經問道林雲陰將作雪高卧短  
長吟

夜坐

黃昏人事寂散髮望星河高樹風來大空庭月占  
多鳴蟲將入夢宿鳥更成歌高枕承天寵長羸解  
網羅

過潁山泊

千尋斜日下百尺板橋浮歷落龜鳧影蒼茫江海  
栖雲閣

卷八

十

流長灘奔渴馬倦客羨閑鷗欲買扁舟去乘風問  
十洲

泰山

扶輿元氣在浩劫尚濛濛獨立滄溟岸高盤青帝  
宮千峯五嶽長一雨九州同漫說崑崙大窮荒故  
易雄

宿南陽村舍二首

立久看忘去長松積雨痕孤亭遂作驛百里未逢  
村溪曲藏山口林閒到縣門幾年豺虎後喜有數

家存

車馬過從少城隅古驛偏青苔生柱底綠水過牀  
前狄鼠將分地蓬蒿欲刺天流移聞漸復深歎長  
官賢

江舟四首

江岸仙人界追思昨夜涼不絲沾鬢雨無跡落衣  
霜月益蒼茫甚風偏窈窕長秋槎如可借銀漢女  
牛鄉

我愛漁舟好飄飄一掌輕卧堪垂素手坐已濯蘭  
栖雲閣

卷八

十

纓逐燕飛揚去牽鷗自在行官船何足畫頗覺負  
狂生

日昃明遙浦山眠橫素波候人紛已靜舟子倦方  
歌爭路前期候詢程衆口訛來舟風解事飛鳥掠  
人過

三楚如天外蕭然幽夢多雲生嶽麓寺葉落洞庭  
波芳草今如此遊人意若何興亡君莫問江上有  
漁歌

孫琰仲取王虞服旅柩歸過于岳陽詩以贈

別

萍蹤宿分在相遇  
岳陽間白鳥沙頭侶  
青螺水面山王程  
驅我去家信附君還  
掛劍五千里高風難  
可攀

武昌道中二首

一丈齊簷綠芙蓉  
劇可憐舟迴三楚水  
雲斷九疑天孤館留  
人坐高臺背雨懸  
瑤笙如可接一笑祝  
融巔

牽夢千峯翠長林未  
易忘畫將青作月夏  
以綠爲

栖雲閣

卷八

三

霜居者常移榻遊人  
定解裝况聞泉漱玉  
泱泱滿

秋塘

秋日湖南

登臨楚客意又似去  
年秋鴈塞千峯出楓  
江萬里流歌聲風卷  
幔花影月窺樓絡緯  
何多事添人五夜愁

送人之金陵

初踏白門路蒼茫楚  
水經秋聲高下鴈旅  
思短長亭僧梵依殘  
磬漁燈散遠汀鍾山  
應有恨未改六

朝青

斗酒

斗酒英雄地興亡感  
未休高眠滄海外下  
聽大江流叢竹綠山  
轉千帆入浦收悠悠  
鷗鷺夢知否有

孫劉

秋夜

遙夜繁砧起天涯那  
可聽燈昏人寂寂風  
急夜冥冥斜漢垂簾  
押殘香簇枕昇空山  
臥坐客重展蒞

珠經

栖雲閣

卷八

三

項羽

天亡誠有據人事豈  
難知父老傷心地英  
雄掉臂時太公生不  
惡義帝死無詞石勒  
如相值參差兩可兒

憶唐文宗語

和親真失計甥舅與  
誰名社稷將無辱安  
危托亦輕豈宜嗔魏  
絳那得笑陳平尚覺  
明妃可琵琶萬古情

丹徒華氏園

水行時息棹散步晚涼天是岸皆修竹無村不畫  
船曲廊牀下水叢樹酒家烟來恨寒霜後橫塘斷  
采蓮

初春揚州

風雨南塘暗垂楊綠未勻輕帆蘭渚路微雨杏花  
春青眼逢人笑蒼頭貰酒頻乞漿元有地莫訝叩  
門人

擬贈郝雪海四首

投鼠誠知罪寒蟬愧不鳴師燭蜀地蹙疏入漢臣

栖雲閣

卷八

西

驚議貴輕編管全生賴聖明盈庭方切齒豈易舊

京行

大有崔亭伯柴門幸接聯白衣三事衲青海五燈  
禪舊疏邊人問新詩過客傳傷心精衛比敢望賜  
環年

燕趙仍吾土翩翩劍履新中山城下路沮水夢中  
身香火酬前願存亡問故人翻思遼海事千載令  
威真

萬死身猶在投荒幸少年談兵元爾素報國更誰

先一節監諸校孤軍定兩川書生堪授鉞淮蔡有  
前賢

舟中

孤枕對蘭橈飛霜入夜驕風寒鷗夢斷波涌月光  
搖遠戍通漁火輕舟漾晚潮鄉心頻計日前路尚  
迢迢

栖雲閣詩卷第八終

栖雲閣

卷八

五

栖雲閣詩卷第九

刑部左侍郎前吏部左侍郎淄川高珩字慈佩

七言絕句詩八十一首

深巷

長衢北下似重阿老樹亭亭百尺柯斜日惟行深  
巷好鳥聲多處綠陰多

途中

丁香花下過清明白鴈風前忽北征二十餘年來  
往處酒帘郵樹似前生

栖雲閣

卷九

贈雪海

西清重到侍垂衣萬死人從淚水歸正可極言天  
下事莫言主聖諫書稀

啓事南臺口占

寂歷烟林入畫圖風蒲貼水水禽呼石橋沙渚頻  
來往金馬門邊見鏡湖

出郭見秋蝶

寥落空村少物華翩翩鳳子向誰家知無國色留  
君賞好去籬根問菜花

時京官多外轉予欲作杭州道爲湖山主人

宿夢常牽越水濱十年氣盡軟紅塵可能乞得湖  
山主換取東華待漏身

秦鏡爲袁松籬作三首

奇珍千載劫餘分玉璽曾留軹道雲人世興亡彈  
指事不煩傳語瀉池君

興亡轉轂見何頻照膽咸陽迹已陳多少人間惆  
悵事金人辭漢鏡辭秦

河山歷歷看來空萬古消沉向此中便是秦時明

栖雲閣

卷九

月在可能還照櫟陽宮

憶家

不是秋來苦憶家秋香笑客戀天涯杖藜韋曲城  
南路歲歲西風十里花

雨中高卧聞早朝者

寒柝城烏夜五更何人呵殿入承明雲窩高卧情  
何似但聽空窓細雨聲

響閭浴

夕陽攜手浴平流響閭灘西狎白鷗此樂莫令朝

貴覺恐爭林壑賤公侯

送貽上二首

青山約略有前期乍聽驪歌攪夢思少折都門西  
去柳霜條留待我歸時

談天有客日相過長笛孤城喚奈何我欲留君風  
雪裏旗亭同聽小鬟歌

贈新從軍二首

塞草青青白鴈高龍香低撥送葡萄平安火遠無  
征戰六博花前解寶刀

栖雲閣

卷九

三

笑脫征裘換苧衣浮雲西北望金微傳聞幕府微  
奇士紫燕乘風出帝畿

贈隣

攜手桐陰又竹籬顏垣醉墨尚淋漓相思誰解相  
關處槐影陰陰過院時

聽雨

風雨寒催夢欲生瀟瀟淅淅亦多情不知誰向空  
窓坐聽盡芭蕉一夜聲

黃葉

漢闕新秋晚照前飛鴻舊驛楚雲邊青山有夢開  
新社黃葉無情似往年

京邸

閑情何計謝緇塵涸跡京華誤幾春久客渾如僧  
挂褡苦無一事報家人

都門

亂後離家駒隙催故園昨日有書來手栽霜果華  
陽館秋半嘗新已幾回

有感

栖雲閣

卷九

四

山川戰地燭髑寒河水東流血未乾十六年來如  
昨夢漁樵已作項劉看

下直

槐影陰陰透晚颺斜陽青瑣倦歸時麝生風味殊  
堪憶散髮紅窓聽竹枝

與友人談

儘教白髮飛揚減但說青山意氣高世上狂終還  
我輩夢中官合讓兒曹

警悟

癡便多情豈有窮老來自覺百分空始知角枕羅  
襦味正與風鸞竹馬同

退食卽事

拋擲牀頭舊酒瓢名花何路解相招殘陽退食惟  
高卧惆悵南塘第五橋

陞官圖四首

三遷一日薄天閭執戟東方是鈍根無限好官增  
眼熱不知彈指已黃昏

賜緋奕奕勝呼盧一擲驚看四座呼揮手雲霄從

栖雲閣

卷九

五

此去幾人垂首尚泥塗

和嶠王戎果孰優局中上策與錢謀卜甌推轂渾  
閑事賸索諸君賂幾籌

三公策免漢家非台鼎由來少息機紙上恩榮深  
似海才登師傅浪言歸

有羨

同在乾坤路各岐閑忙何事各參差如今瘦馬隨  
朝去合是山僧入定時

寓感三首

纔見金烏照海波九衢冠蓋已如梭莫嫌車馬爭  
來急元自城闌路不多

過去飛帆半已沉停桡聊復憇微陰元無萬里乘  
風意只對沙鷗自在吟

百計何由避夜臺塵勞相逐苦相媒分明撒瑟須  
更事猶問除書幾日來

優人

向誰含態向誰頻迴雪腰肢踏錦茵歌舞成來心  
力盡多生啼笑爲他人

栖雲閣

卷九

六

漫興

百尺竿頭下自難沙堤以上更無官輿圖萬里圍  
滄海過却崖州有底看

寓意

八萬天風帝闕高翩翩矯翼自能豪醴泉竹實渾  
無恙腐鼠何緣闕爾曹

涼夜

月出已收侵幕雨簾開仍見照燈花幽懷遠夢方  
千里涼夜清樽正幾家

漫興

纔爭蠻觸天疑小飽看興亡事甚平喜慍尚留難  
語道死生如夢枉多情

看人別

淚當似雨留君在夢定成雲入夜遙江令多情應  
笑我殘魂如許替人消

送客

龍節迢迢萬里餘客星回首望扶胥古人未免留  
遺恨陸賈歸來未有書

栖雲閣

卷九

七

京署懷友人

爰書眯目惟宜睡薄宦勞身那得遊無那懷人方  
遠道不堪作客況深秋

閑居

葵扇桃笙午夢遲荷香隨雨入簾帷薄情燕子相  
將去客裏閑愁祇自知

奉使邢襄道中二首

天上龍章散八行攜來雨露滿邢襄老槐古驛漳  
河水併入南來陸賈裝

燕南趙北意何窮驅馬尋真控綠叢夢裏似曾來  
此地隋家楊柳漢家宮

驛路

烟雨空濛映酒旗金鞭揮斷最長枝征人日暮猶  
回首豐水橋西駐馬時

早行

遙村殘月尚蒼涼客路裳衣半帶霜簌簌平林風  
過處寒鴉萬個點朝陽

見道旁塚

勞勞四海走雙輪欲碾崑崙作細塵終與諸君同  
一卧塚中前輩笑征人

栖雲閣

卷九

八

衡湘道中

楚水南來好驛亭長松高柳到天青經遊第一長  
沙好滿院蓮花待使星

衡湘道上

山水高深各異方兼長合是數衡湘東吳回首無  
喬嶽嫵媚青山似女郎

旅邸夜雨

旅店蕭蕭對短檠淙淙偏急是平明夢回忘却天涯在一樣樓頭夜雨聲

舟行

五兩風微水面寬長年高坐意安閑酣眠乍起江城近過盡銅陵岸上山

江上

舊蹟郵亭尚宛然十年憶自洞庭旋可憐今夜湘沉月不照漁船照戰船

悟

栖雲閣

卷九

九

留侯東閣元難久子建南雲未可知六十平頭晚景好始知早貴不如遲

虎溪

雲鎖廬山面石峯禪關下榻語從容不知來往三生裏幾聽東林寺裏鐘

巴陵道

螢火高低照遠明露涼河漢已西橫夢回不識巴陵道絡緯分明故國聲

旅中食棗

纂纂歌中赤玉脂主人勸客飫餐時三湘却恨歸來晚辜負秋林露滿枝

客路

客路春光似錦城吟鞭搖曳曉霞輕花枝馬背行人笑猶有風情未老成

歸途卽目

百尺松前奏玉笙天風策策紫雲輕仙人謁洞元無暑况對清泉萬壑鳴

贈驛樹

栖雲閣

卷九

十

古驛斜陽月已升清談老樹倦堪憑只緣閱盡興亡事贏得心空似老僧

途中看花

領略穠華在此晨碧桃紅杏莫爭春垂楊萬樹棠梨外綠錦屏風白玉人

途次

雨少風多侵客袂騰騰酷似帝京塵京塵貴重君休厭慣撲人間將相身

歸署



九卿絡繹到瀛臺分步握衣對御回啓事已完初  
日上攜將殘夢署中來

元宵

坊曲盈盈出綺羅畫橋香霧玉樓歌縱然節物燈  
光占畢竟遊人愛月多

清明柳

渭水橋東客舍前鶯黃金碧斷腸天千條烟縷微  
茫裏不道清明尚禁烟

京城柳

栖雲閣

卷九

七

昆明池上柳絲斜百尺盈盈覆睡鴉何不深山大  
澤去也來依傍上陽花

春草

乘時無復怨春寒帶雨籠烟綠作攢生向金塔仍  
是草那堪便作杜蘭看

卽口

雨慳嫩蘚難辭瘦風簇垂楊易作顛圓似官曹煩  
料理山如佳士耐周旋

早朝

夜涼纔睡已驚眠待漏東華怨曙天高位多金猶  
道苦與夫能得幾文錢

戲題

避債臺高劇可憐好官不抵一囊錢聞風樊圃從  
容去學得陶朱後學仙

報國寺

一月招提到幾回長松百丈羽幢開市人熟識應  
含笑又向東廊看畫來

仲續將歸

栖雲閣

卷九

七

故園小圃又東風杏子櫻桃次第紅明日春明門  
外路清明消遣馬蹄中

春歸

杜宇啼春不可留臨江洗馬始言愁清霜只在珠  
簾外白露丹楓未是秋

早起

已送啼鶯又聽蟬惺騰起坐尚思眠不知殘月東  
華漏何故能堪四十年

水關四首

輕鳧蕩漾綠波涼風物長安似水鄉莫問金魚池  
上路一泓真笑夜郎王

臨流飛閣四時秋夾水珠窓映莫愁奪取汴梁行  
樂處金明池上見樊樓

桃葉遙來西子湖秦淮慘澹沒平蕪地靈王氣皆  
趨北移得江南入大都

平湖已羨夕陽開更約良宵載酒來明月高天涼  
露下鮫人爲捧碧霞杯

水關竹枝三首

栖雲閣

卷九

三

田田荷葉水濛濛獵獵蒹蒲剪剪風欲買蓮舟人  
不見棹歌遙過翠林東

得勝門前菡萏鋪漫誇江上有西湖阿誰更作長  
堤主與種垂楊一萬株

酒家亭畔喚漁船萬頃玻璃萬頃天便欲過溪東  
渡去笙歌直到鼓樓前

栖雲閣詩卷第九終

栖雲閣詩卷第十

刑部左侍郎前吏部左侍郎澗川高珩字慈佩

七言絕句詩九十七首

長安歸途

挹來日觀千尋翠洗却燕山十丈塵無奈邯鄲爭  
入夢望中多少北來人

歸來

歸來栗里萬緣輕社酒歌場最有情三月東風芳  
草徧高原攜酒看風箏

栖雲閣

卷十

十

徒步塔寺後巷

步屨城闌愛晚晴槿籬茅屋總多情那知伏枕京  
塵客又向斜陽巷陌行

元宵

百花闌畔暗香輕敢向鈿車想目成一一霓裳皆  
似雪不知好月向誰明

元宵二絕句

絳紗燈隔玉河微金鳳觚稜淡曙暉大似初秋臨  
水見流螢巧作鴈行飛

逝水無情豈自持不堪把玩總如斯一年佳景回  
頭過明日天街寂寞時

元宵雪

夜深已換舊衣裳女伴躊躇嬾下堂雪簪月明遊  
尚好只愁泥泥繡鞋香

春

溪色山光最可憐春來嫵媚似嬋娟誰能歲歲看  
楊柳爛醉東風七十年

粉紅梅

栖雲閣

卷十

二

芳華憶破大江寒軟酒銅坑夢未殘不是清香風  
送過遊人真作杏花看

寄懷濟武南遊

羅浮香夢玉橫斜一載錢塘竟作家賴小墳前西  
去路西溪幾度看梅花

和濟武

皺玉清波花影明道人難盡是閑情願爲文履陶  
元亮聊賦梅花宋廣平

春遊二首

喚客東風大有情朝朝出郭問東城閑行不踏常  
行路緩轡穿村曲折行

春色微鮮半畫眉柳條初長未成絲遊人莫訝尋  
春早酷愛東風乍到時

出郭

出郭先應過酒家馬蹄芳草印平沙薄烟細雨消  
魂路正好橋南問杏花

野園

風過花間添嫵媚水流石畔倍澄清莫嫌睡熟東

栖雲閣

卷十

三

軒久自有流鶯喚客聲

春來

春來佳節故牽連纔過花朝寒食天老病昏慵渾  
不憶泥人穉子問秋千

過故人居

東西村墅恰相隣茅舍迷離憶未真獨倚危樓惆  
悵處欲談舊事更無人

到門

到門柳色綠堪憐一曲清溪百道泉縱使主人深

避客客來元只借牀眠

戲介黃

留戲屠蘇樂未央春風銅雀豔歌長不知同夢殘  
燈夜餘夢能分到故鄉

戲代

學道灰心祇自憐何因與覓小乘禪  
笑他采藥天台去贏得佳人又作仙

東池

一溪萬柳綠陰濃  
樵牧爭來坐卧同  
付與諸君無

栖雲閣

卷十

四

不可有人便不負清風

閑行

夕陽佳麗天如改  
明日端應大好晴  
縱使杏花開  
尚晚綠楊溪上也閑行

郊原雜咏三絕句

雪後桃花尚杳茫  
柳條深碧淺鶯黃  
孤村猶有清  
明意一架秋千出短牆

清泉瀉瀉傍河干  
楊柳新栽日影寒  
他日柔絲長  
百尺不知攜酒共誰看

河舫當年大道旁  
河中短棹泝波長  
如今一一埋  
幽草說向行人總斷腸

五弟書齋

狼籍桃花斷送春  
小窓風過淨無塵  
斜陽忽見臨  
池影六十年前舊主人

寒食

寒食空閨午夢慵  
薰爐留火傍簾櫳  
斷腸春色梨  
花老斜挂秋千細雨中

寒食雜咏六首

栖雲閣

卷十

五

一樹紅妝映淺塘  
東風才過便聞香  
好花亦乞延  
年否小院庭陰又夕陽

煌煌漢殿方傳蠟  
漠漠縣田正禁烟  
樵悴繁華悲  
喜地參差愁煞暮春天

青山東望對層樓  
近郭彎環一水流  
城上風高難  
久立桃紅梨白鎮回頭

桃花柳葉盡多情  
勾引攜樽出郭行  
明日酒醒如  
夢杳回頭昨日是清明

青山如黛遠村東  
嫩綠長溪柳絮風  
烏雀不知郊

野好穿花翻戀小庭中

義和來往本無情，便作蜉蝣了不驚。  
屈指懸弧才幾日，已過七十七清明。

清明

浮生憂樂轉相生，除却神仙盡有情。  
痛哭棠梨歸去晚，還將歌舞過清明。

清明過窰頭水曲杏花未開

杏花寒食燕呢喃，臨水行人勒馬銜。  
記得年年經此地，紛紛紅雪點春衫。

栖雲閣

卷十

六

送王瞻明北歸

到村定自遶溪行，楊柳東風野客情。  
今歲春深山雨少，杏花開已過清明。

楊柳枝二絕句

垂楊城裏鬪嬌嬈，城外絲絲傍短橋。  
橋畔垂楊多野色，應知不及楚宮腰。

樓頭玉笛落江梅，紅杏遲遲尚未開。  
春色三分到楊柳，斜陽日日上城來。

柳枝

嫩碧輕黃雜翠綃，流鶯幾日戀溪橋。  
好陰不肯留人住，枉向東風賣細腰。

風箏

飛翥重霄也大難，如何脫手便雲端。  
偶然借得東風力，已賺羣兒仰面看。

郊行

桃花半落柳絲黃，芒屨沿溪到遠岡。  
翻憶幽窓清夢穩，裊辰風雨似重陽。

尋花

栖雲閣

卷十

七

遠近遊蜂報午衙，牆頭一樹是誰家。  
疎枝到眼何勞詫，曾看西山萬壑花。

問花開

不拘茅舍與精藍，遍訪春叢不避寒。  
常恐花開人不覺，日呼童子到城南。

花發

花發春深倍有情，門前垂柳自交橫。  
荒村空寂誰同話，寒雨連朝倦入城。

看花

遠收光影近能真疎密高低各可人馬上牆頭猶  
戀戀最難忘是未相親

對花

海榴得意占長安芍藥春歸興已闌拋却天香對  
穠豔只慙白髮不宜看

雨後

芳草迷人襯碧蘿閑花落地雨聲多疎疎幾點平  
池滿奈爾鳴蛙得意何

牡丹蕊

猶雲閣 卷十  
改得花闌次作池牡丹移後放應遲紅珠映水春  
如海正是東皇薤藉時

寄頭溪上

柳陰濃處水平堤石徑參天路欲迷忽憶扁舟當  
日事爲看絕壁數行題

閑居二首

夢迴方牋夢迷離猶喜濛濛曙色遲遮莫五更風  
雨惡分明往日早朝時  
曉晴風寒尚不支烏衣舊識語相思可知春色今

多少細草方堦綠滿時

閑

看遍征人益覺閑隔離不必掩柴關偶來樹底俄  
驚雨繞出村來便有山

春燕

天地蘧廬日日新幾家王謝盡黃塵新來燕子憑  
君住莫問當年舊主人

惜芳草

蛛絲鳥跡可憐生童子殷勤運帚輕略掃浮埃須

猶雲閣

卷十  
住手要留芳草襯階行

菜圃

綠綻垂楊百鳥啼雨餘菜甲蘸香泥桔槔聲靜園  
公醉自在春流已滿溪

食新菜

西郭遊魚雲水鄉城南花鳥繫人腸老來恃粥前  
賢意七箸新添菜甲香

暮春二首

每從春晚怨天工細雨無多盡日風庭下斜陽遲

亦好桃花能更幾朝紅

添妝才看丁香雨吹夢將成芍藥風莫訝鵲啼春  
欲去好春正在晚春中

漫興

經繡摩詰終何解術業君平尚未疎室內散花從  
有漏牀頭除易更無書

春殘

綠滿平蕪水滿塘殘花半落尚餘香數椽白水青  
山下口與烏衣共草堂

栖雲閣

卷十

惜牡丹

五日天香已作塵風光空自占殘春如今始信秋  
花好一月東籬看煞人

覓絮

春殘偏憶雪濛濛誰惜飄零野水中霽日微風塵  
事盡綠尋柳絮到城東

庭花晚開

春殘蝶翅捲晴絲嫩綠驚紅乍滿枝占取穠華休  
恨晚隣家花落已多時

看海棠

花枝憔悴人多病辜負春光易愴神白髮蒙頭君  
莫笑當年手種此花人

城隅

綠幕迷天樹百圍清流如帶絮爭飛幾年蕪沒城  
邊路白髮遺民記亦稀

雨

雨足筠籬傍母生鳴鳩逐婦太無情蠶方簇薄猶  
愁濕麥未登場各望晴

栖雲閣

卷十

贈燕

黯黯臺城幾落暉掠泥新自小池歸烏衣不管興  
亡事只向朱門宛轉飛

贈魚

清波瓦缶皺風鱗海石榴花蹙絳巾幾日新荷舒  
似掌腩魚張蓋學夫人

喜新筍

酒樽棋局欲分涼謾謾風來散綠霜怪底清陰覆  
門逕蒲林新筍過檐長

聽歌

麥秀離離陌上歌美人帳下夜滂沱蕪城舊賦雍  
門山四座柔腸暗斷多

嘲鶴

經詫浮笙亦浪傳漫將華胄羨青田餐腥啄腐涎  
垂地不信高飛便是仙

閑立

黃鸝啼處雨蕭蕭彌望平蕪嫩綠饒泛泛孤舟橫  
野渡有人閑立看春潮

栖雲閣

卷十

三

閑居二首

燕子呢喃報晚春東風吹送落花塵雨窓清寂非  
人世應是長安夢裏身

廣庭花竹影扶疎賓客稀來意自娛石上無塵憑  
偃仰分明小駟袁塵圖

卽目

高柳陰陰一道斜小溪宛轉向天涯流鶯日午啼  
應倦閑向池塘啄菜花

堂下作池

移石西堂小作渠愛看波影上衣裾不妨流向牀  
前過置足潺湲坐讀書

新荷

雨餘風露入清和竹影雲光盪碧波爲念韶華易  
拋擲臨池日日數新荷

池荷

紅妝婀娜可憐生盡日清樽對爾傾欲問風塵騎  
馬客牆頭遙望更多情

蓮池

栖雲閣

卷十

三

柳色東西接畫廊浮萍雨後漲銀塘風從菡萏叢  
邊到滅却爐中沉水香

東園二首

芳草如茵接薜蘿東風吹送雨傾荷無心添遺平  
池滿只有鳴蛙得意多

晝長人倦意如何南北分遊蝶翅多處處匡牀儲  
好夢諸君隨意選南柯

西關

青山西望晚霞飛賣酒人家半掩扉斜日趁墟人



去盡閑情久坐斷橋歸

載酒堂雜咏四首

荷纔有葉尚無胎颯颯微風荇藻開誰向烏衣雙  
燕報小塘剛綠便飛來

夜合花前夜漏遲微風白苧正相宜瑤臺不在重

霄上高枕空庭月滿時

綠陰三尺已搖風玉樹青葱憶漢宮不是主人能

種樹隣家槐子落庭中

琅玕拱把昔親栽多少龍孫破綠苔不道平安應

栖雲閣

卷十

古

走報老夫親候起居來

聞蟬漫興

精思蛻白自飛揚羽化涼柯風露香正恐秋蟬他

日悔蜨螂滋味未全嘗

蟬

碧樹青山大道旁鳴蟬分陰競官商須臾雨過千

林靜又換新聲報夕陽

芭蕉

幾日芭蕉正怒生森森濃綠與檐平丁寧已與幽

窓約穩送新秋細雨聲

東園荷花

輸與沙鷗日日來山城欲出屢遲回今朝客自園  
中至爲說芙蓉一朵開

東池風雨

分破銀塘萬點萍輕雷纔過已如傾何人頗解江  
湖意來聽風荷戰雨聲

小灘竹

瀟湘雲夢到應難嘯咏名流只數竿碧玉搖風三

栖雲閣

卷十

五

十里無多宿雨帶烟寒

卽事

雲鎖柴門未易開常嫌車馬破莓苔林青溪碧山

如畫只許幽人看竹來

苦暑

雪海仙山路杳茫人間未敢覓清涼只求晝漏三

分減併向清宵作許長

卽目

碧漲盈盈接暗泉飛來翠鳥愛翩翩不知爲飲池

中水爲看搖風出水蓮

村舍

繩牀移就豆花風，寂歷疎籬野色通。  
畢竟村居風味好，蟬聲也覺勝城中。

村姑

人到村姑意自閑，溪流如帶遶柴關。  
半村斜日漁樵靜，石几高眠看晚山。

栖雲閣詩卷第十終

栖雲閣

卷十

未

栖雲閣詩卷第十一

刑部左侍郎前吏部左侍郎澗川高珩字慈佩

七言絕句詩一百五首

卽事二首

井闌綠滿葡萄葉，籬落紅垂扁豆花。  
窻下蔬畦騷客圃，門前樵徑野人家。

平沙晴久淨無苔，覓地臨流互舉杯。  
莫畏長天斜日影，柳陰十丈過溪來。

邀友人圍棋

栖雲閣

卷十一

十一

空庭棋待客來過，勝負無妨笑語和。  
不必爛柯人換世，午陰已換晚涼多。

月下

庭陰如蓋草如茵，涼月風吹過北隣。  
石枕橫階塵土淨，昨宵曾有納涼人。

密頭卽事

竹下蕭然出世心，屢移湘簟就濃陰。  
斜陽密樹難窮望，便似千嶂萬壑深。

溪上

避暑長林西復東披雲細數塞天鴻長鬚攜酒尋  
應易多在清溪綠柳中

溪園

千章樹暗穿雲合百道泉交怒雪飛短策幾人騎  
馬路匡牀盡日釣魚磯

訪友人

一曲清溪近可通疎籬掩映夕陽中柴門獨有丹  
青意楊柳芙蓉盡不同

過楊用瑞

栖雲閣

卷十一

半

雨後苔侵薜荔深小齋猶喜綠交陰客窓夜話期  
重聽惆悵先生已賣琴

感舊

亭軒舊地盡蒿萊石丈蕭然立綠苔憔悴繁華何  
足問只如閑看故人來

悼宋直方

荷衣枉說遂初閒虛結茅茨傍水灣七十二峯殘  
照裏何年林屋令威還

漫興

喃喃兒女已無情并笑英雄似老兵鐵綽板猶非  
我意排雲須作步虛聲

東園三首

鉛道雲峯洞壑幽何如散髮卧溪頭揶揄笑向東  
山道輸與般波一道流

風皺銀塘瑟瑟秋柳絲百尺蘸平流離披影已吹  
難去况有流鶯在上頭

豆花放後雨絲絲曉日初晴晒粉宜蛺蝶便應頻  
見訪涼秋汝住不多時

栖雲閣

卷十一

三

聞西樵歿二首

雞骨支牀血淚新夜臺猶是雪衣人名流江左於  
今在和嶠王戎共一身

來往中陰掉臂行人間文度尚關情知君已到金  
沙界爲報蓮花幾葉生

戲贈易齋二首

三年萍迹魯秋胡千里高軒秦大夫瞥見提筐疑  
不盡黃金可試道旁無

青蛾不獨怨分攜白兔斃斃東又西織素織綠何

似好新人惆悵舊人啼

贈人悼亡二首

白骨紅顏自古哀  
返魂香遣幾人回  
閒堆腸斷蘅蕪草  
莫爲相思入夢來

畫闌桐發愁新綠  
寶抹脂殘怨舊紅  
反爲月明愁此夜  
照來寬斷繡幃空

枕上

枕上遊仙更不疑  
南柯命駕莫遲遲  
空庭客去槐陰轉  
正是淳于欲睡時

栖雲閣

卷十一

四

書眠

庭前山翠落莓苔  
庭下琅玕手自栽  
睡訣五龍新授得  
夢中親訪華山來

長眠

高枕人如天上遊  
南柯何事早回頭  
已知便作千年睡  
破夢晨鐘更不愁

睡起

竹塢花闌赤日長  
畫屏寂寂帶殘香  
鶯聲喚醒瑤天夢  
又是西窗半夕陽

溪上

湘簾筠樓對水開  
纔停葵扇好風催  
高低乍見沙鷗起  
應有行人問渡來

東池

微涼忽上越羅衣  
呼馬還停到落暉  
不是貪看花滿眼  
好風未肯放人歸

對盆水憶道開泉上坐

瓦盆風動浪痕圓  
梧影蕭蕭挂遠天  
忽憶山村臨水坐  
科頭竟日對寒泉

栖雲閣

卷十一

五

朝

老去精神信未真  
攢眉愁蹙軟紅塵  
林閒扶杖朝端健  
世上英雄大有人

秋海棠

團扇西風漸欲收  
長生殿下望牽牛  
不知嬌卧時多少  
檢點紅裳已到秋

南臺看小蠹化飛蛾

繭室翩翩羽化年  
飛揚乍欲刺遙天  
纔驚蟬蛻乘風起  
多少蜉蝣慶選仙

秋日邀友遊東池

閑中賞會古猶今  
嵇阮相逢定入林  
酒近清真名士味  
秋能消散道人心

山村

村落西風景物奢  
家家茅屋挂匏瓜  
秋光不屬繁桃李  
付與疎籬扁豆花

秋日感懷

大火西流感易深  
客中無那是長吟  
季鷹何止思莼菜  
秋雨秋風總到心

栖雲閣

卷十一

木

夜聞蕉雨

更深斗帳乍蕭蕭  
只有殘燈伴寂寥  
不是夢回聞細雨  
那知窗外有芭蕉

嘗果

聞說王家十八娘  
摘來三日便無香  
勸君莫負枝頭果  
曉起穿林帶露嘗

京署夜聞風聲因憶去年此日泊舟江上

安慶城東晚泊船  
江風霜柝夜蕭然  
分明湖海餘聲在  
又向長安攬客眠

秋池荷花

清商零露已相欺  
猶喜盈盈見一枝  
此後孤芳合珍重  
風光非復豔陽時

偶感二首

世事元知是幻緣  
不平隨地尙相牽  
填胸五嶽衝冠髮  
未覓神仙覓劍仙  
累葉簪纓夢已虛  
脊壇投筆意何如  
陰符正好從容看  
元是軒轅正道書

卜

栖雲閣

卷十一

七

自愛閑行卜肆前  
人將消息任流年  
披簾一笑無他事  
聊與君平送酒錢

秋蝶

翩翩白蝶襯秋光  
斜日輕風有底忙  
大似幽人閑不耐  
也來乘興繞池塘

秋

霽色頓如天可接  
秋聲偏與夢相求  
丹楓極浦宜臨水  
白鴈寒雲數倚樓

秋夜

喚愁笛莫催秋老避舍雲能放月晴老去風情難  
一笑歌來河漢易三更

蕉雨

風動仙鸞尾滿庭幽人敲枕幾回聽雨聲昨夜添  
多少又展芭蕉一葉青

秋夜雨二首

蕉花梧葉各颼颼靜掩重門燕子愁莫怪蕭然涼  
徹夜無風無雨不成秋

細雨三更未肯休峭寒真箇是深秋山窗元與天

栖雲閣

涯異聽盡蕭蕭不作愁

聽雨感懷

幾載天涯故國情栖雲閣下野花明今朝卧聽梧  
桐雨何似東華夢裏聲

感興

弔客青蠅亦可憐死生只要兩超然一抔掩却無  
窮事參透劉伶荷鍾禪

良夜二首

良夜渾疑世已空單衫消受是微風分明四十年

前月又挂長松五鬣東

疎春寂歷度重門華子岡頭意可論不盡犬聲來  
枕上嚴城中夜似山村

野興

荒陂秋水子牛鳴被畝寒蔬草棚橫平楚何人殘  
照裏酒罍斜挂蹇驢行

病中寄子下

伏枕匆匆畏景斜兼旬曾未到君家紅裳褪後蓮  
房重開盡閑庭夜合花

栖雲閣

窘藥

清河珍藥積如坭病到陶朱自易瘳一豎新來渾  
解事別分佳急與黔婁

病餘遣興

支頤短杖青山近曝背空齋白日長病起乍如人  
隔世心閑聊當客還鄉

閑居

閑客從來怕有情纔關我事便營營花能隔舍看  
方好雨向僧牀聽更清

卧看庭下梧陰

羲皇未解是何年風雨梧陰意灑然不信淵明當日語試來卧我北窓前

憶東池

塵土情懷亂若絲那能容易到東池好花同盡無人賞惟有溪鷗一一知

聞笛憶故友

短杖單衣野寺旁衰年惟識舊斜陽自從記得山陽賦長笛無聲不斷腸

栖雲閣

卷十一

憶都門西山

淙淙蕉雨酒盈卮十載空山入夢思永夜泉聲鳴枕上來青閣裏醉眠時

夢

三生香燼世無涯噩夢茫茫舊事差縱使重來如柳絮飛揚知復在誰家

卜

病骨閑心怯世緣端宜至壑置身偏燈前愁聽君平說還向塵中二十年

秋無釀料

琴本無絃作枕眠科頭三逕意蕭然新來陶令閑情減檢點西成欠林田

六十七中秋

白髮清樽典易闌蕭條辜負水晶盤中秋六十七番過只作尋常月夜看

老

往日嫌人雪滿顛如今何計取人憐風情未肯甘遲暮只怪相逢盡少年

栖雲閣

卷十一

偶成

纔展靈樞意自驚久宜百死偶然生已知蒿里無多假日向刀頭劍脊行

社燕都來忘往返雪鴻那復憶東西十年楓下人空老千樹桃邊路欲迷

悶坐用寒字

鎖月蟬紗夜已殘離枝愁葉向秋寒爲花請假溫存足與酒題名懊恨寬

有所思

悵望南雲有所思  
楓林蘭渚女郎祠  
寒鴉飛盡行人少  
對酒長歌薄暮時

無題

鏡中憔悴恨難傳  
人道顰時態更妍  
妾正倚牀郎作客  
却于何處得相憐

閨情

楊白花飄拂  
畫檐黃鸝恰恰雨  
纖纖合歡纔繡鴛  
鴛頸拋却金針自卷簾

聞蟬

愁生聞見情爲累  
電轉春秋去不停  
一任寒蟬勾落葉  
道人只是未曾聽

回頭

永州道上千峯玉  
鄱縣江頭一葉舟  
萬里征夫斜日影  
十年前事莫回頭

竹

千畝淇園蔓草長  
連昌宮畔亦荒涼  
殘枝好向柯亭去  
還與人間訴斷腸

東方生傳

執戟酣歌肆滑稽  
金門誰識歲星栖  
怪來大隱飢將死  
那得餘錢買小妻

明妃

琵琶幽咽悵君恩  
寵辱由來未足論  
何似華山毛女好  
仙人掌上拂蓮痕

禰生

七尺昂藏笑自仇  
鄴中不死楚中遊  
惹將刀槩綠詞賦  
何處青山少一丘

太平廣記中鄭餘慶寄書事

狡獪從來未易量  
一盃醪醕竊何妨  
神仙自古偷兒事  
朱鳥窓前漢侍郎

九月八日過受之弟齋頭

柳絲秋老自然黃  
三逕蕭蕭不待霜  
黯淡孤城雲似夢  
欲將風雨逐重陽

山村

短杖山腰步履輕  
小村紅樹遠相迎  
溪深不見清波綠  
錯道鳴泉是葉聲

九日



龍山落帽失童心乍覺堦前衆壑深未敢平原門  
下去美人樓上笑難禁

憶五弟山中

策策芒鞋小尚平穿林度壑問山名可知今夜西  
峯月曲傍幽人杖履行

遊山

十年幽夢憶山家石上泉聲嶺畔霞便過甕邊休  
盡醉留將一半待黃花

栽花

栖雲閣

卷十一

南

年來布置興無涯籬菊寥寥未足誇要使小庭如  
小圃不教一尺地無花

淵明家伎圖

五柳庭中度管絃東籬秋色更嫣然人生努力爲  
官好彭澤歸來有俸錢

自笑

塵蹤那敢望三丰人道丰姿約略同爭海仙山無  
不可金沙池上葦珠宮

戲作

莫問麻姑滄海波雲璈且和慢亭歌飛符只取餘  
杭酒六甲行廚也厭多

閑

百計難消萬種思寒灰枯木是吾師支頤閑對秋  
花坐頗喜今朝未有詩

戲贈柳在斗

柳四先生未可輕淵明相遇定呼兄不辭五斗腰  
曾折百折柔腰更有情

候仙園有感

栖雲閣

卷十一

三

素壁熒熒醉墨顛芙蓉花落客淒然何人分我西  
州涕也對清溪嘆逝川

贈翌明

揮絃猶憶少年歌子野如今喚奈何閑向風前吹  
一曲從他白髮上頭多

栖雲閣聽鄰寺樹聲

古寺長林相與清閑庭獨立夜濤生十年塵事風  
吹盡不辨波聲與葉聲

坐臨水小閣

臨水柴扉鎮日關漁歌聲斷雁鵝閒夕陽小閣收  
書坐細看溪東遠近山

空庭

荒寒轉覺益清涼此地偏宜入尺牀半夜夢回心  
骨冷無風也愛月如霜

慰人斷絃

鷄鶉百歲影終分紅淚琴臺濕斷雲若較相如君  
有幸預將渴病哭文君

過子下

栖雲閣

卷十一

末

疎燈影淡襯莓苔花外重門半不開知道幽窓人  
睡少驚秋風雨夜深來

口號

門啓任從風四入燈昏須讓月孤明殘妝花懶偏  
多態破夢烏啼乍有聲

感興

顧俊曉曉正競鳴汪洋叔度似無情那知衛樂清  
談外別有經營老士行

東阮亭

升墜難知轉世因聰明元是暫時身欲知彈雀明  
珠賤比似文人與貴人

偶拾松枝

同雲癡懶占層巒敝絮離披歲已殘拾得枯薪添  
土銓不愁風雪夜分寒

蠟梅

蠟蒂細衣影亦妍追隨殘菊晚霜前春光自許能  
先占喚作名花恐未然

雪

栖雲閣

卷十一

七

銅坑元墓太湖隈畫舫清歌載酒來河朔少年渾  
不信梅花萬樹雪中開

雪夜口號

剡溪一棹路漫漫未到門前興已闌不見戴公猶  
自可野舫無酒夜行寒

栖雲閣詩卷第十一終

栖雲閣詩卷第十二

刑部左侍郎前吏部左侍郎淄川高珩字蕊佩

七言絕句詩九十七首

元宵後赴三里溝

闌珊燈火夜來塵短杖殘樽野水濱昨日快遊今日卧村村斜照靜無人

展三里溝門前溪

東風吹水綠參差展拓江湖在此時半畝橫塘斜引處新開別業待鷓鴣

栖雲閣

卷十二

三十年前課文竹間室

俯仰乾坤付劫灰春來花鳥舊亭臺三楹破屋千竿竹曾見相如作賦來

憶舊遊

藜杖東風逸興奢隣村處處有梅花細詢開日誰先後排比連朝置酒家

同諸弟遊趙段溝

沙中細路青溪岸厓畔微陰綠草坡繫馬高眠塵事盡也堪一局爛樵柯

遊洞子溝

幾樹垂楊綠染衣小溪添取釣魚磯不妨洞口攜書卧縱有行人識面稀

題子下壁

蝶喜蜂爭意自私東風偷入短長枝欲呼竹榻尋仙夢待爾芭蕉綠滿時

太河道中二絕句

尋春晴日便閑行疎柳烟寒未見鶯狂煞東風亂蜂蝶杏花如雪媚清明

栖雲閣

卷十二

十

驢背風吹布帽斜曲溪轉處見人家山深誰道迷歸路記里分明有杏花

沿孝水行至賈村訪張嗣宗

遠山青被近村遮策杖行吟日未斜白石細沙三五里便隨流水到君家

袁家莊沂流西行

短杖沿流蹙浪紋溪山曲折杳難分不如高岸看能遠下數前灘鷺幾羣

題寶塔寺元時碑

苦信殘編定是癡古碑題字豈吾欺分明曾改般  
陽府今史方輿奈未知

早

四月南風麥欲枯官家猶督去年逋祗應傳說能  
霖雨知入深宮夢裏無

過歌場

乍歇歌場客欲愁君平卜肆一時收斜陽瘦影消  
今古盡在街東賣酒樓

過友人別墅

栖雲閣

卷十二

半

深巷無人徑欲迷柳絲弄影畫檐低流鶯得意閑  
來往啄盡櫻桃自在啼

過友人園亭

竹樹軒楹宛轉通過門安敢道匆匆莫因剥啄頻  
相厭特借清流與好風

張相國廢圃

綠野堂傾石丈存嵯峨猶帶舊苔痕曾經相國衣  
冠拜合作前朝耆舊論

候仙園二絕句

細雨隨人不厭多愛他沾濕脫重裘預期高枕聞  
雷後明日諸溪漲綠波

蜻蜓風定抱花癡茅屋無人燕子知兩月不來花  
滿徑新篁爭送隔牆枝

笠雲閣下作二絕句

清波激盪動銀塘鏡裏嬋娟正豔妝添出酒帘幽  
意好解鞍小醉藕花旁

謾道虹橋又彩舟藕花蒲葉伴眠鷗臨平莫作江  
南夢箇是山城小錦秋

栖雲閣

卷十二

四

坐石磯上是孝水般水合處二首

清風偏傍曲流隈白石還同步障開要識綠陰中  
好處須從赤日裏行來

逝水飛花閱古今往來郵遞莫沉吟垂髫黃髮行  
還坐盡是前人老樹陰

潯山泊

水鋪萬頃玻璃地雲襯千層翡翠天已覺途移存  
老樹乍疑山出是朝烟

南定別墅

懶水閣前絲柳長新篁簇簇綠相當榴花日射熏  
籠火荷葉風吹醒酒香

河上

杖藜先問釣魚磯策策微風上苧衣野外鳥聲偏  
可愛譬如高士到城稀

傅家灣

遠樹長橋圖畫開沉沉斜日尚徘徊大如輕薄丹  
陽尹一个漁舟日日来

新城道中

栖雲閣

卷十二

五

新城南去好清溪欵欵東風送馬蹄尋得當墟堪  
一醉杏花猶在酒帘西

至新城

新城南下水浮天過客停車喚小船薄日酸風騎  
馬路白鷗相對語桑田

山家

枝頭作雨白楊葉籬畔搖風紅豆花客到解鞍溪  
上坐不知沽酒向誰家

南湖

綠皺清波浴素鷗人從晴日愛林空閒遊爭道秋  
光好不信西堂宋玉愁

湖上

無緣歌扇共清宵腸斷花前百尺橋秋意欲來先  
報雨滿湖烟樹自吹簫

湖上口號

一葉蓮花寄客身滄溟東去是通津不妨直取蓬  
壺路此日仙山正少人

野寺

栖雲閣

卷十二

六

閒雲似欲欵柴關遮莫忙人到此閒流水長松殘  
磬寺落花飛鳥夕陽山

古寺

槐綠如雲塔影斜關風伏雨梵王家門前爾許閑  
田地不種優曇萬樹花

入寺

名藍纔到意仙仙閑坐閑行客自便竹院松壇皆  
世外不逢僧話更蕭然

行僧

未必宗門繼一燈宿生雲水愛擔簦顏垣破屋欣然坐半個蒲團一個僧

過友人村居

入戶蕭然擲馬鞭嚶嚶鳥語促高眠南窓幽夢元堪借只在青林綠水邊

山遊

野意閒循熟路行逢人到處問村名芋畦瓜圃柴門外逐客流鶯作意鳴

仰天遊詩十首

栖雲閣

卷十二

七

身似銅梁玉壘迎仰天槽畔落鐘聲驕驄遲鈍非無意紅葉林中不肯行

壞壁前題掩綠苔金堂有分待人開十年未脫多生垢慚愧名山又到來

仄徑延緣一線開山腰選地坐莓苔那知俯首千尋下猶有行人策杖來

遊蹤絕地欲參天垂脚千峯萬壑前不是虛空驚失手那能取次墮人間

山腹空懸濺沫垂遙通滄海舊來疑誰穿石罅褰

裳入或是桃源未可知

桐葉楓林半變霜千山斜日亂丹黃紫綵步幃酸寒甚已入錢王錦繡鄉

重岡高下斷猶環殘照荒荒宿鳥閒八百里餘青不盡千峯東去到勞山

渴擲詩瓢欲發狂似聞滴瀝暗泉香懸崖特吐蒼龍髓付與高人自在嘗

谷遠路逢流水轉山深村受夕陽重炊烟裊裊西風外只隔前溪一兩峯

栖雲閣

卷十二

八

馬上清歌足解顏溪聲林籟共琤淅空山清遠宜絲竹未許遊人索莫還

河上

繫馬開樽孝水濱麥場風過靜無塵籃輿南指山陰道笑折荷花贈遠人

友人入山

猿鳥西風足往還知君佳興與秋關年年紅葉長相待白鴈來時定入山

山遊迷途問主人田姓者乃得徑

溪轉雲深徑易還枯藤老樹不知年無端邂逅田

山叟得到華陽小洞天

宿亡友家

高館蕭閒幾几清熒熒殘燭月三更依然舊榻分  
明下笑語相看屬後生

楮樹堂躋高厓探五雲洞

繫臂長繩瓊裏頭陰平覓路走江油可憐鄧艾癡  
狂甚不覓神仙覓微侯

五雲洞

栖雲閣

卷十二

九

千丈摩霄聳玉臺杖前紫翠向人開已知邀得山  
靈喜迎客清溪出谷來

古寺

白楊凋盡尚多風古寺無垣暮境空廊下僧雛燒  
落葉茶烟一縷破窓中

山遊歸

碧嶂青溪自此分相隨慙愧嶺頭雲遊人自愛紅  
塵去豈有各山逐客文

途中

長途殘照萬峯明息馬荒村旅興生有客青帘呼

酒坐何人紅樹杖藜行

自笑

須知身世兩亡羊未審迴頭是故鄉岐路重來應  
笑我晶瑩雙鬢足秋霜

客况

客舍孤衾雨雪涼雞聲燈影下藜牀何如尚欠東  
華債丹鳳門前一夜霜

旅館

栖雲閣

卷十二

十

飢馬爭芻夜向闌啼鴉飛去漏聲殘北風掠地長  
林吼不跨霜鞍夢亦寒

大夫松

西峯得得又東峯先聽天齊曉殿鐘五十餘年重  
蠟屐故人惟有大夫松

沂水道中

沂水南來斷鴈啼晴堤驛路淨無泥斜陽一抹沙  
如雪碧水青山送馬蹄

黃河水解

河朔天寒積雪橫東風吹出斷冰明朝暎乍上殘  
漸下萬馬西來鐵甲鳴

畏途

童僕殘年乞早歸畏途瞻顧識人稀過淮便覺南  
音少細馬雕弧短後衣

揚州城外

輕車不過市橋頭蓬轉江郊到遠至過眼繁華元  
是夢寒烟一抹失揚州

揚州

栖雲閣

卷十二

二

殿脚垂楊夾岸栽楊家天子舊多才墓田合傍山  
光好直爲雷塘特地來

江舟口號

遲速風帆任宿因何須判豕賽江神今朝伐鼓鼓  
篷坐大似人間得意人

有感二首

玉階級平飛獵馬金鋪薜長黯宮城猶留雲氣三  
山在莫聽江流六代聲

屈指繁華六代都蜉蝣弔古任抑掄阿房繡嶺何

曾改元是青山與綠蕪

舟行三首

官樹郵亭簇簇新攢眉車馬入紅塵連朝蓬底枯  
禪坐又羨閒行岸上人

送目船窓古岸昏前灣彷彿綠楊村不知何處漿  
堪乞開徧桃花人倚門

長流浩浩幾時休破浪心情已倦遊夾岸垂楊樵  
悴甚只堪繫著釣魚舟

舟中口號五首

栖雲閣

卷十二

三

波平日暖水無烟獨立船頭意浩然撾鼓賦詩兼  
飲酒乘流真欲上青天

梅花奏角夜遲遲好月船窓意自私更愛空明天  
水影漁村燈滅是眠時

瀉盡銀河迴不愁崑崙一滴幾時收憑舷翹首扶  
桑外想像歸墟納萬流

點點遙村數得無刺堪穩睡過朝晡却愁晏起金  
烏出失却輕陰細雨圖

驚起沙鷗避釣緝微波盪散魚鱗飄將旌尾當



船塢得意舟師拜水神

漁父

菰蒲獵獵濛濛雨向漁舟聽最宜  
萬頃玻璃千點鷺半醒半醉棹歌時

華氏園

率爾循籬未得門孤舟且繫老梅根  
栽花種樹渾多事十萬琅玕綠雪村

越中雜咏三首

越水歸帆鼓棹行長歌一葉入空明  
天隨尚有能

栖雲閣

卷十二

幸

言鳴共爾溪頭泛曉晴

老樹濃陰彌望中如椽修竹萬竿風縱饒  
花露無心飲綠醉紅酣定不同

夜行虛放子猷舟亭午蕭山又滯留  
斜照渡江應自好不過今日入杭州

七里灘

七里灘聲雪浪開懸厓百丈沒蒼苔  
朝歌亦是回車地未及公卿忌釣臺

七里瀨二首

釣臺千丈水雲孤傲睨何能耐世途  
如此溪山良

不惡羊裘真是挂狂奴

故人雅意似綈袍同卧蓬蓬興亦豪  
一作公卿那復爾台星元讓客星高

中秋作客

塵緣消遣自風流家是樊籠種種愁  
萬事不知惟痛飲便宜客裏過中秋

憶白下竹

傍寺歸溪萬玉繁插天青鳳羽翰尊  
願隨荀訓分

栖雲閣

卷十二

南

身去有竹人家徧叩門

柳

南歸好友贈新詩祖帳青門得意時  
從此改爲歡喜樹不須仍折斷腸枝

吳山口號

飄飄客子滯風塵來是青秋又見春  
久與吳山稱好友山靈恐亦愛新人

憶辛卯以臘月離姑蘇

翠羽羅浮夢久賒臘前草草喜還家  
如今翻恨還

家早不見銅坑鄧尉花

南菱

青梨如雪齒難勝還讓江南紫角菱說與北人渾  
不信請君六月到吳興

過江

江干殘照尚當頭海面風來送去舟瓜步潮回人  
卧穩闌珊燈火到揚州

渡黃河

拜祝陽侯風日嘉中流擊汰似乘槎南來慣怕江

栖雲閣

卷十二

五

湖險纔過黃河已到家

舍舟從陸

曉枕茅茨燭影昏故鄉轉近轉驚魂五更驅馬寒  
霜裏猶有篷窓睡味存

宿高橋與吳門皋橋同音

渡河八月客程賒漸近青齊問酒家喚作皋橋空  
自笑可能駐馬看梅花

渡汶水

汶水湯湯津渡迷征途今落穆陵西不須更憶扁

舟好如笑春山待馬蹄

栖雲閣詩卷第十二終

栖雲閣

卷十二

六

栖雲閣詩卷第十三

刑部左侍郎前吏部左侍郎涪川高珩字慈佩

七言律詩六十八首

北上道中二首

荒原高下斷蓬驚不審何朝此廢城父老未能言  
舊事流移且喜競新耕歌場煖長優伶氣古殿風  
收燕雀聲據榻清涼如世外好憑殘衲悟前生  
夜語闌珊嘆語訛童奴耽睡耐譙訶荒村災重曉  
雞少大道年殘歸騎多醒夢從堪參鼓漏東西未  
栖雲閣 卷十三 一  
可定星河爐頭幸有餘樽在隨意挑燈起嘯歌

壬午元宵

年少輕拋無計償已知容易負春光太平盛事趨  
逾下薄倖良時過易忘著意尋歡知興淺與春作  
劇讓人忙不知天祿中宵火得傍青藜幾許長

元夕次吉津韻

花信輕寒不礙晴乞來休沐任閒行從教枹鼓聞  
三輔不用車輪逐兩生短策縈塵爭大道長刀佐  
酒割鳴箏同心握手能無醉莫負星毬萬點明

次韞退元宵韻

曼胡珠勒蒲梢馬短劍輕衫御道平雙闌紫臨燕  
月老九枝青動漢宮明行瞻北斗星河近醉倚東  
風笑語生懷抱總添風物換攤書空憶夢華名

次坦園韻

遠岸鶯黃柳漸舒走從詹尹卜何居幽栖舊譜心  
偏憶漫士新銜手自除芸閣豈容嵇叔嬾蘭臺未  
就孟堅書丁丁宮漏黃雲暮悵望昏鴉下直廬

送客之楚

栖雲閣 卷十三 二  
預借春風送客行千峯晴日賦南征河臨瓠子嵩  
全出江照梅花漢水明短策頓離驅馬路長歌行  
接斷猿聲桃源父老如相見爲報年來已罷兵

贈王松侶

布袍芒屨踏京塵紫陌東風浩蕩春海嶠幾年容  
浪跡帝城今日見閒人書如薑桂偏宜老囊有珠  
璣不受貧投綬東歸知有伴十洲隨地可垂綸

贈施尚白視學山左

才名獨步白雲司久識西曹絕妙辭掌故重驚施

氏學殊方應織宛陵詩虞廷四岳爭推穀稷下諸  
生共得師滄海魚龍翹首處迴看冀北馬空嘶

偶成

天涯芳草望中深漫興春來總越吟客子情懷渾  
耐酒帝城風日不宜陰厭留宦邸匏瓜夢懶去公  
車泣玉心世事參商皆似此爭嫌明鏡曉霜侵

送人返里

去住隨緣度歲華浮生何許是天涯歌殘夜醉銀  
罍酒坐久燈垂金粟花往事十年人憶夢春風二  
柳雲閣

卷十三

三

都門寒食三首

蘼草青連瀧水濱就中難著宦遊身聽鶯柳浪徒  
評畫走馬蘭臺不常春幾日禁烟飭粥舊昨宵微  
雨杏胎新年年未識東風面總爲穠華解悞人  
翻嫌寒食到匆匆老去情懷漸不同春事頓拋鄉  
夢外雨聲全在客心中相爭燕颺東西水欲放梅  
商冷煖風最是衝泥朝鳳闕禁鐘纔斷火城紅  
萬年天地尚多情作使閒人樂事生青眼柳窺挑

萊女紅樓人夢賣花聲燕爭社日驕春雨角起霞  
天報晚晴爲促君歸多釀酒好隨簫鼓過清明

寒食同子下子濂竹浦小集

細馬燕姬寒食天故人一笑閱華年吟懷遲日鶯  
花際琴思長松水石邊已破海棠三月夢莫驚宮  
蠟五侯烟城南載酒當時路回首天涯意惘然

感事

吾負青山恨已遲移文驚看鬢邊絲若思南省真  
成妄便盼西臺也自癡畫裏欲尋三島路夢中偶  
栖雲閣

卷十三

四

卽事

寥廓談天碣石宮市中擊筑更誰同夢來燕子東  
風外春在丁香細雨中對酒歌宜金錯落拳帷珮  
憶玉玲瓏雲間尺素誰相寄翹首迢迢問社鴻

有感

帝里深春戶自扃驚聞闐闐下雷霆金銀氣掩文  
昌座貫索城填宦者星痛哭唐衢寧解笑沉酣阮  
籍不教醒賣漿屠狗皆吾偶何事元成業一經

韋公寺看海棠二首

燕子初來杏子酸，早朝幾度又春殘。  
莫嫌逆旅鶯偏澀，但出城闌地自寬。  
縱使海棠噴醉客，豈無芳草待吟鞍。  
風光好處皆遊遍，不信如今是作官。  
占斷穠華別有情，妖姿帶睡亦傾城。  
三章約法棋書酒，一夜關心風雨晴。  
藜杖自當酬語燕，金樽可忍負啼鶯。  
出門無限尋春路，笑煞沾襟阮步兵。

咏孫二如新寓梨花

肯將妖豔競春光，風味真宜白玉堂。  
百寶欄深遮

栖雲閣

卷十三

五

鳳子三更月，淡照霓裳梅花已笑徐。  
孌老蘭佩空輪楚，客香結子金盤永。  
雪冽山中長史合先嘗

題友人園亭

息機何必入山深，三徑蕭然抱一琴。  
花傍酒開香更遠，鶯聞歌至友相尋。  
碧溪洗研書生業，青隴鋤瓜故老心。  
何日期君同命駕，南宮舊事話桑陰。

都門贈起東

白苧新衫著體輕，客來連日問閒行。  
明窓敲枕談初劇，倦手拋書夢已成。  
風靜庭花嬌有態，日長乳

燕寂無聲新蒲一寸波，三尺滿眼瀟湘萬頃生。

過內湖分韻得五歌

太液三洲事若何，空憑柳浪憶銀河。  
忘機白鷺穿林雪，隨意青錢散水荷。  
遊客乍來詢玉輦，夕陽不斷上漁蓑。  
漢宮春盡蘅蕪老，惟有銅仙涕淚多。

送王子側表弟歸里

杏子微黃蝶亂飛，芡衣初試玉驄肥。  
陸機入洛年方少，賀監抽簪志久違。  
已耐垂楊飄絮老，何堪痛飲送君歸。  
錦秋湖上花如錦，莫惜扁舟傍釣磯。

栖雲閣

卷十三

六

送人之江西

槐里天低月影清，檀槽風雨夜來聲。  
擬將秀靨留君住，何事流鶯喚客行。  
錦字遠煩彭蠡鴈，布帆高挂豫章城。  
遙峯青眼如含笑，知有匡君絳節迎。

送鄉人歸里

垂楊無際雨濛濛，千里隨君到濟東。  
地出青門辭陸海，人同黃鵠駕天風。  
舟拋三峽波非險，負釋千金路未窮。  
故國好山相對笑，青青一望暮雲中。

贈里人

花嶼松風舊業存  
樟山遙帶綠蘿村  
快談足使天荒破  
薄醉方知麴部尊  
白髮圖書消藥裏  
緇塵車馬憶柴門  
幅巾何日東歸去  
下榻存亡與細論

示友

握手燈前夜未央  
冰心錯道是疎狂  
開樽乍可傾三雅  
爭席何須愧五漿  
楚客大山叢桂賦  
蜀江小滌浣花莊  
倚樓不盡驚人句  
新濯薔薇露已香

署中與福兄談志

蔭陰小立話心期  
窮相樛材自可知  
多病已嫌醫

栖雲閣

卷十三

七

藥妄言歸空重友  
朋疑墮身婚宦真  
前業入社漁樵定  
幾時纔念抽簪殊  
自喜祈君先作送  
行詩

南臺卽事

綠水分流宛轉通  
五雲樓閣入空濛  
紛披樹色隨心異  
自在鶯聲不約同  
帆影乍移朱檻上  
荷香忽起畫橋東  
曲闌無限江南意  
肯信風光是帝宮

過子下新居

衣桁蜻蜓綠影雙  
青絲碧井響淙淙  
憑闌柳織千家雨  
臨園花吹四面窓  
休沐乍知酣睡美  
談諧已

覺旅愁降貝多翻罷踟躕坐  
自豎閒居精進幢

過敬哉齋頭有贈

莫作靈均漫問天  
年來得力是隨緣  
若科乞酒真無賴  
纔說尋花便放顛  
坐卧自尊閒日月  
朝參不繫散神仙  
偶尋子晉吹笙語  
滄海紅塵劇可憐

答王康侯

迢迢遠道各天涯  
五月停雲有所思  
蘭茝王途兄弟少  
風塵薄宦友朋疑  
別懷薊北驪歌後  
醉憶曹南錦瑟時  
便擬投簪神武外  
深梁秋水故人期

栖雲閣

卷十三

八

贈梁玉立歸里二首

小小飛鳴冀北空  
翩翾曳履遍南宮  
宦成那識心元淡  
身退才驚道益崇  
他日匡時終藉手  
此行學道早成功  
十年宰相渾閒事  
煨芋香留枨櫓中  
朱門不識豈公卿  
辜負鬚眉悅懽生  
入幕各爭三婦豔  
袒衣誰擇五侯鯖  
譬如馬失寧非福  
便作牛呼亦甚平  
千古儒生渾不解  
紛紛涇渭太分明

寄家兄

酒醒漏盡夢難追  
始信繁華有盡時  
幻影無多應

了了浮生何事尚嬉嬉老來興會憑誰借病後筋  
骸頓自疑業識千生真誤我火輪直下忍相欺

送玉立

彰義門前把袂時西山青入柳絲絲離懷對酒杯  
疑淺別路逢陰馬倍遲驛閣存亡楚子淚歸當春  
夏落花時微風吹醒邯鄲夢惟有樗冠道士知

與某尚書

旖旎瓊枝夢未真風流迥首已成塵西園酒客皆  
名士南國歌兒勝美人八俊宗盟猶可數六朝花

栖雲閣

卷十三

九

月幾回新貞元朝士無多在說到何堪淚滿巾

不寐

青鏡鬢鬢白髮垂驚聞綿蕞肅朝儀宵殘紫陌雞  
先曉夢覺紅窓日已移心切歸田僚友勸眉攢待  
漏侍兒知野鷗惟憶青溪樂不道人間有鳳池

自適二首

不妨高卧待清秋蕭寺香林足醉遊且任家書千  
度寄併將歸夢一時休簾間燕與春來往水上鷗  
同月去留世界蘧廬乘興住等閒那得許多愁

閱盡升沉好息機勞勞終歲欲何歸救時姚相身  
無具巧宦任安意久非婚嫁已將學道悞溪山復  
與賞心違累生塵垢何由洗豈獨殘年未拂衣

寄盧德水

天地蒼涼衛水東十年蘭雪夢盧鴻道兼夷惠宜  
斯世酒與離騷須此翁避世青山羞負販摩天黃  
鵠笑樊籠何時南下扁舟住秋水蘆花明月中

送王子下歸里

將歸且爲我徐徐忍向殊鄉看去車天是何心迷  
栖雲閣

卷十三

十

客夢人從今日嘆離居定歌黃鵠消名酒肯負青  
山有異書知爾故園相憶處一瓢新綠月窓虛

飲左旦明所歸聞王學治訃音

遲歸邀月借微明一曲山陽意自驚白骨生苔真  
惡謔黃泉呼雉憶他生客談仙跡心先去馬識歸  
途足久輕此夜定知無好夢寒蟬同耐短長更

次介黃韻

病結林巒想益狂輞川歸夢帶宵長但尋歡伯償  
各地不用桑君授禁方歌後伯鸞愁滯越病餘司

馬倦遊梁夕陽啼鴉堪回首昨日闌珊百草芳

寄龍膺弟

散髮柴桑事若何蒼涼天地稱漁蓑借驢舍遠入  
城少種秫田稀沽酒多阮籍回車空有淚王郎拔  
劍尚能歌宦遊每憶十年事風雨池臺暗薜蘿

送友人自晉還里

晉陽秋色太行雲攜取東歸與客分九折夢回驚  
險道一封疏入訝深文書經郢說元難定字以烏  
說悉益紛置取風波無足道清歌且遣故人聞

栖雲閣

卷十三

七

憶山居

步屨河梁逸興生臨岐不是世中情檢來丹籍名  
先注歸去青山道易成天仗夢回雙鳳闕仙璫風  
送九霞城秋期定訪希夷去攜手蒼龍杖履輕

龍潭

澄潭風雨對龍吟雲氣山光盡作陰人似枯株將  
入定樹如老衲已空心多情戀闕非卿相有道尊  
生閱古今楚簞從茲留宿約松風和夢任相尋

新秋

車馬紅塵晚不收掩關小築自然幽薊門玉塞黃  
雲暮漢關金盤白露秋三徑懷鄉思越鳥一官望  
署怯吳牛凌風欲挽銀河水聊爲張衡洗四愁

新秋閒居

解官雖旅亦徜徉病起維摩只一牀秋爽乍如人  
出世身閒聊當客還鄉風催香逐青繁幕雨長苔  
驕綠滿廊波漲新聞鷗報喜更期載酒過南塘

秋夜同友人作二首

萬戶蕭蕭搗素音玉關錦字動秋心堂前果落悲

栖雲閣

卷十三

七

摩詰門外香來憶法深茉莉開時燈冉冉芭蕉鳴  
處雨沉沉騷懷憐汝能同調起和西堂蟋蟀吟  
勸予早賃屋沉沉三嘆還兼笑不禁童僕妄爲台  
輔計妻孥詎識水雲心試看丹旆人馳驛何似青  
鞋客入林悞却前賢多少在尊前空自話抽簪

夜坐

唱徹梁州入破長盈盈河漢落繩牀莫愁北闕三  
更漏且領東窓一夜涼息定翻成鸛鴒舞心空忽  
送曼陀香錦秋有夢依依去十里菱歌樂未央



移居二首

剗却南榮天亦寬  
踰風饒月共盤桓  
不妨直任蓬三徑  
那得全無竹數竿  
宦到善貧應近市  
書占相宅幸宜官  
何當賜第湖山上  
絕勝旌旄夾道看  
酒氣茶烟次第生  
懷新羣動各經營  
社公雨過苔痕長  
少女風回菜甲鳴  
稍約簾旌通燕影  
已聞刀尺應砧聲  
主人據榻欣然笑  
不待涼颺體已輕

巽甫詢遊西山之期走筆戲柬敬哉

秋色蒼然晚照明  
蔚藍西望倍多情  
試將樽酒催

栢雲閣

卷十三

事

禽慶莫以屑峯泥  
馬卿官不礙遊今  
有侶天能破例豈  
難晴驅除風雨登  
臨快笑買籃輿出  
鳳城

警悟二首

天地當知如許寬  
閒人領略自成歡  
不妨再整將殘酒  
大似重彈已掛冠  
待缺黃花方有興  
乘時白鴈豈愁寒  
浮生正是逍遙註  
只要張睂子細看  
漁歌一曲愛滄浪  
自笑龍鍾入建章  
借問早趨丹鳳闕  
何如高卧赤城梁  
闌干北斗天無際  
鐘鼓西清夜未央  
安枕誰與清夢穩  
烘窓紅日問衣裳

秋日

旅懷無地發長歌  
短燭空堂意若何  
蟲語似因秋半苦  
簫聲偏向月明多  
南枝宿鳥驚殘露  
北浦眠鷗簇敗荷  
晏坐焚香心似水  
寥天笙鶴倘來過

秋日漫興

豈是灰心學小乘  
年來癡淡意如水  
旅同鴈久歸還讓  
心與書違跡未能  
宦苦無方寧易熱  
官緣自覓又誰憎  
此生大錯應回首  
文度前盟況有徵

秋日感懷

栢雲閣

卷十三

西

節候清商喜漸溫  
朝來庭樹驗霜痕  
懶看除目驚新刺  
快睹懸帘滌舊樽  
自謔左慈仙是眇  
共嘲李布貴緣髡  
微風苦憶茅簷下  
豆粥蓬頭趣早暄

秋日四首

東鳥經霜欲斂翰  
斯人豈合尚彈冠  
勞同馬足衣衾濕  
枯比桑心筆墨乾  
薄醉遠歸愁晚道  
凌寒促直厭晨餐  
宦情如酒無何飲  
纔望糟塋興已闌  
吟眺蒼然極望中  
心情又與昔年同  
窮秋行盡愁無盡  
薄宦難工病轉工  
沙浦回鳴憐白鴈  
篷窓歸

夢傍青楓補天無計空搔首何事談天有故官  
旅鴈啼霜入夜聲黃花時節旅人情到家除睡無  
方略問客消閒有姓名賦就一壺仍卜易思窮百  
事但歸耕重門久與斜陽約爲照吟鞭送我行  
敗葉不恩返照升拋書起立意懜懜客疏漸少騶  
先快史課重添影自憎配就一潭真似鯉薤殘雙  
鬢尚輪僧當歸未必還惆悵客裏高臺莫漫登

秋思

西堂惆悵至今存九辨哀歌斷客魂旅鴈未能臣

栖雲閣

卷十三

幸

白帝啼蜚偏欲惱朱門樽當露下寒難醉蕉近窻  
生雨易昏多少炎涼團扇似難衾已覺少奇溫

栖雲閣詩卷第十三終

栖雲閣詩卷第十四

刑部左侍郎前吏部左侍郎滑州高平人蘇軾

七言律詩七十首

獨酌

花影蕭然酒一卮晚涼書卷頗相宜燈昏欲熄挑  
還暗雨細如絲卧始知不盡餘香蘭燼瘦漸成長  
夜禁鐘遲昨朝輪直巡初過更乞遊仙夢少時

枕上曉角

畫角誰吹出鳳城鳴鳴拂曙夢魂驚三千水擊蛟

栖雲閣

卷十四

十一

龍怒十萬軍馳鐵馬鳴哀樂都來惟月影古今何  
物入秋聲不知絕塞情何似一夕金臺白髮生

過舊寓

折逕添垣槿作樊小山叢桂綠猶存雖留混沌遲  
金谷已拓提封到玉門壁上青苔蝸篆冷井邊碧  
甃鴨池喧煩君移取西湖樣三竺風光入野園

長安雜興二首

縑塵重上菱荷衣鴉鳩聲中事事非秋老金臺寒  
蔓草波搖玉螭淡晴暉市中擎筑華陽晚閣上收

書太乙歸別後故人相憶處蒼苔黃葉滿漁磯  
西風吹夢喚歸與南望閒雲指敝廬縱使鳳池收  
短翰不妨牛角挂遺書人來人去雙蓬鬢江北江  
南一蹇驢笠頂茱萸應待爾側身渺渺獨愁予

九日

百感重陽雜笑嚙牛山何怪淚沾巾東徐戲馬英  
雄沒南楚呼鷹鼓角新萸嘆右丞天寶後菊香陶  
令義熙身龍山縱酒誰宣武亦是當年可惜人

登高

栖雲閣

卷十四

二

黑窰廠北五雲懸黑窰廠南秋可憐不見南徐寄  
奴馬還憶西湖蕪子船老我徜徉好風日何人啼  
笑舊山川長房萸囊兒戲耳吾將採藥三山巔

送明術兄歸里

不盡殘陽驛路長西風搖落倍堪傷勞人瘖馬休  
辭酒去國單衣詎耐霜樓上何時驚旅鴈天涯明  
日過重陽不成風雨還多病又負秋花一度黃

送友

好友相看賦遂初長竿歸釣孟諸魚紅香塵裏休

回首黃葉村中自卜居蕪晉逃禪桑落酒維摩抱  
病貝多書知君元是瑤臺客一曲琴聲夢寐虛

送人歸里

潞水寒波照旅顏都亭疎柳帶霜攀連城且藕懷  
中玉拂袖聊尋海上山愛弟青藜輝禁閣慈親白  
業掩禪關趨庭如問金門朔爲道新歌倦鳥還

送客

忽驚澤國露團團幾度來過迫歲寒樽酒無人歌  
白苧柴車有夢入晴窗應思鷺羽迴明鏡不見漁

栖雲閣

卷十四

三

舟掠遠灘惟有同儕魚貫去長堤歷歷望中看

京邸二首

慵飛猶見上林鴉細雨絲絲帽影斜北地早寒將  
落葉西池重到已無花自緣病久應辭祿不爲秋  
深始憶家名嶽縱遊何日遂五年如夢耐京華  
乍思笙鶴刺天飛便覺螭螭生事微六十年來真  
自誤三千界內更何歸只今萸菊皆前夢如此湖  
山又夕暉采采華芝應恨晚那能枯骨戀朝衣

閑居

客子衣裳早欲霜京華日月以閒長登山病後籃  
輿健嘗酒秋來蟹甲香小作津梁須益友薄安鵬  
鷁是空牀讀殘舊史怆然笑又看蝸牛戰一場

礪岳招飲將往忽病腰

清泉旋作鬱金香異味從來豈易嘗鼓缶方思桑  
落酒檢書如註橘皮湯腰應有鬼欺饒口福豈無  
星照醉鄉何日迴波翻舞袖長鯨不厭海爲觴

寄馮孔博年丈

卓帽繩牀似海東雪宮秋盡看飛鴻書窮元晏人

栖雲閣

卷十四

四

方壯詩近黃初感益工玉導行招珠浦月香篝偷  
送錦湖風女蘿宜笑思招飲有待同歌桂樹叢

次孔博韻

雲璈天畔憶揚州燈火交衢十二樓俠少輕衫裁  
紫鳳美人畫帳卧青牛爐烟入夜香飄陌冰雪融  
春玉滿溝拾翠目成斜月散攜歸清夢爲君愁

秋懷

侯骨卿材豈易優閒情久付海天鷗篋中五嶽圖  
雖在石上三生願未酬癡鈍自宜朝士笑龍鍾聊

作化人遊嘉平屈指猶三月曉漏東華更足愁

次仲若韻

久客年來意已輕猶將消息問君平殊方鴈足書  
難寄險道熊幡夢易驚紅友蕭疎風雨夜青奴慙  
愧短長更狂癡又欲煩詹尹何日鸞星較有情

次介黃韻

畫壁金釵記月痕鈿車依約望如存聽歌有客雙  
垂袖背燭無慘獨倚門瑣闥嫌燈思紫陌明妝留  
伴待黃昏天街薄醉輕寒失呼取貂褕傍酒樽

栖雲閣

卷十四

五

答友人

薄暮空樽信使還知君獨坐正蕭然擬將錦字投  
河伯爲取天風送酒船微雪欲侵羈客夢輕寒不  
散禁城烟何當走馬南山去獵火燒空笑割鮮

對酒偶成

燒殘短燭意如何獨酌空堂未易配北鴈霜啼秦  
塞柳西風雪捲洞庭波青山夜雨狂歌盡白髮秋  
宵客夢多何用擔囊尋五嶽玉泉西下足烟蘿

闕題二首

崕峒長劍五雲樓司馬于今正卧遊疏奏風清丹  
鳳闕朝回霜滿紫貂裘千羣組練元戎帳萬斛  
艤下瀨舟正恐麒麟高閣影遲君辟穀爲君愁  
湖海蒼茫訪釣磯元真西塞是耶非百年日月雙  
蓬鬢萬里關河一衲衣笠澤浮家人未遠商山采  
藥志多違不知命駕何年事只聽經聲叩竹扉

與友人小酌話舊

雪後偏驚撲面風臘殘羯鼓苦逢逢家音久待寒  
雲外鄉思誰堪好月中五夜先愁新夢擾一樽聊

栖雲閣

卷十四

六

與故人同國門連日看人去極目南天送塞鴻

和韞退早朝韻

從知到處是僑居樓上元龍意久除世事譬如殘  
臘盡塵情都向曙窓虛身隨香裊三生業債與蟬  
分一束書忽憶御牀猶昨日披衣起聽寺鐘疎

除夕次和韞退早朝韻

天涯蓬跡愛鳩居長日支屏罷掃除歲晏風烟牽  
夢亂夜晴星漢到簷虛論交地密常耽酒學道心  
收欲棄書明日東風高卧穩南枝應笑宦情疎

張家灣登舟得韞退詩扇倦遊招隱喜而有

寄

嶺徼梅花倚戍樓新詩知又徧南州乍開懷袖三  
年字相對江湖萬里流遷客猶憎溢浦月歸人已  
上潞河舟東蒙黛色清樽滿莫負秋風汗漫遊

途中

擲箸南行就柳陰火龍戢影避長林久藏椎待漁  
陽鼓新買絃裝靖節琴得地樽罍方有興問天風  
雨亦何心便當襍被投蘭若涼夜虛堂聽梵音

栖雲閣

卷十四

七

河間道中

爲客始歌行路難飛鴻遠驛每爭先平原靡靡孤  
村出大野荒荒獵騎還客爲歸途歡旅酒鳥當霜  
葉迂吟鞭關河却羨田居樂楫柁匡牀抱膝眠

嘗羅欽瞻酒

瑞露天漿總未真每從德水想清淪不慙名下如  
佳士乍對樽前信故人部署無雙從事好風流第  
一麴生親蒲城奢望吾何敢一斗從君借小春

感興二首

滄海何曾見駐波人間元少魯陽戈紅塵有味端  
如此白髮無情可奈何八德池邊回首路三生石  
上斷腸歌九皇九世遲歸去豈止宵行醉尉呵  
乍爲擁鼻洛生吟馬上看山意不禁自淨居來皆  
孽海出神京去卽雲林秋聲竟淡人間世山色能  
增物外心僕僕終年成底事三生石畔好相尋

途次

憚人睡思早騰騰薄被寒因夜氣增燈影高低風  
頓挫柝聲斷續夢侵凌思隨驅馬歸田客備羨聞  
栖雲閣 卷十四 八  
雞持課僧火宅尋門君自解禪心一片玉壺冰

將抵里途中作

候亭歷歷已分明屈指吾廬三日程偶遇熟人詢  
邑事忽看老樹憶村名店嘗鄉味脾加健馬識歸  
途足自輕勝地相隣休負却近家乘興更山行

歸休

麋鹿天塹未可留直拚衝泌始歸休秋田蕪後廢  
無策米價低時稅轉愁執戟舊時狂曼倩挂冠新  
署病黔婁誰能種秫傾家釀又向雲山讓醉侯

卽目

曲岸漁磯傍竹籬東風拂苒散漣漪已驚雪鬢照  
歸早復恐春寒花發遲多病勳名長路倦中年情  
事短筇知願違禽尚應相笑拂袖京塵已早離

春日

落盡梅花小院深遙闌閒立更微吟漸成柳色牽  
遊興小結香烟試定心夢滅飛揚安老懶寒添藕  
藉賴春陰牀頭屏幃丹青好勾惹林泉意不禁

閒居

乞得閒身咏遂初藥囊詩卷酒隨車有林泉處皆  
留星正放歌時且置書白苧紅綃風雪後青鞋黃  
帽海天居褰裳更有三山在萬頃瓊田自荷鋤

寓園晚坐 于下園名

新篁滿徑水平灣嵇阮穿林共解顏高枕全勝三  
錫命浮生誰對萬花閒樽前淡蕩宜雲水樹底清  
涼夢雪山穩睡明朝仍晏起停杯莫待夜鐘還

靜室

寓園北去寺東偏曲巷幽蹤日往還細草無心生

竹逕輕風有意微柴園倚花池面時窺月隔柳城頭一望山莫說寒品披衲去精藍纔傍已成閒

乞粥

飯後華鐘報未曾羨他香積氣猶蒸吐魚或是汾陽客托鉢聊爲舍衛僧豈以隻雞恭郭太久將一飽笑何曾虛空嚼破求滋味試向曹溪問老能

送韞退北上

時變如棋舉目驚登朝何計問澄清艱危節鉞恩仇易門戶封章反覆爭未敢深心規社稷豈因低

栖雲閣

卷十四

首羨公卿欲全吾道良非細初入蛾眉太豔生

春遊

春光元不許人愁綠樹青郊喚野遊三日看花花滿眼五更宿酒酒扶頭晴雲照水宜臨榭斜日看山更倚樓散吏玉虛新拜命官衙不署醉鄉侯

過拱玉園故址

玉津莫嘆前朝事拱玉園邊最惱人小樣輞川殊藕藉別裁金谷更清新傳來父老雖能憶寫向丹青恐未真石丈當庭無恙否金仙涕淚似前身

答馮殿公年友

妙香疎磬柳陰陰塵尾風搖祇樹林百戰餘生真再世三車覺路乍同心維摩室外緇塵染博望槎頭淨海深應笑攢眉居士去遠公今許數招尋

贈丁野鶴

鄭鬢蕭蕭暮已疎關干甘菰意何如借將燕市當歌酒澆盡名山未瘞書白眼雲霄裘馬賤黃梁天地間爰虛靈風習習吹華表知有新聲試起予

贈星士

栖雲閣

卷十四

宋賈曾聞聯騎過甘生星緯又如何何星入命宜詩酒無疏回天黜計羅說偈已知人電夢談天不若爾狂歌出爲小草堪傾倒終向般溪老釣蓑

戲賦

買歡重壓少年場人笑維摩病轉狂心願化絃依錦瑟座將擲果代明璫司空見慣還應惱丞相微嗔亦不妨謝傳中年知此意陶情絲竹正相當

次二兄韻

枝頭紅萼煖來增拚醉耐春病未能雀啅鶯啼三

語緣周妻何肉一分僧臨流風送奔泉驥靜坐天  
空脫臂鷹文字小乘難盡去猶嫌永夜讀書燈

讀家兄記異

大力誰留大壑舟北邙元不礙天遊暫來公幹翻  
成泣欲去遮須定不憂人鬼皆真非是夢幽明何  
地不如郵三途輪轉無常住探取羅囊第一籌

見齋得子

拂袖南宮道益明河汾夫子魯諸生別懷良友三  
年劇老得佳兒萬事輕頻夢熊羆勞絡秀再傳弓

栖雲閣

卷十四

丰

冶付元成瑤雲王屋徒翹首無路聞啼一試聲

東方朔

金門大隱陸沉中調笑天家氣若虹仙界謫來緣  
阿母歲星明處問王公賦才未抵相如富諫草全  
勝汲黯工更羨閒情餘宛若陽臺雲接海霞紅

戲爲

浪道昌陽可引年屠沽得意地行仙生慙白額山  
君隊死乞青蠅弔客憐卜式羊墳精衛海鄧通銅  
補女媧天何緣覓得純陽術五百年中且放顛

漫興

但矜食指未觀頤一刻河魚便不支無病那知人  
易死乘歡益覺志難持驪歌入破催三疊鴆酒方  
酣罄一卮欲問黠癡君自審矛頭浙米劍頭炊

卽事

薰籠香燼硯池乾柳線風輕拂釣竿遠信乍如新  
夢斷舊詩尋作故人看春波惹恨遙聞鷓鴣日投  
懷鎮倚闌莫厭蒙茸相伴久東風還恐送餘寒

憶亡友

栖雲閣

卷十四

丰

屈指官途意自驚長歌回首薊門行纔思河朔柳  
中酒便有山陽笛裏聲社燕旅鴻催短髮溪花原  
草黯孤城青山無恙還今古莫問黃墟舊姓名

感興

浮世何來萬劫新回頭念念似車輪江寒翡翠堂  
中酒人老芙蓉城裏春夢去崑至或邀月書來滄  
海已生塵長松危石香烟斷屈指前身與後身

次韻牧先太宰寄贈

書來香露浣薔薇鮑叔知深喜我歸自是休文驚



革帶非關宏景厭朝衣  
閒思行脚千峯老  
病感浮生萬事微  
君健自當酬聖主  
莫將雲壑換綸扉

起東枉顧

却掃柴扉久已扃  
雙眸乍看故人青  
只將真率同羊尹  
敢以芝蘭擬謝庭  
濟勝登山誰可繼  
高談倚枕尚能聽  
輸君百事吾何羨  
並駕惟期化酒星

次瞻明韻

梅花鼻觀欲通禪  
安置閒心病榻邊  
呼酒還宜盧女曲  
買春休笑沈郎錢  
築堤一水添輕舫  
策杖千

栖雲閣

卷十四

古

峯覓暗泉行坐隨  
緣無不可  
曾中清寂便超然

郭外

遠郭濃陰處處苔  
天留閒日待徘徊  
小舟初就波隨漲  
上客將臨花始開  
擇樹鶯鶯歌管去  
忘機鷗迓酒人來  
楸枰可代投瓊賭  
贏得新詩薦一杯

山遊

萬仞峯頭近上清  
芒鞋欲逐野雲行  
珍禽聲向幽谿聚  
老樹花從隔岸生  
車馬天街無穩步  
漁樵山徑有閒情  
晚歸莫憚溪橋險  
望望西村月已明

遊葑園

中興三徑劫灰餘  
樹色堂堂鳥意舒  
南客來傳分竹法  
東風吹送乞花車  
水和高士邀方到  
山恐佳人秀不如  
容否移家伏生里  
濤箋常擘酒常儲

濟武南宅新成小山

襟抱由來至壑全  
纔經位置便超然  
丹青選出移山手  
烟雨催來種竹天  
青似九華搖鏡裏  
綠疑千頃落樽前  
眼中勝賞千秋事  
始識蘭亭亦偶傳

殷家泉

栖雲閣

卷十四

古

舊地重來歲已遙  
擘窠書識舊團瓢  
松藏濃碧猶慳葉  
柳炫新黃乍染條  
且就樽中商月旦  
肯從野外負花朝  
河橋駭浪溶溶滿  
知是西山雪盡消

題法家莊廟壁

赤日停鑣乍解顏  
荒村路盡敞禪關  
花溪命酒鶯先到  
竹院無僧客更閒  
欲咒龍添林下水  
忽驅雲就畫中山  
前途緩轡行還止  
不盡閒情暮靄間

龍口園

名園步履試相求  
方怪經年止暫遊  
竹作夢天移

世界樹如耆宿閱春秋雙鶯隔岸啼來合亂水懸  
崖裂處流到此閒愁渾破盡只應酒盡爲君愁

滴水崑

千仞嶙峋碧玉屏看山雙眼夢初醒海霞日射桃  
花紫石髮泉垂竹葉青匡阜漏傳蓮社約湘靈瑟  
付楚猿聽老龍睡嬾春波瘦移檄陽侯問不庭

嘲人下第後娶妾

夜光不售亦何妨十斛留償碧玉孃作客茂陵春  
有賦渡江桃葉影相將頰邊好避蒲萄刺市上新

栖雲閣

卷十四

末

聞阜英香我欲乞醯君絕倒狂夫莫待老來狂

栖雲閣詩卷第十四終

栖雲閣詩卷第十五

刑部左侍郎前吏部左侍郎溫川高珩字慈佩

七言律詩六十七首

有感

孽海狂風未有涯茹荼自喜又何嗟禿毫楚壁天  
難問雪涕漁陽鼓罷拋劍樹不傳千古恨僧衣未  
挂幾生差古墳留血終成土歲歲春開原上花

狂言

破殼游思引益狂黃絲答問怪何妨水非東走方

栖雲閣

卷十五

一

隅仄天止西旋日月長載地神鼇輕粒米出禪稚  
蝨嘆洪荒公明不死騶生在碣石宮中未易商

次龔孝升韻

椿蟪經營各百年居然醉飽壯登筵飛鳴何盡娥  
追日顰笑難工竝任天笏拄青山陪後乘手扶滄  
海讓先鞭臨流高唱公無渡喚取蛟龍聽短絃

讀史

銀闕存疑博浪驚奇人遺事想平生擲椎師有山  
中石採藥人留海上城仙聖高蹤常傍亂英雄定

論不關成啼雞到枕時長嘆曾是劉琨夢裏聲

讀謝澠水詩寄贈四首

澤畔行歌絕妙詞晴窓潑墨上烏絲篋後秦女憐  
中婦筆札楊郎謔小兒三八借人看鴈鷺一樽知  
我在鷓鴣真孃墓上傷心綠淚酒春風恨所思  
荒城歲晏意誰論潦倒飛揚濁酒樽前輩高呼管  
子墓小全真署謝公墩猶分醉醒難同社莫問妍  
媿盡倚門作意楚歌爲若舞猖狂天地厭招魂  
海曲狂名未易才魚腸飛動射雲開朱纓北闕談

栖雲閣

卷十五

二

天壯白石南山叩角哀溺氣未消澠水岸孤吟疑  
上越王臺向人捉鼻妨高卧會見君家太傅來  
五嶽填胸壘塊生短衣走馬大堤晴西來露掌金  
人淚東去江湖鐵板聲得歲林田狂易辦擲書蘭  
畹恨難平陶情少借絲兼肉未抵弓弦霹靂鳴

訪客

徑曲籬疎草未刪欵門遲應識君閒題詩憶舊翻  
書得近郭招人帶酒還滿砌紫苔遶晚照孤城紅  
葉背春山數聲長笛穿雲去知在漁村第幾灣

初夏

蕭索華林訝瘦紅浮萍收盡絮浮空樹平南澗青  
無際泉瀉西溪綠已通泛蟻金船荷葉露晝鸞紈  
扇枕函風幽人高卧休尋夢占斷瑤天雪海中

答孔博并解嘲次和韞退早朝韻

閉門寂歷似齋居蝸甲蛇膚漸解除夢後彩雲香  
久散水中璧月影還虛空思謝傳登山屐不問麻  
姑洞口書任作人間惆悵事瑤臺將近鳳臺疏

贈孔博

栖雲閣

卷十五

三

文場問字乍交歡聯轡秋風振羽翰葡北一書分  
客袂城南雙玉挂臣冠浮生都付雍門泣險夢頻  
驚蜀道難掉首鸞坡還共去好從僧可覓心安

有感贈友人

高鳥良弓事有因空留故壘在三秦妄思慷慨酬  
明主不念迢迢有古人吳楚已知非俊物漆臂幸  
可恕閒身麒麟粉本從圖畫何處清江少釣綸

遊王氏園亭次韻

萬綠陰中寄數椽池開預想碧荷錢千花覆處紅

使額五嶽移來翠滿拳鳥道曲懸高閣路蟬紗薄  
起畫廊烟看殘素女圖堆枕穠李微風到四絃

至荷池

郭外銀塘萬綠灣遊因晴日一開顏蕭然靜坐看  
新澗偶爾徐行過遠山邀客預期攜酒至出城全  
許借僧閒晚涼白苧單衫透夜合花香送我還

次子下韻

輕颺策策赴高城雨後千峯競晚晴天濶遙憐烟  
墅小人閒偏愛野塘清深隍驚雉時雙起密樹新  
栖雲閣

卷十五

四

蟬試一鳴田父黃昏聞笑語飯牛知待夜涼耕

亭橋

籬槿朱榮間綠蕉小亭北去到危橋波驚乍訝樹  
傾倒樹盪翻疑天動搖雲外風來催進酒花前棋  
罷靜聞簫茫茫便有滄洲意莫道琴高不可招

閒適

林陰溪曲微茅茨客到先看滿壁詩峯爲王維添  
粉本烏如宋玉有微詞麥場吏緩催科後雨隴人  
爭種豆時好月宜觴先布簟忻然解事有盧兒

友人遣妾二首

別鴻清淚入琵琶悵望靡蕪去路遐已盡宿綠風  
外絮乍添行色雨中花可能有夢時相過便使無  
情怨已賒帶水莫驚淇衛渺纔離杜曲是天涯  
重幃回首已消魂往事悲歡敢細論故素新綠空  
手蹟還裴歸扇盡啼痕飛花落水拋殘豔去燕巡  
巢戀舊恩莫憶西陵松下路傷心芳草斷腸猿

東郭荷陂

出郭蕭然便解顏了知家事不相關晴雲幾片山

栖雲閣

卷十五

五

千疊垂柳多層水一灣過客何妨同語語居人亦  
解暫閒閒支頤何似江湘去高枕漁歌杳靄間

再遊王氏園亭

每度登臺悵望遲重來皺綠已盈池方懷好雨青  
冥借纔得新流白小知出水疎蒲穿幾寸占灘靜  
鷺立多時主人無限湘沅意碧杜紅蘅有所思

偶成

穩卧繩牀自在身紛然萬化耐橫陳桐先趨悴非  
徒我鳩自閒鳴不喚人日送暄和寧畏夏風隨杖

履已勝春近城未必無盤谷爲報溪山事事新

感懷

少年豈信鬢終皤種種顛毛奈爾何脫手春秋惟恨促到頭耄耄亦無多馬蹄卒歲人空倦燭影催  
我日又過世上英雄皆是妄可憐垓下暗悲歌

偶同子下作

樗髮兼拋折角巾風塵雅稱阮家貧蓬心無恙天還恕虎口難歸旅已馴笑對醯雞樽有酒嘆當廣  
武世無人九歌山鬼殊堪友薜荔衣裳潑眼新

栖雲閣

卷十五

六

雨

雲漢誰臨舊日圖直將炎海泛王都物皆有數卉  
逢刈雨豈無心天賜酺庭作銀塘宜菡萏樹如鮫  
寶瀉珍珠神工立換清涼界不待秋風病骨蘊

題便面畫竹

便面蕭然對此君寒香出袖已氤氲枝繁欲碎金  
波影幹直能垂玉筍文秦地春陰含渭雨楚天秋  
老帶湘雲畫闌深處微風過苦憶山窓靜夜聞

題三弟壁

綠柳朱英照碧流晴窓盡日坐清幽三湘九畹移

佳夢爽籟輕颺作好秋酒客歌成雲散塵美人簫  
罷月當樓會心不盡滄洲意十斛還堪傲五侯

寄贈徐小蠻

賦哀憔悴滯蘭成何計相從事耦耕鳳德久知關  
治亂冰心豈但棄科名詩題甲子柴桑在學守庚  
申梨棗生夢向錦秋湖上去娟娟雪月爲君清

次韻

萬卷殘書欲廢吟晴窓兀兀靜觀心憶人如夢半

栖雲閣

卷十五

七

成古說鬼爲歡聊永今已問麻姑知海淺因逢曼  
倩笑山深雙九不爲長絲繫又看秋霜上短簪

七夕二首

閒門疎雨暗空牀坐久簾幃裊斷香蟋蟀西堂秋  
有夢芙蓉南浦夜無霜金城過鴈懷人遠銀甲調  
箏滴漏長白帝黃姑期有素也應天上怨清商  
輕寒白苧夜沉沉短燭長歌代越吟桂樹風高清  
露冷豆花雨細綠蕪深河梁歲歲天孫駕砧杵聲  
聲故國心一自楚臣傳九辨蘭芳惆悵到于今

次王敬哉秋懷韻四首

杳思驚雨上苔痕  
蟋蟀西堂應客言  
華髮自應漉  
仄注繡絲且與奠  
平原醉鋤蘭畹長  
春圃暝解緇  
塵獨樂園斜照  
登臺時送日  
數家燈火憶漁村  
却扇西風滿目  
塵夜行猶自望  
三辰已憑天地驚  
新製莫倚詩書  
議古人假蹇赤  
狸褰楚桂摧頽  
紫鳳抱湘筠狂  
談碣石非無意  
稗海茫茫待問  
津  
寶衣燼後暗  
塵凝玉盃人間  
憶茂陵騷楚問  
天愁  
莫對荒唐說  
鬼怨無微穹碑  
磨劍披蝸薛燐  
火穿  
栖雲閣  
卷十五

五弟書舍夜同張孔繡作

塵緣擺脫自翩翩  
也勝巴山短燭前  
走憶駒駘行  
冉冉舞成鸚鵡  
態仙仙老槐防  
露能張蓋疎竹  
乘秋更走鞭  
鮭菜已殘重進  
酒星河莫問玉  
衡偏

次韻寄韞退

長沙太息得無同  
誰念先朝補贖功  
招隱山中歌  
綠桂懷人江上夢  
青楓旌旄始識參  
落重文賦還  
從過嶺工捉鼻  
從君三日語十分  
莫惜酒船空

秋夜

寒蟬擁樹漸無情  
機杼停梭絡緯驚  
塵世一番黃  
葉落庭陰幾度綠  
苔生搗衣風急懷  
難遣團扇思  
疎意未平欲賦  
秋聲童子睡殘  
燈斜漢兩盈盈

讀王西樵遺詩

星河垂地夜漫漫  
殘卷秋窻月露寒  
舊雨猶思官

栖雲閣

卷十五

九

舍飲新詩忍作古人看  
空談淨業棲心懶  
竟負仙才住世難  
千載名山惟數語  
玉樓賦恨見無端

秋思四首

霜林落葉問何歸  
嘆息浮生共爾微  
太史藏山姑  
舍是愚公填海未  
云非客能談劍  
猿公老巷莫尋  
巢燕子飛此日登  
樓休作賦  
醉鄉侯好任相依  
憔悴形神漸不親  
長虹猶欲射秋  
旻百年若只如  
今日七尺終爲何  
等人哭愛唐猶能  
涕淚笑憑鄧  
禹話迢迢除將濁  
酒相料理架上琴  
書積寸塵

心息依微本道場客來再拜問中黃勲名自拙元  
井淡機械全疎反類狂卜命星辰醒夢幻臨流骨  
相澹飛揚熟思畢竟投閒是敢向雞棲競稻粱  
驅馬時時過水濱清流迎送笑緇塵灰心自古榮  
華事著眼如今將相人槐夢已嫌非待覺蕉甘須  
盡况兼辛百年刺促皆人事與我周旋尚未真

九日登高石君弟脩道之南山

壺盧頂霹靂  
尖皆峯名

壺盧頂結翠氤氲霹靂尖留雷斧紋谷遠長林藏  
曲塢峯高倦鳥抱歸雲出村溪壑諸流合過嶺人

栖雲閣

卷十五

十

家兩縣分丁了孤峯天外起騎龍來看小茅君

古寺

古寺閒遊似遠村長廊深避莫敲門兼葭遠引騷  
人夢蟋蟀寒招楚客魂有恨鶯花消白露無情風  
雨易黃昏閒心細與爐香斷蕉鹿茫茫底處論

過載嶺石隱閣

位置閒人須一坐逍遙乘化是天遊雨中溪上行  
看鷺晴後窻前坐聽鳩啓戶風樞驚欬欬移牀霜  
簾喜休休老饕不俟新蓮子摘取荷花泛酒甌

感興

高卧因知萬事平好懷纔向靜中生繁花炫老愁  
多態宿雨留眠夢有情蟋蟀自應添恨賦琵琶何  
故作秋聲蕭然淡盡人間意枕上遊仙碧落行

贈王瞻明

長宵守盡博山烟透幕明河望已偏握臂自憐金  
釧冷卸頭猶戀燭花圓鄉書北道飛霜後春事南  
枝瘦影前二十四橋應載酒古來惟有月嬋娟

易酒而飲

栖雲閣

卷十五

十

分霸糟全興不同酒泉擬寄大江東沉雄我愛幽  
燕將嫵媚君憐田舍翁敢謂李桃元待報或容粟  
布略相通老饕食指還成笑興在坡仙一賦中

酷愛

古來賢達亦何窮酷愛香山與放翁常以琴樽遊  
物外懶將冰炭到胸中一生懷抱如斯足千載襟  
期與我同此外卿材兼相業野人笑對馬牛風

冬至

玉琯灰飛子夜清天心元氣一時生想多自覺三

天近夢破方知萬事輕  
香海青蓮將托體  
藍編丹闕又書名  
不妨暫醉聲聞酒  
枯木寒岳借化城

送仲美訪道蒙山

采真名嶽意嫌遲  
踏雪千山一杖時  
但助文心司馬鈍  
定完塵事尚平癡  
瓊樓白闕壺中路  
樵斧休耽洞口棋  
他日玉清攜手去  
鶴衣同拂五雲旗

畢載績過訪與五弟鬬奕

黃池雄長久爭鳴  
捲土重來更背城  
不欲上人名似奕  
無多酌我酒猶兵  
偏宜過從當殘臘  
未廢歌

栖雲閣

卷十五

七

呼尚太平昨日條風春已到  
南枝香夢一時驚

歲杪

冰雪東亭未易親  
晴來便覺是佳晨  
溪山無恙終歸我  
花鳥多情略似人  
浮世定須消悶酒  
韶華錯過斷腸春  
時光幾日條風到  
隔歲青皇羽衛新

己亥元旦二兄園中

茶烟苔影罷將迎  
遠眺微吟稱野情  
此地閑人宜痛飲  
何年芳草不叢生  
橫塘半畝添春雨  
斜照千家傍古城  
直待芙蓉香遶屋  
移牀來聽水禽鳴

元宵石君弟邀看花燈

已有條風拂綠漣  
還催新月到華筵  
愁因齒髮稱前輩  
喜趣歌呼冒少年  
三雅莫辭消夜酒  
九微恰照試燈天  
香車寶馬空如夢  
玉漏金吾並可憐

梅花

庾嶺寒香憶未親  
玉妃嫋嫋下重旻  
先春綠鳳疑傳語  
著月青溪欲寫真  
風裊長纓渾耐瘦  
天寒薄袖自然貧  
南枝無語南窓晚  
閒取羅浮夢裏人

石君弟室中看梅

栖雲閣

卷十五

七

綠鳳羅浮有所思  
幽窓賒與看花期  
難逢月寫東西影  
不信春殘南北枝  
飄拂暗香凡幾度  
護持清夢已多時  
主人京國青驄緩  
玉笛無情莫遣吹

看孫禹年梅花

貧病如何也累花  
幽情未減去年賒  
任尋玉照豪門宴  
莫戀孤山處士家  
捲幕有風香掩冉  
臨池得月影橫斜  
須攜姑射仙人子  
去訪湘山萼綠華

春日漫興

酒面新時世界新  
精奎元與玉宸隣  
琵琶舊事彈



連鎖嘯噴清歌唱采春日涉溪山成令節天留花  
月賜閒人北邙空有黃金在白髮榮期莫厭貧

春夜

羣動蕭然似太清一星夜夜正中明雕梁燕子初  
歸舍屋角梅花已落英把酒風前聞遠笛翻經窓  
下聽殘更誰能跨鶴東歸去濯髮滄溟喚月生

卽事

春風勸我日尋芳一簞一書還一觴偶買酒時來  
妙妓每揮鞭處礙垂楊眠逢林鳥喧皆好坐對壺

栖雲閣

卷十五

南

泉澣不妨更向名藍參老衲支公臺近淨名牀

春遊

竹裏清溪柳外臺好花只共笑顏開風知醒酒披  
襟入鶯爲窺人隔樹來度曲曼聲低欲斷藏鈎殊  
狀詭難猜渴羌偷眼紅螺影錄事殷勤借一杯

春晚郭外

乾坤容汝慙婆娑解事無如春夢嬾但傍龍樓閒  
日少不知馬鬣故人多客何力至分嘗酒鷗汝來  
前共聽歌斜日雖低風漸暖寺鐘聲急欲如何

郭外

貧到心閒樂有餘一行出郭愛郊墟青峯碧澗狂  
催酒晴日薰風緩跨驢驚夢春明門外路沉思夏  
口甕中書營營塵際誰爲我烏有先生字太虛

看花

撲面韶華夢未空頗嫌多事是天工離亭柳與銷  
魂綠幽谷花堪薄命紅傳送寒暄驕北鳥招搖開  
落任東風爭知天上容華好萬劫長春日日同

栖雲閣

卷十五

五

栖雲閣詩卷第十五終

栖雲閣詩卷第十六

刑部左侍郎前吏部左侍郎潘川高珩字慈佩

七言律詩六十七首

漫興二首

安得長林百里連飛泉高閣迴浮天鸞簫歇處留  
鶯語棋局拋時上酒船衲子蒲團千澗曲仙人鶴  
駕萬峯巔明窓來致真師命欲授金璫玉珮篇  
浮世蒙頭百丈塵蜉蝣枉自作勞薪溪山方占神  
仙窟花月能輕將相人萬事誰云非幻影三生元  
栖雲閣 卷十六 一  
不是吾身法航行指金沙去菡萏香中有宿因

閒居

下壽已經天所賜殘年敢怨病相侵尋山登眺愁  
春晚縱酒歌呼怕夜深柳下碧池追舊夢案頭青  
史損閒心栗留花外殷勤語五十年來識汝音

栖雲閣漫興

小閣栖雲古寺隣蕭條鐘梵似山村但臨流水先  
攜簞非抱琴來莫叩門香細休教風捲幕書閒恰  
值酒盈樽蒲團定起流鶯語寂寞伽陀與細論

小齋

月季花聯柳葉桃今年忘却種芭蕉臺端狂客紅  
螺盞洞裏仙人紫鳳簫四五株松工部宅兩三尺  
水廣陵潮浮生萬事元兒戲莫笑童心老尚饒

次龔孝升韻三首

逝水穠華得幾年狂名消盡向珠簾空樓明月梨  
花夢高閣春風燕子天拾翠停車飛彩扇踏青迴  
勒盼遺鞭十千沽酒君無惜銀甲新調蜀國絃  
忘懷聊復置淄澠骨瘦新驚眉有稜一坐已將消

栖雲閣

卷十六 二

短刦雙輪何用繫長繩珠沉赤水深難覓龍示元  
言近可承頗愛曹溪分一滴多生禪觀憶吾曾  
據梧莫問異還同鏡裏妍媸照卽空錯錯欲同批  
頰烏羞羞應笑叩頭蟲淨綠垢業花飛雨笑果啼  
因籀解風撥盡浮雲消盡翳妙高峯頂日方中

夜

棲鳥幽花望不明星河拂地夜三更纔聽舊曲偏  
多感每到良宵若有情好月須爲懷夢草洞簫元  
是斷腸聲輕風驟起蘭塘外漁火篝燈分外清

雨

颯颯東風雨欲來坐看嫩綠到莓苔  
放舟烟浦衝鷗去乞笠山村走馬迴  
消酒莫嫌桑落盡催花崑  
嶠牡丹開直須漸瀝聲來後枕上重過舊大槐

客過

老樹扶疎影借鄰叩門一笑兩閒身  
開樽羊曼能真率作黍麗公忘主賓  
小試選鋒談壘破暫爲酷吏酒條新  
夕陽投轄休言去同向前溪把釣緡

漫興

栖雲閣

卷十六

三

把酒看雲且放歌丹房清寂奈君何  
方知霞客相思苦自古錢奴出世多  
天路仍愁眉黛少風情不怕鬢絲皤  
維揚大有遊仙夢江樹篁篨字未磨

過梓潼山下友人家和濟武韻

山腰東去問幽居有客攜壺駐鹿車  
斜日殘砧多隔巷深秋寒葉半堆蘆  
鄭虔有秋十年晚司馬無琴四壁虛  
回首滄桑多少事幾年今是到門初

飲謝啓東齋頭

那復開樽喚奈何重逢正喜鬢絲皤  
地仍抱郭碧

山在人似飛花黃壤多傳舍高堂新  
燕子素封極浦舊漁蓑離懷未有河  
橋怨夜合香中任醉歌

水仙祠

江妃羽蓋水仙祠蘭浦蘼洲有所思  
布席爲尋花發處抱琴直到月明時  
波翻嫋嫋藏鷗葉露壓垂垂宿鳥枝  
百尺高樓天似水何人閒弄玉參差

龍口園

走馬飛塵上短轡到門人意已蕭然  
青山欲走還圍座碧樹雖敲尚刺天  
小步客留畧畔字低飛鳥

栖雲閣

卷十六

四

趁竹間泉重來攜榻追清夢更對西  
溪結數椽

青蘿洞

伯推楊柳仲菰蒲夾輔溪山入畫圖  
劈石五丁新洞府開塘十步小江湖  
倦來正喜蟬同靜酣去如招鳥共呼  
每到斜陽成小社一樽一局聚潛夫

荒塚

千載荒垓只廢基巍峩高塚爾爲誰  
茂陵玉盃何年出秦帝銀鳧幾日移  
獵客熏狐遺宿火牧童吹笛卧殘碑  
牛山一笑空今古多少癡人尚淚垂

感興

一杖斜陽世盡非三生鴻雪跡依微溪山元讓漁  
樵占仙佛從看將相稀劫火梵天中未免香蓮世  
界外何歸藕絲難斷輪難止便請吹毛劍一揮

過楊用孺

停車山塢憶當年老健驚逢地上仙垂髮交遊霜  
鬢後孤村語笑素秋前尚餘荒徑流泉澗不盡疎  
籬夕照懸無計療窮窮可送陽春卽到廣文甌

湖上

栖雲閣

卷十六

五

藕花街日淡烟流斷柳平將遠翠收十里聞歌香  
近遠四天涵碧影沉浮何人命笑仍攜燕有客相  
呼却道鷗彈罷銀箏終闕後隨他花畔看停舟

雨

一點雲陰能幾時芭蕉葉重已先垂清寒正愛空  
牀好浙瀝偏于小閣宜繡幕影搖殘燭見芳塘漲  
滿浴鷗知紅蘅碧杜洲君夢八載孤舟楚水湄

青雲寺

平地相看意未驚登山始覺險難平選厓憩足如

郵傳與杖相隨似弟兄高下千盤孤鳥沒陰晴萬  
壑片雲爭有人泉畔趺坐看我飛筇上太清

墨龍池

千年人說墨龍池龍去池荒有舊基老樹心空如  
衲子流鶯聲媚亦歌兒到來晉魏知何代坐久鴻  
濛正此時唱演三丰招手在蓬山我欲往從之

山寺

相輪天外挂晴暉馬繫殘碑叩竹扉遠浦光中孤  
鳥去斜陽嶺半一僧歸村春晚急炊烟合芳草秋

栖雲閣

卷十六

六

深樵徑微清梵頓醒塵土夢閒心初地欲皈依

山遊歸東園卽景

五日名山蠟屐回又攜餘興到亭臺重陽未過秋  
先老小院無人花尚開曳杖莓苔鋪繡亂閉門風  
雨作潮來阿誰喚起遊仙夢鶴唳三天酒一杯

東園

觸熱紅塵欲發狂乍來寓日已清涼柳絲風攪偏  
多影荷葉花稀尚有香負郭帶郊天曠遠入吳遊  
楚夢蒼茫將軍金碧天工畫尺幅依稀挂夕陽

小園

萬柳陰圍一草堂小園近郭愛荒涼  
送迎風雨惟啼鳥妝點溪山有夕陽  
歌板聲催青簪夢茗爐烟颺綠荷香  
錦秋一棹何時去越水吳山寄興長

水閣曉起

曉露翻荷送暗香蕭然未盡夜來涼  
倦遊益覺青山好早起方知白日長  
地僻人疑忘晉魏枕安心欲借瀟湘談  
深客倦茶烟瘦偶爾攤書亦不妨

雨

栖雲閣

卷十六

七

午窓驚起夢蘧蘧飛雨輕霑案上書  
豪客歡來頻命酒旅人愁處屢停車  
新名亭子珠還讓舊買蓑衣錦不如南  
浦又添多少綠莫將清淚濺芙蓉

初秋

作賦休言宋玉工人間那有大王風  
波寬須入鳧鷖社林遠將分燕雀宮  
漸覺斜陽垂閣畔卽看涼月到牀中  
西堂蟋蟀知人意騷辨淒淒氣味同

秋夜月下

清涼只道已難期斜照何如汝亦移  
風化衣裳爲

霰雪月將天地入玻璃長吟喜有秋蟲  
和幽夢唯應宿鳥知濯髮銀河猶未足  
沉沉露下五更時

得友人書

莫歎蕭條白髮翁百年誰是日長中  
從教上客參差笑頗憶前賢約略同  
退鷁飛鵬均有故岡梧巖桂各爲叢  
喜看尺素山中到好語新傳無上宮

笠雲閣閒坐

秋風被袂宛深春短策佯狂孝水濱  
好月乍來如快友少年重憶似前身  
瓊樓貝闕遊仙夢滄海名

栖雲閣

卷十六

八

山結願人吹徹玉笙天若水飄然散  
髮馭麒麟

贈子下

東山五畝吾何有南面百城君見招  
楚客自然聞蟋蟀秋窓似欲映芭蕉  
胷中全壑邀雲易嶺上笙歌待月遙  
歸卽草書飛帝里尚期清夢伴漁樵

飲韞退園亭

雲關長日未嘗扃幾曲晴峯展翠屏  
畫裏詩情開幔到夜中酒病聽泉醒  
芙蓉欲種先成堰枕簟須安更作亭  
浣罷薔薇香已炷琅函初啓盡珠經

秋夜

草蟲絮絮已難休，殘燭何人更倚樓。  
幽夢能通千里月，良宵穩占五分秋。  
人間已識清霜近，天上爭看大火流。  
狡獪楚臣君莫信，不言歡樂反言愁。

寄浙臬宋玉叔

芙蓉彩筆玉嶙峋，執法星懸浙水濱。  
今日湖山須大手，當年蘓白似前身。  
六朝桂擢寧無夢，八月銀濤若有神。  
大好雲栖堪結社，宗雷匡阜又何人。

中秋東園次韻

栖雲閣

卷十六

九

步屨園林晚照明，迴廊小坐待深更。  
枝頭果動風才度，浦口鷗驚月已生。  
紫袖低鬟歌玉樹，紅螺灑露瀉金莖。  
換來世界空明甚，乍似飄飄問五城。

秋雨

望遠傷離楚客心，蕭森積雨意難禁。  
人憑佳夢潛來往，秋與閒愁校淺深。  
苔蘚有情窺畫檻，管絃無力咽重陰。  
閉門亦有茱萸酒，戲馬臺荒更莫尋。

登高用杜牧句起

牛山何必淚沾衣，千載茱萸各是非。  
轉轂舊秋和

夢到踐更新，鴈綴行飛遊。須野宿，歡方暢。客甫狂，歌日已微。明日相期重載酒，好山未肯放人歸。

秋柳

當年張緒久相思，海燕東歸風有期。  
青眼窺人風葉葉，紅亭罷酒淚絲絲。  
參差玉笛空樓上，憔悴金城暮雨時。  
爲語蘭成休作賦，春光會到短長枝。

卽事二首

頗恨風沙尚喜晴，閒遊借得馬駒名。  
柳當郭外偏增態，水到城隅倍覺清。  
一征人皆有故年年芳

栖雲閣

卷十六

十

草本無情不知幾箇華，陽客瓢笠青門拂袖行。  
夕陽天氣短長砧，高柳人家淡蕩陰。  
水自何來遶寺曲，山從此去入雲深。  
蒿原葉下麒麟塚，楓樹霜前棘藟林。  
纔轉城隅秋色滿，誰能出郭一相尋。

悼亡

莫驚紫玉抱如烟，但說容華便可憐。  
酒雪堂中春夢夢，遺香殿裏月娟娟。  
已知龍劍終分水，豈有鸞膠可續絃。  
惆悵花枝上，血杜鵑啼盡是何年。

有感二首

舊業相招須此來重重羅網亦堪哀學疎宜入漁  
樵社命薄元無醉飽才萬派流皆歸海盡千株花  
總待時開若能會得生前事累劫陰雲一夕回  
萬劫盲聾乍自驚拈花消息幾時明餘年拚我還  
天地多故嫌人識姓名非想到來猶有業忘情人  
去始無生諸緣寂寞君知否試聽風鈴自作聲

病起

回首浮生萬事非朝華日及闌芳菲死如蟬蛻公  
卿賤貴屬焉肩耆艾稀實地無塵何界似金沙有

柄雲閣

卷十六

七

路幾人歸宗雷舊社前緣在一笑閑浮便拂衣

適楚

詞客精靈定可呼移情林壑渺難圖江山自昔多  
情甚屈宋於今有賦無獵火驅車雲夢澤仙舟吹  
笛洞庭湖翩翩黃鵠排雲去天柱峯頭望眼孤

過梁王城

樵風薄暮送南征憑眺梁王有故城遺殿久隨原  
燒滅寒花猶上女牆生神絃送酒靈狐嘯漁火搖  
檣鶴鳥鳴樂布吞聲千載怨漢陵耕牧亦將平

自楚歸時地震後

楚水扁舟萬里餘遠行方解愛閒居人歸嘗酒逢  
新雪客過分茶得異書莞爾長松存甃磻依然高  
閣貯空虛崩騰劫火渾無恙珍重乾坤一草廬

曉渡汶河神祠小憩

白髮抽簪起每遲宵征又喜見朝曦葑田水落通  
樵徑野墅雲深失酒旗細雨黃墟三日醉微風青  
柳萬條絲神祠回首人惆悵四十年前駐馬時

新泰道中

柄雲閣

卷十六

三

風過郊原見燒痕曉晴霜袂一時溫平溪清淺忽  
成浦小逕灣環遙入村醒酒石多移綠野名山書  
不戀朱門滄溟莫惜東流水惟有昆明劫火存

淮南道中

水國輕裘耐晚霜神鳥猶送去來檣小山賦就淮  
王老大澤風迴海氣涼月向波心光更遠山連夜  
色望尤蒼馮夷起舞湘妃笑倒瀉銀河勸羽觴

客夜

落落風沙旅鬢侵悠悠物態日追尋道來頓猛聞

人死榮過偏驚閱世深不盡寒波長改路無多霜  
葉強依林觀心未寂狂奴興禪板輕敲又醉吟

旅邸

蕭條樽酒傍香篝烟樹蒼茫始欲愁百歲便能  
幾日終年如夢奈雙眸悲歌羈客偏憐夜風雨天  
涯易得秋拔劍燈前紅淚盡吳霜明日鏡中稠

舟中

把酒長歌一扣舷白鷗沒處入吳天浮雲弔古蕪  
城賦明月懷人采石船龍旂只今餘蔓草蜃樓強

栖雲閣

卷十六

事

半是秋烟定知自在輸漁父箋乞天公署水仙

故人

故人久別長安市簿領羈身笑語難偶爾帆檣遲  
郭外翩然騶馭到河干風波如此留君住雞黍從  
教盡我歡記取臨岐攜手意蓮花金地七重關

弔古

今古茫茫貉一笠登高憑眺涕神州長江飛渡憐  
三閣大峴平驅笑五樓不是地靈真有盡自緣天  
子欲無愁山河元借英雄力錯莫東陽憶仲謀

金陵舟次遇友人話舊

丹竈難封六乙泥焚香且讀紫陽詩紅塵落却天  
酬懶白髮尋師客笑遲舌底醞醞三昧酒橘中世  
界四仙棋他年若剪巴山燭須話金陵道上時

金陵感興

雲霄江海各浮沉花月長干尚可尋淮蔡欲平誰  
有相輕肥自許我無心褰裳五嶽追禽慶揮塵三  
支叩道林離却塵緣人自在驂驪頓轡已駸駸

秋

栖雲閣

卷十六

古

自是征夫愛遠遊西堂蟋蟀強吟秋溪山爲我支  
銷癩風雨因人整頓愁多事星躔趨北陸耐勞江  
海競東流禁他幾度飛鴻影白帝懸知亦白頭

南中卽目

裙腰濃綠草萋萋雨後微風翼杖藜野水自明斜  
日外烟村只在斷橋西竹知避客回穿牖鷗識忘  
機近過溪縛取飛亭松五丈巢居人鳥兩堪棲

杭州臘底

三吳臘雪舊來稀預怯春寒上客衣了已無情堪



惹夢不知何事又懷歸旅中少病天能念老去尋  
師願已違一壑千峯終歲好笙歌長傍五雲飛

歸舟卽事

行客招呼遠道應雲垂天濶影層層大星照水將  
爭月野火連村不辨燈五里荒陂司夜柝三更枯  
寺課經僧舟師薄醉憑篙卧敲盡晨鐘未肯興

遂中憶家

何時匹馬穆陵關正恐人歸未肯閒遍閱新書初  
雪後乍嘗臘酒小梅間疏渠驅使穿花水關戶招

栖雲閣

卷十六

事

呼近郭山兄弟相尋詢異事留連往往暮忘還

客遊

薊門行入越人吟步屨河橋酒緩斟楊柳風微牽  
客夢秋千影過引歸心莫愁風雨催寒食乍喜雲  
山似故林沂水仙壇三百里可能策杖一相尋

栖雲閣詩卷第十六終

涪川少司寇高公才高學富隨遇有作惟詩最  
多其言浩瀚充溢文則淹肆詞賦益加排蕩焉  
然俱不存稿蓋公無事以之爭名也凡所存錄  
皆出其好事吏人之手爲訛音謬字者什三舛  
錯重複者什二埋金玉于沙礫吏實爲之矣垂  
今四十年公之孫保實繹常武安三人思欲表  
章其著作搜括記錄得數十束詩踰萬首文亦  
數千篇詞賦之流殆不可數則爲蠹食瀕盡屬  
其所親崑明畢君先哀輯其詩剔去殘缺勞亂

栖雲閣

跋

者什之四念當世之知公與公之才之學者唯  
益都節山先生爲致切以訂定誠告先生誼不  
容卻爲之正其訛謬刪其舛錯重複沙礫之污  
淘汰淨盡精益求精拔尤得一千首分十六卷  
爲一集又病其題目先後無章時余北學于先  
生命爲校對排次乃俾先生叔子西陵繕寫成  
帙序而行之庶幾表章之無憾矣比輯文來訛  
舛愈甚倘一潤色則失公之精神訂更有難於  
詩者非先生割愛舍之蓋慎之也其他詞賦雖

佳公之末技耳既敗於蠹亦姑置之噫公雖無  
事於爭名吏知寶惜乃爲存錄功亦不可泯也  
然一出其手幾汨作者之光華苟非公有三賢  
孫擇人淘汰烏能出其金玉以焜耀於人間哉  
常熟仲昱保識

先大父平生吟咏致多俱散置遺命不聽輯故  
吾父與吾叔父兩先人遵約弗敢踰垂四十年  
仲兄肇鼎慮弗輯後遂不可知謂豐及弟授曰  
吾同祖兄弟八人存者惟吾與若及叔父之子

栖雲閣

跋

二

此一弟耳失今不料理將爲子孫盪盡圖之豐  
等唯唯念當世惟鄰邑趙宮贊飴山先生爲風  
雅宗雍正戊申奉所綴錄詣先生居懇請選定  
先生夙敦舊好不復辭竭精力閱三寒暑事乃  
竣方謀授梓人而仲兄復齋志以歿乾隆戊午  
豐授兩人始罷勉從事剞劂成集既感先大  
父之詩藉飴山先生選定以行世又悲吾仲兄  
之不克見集之成也刊校已竟爰述輯之之意  
於後云 肇豐謹識

栖雲閣詩拾遺小序

高念東先生栖雲閣集飴山老人定爲十卷凡一  
千首海內譚藝之士以獲睹之爲快也第聞先生  
詩盈二尺許或疑其多遺美矣予至濟南乃觀其  
全卽老人所閱原本也古體丹黃精細幾無遺憾  
近體二十餘大冊寫者多複出其所選間有漏略  
因披拾所遺得二百篇以歸先生曾孫俾附前集  
之後漁洋山人嘗謂先生歛唾珠璣而用之如泥  
沙詩幾萬首廣大難周今之所錄非有加於前正  
使未盡菁華不湮沒耳取金于山求珠于淵其實  
必有不盡者豈取之者之過耶乾隆丙子秋同郡  
後學宋弼序

栖雲閣

序

十

栖雲閣詩拾遺卷第一

刑部左侍郎前吏部左侍郎瀘川高珩字憲佩

古律詩四十二首

贈張王二壻

春王正月之望前欲雪不雪回風旋山城久貧歌  
吹少九枝青玉誰爲然客何自苦擁棐几撚鬚  
嘯如秋蟬六博呼盧者誰子君輩沾沾博士言小  
宋飛觴故自快大宋讀易殊酸寒衛樂常年恐不  
爾慷慨爲歌行路難人情冷煖當面異四達推車  
栖雲閣 拾遺卷一

忽九盤意氣肯與絳灌伍貧賤耻受屠沾憐況爾  
俱稱名德裔清才奕奕凌雲煙卞家忠孝喜有後  
韋氏經術堪紹先賈生弱冠終童達卿相當朝皆  
少年彈指槐花淡墨榜拔登而舞何仙仙蹤蹀九  
州驛驅步風飈萬里鵬鴛搏公車來春應並駕黃  
金突兀高臺懸草罷新篇且共飯狂言勿爲他人  
傳

夜中有感

累棋十二豈不危漆園寧作泥中龜麒麟不如上

蔡大賓孟何以羨人犧世上快談多樂事莫及不  
祥將相字急挽天河洗耳根津津何事屠羊肆使  
君於此故不凡子野擲筆涕橫沾

古意

郎何所妾獨苦空房明鏡相爾汝隻影涼涼已自  
憐娟娟明月來相侮蕩子何曾解憶家斷腸芳草  
連天涯雙樓紫燕尤堪惱祈却中庭雙蒂花菖蒲  
葉凋蘭葉短郎去日多行益遠剪剪燈花蠅子飛  
燈前含笑掃蛾眉新衣乍換重看鏡門外馬嘶郎  
已歸 栖雲閣 拾遺卷一

戲題與二孫

兩孫四五齡比肩日遊戲問其何能爾胸中無一  
事每來必登樓或有仙人致折花知揮頭騎帚以  
爲驥奔趨不可止踣蹶或流涕索果曾無飽一日  
頻復至跳擲以爲常追逐欲捕翅青果投樹頭酸  
澁何曾避捕我蒲中蛙折我池中芰兄弟或爭撲  
小婢遭罵詈有時向我訴詰之亦知忌洗面避多  
端跣足不憂刺每飲酒一盃輒云已大醉雀雛靴

復虐蟻穴遭其累賜錢誘以詩間日猶能記想我  
嬰瑞時常亦同此意穉者日以長者日以悴無  
物可爲歡有故皆相累我聞學道人觀化如假寐  
松鶴等大年豈以老少異崦嵫事已遲臨崖難返  
轡書此於爾紳壯年勿自棄

送六弟南歸

終惜匆匆去輕裝已在門乍調新市馬竄憶故園  
樽旅雁三春急衝流二月渾到家寒食節南墅杏  
花繁

栖雲閣

拾遺卷

三

送人歸

匆匆三月莫春事又空過惆悵王孫路其如芳草  
何宦情緣病減鄉夢向離多匹馬青門道愁聞折  
柳歌

仙槎

藜火映仙槎清樽對莫筭去帆千里遠歸雁數行  
斜淮浦驚遺壘吳宮問落花日新多聖政好向遠  
人誇

過石隱園

瀟酒幽人宅柴門長夏清自然蒼蘚徧不禁野雲  
生小水侵階濕疎花隔樹明何當白羽扇盡日對  
楸枰

送人歸省

積雪青門路軒軒去國人所期終悟主此去且寧  
親諫草郎官切輕裝漢吏貧行看澧浦上丹鳳問  
垂綸

答張天石通政二首

塵土誠堪厭居諸祗自知百年今已半五嶽更何

栖雲閣

拾遺卷

四

時北闕辭明主南州覓導師仙才吾豈敢頗訝夢  
華芝

賀監支離甚朝簪已晚抽擬將乘化去或爲看山  
留海上琴尊約塵中支許遊故人相憶切語笑待

清秋

都門西閘同謝馮兩同年晚坐

野興由來劇羈懷向此寬波聲清入夜水氣晚生  
寒沽酒紅橋肆燒燈綠樹灘欲歸期後約好月更  
來看

立秋日汪園小集次韻三首 原選三首

勝地多愁遠褰裳此易尋  
半愁楚客賦歌泣酒人心  
雲日驚秋淡松杉閱世深  
柴車門外道應闕管絃音

舊語徵文獻虛堂歛衆喧  
茗香文字飲河朔辟疆  
園燕子將辭社筍孫欲滿  
軒阮嵇何事業避世酒盈樽

未覺新豐似偏驚杜曲移  
清秋梧葉節斜日藕花  
池酒態宜鄰市蟲聲不隔  
籬山公倒載去信宿再

栖雲閣

拾遺卷一

五

來期

將抵武昌

楚塞王程遠江風笳吹輕  
斷雲樊口樹晴日武昌  
城豈有英雄在空餘山水  
清帝陵行可望縹緲綵雲生

臨淄道中

班荆恣笑語遊子意偏閑  
漸覺前村夕因看飛鳥  
還水奔將入海地遠似無  
山涼月催歸杖田家欲掩關

莫論

莫論千秋事千秋事可哀  
地皆前輩歷書任後人  
裁黃壤英雄骨青蒿將  
相才乾坤多故甚只有劫殘灰

游錦秋湖

不負湖山美諸賢集錦秋  
衣冠君子國煙水化人  
遊夾岸聞闐鼓浮波點點  
鷗聞聲同好至盛事冠營邱

出郭二首

栖雲閣

拾遺卷一

六

謀野原宜蚤行來晚遲迷  
遊人皆問酒倦鳥已停  
啼淡靄千峰接殘陽一寸  
低看花明日事一斗更同携

青谿處處苔野色滿城隈  
言就東陂飲翻從北郭  
來閑行宜遠道佳卉愛遲  
開吾意將學圃樊遲未易裁

憇山寺

到此忻然笑寒居上古天  
溪聲低作雨柳色遠爲  
烟時有鶯雙過何妨琴一  
絃蕭蕭人世隔長日抱

雲賦

出穆陵關

單車三日路已出穆陵關旅興沿途寫家音附客  
還黃連九曲水青接二勞山吳國行將近飛鴻滅  
沒間

春草

何物爲春草無心却向榮能鋪金谷徧解向玉階  
生柳外多閑態雨中饒遠情杖藜塵事少獨向大  
堤行

栖雲閣

拾遺卷一

七

舟行

小艇緣溪好狎鷗依晚汀晴春嬾卽臥漁唱醉還  
聽南國來鴻雁東風長綠萍遊人挾趙瑟渺渺憶  
湘靈

送人之任楚南

扁舟楚南去擊楫洞庭開蘭憶騷人賦香來帝子  
山九江仍浩蕩三戶正屯艱廉叔來何莫遺黎已  
解顏

寓大明湖側夜聞風雨聲

天籟自泠泠迢迢下遠汀地疑隣楚甸人似對湘  
靈頓覺秋聲壯偏宜醉客聽移情卽此是不用泛  
滄溟

秋風

何與人間事秋風百感生西堂鳴蟋蟀北渚浴鵝  
鵲役役征夫路蕭蕭倦馬聲歲荒村社急鈴鼓正  
爭鳴

新正

新正來幾日風物漸柔嘉香霧仙人館歌聲酒客  
栖雲閣

拾遺卷一

八

家長松時落雪遲日欲催花天意如人意韶光轉  
物華

洞庭舟中

長安風雨夜往往夢孤舟乍作舟中客何殊夢裏  
遊想因皆是夢人境總宜秋一片冰心在蒼茫對  
十洲

江上寄京洛故人

登舟風日好便覺是閑身朱紱如前夢沙鷗自故  
人斜陽芳草渡寒食杏花辰南浦離懷劇郵書莫

厭頻

蘓州

十日吳門外匆匆已莫春  
簫聲飴粥過柳色酒帘  
新風雨維舟樹漁樵問渡人  
蕭然雲水夢持謝軟  
紅塵

野寺

偶到招提境心畔謝俗櫻人閑足  
禪悅院靜有棋  
聲不似京華住自然風日清只疑金粟老大士欲  
將迎

栖雲閣

拾遺卷一

九

送客

驪歌不可聽況復夕陽時  
山濶雲歸晚風驚鳥去  
遲青門宜悵望紅樹寂相思  
迢遞金微路還愁夢  
裏知

初秋

不知秋到否已覺夜來涼  
殘燭欹斜影薰爐掩冉  
香砧如愁玉塞花欲老  
銀塘漸有讀書火丁丁喜  
漏長

春日過友人山居

斗酒向何方遊情信馬韁  
穠華憐野圃風物憶官  
莊柳盡青羅密溪皆碧玉  
長此宵君有夢春草徧  
南塘

思歸

未必無餘暑君能幾日留  
雁來鸞扇怯蟬噪鳳城  
秋歌舞宜新社山川供醉  
遊湖天應更好處處採  
蓮舟

夜中

吟惜殘春夜慵添出世心  
疎春和漏永短燭閉門  
栖雲閣

拾遺卷一

十

深雲嶠懸歸夢風枝妥宿禽  
碧霄真有路只是戀  
朝簪

送人歸里

帝城南去路客裏過清明  
官道郵程近晴春酒旆  
輕無花遲去馬有樹聽啼  
鶯歸向山中說今年漸  
太平

有感

易破穠華夢難招惆悵魂  
鴉飛梁苑樹客散信陵  
門汾水秋來雁巴山月下  
猿南朝多法曲歌罷有

啼痕

冬夜

古今彈指盡惆悵一燈前夜色留寒夢風聲憶往年  
爐薰侵藥裏書帙潤茶煙顛髮遽如許回頭意惘然

與友人夜話

脾病愁孤坐談諧慰寂寥歲憐秋事半樂憶故鄉  
饒楓雨沈紅樹蕉風展翠翹所嗟景物似歸夢滿寒宵

栖雲閣

拾遺卷一

二

栖雲閣詩卷第一終

元孫貽榮校字

栖雲閣詩拾遺卷第二

刑部左侍郎前吏部左侍郎淄川高珩字慈佩

七言律六十三首

秋興

秋風客夢送將歸千里蕭條木葉飛遠舍幾移新  
燕壘夕陽不改舊漁磯向平婚嫁尋山晚廣武英雄  
風指稀悵望江干鴻盡去芙蓉白露上人衣  
竭來

握手驚看意惘然竭來輕騎越江邊從戎書記三

栖雲閣

拾遺卷二

一

千里去國萍踪八九年客路風花羈旅酒長衢歌  
管禁城烟前遊廻首皆陳迹此後心期雪夜船

送唐濟武歸里

成名需次暫雲阿携得天恩到薜蘿千里飛花隨  
短劍一尊微雨對長歌學從閱世風波定天與探  
書歲月多第一延英期大對蓬山把臂共婆娑

再送濟武

殘春走馬青門道歸臥般滄意若何綠酒尊前無  
感慨碧山影裏有禁歌志能自見復何恨士所當



爲政自多別駕英州其不忝更添佳話向蠻坡

送門人陸處實司教寧國

世人作吏易爲豪疏乞青氈意已高要使諸生服  
雅頌莫就名士醉離騷佳山水處風塵盡多簿書  
時郡邑勞絳帳談經良自喜廣文博士是仙曹

廣平道中

星軺預怯道途賒十里穿林上曉霞略約似萍驚  
病驥流澌如掌濠寒沙計程屢屈長亭指乞火兼  
詢賣酒家自在雲霄如意客刺天飛雁數行斜

栖雲閣

拾遺卷二

上

送邁塵下第歸里

馮文敏詩云我已倦游君未遇楊花如雪送歸  
人邁塵臨岐予忽憶此句方知其妙賦此寄懷  
泣玉陵陽淚滿襟倦游誰念越人吟舊詩漫誦徒  
經眼新恨全同始上心如雪楊花征路渺和雲芳  
草馬蹄深他年此味君應解只恐吳霜鏡裏侵

次王敬哉秋懷韻二首 原選四首

醒自能狂憶次公歌呼颯爽得無同十年客夢星  
河下千里秋聲砧杵中鳥匪疎枝空傍月人依病

葉乍驚風未知造物成何事曉漏昏鐘竟不窮

切切秋蛩何太頻蜀絲燈下唱迎神黃金歌舞醫  
愁藥青史英雄佐酒人縱步茫茫皆暗海回頭念  
念已成塵香烟未斷風中穗辛苦前身與後身

新秋 原選其一

山翠空濛傍晚收疎鐘良夜轉清幽穿雲玉管星  
河近照夢銀屏燈火秋白露簾櫳辭去燕碧花簾  
落上牽牛篋中團扇乘鸞影應爲西風歲歲愁

送蔣維章監揚州稅務

栖雲閣

拾遺卷二

主

畫省鳴珂乞暫閑持籌秋色照嚴關淮南樹影蕪  
城月爪步潮聲建業山已喜越裳通累譯行看蒞  
醬下諸蠻不知誰作狂書記廿四橋頭共往還

送張孔繡之沁水荆石署中

春寒猶靳柳成陰西去征塗雪滿林上黨地當天  
下脊太行雲繫客中心元成世業餘經筭單父風  
流對雅琴到日清明官舍酒縣田烟火寄微吟

送李有文按粵西

玉節金臺破臈行條風送客賦南征恍儻影裏堯

山出翡翠烟中灘水清欲致太平惟察吏尙煩石  
畫是屯兵桂堂莫悵長安遠封事時時到漢京

謁周公廟作

殘碣斜陽野殿虛龍旂想見闕宮初弟兄王業岐  
豐後父子文章河洛餘三握幸瞻元聖貌六經亦  
是一家書西京日遠空懷古悵望千秋殞藻疎

淮南道中 原選一首

青女霜前罷晚砧維舟斷岸柏林深守更風柝依  
殘葦沽酒寒燈起夜禽楚水聲中遊子夢嶽雲影

柘雲閣

拾遺卷二

四

裏故園心此時通德魂應斷瘦影單衾意不禁

歸田雜興

故人相贈有瓊琚載酒青門白板車舊署身能辭  
貫索新銜穩許老樵漁山中酒政閑人課海上軍  
儲計部書賜復十年公章事九州歌舞莫躊躇

寒食偶感

蠟炬誰分漢殿香禁烟景物似秋涼歸寧兒女爭  
紅袖寒食風烟讓綠楊上冢羣趨芳草路冶遊半  
間杏花莊唐陵麥飯啼鵲血不及東郊倒一觴

竹園

烟樹苔磯石逕微竭來長嘯憺忘歸穿林忽得登  
山路看竹全勝食肉肥寒以古香迷客夢清留蒼  
雪上人衣不通姓字慚僉父未必肩輿徑造非

入都寓報國寺僧舍

緇塵不到梵王家鈴語天風靜若譚客久能持龍  
樹偈僧貧解餉虎邱茶名山遙憶心先往帝里重  
來鬢已華棲鶴禪房原自好一枝休羨上林鴉

九日二首

柘雲閣

拾遺卷二

五

節序遲遲勒物華尋芳遍歷野人家天容桓景山  
頭酒人就陶潛籬下花斜日幾回臨古道秋風何  
事又天涯重陽風雨驪人識偏喜新晴噪晚鴉  
九辯登臨楚客愁茫茫懷古又悲秋久銷伯氣荒  
臺馬空憶歌聲聖水舟人似塞鴻皆滅沒酒同金  
馬任沉浮終期蓬海山頭駕冉冉仙輶碧落遊

贈梁玉立二首

原選二首

纔出春明野興新向來正色冠朝臣久推燕趙無  
雙士竟作滂膺以上人綠野從今釐缺典黃扉那

許換閑身鵬邱絲水濃于染欲濯長纓未有塵  
十載中樞慶得朋年來進退似相仍索瘢豈謂公  
無過強項遂疑天亦憎跡近異同良易構言滋毀  
譽總難勝西州豪士應相羨黨籍求名得永曾

題家兄小園

隔院先驚菡萏生平池略受一橋橫接來園菓兒  
孫滿架得牆微洞壑成揮塵憑教山鳥恠科頭喜  
與野人爭連朝止酒閑亭坐却笑歐公醉署名

送謝起東南遊

栖雲閣

拾遺卷二

木

步屣河梁意不禁輕衫遲轡綠楊陰三吳澤畔鶯  
花路五岳圖中禽向心僮僕漸親疎白酒肝腸差  
貴賤黃金密雲一曲今誰唱巾拂憑君問道林

入都過德州

懷土行期定復更登車頓欲到承明東風忽送神  
靈雨南浦重看春草生路徑依稀前問渡郵亭驚  
顧舊題名一航便覺燕齊異無復青山送客行

平原顏魯公祠

白楊風雨戰簷楹颯颯金戈鏃馬聲故老難詢天

實事廢墟猶藉魯公名嵎涇篆處殘碑盡馬圍來  
時春草生欲薦芳蘅無處所荒荒斜日下孤城

感興  
原選其一

簪珥情如酒興闌轉從林麓話長安當權方識風  
波惡退步終因天地寬婚宦累多出世少禪元說  
易息心難快談莫問城頭漏晏起何妨日幾竿

送客

神武抽簪汗漫游鳴琴載酒問高邱霜浮紅葉千  
林滿客歷青山十日留野館花闌已著子空庭槐  
栖雲閣

拾遺卷二

七

老自成秋故人久擅青藜閣乙夜何人共校讎

步下韻

芙蓉城裏晝陰陰夢卽遊仙醉卽吟地可聞琴宜  
水榭僧招說偈向風林掠雲春絮人間世濯月秋  
潭定後心不盡精魂鴻雪路三生石畔漫追尋

清明

鏡裏容華雪滿頭陽春何事滿皇州杏花微雨秋  
千索燕子輕風歌管樓客夢迷如思遠道老懷冷  
似坐深秋蒲團一片鴻濛海鐵作虛舟自在游

春日漫興

酒面新時世界新，糟邱原與玉宸隣。  
琵琶舊事彈連鎖，囉嘖清歌唱采春。  
日涉溪山成令節，天畱花月賜閒人。  
北邙空有黃金在，白髮榮期莫厭貧。

憶華東先生語

翹車北指五雲邊，緒論追陪豈偶然。  
晚節功名如嚼蠟，少年科第似登仙。  
曠懷久矣推先輩，微語尤堪悟後賢。  
畢竟山中煨芋好，十年宰相亦堪憐。

對酒

栖雲閣

拾遺卷二

八

斜日憑欄花氣香，疎林淺瀨泰壇旁。  
紫雲樂府人頻笑，紅豆歌聲夜短長。  
送客西風連下杜，愁予北渚憶清湘。  
便成往事徒廻首，莫負蘭陵琥珀光。

遊勞山三首

紅霞不盡戀山椒，坐聽波聲識晚潮。  
沙嶼高低分斷鷺，烟村寂歷數歸樵。  
臨溪人勸風前酒，隔岸誰吹月下簫。  
機息蕭然皆自得，漆園何處說逍遙。  
風吹雨過淡晴暉，壑壑漫漫石徑微。  
山路漸高人藉杖，海風忽到客添衣。  
通潮溪水來無爽，守洞山

雲靜不飛惆悵鶴，山高士去萬松影裏閉巖扉。

何年蘭若此修真，彷彿空山姑射身。  
湘瑟鼓來疑帝子，秦簫吹後憶仙人。  
石惟壘在猶如黛，杏已花殘不復春。  
過客漫勞頻弔古，縱餘珠翠已成塵。

自嘲

春蚓秋蛇任卷舒，僧虔拙筆定誰如。  
顛毛濡墨嫌張放，柿葉爲箋笑鄭疎。  
尚不折腰八貴座，豈能倪首二王書。  
臨池有訣君知否，蛙跡苔痕宿雨餘。

過金磯

栖雲閣

拾遺卷二

九

漣漪細細鏡花平，却羨漁舟不計程。  
兩岸霞明孤嶼見，九疑雨過晚潮生。  
藤蘿綠入湘君曲，杜若香牽楚客情。  
酌酒天吳相念否，蒲帆百幅待飛行。

漫賦

猶向西曹乞俸錢，流光冉冉失華年。  
書拋鄴架三千卷，畫愛匡廬十八賢。  
作佛未甘靈運後，著鞭誰在祖生先。  
焚香自浣薜薇露，細校虛皇內景篇。

北上別諸友

乍對離尊意不禁，蕭蕭驅馬望遙岑。  
再歸應自重

迴首此去能無事繫心百疊青山牽遠夢半林黃  
葉散秋陰酒闌欲起還長嘯莫道桃花潭水深

江上

錢塘門外酒帘斜明望湖光浸落霞十里何從詢  
古樹六橋不信有桃花夢回南浦懷春燕潮打西  
陵噪晚鴉却惟子胥癡未滅凌波白馬恨猶奢

贈濟武太史

七年兩度共君游前送殘春後莫秋舊事難驅花  
徑馬旅懷常覓酒家樓蓴羹秋老宜吳會杜若香  
栖雲閣

拾遺卷二

寒泛楚流五夜雲栖清梵好虎邱小駐問杭州

游山陰和唐太史贈許竹隱韻二首

遠游原勝掩柴關縱不登臨意已閒白髮天容婚  
宦外青山人在向禽間殘霞低覆千溪水斜日高  
卿萬疊山一任使君歸騎促城南有客坐忘還  
芒屨猶未踣禪關輪却雲門衲子閒筇杖古松流  
水外蒲團修竹絳風間閑行正好旁尋墅小倦何  
妨不上山無雪此時兼有月輕舟應勝剡谿還

登瑞石山

曉起將窮吳山而乃登瑞石山之  
巔左望爲通元觀爲吳山東南盡

處下臨修竹參天則壽春處庵  
爲掃帚禪師故刹也詩紀其勝

門外青山傍屋難山家也只是柴關那能畫閣參  
差處直在奇峰杳靄間松頂偶看猿定去雲心時  
喚鶴飛還翠微踣破千峰上天眼方知世畧閒

渡江

萬口歡呼潮已生翩翩乍覺片帆輕陽侯已借停  
橈力舟子休辭擊汰行明日登高浮玉頂幾人誤  
住呂蒙城猶慚漏下銅壺後辛苦江干候吏迎

大明湖

栖雲閣

拾遺卷二

十

刪抹湖光應更妍遊人驚顧似遊仙綠添柳岸千  
重錦白豁葑堤十里天繡幕朱樓清瀨上新妝紅  
袖小舟前便將西子新圖樣移向齊州亦可憐

初秋憶家

回首韶華雪滿頭西風嫋嫋幾時休單衫易浥愁  
新雨半臂重尋感素秋雁影欲連湘水夢蟬聲能  
結楚臣愁翩翩一舸南征去更濯滄江萬里流

送別

沙明溪山路橫斜獨樹村中三兩家耕事乍閒牛

乳犢柳陰漸放鷺眠沙晴春芳墅償樽酒閑步微吟就野花車馬勿來驚枕簟東風吹夢向天涯

江上

何人縱目妙高臺吳楚蒼望裏開白鶴似將啣月去青山如欲渡江來楓林客夢牽漁火鏡板商歌有酒杯今古滔滔渾不異誰云劫火有沈灰

閣上

小閣微涼扇影遲眠沙鷗鷺靜相宜醉醒誰是難詢酒勝敗雖忘尙看棋好月精神佳夢得東風熟  
栢雲閣  
拾遺卷二  
主  
業落花知漁歌不斷江天遠惆悵樽前耐所思

放言

失笑風輪萬古忙九州一葉海中央久看星宿方知變熟閱滄桑翻覺常蟲樣捷連章亥甃土中常寂化城殤管窺莫信談天衍天外何曾丈尺量

清明

荒原初霽有啼鴉出郭風吹帽影斜新火幾家調杏酪舊醅何處就桃花麥雖遇雪仍無恙燕正銜泥已有家門巷不須重挿柳綠陰芳草遍天涯

咏燕二首

舊事昭陽尙可尋長門枉却貯黃金掠花灞水還澧水試舞花陰復柳陰泥落空梁成恨譜謠傳啄矢累佳禽還愁樓上霓裳歇二十年來夜雨心秋社愁霜去莫尋重來猶傍辟寒金珠簾細雨商春畫彩棟雙棲憇午陰應笑鵲啼名怨鳥亦嫌鷗去是驚禽芭豐翼子鳥衣最始識錦京堂構心

韓燕翼邀飲候仙園

自嫌乘輿徑登堂一揖開筵旋命觴松栢已驚皆  
栢雲閣  
拾遺卷二  
主  
玉樹芙蓉何客種金塘野人禮數寒暄簡名士風流几硯香倒載方歸無不可吾徒隨處是高陽

過故人園

茅亭重到杖藜遲洞壑苦驕偏廢基歌舫皆隨宿莽盡清泉猶與故人期空山寂寂宜幽鳥好月溶溶付酒卮不負晚牕高臥穩笛聲又起夜涼時

再宿清河

截渡樵舟掠水輕黃昏鼓柁嘯歌行鷗藏密靄寒無夢雨滴孤篷夜有聲行客十年迷舊館秋潮一

夜到空城採蘋欲問陽侯兆可爲游人借早晴

舟中夜起

半夜披衣坐復眠空樽惆悵負江天頻年堰廢潮  
侵岸幾夜牕虛月滿船篷側風檣喧楚語水浮霜  
樹接吳煙蕪城帝子知何處秋老淮南桂樹篇

聞長卿卒於西湖

如此人亡百感生茫茫神理未分明縱橫談笑千  
人見跌宕風流四座傾三竺或疑依佛座六橋仍  
可聽歌聲九原更買千金笑蘇小西陵尙有情

栖雲閣

拾遺卷一

古

梅花

領袖羣芳天亦私偷春分付向南枝美人鉛粉妝  
偏素高士風霜性不辭臨水香濃雪霽後橫牕影  
瘦月明時從教玉笛吹難落夢繞羅浮有所思

登樓

獨上高樓思悄然雞牕燈火憶前年年隨逝水潺  
湲外心在飛雲淡蕩邊去馬驂驪穿孝水歸鴻斷  
續入吳天西堂有客傷搖落遙指楓林落照懸

清明送客

紅蠟烟輕出禁城天涯也復有清明佳晨作客風  
情借晴日還鄉意氣生果下金丸年少去水邊珠  
被麗人行讀書燈火無勞乞且喜前邨酒旆迎

侯仙園銷夏

園林又見落花泥新雨銀塘燕子棲日盪樹心光  
掩冉樓橫水面影高低堂堂人自知魚計恰恰惟  
宜聽鳥啼長晝閉門如小劫寬心已過夕陽西

小酌示客

華筵鐘鼓馬牛風小酌清談興不窮熟睡忘情兼

栖雲閣

拾遺卷二

五

蝶盡閑行無意與雲同年光俱向歌吹換山水能  
將哀樂空返照超然塵壒外笙簫縹緲大瀛東

栖雲閣詩拾遺卷第二終

元孫貽榮校字

栖雲閣詩拾遺卷第三

刑部左侍郎前吏部左侍郎淄川高珩字葱佩

絕句詩九十首

舟中

清流到郡城氣色失清淨  
高人居市廛屠沽喪真性

菴子溝

青嶂雙環鏤作關隔塵谷口  
杖藜還桃花千樹鶴千隻  
盡日扁舟繫柳間

栖雲閣

拾遺卷三

話長白山

聽君細話溪山曲便覺江湖意  
渺然短策疏泉楓葉路  
扁舟吹笛藕花天

夜坐

冰壺濯魄意蕭然欲躡青霞到  
碧天不審瑤臺風露冷  
此宵天上是何年

感舊十三首

介子西京壯略傳延陵又著  
和生鞭忠魂甘作揚州燼  
不爲山光好墓田

吳

傳家忠孝久空羣絕命詞哀姓字芬終古未申嬰

白意阿誰爲弔信陵憤

浙江魏

傳粉風流舊有聞清姿年少復能文南歸躍馬無

消息多恐蛾眉解誤君

何

玉骨修眉野鶴身嵩雲高臥大歸人想應又作緱

山夢夜月瑤笙未可親

魏

靈心如鏡筆如霞妙絕文詞擅作家天壤王郎今

寂寞始知慧業亦空花

王

香山司寇尙巖棲洛社風流二老齊三晉素稱君

栖雲閣

拾遺卷三

子國靈光今在太行西

山西

西州傑氣信難儔元禮溫醇自雅流青瑣官移能

幾日素冠人去竟千秋

李

少年樹幟霸文壇部署羣英壁上看江左衣冠厨

顧盡至今煙雨秣陵寒

周

詞館蕭條惜四張嶺南元子闔西堂登壇薊北星

忽落不獨山東相早亡

小築臨波花滿湖蘭亭新本貴三都瓠園花木今

蕪否猶有藍田別業圖

岳



浣花溪是芙蓉城五色雲車上玉清璧月在天君

不死遺經今已付元成杜

旄仗儀形羨伯仁素心尤愛聃翁真鄉書一紙先

朝露汶水南來哭故人周

一賦皇華遂不歸四愁有咏怨斜暉都門舊第崢

嶸甚知與何人貯舞衣魯中張

聽歌

昨日春風聽艷歌此宵涼月弔青娥芙蓉零落胭

脂冷却悔東君雨露多

栖雲閣

拾遺卷三

三

奉使邢襄道中二首原選二首

小麥花稀野雉飛曉寒客子木絲衣何來柳絮粘

泥久又逐薰風上錦轡

苜蓿花開柳散絲孤村曉日上炊烟綠陰滿地遲

征馬種樹方知漢吏賢

江上雜咏

擘岸驚風疑陸沈崩濤永夜似秋霖他時急雨鳴

階夜又起江湖萬里心

斜陽

斜陽客去酒盃空臥愛南牕欹欹風意思蕭然如

出世閑庭松竹到胸中

九月八日留客

黃花白露意相關瑟瑟秋光客自閒風雨不來租

吏去明朝同醉梓潼山

東池

細柳新蒲繞坐隅石橋南北是征途風荷偃仰行

人住畫作臨平五月圖

新秋

栖雲閣

拾遺卷三

四

芭蕉浙浙戰長廊庭下秋花有暗香二十五聲清

漏永西風一夜到匡牀

欲雪

穆陵北是青齊地翹首鄉關亦可期連日南風將

作雪待予前路酒佳時

驛路卽事

林邊簫鼓過遲遲父老將迎引畫旗挾策兒童應

羨我那知我憶似君時

卽事二首

紅牕一曲怨東風芳草青青滿苑中沽酒先尋鍊  
綽板與君齊唱大江東

冠蓋依然滿帝畿重來燕市酒人稀開元舊曲誰  
能聽斜日東風掠客衣

漫成

片語能令節義輕那知名教是工城闔中有女或  
新寡未許臨文說長卿

舟中

酒家燈火過籬紅帆卸猶驚壁岸風烟鎖孤舟清

栢雲閣

拾遺卷三

五

睡穩明朝晴雨任天工

趙段溝

古廟盤陀柿影迷數村都在梓潼西行來饒婦穿  
溪笑坐久山禽出谷啼

菊

管領重陽秋色嘉西風原不關韶華粗疎枝葉妖  
妍少自是東籬處士花

桃源圖

疑鬼疑仙總未真山中世代幾先民桃花歲歲東

風裏也是秦時花後身

出郭

百疊青峰萬樹花流鶯啼處板橋斜驕驄認得來  
時路青旂臨溪賣酒家

擘柑

樹樹金丸綴晚秋甘泉香髓更無儔坐中客說霜  
柑好便枕殘書夢廣州

密頭溪上

庵子溝宜著隱淪密頭東畔草如茵千株細柳真

栢雲閣

拾遺卷三

六

名士一曲清溪似美人

漫興

高下星河斷續風一盃笑對燭花紅那知心賞流  
連處正在哀絃惆悵中

卽景

柳影荷香入畫樓差排驟作小瀛洲昨朝客到迷  
前徑高下分溪水亂流

秋

西風半夜梧桐雨曉起蟬聲便帶秋人世幾番驚

落葉吳霜催上老人頭

雨中垂楊

蕉展梧欹酒乍醒  
平池萬點散浮萍  
不知細雨何顏色  
能使垂楊一倍青

感舊遊

青山西北是陽邱  
回首當年載酒遊  
縱向青樓重駐馬  
何人爲唱小梁州

張彞公園亭戲題

五畝荒園鳥下頻  
野花細草闌時新  
蒙茸雜樹層栖雲閣

拾遺卷三

七

沾耳大似名山少異人

平原道中望泰山

纔到平原笑語生  
天孫含笑已相迎  
飛來雲氣吾家物  
淡日微風馬足輕

燈下看海棠

紅妝簇簇壓闌干  
乍對傾城破曉寒  
自昔美人顏色好  
偏宜燒燭隔簾看

秋蟲

如泣如歌怨不窮  
分明秋意付秋蟲  
夜深無那殷

勤語擬入繁絃急管中

閑居

風雨陰陰促落花  
蕭閑意思似天涯  
輕舟欲訪元真子  
西塞山邊第幾家

過磁州

馬蹄處處踏清流  
驛路塵沙望已收  
乍似江南風景好  
水雲滿地入磁州

秋夜二首

白雁南飛汾水流  
送來惆悵是新秋  
金風玉露年栖雲閣

拾遺卷三

八

年事何與騷人爾許愁

山上流泉風雨哀  
新涼剪燭意徘徊  
讀書牕下蕭蕭響  
身入秋聲賦裏來

梅

景物遲遲淡日陰  
似無春色到園林  
連朝細檢南枝蕊  
著意東風看淺深

自三里溝入城

爽氣朝來致已清  
溪山曉日畫難成  
無窮顧愷王維手  
乍向閑心靜眼生

瓊花觀

錦帆千里赴雷塘小杜風流事亦荒何處瓊花歸  
劫火蕭蕭鴨脚滿長廊

浙中歸途

翩翩一棹越江東來固欣然歸亦同西去鄉關在  
眼底東來邱壑滿胸中

柳絮

不知楊柳誰家樹嫩綠陰陰隔幾坊今日微風吹  
絮到西郊應已滿橫塘

栖雲閣

拾遺卷三

九

維揚懷古

垂柳陰陰覆汴河司花宮女逐龍舸西京誰唱安  
公子又是陳家玉樹歌

錦秋湖

垂柳垂楊酒幔懸畫船短笛藕花天麻衣猶有同  
人否細雨平湖似往年

百花橋

西風吹老碧梧枝蓮子房空藕有絲小院閉門風  
露下百花橋畔暮秋時

客中

漠漠寒雲旅雁哀離離風葉豆花開新詩莫訝皆  
秋色昨夜山牕聽雨來

都門秋日

翠柳涼生白苧衣銀塘蓮子漸應肥甕頭春社留  
餘酒屈指秋風待我歸

游西山回二首

原選一首

萬山深抱古招提摩漢長松咫尺迷古洞雲深鐘  
磬悄佛燈初上野禽啼

栖雲閣

拾遺卷三

十

萬疊楓林萬壑烟無情夕照喚人還歸來仍有青  
山夢留在西岩黃葉邊

舟次

北斗闌干帶絳河輕風遠送榜人歌不知僮僕懷  
歸否船尾殘燈絮語多

揚州

汴水東流事已非錦帆殘日轉霏微柳絲又作春  
來絮一夢雷塘何日歸

柿岩

潺潺偏攬道人眠靜夜空山瀉暗泉骨冷神寒幽  
夢醒來青軒外柿岩前

登高望遠

路當曲折青山外人在蕭疎紅樹中九月雲寒依  
北陸三湘水閣待南鴻

漫興

醉餘掉臂去堂堂富貴他年亦不妨若遇少陵同  
一笑江頭酒債本尋常

尋梅

栖雲閣

拾遺卷三

十一

空山何處問梅花策杖穿林石徑斜擬向羅浮選  
好夢翠禽啼出美人家

題畫

紅葉疎林映草廬蕭然秋色地仙居輞川已拜維  
摩贈粉本真疑畫不如

偶憶溧陽同館

山邱華屋恨難平相國墳頭草又生重唱渭城人  
隔世山陽笛裏斷腸聲

使楚雜詩十三首

鄂渚君山更幾程軒轅張樂百靈驚蕭蕭風秋非  
人世遙聽湘靈瑟一聲

千頃菰蒲水鳥呼推牕涼月滿平湖古人妙句今  
方解白玉盤中一粒珠

屋角臨江舟過遲疎花高下半遮籬幾株綠柳蓬  
門外好置黃壚揮酒旗

幾聲嘔啞送吳船便覺江空夜寂寥何事木蘭舟  
畔月又教絡緯送秋宵

篷底科頭半卸衫舟如駿馬乍除衙中流得意徐

栖雲閣

拾遺卷三

十一

徐好莫爲乘風滿掛帆

洪山東去塔分明決決飛泉下嶺聲綠錦鋪山山  
接寺愛教屐笠雨中行

雨蔣風蒲半帶烟巉岩如臥畫巖前崑崙挾長休  
相笑正愛青蒼小似拳

篠簜成林夢想中此來真見楚材雄大人龍伯森  
然立百尺虬龍拜下風

小展沙開村意成蘿陰遙聽午雞聲幾年兵燹荒  
殘後驚見王人過楚城

南來幾月使臣星望岳浮湘過洞庭已陵暮雨堪  
惆悵篷背瀟瀟不可聽

溪畔楮山封紫泥森森松鬣蓋薑畦楓牕竹屋人  
來少羸得山雞自在啼

適意當前意便安無監有蟬果宜官人生只合湘  
南住大竹如松綠萬竿

五老峰高烟水長輕舟有客下瀟湘匡廬飛雪三  
千尺一洗十年塵土腸

易齋相公過松筠庵見訪

栖雲閣

拾遺卷三

三

戶倚雙藤禪宇開無人知是相公來相看一笑忘  
朝市風味依然兩秀才

感興

畫角晨鐘動曙烏回頭逸思滿江湖曉風殘月依  
稀似得似蘭舟酒醒無

答人贈別

文通一賦入離歌不用樽前喚奈何說與少年能  
信否白頭原聽渭城多

感

日日斜陽送晚潮啼鳥過盡草蕭蕭只因曾作繁  
華夢惹得閑人憶六朝

戲作咏史

抑揄鬼子笑人忙漢殿諸公未易方但有黃金總  
不礙歸爲廣受出王陽

燕子

王謝堂前巢已傾又從傳舍構新成不須重問興  
亡事燕子如今亦後生

犬吠

栖雲閣

拾遺卷三

古

漁火禪燈樹樹霜空山遠夢月蒼涼禁城吠犬還  
如豹觸忤心情華子岡

道中

荷篠行歌憶故邱燕南惆悵使星留他時只恐衡  
門下又向天涯憶遠游

漫興

鈍根塵網出常遲滋味如秋漸已移昨夜新涼風  
露爽心情祇許暮蟬知

絮

一曲驪歌日已西渭城雨過意淒迷青青折取情  
難盡更遣飛花送馬蹄

客中感興

丹青顧陸已千秋畫盡繁華寫盡愁若問上林空  
有賦平蕪斜日滿秦州

夜雪

亂撲簾櫳點箔旌重于柳絮較花輕敲牕幾點清  
人耳抵得空堦夜雨聲

蠅

栖雲閣

拾遺卷三

五

秦庭傳赦爾多能每笑歐陽亦誤憎淨拭銅匱輕  
點染傷心始解賦青蠅

平原道中

天寶平原古戰場仙節義萬年香向南又見青  
山色莫把天孫作太行

栖雲閣詩拾遺卷第三終

元孫貽榮校字

曩余因事按淄川信宿故侍郎念東高  
公第問所為栖雲閣詩文集其元孫貽  
榮揖而言曰先公詩曾為趙宮贊秋谷  
選刻惟文集尚藏於家方謀剞劂而未  
能越六年貽榮之弟貽樂奉其兄命手  
公文來謁余發而觀之知公雖以詞翰  
起家而所懷常在民物當

栖雲閣

序

國家景運方新之日東省草昧初開餘  
風未殄哀鴻滿澤莫為念此嗷々及至  
田功漸即朱提賈踴催科之吏撫字無  
方公局外持籌發言流涕見於敕荒序  
與當事書者一篇之中三致意焉至於  
歎末俗之凌遲痛菰林之波蕩杜耆有  
疏砥士有議起僵立仆斯為藥石矣或

以公文涉及二氏喜聞宗風即齋諸美  
堅傳奇樂府六復津之齒類疑止以跌  
宕文史自奇而不知其意念所存有如  
此也且公之於文眼如明月口如懸河思  
如湧泉筆如翻水充沛而不嫌其冗秀  
贍而不覺其腴叙一事必灼陳其事之  
情狀舉一義必盡顯其義之底蘊如

栖雲閣

序

二

與畢少保論計相陳百史說家宰會臺  
序之議時文瀛洲草之繪詞苑令人如  
身廁其列為之喟然興歎而不能已焉  
新城王尚書所稱咳唾珠璣用如泥沙  
者尚不足以盡公行文之妙斯不亦自  
足千古已乎願揚雄後世安有子雲子  
建當年深期敬禮歐陽子訂六一朝宗

乃有壯悔公之文未嘗自定篇第閱者  
易以文詞之工而掩其蘊含之大今略  
為差次凡得如千篇訂為正集其出入  
二氏與夫散碎零雜近於小說者則歸  
諸別集庶幾櫛艾攸分淄澠各別而公  
之真面目為不泯矣貽榮兄弟如力不  
足以全梓先出其正集以傳世也可乎

栖雲閣

序

三

乾隆四十一年孟冬上澣山東按察使  
吳江後學陸燿拜撰





栖雲閣文集後序

高侍郎念東先生宦京師少交遊獨與金沙蔣公  
虎臣稱莫逆交金沙故逃於禪而讀栖雲閣詩每  
使人有遺世務棄塵埃之想又凡二氏之文有求  
必應不立畛畦先生自云附於隨喜贊嘆者也於  
是天下謂儒而兼釋者必曰高侍郎嗚呼是焉足  
以知先生哉蓋以未見全書無足怪也余昔承乏  
般陽與先生元孫木欣昆季善求先生文集則以  
尚無定本意欲余爲簡別未果余以憂去矣蓋乾

栖雲閣

後序

一

隆己丑歲也後八年木欣之弟益三肄業樂源書  
院以栖雲文集質正於廉使吳江陸公公時有切  
問齋文鈔之舉簡閱之餘分爲正別二集以爲先  
生之本領具見於文存之惟其慎擇之惟其精猶  
不敢自是既屬異齋錢子改其訛舛又以書命百  
二商酌其出入焉噫余安足以知先生哉惟是悔  
從前交臂之失且幸廬山眞面目今乃見之於論  
學見先生察識擴充之旨體驗甚深於說經則有  
左右逢源之樂至國計民生風俗之所係必痛切

言之直痼癢利害之切於肌膚而不能自己焉其  
氣滔滔汨汨如長江大河一瀉千里港汊洲渚無  
不到以其餘潤泛濫於老佛正如江之有沱河之  
有灘而已若遂以先生爲禪伯何異以沱灘爲江  
河之經流哉用附數言以告天下之讀栖雲文者  
竝以質異齋云丁酉正月秀水後學盛百二識於  
任城書院之學海樓

栖雲閣

後序

二

栖雲閣文集目錄

吳江陸 耀朗甫選定

秀水盛百二秦川參訂

震澤錢大培異齋

歷城周永年書昌

清平劉 湄岸淮

歷城方 昂訥庵校閱

第一卷

栖雲閣

目錄

序十二首

易解序

史纂序

讀莊一呖序

山東通志序

淄川縣志序

馮再來漁放序

廣孝百行編序

江南鄉試錄序

會試錄序

重修萬歷丙子齒錄序

朱翠華鄉賢錄序

陳侍御名宦鄉賢錄序

第二卷

序十三首

張西山青齊治略序

張西山救荒書序

永豐紀事序

栖雲閣

目錄

天中理牘序

鄧氏族譜序

劉一止族譜序

黃侍御家乘序

張氏族譜序

募修淄川學序

募建義倉序

募重修官垣序

重修六龍橋序

募化重修興教寺序

第三卷

序十首

畢少保公石隱園藏稿序

畢少保公石隱園藏稿又序

元公集序

陳吉雲編序

象六先生文集序

孫文定公文集序

栢雲閣

目錄

三

張西山文集序

復陽先生文序

愚山集序

瀛洲草序

第四卷

序十首

息軒草序

新城雷令詩序

耿又朴詩序

于子先詩序

起東詩序

起東南遊詩序

涉境詩序

白東谷南遊草序

朮子石髮詩序

松濤詩序

第五卷

序十一首

栢雲閣

目錄

四

黃韞生文序

勞學臺文序

人岳時文序

珠善義序

實庵詞序

大雅堂詞稿序

鍾一士詞序

楚遊日記序

盧先生傳序

張相國醫驗編序

鵬邱雜錄序

第六卷

序十六首

贈張大中丞滅寇保民序

贈守憲張公滅寇救民序

成青壇大拜序

陳百史進秩太宰序

賀劉憲石先生擢少宰序

栢雲閣

目錄

五

賀葉郡倅序

賀龍水通判齊君序

贈長山南令序

劉尉署涵令序

祝萊蕪令戎公壽序

壽白公祖序

祝施方伯壽序

壽教諭房子明序

送王子下先生還朝序

魏味庵學士終養序

三君子序

第七卷

疏六首

請建常平倉疏

杜奢疏

察貪疏

湖南民瘼事疏

酌裁提鎮疏

栢雲閣

目錄

六

裁督撫疏

第八卷

議七首

與巡方議

與巡方議

與當事論民害

行錢議

實行保結以砥士趨議

三教議

時務五款

第九卷

策問一首

禁訟策問

論一首

申韓論

說三首

充齋說

華刁風說

栢雲閣

目錄

鮑德輿字說

解二首

易解

喪棚迂解

第十卷

記十一首

世訓記略

重修淄川城記

重修學宮記

縣治旌善燁惡亭記

恤幼局記

京都學院署記

修般水官垣記

道州橋記

河工底績紀事

亦園記

重修禹王山廟記

第十一卷

栢雲閣

目錄

題辭十三首

翁社申約題辭

勸民緒言題辭

釐弊題辭

題玉駟疏

李子常爲長支立嗣題辭

仁孝題辭

戒牛題辭

范文正公菑薛辨題辭

柏箋甲集題辭

題陳子文詩

題蘭亭圖詩

偕老園題詞

會館會約

跋二首

平心錄跋語

張玉庵先生傳跋

贊一首

栢雲閣

目錄

九

呂新吾先生集贊

第十二卷

碑文二首

祀炎帝碑文

京都建彌陀寺碑文

募疏二首

補修梓潼山鄭公祠書院募疏

募修甘露王菩薩祠疏

傳五首

何思先生傳

劉顯之傳

一門三義傳

韓節婦傳

孫節婦傳

第十三卷

墓誌銘六首

內翰林秘書院學士鄂公墓誌銘

浙江麗水縣知縣蔘庵田公墓誌銘

栢雲閣

目錄

十

陝西按察司按察使子仁葛公墓誌銘

刑部尚書五絃李公墓誌銘

江南布政使司參議嶧龔劉公墓誌銘

監察御史巡按浙江弼之王公墓誌銘

第十四卷

墓誌銘六首

湖廣布政使司布政使友白杜公墓誌銘

太僕寺卿管通政使司右通政事乾宇韓

公墓誌銘

通政使司右通政子下王公墓誌銘

戶科給事中樹百孫公墓誌銘

王太公暨元配孫孺人墓誌銘

黃母孫宜人墓誌銘

第十五卷

神道碑銘三首

贈戶部尚書澗遡王公神道碑銘

誥封中憲大夫範宸王公神道碑銘

江南無爲州知州在公李公神道碑銘

栖雲閣

目錄

十一

墓表二首

兵部尚書庸足仇公墓表

山西布政使司布政使在川李公墓表

祭文一首

祭通政王子下先生文

賦一首

遊賦

附錄

神道碑銘

傳

五世孫 貽榮

貽樂

貽華

六世孫 鳳謀

廷謀同校字

栖雲閣

目錄

十二

序

易解序

三代而後易之專門也始於菑川田生予幸與先儒同里自高曾而下世受一經然不過爲科舉之業期於一第而已非能究心往聖之傳也年來體驗人事方知易理在焉莊周曰易以道陰陽似覺未盡也既而思之人事皆陰陽也天道原在人事

栖雲閣

卷一

中離人事而言陰陽則聖人豈欲以天文法象名家乎必不然矣開與友人商訂此意友人問曰天下皆易道乎曰然天下不皆易道乎曰然問者疑焉予應之曰天下皆易道所以無易天下無可專指爲易道者所以易之道無不在也或又曰易言天道乎曰否然則易不專言天道乎曰否問者疑焉予應之曰言天而如周牌渾天諸家也於人事遠矣言人事而消息盡變以游環中也謂非用天道不可也故易之爲義難測也觀聖人之用易而

了然聖人不已言之乎曰彌綸天地之道以順性命之理者也故元亨而承以利貞惟於乾可訓以四德耳至坤則貞已爲戒詞矣此人事也戒不及於天地也乾曰君子以自強不息坤曰君子以厚德載物以敬而誠以恕而仁聖學盡於此而六十四卦統於此矣人事也履謙九卦以處患假年五十以寡過文王孔子之用易也人事也聖人之用易也中庸如此而後世學者皆欲遠過於聖人何也此猶以易論易也卽以非易者論易四經四子皆易之疏也而吾尤謂善言易者莫若中庸善體中庸者莫若鄉黨一篇其要諸時中而已中之一字啓自唐虞而後易與中庸再見焉戒誠不及於天矣而聖人乃必以天道律人事故於剛健之下純粹以精之上而會以中正謂足以盡天地之道故也既足以盡天地之道而卽足以盡萬物之道故也夫中正者體用一原之道也而亦體用合德故乾元亨利之末而曰貞貞者三德之固也體也諸卦閒亦言貞貞者三德之救也用也猶之平時

栖雲閣

卷一

二



中者用也而未發者體也時時以中爲體而正爲用也亦有時以正爲體而中爲用中而不正焉內則枯寂外則流倚正而不中焉道術則爲小成偏門世局則爲蜀洛甘陵本持世也而反足以禍世者有之中正未全不明乎易故也中正合而時措焉則易之道盡矣則學易之事畢矣故京房管輅術數耳王弼郭象清言耳說衍八師夢吞三爻支離奇怪耳非易學也今先生之圭約出若視標而趨握肘而診嗣君虎臣太史之言曰重義理而後

栢雲閣

卷一

三

代高帝大統也或又曰易之本在河洛予謂此如春秋一編雖以西狩受名而亦終不敢謂鉏商不獲春秋正月無書也凡此皆易之一端耳先生此集其彌綸易之一道也備矣廣矣先生於四經四書皆有註予謂皆註易也而會通此編卽云以註四經四書而兼之亦無不可者進而求之變易交易而萬化之機繁不易而天下之道盡不易者太極也太極則已有之矣無極而太極卽有而無矣卽人卽天卽有卽無是又先生之所不及註而亦

栢雲閣

卷一

四

天下無由以文字求焉者也斯理也太史已久矣默識予將往而問之

史款序

讀經所以明理也讀史所以明事也理者先聖後聖之所同故求諸心而易簡可盡事因勢而百變非悉古洞今源窮委不足以詳其異道而定其歸此經世者之不得僅以窮經爲足而曰我已得心理之同矣班馬以降紛綸汗青儒者譏爲玩物喪志可置諸高閣而遠之也後生束書不觀而謬引臯夔稷契是何異後世之業在刀圭者青囊諸編不一寓目而傲然謂黃帝岐伯所讀何書遂欲

栢雲閣

卷一

五

以空腹方駕爲驟然而讀書者以讀史爲難而讀史者尤苦於讀之無其法博而寡要良史所譏古之人固已慮及此矣故邱明編年事統於歲而龍門變爲傳紀蓋統於歲者雜而係於人者專也其人之本末盡此矣此便於讀史者一通鑑綱目已撮諸史之通而紀事本末尤合二書之散蓋紀從分而驟竟爲難紀從合則一覽立盡也其事之本末盡此矣此便於讀史者二且讀書與經世非二事也遂紛則日勞而亂以日深得其居要之法故

御萬人猶一人昔人謂善馭兵者殺其士卒之半此讀書法也賦詩者得驪珠而棄爪甲此讀書法也馬援聚米山川指掌此讀書法也張華披圖宮殿如睹此讀書法也予素有讀史之志而以病廢業且師丹多忘欲撮要爲一書便記憶而未果石生年丈以其先君子□□先生史款授予予卒業而後喜可知也考證詳矣而論斷復屹然如山學者疑難之端一展卷而瞭然揭諸日月然後知史不可以不讀而讀史不可以無法也然而讀史有

栢雲閣

卷一

六

法尤貴讀史有用士苟於民生利弊國計重輕卽之如墮雲霧此卽竝百國寶書三墳史逸歷歷於口如瓶瀉水謂之一字不識可也今石生以家學見諸天下封事鑿鑿若梁肉之可療饑藥石之可伐病此可謂善讀父書者矣先生之學其康濟斯世者不旣多乎哉

讀莊一快序

予讀莊子至輪扁之章乃廢書而嘆曰此獨非齊侯之冊乎子休固已告我矣奈何百世之下穀再亡羊也已而臥病無事漆園傲吏又在王搢床頭時有會心則復欣然獨笑曰英雄固欺人哉夫古人之言而盡糟粕也逍遙一編覆瓿久矣何以至今而猶肄業及之也且也昔則拔理於郭向近復殫致於袁譚雖所疏固有淺深然豈盡巫覡譯語乎及得西嶽顧先生讀莊一快味之而後心解古

栢雲閣

卷一

十

人微意正與五宗語句之參略同彼死於句下者醢難自困耳古今何與焉夫以味之索焉而爲糟粕也豈惟千古載籍然哉面命而重垣在焉今人之言寧非糟粕乎豈惟今之言哉交臂而空殼浮焉今人寧非糟粕乎甚而形神不抱忽忽蜩甲我與我周旋亦糟粕也苟糟粕而不滯於糟粕也者蒙莊之言曰塵垢可以陶鑄堯舜何糟粕之不足以醞釀老列乎彼作詩必此詩定知非詩人子瞻下語妙得風雅三昧矣予謂讀書非此人定不解

此書則糟粕與河漢正復同趨耳彼蒙莊之言固

世人驚怖河漢者也而獨以惠子爲郢人之質者何居夫惠固又一蒙莊也引而伸之百世之下而仍有蒙莊出焉則南華一編如其宿構謂以蒙莊而疑蒙莊之語可乎然則西嶽之註莊固昔人所謂以海受海者而世人蠹測或以文而祀之桑翰或以談而宗之塵尾一何小吾南華耶夫以牙籌兔窟之智而舌借濠梁其爲蒙供粉題絕倒千古矣而後人耳食者乃欲以荆棘銅駝歸塵尾典

栢雲閣

卷一

八

午諸子有知不亦竊笑地下耶世儒雷同率云文宗六經夫六經非盡出聖人手也其上者意不在文言簡而達故不盡錯綜之致而下者婦人戍卒之所謳吟竝與俗儒之所曾嘖又未足盡爲文字統宗夫世間文章鼻祖斷然莊左同有千古耳第莊子之學久以文字掩之是亦管中窺豹者也辟之蠶絲之用黼黻元黃文允文矣而衣被四海功儷春陽今僅斤斤曰文也文也爭麗於蜉蝣之羽又安有當乎蓋蒙莊之粲然成文者亦猶其卮言

云爾而道淵乎其中而用恢乎其外開喉見膽則逍遙遊三語略盡之矣晉人闢發數百言誠不爲過但語已不傳未審果盡精微否耳逍遙之遊非真於人閒世外別有建德之鄉可得而舟車托也源濬於大宗師而應備於德充符其於內聖外王之道美矣備矣而小夫淺淺乃吸糟而揮醴遂不幸令扁輪笑語懸記千秋今西嶽之於莊也窮其奧窔挹其液瀝貫其經緯標其峰壘陶右應手縱橫爲章卽謂西嶽之註莊爲鑄莊無不可也且西

栢雲閣

卷一

九

嶽之於莊又非止其子墨客卿之謂也之邑令則爲名邑令治行斑斑如也逍遙其寓於花封乎之御史則爲名御史封事鑿鑿如也逍遙其寓於柏臺乎是皆漆園之註也無往而不盡其道以底其用庶幾所謂涵也如海運也如風變化也如鵬而莫知天闕者乎昔人謂子輿氏不談易而深於易吾茲於西嶽也亦然以此推之則蒙莊之曳尾泥塗婆娑園吏皆糟粕也皆逍遙之遊也不楚也而未嘗不相楚也其相楚也治必越於菟而上矣吾

安知之知之西嶽也

栢雲閣

卷一

十

山東通志序

寧萬國而聖人申受天庥大一統而輿圖昭垂冊府此唐虞三代之鴻模而禹貢周官所以燦若日星重於球圖者也蓋聖人之膺圖馭籙也其經綸一時之草昧則爲之規州郡別物宜而定藝極審大川廣谷嗜好謠俗之殊而樹之風聲所以端政教者然也其明示奕世之規型則爲之緝縹緗絨金石使後之人有以酌因革而劑時宜神損益而宏通變故輿圖之志上而雄藩奧壤下而遐區荒陬亦罔有遺焉所以垂典訓者然也竊啓之士或云志之與史似分道而馳不知史則以人事爲經而地其緯也故春秋重龜蒙鄒鄙之田而諸史列郡國方輿之考志則以地爲經而緯以人事者也故華陽亦綜士女而益部□□□殊途同歸異軌並馳總以紀往詔來綜善敗而垂龜鏡耳故史之兼乎志也其地分則爲之列十二諸侯七雄之分疆胙土而錯綜之以至三分而爲蜀魏吳十六國漢秦涼蜀之紛紛較若列眉而志之兼乎史也

栢雲閣

卷一

上

其時遠兩戒三條之逕庭而上遡羲軒中延唐宋近迨元明若屈指而計朝晡也豈非其分合同異不可爲典要者哉我

皇上俞輔臣之請而遍詔郡國蒐輯輿圖亦猶行古之道也方伯施公既拜命乃聘名儒考舊章蔚然大典期月告竣予既受而卒業焉乃拜手颺言曰公之敏於事而有以黻黼皇猷潤章盛制也如此昔人云經國大業不朽盛事此足以當之矣若夫二京巨麗於平子三都纂組於太沖以云綉其聲悅藻火藝圃則可耳其何足以儷斯大業耶夫二東十二河山蓋自昔以來稱齊魯文獻邦在於今日則尤京畿肱股之要地矣虛危之次海岱之雄載在故籍未易更僕盡也而撮其大要不尤以田賦兵防風俗人才之爲要乎夫田賦指掌可列非海王告匱於昔也二東附注之君子以及三軍之衆六族之良非不按籍可稽也子衿之挑達擬於鄭婦姑之勃谿擬於秦飲章告變赭衣斷指而茫不懲艾如火之燎於原不可嚮邇也何以故豈

栢雲閣

卷一

上

先王先公之遺風盡民而文獻之邦遂有裔民乎  
此無他文武之道幽厲傷之秉國之成而因循民  
禁政教日隳而和恆之治淪胥以鋪也夫力田之  
科不劬牟賊之侵不芟田卒汚萊矣蒐原之不聞  
執秩之不詔則甲士執冰而踞馬軼於林矣政在  
兵食國在富強而風俗人才則尤二者之蟠岷也  
夫東郊保釐以後商俗猶有存者我未之前聞是  
猶埏埴之在型耳則壤一書詳言物產而不及人  
才非略之也篠簜金錫之倫產於地而人才者天

栢雲閣

卷一

三

地之菁英社稷之楨榦不可以星土河漢之分而  
有定產也明矣卽曰吳越雋民燕趙節概亦似介  
介分疆此猶之篠簜金錫猶可按圖而求而和氏  
明月之珠天閑籥雲之乘亦不可力索於荆山之  
圃廣求之渥洼之津也然而前聖過化遺澤猶存  
作人有型德造梓鼓夫非當權御物者之所優爲  
乎故不必侈萬國之煌煌撫九州之翼翼搜三楚  
之邱索言百國之寶書也不佞東海之鄙人也請  
述東海之遺烈驅車營邱之野不愾然而如晤應

揚盱衡大庭之墟不宛然而覲赤舄陳書緇帷之  
林不仰焉而遇素王乎方今滇雲未靖南紀出車  
得一尙父而飲至凱歌可以立應也民瘼須蘇官  
才待飭得一元公而迂衡可以立奏也至於敷天  
常而立人極育英才而儲國榦則得一尼父而民  
譽咸蒸蒸矣是三聖人者非齊魯之所受治卽其  
地之所篤生也故予不佞不敢如相如子雲侈其  
地之所有以矜巨麗而卽桑梓前謨可以輔今日  
堯舜之治者寄懷焉以十二諸侯受命之府七十  
二君告成之地筦樞六寓攀提三古有餘裕矣六  
韜可陳也六官可釐也六經六行可迪率也載筆  
旣竣爰企以是翊休隆焉是亦方伯公之有同志  
者歟

栢雲閣

卷一

四

淄川縣志序

文者天之所以顯道也經以詳其理史以詳其事  
盡之矣而史之分區則郡邑諸志尤重焉刻畫三  
才昭明萬禩所賴翰墨之功能與乾坤同壽耳不  
然史志不傳事之小者固不足論矣將泰華嵩衡  
竝不能指其峙在何方唐虞商周亦不復知其列  
於何代卽自號爲聰穎冠世之姿問之千秋四海  
事張目而止耳況能別險易之境治亂之跡利弊  
之端賢愚淑慝之紛紜乎然而輿圖郡國之志不

栢雲閣

卷一

五

可同而邑志尤與郡國有異蓋邑志所貴以詳審  
精核爲功者也乃秉筆之士漫以言簡而意盡爲  
高手誤矣信斯言也則麟經二百四十年中之數  
百言寥寥已盡矣而邱明公穀連篇累牘不亦贅  
乎則文體之各有當也固矣而筆削盡致則更待  
之爲政者所謂人存而政舉者非乎予邑志之不  
修也有年蓋以官斯地者率視爲不急之務旣非  
錢穀刑名之考成可以登上選躋清班而剗剔之  
資又必待金錢始贍亦誰爲倡予和汝者是以崖

略雖完而束之高閣者數歲雖久奉

俞旨而掛壁竟若罔聞此固無足怪也丁卯之秋  
予得新志讀之流連累日蓋以予耳目之所及者  
因而俯仰今古不能無所疑更不能無所感而究  
之忻慰無量矣其所疑者何也如鬼谷洞鄭公祠  
岑山公孫墓是也夫鬼谷見之輿圖者累累秦楚  
閒不一而足矣而梓潼山之洞尙不足容幽人數  
尺几榻令儀秦挾冊其中不亦蹙乎鄭司農車轍  
之東也經過或未知耳而此山之上數椽修廬

栢雲閣

卷一

六

亦未具也欲令數百門人露處而講業不更難乎  
則影借於陽邱之巖堂嶺也鹿皮公岑山棲托數  
十年昭昭列仙傳中而予邑之東南萬峯雲際左  
俯滄溟而樵夫牧豎竝未有能名岑山爲何地者  
夫此山豈其靈鷲能飛瑯琊善徒與安得起古人  
而質之叩山靈而問之乎至公孫之祀於學宮也  
當自淄菑二字之彷彿誤之志中辨已明矣而向  
來乃又有妄指一邱以實堂斧者夫臯宰無言淄  
通何據此可信乎若王孝子之繭室今乃竝不復

知其處矣人之重丞相而輕孝子也一至此乎此則疑似之難定者也然而往古之事若存若亡前賢之蹟傳疑傳信也亦久矣故回車之聖實沉雷祠來蘇之橋南津志喜亦後人景慕之公情也與其過而去之不若過而存之猶足起人仰止之懷也百年之前昇平累代矣故予一邑中朝多顯仕而亦野饒素封即田舍翁家皆高屋華軒出而飛轡洋洋聯騎塞路腰纏中動輒累數千金爲歌樓酒榭之資也至於園林臺榭分疆闢巧而城北中

栖雲閣

卷一

七

丞韓公之仙洲園尤爲第一其飛樓高閣鶴峙前軒蹊澗山亭倚角後勁長流來於遠浦畫舫送以清歌天魔小隊仙媛長裾翩翻於琅玕數畝之中望之者忽爾作翠水樊桐閒想矣當是時也新城大司馬王公鄒平都御史張公平泉競爽綠野分雄而皆遠讓仙洲故大夫士庶人之遊觀者踵相次也又於清明上巳之閒百貨駢集數邑麋赴爛若五都之市矣此日寧可復觀乎此則興廢之不同者也至於政教民風之大向者四海宴安教靈

無事故惟正之供考課亦寬百姓額賦之入每至改歲方報竣焉且其時化成已久淑慝攸分士大夫皆知自愛未有吞噬閭閻者而閭閻之下率皆循循畏法亦未聞有誣訟譸張輕生圖賂以蒼冥之鑑觀爲不足憑以憲典之刑賞爲不足信者今亦蕩然非昔矣此則隆替之不同者也乃低回不已忽復莞爾自笑曰夫穠華憔悴歷劫遷流旣能隱見無常渺若蜃宮亦且往復不窮轉如日轂不止季子之邱久湮橋畔平津之閣已圯秦封即令

栖雲閣

卷一

八

王詡之仙舍依然岑山之精廬猶故豈能碑效攝魂符呼駐節上挹浮邱之袂親踵松喬之武乎則皆不足置之懷抱耳而展卷忻忻差足慰意者良以新志之竣工不日也且夫詠者已正缺者已補爲圖若吳越之丹青選語如簫韶之絲竹一編在手亦足以豪矣而所尤喜者百餘年之缺事一朝告成上旣可以仰答

一人下復足以楷模百祀則非我侯捐資擇賢之力不至此侯下車無幾期月有成而半塵不染百



度維新變齊已有厚望人存政舉邑志固止一端  
之共觀者耳而又幸撫軍吳興朗亭錢公祖分麾  
伊邇海岱春回共知爲一代正人且行爲

九重碩輔登來文告語語痼瘼止請更倉糧一疏  
般陽之受福已無量蓋般陽去德州獨遠故沐恩  
尤倍深也二東覆露未有涯矣況我

皇上武功聿隆聖澤日普蠲租減稅史不絕書乃  
煌煌

德音此日復下山城則治平之上煥三代也觀成

栢雲閣

卷一

十九

旦夕矣此固四海九州之洪休而吾邑載筆成書  
適逢盛事固不偶云

馮再來滇攷序

前賢輅車所至輒有成書後之讀之者以爲此藝  
林之瓊瑰而詞人之羽翰也然而經術有旅固非  
一揆輿圖之編其來尙矣神禹開疆於前職方嗣  
響於後而伯益嗜奇燦若九金之鼎猗歟偉矣雖  
然君子之載筆也固將經緯天地耳而經緯天地  
又以人事爲歸不然者鉛槧霸皇或失則不詳或  
失則不經其下者中郎秘之帳中耳卽上之或以  
標羣玉之峯矜上帝之府也有餘哉而終於人事  
鮮裨焉揚馬賦手麗而不則曲終奏雅其與幾何  
大言炎炎殊有逕庭矣再來先生以壯猷偉略攜  
危疆以還之

天子天子嘉之聖門之所謂可與權者非歟余乃  
得肩隨而朝夕共事幸矣迨讀滇攷一書乃知學  
固有本而志固有素良非偶然而一編爲百世鑑  
亦非華陽益部諸冊所可望其肩背者也意切柔  
能遠略故不屑屑撫山川土物之繁以爲富而於  
得失治亂之所以然者每篇之亂三致意焉正如

武惠粹盤左戈右印國土楸野扼要爭先此百代  
柔遠之龜著而玉斧之外永安覆孟以大匡聖治  
者也譬之日月所經揀瀆燭照而萬物以滋干劫  
不改亦以人事爲功也經國大業不朽勝事於是  
乎取之子桓之言不誣矣其中扶翼天常激揚名  
義風教所關彝倫式敘而大旨則尤在型茲仁廉  
懲彼貪吝蓋荒服之召疊也率由官邪促之榮公  
谿壑視金車之求千百倍而無算彼蚩蚩者怨詛  
不能自抑挺而走險固其所也不德則鹿不亦信  
栢雲閣 卷一 三  
而可徵乎不然者六詔雖遐其審於利害固與冠  
帶之倫同矣苟能疆以周索蔡人亦吾人也豈其  
不惜項領而以上國之京觀爲樂乎必不然矣此  
固古今得失之林也後之讀是編者能得其意而  
用之無寧茲最爾枚寧恪恭正朔我知王會可圖  
越裳可譯於是始基之矣先生詩文之外著述纍  
纍而世德世學之貽卽閨閣遺澤有煒彤管夫岵  
岵固有其源也先生之授簡也戒予勿辭費故僅  
誌其崖略如此

廣孝百行編序

仁義二字子輿氏所以繼往聖而開來學也而孔  
門約其理止言仁蓋義者仁之用也能爲仁人自  
能爲義士矣探其本止言孝蓋仁者孝之達也能  
爲孝子自能爲仁人兼能爲義士矣惟元可以統  
天惟孝可以統道天下萬川未有不歸於溟渤者  
也無忝所生而天下遂無餘理仲尼曰吾志在春  
秋行在孝經此猶並舉之以垂世教三耳夫春秋  
刑書也義失而後刑以正之使春秋君相果克天  
栢雲閣 卷一 三  
明地察永錫爾類則二百四十年之間當上接協  
和風動之治有餘耳大書特書又何事殷殷載筆  
乎吾友淦秋氏少而好節俠以豪舉聞比年翻然  
一變視履考祥洗心入道卓然以仁人義士爲歸  
予往年策蹇長白山中得睹是編而嘆其學之得  
大本且所以端式穀而席不墮者其施遠也夫孝  
經誠垂教萬世矣大綱燦若日星矣然猶待學者  
之觸類以通之如素問難經匯其理而未詳其事  
也先賢庭訓諸書其所以範子姓者切矣而未必

事事悚其明發示以約守博施之道是編綽有兼  
長允稱家庭球璧哉大學一書得西山瓊山兩先  
生衍義而乃大備此編之善也亦何減於古人乎

栢雲閣

卷一

圭

江南鄉試錄序

歲辛卯天下復當論秀於鄉

上命臣珩偕臣機往典江南試先是

上採科臣言下秩宗定取士之式遣使惟公衡藝  
惟雅亦既炳炳矣迨臣輜車就道院臣動色相勗  
務期滌志登良以對揚

休命夫以文治鼎新之初

聖明化成之大而竅啓如臣何堪蚊負臣懼責之

重而荷之難也且臣以三載史館兩歲成均志淡

栢雲閣

卷一

圭

學疎素不作鑑衡之想而院臣循資察例特俾掄  
材臣又懼望之深而副之更難也雖然臣又敢不  
以其難者自勉哉拜

命而南飲冰栗栗

簡書之靈赫然周道閒矣入境待期取學臣所錄  
士七千七百有奇三試之矢慎矢公得士一百四  
十人裁其文以

獻臣乃拜手颺言曰猗歟多士何幸而飛鳴際此  
時也夫士子芸窗握槩動語逢年矯首天衢翩然

入穀然此稽古有秋一人福命耳其與千載昌期未必合也故慈恩姓字一旦煌煌矣其下者謂青紫已磨無復餘事詩書之報累累若若止矣此負當宁側席之心實甚夫開門大典無亦謂子大夫席珍蓬藁用通羔鴈以佐郅隆不然者三百赤芾其乏人乎而又勞八紘之羅以滋螟蠹爲也乃夙懷大略幸履雲遠謂旦夕勤勒彝常矣而昌期未邁展采多艱精華果銳之心漸以觀望

朝廷趨於頑鈍雖循資可取九列而內負宿心夙

栖雲閣

卷一

圭

夜浩歎者古今固不乏人豈非士之所難際者時也雖具長材又登騰仕而上無聖人以爲之君亦卒與庸庸無具之夫同一淹沒乎則家修廷獻一人福命之期與

聖作物睹千載風雲之會固未可同日語矣今茲多士所薦者猶然前日鹿鳴之典也而非前日鹿鳴之時也蓋我

皇上恭默七年於茲矣甫攬乾綱萬方載旦

聖德仁政史不勝書方軌唐虞固不俟智者而後

知之也百世而下有志有才之士或當以不得立朝爲大恨而躬際熙隆卑卑苟祿求爲一無咎無譽之公卿此亦翹車之大辱也爾多士必不然矣夫持衡者之與多士一曰文字之知耳而神其鑑者謂文字卽福澤勲名之見榮億則有中焉此或亦僥得之事也夫福澤固非志士所期而言功相合亦復得失相半使周公稷契生今日伏首濡毫定當無欺世徇時之語然卽謂瞿薛歸胡油素策勲便可參新建忠肅之座持衡者未敢侈此隔垣

栖雲閣

卷一

圭

之見也然臣以爲亦有可合者則非敢恃射覆之知而專恃昌明啓運天與人合

皇上精神之感召有以司其左契耳夫賢士以才翼運而

聖人以運鑄才世之否也顯貴若而人不與賢謀也名德若而人不與位謀也文章之士若而人亦不與勲業謀也故雖大僚充庭雄文揆藻而求殿邦居師之一人了不可得至上治之世則不然赫赫三事采采九德而其矢口陳書皆皇皇嚶嚶足

爲千秋之謨誥位與其德合而言又與其人合士人福命星嶽靈奇俱奔走翕合於

聖主求治闕門一念精誠之內而水乳磁鐵鬱蔚奮起臣嘗持此論以折衷三古卽何幸於今日親見之也夫親見已云大幸而況持衡而與有榮施乎且臣之相士南國也咸謂三吳各地英雋之淵藪文字之嶠岷也而士或病於多才臣以爲二者皆未盡也夫

聖人在上名世登興須輔世長民之士切矣以英

栖雲閣

卷一

七

雋淵藪之鄉乃僅僅矜此春華何異還珠畱積乎多士以尺幅雄海內又孰若以道德經濟爲海內人士之宗者之爲尤烈也彼多才故亦多慧致飾矜勝易長浮夸則躬行之道薄而功實之課荒矣臣謂此又不善用其所長以爲世詬厲可惜也夫士苟能殫力於

王室也者多才何病臣方病其或少耳三代而下如諸葛武侯神明機鑑俯視曹馬有餘矣乃其於謀國也則智而成都條桑後其湯沐初不改草廬

泊淡之素何者明略重於社稷而計數輕於筐篋故也雖謂之愚也亦宜士多才而能愚也若此亦足爲

天子大臣矣臣衡文事竟多士行且通籍所以告之者無辭費亦惟正誼報

國如古人而已矣卽多士遇合難定何得盡拾級崇峻也然唐虞之世千古泰交益虎亦參彌諸不必胥職絲綸岳牧亦列明良不必胥司禁闥也名位高下之閒亦烏足以論天下士也要惟以志定

栖雲閣

卷一

七

其學以誠用其才不負其心斯斷不負乎其國多士能持是語以往也斯無愧於此千載一時矣則持衡一日之知其爲榮施也不亦多乎多士他日者功伐載在太常聲施煜乎世史而或以爲此如漢世文學率持其師說以有成者也斯爲多士之不負於臣而臣歌皇華而周咨詢以勤於始歌鹿鳴而賦旨酒以宴於中歌天保而頌升恆以祝無疆之大猷於奕世所謂對鵬休命者亦庶幾萬一有合哉

會墨序

古來取士之法蓋屢變而名臣碩輔皆出其中此造物之從乎王制者也雖然君相育才則不恃造物之能生之而恃我之立法有以鼓一代之才於無盡法之所係重矣哉取士之法至八股而繁極矣此庸人所尸祝謂可以立取卿相之術而以爲果有濟於國家則非也天下事有其始固自有說而繼乃失之徒爲詬厲又有其名甚美在古昔帝王之法之上而實則究出晚季之下者夫八股代

柄雲閣

卷一

序

聖賢之語非鸚鵡之謂也蓋將心聖賢之心而業聖賢之業耳乃功利益急經術益荒聲悅益繁理體益蕪固有組練華滋洋洋纚纚而求其一句作何解一篇果何說欲以尋常之語可以喻之香山老嫗者率啞然而不能應而其人已揚揚金馬石渠間儼然公卿大夫矣夫買積還珠猶得其粗也刻楮爲葉猶竊其似也士人勺象以後強仕以前約二十年耳此二十年中貫串往牒講究時政曉然於往古之得失利害竝今日社稷軍民之所急

需而立效者猶恐抱膝抵掌綽然有餘起而行之當機縮手而乃顰眉聚族習此了無意味之語竝其粗者似者而無之而高視大言曰有才有學造士進士登明選公夫此才何才此學何學造之何方進之何故雖明何當雖公何裨朝廷不知取此何爲而士人自審亦不知將以何用上與下兩不解而相悞也夫周以鄉舉里選漢以賢良孝弟降而唐宋以詩賦歷代之法不同如此八股之初將令士人深究性道精辨天人其待之在周漢之上

柄雲閣

卷一

序

區區詩賦豈足言哉然而詩賦之無補民社者固與八股同矣而歌詠性情排陳景物卽比之優俳乎然猶可以悅心娛耳今八股之業名跨成周兩漢而過之而實則塵飯土羹更出優俳詩賦之下文皇英雄入彀之言以銷磨智勇爲得策此其失天作君師之意明矣卽期以能陶冶斯皇意甚盛也而實求名應燕月背馳前賢造士頗極苦心豈意其流弊之至此耶天時人事固已極矣予辛卯校士南闈時策中已力言之然猶意徂故襲常狂

淵莫砥何幸今茲

制詔立革頽波先天作人鞭策明試雖唐虞商周之主起於今日我知無以易此耳何者取士之始必借於敷奏者勢也帝王有可以觀面寓目立取賢能之術必行之已久而不俟後人始爲之矣乃以古帝之聖不能不窮於知人夫不能不窮於知人則不得不循乎科目既循乎科目則雖畢智竭力亦不過如虞周漢唐諸已事耳詩賦鞞銳士人之小技也如薜華然固無足言而世風日僞詭競

栖雲閣

卷一

三

方張周漢之法名則甚美而實則益弊烏頭黃獨易至殺人安得不以晁董射策爲制科聖書哉卻孟之論後主也略其行履先此智略今小腆未授首司農仰屋此日天下首須才耳而次卽以經書之理觀其論斷則又何嘗不兼總體用文采彬彬乎夫變通以利

朝廷改造士之法將以收士人之用也際茲盛典奏技維新苟未能揆策明徹晰理精微則亦汰夫去蓋奇股不偶之文藝耳昌黎省試一論尙拘闢

中體製衰起八代談何易耶諸君偶以南宮之牘見示略爲染指不禁莞然查梨味殊皆當於口

其中可以續丹屨之箴補袞職之闕者已有人矣而復緯以雄藻規於古則情文燦然致足樂也夫枯柏所以爲棟梁也而枝葉之扶疎文理之斑斕不謀而已兼具江漢河海之利在通萬斛之舟而阜因陳耳而波折淪漣粲粲沙石蓋才見而文生乎其中副墨之精固景鐘熟釜之先資也建鼓而求才能怒茁士人自命豈出律鐵車鐸之下哉故始之以晁賈歐韓而終之以丙魏韓范上之爲丙魏韓范而下之亦不失爲廣川洛閩蓋於是科始基之而卽於是科之牘卜之矣

栖雲閣

卷一

三

重修萬歷丙子齒錄序

士人既登賢書序以齒歡然兄弟誼也壽諸梓而傳之上及祖禰下及子姓咸班班焉曰由兄弟而推之猶吾祖禰子姓也云爾夫以一日之遇聯四境之盟而講數傳之好甚盛事哉然而吾身而上存亡半焉勢固不能以逮往而後吾身而來者則繩繩未艾也世講之誼方在百禩則夫上及祖禰下及子姓壽諸梓而傳之者意豈不在後之人乎故同籍登朝而有四方之役焉之一邦則必逆計

栢雲閣

卷一

三

之曰此同籍兄弟某某桑梓也起居無恙乎亟造請焉不則尺素及之矣其或存沒不偶則又未嘗不愀然有思詢其守宗祏者幾人隆替今且何狀而切切動於中也次之同籍子姓登朝而有四方之役焉之一邦則亦逆計之曰是得無故舊尙存乎亟敬詢焉不則求其後人而進之獎其休豫而恤其關切切於中猶之同籍勿諉也此自士大夫之雅義而世風之淳澆亦足以觀矣然而士自通籍以後榮悴異軌而交馳其不相謀也亦久矣夫

遇合福命卽賢者固不能必之其友而不肖者同

譜覲面而鱗介莫測是又安能以世講之誼力而必之於後也至於勿過佚我前人光踵武而世其歡好如一日焉是則前人之志而後人之責無可追也明矣不佞己卯薦鄉書於中獲事先世年家六七君子蓋皆先人以萬歷丙子雋者既歡然聚稱兄弟矣而又加慎焉言念家聲各虞隕越用是相慶而復交相勵也日念昔先人哉更十年所則年家之繼起者益盛寧章周年兄乃首事庀材取

栢雲閣

卷一

三

丙子舊錄而新之補闕訂訛粲然眉列至其考訪而未詳者則缺之以俟異日不佞卒業而念其意之深遠也一編裒輯無多耳然食舊德而紹之可以承先垂成矩而示之可以訓後丹青不渝以存古道予疇是戒以愧薄俗庶幾剗刷之有成勞哉夫一本之戚總麻而降遞殺幾埒於途人此勢之所疎推而遠之遠之故日以薄也異姓之士萃鹿而還累傳猶宛如同氣此誼之所親引而進之進之故日以厚也彼流俗亦何常之與有吾誠褻薄



而崇厚淳篤所被不既多乎凡姓名之列於是編者吾願其披讀掩卷而愼然以長思思其始思其復思其可久而圖之則是編之日新亦當相將未艾矣是則寧章之志也夫

栖雲閣

卷

三

朱翠華鄉賢錄序

於戲士能以砥修利物自見於世豈必謝詔一命以應仕爲豪哉庚桑之尸祝由來尙矣彼誠以淳節姱行有所豐庇於元元而人士於我乎歌舞非徒然也士亦弇鄙卒沒沒耳果能砥修利物捐捐若恐後然其又何顯晦之與有桐鄉伏臘勝於子姓彼分符所至固等於湯沐邑矣至於太邱彥方躬不出里閭而一以爲楷模一以爲睥睨則夫鈞弋杖履之所及又何異營邱賜履乎是亦爲政尸

栖雲閣

卷

三

而視之固其所也按令甲春秋祀典自宣尼暨弟子而外仕於其地而賢生於其地而賢者蓋尤有專祠云夫仕於其地而賢也者則所云以死勤事以勞定國禦大災捍大患是其功在鼎彝者也生於其地而賢也者則所云鄉先生沒而祀於鄉是其行在桑梓者也夫功在鼎彝之士德施茂矣以享以祀以云報焉桑梓之行而蘋蘩之薦也何居噫嘻是殆未知先王九兩師儒之重也蓋先王之取士其於鄉也特真故其崇祀亦於鄉也特重彼

夫銀黃榮夫佩組山元侈其璆玉可謂鄉之貴人矣貴人也可以百世祀乎曰否是蜉蝣之羽耳然則三桓六卿皆當與顏閔爭席矣擷班宋之華摩曹劉之壘可謂鄉之華士矣華士也可以百世祀乎曰否是粉題之妍耳然則相如終古不祧潘陸橫裾從祀矣彼其之子德不足以康民而教不足以迪世卽顯且藝其與能幾何鐘鼓旣設有揚解而退已耳故夫鄉賢之祀介介乎軒素修輕權藉黜華士崇躬行然後足以厲當世之先生長者而

栢雲閣

卷一

七

爲奕世鵠焉若是乎其審且重也則翠華先生之崇祀也不亦宜乎先生以孝友齊家以仁澤濟世以清正訓子孫沒世而邑人士歌思益隆也投牒郡邑大夫上請烝嘗之典縷縷德美亦旣信而有徵炳烺俎豆矣獨計儒者砥修蓬華中淑躬視履秩秩德音如漢廷賜韓福故事歲時羊酒衣衾煌煌策書亦足以師表人倫中牢之祠爲不朽矣而先生乃復饑溺若已蒿目於大禮之來傾筐倒庋蘇無饒賣子者蕉澤中無算捍災禦患處士而坐

有其成是起業陽鍾離子於九原而爲王息民者也豈俟威后之問而乃方軌海表乎以視彼□□坐視餓殍而漠然素越者其賢不肖爲何如耶於世渺毫髮之益卽言語妙天下副在名山何貴焉宜哉人士之永思而尸祝之恐後也推是心也乘權而大布之油雲九有寧復可方域量與然則先生雖辱在泥塗未竟所欲爲而克昌如券用煇耀於而宗左司空嵩若年兄奉庭訓爲名柱史督學

栢雲閣

卷一

七

王畿正色清修已爲人倫冠冕今褒然九列大用方將堯舜君民之業衆咸屬目俟焉先生之德自桑梓而廣輪又將烝烝無盡也維作維述以絜昔賢無慮矣庚桑去人何必有聞乎余故喜爲論次焉令天下爲人父爲人子者有所興起焉

陳侍御名宦鄉賢錄序

予不佞己卯之秋隨家明術舉於鄉乃得兄事今給諫君巽甫年丈時給諫君已褒然稱藝林祭酒從遊者濟濟多知名士矣而生計蕭然壁立之餘惟有硯田存耳進詢家世始知爲芸窗先生孫先生謝世無何而子姓一寒如素士蓋宿以清白自樹云先生以萬歷丙子偕葵窗先生聯璧賢書與不佞先大父中丞公同籍友也閱六十餘年而不佞兄弟復辱與給諫君同籍蓋世講益隆風微可

栢雲閣

卷一

序

臘有期蘓蘭不盡所百世祀者其思百世其德百世可考而知也跡先生以廉正之姿楷模當世珥筆螭頭正色言其大者爲天子骨體之臣得以進其所學矣然而官不過七品齒未登下壽其終也蓋菀結而未竟其所施天下惜之而其始則一受專城殫心司牧便已齊軌古人轢召藉杜而未已蓋先生之甫通仕籍卽志存不朽一命之榮亦不苟受如此故雖異代繇邈而桐鄉如朱邑之廬甘棠乃召公之樹明禋薦醴何疑入人孔深歟至於

栢雲閣

卷一

序

畏壘之社人拜庚桑康成之鄉門題通德僉拜手曰先生以義藩身而好行其德於桑梓自修業抵執法如一日也尸祝偕隆猗歟盛矣夫視履君子所自貴耳而仕人往往視功令之所急與所不及作而致其意一行作吏功令隨焉左顧王鈇右耽好爵雖不令之夫亦以有所趨避而貌襲各行以是拾級而登馴至卿貳往往功施在日月之際矣而里門之內父老疾首百年未半不復知其姓名甚者松楸之地詬詈及之向之所爲怒馬舞車上

揚揚驕市井兒者止增辱焉此無他彼其之子實有悖德封靡無厭爲里人之所積苦以至此極也是安得以先生之風正告之哉或謂吏治之盛莫若漢神爵元康間考其時綜核之主立其上大吏承流遞降而各得盡其職以自建立先生筮仕當察相風勵之後方州而上若監司若直指使若都御史皆以簠簋自飭兢兢惜行檢故郡邑吏不苦於苞苴而潔身愛民得以成勞進於

王家其視今日難易殆逕庭也是固不然觀先生

栖雲閣

卷一

聖

青天白日之榜豈僅邁會其所以自命者實卓然矣此聖賢之學篤實光明進而寅亮端揆義蘊正復無盡卽降焉蓬蓰而行亦當沒而祀之而花封布化僑也實有遺愛焉殷薦之隆隆兩地也不亦宜乎獨惜先生箕尾不淹促於短馭未及竟其所施耳然給諫君方以直筆侍承明侃侃補袞職之闕則發皇祖德以補先人未竟之志而益光大之手澤四字非直座右之銘殆其家學淵源在焉陳氏子孫用奉爲球璧大訓可也持此以往先生

之榮聞益振振有孚於永世哉

栖雲閣

卷一

聖

栖雲閣文集卷第一終

栖雲閣文集卷第二

淄川 高 珩 葱佩

序

張西山青齊治略序

西山張公以青齊治略一冊授予予既卒業慨然而歎曰天下何可一日無姚元之而益知封德彝之爲萬世罪人也拘儒踈於時務動謂三代盛治不可復見於漢唐之後甚矣其非君子之言仁人之心也夫厲山氏萬世粒食之祖也令有人焉睹

栖雲閣

卷二

一

壟畝而戚然曰茫茫禹甸提封萬里有餘矣然此漢唐以降之田耳我安得厲山氏之田而耕焉或又睹耒耜而敖然曰此固下農夫之器耳彼夫厲山之耒耜吾知其必刊以丹邱之木鑄以莊山之金飾以琅玕七寶非是製也田功罔卽是人也謂之爲尊古則可耳欲其免於黔婁之餓也難矣夫今猶古也齊州之東猶齊州也顧吾方略何如耳豈謂生斯世也遂不可復登於三代之隆哉吾三齊海宇之國也薄姑逢伯荒略莫考矣自太公管

子以來則太公管子之沃田也曹平陽蒞焉則曹平陽之沃田也至我

皇清定鼎洋洋東海張公茲實賜履焉與與黍稷固其所也今觀治略所載美矣備矣有爲之正其德者有爲之厚其生者有爲之興利而除害者有爲之明賞罰而率其屬者約而言之教養以立其本刑罰以盡其用設誠致一而課其成綜核名實而羣賢奉令各殫其心則萬物之效於前者如掇之矣蓋事不必求合於古能宜於時則意之所存

栖雲閣

卷二

二

古人分座焉姚元之之爲政也舍人之所許者止以救時二字意若不足而未可儕於蕭曹房杜之班而元之之大喜不能已已者何則舍人之經世也淺而元之匡時觀變之略深也古來稱安齊者每以平陽爲首以清寧不擾爲其道固矣而予上下古今之林其得失固亦有可深論者夫漢興於秦項百戰之餘甫出湯火煥煦爲上此蓋公所以可師也倘後之人所際異於西京上之而踰額之蠶絲方煩下之而燎原之蠹惡未戢乃泄泄坐視

日平陽之所謂勿擾市獄務容姦民者其在斯乎  
其在斯乎我將媲美前賢焉豈非邯鄲之步東施  
之顰空其里而與壽陵餘子同失乎夫速貧速朽  
之言得弟子之闡論而意乃了然於萬世則平陽  
之言其或有含而未發其或史臣之略而未詳未  
可知也不然其與陶公所謂遵養時賊者何異而  
欲睹海國之歌舞焉不亦難乎故吾謂公之治齊  
也不襲平陽之跡而得夷吾之心可以至道何止  
變魯可以推之四海何論安齊也而予猶有所惜

栢雲閣

卷二

三

則公於此蓋亦有救時大略立起菜色而所未能  
盡行其意者則酌開海禁與增價官糴是也夫海  
禁一開則海國可以驟富明矣而此猶一省之利  
也夫二東之穀賤如土蓋百餘年來所未有者而  
朱提之直日騰數畝之入納一畝之租而不足也  
此海內之大憂踰於兵革多矣予因公之議遍詢  
諸邑縉紳之蓄心

國計者乃咸有所論著來教予以卹宗周之闕謂  
是議苟行既足以濟三農之窮亦兼以足兩稅之

額民不復憂逋賦而兵不至虞脫巾但苦於糴本  
無所出予因稽古而深思之此固無難也苟能通  
鈔幣之窮倣劉巴富蜀之策改鑄大錢而行之以  
斷持之以信泉流山積立睹其成此固周官九府  
之所未議及敬仲陰里石壁之謀所遠讓者也但  
此非據公孤之席立廟堂之上爲國家深計利害  
自任以天下之重者孰能當此任而愉快乎康濟  
四海但俟公之旦夕秉鈞耳

堯舜在上治平可期吾日祝祠而求之矣

栢雲閣

卷二

四

張西山救荒書序

學者治書英雄創業其道略同夫經營四海屬意關中者漢皇獨有卓識矣操觚之士何獨不然故著述不在多端顧利世何如耳利世之著述不難耳其一爲明道之書天經地義子孝臣忠所以立人極也其一爲濟世之書含哺康食亨屯出蹇所以延人命也而二者又各有緩急不可爲典要焉蓋溯道之大原則自未發而返乎天載太極而通乎神明無聲無臭以達天下不識不知以順帝則

栢雲閣

卷二

五

矣然而中人以上世不多逢朝聞夕可微言不數數及之此非可緩而亦可緩者也何也凡聖人之訓世也但期比屋可封各孜孜於善人君子之途治已登於上理矣而聖人之濟世也恆產爲經尤以力起之溝壑爲急故孜孜於正德厚生而教復次於富焉其明證也夫天災荐至數窘金饑嗷嗷之鴻嗷其泣矣苟振業之無方坐視數千萬人之死乃復侈談帝王之業卿相之功聖賢之學不亦令天下之人齒冷乎故予讀西山先生荒政一書

而喜慰不能已已也先是先生應博學宏詞之

召待試

神京以賜履之地無年拜疏乞歸

皇上下大悅

俞旨褒嘉歸而如富鄭公故事子遺獲甦已不減二十四考中書矣而欲覃道濟於來茲也乃蒐羣集而成書焜煌一編雨露卿雲俱在是矣其網羅百代之賸卽如晬盤示物而其扼要得髓匠心應變者則已含於各總論中此百代不朽之言兼立德立功而一之者也無論不可私爲帳中之秘卽使學士大夫家傳而戶誦之亦未足窮其量也予自侍交戟之下仰見我

栢雲閣

卷二

六

皇上二十年以來事事欲出漢唐宋元諸賢君之上以接踵唐虞是書也倘得進塵乙夜之觀立下九重之詔令廷臣有心計者詳議而折衷之兼購利民諸書如王氏農書救荒本草諸編勒成一代鴻書永作千秋金鑑卽以列於唐虞二典禹貢周官之後何不可者而予不佞亦尚有葑菲之談姑

妄言之以備一呖者大道以經制而兼爲救急則常平社倉是也然而非公廩有餘貲不可此所當酌者一也以救急而不費公家則出粟而拜官或免罪或免差徭此所當酌者二也官諭富家各賑佃戶官爲印券追歲熟而官爲追之如大糧然此所當酌者三也大吏以官銀糴於豐收之處運歸發糴此所當酌者四也其一則在變古法通時宜也此編救急之策也固有老生常談卽爲足民旣欲富民必先富國則北而京東之荒陂當田有虞集之議山西之水利當廣有鄭白之勲則漕運可折河工可省南而屯田當行有充國孔明及明太祖成效俱在當賞田功如軍功以府兵寓驍騎此可立效也至以大錢代金貝則有昭烈劉巴之成效在矣尙恐僞造者多不妨以織代鑄事非旦夕可成犯則發甚易矣但使鈔關鹽筴民間之納稅置產半用之則沛然如流水矣此上更有本圖焉其一則崇儉德也倡自九重風移四海停不急之土木省可簡之官僚凡

栢雲閣

卷二

七

臣民之居食宴會吉凶禮度均

頒定式或亦有當議者乎其一則清冒濫也惟王不會諸司必察軍旅土木無縱雀鼠或亦有當議者乎更有似緩而實急者則更在乎正人心以迓天和也蓋下民日澆上天示譴水旱荐至有由矣人主雖愛其民而無能代爲請命於天如父母雖愛其子而得罪於君無可救也似須嚴督臣工廣敷教化令郡邑有司彰善之典必先瘡惡木鐸之功等之考課以章心而錫福庶有濟乎然此又非實心力行不可也比年以來

栢雲閣

卷二

八

皇上畱神教化

天語屢頒矣而郡邑泄泄虛文應之卽如前代各邑治所之前皆有彰善瘡惡二亭詳書姓名朔望旌扑今盡鞠爲茂草矣有一遺址尙存者乎勿論淫賭克暴人不以爲非卽毆詈父母尙有知爲不可者乎此亦大負

皇上移風易俗之意矣非諸有司之咎而誰咎哉



永豐紀事序

予默啓無似然樂見濟世之才恨未能數數也則又樂觀濟世之書每讀虞升卿龔少卿諸傳未嘗不擊節歎賞若對其人而亦未嘗無遺恨也夫非常之人智略輻輳百變若神咄嗟眉睫之間而已寢戈鋌於千里之外其難傾儲而告之人者十之三四矣其難載之書牘者亦十之三四矣至於衆口所傳幕府所上蘭臺汗簡之所班班而列豔稱於百世之下者崖略十一已耳若使九原可作把

栢雲閣

卷二

九

先哲之臂而詳叩之所謂鼻端出火席上生風者其愉快爲何如也夫九原之無復起也明矣乃於百世之後忽忽旦暮遇之亦足以釋生不同時之憾而方隅之士動謂古今人不相及若江河之日下者不亦足發粲然一笑耶予友鄧元固先生以永豐紀事示予予卒業作數日喜先生釋褐令崑山則已翕然黃龔閒矣久之調補江右入官大行固閒曹日飲無何若袁絲長安道上蕭然無事人也乃予晤江右士大夫則言永豐之難治倍蓰崑

山游刃盤錯耒然有餘不啻若自其口出云故予每暇日輒過先生一一委曲叩之若起龔虞而詢其史冊所未及之秘略蓋不覺日之易夕也載筆雖岸略然亦稍見一斑矣蓋永豐地廣數百里山谷居多而又當兵燹疊臻之後魯無鳩矣病荏苒之耽耽也司農之檄則未嘗以鵠面而稍緩之龔黃已將卻步矣況欲兼應而奏方召之績乎先生以潔身仁民爲幹而四應榮榮刺鐘斷兇則爲之緩征而恤荒蕪振旅而剪鯨鯢顏可犯也險可履也雖

栢雲閣

卷二

十

嚴旨駁之而仍申鄰封恭之而不懾誠之所結而智勇生焉禍之將成而天人祐焉區區一銅墨之長耳而儼然具方伯連帥盧矢斧鉞之威人之爲先生危者固多矣而或以脫穎而出爲先生幸見其長然而泛艤艫於溝渠辱昆吾於菅蒯識者當爲先生惜假令擢先生而握節一道開府一方撫千里之荆榛統數十萬浴鐵之衆其所以恤子遺而掃狹狃者功施煜燭爲何如耶不然而改鵠

冠佩雙轡與韎韐附注者馳驅於建牙鳴角之間授鉞登壇萬戶侯豈足道者是虎牙鷹揚之功而反以令長累也卒乃積資例轉俛仰閒曹以精華星稅之氣銷之於輶車英蕩之閒王人雖衆等於旅人人又爲先生惜而不知惟海內多故俊又方騰跨而前彼以智名勇功倜儻非常之略而驟登顯爍者其時勢爲何如耶今

天子聖明寰海方臥鼓而嬉卽有非常之略無所見之先生正以此爲天下幸而先生方韜光自喜

栢雲閣

卷二

七

拾級而坐進松喬之列假令風塵頓洞大用先生提封千里統師十萬而責之底定卽仍欲回風呼吸而內視黃寧其能之乎故識者又未嘗不爲先生幸也夫世之所謂大用者至將相而止矣唐人懸將相之科以求賢吾謂不若鍊將相之材以造士蓋設科者求之以言固不若鍊材者試之以功則莫若自令長始矣唐虞三代閒將者相之一事司馬者六官之一職一釋褐而兼綜六官者百里之令長事也故相可以兼將長令可以鍊宰相之

才子生平之持論然也以今觀於先生一行爲吏而將相之業裕如焉吾言不亦信而有徵乎予比年來頗怪世之治郡邑者往往薄視所職不肯盡所長以大庇吾民疑若漢史中黃次公功名損於治郡時而懋畱其不盡以爲他日釣軸驚人地也者先生乃寧民而民以寧禦變而變以禦何不亦少加蘊藉爲他年釣軸地乎所爲與今之君子異矣然先生之所以得見其能者以溫如張公開府其上無私謁無公卿介紹而以才力受特達之知了不爲謗書所動故先生能觀厥成至今道之威不容口此古人之所以重知己士有才難矣幸獲乎上得盡其才之爲尤難也年來吏治愈卑矣雖有龔黃召虞豈能自全哉

栢雲閣

卷二

七

天中理牘序

有四字而可以盡天下之理並可盡天下之功者其惟上帝好生一語乎其內聖外王之蘊道德之所由立而治平之所由達乎至與生相反而以殺爲事者曰兵與刑夫連騎百萬血流千里兵之禍信烈矣然而橫延四海豎窮百年亦不恆見故人猶繩繩乎慎之刑雖輕重例不一而列郡之內一歲之閒時時論報焉赭衣載道履踊者相錯也乃人遂習爲故常而莫之省憂然則日耗天下之生

栢雲閣

卷二

三

者惟刑刑道德之隆理而日滋慘刻者惟刑名之吏矣故大禹下車之泣千載漣漣後世之滅膳撤樂三刺五聽三覆奏悉甲拆此一念之中以爲此三寸之牘毒民戕命不殊七十餘戰阪泉下也庭堅蘇公而降全好生之仁者視稷契畢散爲尤切則以返魂於羸博之閒而續命於刀鋸之下繇亘無閒故也吾年友帖先生以天中獄案見示予欣然卒業曰此非爽鳩之刑書而歸昌之瑞音也反覆讀之如觀扁俞一匕之投白骨立起旁觀歌舞

不能已已不知其身受之手授之者愉快更何如也所以助

天子風動之化甚盛爲東海高閭之兆者甚明卓矣噫噓師表哉而先生自序中駁申韓本於老莊之說尤與予素意昭合夫以道德之學蒞刑名哀生於情法之中仁覆於威明之外非必一切縱捨以矜語囹圄盡空也其當生者固無死法矣至求其生而不得死者亦復無憾夫死者無憾則生者心折而卻步矣寡過於未然而弼教於不忍生生

栢雲閣

卷二

四

之所及孰大焉卽更以醫術喻之夫肌膚之痛雖童昏皆知乃王公大人或至千里走輶百純致毀延國工而拜祈其揲荒爪幕以爲幸是不亦慘刻不仁之甚者乎而識者反以爲愛其身有獨至而竝其操刀針而恐有餘力者皆目爲聖技仁心而俎豆於桐雷太乙之閒則刑名之學得道德而皆成大生之用者亦甚明也而子長子瞻乃以刑名而病道德乎夫子長長於史而博於學姑毋論矣子瞻學道人也而失言亦復若此且將千年而未

有辨之者何耶今先生之折子瞻也不以筆舌而以躬行丹筆之芒化爲卿雲下覆嘉石上掩貫索定國一石之餘不煩更勸一杯酒而落落星躔頓欲空矣以此爲塵尾子瞻之舌不同於充宗之角乎夫先生治獄之功由天中而可以風四海功在一代先生立論之功則可以暢道德之宗旨救刑名之毒整令後來有志道德者不爲一偏之論所惑而又能以躬行爲質皎然日月功在萬世不更多乎然予自承風先生以來卽未讀此牘而知先生釋褐爲吏時卽能高置一座於于定國徐有功之間無疑蓋予信道德之致治平猶反掌而先生學道人也

栢雲閣

卷二

五

鄧氏族譜序

萬載茫茫馮生翼翼溯而上之皆三皇之裔也推而下之皆不知誰何之人也譜牒累累不亦贅乎然而黃帝以錫姓受氏載在冊府昭穆雲初百世可稽焉率親率祖此物此志所以廣仁孝而植人紀未可數也故聯道濟之宗拜汾陽之墓君子以爲譏至服官而忘其祖辨族而失其職君子又以爲陋矣晉矜王謝唐詡崔盧是一代之人表萬載之華貫也令其統系不詳譜牒無序問高會姓氏若存若亡等於尊盧可謂有亢宗之志者乎其視肉譜倉曹豈稱古今明七穆之序著聲於卿大夫之間者爲何如耶吾友元固先生世籍南陽其後移居豫章明初以軍功家濟南旋移東郡名德科第相望藉甚縉紳閒元固具經濟才盤錯之地游刃砉然吏治軍功昂首抗行韓范閒海內所共屈指者也重修家乘意良深矣夫高密以元功佐赤符褒然雲臺之冠而家法垂裕人授一經門內醇淑足爲百代師此又在六朝三唐之先爲王謝顏

栢雲閣

卷二

六

柳權輿矣嗣子康功疏鑿爲烈非梁馬陰寶碌碌  
通侯世祿者所可及也元固槃槃偉器經方應變  
自當於古人中求之而經緯利濟多方所至具有  
成績至內養湛深入伯陽紫陽之室將來殆不可  
量此更非節鉞旂常之所可同日語者夫濟世之  
謂德度世之謂道以此爲錫類其爲不匱孰與京  
焉予不佞讀鄧氏譜而重有期於元固而又以知  
其光前裕後者方大書特書而未有艾也

劉止一族譜序

商周而降宗法殊嚴唐宋以來家乘綦重故前代  
諸君子譜系之書焜煌奕葉傳誦不休有較之金  
匱石室之牒尤永者此非衰然鳴豫後四姓之華  
貫揚八葉之貂蟬以爲榮觀已也吾讀周禮乃知  
之周禮以九兩繫邦國其五曰宗以族得民斯先  
王治天下之微權乎蓋其一本之推也倫則篤於  
天其九族之睦也教則成於近家與家各惇彝則  
於門內而四海已晏然大順之休可坐睹矣此於  
變時雍之權輿也自封建之典廢世官之制革而  
大宗之法因之以氓卽王謝顧陸之英閥焜煌  
皆奮身自致於皇廔者無常貴也無常貴故亦無  
常尊無常尊故亦無常法何者勢不足以統之法  
不足以約之其散焉而掉臂視之若塗人者時勢  
使然無足怪也然而賢士大夫則有以起而濟其  
窮既貴且賢則族人之望歸焉故可以尊祖可以  
收族可以定祭享之儀可以垂訓行之則是則先  
王之法雖闕而先王之微義先賢之芳規未嘗不

於是乎在焉則家乘何得不亟亟也安邱劉止一  
先生以成書見示命爲糠粃之言予不佞年來抱  
病杜門鵠眼塵生也何能爲役迨既卒業則莞爾  
而喜曰葬倫攸數也久矣何幸見此所謂先王之  
微義先正之芳型其在此乎其昭穆秩秩則武庫  
桓穆之詳其先德愔愔則康樂先德之大備而形  
管內則之遺意也其羨門祠廟之奕奕則瀧岡之  
表清臣之碑所未詳也至補前賢之闕而可以垂  
示百世者則家訓家戒二則懿矣備矣子姓蟬聯

栢雲閣

卷二

九

苟能世守而勿替納言太傅兩先生之業當有繼  
緒而紹庭者其爲劉氏之天球河圖也不亦多乎  
而天下之爲人子孫者皆可取法而自淑焉予安  
敢以不文辭哉先生以敦詩說禮之素登壇秉鉞  
旣以排韓轢白矣而息影長林中文筆之外乃湛  
於性命之學蓋其孝之大者世人未之知也夫叔  
世之孝首在修身以極於治國安民出世之孝在  
乎觀心以極於盡性至命則先生之所以孳孳也

歟

黃侍御家乘序

三代風俗之美不俟上之刑政而化自成於下者  
其惟宗法乎其不復見也已久矣蓋三代所以治  
天下之具燼滅無餘何怪治化之日替也三代治  
天下之法伊何曰封建也井田也宗法也是三者  
固後世賢君察相之所共知也而卒不能復者何  
歟曰五德迭更其勢異而不可復返也古者提封  
數百萬皆在公家今田皆富民世業也無罪而奪  
富民之田曰以復古可乎數百年神明之胄守其

栢雲閣

卷二

十

社稷在昔自不可驟奪今卽欲驟而予之人異姓  
易爲韓彭本支亦多吳楚矣世爵世祿原相因故  
宗法得以不壞今皆起自寒門驟班鶩序易世無  
何門牆房杜子孫樂卻比比矣宗祏不立卽周官  
九兩之繫安所施之所以好古之士雖著有成書  
而究不可行者以此也然而因時取濟其效與古  
人略等所貴賢者達變得古之意而已足矣夫州  
縣得人龔黃踵起五等可無班也限田有法兼并  
無虞百畝可無踰也至於一家之中敬高曾而裕

子姓尊祖收族敬宗自可乘時爲之斯亦百世之仁也夫獨無君子之可自盡者乎故尊祖收族教養有道合讎立嗣修墓命名秩秩可守使數傳之後皆懽然如一姓之戚本於一人而瓜瓞綿綿慶流無盡則宗譜固始基之矣此予讀侍御在之黃先生之家乘而慨然有動也先生分支豫章占籍曲阜蓋世三百於茲土矣起家登朝自按察公始而重刻家牒授梓垂後則實先生釐定而重光焉按察公所云不可不時修之者其有以哉一本

栢葉閣

卷二

三

而同於路人先生之戒深矣彼琅邪率祖始興趙郡勳云贊皇昔人久以爲肉譜笑先生於奕世而上者闕之蓋其慎也當吾世者倫次必詳後乎此者昭穆勿替蓋其貽謀之遠也夫匹士之家固與有天下有國者天壤之分懸矣而義則有可類舉者三代之君皆神明之胄允矣天之宗子也漢唐而來崛起田畝遂爲康濟九州垂統後世謂非天之宗子可乎今士大夫既無世爵矣明經登第以亢厥宗得以創立廟祠光崇俎豆亦與古人別子

爲祖之義有合而復加以祭有恆田訓有恆法高曾而可起九原也將式臨之則宗法之變而獲通之道亦正賴有此耳復古之道固不以區區之迹論矣乃吾獨怪昔人謂天下將治天氣自北而南其將亂則自南而北然而衣冠之渡江左也則司馬永嘉之故而唐宋以來閩粵川湖之彥奮興僻壤者率移居陝洛往往爲望族如先生之里鄒魯而世昌尤大彰明較著者也豈天氣地氣古今亦自不同而家與國復有逕庭歟非明天地之經者其孰能知之

栢葉閣

卷二

三

張氏族譜序

三代而上人皆爲善於家而達之國與天下裕如也大宗之法不綦重矣哉蓋天下之所以治平而人倫之所爲綱維者尊尊也賢賢也長長也以親親也三者去一則不治而宗法無一不備舉焉夫九族必睦所以親親也而自天子以降諸侯卿大夫士別子爲祖百世不祧者則皆受爵於朝而世守其祧以君命臨之者也有昭穆然後有壻篋而宗老之任則以族之宿德大良爲之非一物而數

椿雲閣

卷二

三

善具焉者乎是以自家而國自國而天下如手使指如衣振領其教不肅而成其化不勞而馳如流水耳迨後世世爵廢而宗法亦數矣然而賢者略存其意猶足以裨教化而一風俗則在宗譜一書焉謂是卽天經地義之餽羊而曾閔之掌故可也明州張氏兩浙之望也自文定先生以名臣爲海內楷模而宗譜一書則先生手定義例最爲詳確夫西豪之里媲美高陽高敞行營阡題京兆醉白有記履道爲篇此輪奐卜筮之所協也肉譜倉曹

其來尙矣唐則崔盧著望宋而歐蘇載筆輪綽煌煌天寵臨之以及先資之語羔雉爲羣嘉樹之醕琰琬不泐羨門燦乎雲章贈言方於綈紵焜煌燁奕夫寧以幽明閒乎銘有道而險虞無慙仰女宗則綽楔爲烈慶錫靈壽授簡挹彼弧南燕喜郝鍾介眉引諸龍月士教人瑞風教所關何如耶七葉有集過於八蕭遠矣冊府玉峯求諸箕裘之載筆有餘至於太原戒命柳氏家儀譬諸九金之鼎其壽百世海內觀型焉豈止河東三相後爲一姓嘉

椿雲閣

卷二

四

話乎此球圖之林莽而詩禮之淵海也然自先生而降闕而未修者已歷有年所矣次瑛明府乃搜討累年之故實而補葺之以揚先德以邇來嗣其於尊祖敬宗之道不綦隆歟推諸四海人篤高曾之矩家揚式穀之瀾於以佐

聖朝惇睦平章之理當有不爽者然吾竊怪古人數奇之憾乃不意於次瑛見之以延英大對之學而竟以明經筮仕而懸魚陸鹿之守而悞以僕區解組是何數之不偶也然而當世之名公大人知



次瑛之爲宿學良吏者自若而未嘗以偶然之遇爲疵而且咸爲致惜不盡焉則或者此猶其未定之天也夫公侯之後必復其始次瑛孳孳五柳毋謾矣其繼自今克紹前烈而亢宗者當在象賢之嗣乎吾讀是編拭目俟之矣

栖雲閣

卷二

圭

募修淄川學序

以下五篇皆係募疏俟更

余抱疴杜門有日矣乃文學諸君貽之尺書蓋傷學宮之圯而以修復爲志者予慨然而歎曰甚矣諸君子之尊師而勇於義也道之將興也斯爲之兆云三十年變亂以來文武之道不墜於地者幾希矣其大者冠圓履句而彝行之不飭與市僧等且自以爲豪而相矜也弦誦無聞而春秋釋菜之期博士弟子夷然曰我不與知奕奕膠庠鞠爲茂草甚至下同於馬肆固其所也我

栖雲閣

卷二

圭

國家者定武功紹隆聖緒所以崇進儒術者煌煌振振視唐漢有加等焉修闕里修虎闕於以風示百城者良厚而軍興旁午大農之金錢告匱乃下明詔俾士大夫各捐貲以佐焉一時蒸蒸雷動頽水之賦嗣魯頌矣然而揀度之役猶煩璽書焜煌實督之今文學諸君非有

上命亦非俟師儒諷諭及之也而義召同人展謁朔望畚鍤之役廣之以將伯之助而貞之以卒歲之期無促節也亦無嫌色其於百堵之興也何有

予是以下其事之有成勞也且多士亦知

國家所以尊師之義乎膠庠禮樂非僅隆黌仕之階亦非以金碧舄奕爲足以聳民觀聽與二氏琳宮競華侈已也尊聖人之教者蓋將以學聖人之道學聖人之道者先在於見聖人之心夫聖人之心多士母亦遠求夫卽此觀宮牆之類而意不自安趨拜如期而恍然恐後者是也人心有仲尼者以此千聖所共傳者亦以此耳推之而彝倫以叙民物以綏修身善世有餘矣漢儒發明經術未爲

栖雲閣

卷二

三

無功而駁而不醇率以奇怪識緯相矜尚不知仲尼之不死者在是而侈魯壁金石之聲驚喜告語所見不亦陋歟多士之學爲聖人其亦於此識其端倪擴而充之可也至於宮牆旣煥屬禁宜恪洒掃以時而闌入者必呵瞻拜有期而不虔者有警吾知此固賢令尹良師儒所樂爲而無難者然皆於是役也托始焉吾邑濟濟雅爲二東冠冕好義尊師當有不謀而同者共襄盛事以副

聖天子右文之治予拭目俟之矣

### 募建義倉序

載道死傷莫慘於凶荒之歲殫心拯救莫奇於儲備之謀不儲而備闕雖堯舜在上岳牧如林坐視一日之中數萬赤子立化餓殍而無能引手早儲而備足雖匹夫匹婦之微蓄菜菓糠粃閭大禔而不死此信而有徵無可疑者今幸

皇上痾瘝四海諸賢入告嘉謀力行常平倉法督撫司道府州縣諸君子苟能仰體

慈仁實圖修舉四海壽域指顧可睹矣而仁人各

栖雲閣

卷二

天

行其德智者自防其困可以濟常平之所不及而且過之則又莫善於義倉苟非以視人死亡爲樂事者談未嘗不津津而行之未見有孜孜者則以倡之難得其人始之難具其資耳予以爲此亦無難難於無志也夫濟世人有同心而率衆何妨始隗古人不服遠引如武林有慧智之社四明有義倉之刻異地或未目睹而周村義倉儼然盛事謂斯世無人可乎積少成多積歲益廣謂義舉無資可乎勸富勸貧二議痛快明晰灼然龜鑑也始之

以願力廣之以勸諭而乃議收藏之地而乃擇看守之人而乃定糴糶子母之法而乃定義田之規而乃詳濟荒平糴義學義助之法一邑如此一邑無餓殍諸邑效之千里猶一邑也一年不墮一年無餓殍累年逾之百年猶一年也爲善最樂此殊暢然作善降祥故當不爽矣諸名賢或議及現成盛事或規附紀崖略以標指南嗣卽輯常平義倉荒政全書公諸同志也

募重修官垣序

予觀前史賢者得百里之地而君之皆能以俎豆庚桑蘭鞠萬世者何也君子之仕也行其義也卽行其仁也佐辟之勲在以惠疇爲大無論三事百揆卽降而亭長三老井隧遺風亦奕奕蘭臺史籍中故存心於物一命亦有所豐庀而得志於時萬物皆稱得所此意同也予邑不興在羣山之中水皆自南而北若建瓴然往歲憲使三晉王公以予先太夫人之喪來行

諭祭成款忽謂予曰般陽固山水都會也湯湯如帶惜未遇西門豹耳敵鄉尺水未有不爲田功輔者不佞頃自顏文姜祠下來業已胷有成竹栗流河畔秔稻蓬蓬於二水之陽矣畚鍤之役未敢多讓也予急謝焉乃無何而公以艱歸矣此可爲浩歎者也夫經始草昧之事仁人猶黽勉剋之矧成績百年而可以小變毀乎則審頭莊之官垣所當復修恐後者也吾邑官垣蓋隆慶年中邑令侯君之所創也自是百年以來井得甘泉人飽菜茹利

已普矣而一水遶城諸賢登第縉紳蔚起海岱增輝則又諸士大夫之功臣而文昌帝君之靈貺也前令之遺澤如此其大且久也自當崇祀名宦明矣而天時不常秋漲輒決然稍稍補葺便告成事今歲潰決過當修復爲難非借力於仁人難仍還其舊規以方無歲敢覲有成然一禾一麥積之亦可盈車寸縷寸絲合焉亦可成疋倘邀推解之餘庶爲畚鍤之助一城利賴百世懷思其視修祠拜醮功德虛實百億由旬不侔矣聞先賢之每遊宦

栖雲閣

卷二

三

歸也卽爲桑梓創一二利澤事予空囊每以爲愧而幸邑有仁恕之宰痼瘵乃身知不遺力而讓前賢矣淄民得歲其在斯歟

重修六龍橋序

六龍橋之建蓋始於明萬歷之乙卯云是歲也邑之舉於鄉者六人橋以是得名自是年穀屢豐民有康食而官於朝者至卿相卽次之臺省亦若承蜩也而司牧者亦接踵陞遷去爲名臣冠冕諸邑此非止石梁之靈而人傑地靈三才相應固有徵矣丁亥六月賊遷陷城迫秋霖雨越戊子夏復大水橋以圯自是而邑人及令長皆不振視三十年前屢異邑人之道西郭者咸太息焉三年偶一鳩

栖雲閣

卷二

三

工及半而止今歲父老踵門復以募緣疏來請不佞因詢之曰諸君毋乃未熟計吾邑之人事而易言築之登登乎吾山左之視諸省也逕庭遠矣大江以南則百貨走集舟車輻輳之名區也固不敢望之矣卽實沈之墟風詩不以儉爲刺乎然而予累年

京師每見其士大夫未嘗談及田畯事卽縉紳大家南畝東疇之業不過如吾省措大止耳率皆走僮僕攜巨萬之資貿易江淮中煮海鹽揮斥八極

者也二東之人有一於此乎至吾邑則較之諸邑尤爲下邳矣吾邑之接壤也東則益都西則章邱而章邱地則肥沃室多華潤至益之西河顏神鎮去淄邑四十里止耳而其陶冶煤礬之利淄人無分也不過守犂确之田刺草發礬幸旱潦不爲災僅給饔飧止耳子將叩誰氏之門乎曰富室可求也予笑曰子意良善然亦知富室之學乎天下之富室其持論皆過於尼山遠甚而不熟讀子與書如晉人爾雅者比比也尼父之善子荆明矣而世栖雲閣

卷二

三

矣蓋富人之道必以好施爲大忌而世之慨然好行其德者皆分阮宣之杖倒趙壹之囊者耳夫人有緩急而不以有無爲解者其人誠不易得然苟以八物推之其司命之籍定是黔婁無疑耳性也有命此亦其一端也而欲其揮金不異行舟於陸此實難矣且也黔婁好施何所取之不過取之豐年朝哺之餘耳今茲旣又無麥矣乃旱魃之虐未已暴巫無罪伐鼓無靈兩稅之不充一粲之不給利涉之計將若之何即勉旃解橐吾虞其以泣益河也則羣對曰是不然此邑明府之德意也君無憂歲秋將大有年矣吾非瞽史安知天道竊以人事卜之耳吾邑得天明府蒞止視民如傷雖大吏之租檄如雷而催科視諸邑爲獨緩旁睨鄰封一問可知也詩人所歌豈弟君子非欺夫豈弟君子神之所相也天咫煌然倉箱可望無事鰥鰥沔鋪也西京芍陂之復不徵於人而徵於神黃鵠之謠不亦幻乎予躍然而起曰君言良是夫人者三才之樞籥而奉

卷二

三

天子之符以司命百里則尤呼吸通帝座者也余居平每怪堪輿之說古今聚訟其信之過者則置人事而專恃青烏其疑之者則以爲此巫覡之說耳予嘗臆斷之曰是皆未得其平也元公卜洛考度澗瀝豈待楊郭爲之導師乎仰觀俯察周易亦既鄭重言之矣夫地必聽命於天而天必司契於人感天凝命則非修德之人事不爲功吾明府之爲淄人造福也以濟川之才極病涉之苦僑也衆人之母也豈復沾沾乘輿哉則豐年可覲而鼙鼓可勤靈虹之天矯可刻日而觀厥成而百福之永被於士民如往代者正未有艾也予雖愧子瞻之解帶而富平勝事媲美當陽不亦愉快乎諸君其俟之矣

栢雲閣

卷二

三

募化重修興教寺序

邑之北郭外舊有興教寺創建於金年久而圯矣諸父老將重葺之以募化之辭相屬予笑謂之曰諸君之意善矣雖然願有商也葺寺與完稅孰急曰稅急明矣上關國課中係官常下關民瘼如之何不急予曰是矣葺寺與供親孰急曰親急明矣返哺慙烏汗顏覆載博施有本菽水爲先如之何不急予曰是矣葺寺與救餓孰急曰餓急矣枵腹連朝便登鬼錄漠然道殣是曰豺狼如之何栢雲閣

卷二

三

土木之功不亦緩急失倫乎父老曰唯唯否否緩急固有常經而適莫亦非通變今創建寺廟有禁矣此則數百年舊制也令舊貫可仍新田是侈此則比邱之私耳今紺宇將傾風雨剝膚古人有見之泣下者夫佛爲三界大津梁固萬劫之大父母耳吾輩稅未敢通養未敢闕授粲起餓姑以讓之貴官長者而一茅一瓦以盡其心則又緩中之急也君且以爲何如予曰子言當矣人之好善誰不如我沿門持鉢何慮喜捨無人乎乃筆其語以附

栖雲閣

卷二

三

於隨喜讚歎云

栖雲閣文集卷第二終

栖雲閣文集卷第三

淄川 高 珩 葱佩

序

畢少保公石隱園藏稿序

余邑自明嘉隆以來士大夫彬彬起多致身公若卿閭而以厚德名於時者余所睹記則大司農畢公白陽先生蓋其冠冕云然余弱冠時則先生已致政里居余方俯首博士弟子業天下大計茫然如墮雲霧中不能知先生之功在彝常者何等比

栖雲閣

卷三

一

余佐部嘗奏事入

朝與諸君子偶語廊廡閒偶及計部之難其才大司馬坤安張公曰君同邑白陽畢公真大司農也向余以子部事公公精敏嫻熟天下大計琅琅於胷屈指兵食款目如觀掌果時軍興旁午中旨日數十下公卽刻奏成手中一一當上旨不似後來者止署字紙尾令司屬具稿專以子部爲左右手也公每入署輿後置書二寸餘日晡事竣僚友倦劇皆呵殿出怡然大小三昧矣公方危坐火房一

燈焚爇必讀盡所挾書漏下數刻餘乃歸以爲常  
今安得再見其人乎余因歎服先生宦業如此是  
誠向者草茅所不能晰也然私念先生志在經邦  
鉛槧之事或當不復與文士爭鳴矣久之余以定  
省歸偶於友人家見先生七言近體數首金石之  
聲鏗然揖華泉滄溟而分其座乃大驚異自念管  
中窺豹殆無能測先生之高深而徧詢鄉中士大  
夫亦有知先生素嫻詩歌古文辭者因益歎服前  
輩之善晦其長如陽元縱送爲更不可及也迨稷

栖雲閣

卷三

二

山君發篋見覘巨麗之編煌然富有乃得卒業焉  
作而三歎曰古人不朽之事有三先生其庶幾乎  
夫樹德以立其本經方以達其用大人之事備矣  
而摘辭虎僕復洋洋而登作者之壇澤於古者如  
此其宏也匠於心者如此其慧也時方以鉤章棘  
句樊徐璽體爲宗工公夷然不屑爲而暢經術明  
德誼籌時務曲折如意條達醇懿復多風則此卽  
令刺藝績文之士抱槧而寐挾策以呻屹屹窮年  
分其一簣尚詭照乘而詡世人以所未有乃先生

終童之年已分大府策勲內外迄於頽白中閒子  
墨客卿之交似無多日矣而謀篇之富乃埒猗頓  
何耶豈非林下息機服膺一編蕭然宛如素士而  
公餘退食仍與古人晤對如司馬所云仕優不廢  
學者蓋隨地而皆然乎夫前代傳人如何李諸君  
允樹藝林赤幟矣而經國大業未勒王朝卽鼂賈  
多石畫亦托不律垂之名山爾未見坐而言之起  
而行之之有成勞則昔人所言此輩束之高閣算  
子不知顛倒者其詆辱文士固有淺深而欲以閒

栖雲閣

卷三

三

執其口則又憂憂乎其難之也讀先生此集固爲  
古人一洒之鄧侯劉晏遂抽鼂賈之簾照曜文苑  
此實古來僅事矣而先生闇然自晦畱有餘以裕  
後人者復事事數此宜哉稷山君之嫻於辭而良  
於政發皇未艾知有以紹前烈而光大之無疑也  
獨惜余方少年時懵焉不知天下之大計亦不知  
名公巨卿雖海內之大亦不可以類邁遂至以桑  
梓密邇無能孜孜請益聞所未聞而逝者如斯年  
齒遽及方慨然有志詢往代之經猷考先民之文



獻而已不可復得故老日稀前蹟愈沒百年之間  
遂邈然如三代漢唐同矣此余讀遺文而追賞旁  
皇亦黯然慨息不能自釋於中者也然先生篋衍  
中尚有編輯書種種皆世人未見者俟稷山君政  
成報最書錦歸里時當勤求壁中藏書而盡讀之  
先生音徽依稀如睹當亦不減耳提爾

畢少保公石隱園藏稿又序

石隱園集予於二十年前久有糠粃之言矣此何  
以重序爲蓋悔予往日之踈也予不佞素無濟世  
之才故雖或披覽翰墨不過涉獵齊諸夷堅傳奇  
樂府諸書以爲樂事云爾今年逾七袞有五矣乃  
始知向來未讀一字蓋古今文字原度世濟世之  
津梁而士子乃止以娛情縱目了之豈非蒼顏之  
罪人乎卽令勉一終篇而未能了了作者之意者  
多矣夫度世濟世此何等書而可以靖節之流覽

大意者負之乎蓋士人習氣但艷春華至家丞秋  
實十未嘗一置念也如宋人之垂名來世者韓范  
勲名歐蘇文筆竝駕千秋矣試向今人之號爲讀  
書者叩之歐蘇之文成誦者多矣惟圭希文之集  
藏書之家亦有之而能舉其數語者殊寥寥也夫  
度世誠未易論亦竝未知濟世之功勝榮世之文  
倍蓰無算故耳士大夫旣立身廊廟矣苟無濟世  
之功卽翔步三台或非君子之所樂道也故予雖  
年在崦嵫猶未敢於自負居諸方欲細讀中庸周

易以及在哲濟世之書乃先細讀白陽先生諸疏連日累夜始作而歎曰甚矣濟世之不可無才而成功之不能違時也然時危則任益重矣慮周則心益苦矣如今之戶部尚書古人亦云計相夫相之名尊矣而計之任重矣周禮地官之職班班可考非能爲無米之炊也三代而後計相二字惟鄧侯足以當之而其時輔弼沛公未有位其上者則言動可以從心然亦未嘗有他技巧不過關中調發軍前不匱云爾至邇年來宰相選而計相勞矣

栖雲閣

卷三

六

宰相易而計相更難矣蓋自明初宰相不復兼統六部惟批代王言耳間有不合上旨諭令改票則人主自行其意亦自任其責矣若計相則一任之言之則未必悉從責之則無可他諉此則任事維難也卽以奏疏名百世者無若陸宣公然以旁觀而代陳其苦則猶易於盡言以身任而言之過切甚或至於獲戾則任事者之盡言亦復難也然使任土無荒瓊林方裕內帑之發如泉惟正之供滿品士飽馬騰此非大臣報國而康時之夙願

乎乃先生之時果何如耶以經制之所入者校之而出已缺百萬有奇矣而震鄰之外滇黔煽動於南服左道跳梁於鄒魯旣而遼瀋失守旣而都邑戒嚴調發千端餉支百緒月益而日有加焉額解不前截畱難料閫外不得其人故雖增兵而兵不可用卽盈籍韎韐孰爲貔貅雖核餉而餉徒虛糜雖地走金錢究飽鼠雀以三空四盡之時復百孔千瘡之告共事者爲同爲異未必一心柄國者且公且私豈盡憂國呼饑繁於蠅蟥尾閭竭乎溟渤

栖雲閣

卷三

七

卽使鄧侯再起輔之以百研桑而千劉晏仰屋之外亦無策也非點金雨粟將何術以慰庚癸乎乃一則曰問之司農再則曰問之司農當此任者不亦難乎而先生小心翼翼大度恢恢杼一策首廣君仁特一籌先軫民瘼故以捉襟露肘之時而取補偏救敗之績六年之中未嘗一告脫巾也雖玉燭不調而金甌無恙然猶不免以貝錦之言悚獄吏之尊矣予所謂任事之苦者難者此也迨先生歸而繼之者非人益不可支三百年之社爲墟矣

然後知時事雖艱而賢者終有以自見其長若此  
然以視鄧侯之得志當朝而焜煌百世者何如耶  
可爲長太息矣余既讀戶部諸疏已津津不能自  
止乃取諸冊盡讀之知先生非待正席計相而始  
以道濟蒼生爲已任也雲閒條議十則已慮周民  
瘼以告直指使者劉君代行之矣冀寧大閭十則  
已瀾繆邊防以告直指使者蘇君登封事矣災祲  
竅議十三則已救桑梓之顛連起金木之厄運亦  
由賑院達九重矣不止條議然也卽贈孟白之文

栢雲閣

卷三

八

而權衡古今校量兵食洞如觀火是故前人所未  
發此可以應酬華藻之文視之乎吾山左文人向  
來奔走海內者久以于鱗爲大手而吾邑百年前  
則儀部張先生吏部王先生大暢宗風雄視藝林  
屹然矗矗三峰矣至先生則尤以經濟文章衣被  
海內不亦千秋大業後來居上乎視于鱗峨眉積  
雪之評文人小技耳何足爲先生道耶先生仲子  
刺史君嘗請刻諸藁先生云吾之不朽或不在此  
先生大業之可傳誠不待文字然卽文以論之經

緯起伏深入韓蘇之室卽四六儷語於鳴金戛玉  
之中極流水行雲之致豈徐庾之所能兼乎文之  
可傳也亦復無疑矣而家庭躬行則雍雍孝友奕  
世重光焚黃告墓之文云志切冰蘖爲國爲民以  
求不忝於先德兄弟中倘有武斷鄉曲關說訟事  
逋公家之賦而歛私室之財者尙其是啓是佑以  
不隕吾家聲是又以純忠爲大孝者也冲陽公之  
遇變也先生上疏云願以臣慶典應晉之階及削  
去考滿加授宮銜贖臣弟罪而復其官以視子由

栢雲閣

卷三

九

之於子瞻也豈復讓古人哉先生淑世之行如此  
白首而盡瘁王家未嘗談及出世之學也而紀黃  
髮翁之觀化也鳴金伐鼓而去視呻吟牀第者何  
如而太夫人之白業則固昭然清泰人矣予嘗謂  
人非忠臣孝子仁人義士無得妄希仙佛而先生  
於吳霞城誌中亦云古來大聖賢仙佛只先於日  
用人倫修持則先生於出世之學已於門內得其  
宗矣予所見公卿亦多矣如先生者殆未易再屈  
指也回憶五十年前予不佞與冲陽先生之伯子

孟議君結子女之好登龍布幣時先生之去古希  
一年耳而幸侍賓筵樽酒燕笑不知其爲海內達  
尊也歲月迢迢矣回首龍光如旦暮耳刺史君復  
紹明家學詩與文皆超超雋永卽石隱集諸跋引  
申義蘊足見一斑矣作述淵源有光前緒不亦永  
隆乎予數日來對先生之集儼然如侍側而警竅  
伊邇也故不厭繁委而縷縷拈出雖成書具在宛  
如昨盤後之讀者能自得之予復薄舉其要使披  
數語而意已豁然予不佞雖不敢附於好德道善

栢雲閣

卷三

之樂而亦以表予之欽慕於無數也至刺史君重  
刻家集與先生之刻黃髮翁集略同蓋不尙聲華  
者君子之心而克揚前烈者孝子之道也所謂善  
述不拘治命者乎予祖中丞公所輯刻諸書約數  
十種自邑城陷後遂不可覓矣數年前予有事濟  
寧會其地給諫陳君曰此地有中丞公撫浙章奏  
板數百葉予聞之驚喜具禮贖之以歸吉光片羽  
幸有此耳然以視刺史君則遠讓多矣糠粃續言  
不止志予之悔而且以志予愧也

元公集序

謂道之必待人傳者非也道者人人之所同有也  
不以聖賢而增不以庸愚而減然而顯晦則有異  
焉雷霆動而百昌動日月光而萬物光謂斯道之  
得其傳而於天下之污隆無益者亦非也故堯雖  
授舜而非有所加於舜舜雖承堯而非有所待於  
堯皆自明也而兩朝之幸則在宥中者時雍於變  
比屋可封何其風之隆而披拂沁入之速也然則  
道自與天無極不在於傳不傳而道之傳不傳足  
以污隆乎斯世斯民也亦明矣君師雖殊其同善  
有固然不爽者頃予奉

栢雲閣

卷三

命祀虞帝還息駕道州周元公後人濟濟來謁予  
欣然束帶見之向予庚子薄遊曲阜乃見周文公  
裔孫茲復見諸士何於先聖先賢之裔多緣也夫  
王謝崔盧降而輿隸陵谷固然何與人事哉而於  
先哲之後見者倦倦豈非緇衣之性有同然者乎  
諸公乃以元公遺集見貺謂此秦灰之後所僅存  
者急謀鋟梓敢以元晏托焉予與先生何能爲役

然嚮往有素未可以不文謝也遂亦欣然應之夫公起孔子千五百年之後而獨探先天得堯舜以來不傳之宗而直窺聖域彼春秋以後或自有遜世不知之聖人吾誠不得而知耳若其姓名著述表表於代由百世而等之尼山之後先生一人而已大約溫粹似顏而閎毅復會也精微似思而性善以立本仁義以立教則孟也伯淳受業異曲同工文字支離者瞠乎後矣有明胡公直一序有味乎其言之也曰無極曰無欲曰主靜尋孔顏樂處栖雲閣 卷三 三

思而益光有爲之後者也不然王謝崔盧猶矜門閥趙括讀書於其父何當焉昔晦庵文公之裔致命毅然曰我豈他姓者此此大賢後裔之鵠也諸士勉之先生之學其自今而大被於天下後世者端自二三子之繩武始矣

陳吉雲編序

聖人之道大矣然止在學人日用之間蓋本之於身心意知敬之於子臣弟友而達之於天下國家所謂庸德庸言者是也而庸則本之於中中則受之於天命之性而合之於上天之載天人一原顯微無間至聰明睿智光照四表明德之全量彰矣其始之以知則格物也持之以敬則慎獨也純之以誠則天道人道兼之至於大學則言心中庸則言性其歸一也本於天者復其所爲性善修於人

栢雲閣

卷三

古

者密之而爲時習所謂須臾不離者也是四子之大意略可睹矣開其統者爲堯舜精一允執君道也遞禪而爲禹湯文武述其教者爲仲尼忠恕仁義師道也孟周程朱分闡之而總以聖人之道復天命之性耳君道之大成位育盡矣然致中和而底位育或以爲儒者論理之辭耳久之而悟其義蓋以喜怒哀樂者之情故也性受於天而發爲情人之能接於天下國家者情也人主之喜怒得宜則政教得序矣則萬類得所兩儀得安無疑矣蓋

我盡其性而後可以復天地萬物之性我平其情

而後性乃可以復則知也慎也誠也以爲舟車可窮履載聖人之學其在斯乎至後世師道之殊諸儒聚訟則知行之分途尊德性道問學之先後各有說焉是蓋諸儒質之有所近見之有所偏而未竟其所歸故也實則真知必行喻如水火而行必在知中如足與目之不相離如謂知卽是行是千里外遙見高山卽謂已登其巔可乎真能尊德性者凡學問之所已獲皆所以尊德性如博學審問

栢雲閣

卷三

五

乃力行之是也卽學問之方致力亦可以尊德性如博學切問而仁在其中是也但明真似不妨異同苟知主輔何憂矛盾乎夫殊途而同歸大道原相通而學者每自窒焉此何止學者之質原自不同卽聖人之教亦不可爲典要子夏子張之論交由也求也之問行固已然矣歸之於中何病之有吉雲陳子有志於聖人之學者也蓄諸賢之粹而擇其立可見之行者爲一編於以自勵於以淑人裕如也凡有志於聖人之學者可以興矣

象六先生文集序

象六先生以其文集示余余卒業焉慨然而歎蓋  
歎學之與治文之與仁離合大小之間古今較然  
其不相及宜乎三代之隆今不復見於天下也蓋  
古人未嘗有意爲文也彼其經緯倫物之則秩然  
其有序矣而垂之以訓典樹之以風聲故天地以  
是平章而風猷於焉惇敘曰文思曰如天陶唐一  
紀分爲兩事不得也後世名卿才相以智名勇功  
馳奇驟險以爲理自謂因時就功豈知古之人固  
未嘗汲汲於茲乎其所夙夜以圖者惟欲四海之  
廣萬民之衆油然如一家子弟恂恂穆穆於物則  
之中而屋已可封刑已可措兵已可寢而不用然  
則文固有其廣被學固有其要旨措斯世於三代  
之隆指顧而取名卿才相之所難亦直易易也天  
下文章孰大於是乎乃後世之命爲文學者不然  
儷事揆華或爲韓歐之篇章王杜之歌詠輦輓而  
粉題依希優孟伐鼓而矜於衆曰是已足爲文人  
矣及其施諸有位也五典之不敦五福之不錫三

德六德之未乂用泯泯紛紛橫目冠帶之倫將謂

豺狼鬼魅而方肆然於悖德之上曰是亦足以稱

隆業矣嗚呼何其小吾文小吾治而離之於仁且

學也是隋苑之剪彩皆可以埒七政三光而羣獫

獢封豕之磨牙於宇下者皆曰無殊率舞也有是

理乎如是以爲治姚姒之佐將揚解而退之而其

所侈韓柳王孟之文者其爲名卿才相束諸高閣

不爲過也今先生之書有一言之離於仁者乎先

生之治有一事之離於仁者乎夫肫肫其仁經綸

天下之大經者也經綸天下之大經乃天地之大

文也正心而亦正天下之心明倫而卽以明天下

之倫內聖外王之道具是矣故吾謂不必問先生

之居業觀先生之政可知也不必論先生之課績

觀先生之學可知也故所至立效其上以告之吾

君者卽下以孚之於民此豈以修辭爲文以騁才

爲政如吾所言離而二之小而隘之者哉夫先生

之爲文不以握管竟猶先生之爲治不自綰綬始

也蓋自其家塾書院殷殷於桑梓者而宰天下不

外是矣萬古之文學以尼父爲大宗世之所共推也乃自子夏之歸也吾道西矣故東魯之鐸禪於西河子貢之悟以繼子淵未可知子夏之修以繼曾子固有符矣三晉多君子宗風不替文中獻策而歸龍潛畢世文清雖云柄政矣而當時未能究其用儒效不彰天下惜之獨讀書一錄上續聖燈然亦未嘗周歷方岳躬親民事也先生起家西曹爲良二千石爲勸農使者爲名藩臬所至有成績設誠制行本身廣教雖銅馬之儔皆信之若父母

栢雲閣

卷三

六

而歸心草志焉文學之所暨如斯則劉東山之辭辭章而誦民社良有以也先生雖不沾沾以攜辭爲事而有德之言言破的幾於學庸二序矣韓歐之筆不謀而合至於發揚先哲表章懿行忠臣孝子節婦義夫倫紀之際有味乎其言之也今天下教化之不明人心之不正也久矣吾嘗謂子輿之功不在道性善而在正人心蓋語上或非中人所知隱其所以然而訓之以所當然則遵路而同風者衆著矣故先生之文不必深言定性但殷殷

以萬物一體者爲教而濂洛之旨已兼得矣夫教稼者思文格苗者文德文之爲義大矣哉以此光贊文思平章之治吾於先生有厚望焉詎曰一家之言藏之名山已哉

栢雲閣

卷三

九



孫文定公文集序

文定孫公既卒之三年詩刻乃竣嗣君孟滋來索序言余持此編若吹昭華之管而慨然有所睹焉初則若麻衣席帽嘯咏於濟水之湄雖薛燭未逢而芙蓉之色爛徹絳霄也進之而所睹異矣則若睹峩冠長纓水蒼山元曳履星辰之表高議雲臺之上也再進之而所睹益異矣則若霖雨既歸晴昊寂若以辭榮之疏傳爲善病之畱侯鳩筮深衣緩步笑語挾手精藍之畔也蓋不佞與公占籍則

栖雲閣

卷三

序

同地入泮則同庠鶚書復同薦於鄉猶憶丙子之秋應省會時海岱英游裙屐相接而予與公尤朝夕過從無閒爲予衍庚甲一紙曰君今歲當中式乎紙尾題一絕有云分官皇路應相憶水國清秋寒雨天迢榜發公不偶予亦止中副車云此後公先予捷南宮兩歷外任旋陟天曹而予時亦官京邸自是朝夕過從尤密於挾冊旅進時矣久之公以閣學休沐致政而歸王子之春不佞亦返長林赴公小飲單衣徒步至郭南佛院中暢飲而別隔

歲無何遽驚薤露之歌回憶四十年中舊遊歷歷如旦夕事亦如枕上蘼蘼耳昭華之管不又爲山陽之笛乎太上忘情固未易言逝者如斯亦何能已已於懷耶公溫恭雅秀善氣如春至義所不可則侃侃正色凝然嶽立其燮和元化弼翼泰階出於睹記之表者非外廷所得而知也至於度支端揆之座精心正色亮節忠猷其効具在

栖雲閣

卷三

序

卽所著南征紀略漢史億顏山雜記諸編皆以古俊之筆上掩前賢遇事成書海內傳之至於溢爲聲律滌筆冰瓠古體則遠挹三謝矣而冲腴兼劑以陶韋律體則近參王李矣而流美復儕於錢劉爲璫雲浮天爲芳蘭竟體執丹漆而隨尼父飾朱千以揖文公廊廟而有雲林之氣藐姑而叶靡啗之音始知雅歸平子潤歸叔度清麗之歸景陽茂先雕龍斤斤判鴻溝者昔人固未爲過論也夜抱九仙骨朝披一品衣不亦兼撮長源之秀乎在昔

漢唐鼎鉉名臣屈指蕭曹房杜姚宋韓張矣然莫  
味伊始武功方急金戈鐵馬之交筆札自緩借箸  
飛檄之下聲律亦稀故諸君子彝常之績偉矣而  
未聞蕭曹濫蘇李之鴈房杜奪沈宋之簞也若夫  
以清正冠冕乎當塗而菁華紛糝於文苑子壽其  
翹楚乎公之平生彷彿伯仲不止風度似曲江而  
海燕秋扇之感無聞

聖世則始終榮遇又過之遠矣我

皇上以天縱之姿

栢雲閣

卷三

三

聖學日就比年來方廣招天下雋異之士給札

天章上掩貞觀開元盛事而公則宿草已芊芊矣

調元贊化之勲四海待命者既未得一竟於

純熙之代而清廟明堂之什鐘鐺韶醵之音矢天

保而頌卷阿者又無能起九原而奏之

當宇上繼虞廷賡歌喜起此予所以味遺編而三

歎而亦天下所爲共惜者也獨喜孟滋能世其家

學雅什雋音風氣日上且才氣繁榮蔭映數人公

有子矣予謂孟滋曰宰相子姓固當以勲伐報

國家用補韋平所未逮而經國之大業不朽之盛  
事亦兼及之贊皇會昌之集去人伊邇耳孟滋行  
卽出而服官矣其以予言爲何如耶

栢雲閣

卷三

三

張西山文集序

國家以制科登庸天下士故天下士無不號爲讀書者然而讀書豈易言哉夫讀書之所求以明道濟時爲歸而士之實能讀書者則貴乎深思而得其意參伍古今以觀其會通斯所貴於博依也彼八股之爲優孟固已卽以杜元凱之學涉淵涵司馬長卿之文藻巨麗是後世鉛槧之家掇其片羽而矜照乘之珠者乃前賢斥之以癖卑之以併謂浮華淺淺無足道而舉世之人乃尸祝芻狗之餘柄雲閣

卷三

語

而拜禱其下倖博一第昂然自命爲卿相之材竟可掉臂丙魏房杜之林而無忝噫甚矣其不知愧也以此言之書之未易云讀也明矣頃讀玉甲張先生之集而知海內之深思學道讀書而能得其意者固未嘗無人也先生之治營邱也視時之所急者而建之以訐謀申之以條奏播之以文告亦既達於上下溢於歌舞矣一時士大夫咸知爲救時之才矣而家學淵源文筆卓越時人未之測也人之以擬程數藝示予予讀之而心儀焉曰異哉

不止非炎炎時賢所能至而亦非貌爲王唐前輩者所可同蓋以唐宋大家而兼註疏出之者久之復得是編乃聳然曰是矣是矣向固疑之今乃知予億之不爽也蓋古文大家自秦漢濫觴以來波靡於六朝聲牙則初救之以韓柳之雄峭再振之以歐蘇之婉暢盡矣先生不襲二者之貌而振筆所至沛然而溢油然而和骨堅情摯節應桑林修辭之家無能望其肩背固已度越時流矣至於紹先哲晰微言則超然發濂洛之肩鍵而登其堂奧柄雲閣

卷三

語

兼之鑑衡所暨游泳聖涯卽時所號爲壇坫宿儒有左次者然後知先生之所涉者深而所造者遠則羣賢之憤憤而未能深知之皆其宜也朱文公尼邱之大宗而斯文之嫡子也其董賈之筆則見於封事孝宗謂政事可觀者明矣其歐蘇之文則見之於大學一序孝宗所謂一日三復者信矣然而立朝四十六日其所及於天下者未足酬其所學之十一至晚年論定諸書則又不能不以崦嵫爲遺恨先生今日者渤海之康濟牛刀小試耳英

聲茂實隆隆日起將

內召而大用之翱翔鈞樞之地矣而又方富於春秋游泳聖涯未有艾也則所以康濟九州補前賢之所未備而爲斯道之宗盟者豈復可量哉

栢雲閣

卷三

美

復陽先生文序

余頃受復陽一編而卒業焉乃慨然於先賢之言不吾欺而其未盡之旨可引而申之無盡也夫才以濟世學以廣才此古今不刊之語也而古人之爲學也尤以見性爲本經方爲用大學之歸墟不誣而顯微共貫者也復陽先生海內異人也英英弱冠終賈讓席一持繡斧而出卽以定力昌言震煜海內屹然如山嶽之不可撼矣然予素寡交遊未之識也迨先生編管遼海偶一持牒入都門予幸而把臂洒然異之時則又英華內歛淵淵學道人矣而瞻視非常則猶隱隱在眉宇間不可盡掩迨

栢雲閣

卷三

老

賜環南旋視淮陽嵯政釐蠹奏最軍興賴之人又共知爲管敬仲劉士安接軫人矣然而此皆先生之一呖耳要未足以盡先生也然卽以嵯政論之官海之筴其弊積而不可詰也爲日久矣先生此一役也遠邁前賢鼓舞盡制如濂洛之析理細入繭絲如淮陰之用兵驅市人而縛強寇恢恢遊刃

固救時宰相才也先生過予談次慨然曰爲人臣者無以有己無己則爲臣之義盡矣予因曰爲學亦無有己無己則爲學之義亦盡矣何也無己則無欲矣無欲則王佐之權輿無己則無我矣無我則聖人之橐籥也彌綸六合而冲漠一中者非此物此志歟則先生自茲以往佐

聖主之平康而傳前哲之心印者正未有艾也而四海之道濟須異才而于聖之薪傳惟同道予謂古人不吾欺而其未盡之義可引申者正以此耳

栖雲閣

卷三

夫

先生其勉之矣至康濟之遠猷詩歌之奇致有心有目者當共遜心久矣茲僅言其大者

愚山集序

天下教與政合而後上治可成儒者文與行合而後大猷可立此亦古今人物得失之林章章不爽者也蓋三代而後急於功利久矣卽有英君才相往往詳於綱紀而略於教化以爲振長策而馭六合但以嚴刑厚賞驅策天下之才力以入吾彀中是亦足矣何規規三物六行之爲而且遲以歲月而未竟耶故亦未嘗不專敬敷之職而庸其任者止以士子爾雅能文多取太常上第爲稱職夫司

栖雲閣

卷三

夫

馬升賢之書豈子衿皆褰裳而避之乎而重煩璽書過督之也然則人才不茂而風俗不醇比屋之風作人之效遂以寥廓千古是又何足怪乎此一舛也士人一行作吏用後纍纍之外無所復知語以經國大業不朽盛事適適然愕眙相顧笑且河漢怖焉者不足道矣卽能驅染煙雲凌沈轅謝倏然自命作者之壇可謂彬彬世不乏人矣而適志則夸而鳴豫失志則牢愁侘傺若無以自容於天地之間以是而大言曰斯文在茲吾不知其於鄒

魯輿臺果何等也起八代之衰者昌黎也其著書自待可謂不薄而歎老嗟卑羨光榮於二鳥至示兒一詩乃沾沾於屋廬牢疏卿士基業諸事又卽何辭於後儒訕笑乎此又一舛也然則不朽盛事文士空言自好聊以張楚可耳進而求其黼藻王事難矣不佞往者竊祿

闕下卽聞施愚山先生以詩賦古文辭名當世無何握手則溫然修士也及來視二東學政則二東人士之業蒸蒸起迨予

栢雲閣

卷三

三

賜告臥里門詢諸士子則人人自以爲得師云蓋衡文之難也士子積習不能競修業而好私誹其上鴻都之質故無論耳卽公且愼矣安能人人前茅也者往往自謂連城而以陵陽之泣爲使者辜乃於愚山則六郡無閒言者何也而帖括之外尤諄諄以敦修藻行諸書納多士於洙泗宮牆之內視前朝崑山魏恭簡先生之訓多士也殆無多讓焉此可謂不負

聖天子教化之職矣然吾頗疑談經銓藝無暇晷

向所謂詩歌古文辭之業或者不無少損比乃得近作累牘則深訝愚山兼才掩映數十輩及卒業乃益爲之心折不能已已也碑版諸作大指以存文獻修廢湮崇祀先賢哲爲歸而行文在子政子固之閒聲律之作愉懌春容大雅復振而淡泊寧靜之致一篇之中三致意焉良云溫柔敦厚之遺哉昔人彈琴而見前修鬚眉如睹試取此編三復過之其人安且貞穆然而寡營神之聽之和且平有穆然於朱絃疏越之餘者此自足以靜流競徽

栢雲閣

卷三

三

嗣猗蘭文章之功固與教化通矣昔兩漢諸儒談經推季長而文治首屬蜀郡然草奏西第止令絳帳諸生汗顏耳卽上之石室俎豆薄示儀型卒未聞其所以敦諭躬行者何道之從而油素之業風諭諸門下諸弟子者何所傳也愚山以先聖之教陶冶薄俗爲

聖天子闡從風之化而霏微染翰皆足以鐫金石備鼓歌庶幾文行之教殊途同歸淵源固有自哉蓋愚山自其祖太先生與南阜復所諸先正切磨

濂洛之學衰然畏友愚山世業紹庭慨然有志於  
聖人之道此後著述知將有進於今者予日俟之  
庶幾文在茲矣

瀛洲草序

瀛洲草者吳庵葉先生官詞林時筆也士人通籍  
金門後輒受一職治

天子之事獨詞林一席仍讀士子之書耳然

上命煌煌實式臨之與博士弟子黨庠鼓篋者不  
同是讀士人之書即讀

天子之書而治

天子之事者也然往往咕嗶之業反儉於家食時  
何者士人有十年讀書之志視南面百城雅謂過

之下帷閉戶此可以自力者也至於長安道上儼  
然子大夫矣酒食徵逐晨昏報謁時時有之甚而  
二陸三張森然槐柳或不能獨異於時賢即僕僕  
挾篋入官舍乎連廡分室人纔受兩楹耳片石支  
門同人輒笑爲怪事綦履過從一彼一此倒屣不  
遑何執卷之爲也一飽無何日下春呼馬出矣故  
入館以後授職以前時不爲不久然三年在苒猶  
一日也謂此三年日月而嚴樂筆精淵雲大手胥  
臣多聞茂先廣識於此中刻期而可得焉我未之

以政事

水當是士元縱酒臥嘯地耳

彥與灌絳伍雖賢者處此或未免於夷然不  
角也者而先生治事理民孜孜不倦視前代所傳  
治辦能吏迺十百過之有不殫厥心不已者昔雲

栖雲閣

卷三

三

閒徐文貞公以宮坊謫司李時忘懷奉職人不知  
爲自臺閣出而已亦忘其左遷也識者卜爲公輔  
無疑以視先生此日將無同歟噫嘻以

天子妙選時彥令館閣大臣日月課之若子弟然  
而飽食游談藝不加進儼然有民人焉有社稷焉  
爲之牧與芻矣曰此不足以辱函牛之鼎也則是  
一登仕版便無可讀之書而宰相以下皆不足殫  
力之官矣有是理哉先生以仕祇

天子之命者固與向之爲學也同而儒者素位之

學亦豈外於此歟人或訝先生之佐郡也奉職以  
勤事上以敬不以素貴驕亦不以今約戚意思言  
笑與平昔等而不知向者官詞林時同官中有攘  
臂而爭差且以速化苟得之術慙愚者先生笑而  
謝之視不義之得若將浼焉竝視義之所得而不  
得若將忘焉此非以道自安以天自樂也有素安  
能蹟而不懾知楚固未得凡仍不亡者有如此哉  
予以是驚歎先生過人遠矣吾又聞先生壯年善  
病乃剗心主靜者數年殆幾於濂溪無欲其遊乎

栖雲閣

卷三

三

象帝之先者歟先生立乎其大者矣是學之得其  
嶠岷而仕之失其盤錯者也予猶沾沾然以文字  
求之不猶登崆峒之巔而詡詡於含陸包潘凌顏  
轅謝也乎予其有蓬之心也夫

栖雲閣文集卷第三終



栖雲閣文集卷第四

淄川 高 珩 葱佩

序

息軒草序

今古蒼茫傷心之事多矣而名作不傳詞人早隕尤爲惻惻乃昔人恨賦竟未及之何耶長吉玉樓之召是始青黃會之閒亦知世上有才人矣而不能不以其遺什聽忌者投之廁中噫嘻豈此地固卽淮王仙後左遷所司者耶不然何以金薤琳琅

栖雲閣

卷四

於此有緣耶至於文考子安諸君皆以盛年不偶而且下從正則游不亦甚乎然以帝子王孫寂寂同昆明之玉而靈光故宮反以一賦歸然如存奇矣至畫棟珠簾成序後竝佩玉鳴鸞亦與南浦西山共有千古煙雨空濛中呼之或出嗚呼前有百世後有萬年豈以蜉蝣歲月偶延旦夕遂詫爲松喬耶抑亦以金薤琳琅璘璘來禩爲大年不朽也耶余讀子下先生遺詩而潸然隕涕旋破涕而爲笑也予邑素多士大夫而以聲律聞於時者代不

數人人不數篇非盡不嫻六義蓋亦其地其時雅

有殊云夫吳越秀民燕趙奇士較然如五岳三川

之各有疆域欲易之而不能而三百篇以後六代

三唐英英遞吐亦如曜靈之出扶桑浴咸池降桑

榆而不可止此天下之所共知者也豈知百里之

內亦有燕吳百歲之中亦有漢魏唐宋之分班班

眉列者乎蓋予邑在萬山之中石田嶢嶢非高貴

大賈之所集與夫高軒華蓋文人詞客之所樂遊

其風土有素夫亦與鄒魯深而吳越淺矣而士大

栖雲閣

卷四

上

夫之有聞於時者又皆各以勲名旂常之業競相鏃厲意不及於詩歌卽間有以詩歌傳者亦復渾淪元氣勝於英華等差往代其猶在景隆天寶之前乎若夫簇簇能新油油自得出入於陸游許渾之中而爲吾邑樹貞元大歷之幟者其歸之先生無疑矣予與先生居同里官同朝朝夕過從無閒也故集中與予唱酬遺贈者頗多迴憶當時促膝揚舂分曹角韻高論文人之表游心濛洞之初擊鉢刻香撚鬚投筆一笑忻然輒棄去陶陶浮大白

矣其迴環諷詠細咀英華者未數數然也自謂此樂亦平平自可萬年如故若復耳所習聞生之有死合之有離此或古人漫談其理或他人偶值其事不足深信爲典常不然則亦俟之石爛海枯幾百年之後或者一目擊之耳不意數十年間河山未改琴樽猶故而離合生死迷夢空濛追思向者擊鉢刻香撚鬚投筆陶陶大白之景如却外緣如生前事已了不復得矣然後知塵世空花果有生死離合之事且止於旦夕迴首中便立見之益信

栖雲閣

卷四

三

古人之言爲不誣而感歎固有同情也然予深感所至亦有獨與古人不同者夫古人所謂潸然淚下者正謂前不見古人後不見來者耳譬若朝花久隕夕秀難期其不見宜矣何復三歎乃吾同堂把臂非有滄桑而崦嵫一沉望絕復旦其爲涕泗又復何如此其有異者一也夫中郎雖逝虎賁猶存抵掌如生叔孫固在俳場粉墨啼笑相宣之會三古英游不難宛然覲面矣而晷刻低徊便驚沙劫與我周旋去若風颺江漢東流斷無迴浪此其

有異者二也至頃者手息軒之什把玩淡晨谷嗟激賞乃深歎爲未易及豈文章一道亦與嬰鳴略同接視聯几流連或淺至風雨離索之後攬停雲而寄慨援芳草以興思情慄風誼方思之而益永挹之而益無盡耶從來詩文之道興會懷新往往篋衍舊咏視若陳人對客擘牋芳華溢目此固常情也乃於此又有大異者何耶先生明敏爽豁蓋經濟之才也即使大鈞剏印不欲以公卿假之亦復可耳正不妨放歸田里斥逐巖阿使與此一二

栖雲閣

卷四

四

同人者負瓢田閒行歌陌上南阡東陌鳩杖柴車數往來日月不延亦究爲黃髮詩老牆陰簷隙之交檢點詩瓢憶天寶之歌聲數貞元之朝士仍有足以自適者乃棘人偃蹇既遲其建節之樓而朝槿飛零復奪其生花之筆者何耶故予一有所憾一有所望焉長爪王孫承帝召太早故所傳於後者視青蓮杜陵十僅三四止耳倘使司命惜才拜章玉闕賦成之後昌谷更生錫以期頤數十年所則業以齒富比於香山渭南遂足爲後代詞人篋

衍猗頓此非藝林快事歟吾昔抱恨於長吉今復  
愴懷於子下文考子安意亦略同豈烏衣青箱之  
彥富於才者縱脫屣塵界亦仍如世閒公卿佳子  
弟往往爲造物所急收錄歟是又未可以呵壁致  
詰者也然而八極悠悠三生夢夢或鬼唱鮑照之  
詩或人夢靈芝之館布袍江渚杜陵野老之什不  
異生前日脚鶯聲芙蓉城主之詩更畱仙後秋香  
冀館夢澤曉青太白撚鬚依稀可睹是鬼是仙爲  
眞爲幻吾何足以知之但無已之懷常欲借淨能

栖雲閣

卷四

五

攝魂碑法盡呼古詞人才士而彙其新篇千百年  
餘咏吟之什故當溢於生前數倍則息軒近作又  
寧可量乎巫咸可降郵筒如生亦藝林奇快事未  
可知也息軒詩向已授梓蓋先生執友蜀撫張公  
坤育滇撫李公敬茲驟金爲之今先生從兄雪因  
先生感深花萼補輯遺珠將以存先生於千百世  
後意良深矣剞劂告成日當焚一通於墓門幽明  
異道正復同情耳踐宿諾於文度或有之乎

新城雷令詩序

文學之於政事雖洙泗之門不能不殊科也久矣  
文通夢裏之花可以代召伯甘棠乎曰否否中牟  
車前之雉可以兼陳思繡虎乎曰否否夫吏治首  
指西京至歌詩則以六朝三唐爲大宗此人人共  
喻者也夫使卓魯龔黃握三寸不律與拈鬚奪錦  
諸君子伏首而爭一韻之長或有所不欲然使曹  
劉王孟棄其輦輓授以一城一邑而責其桑無附  
枝邑歌五袴恐揚鱗而退者抑又多矣此亦猶之  
秦豆之車廐尹之矢皆可分存千秋耳聖人曰吾  
執御矣則兼長之難得也雖以天縱之資猶瞿瞿  
若此矣吾讀桓臺令君雷侯之什而適適然驚焉  
是何秦豆之弦廐尹之矢一人而兼長異曲而同  
工也久之適然而笑乃知其故也夫對可以專政  
可以達寧非僑肸選才春秋賢士大夫之翹楚哉  
而尼父提衡乃合而責之三百之誦若以爲大田  
之稌黍其千倉也固然否則以鹵莽之報責之是  
卽非見卵而求時夜抑亦瑟之能工而求竿之清

栖雲閣

卷四

六

吹矣迨再繹聖人之訓學詩也日興觀羣怨日事  
父事君而有悟也日興觀羣怨非陶情之大治乎  
日事父事君非盡性之大達乎夫溫柔敦厚詞人  
之志即大雅之才有其本矣至於牢籠天地涵育  
萬有其於十五國之善敗勞人思婦民俗國風又  
洞若觀火矣善沒者之於操舟數數能之彼固有  
其具也詹何以綸鄒忌以瑟於從政乎何有雷侯  
之蒞桓臺也曠怡夷簡吏不勞而民以康阜矣其  
於報最而遷擢不亦宜乎學優而仕士元固非止  
栖雲閣 卷四 七

耿又朴詩序

詩者六經之一也其道百變亦折衷於聖人而後  
可矣詩言志非聖人之言乎志以人異人之不同  
如其面焉而奈何欲萬人而一面焉如蒙俱耶三  
百篇之風固十六國野人女子之言而雅頌亦諸  
公卿各矢其音者也其能笑啼優孟折旋簡子而  
出於一途乎李杜王孟詞壇巨手矣然王孟不同  
李杜而李與杜又復各取途焉其究各有千秋如  
宮商不同而皆爲韶濩之所憑甘苦不同而皆爲  
易牙之所劑也至近代則袒分左右幟分漢趙矣  
苦詆其末流而獄歸於濫觴之星宿若必欲滅此  
而朝食祧此而自爲別祖者藝林之隘不止等於  
朝局蜀洛其於西域各宗分河而飲者無多矣何  
其無昭曠之觀而韓白英流乃作鼠穴之鬪耶夫  
申一己之長而欲盡廢其於我異者則蘭必與菊  
爭帝橘柚查梨相拌而質於士師如元明御域而  
唐宋諸君皆當掃其國史而等之輿臺有是理乎  
此皆夜郎自大不能持其所長而必詆羣雄以自

張何淺之其爲丈夫也夫天下固有元音如天符  
所歸不屑與羣雄競力但自修其德而正統自歸  
湯武垂衣而九域星拱不待兵車九合而始尊也  
予居常持論如此而乃得之於耿先生又朴先生  
之詩出之於天素籥之爲元音一以爲初日芙蓉  
一以爲明堂鐘呂而又有山空水靜步履安舒天  
際真人笙鶴翱翔之致蓋儼然自得容與埃壙之  
表矣予往歲車驅東郡愛其風土清美士大夫多  
嫻雅而郡伯園林窈窕清華幾於武夷九曲及登  
栖雲閣

卷四

九

光岳樓屢履半天之上取又朴諸什讀之罡風四  
起松喬若可揖而絳節翩翩至也殆將揮手蟻穴  
呼吸沆瀣者乎又朴以名卿華胄細書東觀石渠  
閒讀禮之暇孜孜修業砥德爲郡國多士大師咫  
尺鄒魯故應有人聲律之班班其一呖也求之往  
哲四溟何足抗衡東西不百里而遙則於文定谷  
城依依在望也文定亦起家詞館卓然爲一代龍  
門而秉鈞之後功施未竟天下惜之又朴方富於  
春秋行當曳履星辰之際勲勒鼎彝補前賢所未

逮是吾所日夕望之者也區區聲律之美方軌燕  
許已乎然際

堯舜之君在上拱明堂奏雲門而天下和平方睹  
之矣天保卷阿載廣無斁卽以此集爲  
王事之權輿無不可也

栖雲閣

卷四

十

于子先詩序

予自鳩車竹馬以逮弱冠之年蓋屢詣桓臺云以外祖大司馬公時方里居數往定省故也既至則蕭閒無事名勝之地皆得杖履及之而名山勝水長林修竹殊寥寥也雖長白副岳雲氣蜿蜒決皆可以及之而突兀偃蹇若外臣然傲睨四封之外孝水般水自南來去城殆二三十里去發源之地百里而遙安行地中無復崩奔飛舞之勢盈盈衣帶止耳然而科甲勲名則久爲鄰封冠冕豈冲和

栢雲閣

卷四

七

之氣毓靈蘊崇如平遠之畫反足擅場畫苑乎至於飛聲林則季木先生實爲開山鼎革以來阮亭兄弟復軒翥詞壇執海內牛耳嗣響于鱗宛如葵邱衣裳之會矣封胡昆從之以聲律鳴者亦復班班然倒篋而行世者指不多屈也其外隱君徐長公以雋才老筆能傳外祖季木之業而心淡閒遠韜光邱壑海內之人亦未得見一斑也桓臺固多才矣頃予再出佐司寇乃識子先年兄神觀巍巍掩映數十人所謂旄仗下形也迨得新詩讀

之則文如其人亦復軒軒霞舉回環諷誦則清泉流齒香霧咽人如咀餘甘致足樂也吾聞子先之爲令也敷載萊蕪茹荼百狀而治行煌煌薦牘中初則拾級貫索今已緩帶容臺臺之於諸曹中固蕭閒仙署也娑婆老樹無復訟牒糾紛啼號凄切之苦吏散鶴啼巡檐嘯咏以詩瓢充宦橐將有猗頓敵國之富矣非必專以文章飾吏治也蓋文人慧業包舉萬有故提封百里則可以凌杜轅召提衡寸管則可以含任咀謝更上之而韓范羊杜叩

栢雲閣

卷四

七

之囊底餘智裕如耳子先槃槃之器自當以勲名見於天下先賢旂常之業吾知將接軫而起矣

起東詩序

三才一生氣所周耳維詩亦然須性情勃勃有雷  
出地奮之意斯可比之弦管薦於靈祇先王之所  
爲作樂與士子之所爲賦詩無二道也夫風行水  
上而又附於地雷起地下而響聞於天然則天地  
自然之聲自然之色其皆起於動乎其皆成於不  
容已而生生無已乎不然彼生氣不存而倕以出  
之或剪彩或空花或鸛鶴學人語何當焉譬如令  
曹蜍李志建大將旗鼓出井陘拔趙幟不千年壁  
朽雲閣

卷四

七

立乎予友起東謝君具異才負一往不羣之氣故  
下筆鏗鏘入勝場興會所屬能令八公山鶴唳風  
聲俱鏗鏘作金鐵鳴斯亦奇矣然吾聞古之人日  
進無疆蒼萃衆美以君占籍齊都則太冲招隱可  
廣也司理南康則淵明飲酒可和也至於華貫雅  
宗翹登六代寧惟是詢惠連靈運之筵而牢體從  
之彼雍容廟堂洛下書生之咏君家太傳去人又  
何必有閒乎太傳超世雅懷始歛氣而歸之於道  
者是吾所期於起東異日之詩而又不僅望之於

詩也

朽雲閣

卷四

七

起東南遊詩序

天地之所以靈奇變化者雷也風也而兼之者惟詩易曰雷以動之子曰興於詩然則騷雅壇堦無乃豐隆鼓車歟發爲于喁譜以宮徵鞠陵之刁調蘭臺之披拂想見曹劉握槩王孟濡翰時也或正或變各極其致曰頌曰雅總是風之大小鳴耳故聲韻之爲人實非可以端居拜跪而得者也雖才具雋上學涉淵通仍須帥以勝情逸氣乃可忽忽遇之昔長卿賦奏漢天子飄忽不禁若凌雲氣而

栢雲閣

卷四

七

遊乎天地之間不知長卿意思蕭散時控引天地原自置身位霄玉清之上下視瑤埃不啻萬億由旬也起東年丈遠遊歸以一編示予予燈下讀之大驚急起把袂而詢之曰古人放浪江湖一節五岳或得異書或見異人乃可洗髓滌腸超超佐著子之南遊作何狀乃遽抽三唐簞扇若斯乎起東笑曰君言不妄億則屢中矣予之拂衣而南也一葉浮江斗槎自命螺川迴舸容與龍沙躡履五老峯頭披雲長嘯石楚宮左吳園蒼然短杖之間當

是時也齊州九點寒煙內蟻蝶起滅不堪一映手有是乎予謝曰未能也起東曰敬亭寂寞采石叅

花千古風流委之蔓草予乃躡位暉之遺跡揖青蓮而笑語銀罌檀板賓從如雲喝月席雲睥睨今古當是時也大兒宣城小兒長庚呼之欲出惟恨古人不見我耳子有是乎予急浮一觴酬之起東曰未也山川換文士之腸詩酒入古人之室致足樂矣然未免所謂冷淡生活也予復倚棹秦淮撥拾金粉墮珥遺鈿不減羣玉峯頭環珮聲矣邦江

栢雲閣

卷四

七

載酒十里燈光如白晝平山畫舫藐姑目成贈漢蕭之明璫畱芝田之瓊瑤珮細已結明霜皎日不殊也子有是乎予爲之凜凜起舞不能已曰是矣是矣昔者子長浪迹小杜冷遊江畔酒樓敬亭雲氣古人一事便足千秋吾子兼之仙仙霞舉矣何怪新編脫手燦若芙蓉曉日也予因念起東雋才千人亦見其爲吾黨白眉豈止詞翰一斑哉年未弱冠以田何魁山左士一時羨爲璧人無何第南宮豫章綰綬金逆之亂跳身不屈托鉢匡廬蘭



若中說偈參堂與白足抗塵人不知爲故侯也已  
而王師渡江乃獻謀大將軍幕府以奇功超拜司  
理已而讀禮歸田具錦作矣長卿揮毫鬚眉無是  
曲逆盜嫂金石爰書國人爲賦青蠅焉我

皇上明燭萬里

制詔天官氏曰明堂計吏所以勸懲百城也而藩  
臬大吏往往骯髒詭實多以遷秩罷去及伏在草  
土者應格對簿比多不讐其有麗在肺石者考功  
爲淘汰以聞

栖雲閣

卷四

七

天語煌煌實武臨之則起東復鴈門之騎以用其  
所未足其庸以焜耀旌常者寧詎出古人下耶昔  
陳思王之見邯鄲生也勝情逸氣風起雲飛百技  
千長雷轟電掣今人眼如豆許妄謂世固未必有  
其事此當未見吾起東耳倘窺左足澠水當不河  
漢此言也獨笑予年來善病枯腸畏酒禿筆無花  
每當起東詩酒淋漓後予輒辟易袖手作鉅鹿諸  
侯壁上觀又大略如滕大夫醉後長揖希文時希  
文擲書不得不逡巡避去耳昔人云問法知詩妄

觀身向酒慵三復此言粲然自笑起東故當抑揄  
腐儒我哉

栖雲閣

卷四

七

涉境詩序

古人縞紵未及而情愫相通者目曰神交予於西湖亦猶是也憶垂髫時得西湖志一編心目豁然寶持如連城壁晴晝枕函修途馬背羅刹江干遂爲予湯沐邑矣自後蚤春冰泮輒向南雲翹首曰此放舟西泠時也堤上青聽湖心翠翰不知遊冶幾何人亦有於簫鼓涼月笙歌之外認取湖山清涼面目者乎偶逢南冠君子輒問蘇堤桃柳無恙否兵燹之餘西子顰蹙何似或不減姑蘇荒草後

栢雲閣

卷四

九

捧心掩泣時也積年夢想而山川閒之蓋不能不惋惜命之薄云何者梅花百樹鶴羽九臯處士風流孤山俱永可謂適矣而余也宅維青社托在龜蒙僮父吳儂渺如河漢則遜其地岢嶇高帆茶監長鬣牙籌化爲歌板腰纏壯其纏頭銷金鍋畔亦少此豪兒不得而予也清白餘風泊然素士宣子杖頭元叔囊裏其與能幾何則遜其貲至彼麟符賜履燕寢凝香了公事於湖中排管絃於鏡裏可謂快矣而予也寄跡承明不嫻吏事則遜其才卽

令幸而一麾湖海而功令森森與唐宋異纔一翺翔山水間柱後惠文旋至矣是將如西子何哉或爲借箸籌之曰勝地無雙河清難俟必待三緣輻輳明聖湖頭知君遊履絕響矣何若以瓢笠雲水了此夙懷庶參寥子不終作無是公爲屠緯眞補此一段實義可耳余爲首肯者久之會周康之以詩見示蓋歸自武林息肩都門之作也三復諸什情燦秀發如湖上芙蓉灼灼出水三竺六橋之勝盡在是矣至其清機入悟境復似有冰雪集其腕下味之冷然善也西山晴雪關雎之亂將無曉漏聲中軟紅香裏猶未離斷橋殘玉釣艇茶煙畔耶康之雖含蘭畫省乎吾知其去塵壒遠矣

栢雲閣

卷四

三

白東谷南遊草序

皇帝定天下之八年乃始總萬機禮百神遣在廷大僚出修祀事煌煌盛典也而東谷得吳楚之役夫

真人御宇上之將與古聖帝明王通其響次之授岳瀆諸神職使其降雲出雨禦災捍患以福兆姓而佐平康之治此非溫恭淑慎精白無二之士不足以揚

王休邀景貺也東谷殆其人哉乃東谷非止能恪

栢雲閣

卷四

三

修其職已也而又能以其嘯咏之情爲山川藻火或曰此吳楚之地爲之夫三都兩京抽辭華縟不過麗事累累以抽簞扇可耳中無歌哭之情也至於六代荒榛三湘香草蕪城可哀郢都堪賦瓊樓珠館白骨青燐此俱文人無端之夢想所棲風雨如晤者也而況復有高流逸士之所都遷客騷人之所寓姝子仙靈之所變現寥廓千秋呼之可應自非土木爲腸安能不徘徊動色依永爲歌哉予曰唯唯否否夫魯衛喜季札之來而南粵以陸賈

面著名山大川之精靈誠能助龍門椽筆古人固

有以流離遷謫而使其地膾炙人口千秋憑弔如

聞風玉井者矣況以六傳輝煌芝函赫煜天家一

騎品目名勝者哉此雖培塿荒徼經東谷載筆當

有以爲風土而被管絃勒職方而參耆舊不難也

而況吳楚哉乃吾獨怪東谷之南也無負弩牛酒

之歡無金馬碧鷄之泰原隰載馳僕夫況瘁意歎

然若有不自得者而武昌授予一編則慨然柴桑

白蘇諸君子不能已已何耶夫靖節固義皇上人

栢雲閣

卷四

三

黍田可念聊代躬耕彼其視綰綬也與服朱也無以異興盡便行不待督郵吾輩以卒歲窮經倖一通籍者原不得擬之香山玉局則固仕宦中人也文采風流照耀百世然此亦幸際昌明之期衰然得全其賢士大夫之身故卽坎坷挫折遷謫流離而所至聲施奕奕如所云湓浦廬山雪堂赤壁諸區猶足令後之過其地者徘徊想慕如或見之而不能頓去夫古今人何遽不相及而難易逕庭同異詭趨是以君子論其世而愜然三歎也東谷之

意其在斯乎武昌而南則千古騷人鼻祖屈宋之所歌所哭斯弔故都而隕涕者也二子所際又不逮蘇白遠甚吾知東谷之懷古益深固將懷椒糈伐靈鼓招巫陽命彭咸而低徊於回風雲旗之際驅梁煙雲山鬼招魂諸什中高置一座焉惜予方持籌江干未能飛晨風之翼而牽其瑤華也至若莫愁石湖之歌宋玉朝雲之賦則東谷僥爲之方以精禋薦玉而未之及云

木子石髮詩序

吾讀木子石髮之詩而愀然於昔人之言也昔人有言曰詩能窮人異哉斯言一以危之一以戒之其詛楚之文乎其送窮之文乎是將以一丸泥塞風雅之關憫黔婁而大舖之也而或則椎連環而解之曰非詩能窮人乃詩以窮而後工是又爲釜生魚者曹邱生矣予不能無疑焉夫謂詩必能令人窮卿雲不累虞帝流火不崇姬公平謂詩必待於窮乃益工則蒙袂者掉鞅於詞壇而翳桑之人皆可叶韻宮懸矣是二說者果可以爲篤論歟或又謂詩能窮人而亦能富貴人有唐公卿率出聲律中然而李杜王孟其首選也主第新聲固所不論而三子撚鬚竟世未嘗一與月燈牡丹之席非必皆以南山北闕之句忤人主也青蓮飄逸草堂悲感夫飄逸非穠肥之士悲感自憔悴之音此中豈有猗頓乎故殘盃冷炙非不欲辭也雖欲辭之而不能五花馬千金裘非不欲畱也雖欲畱之而不可輦笑紛然皆詞伯也將無詩之功罪兩有所

不受欺無已吾妄以平衡爲調人謂必先定其人  
以爲鵠而後窮之與詩可折衷定也其人爲窮士  
之命也益之以詩而窮不可廖也其人爲詩人之  
材也益之以窮而詩不可量也而窮亦不可量也  
夫以窮士之命而益之以詩則必率多好山好水  
好輕裝遠遊好聲氣倡酬好睨傲當途而有不可  
一世之意其所不屑若將免焉好憂時憫俗而多  
有不快於中夫好山水則棄本業好聲氣則似浮  
薄好睨傲則所逞易窮好憂時憫俗則世人笑罵  
所不能免其窮固無怪也今功令既不以詩取士  
則與富貴之途已遠而又不能與世之既都通顯  
醉飽無事而染指詞壇令伯龍揶揄之鬼望而卻  
避者衡福命斗室蕭然而吟咏方侈令應劉沈謝  
而陟降及之也桃菊恐其不勇矣石髮清修自好  
意若蟬蛻於塵墟之外者而脫口令令又多冰雪  
之句磊塊之音與青蓮草堂若臭味然此可弔也  
雖然有騷人之才貧士之命而萬一能致力於逐  
貧之絕學必將擊鼓其鐙以與大司命交綏而爭

栢雲閣

卷四

圭

則賀戰勝者十亦四五僥得之焉則人定勝天之  
說矣蓋人能狡詐毒悍視他人室中之藏無不爲  
我外府者逐貧之學也人能沈冥貨利畢智竭力  
視性命若毫毛者逐貧之學也能視仁心義槩古  
來賢哲之名如仇寇者逐貧之學也吾觀石髮恂  
恂儒雅其於絕學慙謝未能久矣夫石髮之所長  
者既不足與溫飽爲緣而所短者則深足以恣貧  
所虐使而不能謝是且奈之何哉今將爲石髮忠  
告之益禱祠而求之使其碎硯焚毫執贄而乞陶  
朱之門苟欲窮退必先使其詩退此殆不殊奪中  
散之琴步兵之卮而束之牛醫屠兒負販之中吾  
知石髮頻蹙而退以爲大戚此逆耳藥石不能受  
也如是者將操夸父之杖追郊島於廣莫之野正  
無涯際則詩日進而窮之不可量者恐亦信而有  
徵矣石髮慎之哉

栢雲閣

卷四

圭

松濤室詩序

頃展雲石先生松濤集而爽然移我情也然而冰雪盈軸乃於京洛縉塵中垂首讀之則又未嘗不顧影增慚矣因自念麋鹿之姿勿耽林壑家世居城市中意殊不快也暇即郊遊或嘯命同人亦或率爾獨往雙履纔出重闌輒有飄飄凌雲意壺觴枕簟書策棋枰作律師三車自隨泳清流依茂樹散髮高臥見紅塵中騎馬人輒揶揄其苦益返顧欣欣自得也久之夕陽垂嘯素月流空村墅翳然

栢雲閣

卷四

三

情都盡譬如土木偶人尚啞啞言笑耳至炎歊驅馬長衢中短髮淫淫以汗自沐問篋中名刺多少爲息肩之期回念林泉舊賞惘然便如天上矣其稍可娛悅比於化城者西望芙蓉插天玲翠或循河緩轡齒齒漣淪響聞百步之間雪影雷聲具體匡廬瀑布又或好事門巷佳樹亭亭繚綠惠風偃舒如蓋輒停策徘徊不能去以爲此長安中一息清都矣安所得先生數畝松濤也者而納履從之乎先生至行清淳道風秀世自當敞屣軒冕作塵塽以外人諸什具在謾謾清音欲洒貞白之夢惟其有之是以似之信不虛也予雅志海嶠爲安期重陽諸真來往地乃先生通德之鄉襟帶溟渤五城十二樓時時在几席杖履閒予壬午之夏東指大小勞山息駕渠邱者信宿聞警而歸恨未得一識先生面然披尋往牒流連閒居諸什竹里鹿柴諸圖輒如摩詰前席觴咏竟日豈必別尋右丞哉或謂兵燹之餘地童童龍鱗盡矣予曰不然桃花源之在太康中其果有與否未可知也但既有靖

栢雲閣

卷四

三

節自應闢地武陵垂休圖什先生此地將無同歟  
至其始或云無終歸於幻閭浮百物孰不同歸正  
賴有先生之詩而此地千秋松聲如在耳予以邱  
壑崎人乘軒自笑息壤在彼豈負名山但每怪川  
岩佳話率言豐草長林而予雖足跡不廣南北二  
千里閒亦復時恣登眺未見有所謂千章萬蘄深  
蒨窈冥日月離合風雨奔會之區也私將推先生  
之意而廣之移家蕭閒之地溪曲湖陰荷鋤種樹  
須令松梅桐柳蔭覆數里不絕彌縫其闕則花竹  
栖雲閣

卷四

五

扶疎爲政焉至若良田廣宅之語大非幽人所宜  
此中卜築惟須草堂數椽漁舟一葉讀書釀酒放  
棹採苓衲僧田父二三朝夕從吾所好卒歲有餘  
矣然後取先生之詩一再讀之亦庶幾松濤之後  
塵哉

栖雲閣文集卷第五

淄川 高 珩 葱佩

序

黃韞生文序

予友黃韞生豈以文字傳哉然自爲秀才時卽以  
文字爲藝林祭酒癸未成進士後二年而從容就  
義天下傷之久之而制義之散逸零落獲全於青  
燐白骨之間者寶光陸離連城益貴嗟乎玉經焚  
而性見檀旣燼而香畱星辰河岳之間其尙有不

栖雲閣

卷五

亡者存耶予與韞生同出會稽周忠節先生門下  
韞生笑言不苟而意殊抑然有以自下望而知爲  
有道人也不予心嚴事之無何而韞生請假南歸無  
何而北都告陷無何而浙潮不至漢燼遂寒韞生  
以身殉之比予今歲過吳而墓已宿草離離矣嗟  
乎士生窮鄉山谷中患不得遊名邑步帝都見天  
下之賢者矣而介紹無因縞苧不接定交存杆古  
人奇事又未易數數見也至於旣分蘭譜再共函  
席可以盃酒連朝抵掌竟夕嘶邱索之微言商廣

輪之大業矣而以塵土奔走開濶蘭言聚散不常  
存亡遂異子休喪質非古今人所同爲隕涕者耶  
蓋忠節先生秉人倫之鑑爲聲氣之宗而琥芥吸  
合羣賢茅茹雖予最不肖濫竽其中而諸君子彬  
彬立雪洵多才矣鎬京革命天與人歸而孤竹益  
有千古臨秋尚庾俱從方外遊而或已解天弢或  
方揚宗乘合之攜手墳簞雉經鳳舉固有三人矣  
文忠之門不勝子瞻四學士耶晤韞生乃弟上枝  
於吳門蓋能字兄之孤者慷慨有義士風非韞生  
栢雲閣

卷五

干

無此弟也上枝長君今秋雋武闡駸駸將絕景而  
馳江夏之英賢有文武韞生益不朽矣

勞學臺文序

昌黎之殷殷於師說也何哉夫繡段千純未若錦  
機之示者標立則羣趨器具而用博故也秋駕之  
夢期者難矣不若受六轡於太丙範我馳驅則白  
義山子躋樊桐於尺董有餘裕焉鑄顏固貴乎師  
哉故予讀書升先生多士鵠文藝而心折也制義  
一途固人人殊矣下視之以爲優孟衣冠而高擬  
之以爲鄒魯心印夫以爲優孟衣冠則抵掌可以  
得楚相而賢者薄之以爲鄒魯心印則其下駟猶

栢雲閣

卷五

三

復西京註疏矣艾千子之斤斤於八股以與天下  
之才士詬厲者以此雖其持之各有故亦過當矣  
予嘗平心衡之則才人慧業一語其蠻觸之調人  
乎夫慧業如太皞然釣陶萬卉續繡飛揚慧業如  
幢珠然七寶繽紛雨四天下其力之所取則五丁  
之蠶叢魚鳧也其巧之所逢則武陵之衣裳俎豆  
也然其逢之也亦其力中之巧之所至也令漁父  
一棹日繫於武陵閭闔之中吾知秦人子孫風馬  
牛也久矣安得有靖節之紀介甫昌黎之歌行煌



煌千載哉先生以華胄雋才弱冠褒然庶常中然  
方讀中秘書時予正在田閒及予再爲小草乃一  
晤於津門時已持籌耶署矣心甚訝之曰此確然  
道山片玉奈何以算繒爲也已而持衡南國得人  
爲海內冠已而爲齊魯大師予乃驟然而喜非爲  
先生喜喜多士之得師也故每巡行郡國試案未  
發也其邑中先達屈指曰某子甲必雋矣旣而一  
一不爽也其不遇者退而自咎無愠色其父以詔  
其子兄以詔其弟者曰盍自勉乎夫今而乃知力

栢雲閣

卷五

四

田之果可以逢年如左券也有如此先生乃復於  
政事之暇出其緒餘以爲多士鵠大約潛以靈心  
緯以豐藻行以古法或則賦手騷心煙雲繚繞或  
則五花八陣風雨驚飛沈宋抗顏陶儲扶轂控縱  
於蟻封之中刻鏤於玉楮之上猗與至矣盱衡前  
哲倪鴻寶王季重以雋筆噪一時胡安定以教法  
式天下倪王固前東產而安定則尤先生桑梓三  
先生皆越之良也先生兼之其殆後來者居上乎  
方岳之職多矣至學使者蓋獨以學爲仕者也而

先生復仕而益學且將以海岱新機衣被天下可  
謂盛事哉或獻疑曰先生筆妙天下頡頏淵雲矣  
雖然亦知古人有以句拙才盡爲用晦乎何者假  
令秉國成者進此編而塵

乙夜之觀因之著爲

功令俾天下視學諸大夫試士必有程文以式多  
士恐揚解而退者多矣不幾爲入宮之蛾眉乎予  
解之曰否否夫薛燭之辨純鈞也非必身兼歐冶  
蹇修之締娉婷也非必人皆光旦左宜右有千人

栢雲閣

卷五

五

一見耳官人貴乎器使通識何至苛求耶且時賢  
一登仕版除目甲乙尊爲經史若王唐瞿薛之名  
猶一映也夫服葛者固須仲達而泣邢者亦得尹  
姬古人有言斯世而求一解妬者不亦難乎或復  
疑曰秋實淡彼春華至人黜乎健羨霜毫煇耀勿  
乃大中之帝復欲與延英士子競一狀頭爲愉快  
乎予曰否否聞琴迦葉不禁婆娑壁上桃花噴薄  
班孟此固賢達高致也且士子之荒於嬉也久矣  
三寸不律畏之若龍文之鼎惴惴絕脰而驚避焉

謝公不曰我嘗自教兒乎先生以身型之小子有  
造正視鰲弧先登耳或復疑曰鄉會程式率倣先  
正緇冠練布豈尙穠華隨宜梳洗莫傾城者非歟  
予曰否否大羹元酒以列登歌之筵則舛矣島瘦  
郊寒以應昆明之制則左矣歸昌振乎九苞龍文  
迷乎五色斯乃臺閣之鴻裁而

國家之上瑞也則先生此一編也其不懈於位也  
身爲的也王多吉士意在斯乎夫天下之以學爲  
仕者學臣而外俯而廣文上而司成皆是也向予

栢雲閣

卷五

六

待罪虎闥嘗以問津止宿兩圖課諸士歌行又令  
擬戰塲秋聲諸賦亦博學鴻才之遺意也先生之  
詩溫文大雅隨州摩詰之伯仲也古文辭尙靳而  
未肯示人然則此一編中而徐庾之學韓蘇之法  
具可知矣若以維桑先哲校之徐子與屠赤谷之  
間當高置一座無疑也臯比之暇或令多士獻其  
長必有競勸而進於古人者吾知二東之士他日  
爲

國家散藻之臣以不朽盛事聞於後者其爲先生

門下士無疑也則先生之嘉惠來學寧有已哉

栢雲閣

卷五

七

人岳時文序

予出山再任秋卿思得賢才以匡其不逮敦詢於部諸大夫而諸大夫嘖嘖贊人岳王公若出一口以爲此他日節鉞上選也予驟然而喜及退而詢桑梓諸公則又交口謂人岳立誠制行方軌前賢有餘裕矣予喜更有加焉久之而人岳以窗藝見示予初妄意此山左之文耳蓋予鄉山左之文以逢年爲正鵠期一當有司而止其標新領異自出機軸可爭衡於吳越間者率寥寥也及開卷則愕

栢雲閣

卷五

木

然而驚時氣洗盡子雲深湛之思杜陵沉雄之筆奔走腕下用筆如刀有力如虎如金鵬之擊海如巨靈之開山故人之昏散者讀之而如履滄溟意之凡鄙者讀之而如瞻嵩華古人齋心而後渡江信非欺我矣世人每謂文場有鬼入彀者頭點朱衣吏予每戲謂人司文鬼神亦復拘墟山左朱衣之吏亦老於山左場屋習見應制文體恪守爲金科玉律非是者卽以苗軋黜之矣恐七曲帝子之分司亦未具超曠之觀也迨戊午鄉墨則迺出新

裁直欲排突江表斯一奇矣乃人岳之文則又剏闢蠶叢造物之生異才未可以地限如此戊午闢藝如太白之縹緲欲仙人岳窗牖則浣花之沉雄絕世異曲同工并足千古矣天下無淺語也深心者聽之則理能廣大矣天下無小技也盡心者爲之則致盡高深矣行文之妙有用筆疑過輕而不病於虛者有至理以包之也有用筆疑過重而不病於實者有大氣以舉之也則文字雖小技乎而用之達於政通之進於道也久矣我因而憶其下

栢雲閣

卷五

九

筆時如對神明如侍君父如掬水洗腸如僵死樹杪以此文心奏刀於盤根錯節若然有餘裕矣而分藩無何乃得賜履西蜀予復笑謂之曰予雖不爛弓義之卜固知君之宜於蜀而蜀之亦宜於得君也文章有神固與山川相召君之筆底嗟峨澄泓蛾眉錦江可掬也此地待人將焉避之秉才如是其非組舞康庖畫諾庸福之人天實命之矣不寧惟是開闢蠶叢之烈又將於君有宿緣焉蓋自小醜跳梁以來益州何止曾無鳩其將近於洪荒

也幾希矣人岳五丁之手又將於方輿試之焉使此二三子遺重睹康食重睹彝教井絡之墟重沐堯舜之澤此卽巢燧之分身也寧止王襄樂職文翁經訓而已哉夫一益州也前代矜爲宰相廻翔之地今乃頓爲巢燧佐命之鄉其功德不百億由旬無算乎然吾又有爲人岳惜而轉爲人岳幸者人岳之啣命也雖熊軾朱轡赫然二千石之上乎而腹笥則豐行裝殊嗇竟不能庀車馬挾襆被以行而同曹諸君子慨然義助如昔人襄名士之婚

栢雲閣

卷五

十

以不得與名爲恨蒼涼古道此日重光諸君子之高誼自足千古而人岳之致此固有本矣何西曹之多賢視前哲加等也因竝書之

珠善義序

一言而天下無餘理者率性之謂道是已一言而聖賢無餘事者修道之謂教是已原始要終通復總歸一善故也舉世尊天而貴聖人豈知天道止一善道而聖人止一善人乎聖而不可知者卽其善而可欲者廣大而精微之耳子輿之以性善按踵尼山有以也然子輿之學在道性善而尤在正人心人心正則教行而善立天下乃復性矣昏衢日月人得以免陷阱之憂非所謂功不在禹下者歟不佞往者以田何之業分校浙闡拔□□潘子歷有年所矣今歲來晤金臺得所刻珠善義讀之洒然而喜不覺其卷之立盡也夫五經首易諸卦首乾四德首元仲尼曰長善者其統天者也盡矣故學焉而無大過知焉而不遠復孔顏由此其選也物躬訓世道固一揆先儒謂子輿深於易所見卓矣予雖未能奪子厚之席潘子所輯固足干城名教與子輿心性之旨有合九師訓詁何足陳哉

栢雲閣

卷五

十一

實庵詞序

六義之學至揚馬而乃浩瀚故昔人以能賦爲大手比來文士賦殊寥寥固宜歸之詞曲明矣夫聲律始於八闕此星宿海也而其氣與天地之氣相通天地之氣日開故聲律之道亦日暢而詞曲中之天地亦復曠然無盡三唐可謂四寶行地浩淼千秋矣至滄溟所歸非宋詞元曲將何屬焉蓋所貴乎大海者蛟龍出沒風雨驚飛天地迴旋日月往來詞曲亦然一於六義中變賦之體而得風之

栢雲閣

卷五

十

用故非五七言詩之所可盡矣前人漫有軒輊其所長文人習氣耳恐未爲定論也今日之以詞曲名海內者指不勝屈而實庵之詞則鏗鏘先鳴跼注之君子往往壁上觀矣予每讀實庵之詞驚魂蕩魄愴恍不定初讀弔古諸作慷慨悲涼羽聲四起如逢祖士雅劉越石諸人既而讀咏物諸作入微窮變五色陸離又若樹珠幢於谷王之曲而百寶麝赴也陸海局促蚊蚋一器啾啾耳神遊八極之表攬化人之袂而上征者亦有人乎然而左思

曹唐尙窘邊幅位風未暢是則吾所深望於實庵者倘肯走筆睨我當拍洪崖之肩瀝酒曼聲而歌之步虛之音上薄禹餘黃會天上九華紫微諸仙子安知不拊雲璈而和之乎

栢雲閣

卷五

十

大雅堂詞稿序

居恆抱膝作癡想欲奏賸重陽上邀鳳尾書得一切便宜從事以攝魂碑法追古來名姝數人則有若庭花翻砌者則有若犀導隨甌者則有若紅豆子譜拍者則有若黃金縷泥夢者則有若柳絲芳草愴悅春風河滿一聲闌珊雙淚者悉勒令按部分銜引候麟麒麟屬上易遷諸姊復以紅窗雅奏八琅璈栢枝沓坐無休而居士以一石葡萄主之箕踞自笑老奴差不負爾此釣天七日遊也下視陸

栖雲閣

卷五

十

海中潑面紅塵日蹙蹙墨榜煙閣者詫語何物蓼虫刺促如此則浮白一叫絕乃碧翁且切責驕溢無狀主臣誠有之願悉罷遣自贖不止如汾陽驚心楊相大拜時也則三褫紅牙以班管爲九賓以銀光爲九錫自清平廣大教主而下溫韋柳周迄勝國登壇諸彥一一吹之輒以此一九龍香敵魏太子閒房妙選上亂靈祇足令車子妬煞譬如啜墨嗅茗消磨熱惱翹首麴車上暫補平原十日豪於此芟嗜良不能己已耳而表叔射甫以所著詞

稿授予快讀一過曰美矣備矣是固不佞案頭填恨物也色則茵莛初舒百尺光明錦而情致芊緜似美人低鬟絮語字字入人心肺至本色名通無忝元人所謂當家者乃用髯蘇讀史法取類歌之晴窗點綠好客不來茶煙縷縷欲曩則閒居者宜至若玉瘦花啼懊薰薰淚照心在菊芳蘭秀之間則懷人者宜及夫寒碧冷紅盟蠶揖鸚淫愴駘蕩敗葉遊絲頓若蒼茫移我情也昔人辨體以臚宮調之位拾柴拾伍較如列眉是編其有兼長乎然大

栖雲閣

卷五

五

約本色之語出於香艷尤佳旗亭雙鬟知無別唱允矣其當於雅云若世人高語白殺爲教祖謂可奪才人夢毫恐牡丹亭未許問渡也

國朝作者比比梁閣梅整湯艷陸幽各具槌碎黃樓手茲固又當以雁行進矣不佞邇來欲辦寒灰枯木生活守綺語戒不復作垓頭弱草輕狂而卒讀是編聊復見獵蘭晚吳騷又復奮綠於絳宮銀海之交射甫殆悞我哉然吾每聞其詩腸賦心踢韓笑庾閒以餘綺命雪兒此特其一斑也而雅能

深悟好道畱心竺說宗乘事試問柳岸曉風較相  
樹子相去幾由旬此重公案似向明眼人不妨爲  
秀鐵面下一轉語也

鍾一士詞序

鍾子以尺書來曰不佞待罪下邑絃歌之化未有  
當也惟是牛馬餘晷閒操柔翰竊以金荃蘭畹之  
遺佐子燕市一觴予敢緘而大咤之曰異哉鍾子  
之強敏而肆於志也往予總角時卽與鍾子爲筆  
硯交劇切藝林睥睨當世士期各以文章馳驅海  
內蓋交相勗也久之予困頓文場鍾子率一再先  
登拔螯而舞爲吾黨軍鋒冠矣比年來予承乏詞  
館謂當以輦輓爲功乃意興蕭然如秋後籜因自

笑向者喜負稜稜恥爲附注之君子後一何童心  
未盡也又以年踰強仕非與子墨客卿鬪春華時  
欲向腳跟下稍究實際輒作焚硯君苗八識田中  
綺語根株稿盡矣乃鍾子佩組皇堂比聞茹荼百  
狀厨傳蕭然杞菊可賦也而講拳事貴人郡尺符  
旁午而至吾意卽元道州當此捉襟擢袖或不復  
能染毫錢思矣乃鍾子戴星之瘁不廢鳴琴曉衙  
填委方軌召杜之塵退食委蛇高揖周秦於座總  
持前彥不亦泰乎可異也豈邑大夫雖云窘瘁而

瘞仍有鹿縣尚得魚不至如金馬浮沉曼倩欲死  
卽有時單騎謁大吏歲不過二三行耳視長安客  
子曰以高骨馬蹶躓縑塵中風霾乍來鬚眉俱失  
者固有閒矣外此而印牀丹筆陸離指揮如意騶  
卒伍伯纍纍魚貫而匍匐階前俯首北望儼若神  
明且也鈴下小史或亦堪代雪兒之唱故鍾子苦  
矣而亦稍有所樂於此而流爲宮徵以代鼓吹耶  
是亦未可知也且鍾子少爲貴介公子閒雅多藝  
能文史之暇自以絲竹度曲殊不減仁祖天際眞

栢雲閣

卷五

七

人想造物者欲以艱危吏事妬之苦之而鍾子不  
受則曰是區區者固無若予何撫字之字魯有鳩  
也猶不廢我嘯歌其倔強猶昔風流自喜如此苟  
造物者不紆其伎而必有以逞之也遺大投艱將  
後來者益力或賜履而分陝提封千里連百城而  
授之鍾子安所逃之然吾卽以管城子策之而知  
鍾子之有餘力於此何者鍾子而非槩槩大器短  
綆汲深將朝夕鞭策案餘積牘如日有食之奔走  
周呼鳴鼓搢鐸而不給於救也何能燕寢清香琅

然而聞于爲之音乎卽不然恢恢遊刃有餘矣而  
以辱在泥塗枳棲自悼日作捉襟攢眉之狀戚戚  
無歡其器爲已狹矣夫才有以肆應而中又有以  
自廣天下行必賴之然則鍾子將何以自免於艱  
大乎

栢雲閣

卷五

九



楚遊日記序

袁中郎云三生舊發遊山願一卷新傳辟穀方每誦此言莞然獨笑曰是殆爲我咏也予河魚之疾四十年餘矣非得文成之訣能不食也而不能食於國風獨悟樂饑二字蓋饑之可樂勝於郇公厨遠甚一日循例兩舉箸所謂應酬故事勾銷前件者非謂人生必須此也至於杖履眺望垂髫便爾自念宿生豈久與禽尚有煙火緣乎不然者何以與會所關蕭然獨往青鞵勝於彤襜一杖過於八

栢雲閣

卷五

辛

騶乎取夫遊政固有定程矣九州未便行脚五岳故先染指而五岳之中秀削惟華雄博惟衡乃衡在南紀數千里外古來王者六龍過駕猶憚遠而攝之以霍乃欲以瓢笠屨坐而有之難矣從來之高隱湘楚者大抵皆大江以南人士也予每引睇南雲邈若天外迨

皇上親政遣廷臣祭古帝王予以宗丞濫竽私計曰輶車其指西南乎而予友黃門劉君素善六王豫贈予詩亦有明年定向衡山去之句云迨隔歲

而予果以神農虞舜二陵行矣以時將十月有餘以地將萬有餘里可謂壯遊矣而遊乃未嘗有紀此亦事理之所不宜者蓋以予之好遊有素不止身自好遊而亦往往好人之遊故每就遊人而叩其所至若山川風物在其人衣履眉睫間也不止好人之遊而竝好囑人作遊紀以相示蓋得人之遊紀而坐臥讀之如與之方舟竝駕而追夸父也故凡輶車將出就而請所托者予輒托以遊紀輶車旣返而或有所覓者予則先索其遊紀之覓以

栢雲閣

卷五

壬

爲此南金大貝之錫也乃予以十月之久萬里之遙而竟不成一紀則予之懶於筆墨好多望於諸君子而往往自恕有如此亦可發一大噱也至於歲暮歸來歡言故里親知過從斗酒而話萍蹤問山川之曲折吳楚何分高低何狀則問之嗣宗若對圖經也問縞紵之逢迎何地何人何時何故若披蘭譜也某方之風土何狀某邑之貨貝何等若指掌而列螺紋也蓋嗣宗已有成書燦然掌故矣予於是乃听然而笑謂非嗣宗之同我行也予雖

馳驅三湘乃如竹葉瀛洲圖恍惚如十萬縱向人  
抵掌娓娓謂嘗炳香二陵驅車三楚飛觴祝融之  
巔蠟屐君山之麓皆詭對妄言之或夢寐偶至而  
無稽如齊諧志怪而已或竝疑三湘九嶷者文人  
寄托之言如西漢未必有揚子雲亦未可知也予  
嘗念三代而下以壯遊稱者莫若司馬子長觀其  
於名山大川帝王都會稍一撰述皆可補輶軒之  
所闕職方之所未紀者而千載而下未聞龍門有  
遊紀而列傳八書貨殖數萬言垂之萬古何其詳  
栢雲閣 卷五 圭  
於人物錢刀而儉於攬勝山川一至此耶然使當  
時同遊有人載策多興當不爾爾何者子長之作  
多採左國楚漢春秋而爲一家言則萬里壯遊安  
知不採同人之冊而侈爲已有乎未可知也嗣宗  
之爲此篇也不資粉本而燦然成書詳記日月緯  
以英華星槎可信則嗣宗之功大矣其中閒及予  
者則嗣宗臆爲之宋玉微詞莊生寓意莫從見想  
當然之類非實錄也夫五岳勝蹟矣而岱宗日觀  
予家圖中物杖履已數數及焉熊湘之奇茲復目

治禽尚之所侈者已有破竹之勢矣予自是以往  
天假之年將一載而恆華嵩高飄然而爲汗漫之  
遊不知從我者其誰耳

盧先生傳序

吾往年偶得先生孝廉約一冊竝清言數則洒然異之意服爲謹飭名行且蕭然自得人也及後讀皇明臣錄則列之魏黨案中轉而生疑豈染指通顯後塞之不變也果難乎久之乃得復閱全集則學涉淵通根柢道義非尋常士大夫可易及也又復疑之因質之同邑大參大參甚爲之不平最後乃得此傳讀之慨然而歎因以知古今是非原未易明不止悠悠之口雌黃易溢雖六計官評千秋

栢雲閣

卷五

圭辛

信史矣令人抱不白之誣者良多也昔闕文闕文雖稗官之言良有政矣此猶其遠者也予卽以近事徵之如詞林陳長卿亦掛名逆案中然予見其人恂恂長者也迨其彌留之日多吉祥異徵知其久契於神明矣大學士孫沚亭先生見小史中云受李賊僞職其實先生當國修史月旦則京師未破之日已微服自盧龍返故園久矣令此書悞傳諸後代豈不以爲信史乎大抵史傳易淆以疑信而官評易行以愛憎則蒼黃之溷淆也易易矣盧

先生六年而至正卿正閹人炎炎之時人固不能無議耳蓋權臣當國濡首固易卽不濡者而迹之相近事亦難白是以君子貴乎先幾之哲而投劒之勇也

栢雲閣

卷五

圭辛

張相國醫驗編又序

上帝好生慈尊救苦三靈千聖其道同歸更無疑  
矣而救苦之中又有爲好生之所尤急者蓋人共  
知生死爲第一大事矣而會當析楊疾病不可復  
堪之時有視一死快然得免痛楚如登仙界而萬  
不可得者亦深知之否乎蓋析楊所橫加仁人之  
所急欲援手無疑矣若刑當其罰則仁者能惡不  
可姑息是死雖當救亦有不可救者在也至疾病  
之來或以天災或其自取事不可知然非有不赦  
之罪也而號呼呻吟非又仁人之所痛若身受而  
無疑者乎故神農黃帝帝王之祖也而開統爲醫  
宗藥王藥師調御之尊也而垂名於龍藏至仙人  
而杏林之董太白之孫則更有表表萬世者矣此  
無他蓋救苦而全好生之仁固其尤急者故西域  
以醫爲科第仁之至也予邑相國聖鶴張老先生  
舊刻有效方一帙予於三十載之前久已僭爲糠  
粃矣今歲重檢舊作意猶未暢乃復申言之曰古  
人有言醫卜者聖人之外篇也故卜亦以伏羲文

栢雲閣

卷五

圭

王爲鼻祖然卜止發蹤指示而醫則起死回生矣  
是孰輕孰重耶後世聖人以好生之大者爲事故  
志在教養四海而刀圭湯散則周禮姑統諸宗伯  
而已予嘗再四思之教養之成功人皆溫飽人皆  
聖賢事固大矣然溫飽之人其病之苦也與饑寒  
同科聖賢之彥其病之苦也與愚不肖同科則病  
之爲害至切而至重也不又爲聖人教養之所不  
能救焉者乎卽仙人未至飛昇禪人未證聲聞亦  
不能不以病而瞿瞿也故予平生竊有微憾焉以  
人而不仁或雖仁矣而未智不能究五運六氣之  
變窮百草萬物之性者可無論也以仲尼之聖也  
子房孔明之賢且慧也而或以慎聞且以禱聞或  
以辟穀而從赤松子遊或以隕星而斃五丈原畔  
則其皆爲二豎之憑陵而莫禦也明矣卽上之仙  
佛已成神通不測亦安能遍四海九州諸紛紛碌  
碌之人而一一應之乎所幸仁人智士雖不能身  
爲扁和者而仁術出焉亦可與神醫分座則惟有  
刻行良方以廣其惠焉四海可以几席千秋可以

栢雲閣

卷五

圭

旦暮謂龍賓剝藤之力非假年於南斗而返魂於東岳不可也昔太史公傳倉公諸人也惜僅列其事而未載其方至陸宣公之書亦成於降謫之後耳未若先生方軒翥天施之時早已爲痛楚者塵同體之憂之爲大慈也予幼時愚而不知養生日以飲冷水爲樂未弱冠而脾傷曉起至午不能殮也必嘔盡宿食已而嘔水始黃繼緣苦矣苦矣如是者累月謂必死無疑後以蒼朮膏而愈庚辰暑浴於河自午至夕又以爲樂遂病瘡數日幸已愈

栢雲閣

卷五

五

矣飽肉而復作已治後事兼手書一紙托家兄至今日已四十餘年矣昨偶檢敝笥其紙猶在也當時偶聞新城一兵能療此病乃聘之來用大蒜搗爛貼於手腕之中央覆之以帛亦一二日而愈矣及去帛則肉之下陷也二指餘迨年餘則肉之上出也亦二指餘矣又踰年乃平而其痕亦至今猶在也後辛卯予典試江南甫閱文而瘡發蓋背爲風襲故也卽欲出聞而監試御史爲同籍上官君三立挽留甚力予無如之何乃細檢行囊得予外

叔祖故方伯新城王公簡便驗方中薑茶飲方試之一服而霍然立愈此後予每遇一病卽多求效方而錄之遇人之曾得病而愈者亦急詢其效方而錄之各病各方輯而成書又嘗作求人效方詩一絕句刻之板而刷之竝日日隨身一小冊名曰詢人效方冊爲行囊第一事求方詩中用東坡同醉語蓋東坡不能飲酒而樂觀人之飲迨人之醉也東坡之樂與之同焉故也同醉一語或以爲此昔賢寄興之詞而不知卽萬物一體之意也如有

栢雲閣

卷五

五

病夫於此號呼偃仰天地之大無以容其身矣而我乍授以良方號呼者遂破涕而爲笑偃仆者遂翔步而能趨亦人已同快焉否乎予平生作客遍歷南北若汴梁吳楚以至燕京皆有車轍馬跡焉而所至之地書廊市攤凡見效方未嘗不捐價收之過於鄉鄰秘笈也然而冊籍太多恐龐雜未必盡善且無以爲貧賤者地其利人也幾何矣未若此冊之博施濟衆也至百里之內則又有鄒平太保華東張先生懸神便方及新城方伯康宇公驗

方之刻竝此刻而三矣故予嘗謂人能一日記一二簡要效方其爲仁人無疑也而況於累累若貫珠可以廣應乎而況於授之剞劂可以四海無窮千秋不盡乎其爲樂也何如其爲仁也何如乎昔釋迦文佛之爲老僧穿針也自許爲不嫌功德之細不嫌功德之多者三界萬劫之慈尊爲人乃至如此我輩何可無此意也予閱今歲乙丑七月邸報恭讀

上諭禮部曰朕研究經史之餘兼閱諸子百家至

栢雲閣

卷五

三

於黃帝素問內經諸篇觀其義蘊實有惻隱之心民生疾苦無不洞燭其後歷代醫家雖多著述各執意見若難經及痘疹諸書皆未精思極論文義每欠貫通朕甚惜之茲當海宇昇平正宜懷保吾民躋春臺而登壽域爾等可取醫家載籍酌古準今博採羣言折衷定論成爲一書永垂不朽以副朕軫恤元元之至意大哉

王言真視九州如一體力廣上帝之好生者此與趙宋之聖惠方同年復踰數百則方加廣矣書

復加折衷則選益精矣前代帝王盛事有遠不及今日者際當陽

聖主之鴻慈憶往代良弼之仁善再題數語以識樂事天下後世之仁人君子其來無盡將有慨然而同心益爲可久可大以洪大生廣生之仁者苦海洋洋化爲樂土無疑余不佞固有厚望矣

讀此文想見先生萬物一體之意吾儒之惻隱釋氏之慈悲盡在行墨中矣雖廣額屠兒能不動念涕洟耶乙丑蜡日王士正伏枕跋

栢雲閣

卷五

三

鵬邱雜錄序

阮酒嵇琴奇人多癖飽食熟睡措大宿懷其來久矣而予生平亦有妄想欲以靖能攝魂之法尙友昔人看昆陽之戰遊梓澤之園參五家車騎之隊檢萬國王會之圖而猶未若陟卿嬭之洞天登崑崙之冊府爲足愉快而滿志也丈夫坐擁萬卷何假南面百城此固士大夫之高致也然而菁華可掇而徒記姓名譬諸沒人之於龍淵也鱗介專車便可頓頭照乘否乎卽令照乘之珍充內府其視

栖雲閣

卷五

三

懸幢海墀雨被四天下者差數爲何如耶故百人之瞻舍利也其所見者不侔矣將相之陳睥盞也其所取者不侔矣待其人而後行予謂讀書亦有然者彼康成車後褰然夜郎不亦戴晉人前之一快乎夫訓世之道則備諸經治世之法則垂諸史古今之學盡於此矣而二者之外復有二端焉次之亦足以游泳情懷宣暢陶鬱所謂笙簧六籍圖圖七略者非歟至於研藏史而揖位元繡貝多而追調御虛靜位牝之地希夷帝象之先則出世之

宗尤超然毘盧頂上矣或則獻疑曰太極多此一

動遂使萬象紛然世返鴻濛星緯亦寂惘惘此中

豈有一字子母乃爲蒼頡所役役乎予應之曰子

不聞伊川之言乎何思何慮是有此理但言之太

早耳不止束書不觀魯直爲笑至仙人而不識字

是亦道華所擲掄不已者也或又進規曰雅言罕

言垂訓萬世庸言庸德亦足以爲君子矣中人以

上譬若曇華高語滋惑也何居予應之曰有是言

也然而五經以易爲冠冕不曰幽明之故死生之

栖雲閣

卷五

三

說鬼神之情狀乎此固尼山讀易法門也象先物表大暢位風視興觀羣怨授政專對之語何如且朝聞夕可與柱下天竺之道果可以淄澠判否吾非易牙正未敢知也予不佞攤卷忘疲未盡書生宿業每發願悉屏卷帙而屢懺屢犯之餘依然故吾徐逸口栢時一中之迦葉聞琴翩遷起舞故當不異人意矣予向來南過秣陵北依

帝轂赴墟報國仁祠徙倚殿角書攤者予也吳越之駕甫稅早已書廊緩步者亦予也以至輶車遊

舫半載縹緲不知者或妄意爲陸賈之裝而不知其多遮眼故紙皆蠅鑽未出蠹魚爭伯者也卽今年踰古稀而老人無寐五夜呼燈一編達旦羣從執友每笑問予發篋揣摩尙欲南宮應試乎抑將以博學閎詞與諸君子爭一日之長乎予亦啞然自笑而無以應也而痴嗜所鍾則又與雜說稗史爲多蓋海珍適口不必大庖幽蘭爲芳姚黃卻步矣今歲乃得梁葵石先生鵬邱漫錄一書廻環諷誦之不能釋手其足以淑世治世灼然著蔡無疑

栖雲閣

卷五

三

也至於出世之學偶一拈舉便是上乘吾嘗衡量前賢謂通明稚川兩君子百世上人邈焉不可復睹矣何幸於尺幅遇之頓把浮邱之袂乎昔漢皇經營九有屬意有在此編亦不佞之關中也先生神情開美朗朗如百閒屋而霽月光風之中蕭然塵壒之外望而知爲閭閻樊桐中人無疑也故雖通籍多年端揆是佐而鳴珂佩玉松風之致宛然百尺樓頭不必寄跡羅浮尋丹勾漏也所謂鳳翔千仞下視九點齊煙神遊八極之表白雲先生攜

手待之者是耶非耶故其折衷六術提衡百氏鄴侯架上觴豆斯存而探驪得珠辟盤取印更有出於伊洛壇墀房杜埏埴之外者先生自此遠矣予登朝將四十年而謁告家居者二十年有餘閒中掌錄亦約得二三十卷而逡巡點定未及成書是自中散之懶尙未易瘳然亦可謂與先生同好矣而循省平生其相同者固不止一事也先生曾祖太宰公撫予二東而予先大父嘗案王畿也則同先生以丙戌舉南宮與予兄同籍而予與乃弟蒼

栖雲閣

卷五

七

岩大司馬舉癸未也則又同先生官少宰而旋左遷也復與予同但先生爲王國鼎鼐昆從琳琅鼎貴此則予不及者一也予蓬心孤落百無一長而先生大器槃槃飛黃龍友則不及者二也先生子姓詵詵孫曾濟濟而予膝下寥寥則不及者三也宣武之似越石得毋爲女子齒冷乎至於不佞比來禾麥不登黔婁分座租吏畝門重陽擲筆此固當有獨長先生雖貧或不能不讓予一頭地耳聞嘗屈指海內藏書之家褒



然猗頓者以勝國言之錦江太史豫章王孫其巨  
擘也閱其書目尚令食指欲動至數十年內則有  
若退谷少宰櫟園侍郎爲最二公已謝賓客書亦  
多半散逸矣今則上黨四世方伯常山蒼岩司馬  
耳蒼岩廣搜秘笈賓朋盡是陳農予往亦曾攝袂  
鵬邱之下擎掌壽槐懷懷前烈而輅車猝發未得  
寓目帳中秘笈每思乘輿而北行吟長柳之廊飲  
馬滹沱之水造門而發藏書請以十日卒業焉今  
者老病侵尋都無宿志惟手此一編便似與先生  
晤雲閣

卷五

羊

羽衣黃冠薄遊蓮渚開樽挹蘭之亭捉麈高林之  
館訂釋道氏之異同評南北宗之頓漸溯涖咏懷  
伊人宛在矣不識先生以爲何如也

栖雲閣文集卷第五終

栖雲閣文集卷第六

淄川 高 珩 葱佩

序

贈大中丞張公滅寇保民序

皇帝定鼎之四年中丞英翁張老公祖奉

璽書鎮撫山左時

國家威德遐邇獻琛奉朔百粵喁喁一候一尉暨  
於玉斧之外於維盛矣公至而字流亡庀組練壯  
猷煒如度師在席之上韓范甲兵百城震霆焉豈

栖雲閣

卷六

一

其固我宸宇而小腆允蠶容其叢薄皞皞也者蓋  
自逆闖煽虐以來泯棼無紀狹犬之漸餘沴同胎  
賢者茹荼萬狀始知其主之德如天而一二不逞  
遂至軌物蕩然捐元首而雄嘯聚夫寧糜敗之不  
恤自取天誅若不皇而以爲病者乎無亦惟是因  
德將終天厭其罪而奪之鑑蓋大僇行卽及之使  
其一逞而無餘燼救世之功有所歸而安堵以大  
庇吾子姓也山左諸向來嘯聚者公至而以次授  
首旣以書勸司庸焜煌史冊矣六月望前淄忽告

潰淄岩邑也屹然百雉而蘭石渠答亦復蟻附所  
昨指退者客歲陽月賊旣薄東城叩闔數枚曾目  
無睥睨焉者而一發殪之逡巡鼠竄鄰封諸人士  
皆望之爲天都捐錢刀而願授一麾恐不得當焉  
豈以一二亡命垂絙宵登合邑暴骨而山左爲震  
也當是時溽暑炎歊淖涼接踵援師勁旅尙隔碣  
石衆雖宛轉湯火日祝公之出車而轉虞下甲之  
遲遲也百姓咸以爲憂曰公其棄我乎不佞則謂  
若無憂也公之賜履海邦也舊治編蒙襁從千計

栢雲閣

卷六

二

歸市不異允荒也豈其受命無有我衆而虎牙委  
之必不其然乃公果已兼道東馳不佞聞而昧爽  
迓焉旣已遠矣詰旦率諸紳士拜於轅門公則和  
顏降禮哀其瘼若而析其薰蕕若將不及不佞退  
而語人曰旣見衰衣諸君無復憂寇也已公暇以  
整談笑折衝剪邑之蠹而崑崗不濫惻然豈弟君  
子也我淄何福得此乃越日而虎旅以西不佞聞  
而昧爽挽焉則又遠矣百姓復以爲憂且加甚焉  
曰公之視師爲我來也今者捲旆言旋吾屬何望

其果棄我也已跼伏莽澤挾孥而出疆者是日蓋  
相屬於道不佞則又進父老而慰之曰是固無憂  
公七萃之總持二東之司命也望邑不戒而睨者  
多矣無寧居重之不御而謫焉下邑敢久杼淮浦  
之駕也者且公玉趾親臨二東跼注之君子萃焉  
賊膽落矣方畧必已授諸居者寇游釜中此直偃  
旗俟之耳涇以渭濁若輩鯁鯁實過公必有以處  
此不然豈其回轍是愬耶乃公則息駕無何而憲  
示果至從逆之外不許妄僂一人六軍惴惴奉法

栢雲閣

卷六

三

而向之以公去爲大戚者乃忤告於室愉舞於塗  
操豚肩卮酒而羣祝祐社神明曰張公活我張公  
活我其自今而至於子孫千億烝嘗毋忘此恩也  
不佞盱衡今古將相濟世不慰藉人心而可以建  
膚功垂永澤者無有然而人心合忤如向背羣峯  
其一之也實難方變之始聞也或里居無恙或越  
堞幸全然賊已發騎持牒錄姓名而將驅入鐵圍  
矣時則引領雲霓而城內者妄意其滿志疾歸恐  
睨師之薄城而賊或負固也懼且甚及乎寇之嬰

城浹月城中之忿賊屠僂也思與偕亡以甘心而國有常刑脅從罔治之恩未敢頓冀則前之城外偶全者雖幸餘生未盡乎又咸以妻孥族姓寒心矣慰其兩喜而釋其兩憂天地所爲有憾者而公乃於此令人無憾詩有之式歌且舞公之明德民不歌舞能乎此無論民也生全萬姓公真可以歌舞自慰矣不佞乃得進而颺言曰公之德無垠哉然此亦豹之一斑耳公槃槃大才樹德如圃小醜既懾天威凡在覆燾咸欲以純灰自濯姑充聊攝

栖雲閣

卷六

四

我知其有寧域矣而一二遺黎知雖罹網內惟父母孔邇終鏡別而起之白骨也盜卽偶有闌入其縛而獻諸麾下又何疑焉二東磐石直裕如耳文闕今上方思進庸股肱之佐嘉於海內牧寧宅茲百揆鼎丕基以霖雨天下舍公又將誰屬者公其申受天休惟無疆哉

贈守憲張公滅寇救民序

閒嘗上下古今求夫智勇磊落所謂豪傑絕世之姿而尙友之代不數人憂憂乎難其選哉夫豪傑絕世之姿任人之所不能任與不敢任彼盤根錯節羊腸詰曲之地衆人斂手卻步而退者此直恢恢應之有餘驚人快人龍騰虎攫不可瞬視真足排溟傾嶽矣而求其油然愷易冬日之爲德也或有遺憾焉且夫事之不與謀期也久矣墉櫓之登不酬銑鐔功成而變有司之者盛略槃槃而橫流未極熟釜之銘其亦數爲之乎故夫豪傑之士鋒鏑爲先不專以純德責也德純而心與天下共見之難矣方略足傳並不專以成功繩也功成而事與天下共見之又難矣所謂代不數人百世而出猶爲旦暮遇之者今乃於守憲張公得之一何幸歟公天才英敏足兼數十人有餘理劇經繁若不經意而叱嗟立辦侃侃剛正人不敢以私干擊豪強卵翼百姓殆屬毛之不殊者稷門以及列邑人歌父母孔邇如出一口久矣往公行部抵般陽

栖雲閣

卷六

五

時不佞伏枕杜門半刺未通也輒左顧草廬中抵掌言天下如指諸掌不佞驚服爲眼中未會有豈惟不腆下邑是福其自聊攝以東姑尤以西實荷帡幪當無疑者至禍出不意而敝邑慘在刀几狹狷封豕荐食我二三赤子卒之藁街無赦京觀赫然不盡子遺公起之白骨而重肉之敝邑受福果萬倍諸鄰土然而傷公之心多矣公救民水火若揭日月而行有口者皆能道之殆比兒童知司馬走卒識君實無異而其苦心妙手微用冲懷公不

栖雲閣

卷六

六

欲人知人亦未之知也不佞不能爲阿敢隱善乎夫淄爲公賜履地諸君子之濟師來者皆客旅也米鹽瑣屑腐至取給焉公一一應之左唯右顧口喻手揮未嘗不各得所欲去上自統帥降而偏裨以及櫜韃奔走之士皆能鑑公之勞而相與歡然因以與公一心而續用底成民用來蘇淄之生齒未具燼自慶餘生哉而公之心血不知耗磨幾許矣公吐辭有倫咳唾未嘗輕出當機一字若干鈞之弩一發往輒破的應弦而倒不留行也顛倒喜

怒似不可測而水落石出卒以愛人利物爲歸委蛇玉成向之悚惕甚至怨悵而以爲疑懼者乃大喜踰望而感矢不可量畱侯善藏其用信有之乎方城南破而大兵沓至民驚潰而鳥獸散矣井里虛無人也誰爲應鑿鼓轉芻粟者公款曲招集躬撫摩之假以顏色勞以酒食而衆乃歡然子來畚鍤雲從播黍相餉居者行者皆恃公而無恐圍既合矣寇有宵入郛者人或憂之公笑謂是何難知若輩授首恐後故爲不速之客耳向者深巢箐嶽

栖雲閣

卷六

七

坐老我師孰能一矢加遺者今釜已困矣方益之薪彼漏網者正恐折柬招之不至耳倘源源而來幸甚無憂異日有遺孽矣無何城墮而賊殲焉人方服公膽智無雙云破賊之後卽集衆城頭同大

人並諸將校公訊順逆而立決之用鉞無冤解網無倖不移日而邑大定民重生感爲

聖天子祝萬壽無疆公不負簡書哉夫招魂續命卽古之仁人君子猶以爲難矣然行我之意而立生之視夫多方調劑於人而後可以行我之意其

難何居行其意而慶譽有加以視夫欲行其意而左右顧畏焉乃卒行其意而生之其難又何居也公惟不憚此兩難而力行其德則前之所謂兩難公直易易坐進固有本已淄遺民萬口歡祝咸謂吾似小人得張公而再生公則愀然改容且欲然不居也謂不佞曰吾宇下赤子而及此膏血原野忍言功乎且彈丸之復熒熒十一猶存者是諸大人之力而統帥之鴻慈也於予何有焉公平日通乾竺之學深究內典得性命大旨德被萬姓而居栖雲閣

卷六

八

之若虛固不偶哉

史氏曰懋官懋賞國有常秩所以酬德功旌往而勸來也慶何餘曰天淑何紀曰史不亦司契而金石無斁乎曹彬之下江南也曰仁以清帶礪永其世而今爲烈焉以予觀張公何以似也不嗜殺人奉揚

天子德意不虛矣而潔清無點枕戈之餘蓐食不飽鮭菜屯於野而壘是棲詢民之村無守憲卒也躋於城而堞是守詢民之廬無守憲卒也墮城之

旦爪士數十殪焉承制訓分婦口一二卽已慨念此離尋其父母遣還矣視數篋圖書不尤無累歟夫天人交爭亦待其定耳天之既定其績不書於太常爵不詔於司勳茲斯閱鬼神不啓翼而降之祥有是理乎若夫垂文汗青以上與古人頡頏而並馳則有大書特書之筆在予不佞何敢多讓焉

栖雲閣

卷六

九

成青壇大拜序

昇平之待聖主與弼亮之須賢相豈不以時哉蓋天下當板蕩之餘父老之望德化久矣翹首跂踵疑若不能朝夕俟而遲之又久志氣之應乃得之堂陛之閒於是宇內喁喁知觀成之有日也我皇上受天寶命臣妾萬邦十年於茲矣然向者七年中登蜀法宮含光恭默文石之陞曜靈升而未普也故環海騷然揭竿數起若豫章若宣雲螳臂怒張不可嚮邇至遣期門羽林諸宿衛士歌采薇

栖雲閣

卷六

十

出車者匝月而後飲至有成勞浸及海岱東諸侯之地青犢銅馬蔓延數郡道弗無足音焉靈旗所指未有牙也迨我

皇上端委明堂萬幾在手風行電掃不期月而跼注之君子弛弓臥矢此非泰運時闕而

聖人斯作固有灼然不爽者存耶而改玉以來維新百度政本之制亦與前代輕重殊焉前代之初削宰相名散其權於六部繼而綸扉調旨帝綽實熙則名異而實固同也

昭代由舊未嘗不隆內院之名而實則六曹尚書皆豐沛舊德或以親王蒞其事諸務皆得臆決奏成手中直取

上旨行之耳夫專則私私則善敗之數有所匿而不以聞也分則亂亂則甲乙之衡無所定而難以決也於是乎昨非今是乃未幾而又以爲非矣彼可此否乃無何而此又以爲可矣幸

皇上聖明天縱燭其弊而改絃下諸王大臣廷議頓復舊制機務一歸政府夫天下之事統於六曹

栖雲閣

卷六

十一

而內院受其成既已無不相筦之事而

皇上優禮大臣期以槩忱用義大臣亦無不精白殫厥心者故凡機務之至於前者其是也則爲之盡義以廣其不逮其非也則爲之正辭以斥其不衷其封事未及而時務所急與

宸慮所周者則又爲播告之修以申之務期上德有所必周而下情有所必盡則事又無不可盡之言此真千載一時躬逢堯舜而賢人君子宣猷弼治之昌期也乃青壇先生則首書

帝簡褒然登庸矣先生德器淵雅風度端凝夙負  
海內重望甫通金閨之籍一時士大夫卽以公輔  
期之正骨冲襟侃侃以名教爲己任而同人與處  
卒未嘗一覩喜愠之色也客歲以翰長校士南宮  
會執政乏人未出棘闈姓名已登啓事矣乃猶荐  
歷統均大計天下之吏旣閱歲餘以新命廣容院  
臣然後秉均蓋異數也而待政本旣定可以盡吾  
所欲爲者於天下而後起而應之豈非郅隆將立  
奏而觀成固待其人歟夫秉均之職三代後或曰  
栖雲閣 卷六 圭

平章名以命之義固寓焉是故意偏而昭昭輕重  
與好奇而沾沾矯革以一人之憎喜示於前而召  
天下之憎喜從於後往牒所在左監炳如海內之  
耳目何可盡掩也先生虛以受天下之來而靜以  
待天下之變履其至平而不以我與焉以贊

宸謨不亦熙乎以端士習不亦靜乎以求民瘼不  
亦康乎此不佞深爲天下喜而卜六符之叶也至  
於先生世文穆公之學因以世文穆公之業以大  
猷允升爲一姓之弓冶史表中快事不多觀矣稽

古者謂西漢韋氏父子差可並軼千秋不佞謂文  
穆公楷模海內抗跡君宗之上史稱節侯守正持  
重庶幾似之若元成議大禮外無他表見僅以文  
采著稱耳今先生際

聖明在上大用乘乎昌期而粲粲之器應之裕如  
致治於三代之隆者豈韋氏所可同日語乎此又  
天下之所望於先生而亦先生之慨然自命者也  
畿輔諸君子僅幣稱觴而授簡不佞夫王國克生  
而廣輿燕喜山甫之詩豈止都人士之慶已哉

栖雲閣

卷六

圭

陳百史進秩太宰序

聖世必有綱紀教化此治天下之本也而大器當如規矩準繩此尤治身以治天下之本也古來賢士大夫獨行一意矜然不欺其志者蓋不乏人推其功施所暨則謂此可坐鎮雅俗耳而道濟萌生救時之功或非所任焉似乎清節易而宏濟爲難夫子輿之題大人也何居如盧懷慎楊綰諸君子儀型高潔風示百僚而功實未媲美古人正而未大亦閒有之然未有不正而能大者也岳瀆之鎮其

栢雲閣

卷六

古

無私蔭雨露之澍其無私潤而後三辰正而玉燭調酌瑤光而資糧萬物焉耳蓋立其本而準之正學大業古今人未嘗不相及也

國家定鼎五年於茲矣特承

帝簡創正國家萬年統均之席自先生始蓋

開天異數云先生文繼韓歐爲天下第一自史館

立

擢少宰受

天子寵遇亦爲天下第一而

上意固以爲未足也先生學有本原以不愧天下不負主知爲期誓三年受事曳緼袍飯脫粟一鮓菜稱大庖矣閭人抱篋而懸釜苞苴之履一何不一及於室白丁也一時有關西夫子之擬至於殿最百辟無私喜無私怒無詭從違陟一人而當身若袞焉道揚恐後否則太宰曰可公曰否必正色爭之不憚頻雖詆諆不恤也黜一人而當身若被焉激滌無已否則太宰曰否公曰可必正色爭之不憚頻雖詆諆亦不恤也而天下賢士大夫亦尙

栢雲閣

卷六

古

以爲未足盡公之用而猶有所企焉者何也夫季世之弊固有功令所不及典章所不載不知一何庸人始之而後之賢士大夫至相沿以爲金科至欲少少自見異而衆輒動色相戒以爲大不可者則其職之不盡不曰癡心之不殫不曰愧而以弊例之不遵爲大謬者是也夫進退人才之地堂案司呈少宰以一身仰俯其間乃上而一語詢焉以爲爭權下而一語詢焉以爲侵職干木紙尾是不如其已也又其弊也明季選郎過於自好用一人



不如已意輒投効去太宰至爲避席不遑噫嘻是又烏用太宰爲也乃今又有異焉者以東西之不相喻也爲之駟騎而發蹤指示者乃捫闔之於其際彼三山之冠重在上九鼎之舉重在下而叢神狐孽體物不遺非上非下而在於中而能令上下應之如左右手焉先生旣以天下爲己任其能一日忽置諸懷乎然雖日力爭之而固不能不有所待也頃者

栢雲閣

卷六

七

大夫喜而相告謂陳百史先生正位冢宰矣銓政得人百官得序四海內外得歲而先生慨然益自力復抑然有以自下者太史成青壇亟聞其語矣先生之言曰不佞奉職無狀不卽斥譴而朱紱方來實鈇鉞臨之今吏道維甚不能澄叙官方登茂良之士而剪莠莠將

聖上嘉惠元元至意其若簡書何何職秩之爲也且銓政之稠濁爲日久矣猝應之一事或失當輾轉竟夕必改絃乃卽安焉不敢過愛其醜也人苦

不自知非好我孰以藥石進者同籍二三兄弟尙交警勿棄余不佞得以借手棄咎免大戾焉以規爲璵必不其然先生之翼翼日新如此可謂能得諸已矣夫聖賢之學懼其日有所失也乃能日有所獲惟能內顧而得其身也而四海承流乃得進而有其待命之人先生自求如此宜乎天下士人有一百史冢宰於其腹內而將有以責其大作於後也今天下可謂已安已治乎遠略無外矣而□□□思宜蔚起矣而□□□事勢洞如觀火矣盜賊生於貪酷貪酷生於寵賂寵賂之章而不可堤也生於其拜官之有所來而成於其黜幽之無足畏公以天下爲己任又豈不以是爲鰓鰓也救而藥之豈易言哉

栢雲閣

卷六

七

賀劉憲石先生擢少宰序

上親政之三年既集海內岳牧黜陟惟允矣已進  
廷臣而親閱之其內外去畱以及老疾禮遣者

明旨秩然有序求之古帝王中所罕覲也蓋

上聖明天縱銳意太平知致治首在用人故躬秉  
銓衡之柄以與海內士大夫濯磨更新如此則銓  
衡之重也至今日而益甚哉會少宰缺所司例疏  
二人請

上裁則憲石劉先生褒然拜

栖雲閣

卷六

太

命矣時先生名次在副蓋

特簡云不佞珥筆從先生後十年於茲矣憶不佞  
癸未列席常房師一章郭先生詔之日子今讀中  
秘書繩繩步趨毋亦先達是程乎矜式得人夫亦  
免於戾矣勿遠求子同鄉憲石劉先生其人也然  
是時先生適以皇華出國門思一睹儀型不可得  
後四年春乃幸觀止始信予師所示不偶也先生  
良王在躬德兼溫栗閣中肆外文章爲海內雅宗  
而練習掌故朝典不佞有疑輒請益焉先生未嘗

不娓娓言之則又方軌伯始裕如也一時詞林後  
進賴以睹先正典型其爲清廟明堂之寶蓋拾級  
台袞衆共目屬之矣既拜

命卽上

皇帝書曰臣不敏猥蒙不次之擢無以報

上恩然芻蕘是詢

明詔實式臨之臣以爲今日吏道雜而考功之制  
未詳也新制以銓翰臺諫補方面俟敷歷有成勞  
入掌京堂制至善也夫方面既得廉察所部矣而

栖雲閣

卷六

九

屬吏累累以貪墨敗表率之地豈曰能賢郎官出  
卽長百城也乃不擇人而授之州縣貪暴庸猥之  
流歲月稍深輒翹足南省非盡治行高第也他日  
期以龔黃之績知其揚鱗而退明矣臣以爲用才  
莫若儲才之便而儲才在定典章明賞罰請以郡  
邑貪墨之多少定方面功過而妙選有司之賢者  
爲部司其長貳不時疏稱職者以聞

詔曰可不佞三復先生之言而歎體國之誠救時  
之失爲至深也今日銓衡之地有所易亦有所難

其易者幸

上聖明求治方急可以驟拔非常之才破格得士力而其難者不慎收之於始進而爭之於既敵之餘則汰之不勝其汰而曹署爲空其甚者力勝之以期一快而倚伏多端國事爲之不靜官守之所專司耳目之所睹記者不能當下激揚而消其不令而慢坐以數十年後聖賢不能自必與取必於人之身則人皆可以自恕而無所悔於其心不能制法定制使天下人才喁喁趨進以交赴

栖雲閣

卷六

干

上之所期乃救其愚而驟有變置焉又未嘗慮其可久可復也則變置卒無已時而天下惶惑而無所守夫訓之秋駕不若先蕃冀野之駿以實天閑歐冶鼓鑪五齊紛綸咸詫刺鍾之銳而後薛燭品目有當也持衡者不能儲育而變化之徒言辨論官材其與能幾何先生所以舉要言之先事而圖亦以云救也先生以司李起家吏事精敏冠畿輔故老雅能道之

召試以異等入詞林其於人倫淵藪久稱水鏡矣

今乃自翰長出蒞端揆甄陶萬品所素裕也一借箸足以經久又何疑乎聞諸先民云往代詞臣出而佐銓者不甚事事安坐堂皇雍容養望而已而太宰一席地則諸曹之長遞爲之至

本朝開運三易天卿溧陽陳公靜海高公暨今元城成公皆以佐銓進而正席亦皆由詞臣出爲之陳公高公旋入院成公則先以內院廷推而後司銓政者陳公既職論思矣無何復出兼銓政旋又召入焉蓋

栖雲閣

卷六

圭

上殫心治理論道與官人之司並重故擇天下之賢者而宮府參用之無不旣其猷者先生槃槃大器左宜右有亦無之不勝任自是而進總端揆入參幾務朱紱方來非阿所私蓋以海內之將治平卜之也先是

上優禮引年者以風勵廷臣先生年未及格也輒欲從諸君子之後乞身歸嘗向不佞屢言之不佞謂先生未宜及此也頃年來

上日親侍從之臣先生時承顧問德器淵閣在洞

鑑中久矣且

上睿照不世出廷臣濟濟止以齒髮而進退之也  
必不其然不佞屬有大馬之疾行將請告一邱無  
恙正恃賢者當軸錫我菟裘耳至是

特簡而朝士翕然慶得人且以頌

上神明藻鑑非常果不可以尋常測也而不佞則  
外爲天下喜而內以自快其私息壤在彼其可渝  
乎先生門下士授簡於予聊泚筆以侑一觴如此  
至不佞之焚硯有年先生固恕其不文矣

栖雲閣

卷六

三

賀葉郡倅序

昔劉忠宣公時雍之官庶常也解館當畱而自請  
試吏及以子部郎將陟問卿矣又以意出參閻藩  
焉其言曰吾非不知京堂人之所欲也但吾爲士  
時見府縣之政不修輒憤然曰使我當之某也必  
行某也必罷今幸登朝不得一理民事非素志也  
予每讀史至此卽徬徨掩卷久之曰前賢之不苟  
於仕也其明於得志澤民之理如此哉蓋古人得  
志非寵利之謂也功不被於時卽赫然卿相踐台

栖雲閣

卷六

三

鼎酌斗杓翰音鼓妖其恥與撻市等況其下焉者  
苟自我而有所利濟五兩之銅半通之綸秩至卑  
也而覆在宸宇者歌舞之矣可以不負君不負所  
學躋之前賢之廬而無愧矧其上焉者然則有志  
之士其自命也有素而自慰也有成在此乎抑在  
彼乎吳庵葉公之爲籠水未期月也而士民頌聲  
百里一舌抱牒而赴訴者不遠千里繭足恐後公  
何以驟得此聲於齊魯閒哉昔人謂宰相不必詢  
其論奏視海內治與亂而可知也予謂守令亦然

不必詢其興除視境內祝與詛而可知也公諸善政未可更僕盡而惠我無私衆實有口穆陵之南無棣之北喁喁如也公得民矣每禱輒應道叶爲霖公動天矣惟勤民故可以動天夫至以勤民者動天而民安得不歌且舞之也而公固非習於爲吏者也蓋以翰林出云而又自監司左遷以受今職夫翰林固世所謂詞臣也其人大約以鞶帨爲妍而不嫻於治理問以龔黃之効猶雲霧也乃復以貴倨而俯同羣匹夷猶不屑之意率以挂笏不親簿領爲高卽御史中丞及臺使者若藩臬大吏亦不敢以吏事責之雍容養俸待次而已而公寵辱淡然反若有以慰其素而有以効其所未足也者豈非其澤民之志命之有素者欲上與昔賢並軌乎或謂牛刀小試其與能幾何予應之曰否否世之所謂大用者不過至卿相而止耳旣都卿相且具濟世之才矣然而不得乎君無成也得君而未久於其位無成也得君而秉政久矣而僚案撓於其旁而奉行壞於其下猶之無成也余不佞亦

栢雲閣

卷六

七

嘗從大夫之後矣竊觀當世之賢者嘉謨石畫確然可濟時艱然往往進前且卻十言而不得一當退而憤歎徒有疾首耳公不鄙夷我彈丸朝出一政而民朝得歲焉夕布一語而民夕解懸焉夫以泰山之雲四海之雨其所攜者廣矣姑歛而爲一邑一井之潤焉未嘗非甘露也謂小而非效也可乎以視彼大而無可用與欲用而卒不能効者其虛實爲何如耶予年友楊冰如先生癸未傳臚第一人也乃郎雲陶今歲散館授令去予遺之書曰釋槩分符勿以爲不幸也以世法言之何職不可至公卿以儒術言之吾輩卽白首館閣不過老蠹魚耳其可以利濟含生垂裕後嗣者何事也今觀公治行若此益可信吾言之不妄矣昔黃次公爲相功名遜於治郡時此或有說歟而劉忠宣之旣爲大司馬也明孝宗腹心之毗踰於劉夏勲名爛焉無兩忠宣有云吾之所以至今日得參政布政之力也此語良有味哉公向在詞林正誼有素循是以往秉雅志而懋新猷進無疆也他日爲黃

栢雲閣

卷六

七

爲劉若固有之予不佞喜接壤有賢君詞苑有良吏姑以睹潁川之次公爲愉快而以忠宣之秉大政者拭目俟之並以告天下之凡臨民而可以澤民與夫未得牧民而有志於澤民者

栖雲閣

卷六

三

賀龍水通判齊君序

今天下甫出湯火而百姓之瘡痍未復呻吟之聲十室而九

天子加意元元哀痛之詔凡屢下所以體恤諸父老子弟者良厚顧九關遠矣安能進子遺而噢咻之所與起癰瘡而躋之春臺非此累累大吏而下以逮諸州邑之司牧者乎然而親民之職獨專城司牧者爲實有成勞朝一言而朝得歲焉夕一事而夕茹荼焉響谷景赴乃正非御史中丞直指使監司若二千石之所及卽中丞直指朝夕督察部中期奉職無罪狀亦正爲此二三專城司牧者而重之璽書鈇鑕也而比來職親民者理人之譜乃以蒼鷹乳虎爲口蔡掠食視肉方以雙鳧之去烹羔伐鼓結社賽神而後來者反笑前人未工而務過之當之者乃復追頌向者蒼鷹乳虎亦猶古之遺愛也尸祝畏壘諡以騶虞千室之邑百雉之都遂以除目寥絕數月不補長吏爲幸然則吏治亦豈易言哉麟角鳳毛地方幸得一賢者士民之所

栖雲閣

卷六

三

跂足豐庶者也而賢者過於自好以爲函牛之鼎  
恥在烹鮮丈夫業得位而居之得民而蒞之或數  
十城或數百城提封萬井煙火千里不絕膚寸之  
雲沾漉四海差云雄飛足以蒙耳不者彈丸是隸  
俯仰大人眉睫如低首矮屋中此直堪挂笏西山  
不則士元一月醉以非百里之才坐謝昔人有餘  
矣嗟乎方六七十如五六十有民人焉吾與爲浮  
沉有社稷焉人將爲叢竈野葛一寸足以殺人奈  
何而以民命爲草菅也或者其實無濟世之心無  
栖雲閣 卷六 天

濟世之具而以畫諾爲雅望歟自得籠水別駕齊  
君而予之言益信吾邑望籠水不一舍而遙若在  
宇下其長吏賢否未嘗不耳而目之也丁亥予命  
駕都門時公甫下車期月耳未謀一面而章甫之  
頌已洒然異之矣迨比年來匏繫都門公旣聿觀  
厥成矣而父老乃走乞一言以佐卮酒予心知公  
之賢也則漫問父老曰諸君之觴公也若之何可  
更僕治狀以代賦詩之遺乎或則躍然而前曰吾  
籠水之難也則以與他州邑殊壘嶂之中伐石而

宮之雖翼然睥睨麗譙哉無程秬之納笥庫之司  
焉惟是不腆束矢以佐饋牽耳公以教讓爲心雍  
雍無訟虞芮之質幾絕鈴下伍伯凜凜奉三尺惟  
謹出名一錢卽斥去不崇朝矣至於捕盜固專職  
也而頃者鑿坯胙篋之豪可叱游檄吏尺組縛之  
卽桴鼓宵鳴良易與耳屬者封豕荐食連陷名城  
大邑而巢窟箐岩實徧處我襟帶以爲干掇大憂  
公晝夜登陴墨守無怠閒偵內應輒調捕之而城  
內以固鼓練鄉勇數以奇捷上幕府綠林不敢復  
棲雲閣 卷六 天

窺左足而封內以安至大賊之陷淄川也時則青  
濟二府之交惶惶驚風鶴矣而公捐貲犒士輦致  
軍需選壯士穴城攻之而逆氛立靖者則公之全  
力也至親冒矢石而山左之大警以息識其大者  
功德焜煌一時可以爲難矣公以槃槃大器而不  
狹小吾一隅恢宸宇而豐庶之民以寧盜以息吾  
儕小人蚬蟪之介尙亦有良食毫髮皆明公之賜  
也如燬孔邇願上一觴不佞乃謂之曰若等其謂  
長孺薄淮陽哉夫君子之出而仕也志貴其見於

世而非宿計其時德期其被於民而不必介其位  
今夫由陬城而上自郡州進於省會及京邑權益  
加隆位益加崇而瞻顧日益加甚掣肘日益加難  
安能獨行一意而利澤究圖爽然自見於當時也  
者自不佞索米闕下三年矣九卿之長受寵錫爲  
天子股肱赫赫大吏也雖善敗之謨未嘗不徹舌  
而陳之然聽我囂囂以規爲璫蓋十不得一於寮  
案問其賢者退食有憤懣太息而已欲行一事建  
一謨沛然朝發夕行立有所見於天下豈可得哉

栢雲閣

卷六

三

夫籠水僻在山林爲豐沛貴人之所不屑雖最爾  
一隅哉公實自有之故志行效見捷於桴鼓或反  
能得諸卿寺大僚之所不能得而又以其地得長  
有公而不患有遵渚之鴻耽如之鼓鴻鵠鏘鏘維  
民歌之惠心惻惻而譽永功最也有以哉

天子方開明堂大計郡國吏將求司牧之賢而大  
用之以風示天下如漢故事賜金增秩超拜九卿  
丞相公將首膺其選籠水如帶實始基之則亦公  
之南陽潁川矣然吾聞公故江南名家子幼席貴

介以經術世其家而詩歌古文詞哀然作者美無  
度惻惻固不足盡之矣

栢雲閣

卷六

三



贈長山南令序

甚矣夫民瘼之可瘳而未易瘳良吏之不易爲而可爲也夫國家所重者惟正供井里所苦者惟賊盜約法三章殺人者死令甲久已森森矣受百里之地而君之其孰不宜凜凜功令也者但分數明則吏不能爲姦期會簡則民不致妨務視多寡情而敲扑竟歲者賢不肖巧拙爲何如耶鼠竊必懲則鴟張自斂竊鈞無赦則發篋裏足矣何至荏苒颺起而邑邑日盜未可得蔓難圖乎刁誣者攫

栢雲閣

卷六

圭

金而去若固有之敗民實有羨心焉是誨民以死市也父母孔邇之謂何而反謂是所以重民命乎是三者不佞之有慨於中久矣向之請告出都也會草弭盜小言畱之言路諸君子其言曰朝廷憂盜蓋以寧民德至厚也但失盜之律過嚴則隱盜之謀益巧盜知有司之畏之也則勢益橫而不可止雖鐘鼓而招搖於五父之衢曰我綠林之豪也孰敢過而問焉豈惟不敢過問將卑辭厚幣而遣之恐後矣竊觀今日百城非不日具甘結曰桴鼓

不鳴若一辭也然而不察盜而泄泄矣曰不鳴者偷也既失盜而惶惶矣曰不鳴者欺也其偷也似處堂其欺也似盜鈴卒之事發不能掩捕之不滿品則罪也孰與上寬其文網而下嚴其巡徼之爲得乎年來刁訟繁興實傷

聖治不佞偶著變齊論以達之上臺其略曰賢者之治國也如良醫之療病視其證之急者而授之藥一匙沈疴立起矣凡誣告者必按律反坐非眞正人命不斷燒埋此古來仁人故事也夫徒死既

栢雲閣

卷六

圭

不能陷人則人自不肯輕死則不特仁於償命之人且竝仁於拚命之人陰鷺也王章也南侯善政茲以得其崖略卓然循良之選矣而以不佞所聞尙有更僕未盡者而又聞梁鄒劉侯口碑噴噴亦鄰封之卓魯也將博詢兩侯治狀緝而梓之以爲海內牧民之大師則煌煌治譜非止傅氏一姓所得球圖秘之而式穀之誨堂構重光是又將以賢令聞於海內矣予以是知緇衣之好有同心而民瘼可療而不療者爲可惜良吏不易爲而力爲之

者可爲師而南氏之子姓光大前人之令緒授簡而稱觴者將大書特書川至而未有艾者也

劉尉署濶令序

吏治至今日難言哉夫吏治之所以良者惟其能自盡也蒲可鞭尸可伏貫索可空君子謂其盡於廉仁焉魚可懸犢可畱胡牀可掛君子謂其盡於廉焉蓋其內之夙盟者立身誠有本末而外無旁撓之勢以爲金梃而且也上日有安民之令而中素裕養廉之資故志達而行立表於時而垂於後世也以視今日何如哉天下非無賢者能自愛也而大吏之符日至陽在考功陰在苞苴多如雨疾如

風怒如雷霆矣赫然而虎視曰途車之不充爾卽廉如公綽仁如卓茂爲爾上者何利焉四知伯起一甌史雲逢彼之怒實多矣或曰棄此鷄肋將若我何而未知解綬投劾容其高引此往古大僚大賢大度事也今若悻悻一決旦掛冠而去夕繫約而來廷尉望山頭矣婆娑五柳安可得哉蓋進退維谷不驅之大貪大酷不止其得與古人校量否耶然而世之所謂俊傑識時務者則莞爾笑曰時乎時乎龔黃之骨久已朽矣世何以若人爲哉猷

扑鼓吹致足樂也股民獲上道在朱提蘭絲三之  
囊橐五之是區區者而不畀予三尺之設正爲是  
人我初不識循良何物上之清華侍從班次亦彬  
彬尚書郎矣然則今日而稱爲政者則又特易易  
也夫以難若彼以易若此吾爲斯民之淪胥憂吾  
又爲臨民之惴惴者危也蓋不佞因是而平衡吏  
治以古人循良之易而猶有不肖者出焉是直東  
陵之魁而分符也其罪蓋加於今之貪殘者數等  
以今日之吏之難而又有其獨易者以甚難其難

栢雲閣

卷六

三

百倍矣而卓然猶能以字民自見此猶干盾於鋒  
鏑之下授餉於道殣之餘其加於漢唐良吏又何  
以數計哉是以君子論其勢而三歎也若劉侯可  
不謂今之古人哉侯之攝篆吾淄邑也予於琳宮  
一晤已洒然異之矣越兩月而歌舞頌德者載途  
也父老數輩登予門而請曰吾邑不天屢躋司牧  
者侯至頓躋春臺云吾儕目不識詩書然聞在昔  
不有伏謁而借寇君者乎今將走謁御史臺乞侯  
卽眞長字吾蕞爾也予曰侯之中吾父老子弟者

何若而皇皇至是也則曰侯之善政悉數之不能  
終也請略言之以火耗止足解藩司指無染也以  
金矢止爲辨涇渭緩無罰也以雜派則一切罷役  
條鞭之外無箕歛也以舊則一槩停征本年之  
外無溢科也而左右屬耳之言毅然盡絕此尤山  
左百城所未有矣予爲忻然色喜曰諸父老言不  
誣也昔人言仕宦有五瘴也比年來左右屬耳之  
瘴則兼五者而爲一增五者而爲六矣蓋不地氣  
而毒氣不天行而傳染不救者也吾邑二十餘年

栢雲閣

卷六

三

畏民者率以此敗而覆轍相仍不悛焉侯獨能洒  
濯此習其方軌襲黃何疑哉借寇意良善今功令  
艱艱勿論士民之請不能得之天部而督撫亦憂  
戛難之矣然而以侯之治行上考花封將自得之  
故不煩伏闕請也無已則袞衣之頌勉泚筆以抒  
父老心可乎蓋天下事有不可以大常論者夫掄  
才而矜甲第筮仕而詡專城此古今治理所憑而  
國家考績之所尚也然而循資記秩此庸庸無志  
者之所托耳彼漢之卿相不起自明經乎唐宋之

科第不咸爲簿尉乎侯之潔已仁民能盡破庸人所恃而開執讒慝之口則允矣漢之明經而唐宋之縣佐哉古今人未始不相及而其事則更難也且談爲政於吾邑二十年來則更有可異者西漢循良類稱久任豈不以歷載鳴琴真有家人父子之誼與悠悠行路者大有逕庭也哉乃吾淄比年以來部授而蒞此土者往往疾視其民而民亦實應且憎至代庖者視若郵傳宜耳而善政屢見焉今侯又度越前賢遠甚雖謂之變常倒置可也今

栖雲閣

卷六

三

海內善惡尊卑之閒倒置多矣濟世者慨思砥柱返之往古若恐後然惟吾邑倒置甚仁民也若此雖禱祠以拜求可也其何太常之有今

聖天子方破格用人以勸天下之賢者侯率是以往何所不躋名臣之蹟非異人任矣不佞登朝亦二十餘年所每歎三晉多君子焉今於侯益信云

祝萊蕪令戎公壽序

予不佞伏首藥裏久矣籠水諸君以介壽之詞來請予謝之曰予硯田蕪矣且以無端謾人之詞爲戒故比年凡爲監司爲視學使者來請者槩未敢應也然君等衝寒遠道僕僕叩門亦將誰壽乎咸曰萊蕪戎侯也予因解顏一笑曰戎侯乎斯固難以例卻矣予聞侯實賢甚東諸侯中當屈第一指卽無諸君之辱已擬有所撰次以風海內此何可以不文謝也雖然君等隸籍北海於萊蕪爲鄰封

栖雲閣

卷六

三

而稱觥樂効何居乎諸君同聲曰密邇花封實多寄佃湛恩所被無殊編氓卽或無田亦莫不傾懷盛化而願祝華封其何可以已乎予油然而興曰有是哉侯之德入人之深而籠水風俗之孔厚也此更何可以不文謝也夫筆墨之事亦於其地有宿緣哉萊邑固岱岳之北古來名區也地以人傳史雲之煌煌海內久矣今治河使者學亭葉公牧茲土時予嘗受簡侑一觴公蓋多才而又予道友也今聞戎侯之治又將超乘而上之奇矣奇矣予

每讀兩漢循吏傳炳朗千秋然於班范之紀不能無遺憾者何也蓋吾輩盱衡今古誠可交臂前賢而以語於促膝推襟把袂浮邱終有間矣卽倏然於煙雨空濛呼之或出恐乘易易也何幸比壤賢侯頓釋此憾置我於元康永平之間乎侯以青年司民社不期月而頌聲洋洋四達矣接壤人士驚相告語予聞之驟然而喜竊就其宇下之人而詳問之皆詡詡自矜且驕穉比壤之人以爲獨得樂郊而諸邑無分者然予益溫顏款語再三求之乃

栢雲閣

卷六

卑

始相告曰君知扁和之以國工聞奕世者乎於素於周爲老人爲帶下亦惟察時之所大病而霍然起之耳今日之萬室嗷嗷者何故豈非以惟正之供雀鼠乘之吞噬乎軍糈之繁束濕重之况瘁乎刁誣之積習虞芮不可復睹乎鈴下之追呼鷄犬爲之聳動乎侯則雨露爲心雷霆爲手廉以持身嚴以馭下里甲之弊已盡除矣雜派之差已盡免矣至於解馬解稍則以清俸備之而編戶不知也有牙有角則以燃犀燭之而囂風頓易也標騎來

吹民擾矣尺檄上而歛手游檄下鄉民驚矣牌票絕而裹足此皆與民休息而登之春臺者也比歲以來萊邑之科甲殊少青青子衿咸委之地靈偶細耳侯則毅然自任之日轡匡六星是誠在我乃遊檣異之才而月課之餉以膏火且緩以征輸乃優賓興之彥而厚資之使館食與歌且使遺珠入網是歲也賢書遂登二人則又侯之爲國育才鼓舞髦士者也侯善政多端悉數之不能終其物此其十一之崖略耳若夫匠心出巧破格爲仁游戲

栢雲閣

卷六

卑

而拔之網羅縱橫而登之衽席又皆前賢所咋舌避席而未嘗有者宜乎宇下之人士歌舞矜張傲列邑而不遜也不佞浮沉宦海齒髮已凋將治蝸廬於南山之下或告我曰萊俗善訟而多悍未可授一廛也予躊躇久之旣而復有來者告曰戎侯下車以來一變至魯矣予聞之忻然將謝絕家緣于焉避地而又念當吾世而得大賢綰綬於此豈可守澹臺小節不一造膝也擬於冬夏之交上詣鈴閣細叩言論風旨一爲愉快復訪吾友芹泚先

栖雲閣

卷六

四

錄無數予昨笑謂友人曰今歲賢書固文昌帝君  
敍前朝循吏之功恩綸遠被孫曾耳今侯之應變  
方駕前賢其爲三槐不既多乎古來介壽類舉松  
喬爲辭或失則誕矣若夫葉縣鳧飛於前旌陽宅  
昇於後此則以良吏登仙錄信而不誣者侯亦以  
度世之事爲然否爰命子姪隨諸君子之後以爲  
我洗爵而前以東華步虛之聲歌南山九如之什  
何如

何如

栖雲閣

卷六

四

二 福 祿 壽 考

壽白公祖序

從來受天寶錄披荆榛而撫輿圖者必歸之英毅神武之君然而萬年福祚四海休豫致斯世於三代之隆則守文繼體者稱焉蓋功高者凝命鞏而德厚者卜歷長也此非獨主德爲然臣道蓋亦有同焉者第兩漢疆宇無重臣止以刺史守相治之故循良列傳所紀者亦復區區治渠種樹諸小務而止此誠未可與分陝二南玉軌並馳也而弼成邦理已千古嘖嘖矣至於周召分治典在功宗物

栢雲閣

卷六

聖

在太常歌頌無數在詩雅而會朝清明之勲則獨歸之師尚父而未嘗介介分功者何耶夫使二公奮袂登壇進而爭檀車駟介之勲於釣璜之叟二公或有所未遑然使師尚父釋六韜而兩四國與保釐畿甸者絜奕世熙洽之烈恐二公亦未遑揚解而退也故改王之不可無尚父猶守成之不可無周召而周召之坐致和恆延久安長治之休則勲名爲尤永焉不佞間嘗上下古今以爲受命重守文尤重名將難名臣尤難是豈數數見者耶

皇上御宇之六年三省督臣闕人廷臣會推以名

聞

上難其選者久之下

詔敦諭乃得白公爰報曰可一時士大夫之在國門者忻然以得人相賀也蓋公歷政已有成勞而溫文恭懿如穆風之拂物接荀令之香者已爲大江以北慶生成矣仲春下浣適值公攬揆之辰諸大夫咸欲遙介一觴授簡不佞不佞再以不文辭不得當也乃颺言曰予不佞亦將何以壽公哉凡

栢雲閣

卷六

聖

人世吉祥顯燦之事公旣已坐而有之矣又將何以壽公哉雖然公之集思慮受如谷矣願以竅啓之聞萬民待命者効於幕府也吾聞君子之濟世也以身其壽身也以國若夫濟世而先其急者則扁鵲之歷諸國而各以醫名誠有以也吾儕東諸侯之國也則姑陳海岱之痛心疾首者以待公一匙何如周嚴荒閔哲王之令典也臣僕之不供其何以安上而姦民借之爲厲階矣內則縱逋而以爲羅外則詭逃而以爲囹圄於內外之間則以爲

某子甲聞匿某所而尺符下矣及郃鼎既納則曰  
誤也而捏報者無恙又或惡胥免罪而爲奴此浩  
蕩之恩也而乃擇人而食桑梓肉焉若之何乃頃  
者言甫及之而公洞若觀火也則自今以往我東  
國百餘年間不以僕區之法泣血雉羅者公之德  
也夫肺石達冤先王之嘉惠也民瘼之不聞其何  
以靖國而猾民以之快搏噬矣鷄豚之細動賓聞  
閭潢池之惡輕誣侍從告密刊章逮繫數百餘家  
迫見現日消而庚盡囹圄者已不可返魂羸博矣

栢雲閣

卷六

聖

故下而素封外府也中而縉紳奇貨也上之而大  
吏亦可憫喝使矣若之何乃頃者言甫及之而公  
已義形於色也則自今以往我東國百餘年間不  
以飛章之變哀岸獄者公之德也夫藝極之貢雖  
狂夫猶瞿瞿矣踐王之土其誰敢曰不敏而牟胥  
於焉雀鼠飽矣濶狹之不裁筦庫之不愼溢額征  
之而乾沒盡之按冊而求之則裏蹄已飛持票而  
對之則印籍已換訴之監司則邑長令先爲仇抑  
之交代則新令尹受其辜勒之義助則邑士民啜

其泣矣若之何乃頃者言甫及之而公若痼瘵乃  
身也則自今以往我東國百餘年間不以任土之  
輸憂代僵者公之德也夫不佞持此爲三祝諸大  
夫以爲何如也言未既有疑於側者曰甚矣子言  
之有故也然以是頌公也則可矣以是壽公也何  
居我未之前聞也其於封人之請果有當乎予曰  
唯唯否否夫壽者受也亦授也受視乎其量量視  
乎其人受有其僅焉者山澤之癯而松喬之永此  
爲下士言之也不足以語元臣受有其兼焉者純  
嘏嘉其穰穰而錫允繼以螫螫此雖揚嘉祉之委  
而未及疏嚮用之宗也封人之三祝也公已坐進  
吾亦已言之於前矣何庸贅焉至其繼此者繩繩  
未艾進此者蕩蕩方將而致此者益孳孳而日新  
也譬之渤海然受也夫不有崑崙星宿授之乎不  
佞之祝是百川之所自來而歸墟無盡者也三月  
袞衣

栢雲閣

卷六

聖

皇畿既奠而

神京左臂以逮襟帶中州咸怡然庇夏屋而登春



臺入荒壽域於此基之矣古所謂殷天子之邦者  
於古人何多讓也眉壽其亦何量之有無寧茲月  
衛更莫華渚

聖作卽廷臣虎拜仰進萬年之觴者亦將於是不  
有取焉公豈其靳一醵耶於是諸大夫曰善乃書  
辭於縑布幣於筐歌南山之詩三肅使者而遣之  
行

栖雲閣

卷六

四八

祝施方伯壽序

公分陝二東之十有四年二東百城人士咸喁喁  
頌庚桑畏壘矣獻歲五日則嶽降之辰也簪紳濟  
濟將爲介壽之辭以屬予予謝不敏焉曰百福之  
觴須風人之善頌者侑之乃或有當予不佞樸樸  
不堪也且致祝他人也或易而於公則綦難何哉  
公比年來履嶠東諸侯之國崇隆岱宗浩蕩溟渤  
埒矣聊攝無棣百萬口人異其感感異其頌豈予  
衰淺不律所能述哉撮其崖略又非諸君子授簡  
盛心也無已識其大者可乎夫方伯監諸侯之國  
此周制也至元而署曰行省官曰平章蓋以宰相  
執政之官官之以其出而蒞民故易執曰布名稍  
殊耳此真得三代命官之遺者故一省之政胥於  
是乎出焉追明之中葉而降則寔失初意矣以事  
增官而其後遂爲不可復減之員爲地設官而餘  
地亦互爭爲相援之例謂地方之官爲不足信也  
而出耳目之臣以察之未已也而都御史出猶未  
已也而總督出焉久之則亦爲地方之官耳然而

栖雲閣

卷六

四九

其體統益重其掣肘則益煩一羊九牧此可彼否朝廷既不復以大政責故雖賢者亦無復可盡之心斤斤以金錢徵解爲供職如有司然曰吾事畢矣此豈行省之初意哉夫周官立政之典固與五官竝列而爲六矣然古人曰爲政曰敷政曰執政蓋一言政而五者畢統者也公十四年之於吾土也美無度德無度哉其職業之所及而爲二東畱餘力者則衡量必平矣催科無驚矣硯礪之必除租吏不督石田災荒之力請而蠲租驚聞漢詔

楠雲閣

卷六

辛

矣其職掌之所不及可以膜外置之雖秦越視而人亦不爲非者公則孜孜焉爲國家計終不餘力而讓能矣夫六計之弊羣吏賢能必慎用佐激揚則統均之所資也三載之獻賢能多士啣恩克光萃鹿則秩宗之所賴也七萃之雄何以能宿飽非軍糈無後時乎則司馬之職兼修矣千金之堰何以戢波臣非畚鍤有餘力乎則司空之職兼舉矣至若三刺固有專司矣而民有訴辭動卽投公召伯之車所至便是甘棠虞芮之田不爭卽爲周土

白雲之司復以承蜩之餘及之是六官之咸秩者也至於太牢之刳不止前賢示戒明神示警

世祖章皇帝至頌玉札刻成書亦諄諄矣而不逞之徒奏刀猶故也公厲禁一頌庖丁易業人或疑公變俗之速何以若此不佞嘗解之曰

先帝以君道也而意兼師道故欲其從容革心以俟之公以臣道而恪奉國法信賞必罰下遂草偃故不同也單父之魚艷稱千古此寧多讓乎卽以時事言之武節方殷積粟爲上邵農力耕固軍國

楠雲閣

卷六

辛

之急務矣若夫女閭之設霸國宿垢綏綏倚門實同寄猗公獨陶以淳良俾還荆布此周召之遺教江漢之芳風合之則又萬物同體之學一夫不獲之願而三代可登之治世人未之知焉乃若百萬之家所共知者亦有之則蠲租之恩是也蓋是歲也積荒之後復病肥蠶雲漢之歌戚戚矣而抗糧謫戍之令方嚴雖以予宿從大夫之後而窮於阿堵拙於謀生憚於干謁訪亭伯之故樓帛令威於海畔已自分其不免蓋安坐而俟時矣而德音一

降歡若更生則三齊之同困同感者槩可知也非  
堯舜如天之仁不至此而飲水者知源權輿有自  
畏壘百世之祀其敢忘哉夫公固齊魯產也始從  
王師出關阨危萬狀繼而季子歸來龜蒙誌喜繼  
而稚圭畫錦幘幘維桑當其出入戈鋌苦席霜露  
時豈自意終爲二東豐庀至此哉嘗讀唐人傳奇  
稗史中天相名德離合變幻之奇疑其好事者所  
爲以公觀之乃信其不誣也予嘗聞至省會聞輿  
人之言曰凡省會民有不得其所者必倚公爲命  
栖雲閣 卷六 幸

輒得所欲焉比於蜀民之愛諸葛善政必歸德者  
何以殊乎客又爲予言往年公偶憂採薪而民咸  
咨嗟於道路如痛在身此可以觀得民之深矣其  
爲百福駢集之大年寧可量乎萬口歌舞之氣化  
爲吉雲二東功德之藉緝成寶籙詩有之永言配  
命自求多福公之壽所謂自求者也二東之人日  
祝公坐進開府永爲二東豐庀然而二東豈能長  
留公哉或福星之照他方也或卽入而文昌也進  
而綸閣也此固四海之福而公能忘我二東哉則

衆之祝公也終欲大食其福而自爲之願深也稱  
彼兇魃幽風其猶存乎公應無辭一浮白矣

壽敘論房子明序

郡邑之師蓋非唐虞三代之舊也而勝唐虞三代多矣蓋上古止有一國學耳夫一介之士迢迢上國或千里而遙甚者萬里而赴辟雍裏糧累月而習業難矣自唐宋以來郡邑乃各立之師考道問業近取而裕此後王之制遠過先王者也然而得師則憂憂乎難之矣何也廣文一席下者明經上者則甲乙科也明經齒已暮矣不能擺脫青氈之習振作多士至甲乙科方將振翼天衢飛黃萬里其於苜蓿齋頭不過一宿蓬廬直寓公焉耳其能視壁水如家視青衿如子弟而殷殷課六術者鮮矣欲其儲公卿名輔之才而爲

栢雲閣

卷六

壽

天子異時左宜右有之用豈可得哉若予邑子明房先生固臯比之翹楚無疑矣予邑之黌宮鞠爲茂草也殆將百年於茲前任景夏孫先生毅然欲重葺之未及落成而遷去邑人鰥鰥憂之謂且中輟也而先生甫下車崇飭廟貌度越前人志加銳籌加詳廊廡之序加備捐俸率先爲紳士之擬之

往哲是猶闕里之荆榛豁然自闢石室之鬚眉脫爽欲動者也以役車之捐捐也東國告哀焉隸博士弟子籍者邀芹藻之靈或革其役鄰封蓋幸息肩矣而予邑相沿已久肩隨編氓軍興方急未敢以比邑請也先生惻然憫之曰般陽固諸邑之望也卿相纍纍肩背相接每三歲大比士元魁接踵出焉此固不在諸邑後而冠員履句之裾裾者乃徭役無少異於三農其於

栢雲閣

卷六

壽

聖代廣厲之意謂何而當事者乃忽置之不問耶乃與邑侯數數言之意將得當而後已此固絳帳之側有耳咸與聞焉者也某月日際先生攬揆之辰諸士忻忻授簡不佞謀爲介壽之辭以侑一觴予莞爾而笑應之曰郡邑多士之祝其大師予未之前聞也雖然事固有可以義起者念昔先民未嘗不待後之君子補之彼躋公堂而祝壽考夫非幽人之壽其君者歟作師之等於君也久矣兕觥之稱可獨緩於芹宮乎且也前代惟無郡邑之師故其文不著而辟雍之盛典則執醕執醬有其地

矣三老五更有其人矣卽祀於瞽宗者亦皆前代之六德六藝陶育羣彥者也則講席之下洗爵油油樂可知矣進之雲漢之什不曰壽考作人乎夫旣頌言胡考則拜祝之典儀物之備又可知矣宜乎介壽之士麇至而鳬趨也先生豁達通敏器具榮榮而惠溫彬彬復飲人以和若穆風然不佞嘗私期爲他日方面上選今之枳棲於茲亦爲之兆也云爾先生自此升矣有德有造譽髦之飽於教澤也美無度哉再稽前代兩漢時雖未立郡邑學

栢雲閣

卷六

五

宮而五經三傳諸專門大師皆公卿身自爲之卽外而持節內而秉鈞其著錄弟子皆執經從門下而後堂歌舞皆得與焉如張禹馬融彭宣康成諸盛事尙膾炙千秋也先生行將進而翺翔皇途矣吾知諸弟子之追隨杖履者當不減兩漢諸君子鱣堂特發軔已耳不腆之辭以代九如先生其無惜浮白也

送王子下先生還朝序

向者

世祖之在御也雲貴尙宿

王師百司凜凜守官未有敢輕以請告讀者至隸豐沛之籍雖故國窳窳亦不敢以請亦輒復報罷而王子下先生獨以

俞旨扶輿歸蓋異數也予不佞與先生衡宇相望率爾曳杖晨夕同之而性又皆好游百里之內有山有澤有長林大壑者輒以酒樽書卷枕簟從之

栢雲閣

卷六

五

若日課然迨越歲而匆匆北矣當其剝啄在門倒屣迎笑折簡命侶襍被及焉以爲此友生之恆事居諸相循了無足異者迨夫班馬一開子綦若喪蕭然索處巷無居人然後悟向者樂事不復易得而離合風雨之不常古人悵懷之非過也乃貽先生書曰先生十載不歸譬若龍沙鴈塞旣已絕望殊覺安之若素桑梓暫回軒車復返陶陶永夕之儔遂咸意休沐可以頻請而我車之東當旦夕復睹清塵也尺素北來輒詢京使春明未駕每用悵

然幸先生勿更作畫錦游可耳乃壬寅之秋以省  
觀重歸事出望表若將軍從天而下矣過從遊  
爰有故事而商邑中利弊旁及性命之學則又過  
之無何而信人又告北首也中年哀樂懷抱每似  
昔人不能不快快作數日惡已而驟然自解曰甚  
矣蓬心之未化也夫嬰鳴之義止惟是詩酒徵逐  
山澤舒嘯也者輔仁何以至今稱焉河伯向若規  
於大方然後知拘墟之未盡也夫海內提封萬里  
其待康濟也若一人而學道有得之士或開席於  
栖雲閣

卷六

辛八

名山或和光於京洛津梁斯世隱現多端視區區  
一同之民瘼二三子之然疑精舍者其優劣爲何  
如也恢道濟而登聖功吾於先生此行也有厚望  
焉正當代促舍人裝耳麋鹿常聚寧足多乎乃慨  
然攜酒而送先生行

魏疎庵學士終養序

聞當屈指寓內以家庭盛事焜耀於古今者良難  
哉箕疇之冠五福者壽也乃耄耄坐進矣而膝下  
鳴珂衰然山元水蒼之佩往以問之司勳也則難  
又或彼其之子翔步皇達公卿三事若掇之矣而  
台背兒齒之祚欲以高堂大年問之司命也則又  
難即使白髮無恙朱紱方來二者兼隆洵稱人瑞  
矣而北山之什鮮我告愍百世而下如聞其歎息  
之聲彼固忠臣孝子也絕裾之行自士君子之所  
栖雲閣

卷六

癸

不道而獨以國事方殷主恩未沛濛濛東華塵土  
中北堂之萱南陔之蘭不復可問矣誰得以維繫  
之恥期諸錫類之仁也者此雖人力可致之事而  
其難爲尤倍焉故予於學士魏公之歸養歎羨永  
言不能已已一何其得之造物與得之  
聖明者駢錫而獨厚至此耶予與公獲雋南宮同  
科選入詞林同館比年來蘭臺筆札復晨夕同舍  
事事肩隨相與歡然無間也公介性坦懷雅不喜  
與時俯仰予或彷彿萬一至老成雅練德器淵闊

予則三舍遜之矣以故予時時請益焉其或休沐之晨與會嘉適呂車剡棹必指公廬也其或造請報謁僕僕遠駕遷期展晷方事馬蹄及過公之門往往停轡入焉握手顧笑率爾開樽共尋橋中之樂旋令騶卒縶馬稍稍休息久之呼燭屢易跋篋中名刺不發函亟裹之返舍矣乃公往往語及里門輒南向愀然太息曰家大人八袞餘矣遙遙子舍白雲間之薊北汝南渺然天漢不佞一官匏繫其若鞫鞠之歡何予則進而廣之曰公勿心艷李栢雲閣

令伯也彼雖報劉情切亦實無期功強近之親代將栢捲故負米之懷不以捧檄奪耳且也官非禁近投簪入林亦復易易也公則象賢蘭苗含飴色笑足供承歡而翰長之職與聞機務矧今上勵精洪業雅意左右文學之臣公且旦夕嚮用矣彌亮之功榮歸生我古人所云顯揚者在此不在彼明矣公勿心艷令伯也乃公意決不可挽至是草奏

上聞竟獲

俞旨而後喜可知也先是

上幸南臺親詢諸大僚父母存歿並及存者春秋幾何予鄉大司寇李公以母氏年高祈歸養辭甚切

上爲惻然動容者久之且

諭曰人子事親久當愛日兩髦而踈滌瀟異日卽五鼎之享何減風木悲乎至哉

王言可以爲經矣而京官三品以上以終養歸者實自公始一時士大夫嘖嘖交羨爲盛事云蓋栢雲閣

上方虔奉

慈寧以仁孝治天下故不惜輟侍從之班俾遂烏哺歸而以大官羊酒陳堂下褒然金紼跪進龍章萬石君方之渺矣

上恩深厚至無極也向非公得天之厚而又適逢明聖當陽雖累疏叩

關執事者且以大義裁之曰子大夫既委贄稱人臣矣親雖景桑榆卽安得以門內之私賣

九重哉世之所謂三難而公攜取視之天下千百

人子中一二人耳然公之五十孺慕實又得天得  
君之本有德司契彼固有山然非倖也公嘗分校  
南宮所得皆一時名彥既而服官則且嶽嶽

朝宁閒如藍君鳧渚魏君環溪尤不佞所投分最  
深者授簡於予聊爲質語代驪歌如此公行矣予  
無何亦卽請告歸將以青鞵黃冠訪公汝水上攜  
偃佺之倫賦采真之曲酌大斗以爲老年伯壽也  
日有子如此可以無遺憾矣既醕則又以一觴浮  
公曰天下人子得如公亦復何憾哉予之所感歎  
而不能已者且躬覽其盛以識予罔極之懷焉

栢雲閣

卷六

三

### 三君子序

三君子者益都馮孔博孫介黃趙韞退也始予乙  
亥善病又素有子長之癖乃過晤韞退於句曲署  
中子年踰弱冠而韞退纔垂髫耳握手歡如也於  
時韞退爲予道介黃而予先是於考卷中知孔博  
介黃名已熟然以予性寡交遊恨未識也比浹月  
北歸與韞退扁舟同榻觴詠共之閭歲候試青州  
而冠玉少年場來相顧則介黃云入試場乃與孔  
博席相鄰初不知也易試卷看姓名則相揖道幸

栢雲閣

卷六

三

甚其握手相歡如二子無殊則三君子者皆得友  
矣丙子偕試省下介黃爲予演斗數云云旣而三  
人放歸韞退以第一人售去迨乙卯而三人乃茅  
茹數升予復肩隨介黃計偕來京師徒步相尋笑  
語酒肆中而介黃意銳甚以必捷南宮爲期予與  
孔博了無仕宦意且笑謂時事如此何用大冠爲  
吾輩勉上公車意在遨遊一睹宮闕止耳是時韞  
退以隨任楚中屆場期至予試畢卽歸至雄縣聞  
榜發被放而介黃韞退偕捷意亦稍稍動越日而



孔博策蹇追及與予聯騎而南忽以家信至爲其  
大父病篤乃分手疾馳去抵里予抱病經年孔博  
丁內外艱予東遊一過其家畱城南別墅信宿而  
別孫趙二君北上謁選時一相過旣而孫宦魏博  
趙僑寓維揚久之官太行南北馳相見甚少癸未  
予七月上公車馮猶在衰絰中趙以八月入都門  
寓青州公館與予寓相鄰也放榜後予幸售與韞  
退朝夕聚首是時趙欲以差速歸予羨而妬之十  
月乃賣詔南行予移居青州館是時介黃調孤竹

栖雲閣

卷六

信

恒有尺一往來甲申三月城陷七月予乃抵里時  
趙方在江右介黃已返駕久矣乙酉予有事青州  
一晤孔博次年同介黃赴  
闕下介黃出司李津門旋入銓部孔博亦以候選  
入都數日歸久之自南渡江抵都門丙戌孔博成  
進士未廷對卽歸予亦以請告南矣十月介黃典  
泰試歸里北上過予爲蕩舟之遊孔博時徜徉里  
門有安石東山之興數作書召予予素好遊往往  
輕千里而治源三齊勝地水竹大類江南好友東

道主而卒未嘗往迄今思之不解其故也丁亥孔  
博入京官庶常而予以十二月入都寓韞退處則  
四子一時咸聚矣復偕同里諸君子結社數日一  
小聚或閒日不面輒走馬相訪四子咸官都下似  
可無分手之虞然昔人云人非鹿豕豈能常聚後  
此離合殆不可知聊識此以俟後日覽之助其感  
懷云

栖雲閣

卷六

望

栖雲閣文集卷第六終

栖雲閣文集卷第七

淄川 高 珩 荊佩

疏

請建常平倉疏

臣聞治天下無異道民食足則太平立見矣拯饑荒無奇策救備豫則天行非災矣蓋旨蓄所以禦冬而曲突良於爛額彼成規具在非聖明或難以舉行譬起瘵有方必鵠鰥斯收其大效則常平倉一事不可不講求而力行之也我

栖雲閣

卷七

一

皇上除殘以義視民如傷四海呻吟十年噢咻蓋將登元元於春臺之上矣比者水旱爲災饑荒荐至肥蠹在野白茅六禱無靈商羊方騎黃雲三疇若掃蓋勝殷之餘宜臻穰歲而大兵之後亦有凶年一凡顛隕溝壑化離道路皆我

皇上赤子也

宸衷寧不惻然第從來救荒之法不過議蠲議賑下而有司之設處上而少府之儲胥臣以爲此皆言之可聽而效少事之可暫而久則不繼者也夫

叩

閭閻延歲月未幾扶杖已爲鄭俠圖內之人艱食非有方隅哀我遺黎誰儲汲黯倉餘之粟方州雖饒卓魯終愁無米之炊荒政卽備周官亦是臨渴之井惟常平一法昉於隋唐而有宋兼行之諸路劑其豐歉而貴賤交通於不傷其收焉發焉有定期其借之蠲之有定則不病農亦不至病國有宿儲故無患頃刻奪斯民之命於旱魃陽侯之手計無善於此者矣今古謂救荒無奇策豈知其豫於

栖雲閣

卷七

二

先事而垂於可久者正有不朽之常策乎惟使侵冒畱難有常刑饑荒考成關殿最則其制定矣兼屯鑄之所餘贖贖之所入則其資足矣擇良吏而行之爲諸郡州先焉理財安民尤在得人如是而海內猶以厲氣爲憂

國家猶以饑民爲患者未之有也伏惟詳議而力行之天下幸甚

杜奢疏

爲定制以杜奢靡事伏念民生之日困也以其財少財用之不充也以其費多費於所當費爲禮禮者用之經也可已而不已爲奢奢者家之蠹也相煽不止遂爲風俗其害有不止蠹於家者蓋常人之情稍見饒餘輒思華美日復一日妄費愈增人復一人摹倣務過見人模倣則笑以爲不才視家清素則歎以爲深恥其於古先典訓食時用禮與奢寧儉之經亦已拂矣且也一夫終歲動動取

栢雲閣

卷七

三

獲之值不過數金一官終歲俸薪詔祿有經何堪百孔浪費侈靡日盛不可復裁一身冠服動輒百金鞍馬飲食衆皆稱是不繼妄取必多攫金名義盡喪廉恥不聞貪冒之行日滋無已然此猶一人一家之事也至於侈靡既久僭越亦忘上下無章貴賤莫辨賈誼之所蒿目習俗以爲平常越分恣睢有傷至治昔漢之文帝宋之仁宗皆四海九州守文聖主也而一惜露臺百金之費一斥妃嬪珠璣之飾夫以萬乘之君猶節約若此凡所以重天

物而念民艱崇儉德以砥靡俗也而況區區士民乃縱慾蕩檢無所不至乎自古一代之聖王必懸一代之典章以垂治安之謀以寡臣民之過雖其損益不同要使子孫共守如會典所載貴賤瞭然居食有章被服有制班班可考可遵也而典章雖備實未飭行僭越之徒無所忌憚夫

京師者四海所取則八旗者尤都人所步趨者也伏乞

皇上勅下禮臣衷古今之式定貴賤之經

栢雲閣

卷七

四

頒示內外務期遵守違者題參定行懲治旗下則

責諸統馭文闕

嚴行申飭俾令率先遵行爲四方倡庶制度有定式而奢靡可立革矣

察貪疏

頓承

皇上恤念民艱

詔求條奏此天下之福也臣念百姓失所由州縣殘之州縣貪酷由督撫毆之夫督撫豈盡不肖然而比年督撫之任其果受

聖明特簡不貪緣權要而得之者少矣夫既假途於營求自然重爲其酬謝昔人指債帥以爲譏自舉督撫而然是故其一至地方也既經營以完舊

栢雲閣

卷七

五

負復措處以結新歡且也以爲貪黷之行須大弭旁觀之口故歲節生辰來而晉謁出而巡歷皆送有成規嚴切踰於常賦卽州縣諸臣亦豈盡甘不肖然而中人固思梯榮卽賢者亦不免畏禍當此賄賂成風之日悍然強項苞苴不前惠文立可加遺羅織何能展轉身家禍大官爵猶輕所以棄平生而甘心指廉吏以爲戒但恐督撫之威且置朝廷之法此則州縣之不敢不貪者也或謂督撫之參州縣時有封章科道之參督撫亦有專責矣

何患懲貪之不力也然而督撫雖時參州縣矣或小貪而掛彈章則有之果係大貪斷然無慮是督撫外府故也奇貨可居彼何肯參貓鼠同臥又何能參此則州縣之所以有所師而效尤日多也科道雖職參督撫矣但暮夜暗授之金旁人雖知之而無可據與者受者同罪本人自怒焉而不敢言故言官雖欲

栢雲閣

卷七

六

上聞究竟或憂反坐數年來科道列款參督撫之貪者幾人乎此則督撫之所以無所憚而濫觴不返者也向來甄別雖行止屬塞責故事不過取公事稽遲或開奉嚴旨者當之卽或議降議調而平昔橫取捐十一之金錢久儲護身堪抵對之紀錄絲毫無損徒煩紙筆此則尤負澄清之大典者也法度蕩然貪風日熾凡此當權之賄賂無一非下民之脂膏欲民生之得所何可得耶甄別欲求實效明斷須出宸裁或寄之於咨訪則在廷之臣質直不欺清慎無欲者可使也或求之於實據則其家之宮室車

馬如貧忽富者可考也或博採臣工之論以成彰  
瘡之公則立集九卿科道詳舉督撫姓名咫尺  
天顏面加評薦果係廉潔責令保任其盈廷所不  
敢保者則素行立可知矣嚴黜一二以勵其餘公  
論大明官方立振斯揚清激濁立掃仕路之積氛  
而大法小廉共弼維新之盛治矣

陳湖南民瘼疏

爲直陳湖南民瘼事頃承

詔旨下詢芻蕘仰見我

皇上嘉惠黎元之至意務期四海九州之大無一  
人不安居樂業而後慰也敢以生民疾苦見聞真  
切者爲

皇上陳之臣於康熙七年奉

命適湖南致祭炎帝虞帝之陵至鄴縣寧遠兩縣  
境中士民之以困苦控告者將數百人鄴縣之訴

苦者則謂衡州一府州縣凡上則田稅衡陽衡山  
二縣每畝四升有餘常寧臨武二縣則五升餘安  
仁縣賦稱最重矣亦祇八升而止獨鄴縣科至一  
斗二升餘其地校隣邑最瘠而賦校隣邑最重且  
連年兵燹逃亡縣官竭力招集僅五千丁至順治  
十四年疾疫虎狼疊災頓斃三百八十餘人丁亡  
而丁銀未豁田荒而田租猶在皆係合縣賠補此  
鄴縣疾苦之狀也寧遠之訴苦者則謂永州一府  
州縣凡上則田稅零陵道州二處每畝四升有餘

永明東安二處則三升餘祁陽江華二處則僅二  
升矣而寧遠縣科至九升有餘是諸邑皆以二三  
十畝派糧一石而寧遠獨以十一畝派糧一石以  
及明季九釐遼餉各縣皆按畝九釐而寧遠獨按  
糧九釐以糧浮於田而餉遂浮於糧寧遠縣計畝  
算則一年之中多科銀一千七百餘兩此寧遠疾  
苦之狀也臣以輶車偶至尙恐控訴或有不真比  
事竣北至長沙叩之撫臣周召南撫臣謂苦累最  
確已於康熙六年應

栖雲閣

卷七

九

詔上疏而通政司以日月已久未及對進臣卽索  
疏觀之其中仍有安仁一縣苦與寧遠相同是於  
萬物得所之時獨抱一夫向隅之痛者也臣念我  
國家誕膺天命撫摩九州湖南之孽偏深獨遲沾  
乎大化猶苦前朝之弊政願俟今日之

皇仁

臣

以目擊心傷久欲奏疏未敢茲幸仰承

清問謹以

上聞伏祈

勅下部臣酌均苦樂庶

聖慈不遺於荒遠而疲癯立甦於春陽矣

栖雲閣

卷七

十

酌裁提鎮疏

爲酌裁提鎮事伏念

國家經制郡國屯兵所以建威銷萌定疆域而安兆庶也而三軍司命一將重焉將得其人則軍政修不得其人則武備墮但所謂得其人者智勇有素訓練有方之謂非謂其官尊祿厚峻秩崇階便足以懾伏盜賊禦侮折衝也故果得其人則偏裨一校皆堪固宇救寧不得其人雖一軍七萃盡加總戎其不足以寒寇膽而奏膚功也明矣查提鎮

栢雲閣

卷七

七

之任前朝歷代寰海不過數人卽我

朝定鼎之初增加亦復有限未有分閫無非大帥列土盡是元戎如比年之甚者也此不止假人之名器太輕司農之俸餼日益而害且有被之民生者蓋古來馭將似有微權每畱未盡之榮以策方新之氣若使爵位既隆無所希望嫌安甚易淬勵則難至於士卒從軍淳良原少必令有所顧忌尙可不擾地方若主帥既已尊巍恐士卒易於驕橫

卑睨州縣孰敢抗衡民庶吞聲蓋有之矣

臣

愚以

爲宜

勅兵部詳酌地方其要害必須重臣者仍舊餘酌更易續補參游其於軍政地方未必無小補也

栢雲閣

卷七

七

酌裁督撫疏

謹以時務之切要者爲我

皇上陳之今

朝廷內政漸以肅清而在外大臣身受

國恩未見有善政恤民以報

朝廷者今以時務論之當以酌裁督撫爲先蓋督撫之任原以總理下僚糾彈貪鄙措置百姓於安阜使得遂其生而已如直省統御端須重臣則督撫其最要者然考之前代地方責任三司盡之矣

栢雲閣

卷七

三

兵統於都閫刑領於臬司錢穀統於藩司諸事未聞廢弛卽巡撫之設也蓋以郡國偶有兵荒大故或一遣京堂往視以撫綏焉事竣卽撤回竝未蒞地方亦不聞各省皆有添設巡撫其分設總督之本意因有用兵之地恐各省呼應不靈故特設一大臣以控制之竝以鎮察各省分符之不職者其餘無事之地未聞盡設總督也夫添設督撫則供費亦必浩繁下司郡縣借此逢迎以窺上官之喜怒其所費必過踰於經制且添設督撫必私設

旗鼓傳宣巡捕等官各官之下又置色役此等皆係刁猾未必人人守法多有假挾威福以壓制有司者更有潛通賄賂反爲下屬之耳目是添一衙門添一衙門之賄賂民又多一衙門之害矣而督撫中又以荒歲而作熟以未完而作完賄賂公行顛倒是非種種欺蔽習爲故常如此而民生益促盜賊未靖水旱頻仍財盡力窮未必不由於此況督撫所司職務不甚相遠如督臣議裁凡有兵機撫臣可以兼攝且

栢雲閣

卷七

十四

世祖定例督撫皆有軍務之責原未聞督臣止管兵事而撫臣又另治民御事也且督撫之下仍有三司在焉而兵事又有副參游守等官爲專責則多設督撫其宜議裁也益明矣然議者謂添設則易裁撤似難蓋以識見易狃於故常而又不樂輕於裁撤使

朝廷徒繁無益之費而地方終受其累而莫敢言臣以言無忌諱惟期有益於百姓是卽有益於國家思所以先去百姓致病之最大者而後百姓



自受其福伏乞

皇上勅下九卿科道秉公詳酌地方之輕重緩急以定督撫之應去應留則從此百姓永俾百世無窮之福而

國家永享萬年有道之長矣伏乞

睿鑒施行

栖雲閣

卷七

十五

栖雲閣文集卷第七終

栖雲閣文集卷第八

淄川 高珩 葱佩

議

與巡方議

伏以

皇上欲立致太平切矣而天下未治蓋州縣之百姓未治也天下之廣未敢具論以吾鄉比邑言之私派日增則民困淫縱列庠則士澆上司提差接踵來而里甲困於賄下邑行劫若無官而游徼反

栖雲閣

卷八

十一

擾民此等事更僕不能盡矣百姓未治則州縣之有司爲之也有司之強者若豺狼其懦者遂如木偶然大略必以衙役爲師保而上臺又以爲外府而教之貪有司之敗類司道與有責焉而督撫按實挈其綱領者至督撫之所畏惟巡方者然則欲治今之天下得十三賢御史固有餘耳此論治世之人至論治世之法則天下固宜已治已安久矣何者凡前代良法之利於民者言路已條陳矣部覆已奉

旨矣直省已具遵依矣豈尙有不安不治者然其效亦僅取遵依而止夫遵依尺許故紙耳故紙治安而天下不治不安又何疑哉蓋下不實行上不考成此今日之膏肓病也不實行而詭云已行是僅治於其貌不考成而冀其有成是僅治於其名故雖堯舜在上天下之望治未可幾也今欲天下治平四字足矣凡

栖雲閣

卷八

二

以登對憲綱冊上御史臺取而閱之內一款云淄川三年內栽過樹三萬株予不覺啞然失笑實則一株未有也倘使者按冊而求樊侯之漆衛侯之桐不止說夢且若捕風矣天下事大略如此須淄水之菁葱滿四郊則海隅之雍熙踰三代矣筆此以發一笑然亦可以喻大也

與巡方議

栖雲閣

卷八

三

百姓之利害在有司有司之懲勸在舉劾舉一人劾一人而卽能令惡者懲賢者勸其道在無私其本在無欲能無私無欲而體立乃可進而問其用矣一日取大略小一日博詢獨斷何言乎取大略小也十三年來督撫白簡未嘗不纍纍也其所彈射亦未嘗非不肖也然而身受者不服旁觀者不戒何以故曰所劾之人誠非賢者然某某貪酷過此十倍矣而肆然無恙甚且登薦牘焉豺狼不問衆未革心也此則不能略小取大之失也何言乎博詢獨斷也督撫以賢否取之司李司李以賢否取之衙役則是衙役司舉劾也衙役果盡賢者乎頃有一二縣令通國皆曰貪酷矣及詢之當事者則曰聞其劣狀久矣屢下檄求之而下司不以開送也比周有徒竟以獲免此則不能博詢獨斷之失也而尤有進焉者夫改過不吝天所矜不戒而殺謂之虐士君子大權在手不難於區別人物而難於變化人才卽有愾德之人苟自我而易轍焉

吾復何求之有變化之道在示之以信賞必罰而先之以教誨戒諭教戒既明之後彼果能改過遷善吾卽與捨舊圖新如此者既足副

聖明求治之心而又不傷上帝好生之德仁者能好枉者能直是或一道也

栖雲閣

卷八

四

與當事論民弊害

一逃人之害凡逃人之難獲者人不敢出首故也蓋出首之後逃人卽與之爲仇必誣以會寄收錢銀等物官爲追賠每至破家故明知爲逃人而不言耳今必確爲定制凡逃人獲後誣告出首者一槩不准則出首者無後患而逃人無所匿矣又今日鄰近州縣真東人竝假東人主謀羽翼黨衆毒深國人皆知而不敢告發者以事不干已憚於見官一到官後反愁煩費故也今若實遵

栖雲閣

卷八

五

嚴旨着印官督地方保甲懸十家牌十五以上不許遺漏一人其所遣人竝開牌人竝坐以罪每季挨門一查卽對冊籍凡真東人假東人及自稱新投旗下竝告假歸來者務令地方鄰佑卽時報官其有地方明知而不行告官者許他人託告卽至後日事發必將保甲地方查明年月重治之則事有專責逃人無所匿矣近來州縣保甲地方亦每於朔望日期具甘結兩次然而自稱東人橫行鄉里者自若則以但有甘結虛文而實不查不報初

未嘗諭他人訐告地方隱匿者卽後日事發覺亦未嘗追治地方不報之罪故也

一錢糧之害近來吏弊百出官或不知亦或不問至赤歷數目一切詐冒不真甚竝赤歷毀若不存者似當着落專司清造交掌至易知單雖奉有

令旨年前必發其實來歲糧完竟不發給花戶今

似宜於秋末爲期過割賦役明白之後卽刊來歲油單頒行各戶地糧數目明用印鈐其有稽遲不發差訛不清者許赴官告理定行重處又收役開

栢雲閣

卷八

六

造欠冊以賄賂情面隨意增減官長未核率爾報部

九閭難叩則部屋多冤若登聞辨明則官長致累皆由不慎於始恣肆未懲之故也莫若早諭收役凡開欠不真必加重責不得以筆下之誤爲解歲終開欠必令州縣將欠戶姓名張掛曉諭又申上欠冊必令造二本將一本仍發還本縣張掛使完糧而開欠者得以辨明不致詐陷則尤勝州縣張掛以州縣欺玩多端故也又收糧銀流水簿官用

印鈐發給收役每櫃一本花戶眼同上簿此舊規也近有不肖有司與收役通同分肥至一櫃竟有二三本者其示花戶冊與存庫冊不同完欠改抹莫可憑據昨濟南守道王公祖用道印二冊發州縣收糧一存一繳此可通行一省絕官吏通同改換之弊矣

栢雲閣

卷八

七

一舊糧朦混難清之弊各州縣收役戶書積弊成俗侵欺無算兼以州縣有司未必皆清正威明或以衙役爲師友雖三令五申決不清開帳目竟至官官遞壞遺累無窮似不妨於極敝州縣錢糧歷年不清者偶委精明府佐一員寬以日月務期澈底澄清萬一索賄徇情不妨白簡從事果能澄清亦當特爲題薦庶有瘳耳

一常平倉無實之害海內甫安瘡痍未起決不堪再罹饑荒苟非豫爲積儲雖聖智亦無奇策莫若當此穀賤傷農之時多方設處將折贖等項盡代以粟便以三分之息變舊爲新印官每年必一親查造冊勿爲姦胥乾沒勿爲空文朦朧數載之中

必有實用每一石粟可活一人萬石可活萬人矣  
爲

國家培元氣爲子孫廣陰騭未有大於此者當權  
不行使倉有常平之名而人無舉政之實大可惜  
也

一士風之弊比來學校中敗倫傷化撒潑鴟張者  
耳目之前比比不乏蓋因提學廣文之官視此爲  
庸行而不之怪焉故也莫若提學嚴飭廣文先分  
給保狀之式令諸生相近者十人一結其不願相

栖雲閣

卷八

八

保者聽至相保者每季至學宮一查行止面具新  
狀其舊相保而忽不保者申聞或有過相匿他日  
事發並罪同結者若廣文既知其事而不申告提  
學罪坐廣文如此則同結有所見不敢不告之廣  
文廣文有所聞不敢不告之提學彼無忌憚者不  
能不有所畏而改行王制上賢以崇德簡不肖以  
緹惡而必先命鄉簡不帥教者以告蓋不緹其惡  
不可得賢而有德者崇而上之也

一民風之弊名分善惡既已蕩然雖

朝廷法度亦悍若不畏此以教民之法久亡故也  
莫若力行鄉約但比年一二講約者不止虛文且  
爲實害則又以或索飲食或曠日工或多連累故  
也似當斟酌舊式嚴禁諸害然後擇公正之人講  
刑名之書其約中有無藉不肖之行必公書於冊  
不改者報官懲戒人稍知惡之不可爲則風俗漸  
淳矣

一保甲不行之弊保甲不行賊盜盤據無人稽查  
矣其法當卽寓於查逃走東人逐門登牌十家戶

栖雲閣

卷八

九

冊之中則盜賊不問而自明不拿而自少且按十  
家牌造冊則戶口不查而自多丁銀之饒益勝於  
搜索按摺數倍矣又白蓮無爲等一切邪教男女  
不辨既壞風俗黨與太多亦生事故亦令保甲詳  
查或簿責令改過或斥逐令出擯則患消於萌芽  
矣又比來拿獲白蓮問明賊盜累年不結牢獄充  
滿展轉扳人甚至生變此衙索問明不結之爲害  
者也

一差人下縣之害每見上司差人一至州縣辱官

鎖吏勢若虎狼又有積姦里長串通差人伴受拷打倡率苛歛暗地分肥此風一行來者紛紛矣或一事續差數人或一人兼持數票一出府門歡如索債谿壑難填也莫若令各州縣遣役三兩人常川在府凡有提催之文付之傳送嚴定期期如有違悞定拿經承則下不擾而事可集矣

一櫃書比較之害近來催比錢糧每提戶房至本府已屬無益之事今更變換新奇轉令櫃書往應比夫櫃書但管收糧耳欠糧關渠何事上役祇以

栖雲閣

卷八

十

櫃書皆係殷實繁費易辦故每提到府不過薄責數板納賄數兩而已耳此又何益於朝廷之事而徒令之重以科歛爲乎立行革除亦減櫃書之借此爲名而多加火耗橫拿短少之一端也

一罪役不遣之害問過罪役法當遣者累年不發上司來提輒云已死聽其改名應役作惡如前夫壞事衙蠹奉

旨嚴禁矣而阿邑猾黠之姦公然畱用播惡益狂

無復忌憚或竄投他縣不取役結俾膝靡入幕妻孥難問來去飄然侵欺竄逃不可追究似隔縣亦當取保結此當議也

一誣告之害法教久弛刁惡相效凡有一言不合者卽刻私走

京師動以謀反窩賊窩東強盜劫殺爲辭或以屢經大赦之事牽扯滿篇皆訟師利其財希圖必准故也莫若嚴禁代書凡告狀不許以輕爲重狀後寫代書姓名審虛定行反坐仍嚴處代書其狀中

栖雲閣

卷八

十一

事體必明書年月如告赦前之事必援仍以其罪罪之之條或以赦前事改爲赦後者審真亦援前律罪之並懲代書則訟獄日減而刁風可息矣  
一輕生圖賴之害刁風日甚易至輕生原告以此得財從而效法益夥又有本意止欲詐財而後竟致殞命且爲旁人咬撥投水服毒自縊自刺者比比矣莫若審出真情於關毆杖懲之外不令原告絲毫得賂且徧出告示諭之刁不售而利不獲則輕生者自止所全人命實多矣

一上發告示不貼之弊凡上司發下利民剔弊告示此不便於貪橫者故或竟不貼示或暫貼即揭去似宜凡有告示行縣即取捕衙已貼回文且飭以加心護守不許損壞徐俟後日查驗

行錢議

問曰兵餉不足奈何曰斷銀行錢則足矣曰銀以易粟何故斷之曰今

國家無銀天下亦無銀而今歲每粟六斗不能易銀一錢比較打死無算終不能有銀蓋地畝止出粟原不能生銀也且不斷銀錢終不可行也曰今錢法方苦壅滯何以行之曰錢未變通而行之亦未得其道也曰變法而行之其道云何曰鑄當十當百之錢則可以輕賁而行遠與銀同矣曰軍民不肯流通奈何曰封糧鹽課關稅必要錢民間交易田宅價值十兩以上必要錢則斷無不行矣入主之權變化萬物者也可以頃刻變化人之貴賤獨不可以頃刻變化物之貴賤乎但當行之以勇守之以信耳曰錢即鑄矣百姓能有銀以易之乎曰軍前之粟貴極而民間之粟賤極即以錢收江北之粟而各地鑄之餉軍有餘矣即令貴羅民粟民可以完糧而無敲朴之憂此安民福民之急者也況徵之於古劉備得西川府庫爲軍士掠盡劉

巴建議鑄大錢盡取所掠而成都遂富又宋朝嚴  
禁用銀此皆載在文獻通考明甚也卽銅不足以  
鐵代之不勝於紙鈔乎今言廢銀人必大笑爲狂  
儒試問唐虞納總納程三代布縷粟米唐之租庸  
調曾有用銀者否自宋而降妖孽乘權酷吏貪官  
埋藏餽送莫此爲便故不可挽耳敗官方壞風俗  
病國家窘民生皆此妖孽爲之也苟能流金放銀  
殺珠璣玉不患太平不立見矣但家藏巨萬之人  
痛惡而百計撓之耳

栢雲閣

卷八

十四

實行保結以砥士趨議

今天下文體日弊矣

廟堂上深憂而力砥之知狂瀾之可迴喜大雅之  
將復也斯文幸甚然文者士之言也夫士之根本  
不在行乎其處也四民之望俗實宗之其出也三  
事之寄

國攸賴焉文與行之輕重相去不啻倍蓰矣卽其  
弊也害亦逕庭矣夫稚子而歌效優俳壯夫而語  
參藝醉聽者笑且厭之而已至於珍曉九以充幃

栢雲閣

卷八

十五

揮龍泉而入市有不望步鳴鼓禦之者非情也故  
推

聖君賢相敦教化美風俗之至意今日之士行不  
尤當亟議乎昔也武斷鄉曲以爲厲禁謂其囂戾  
也佻達側弁以爲大譏謂其姚冶也而漸靡益深  
囂戾化爲鯨鯢姚冶化爲禽犢綠林若爲講藝之  
堂而駁棘是其言志之什也若而人者郡國多有  
之交遊多知之師帥亦多聞之矣而爲其事者無  
懼知其事者無譏何歟曰罪累上累上奈何曰爲



者之無懼也無可懼也夫訓士者近而廣文上而  
邑令再上而學使者所謂雷霆奉之者也乃敗類  
亦既上聞矣而愁置之若充耳焉士將曰是誠無  
若我何我何憚焉華衣潤步益侈然鳴豫於同人  
固其所也知者之無譏也無敢譏也上已置若充  
耳矣我亦何言即言之而必不聽止以上取憎下  
取仇焉且其人他日得志而誅怨首我則魚肉也  
凡此者皆由於上之縱之也夫上亦何利於縱之  
而愛其醜以勸懲歟曰一則行誼久輕也謂聞其  
桎雲閣

卷八

七

聲悅而上下之吾事幸竣歲彙周則遷去耳風教  
之淳澆與夫異日者  
國家之得賢士與否我何知焉一則情面難脫也  
夫敗類之行罪固重矣罪重則必懼而求免懼而  
求免則必附強有力者爲與援焉或鄉紳之請托  
或僚屬之卵翼日再三至於耳一不聽即目攝之  
矣伊可畏也畏怨安得不軌法而姦復何所懲宜  
爲之者之益肆而無所忌相踵相勸而日以多也  
曰畏怨固已夫獨不畏

功令歟曰

功令何遑畏也且又夫嘗以是責司士者建言有  
之兵莫懾於志而莫邪爲下豈爲莫邪之鋒不利  
哉而莫邪固不能志於殺人人之志立則莫邪從  
之耳彼

功令星懸未嘗不諄諄於士行也然第其試牘而  
殿最持衡者有之已有以士習日非而持衡坐視  
致一詰責者乎無有也則雖

制詔曰下是亦在匣之莫邪云爾縱惡既無妨於

桎雲閣

卷八

七

上考且請托者固又以不關殿最之事而力持之  
爲大恨也是莫若以士習定考功之法其賞罰斷  
在課藝之上則法尊而情誦倖免之途塞而納於  
邪者始懲也已曰士習固自難知主者一日之耳  
目將安所據之此非若尺幅燦然可憑而上下者  
也以是課持衡者將責其見垣一方歟曰是不然  
吾謂法之可行而無難者不責於其知之所不及  
而責其知之所及而置之者也夫知之所及而復  
置之後乃爲

功令所無貸耳然欲盡庶士而知之其道奈何曰  
莫若鄉舉里選善夫儒者性道之精微或難衆喻  
至其居身邪正宗族鄉黨立可指名而悉數之無  
疑也曰

國家以經術取士久矣一旦復古不亦難乎曰有  
道以處此不變今而古可復卽於明經課藝之中  
而兼三物六行之道則莫若今之所行保結是也  
試取其款而讀之詳密森嚴其若水之有坊懷襄  
之所爲立靜者也惜也以前王之深心神明古法  
而通其變而後世有司乃儻羊存之而醬餚用之  
法之數也又復何疑今成法具在但須

嚴旨一申飭之而立舉耳而

申飭之中使其盡善而必行者有二端焉今自童  
子而試於邑自子衿而試於省必責保結者所以  
端士之始進所以端仕之始進也然童子之時其  
事寡步趨固未定也泮宮而後不可知矣秋場之  
試其人寡一邑之與鎖闥者十纔一二人耳高等  
而外不可知矣黜黜士子法不以歲考重乎嚴保

栢雲閣

卷八

六

結者必於此日則舉全而無疑也此非力補其闕  
不可

功令具在而效不立臻者陽奉其名而陰教其實  
者無罪故也其甚也豪者借黨貪者牟利竝與其  
功令而竊之莫若法在必行衆之所共棄而有司  
庇之者罪有司無貸有司所閱實定罪而其前日  
爲同庠之所黨庇者考年月而罪保主亦重懲無  
赦誠如是則邑之清議可以輔法而不肖者亦不  
得不畏議而潔其身

栢雲閣

卷八

十九

國之嚴刑必於黜惡而庇姦者亦不得不畏刑而  
守其法此非大嚴其令不可苟制也詳而罰也必  
夫也不良國人知之始畏衆實有口矣墓門之棘  
斧尋及焉荏蕙庶無芽化乎風俗教化之樞直可  
兩言決之曰欲端士習莫若實行保結欲行保結  
莫若嚴飭官方而已故曰責之以所共知罰之以  
所既知而復置之者而非難之以所不知者也然  
而行之旣斷明以生焉而通於知者益寡何者上  
之人於士之淑慝不入於耳者以其不足經於心

謂此非考成榮辱之所主耳今

功令森森若此學使者卽安得不咨之郡邑郡邑安得不責之廣文哉夫郡邑固可以耳治之而廣文已親以目治之矣至其耳目之所尤親而利害共焉者同學同里是將日察淑慝以聞焉而惟恐後何以故無救於匪類而我與其辜雖父子亦有戒心矣士安得不兢兢視履以奉

上旨草帽心哉率是道也可以救時可以復古可以淑民俗可以儲國器是在力行何如耳勿曰士

栢雲閣

卷八

三

習難變也

### 三教議

伏讀

上傳

世祖皇帝所以明聖人之道而寡天下之過者至矣未嘗如曲士所言儒者之外皆異端而防民之惑於邪僞以干大法者又未嘗不惻惻也蓋三教之中各有邪僞而爲各家異端者皆托聖人之名詭其實以滋害於世彼以黃白泥水欺人者羽士是也以茫蕩之語爲證悟而欺人者釋子是也是以詩書干祿而行同椎埋行劫者此黃冠緇衣之爲耶抑士大夫之爲耶蓋洋洋乎號爲孔孟之弟子衛正道而排異端所自矜爲儒者是也夫夫也其於孔孟果同端耶異端耶其校釋道之禍世輕重大小又何如耶天下當有辨之者已至於

上諭所嚴禁亦止言其大端市井姦黠小小惑百姓者耳至士大夫聰明雋異而亦爲所深惑者更有二端焉一則禪宗之僞一則神怪之邪也夫禪宗之所矜者曰見性也其性之見否人不得而知

之也吾但見其走利也如販夫遊商其怙勢也若不才縉紳若此者卽令能不爲大惡而權利薰心鄙俗甚矣豈方外風規而能仁弟子耶何其不知愧怍而反妄自矜誇耶至於神怪之途大小殊選而大約示變怪詫前知夫虛明而知者道也此斷不欲人之聞之卜筮而前知者技也管郭之學世有傳焉此亦無害於世獨有自詫道術通於神明談人未來禍福往往亦有驗者而口多妄誕毀詆正法而不知正爲魔鬼妖狐所著其人禍報方將栖雲閣 卷八 三

其中之賢者爲府縣僧道之長犯戒律者卽斥令還俗示怪聚衆者卽繩以法必如此而二氏之教方可以善薄俗而助王化而佛氏所謂以正法付國王大臣者良在此矣若不審其邪正真僞而槩以護法修福爲名則所護者乃不法之人而修福者皆修禍耳天語煌煌胡不聞焉

時務五款

一誣匿逃人誰能自保今督捕之制日詳凡旗下人不得出五百里外各省直光棍誣陷人者發督撫重處可謂良法矣而逃人懷恨姦棍詐財凡逃人既到官後動云某處某人欠彼銀錢若干望門吞噬此一害也再則逃人既歸之後向旗下原有逃人之家率意妄言親見汝家逃人現在某縣某處其主人自然報部督捕自然行提在他人忽罹破家之災而彼了無誣人之懼然其甚者又不止

栢雲閣

卷八

幸

回旗逃人爲然也又有回旗人原無此意而本縣惡徒京遊神棍上下交結詐富嫁禍串通而買囑之一言而多家受禍矣

朝廷軫念編氓執審恤刑惟恐誣枉一人而棍徒害人竟坐操生殺之柄是豈

聖明之世所宜有也此後妄誣人欠錢者似當以親筆文約爲主如無據者不聽而且薄懲之至誣人窩逃似當別其真僞僞者卽加重懲方可底止不然所得甚多而蒲鞭示辱彼何畏哉或獻疑曰

如此則既歸之逃人不復報未歸之逃人恐逃人之歸旗者日少矣應之曰不然人畏逃人歸旗之後肆害多端則雖明知左近有逃人必畏害而斷不敢揭告將逃人之歸旗者不更少乎一以恤無辜一以搜逃竄不可不爲之審計也

一連年水旱無警民食粗足雖穀賤傷農而道無餓莩亦吉祥善事之大者但天之水旱如人之疾病時出意外不可不防水旱必至饑饉饑饉必至流亡流亡必爲賊盜又不可不早爲之計而以方

栢雲閣

卷八

幸

今穀賤之時則尤易爲計也若豫備諸倉久已飭行海內而官玩吏猾向來一切仁政總是空文搪塞似當嚴督印官廣儲而詳查之勿飽奸胥勿滋腐壞萬一偶罹天災可以立活百萬成康文景之盛此其根本矣

一教化久湮風俗日壞士民嫫薄狂瀾莫止不但弁髦禮義亦且目藐

王章視敗倫若中庸謂蕩檢爲豪舉人心不正亦已久矣正人心而明教化此在昔聖賢之功正方

今卿相救時之業也似宜以士子責之提學廣文  
先頒互結之式十人一保每季一申素跡閑而敢  
爲隱容者定將一保連坐既保後而新有劣行者  
許其一保首出若一保結其劣行已到廣文而廣  
文庇之者連坐廣文事經提學而提學縱之者並  
罪提學則衆不得不畏

功令而謹月旦士不得不畏鄉評而惇素修至於  
教民則實行保甲善謹鄉約而嚴查無行可疑之  
人公同報之官府其容隱事發者罪坐甲長與約  
栢雲閣 卷八 三  
正如是則漏丁不查而自出逃人匿賊一問而卽  
知不止風俗還淳正爲地方弭盜也

一山左明末每錢一百買銀一錢康熙二年至三  
百文今遂六百有餘尙若無銀可買是

國家未曾加賦而百姓一年若納四五年之糧矣  
天實爲之無可歸咎也今各縣有儲粟幾百石棄  
之攜家而逃者比比見告矣來歲恐將益甚逃愈  
多地愈荒而賦愈通矣何可不早爲之救乎救之  
之道奈何或曰本省存畱可封制錢本省兵餉可

用本色不獨可令

國賦立辦而且民省火耗之費兵省剋減之費況  
兵未嘗卽衣食銀錢也仍將賣買用之則並省其  
賣買之費是於

國於民於兵皆爲甚便獨官吏之取火耗納賄賂  
入囊橐輸苞苴者不以爲便遂云不可行耳或曰  
鈔法亦可救急若大糧商稅非鈔不收則鈔法立  
行矣或誤以爲此止利民而不利

國非也夫賦稅之入皆爲兵餉官俸用耳苟上操  
利權出不盡而用不竭又安用朱提爲乎禹貢納  
秬納秠唐法爲調爲租元明開國之初皆以寶鈔  
濟用不專重金銀也至兵餉當以屯田爲上策而  
現今陝西靖邊諸處兵皆半支穀麥變通盡利是  
在持籌者矣

一北來衛役犯罪有入旗下者此

聖明軫恤之仁也遂有一種姦人家無立錐恣意  
侵盜官帑便可囊飽白銀身完旗下將來亦何顧  
忌而畏止乎若歸旗而被以爲苦則尙有所畏也

今犯役有一得入旗而其人得意揚揚數倍登第其父子兄弟橫行鄉里其得意揚揚尤加倍焉又有入旗之後卽私假錦還恣意吞噬者矣據法而論流者發煙瘴之鄉徒者配遠地之跼起械上道仍鉏鎖加身備極苦楚可以懲惡而絕後人之惡也今旗下

神京福地正惡人用極力鑽求而尙難得者豈宜令歛然若歸反以得福乎此等人卽分與窮丁爲奴其爲苦楚有限亦不足畏也商陽之堡正爲是

栖雲閣

卷八

手入

人以此懲惡庶有牙乎

栖雲閣文集卷第八終

栖雲閣文集卷第九

淄川 高珩 葱佩

策問 論說解

禁訟策問

教化未淳人心日弊訟獄之繁興也病民久矣而欽件旁午中之且病官時雍稽遲上之更病

國甚矣金矢之爲厲也孔子曰聽訟吾猶人也必也使無訟乎然則無訟者豈非聖人之所深願而不敢必者乎而無訟之由始於大畏今雞豚詬誶

栖雲閣

卷九

之細不止擾大吏遂至籲

至尊了不畏也赦前之事告者反坐

王言懸諸日月咸與海內更新矣而風影舊事累狀未休了不畏也賤者凌貴惡者忤良逃東通寇必假大題無是子虛弁髦反坐不畏

聖訓亦不畏

王章也賢者憂時動曰惟反坐可以治之夫反坐誠不可不嚴也然而反坐必在事結之後迨於水落石出而被告身家已盡矣刁詐卽懲無補於被

害被害恐懼必應其誅求但令一紙入官而刀筆之姦遂爲擇人之虎訟獄安得不日繁乎海宇同患而齊楚尤甚焉今我

皇上聖政日新痼瘼

清問撤叩

聞之脾太平可計日俟矣而鎮撫荆楚者亦切切以無訟爲懷將以仰贊

廟謨此荆楚之福也然安坐而期訟之自無也實難夫無訟曰使當必有道矣諸生定有嘉謨其詳

栢雲閣

卷九

二

言之不佞將藉手以復分陝者竝儲之爲入

告地也

申韓論

君子之言天下之日月也次之亦爲星漢次之亦爲燈燭煌煌乎爲功於羣目爲功於羣心矣不然而爲蚩尤之霧於涿鹿之野令黃帝之聖幾覆其招搖則天下後世之禍兆於此焉雄奇博辯之談不如其啗啞也吾向讀蘇子韓非之論而心訝之久矣頃讀粘子訟牘之序適獲我心乃慨然論之曰甚矣蘇子之失言也夫刑名之禍而歸獄於道德申韓之寡恩而莊老受其咎平心之論固如是

栢雲閣

卷九

三

乎蘇子之言曰老莊之學輕富貴而齊生死是已然所謂輕富貴齊生死者不以世榮蕩其心不以恒化二其意如舜禹之有天下而不與仲尼之朝聞夕死可云耳夫古來聖賢惟不以世榮蕩其心恒化二其意也乃能一體萬物恤其阨危以措之寧謐此萬物之所以托命而上帝君師之所寄好生之仁所由衆著也今乃謂水熱而火寒坐以所違絕之愆則是世之沉酣利祿自私其七尺若九鼎者皆足爲博施九有道濟天下之人而巢許以



上尹壽廣成乘權莅人必爲酷吏嚆矢卽巢燧赫胥將易面而同狻獠封豕矣有是理乎此治亂之所由分而蘇子固文人也豈智不足以辨此歟蓋其意之所獨矜辨之所甚力而以爲吾獨得其隙可破莊老之干櫓而攻之無難者則愛人不足以爲仁而殺人亦不足以爲不仁二言而已夫愛人不足以爲仁豈謂人不當愛彼有取爾也正謂桔槔之施不及膏雨嬰筦之揮不及涼颼則驩虞煦煦視在宥爲淺云爾豈謂桔槔之濶嬰筦之涼無

栢雲閣

卷九

四

多而崑岡之火咸陽之炬遂亦不足焦土乎且三寶而首慈柱下之言則有之嘉孺子而哀婦人漆園之言則有之若殺人而不足以爲不仁則二子雖方外之學未嘗有是言也乃反其辭而引申之附於將毋同之說坐以莫須有之案其於酷吏舞文鍛鍊周納之術有以異乎否乎吾意郅都受牒甯成據案張湯定爰書杜周治奏牘不過如此而明是非切事情子長所云之申韓尙未必至此也卽四子者慘刻寡恩爲千古酷吏鼻祖矣此自其

性生固然豈其必受業藏史之門鼓篋漆園之舍而乃至此極哉夫能正天下之刑名者道德也惟明惟畏而三訊得宜者孰爲之能止天下之刑名者道德也不干不犯而四方從欲者孰爲之未聞有以道德而肇刑名者也夫蘇子之論著多矣好爲高論而不顧其安亦說屢遷而子予子盾之難無能自解如以李斯詬荀卿也則曰此放言高論之過也其父殺人報仇其子必且行劫蓋道之同者沿而加厲故也以申韓而咎莊老將毋其父盤

栢雲閣

卷九

五

旋俎豆被服儒者而子亦必行劫道之異者復反而相成乎然則天下之擇術者安適而可而後免意外之批根耶卽再以蘇子之諸論衡之其於揚雄論中謂退之駁佛老乃流入佛老而不自知茲無乃詆申韓而身爲申韓乎豈蘇子亦深有得於莊老之學而爲此乎於荀卿論中謂荀卿快一時之論而不知其禍之至於此夫培擊莊老以爲快而使後之致治者或以道德爲鳩毒而裹足去之將漢文帝喪其平治而曹平陽清靜寧下同於祖

龍之攸鬱其害又寧後於李斯耶今觀蘇子上英宗之書其欲破輿論以行其意殆視介甫而先鳴者倘後人以新法之害而坐之蘇子蘇子其甘心否立論亦如行法當以平恕爲康莊也蘇子半生多口孽之患人所知也卽絕聖棄知聖人不死大盜不止之語亦足來蘇子之議而有餘矣莊老有知不亦笑商君之法自弊哉然則君子之立言歸於中乃可久勿輕詆聖賢而以學術禍後世可也

充齋說

天下有一言而可以入聖人之室者其充乎亦可  
以舉四子六經之義而貫之者亦惟充乎吾讀充  
齋說而深歎沈子繹堂之好學而鍾元先生之善  
言學也夫子之言學也首重在心而其贊顏子也  
曰未見其止而子淵之自歎也亦曰旣竭吾才沈  
子已有其志矣而鍾元之說舉義宏而晰理細無  
遺憾矣然而亦有可引而申之以暢其說者其曰  
此中無欠闕無等待則本體昭昭矣所謂明德而  
涵乎治平率性而涵乎位育性善而四端固有反  
身而樂莫大焉者此義也夫明德之性善矣萬物  
皆備也何闕之有欲仁斯至矣何待之有其曰必  
從慎獨握其幾則功夫昭昭矣所謂修己以敬克  
己爲仁者此義也夫養之於未發基之以知止由  
敬而靜其聖學之樞機乎所謂時習下學無踰此  
矣而充之爲義訓之曰滿夫不爲不欲問途人而  
心同非性善明德乎無爲無欲雖賢者有時不能  
自主非擇執克明之力淺乎能達之於其所忍達

之於其所爲非充之實際乎時時習則時時充則時時達至於達天德則上達矣故日新而用其極致曲以底於化不息以運天行欽明而運帝德充之之義乃盡而其實則皆人性之所自具者非襲取非外鑠不待助長者也由識本體而以功夫達其初充豈復有遺議哉孫先生始以義烈聞於天下如東漢君宗諸前哲學日進而道日崇所造乃至於斯則又淵乎濂洛矣頃讀其所著諸書則又有圓濂洛之所未圓者信乎一代大儒也沈子之

栢雲閣

卷九

八

卓然知不負先生之所期矣

### 華刁風說

治國如治病必先審其病之所急者而療之若管仲子產曹參王猛諸葛亮皆醫也而各有所急與秦越人之爲老人帶下醫同蓋管子承襄公之後法紀蕩然矣故用嚴孔明亦得此意者曹參於百戰湯火之餘故尚寬究其歸也皆令良民皆安衽席而止則五毒與百補同功矣今之青齊蓋亦吏治久荒民瘼方急之日也諸不深論但以訟獄一事言之其初告也以刁誣爲能事不問服鳩死投井懸梁死以及生產老病而死必皆云打死而婦人之死其母家必誣告尤爲可恨駕言爭氣實則詐財其旣告也審理後必毆打檢屍時必毆打聚衆行兇目無官府而青州各屬縣小小鬪爭輒糾聚千百餘人橫行城市習以爲常不然則以爲深愧此尙知有

栢雲閣

卷九

九

王章乎是大亂之所由生而今之所尤急者也乃其所以相效而日甚者則以縣官教猱耳不才者或竟如木偶不肖者或以爲奇貨豪強復何憚焉

至上臺賢明禁之則亦易也凡誣告者必按律反坐不忍非真人命不斷燒埋此古來仁人故事也夫徒死既不能賴人則人自不肯輕死此不特仁於償命之人且並仁於捨命之人大陰鷲也其審理檢屍時毆打者則以責其原差並日添巡拿二役凡於城市行兇定行責罰而又必先時通行告諭兼行枷示至於各縣聚衆至數十人以上打仗者縣官不卽刻申請定以罷軟參罰而又必先時通行告諭令人人皆知繼以重懲復人人不貸

栖雲閣

卷九

十

而惡俗不變淳理不復者未之有也如是則民命至重反以似輕之而獲全德化本寬亦以嚴馭之而克布明刑弼教不在斯乎況亂萌早杜潢池無憂卽謂明刑兼以詰戎可也然而州縣權輕僅可奉令而承流督撫以迨道府自能立刻更化而且所及者廣實行一兩事之後風行草偃矣是所望於上臺之仁智勇者蓋以曹平陽之心行管敬仲之政武鄉景略伯仲及之一變至魯千載俎豆何疑乎

鮑德輿字說

字之創於倉頡遠矣然其同文於九州者所以冒天下之道而其表德於一人者所以惇終身之學也故古人名之外復有字蓋引申其義以勗之勿諉耳鮑夏生先生既錫嗣君名曰秉謙而問字於予予字之曰德輿乃爲之言曰先生之錫名意深哉義方之訓式穀之懿已於是乎卜之矣蓋謙者有而不居之義也不有何居黜妻而云不奢人知笑之矣王石之擅敵國富也而令德不彰豪舉相競故以賄聞以汰敗有則有矣吾惜其居之之未善也夫君子之修身也亦然訓典所垂不曰功崇惟志業廣惟勤乎苟功崇業廣而軒軒乎於車上僻焉考父之銘謂何吾亦惜其居之之未善也伐善施勞先賢示戒進而天下莫與汝爭功天下莫與汝爭能屢絕萬代矣夫亦知由不自矜不自伐中來歟然則有而不居然後能載謙之所謂有終所謂萬民服者在此矣此百福之管籥萬世之輶車也吾再就謙之說而引申之謙之義散見於六

栖雲閣

卷九

十一

經而專名則獨標於大易其言聖人之處憂患也以九卦爲用首履次謙終巽矣不又曰謙以制禮乎謙以制禮則履亦入於謙巽以行權則巽亦出於謙矣不又曰謙德之柄乎夫柄所以持輿所以載也持載而地之德於是乎全固已至天道下濟而光明地道卑而上行二語則全體天地之撰者非謙乎六經於是乎交綬諸聖於是乎按轡而三才於是乎合轍矣德輿者所以載德也然於世則溫良恭儉兼以載福而於心則居敬克己兼以載

栢雲閣

卷九

十二

道總以有而不居故所受無量卽以碧落爲蓋赤縣爲廂無不可者大車以載大有所稱其謂是歟德輿童年穎異亦復恂恂拔鰲而何所不逮千年受姓固尚父之裔也司隸之驄其小者耳釋二字之義而廣之蒸蒸前烈無多讓哉

易解

予嘗過一大僚齋頭見方讀易予問其故則曰易者六經精微之書四聖人之學在焉不可不究心也後月餘復過之曰於易已契精微否曰未也予笑曰君之尊易也至矣然尊之益甚恐去之益遠君將爲鄭王之訓乎管郭之下乎抑爲晉人之塵尾乎謂是爲非易不可謂是爲盡易則管中一斑已耳卽易以道陰陽昔人灼有明訓矣而未知陰陽者人事是也性命者事物是也文王之學易吾

栢雲閣

卷九

十三

聞之矣履謙九卦而素乎憂患非乎尼父之學易吾聞之矣韋編三絕而祈於寡過非乎姬公大象則尤彰晬盤以示矣未嘗有奇佹幽渺之談也六十四歸於八八歸於乾坤而坤統乎乾乾坤歸於太極易道盡於此矣自強不息與至誠無息有異否太極與未發之中有異否易簡之善與庸德庸言有異否天下無二道而道含萬物之變聖人無兩心而心通萬物之情分殊理一立本趨時此三極不易之理而萬古之經也不易乃能爲變易無

言可也圖之可也說之可也引而申之可也六之則經也四之則子也謂四子之皆中庸可也謂詩書禮春秋之皆易可也治總經可也曰六經註我可也時乘六龍以御天以人用天道可也君子而時中以用人之道用天道可也皆言心之影也天之變也總以前人之用者也野翁先生以易註中庸而不佞以中庸註易其一歟二歟世必有知之者矣

喪棚迂解

從先野人問於予曰聞貴邑之治葬事也率用布棚十許座其高大也以幾丈計其用布也以幾百疋計或至用雜綵丹青其侈費也幾十金以至幾百金計信有之乎曰然曰此王者之制與曰否此聖人之教與曰否曰此有益於亡者與曰未知也曰然則奚爲而爲之曰論其事則富貴之家偶棚焉遂相効而務過之以爲美觀不然世俗將以爲議論其心則君子不以天下儉其親然後盡於人

心之義也曰以是而師孟子是王莽安石之周禮其爲病今人而累古人也多矣夫古人之立說也標其大端而未及示其微義學者附古人之義也虛者未可語於實小者未可語於大其相去遠矣夫不以天下儉其親者親重而財輕也親重而財輕者將斥財以事吾親一無所吝惜之謂也然而孝子之於親豈沾沾端以財事哉夫固有其大者焉事親以道而偕爲聖賢上也策名王朝免於貪酷邪慝而榮以綸綍次也其次乃酒炙之養矣其

次乃附身附棺之具矣其次乃堂斧之制矣夫酒炙之養未敢侈以爲孝也然而吾親實享之勝於祭而太牢之豐矣衣衾棺槨之制亦未敢侈以爲孝也然而於吾親之身猶切焉勝於葬而容衛之隆矣乃今之人子知孝矣而置其大者若罔聞焉於其切者或致怠焉反沾沾傾家以營葬者何也且其勞多而費重一一自爲之與曰否親知之囊事然也曰是皆樂爲之與曰未可知也然或有爲施焉者或有爲報焉者其爲報者則我之施固在

栢雲閣

卷九

七

前矣其爲施者則我之報將在後矣似未嘗厲人也曰是不然夫物之不齊物之情則事之不齊亦事之勢也親知相愛誠有願爲之者則亦有不願爲之者矣則又有雖欲爲而力實不能爲之者矣夫不願而使之則致厭之道也不能與不願而強之則致怨之道也雖其人理當報我者而彼力實不能強之報猶怨矣況強之施焉者乎至於令彼先施焉而我俟後日報之此蓋當前之言耳後日之崇替原不可知我替矣則不能報矣必責我報

之則我苦矣彼替焉我欲報之而彼不用者有矣又或至竟忘之而不肯報焉輕至遺誚甚或構訟矣夫本以爲榮也而後乃至於辱本以爲孝也而後至令人怨且詛其父母不亦非計之得者乎曰家富而自爲之者何如曰免於人怨矣然惜其尙染於流俗拙於用財而未知能用財者之足進於孝也夫致飾以爲觀美也者不過欲令小民俗士龔羨嘖嘖以爲此家誠富貴有子孫能華美耳以致戚之時而企乎觀者之譽人子豈宜有是心且

栢雲閣

卷九

十七

不以天下儉其親孟子之言也吾亦卽以孟子之言証之顏色之戚哭泣之哀弔者大悅吾聞之矣未聞以幄幕之多彩纈之靡而弔者大悅也若果以區區而致悅衆皆悅之士君子笑之必矣奈何斤斤求流俗之所羨而爲士君子之所笑乎且以數日兼旬之勞百金千金之費俄頃纔過便爲烏有不亦暴殄天物乎曰爲吾親故也曰人而不爲孝子也則已且欲孝而無財也則亦已耳財既足而復欲孝不有營高敞廣松楸立享堂建祠寺以

隆世守而滋冥福者乎古今賢者多有之此可謂用財而能孝者已進而上之不又有推述祖父之遺意而贍三族以及百世建義倉賑凶荒而養殘廢孤病者乎於以廣先德而滋冥福爲尤厚古今大賢多有之禮記曰父母雖沒將爲善思貽父母令名必果夫爲善自修身外孰有大於濟衆者乎此謂能用財而大孝者矣釋此不爲雖輕費萬金譬擲金於曠野置有用於無用耳已可謂拙於計矣而況歛怨詛於親知損先人之令德哉亡者而

栢雲閣

卷九

六

無知也將焉用之是自爲侈大而非爲父母也亡者而有知也其賢者必不樂其子孫之厲人而歛怨厲已而耗業矣爲子孫者何忍臆其先人之非賢哲而必以世俗之誇詡爲榮也耶或規之曰習俗已成何能獨異曰是也然習俗無害亦可相沿今時絀而人怨聊以救時不亦可乎曰一端之孝寧非孝乎曰是也然如上所陳孝固有大而切者欲爲孝子必審擇於此矣曰人已爲我盡力矣可但已耶曰此爲喪主言之不爲襄事者言也旣以

原缺

栢雲閣文集卷第十

淄川高珩 葱佩

記

世訓記略

吾家累世積善而受封則自中丞贈公始家乘中南溟叔祖侍贈公偶有感於時事曰天可畏乎公曰賞善禍淫如之何不異而曰存心養性所以事天也是則吾家畏天之學也又嘗曰吾子孫有不啻人一語彈人一指者得此善根足矣是則吾

栢雲閣

卷十

一

家愛人之學也東郭祠堂碑記曰他邑人有入吾淄城者見車騎過市而欲避之旁人曰此必高氏子弟不必避也其人曰何以知之旁人曰其馬不怒其蓋不張其童僕不麗服而洋洋高氏子弟固然也此吾家謙謹朴素之學也至宗丞贈公之訓予也以弱冠時元旦起稍遲卽以不知敬天嚴訓之又予七八歲時偶學罵人亦嚴訓之復以元日後三日猶習華服未改復嚴訓之與封公之訓無絲毫異也後世子孫苟能以畏天爲學愛人爲道



謙謹朴素爲家風庶幾無隕先人之訓矣

栢雲閣

卷十

二

重修淄川城記

吾淄城工之旣竣也邑人士詣予授簡焉予目睹成功竊快於心也久矣乃拜手颺言曰設險守國大易之訓王公者重矣然而創始無人則言言百雉孰啓新圖紹緒無人則奕奕千堞誰還舊觀而鳩工又必有所需焉滄溟之梁已沒石固未能驅來廣武之壘久湮瓠亦豈能飛至則又非阜財不可而二者更復相待焉苟用財未得其人則徒飽侵牟之腹耳蓋向來土木之費皆自胥史之猾實滋之風雨不時傾圯屢見彼以爲是茈茈者未足朶頤日祝百堵之皆傾爲大貺故也吾淄邑之自州府降而爲邑也亦已有年矣然止土垣數尺坎而登之有餘耳其易土而爲石則故明相國張公倡闡邑紳士而勸之者也迨

栢雲閣

卷十

三

本朝康熙七年地震梁口城樓崩圯所存無幾經前任估計上官具題須四千餘金工部覆准三千餘金令官紳士民設法捐修疊檄督催十載有餘又經康熙二十三年大雨傾頽城牆三處竝倒塌

馬道三處又非題准三千餘金所能完也乃吾邑明府汪侯詳請捐俸於前閩縣鄉紳士民同心赴義於後畚鍤一載有奇乃得垣墉如故欽奉

上傳念四民之保障維此下國畱百世之金湯所募止七百餘金竝不會鞭笞一戶所省蓋三千餘兩竝不煩起派一夫萬槩重新三農不害不止東門之哲詎詛無聞且與南國之棠蔭庇有永矣人皆頌侯之能仁矣而未知侯之費少而功多者以智足以知人而又能委心以觀其成也蓋是役也

栢雲閣

卷十

四

侯實一一借箸於太史唐君故一時鈴下饗養之豪洋洋有欲炙之色者咸吐舌而掉臂去焉是以褐父之睨旨酒無恙也蓋太史素負經國長材而復能詳能慎歛蕭相瑤宮之手爲陶公木屑之心一篋必衷其直一篲必核其用甚或偶有不給則以宣子杖頭少陵囊底代之故能事半功倍若此此閩邑之所共驚爲續底意外功成望表者歟蓋理財爲國家之要務非節以制度不可而學者率忽爲經生常談彼固未嘗畱心當世念時艱恤

民瘼籌

國計體

宸謨耳苟能畱心於當世自知經生之常談卽經世之訏謨也我

皇上聖德日懋聖治日周知民瘼之未盡蘇而利用之不可無度也故比來司農司空之奏疏屢經駁議六府之不匱已握其樞矣降而州縣之士功寧有異道哉昔吾邑張相國之登庸也亦以官光祿時事綜核見知於人主卒至首揆而太史之

栢雲閣

卷十

五

所爲乃更能困蘇桑梓矣前代楊石齋相國紀云每休沐歸里輒爲邑人創一二善事今古賢士大夫固有同心云予不佞夙許太史爲經濟宏才惜以建言歸田未能大見其效於斯世予每誦井渫不食之爻輒爲行惻然布指知只是役固一斑可信者予卽自附於知人亦何不可續前賢之緒而成茂宰之功自當不朽爰勒之貞珉以詔來賢般水洋洋檀山矗矗同無斁也不亦昭昭乎

重修學宮記

詩曰好是懿德此天下之元氣也明人倫以正風化育賢才以贊昇平有國家者培養元氣之道也其典在於教而教專於學故自辟雍以迄黨庠無地而不建學爲先也而於教化久湮之日則尤急焉蓋博士弟子本聖人之徒也而千餘年來止沾沾以科第自足勤習藝文期一當於有司而以爲不負

朝廷教養之意如是足矣故長吏急催科而緩教

栢雲閣

卷十

七

化士子先科名而後行誼庠序已無端士而欲寮采有良臣何可得也以故耳目所及其不由學校而出者反往往得謹身愛民之人而所稱爲兩闈與賢之選一登上第卽咨詢脂膏之地賦風隄焉甚者一入膠庠便已跋扈飛揚爲邑中夜郎王矣子弟而忤父兄不肖而凌賢哲以武斷爲豪以侮功令爲能事謂此爲

王章之所不禁而無妨於登上第爲公卿自大宗伯學使者皆熟視習聞相沿以爲固然而不爲之

厲禁嗚呼此豈

朝廷建學之初意耶夫古人之期於學者原責以經明行修處爲名儒出爲名臣以道濟天下爲正業至於博物洽聞練綜典制足以獻黼皇猷仰備顧問者其次也若夫束書不觀游談無根則譏之以爲戒乃今日所稱爲宿士名流輦輓制藝尙遠不及昔人之中馴而昔人之所譏爲不學者其過止於游談無根而已尙無傷於人倫風化若今學校中子衿也士既賤矣則學校爲具文而師儒遂爲枝官浮議者無深識謂其官裁也可於是膠庠之地鞠爲茂草而曾不一動其心此豈盡議者之罪哉實教不修士行不立夫固有以取之也吾以爲教旣不明而設教之地益不可以不飭蓋此泮宮尺寸地尙足聳觀聽而存餼羊化民興賢盛治當有賴於此也云爾然而學宮之修抑難矣一則功令之所不及也夫城郭成毀則以爲守土之殿最寄之至學宮則率謂子衿之廬耳卽淪荒圃我無與知矣則有司以爲私也而置之一則福田之

栢雲閣

卷十

七

所不急也花宮琳觀羽人苾芻之世業也私之故  
急之而希二梵之美報者一瓦一椽輒邀利益洋  
洋頻水既非好時之田而二梵福田之說又聖人  
之所不道則士子以爲公而亦置之也故傾圯日  
有聞焉天下類然矣吾邑文獻二東之望也而學  
宮之圯亦且數十年所未有敢過而問之者教諭  
孫君至卽毅然任之不以爲難也而旁觀者咸難  
之然而風義所激僇功立奏實實枚枚豆豎有奕  
廟貌頓爲鼎新矣以是知天下不患有難成之事

栢雲閣

卷十

十八

而得任事之人爲難任事之人能斷以義之所必  
當爲而出之以至誠持之以經久以底績爲期則  
尤難也而吾尤有望者記有之師嚴而後道尊夫  
塾師之嚴自好者可勉爲之而郡邑師道之嚴則  
功令爲政今博士之職權出簿尉之下卽令程朱  
振鐸安能令行禁止而風教翕然乎似當尊教諭  
之職妙選經明行修確然可爲人師者而後任之  
其果能令士子經明行就教化有成以最聞者卽  
與有司一體考選庶幾淳風立奏而人材蔚起乎

縣治旌善癉惡亭記

天下何以治平不過比屋可封遷善改過云爾而  
從風在下民提衡在執政是以言其人則曰君曰  
師言其事則曰刑曰賞而又必先有其地焉所以  
使天下之人舉目及之而怵怵心動者也所以使  
人首畏天命出王游衍而明旦臨之次畏大人赫  
聲濯靈而鐘鼓震之次畏聖人之言而詩書禮義  
日月煌煌洗心濯胃者也是以泮宮訓士有端司  
矣而縣治大門之外二亭翼然署曰旌善癉惡云

栢雲閣

卷十

十

予童子時猶及見之今六七十年來鞠爲茂草矣  
夫六七十年中未嘗無才名長吏也然未嘗有詢  
及而動念者予久欲進言而輒中止者何也蓋知  
其必以予言爲迂而且曰此文具而不足爲也夫  
古來聖賢之所垂訓者豈以爲文而愚後世哉必  
不然矣其患在未嘗至誠推行耳苟不以至誠推  
行之則豈止二亭之爲文具卽三事三德唐虞三  
代之法皆文具而無足道也豈惟詩書之所訓爲  
具文卽二帝三王若而人後世豈能覲面乎卽皆

以爲無是公鳥有先生無不可也此卽才名藉甚  
可以攀黃提龔軼卓度魯但知繭絲保障爲梧掖  
之妙選豈知學道弦歌冠聖治之崇功乎則吏治  
民行不問而可知矣予邑今歲得天張侯以閒出  
之才照臨最土下車未及期月而百廢俱興如河  
陽壁壘勃然改色縣治麗譙一新舊觀而二亭頓  
復焉且也畚鍤之功不日而竣北門之暫了未聞  
焉而又皆倒史雲之橐而告成者也予爲之躍然  
而喜以知前代之風徽欲復而我

栖雲閣

卷十

十一

皇上治平四海之心紹統三代之道得承流者而  
旦夕可睹之矣況我

皇上六諭之成書各省直督撫已皆詳演而廣布  
之果使家喻而戶曉逾人之鐸振於月吉而孜孜  
興行易矣其不率教者令三老以時報聞而獎之  
懲之一一遵

王章而不忘則二帝三王之盛治又何疑焉故予  
妄以爲欲四海皆善人無奇道遵

君王之法奉父母之訓而已欲成循良之績無奇

法行之以至誠縣之以不倦而已一邑如此力行  
則一邑有善治九州如此同行則九州睹上理也  
而自予邑首倡焉則予邑侯豈非天下之師哉  
九重譽命三事崇登此固不待言者矣

栖雲閣

卷十

十二

恤幼局記

上帝好生帝王承之以育天下而卿相以逮守令百職皆分生天下之任者也故蚩翹猶有所不傷而況於同倫乎道路之人推刃猶有所不忍而況於離裏者乎乃南方溺女習爲固然前賢勸說亦旣班班矣至我

世祖章皇帝諄諄戒諭刊布

宸章此又前代帝王所未逮者我

皇上敬天仁民覆育萬有一夫不得其所者宛若

栖雲閣

卷十

十一

痼瘵在身上視

世祖章皇帝若合符節也往者山東告饑今獨一

歲田租矣頃歲山西被災之地亦然仁覆博濟蓋

歷代所罕觀哉使者之祭中嶽回也引之

御座前面問河南百姓饑否蓋虞溝壑之有捐瘠

若是其瞿瞿也比歲朝審罪犯率多立決今歲從

臺臣言頓復矜疑舊典蓋雖大憝當辟而

皇上猶愀然欲延其旦夕之生若是其惻惻也乃

有甫出胎胞便膺水火慘毒動天毛裏絕類者其

爲如天好生之心所隱痛又當何如耶予於湘楚

道上偶以其地溺女舊事詢之輿夫皆曰固然且

壘蹙曰不止女也雖獲雄亦多不舉矣予駭曰有

是哉弄瓦不育仇儷將絕稚齒先摧丁壯何望且

無父子之恩是毒於虎狼也損版籍之戶口是

朝廷罪人也傷天地之化育是人理生機已絕滅

也何以至此極乎輿夫曰女子之溺也以結褵難

耳俗之敝也不恥其教之不淑而恥其奩之不厚

束帛寥寥若撻市朝者然因習於忍也予曰此有

栖雲閣

卷十

十一

司與士大夫之責也婚葬有定式則下不靡矣大

姓敦儉節則俗可易矣簿正祭器不有術乎越分

僭禮不有罰乎若之何其恣殪以殪忍也輿夫曰

是則然矣男子之溺也半菽不給故也是又將若

之何曰此非士大夫之責也而亦士大夫之責也

皇上如天之仁而不以

上聞且大賢統蒞父母孔邇而州縣亦捫舌莫以

告者何也夫嚴殺子之罰則令行於下矣申連坐

之條則罪聞於上矣艱於食者官爲之局以養之

則蔑不濟矣彼勾踐小國耳生女有賜生男倍之  
南宋偏安之地也慈幼有局贍於官焉此古來人  
主之事可徵也卽以今時言之揚州有育嬰之會  
則商人倡之燕京亦有育嬰之會則朝紳供之此  
非士大夫之好行其德施及於懷幼者與今卽未  
能補贖

九閭廣生萬有而創法置地攢貲擇人憇憫郡邑  
賢有司各子其子曰鄭父也曰賈君也曰僑也國  
之母也不亦光流世史功書上考有餘乎古之人

栖雲閣

卷十

五

有於棄兒書券不許長大之後其父母復認之者  
而兒以生有以丁錢棄兒乃爲之措處以代輸者  
而兒以生則前賢之遺軌具在也大中丞晉侯周  
公以道濟天下之懷而始之荆以安老信友之志  
而先之幼亦猶行古之道也夫古來無父曰孤王  
仁首被矣然怙恃雖失乎未必卽擠於溝壑也卽  
擠溝壑尙須時日而非卽命盡俄頃亦非卽其生  
之育之者手斃之也奇慘如斯此蓋三代之所未  
有而亦聖仁之所不忍料者矣何幸一旦獲全羣

之水火登之仁壽是三代聖王養民之政所未逮  
者矣我

世祖章皇帝勸諭溺女者於前而今

皇帝日殷殷以民饑民溺爲憂上與炎帝虞帝之  
生天下同心謂先聖後聖之不一揆者我未之前  
聞也是役也仁以育之義以正之旣沛

先帝之遺澤茂育無方且廣暨之而帡幪有進焉  
於以輔我

皇上求民之瘼育物之仁者於是乎更隆矣後之

栖雲閣

卷十

六

君子當有同心生生大典守而無斃允矣百世之  
仁哉

京都學院署記

皇帝踐阼之四年蔣虎臣先生上言臣蒙

聖恩忝膺學政然校士無專署不稱

國家作人至意今鹽臣移署津門臣昧死上言乞  
以其署爲多士考課地臣暨士子幸甚章下部覆  
請如學臣言

詔曰可

王畿學臣自是

都門有事署矣伏念我

栢雲閣

卷十

七

國家之受天寶命也一戎衣而四海永寧其上邁  
漢唐遠甚而

皇帝紹衣聖緒丕振儒宗申膠庠之制嚴賓興之  
典亦較前朝有加焉蓋所以陶一世於詩書而登  
明選公嘉與士大夫弼佑維新之治又特改臺臣  
出鸞坡侍從之士司之甚盛典也然而課士貴得  
人而校士之地亦重焉乃改玉以來衡文舊地易  
爲新豐鷄犬之區每士子載筆獻技之晨往往假  
浮屠氏舍代之此豈所以廣厲思皇比刺六術經

制哉夫課士之地與育士之地自有制科以來其  
竝重久矣今育士之地自虎闥以及郡邑泮水之  
宮翼翼猶前代也卽間有鞠爲茂草淪於蔬圃者  
數年以來大司農出水衡錢及有司捐輸修之俱  
芹藻煥然博士弟子鼓篋彬彬起矣而學臣視事  
之所則尤文移所貯科條所頒品先資拜獻之言  
而一一詮之者也其所以提衡多士而尊黃圖而  
風示海內者不尤重乎而

皇上慨然採學臣言朝上夕可其右文禮士之意

栢雲閣

卷十

六

上煥菁莪棧樸無以加矣而籲

特恩彰盛典則實自先生始也先生質擅岐嶷夙  
有江夏黃童之目弱冠及第珥筆北門人人羨爲  
蘇歐復出而不知家學有自太翁鳴玉先生以羊  
杜之茂績闡洛濂之微言所著經書諸解勃宰理  
窟鯉庭異聞視漢代傳經諸大儒世業學官箕裘  
章句者度越無等矣振鐸以來一刷士子靡靡之  
習由歐蘇而登之兩漢北方之學者乃始知有古  
文辭而教諭引翼則尤以六德六行爲先獎孝友



崇名德雅叶先王廣厲學官之意其與平仲之在太學安定之在湖州奚以異哉鈞陶

王畿而大起之多士得師如逢年焉斯地也固又以人重矣後之履斯地者以道德爲學宮標的以經史古文大家爲藝苑指南如農之有畔而無越思焉斯足以承

聖天子右文寵儒之譽命而先生爲首善惓惓請命之雅意迺無負云

栖雲閣

卷十

十九

修般水官垣記

予邑故爲般陽郡云城南二十里許迴溪窈窕中珠瀉般陀活活有聲者般水源也水出泉不百步穿魚頭河石梁而北至前崖莊西折至邑城坤隅下而孝水澎湃自南來雙龍宛延合於麗譙之下北行長驅入溟渤矣方水之在城南也大約附西山之足余素有山水癖會乙未以定省歸往往屏車騎僕從率昆從之能躋勝者單衣徒步汗漫閒遊沿溪昂首而西望則羣峯如髻髮石花如繡峯岑附綴者如崩雲如怒虬如猿猱踞踞而欲下飲物色百出及登山而下窺之則長溪北走澗谷鬱紆觸石注壑輒潺湲有聲其邨曲林薄斷續映掩加以斜陽明滅隱見殊姿是陽午浴照影青溪樵牧晚歸濯足空澗風雨來而萬玉鳴漁梁照而千峯夕此固幽人湯沐邑也若以一卮置濫觴之地策杖追之越岸穿林輒席蘭茝倒鴟夷嘯咏坐臥二十里之內皆令有琴樽延佇焉其爲會稽蘭亭不亦龍伯之視侏儒乎然而尙未爲一邑潤澤之

栖雲閣

卷十

手

所仰也惟水至城南三里許莊曰窰頭其莊之東  
隅邑人士伐石堰水彷彿金堤支流北來匝於城  
下山南而北西折乃入大河則綠水環周邑堞宛  
在中央矣記余竹馬時負笈之暇重闔竊步明河  
掖下顧而樂之郭外夏畦薑薤之入與封君等其  
大姓則踞勝卜築平阜相望築山浚沼掩靄潏迴  
跨水爲梁臨水爲閣注水爲池引水爲花溪竹圃  
芙渠鏡裏風來百步之香菱芙蓉樽前霜落千珠之  
棗一衣帶水之爲功也如此而太平風物士民之

栖雲閣

卷十

三

各有其樂也猶及彷彿見之頃以兵荒將至遂塞  
邗溝父老顰蹙向予言彈指滄桑終歲不復飽菜  
茹而臨池臺榭亦皆傾圯略盡遺黎一二或有能  
指其地咨嗟道之者其士大夫則曰吾邑十年來  
科日壘壘勝矣然而千里霜蹄發軔多蹶似稍遜  
向者諸君子堪輿之說此執其咎青烏家言或亦  
持有故耶天下事興廢何常此自關人興會耳邪  
許同心小小位圭何難告者予雖無負郭一畝田  
而重違父老意倦鳥長林頽然自廢而聞諸君子

之昂首天庖坐臻萬里未嘗不莞然而喜若子瞻  
之神醉意反有餘於啣盃也然而予亦竊有幸者  
侵假而淼漫重來滄浪復故一碧如帶風約蘋香  
萬綠如雲雨踈菜甲予將竚立微風支頤畫堞山  
翠蔚藍堆人懷袖聽琮琤田間之響過吾師丈人  
遠矣下呼老圃與話瓜瓞菰臺以自附於抱甕丈  
人之流漢陰不遠居然濠濮般水之曲何必減盤  
谷也騷人逸客當有聞而賦之者矣

栖雲閣

卷十

三

道州橋記

頃予奉

命恭祀虞陵永州之南筇輿瀟岸道過茅江口僧人以疏相示予曰云何僧人云山溪如矢屬此寨案驅石無鞭布金皆果過客寧無意乎予曰長江北注雪浪橫飛青雀黃龍疾跡上駟淺淺小渡不亦贅乎僧曰不然石固巉岩地當孔道南通百粵北抵兩京轉耀逆流嶙嶙石齒舟危橋安昔人炯鑑亦久矣且單騎徒步負戴輦任之子安所盤得

栖雲閣

卷十

三

餘煌而乘之予曰然成橋云何幾鏤可竟僧云鼎足有三二者已竣矣星使乘輅宰官畱帶古人亦何多讓焉予曰太府且至當共商之前途追及太府劉公與有同心予亦隨喜迨南歸而僧復來多爲吉語且將勒之石焉予笑曰竹葉遊瀛乘輿濟洎古人游戲輿會有然耳二梵福田我自不煩爾爾豐干幸勿饒舌可也但試與子徐步江上兩山東水蜀峽何殊瀟瀟盈盈翩然白鷺漁舟買艤時蕩漾於微風夕照之間右顧明溪淙淙瀉玉穿遠

嶂而東來天矯宛虹浮空轟轟如在重霄上或過客驂驛或遊人步履徒倚憑欄閒適可掬彼積日乘流者蓬窗伊鬱想當以舍舟登陸爲歡而自高臨下送目江中命酒繙書布帆高掛偃仰支頤千里已度衽席上又未嘗不羨乘風破浪遲日錦纜之足樂也異日者太守公五馬觀風熊幡江滌望長江上燈火亂使君還子瞻佳句高鳴空山又當寫入瀟江畫圖無疑矣僧亦笑以爲然乃題二絕付之

栖雲閣

卷十

三

河工底績紀事

舊史氏曰天下猝有非常之變濟之者豈不在得人哉而有志濟世者雖具有爲之才不際其時無以自見也卽際其時矣而不得尺寸之柄則亦不過旁觀袖手滅沒於碌碌旅進之列而已安能卓然有成以自見於天下耶故於吾邑治河之事而深有感也黃河爲漕運害也久矣而比年爲甚方其洪流橫決時舉朝錯愕

天子臨朝而歎封章累累滿公車不能得要領也

栢雲閣

卷十

五

行河督臣乃起三省民夫千里而操畚鍤人皆知其厲民而漕事重大莫能難之予時佐憲拜疏爭之亦不能得也而鄉人自東國來者則言齊魯洶洶蓋齊魯之民憚於離室家跬步之遠視若萬里然而奉茭下梃復恐爲陽侯所俘且時方沍寒皸瘃膚裂故郡符屢下咸搖首咋指莫應也其慨然請行者則飲賭無賴子弟將以此役坐致犄頓而又輒作爲辭謝裏足狀非飽其谿壑不肯行及趾一出邑門則洋洋跋扈所過狂嚙不可繆適至其

地官家金錢一入手縱酒呼盧自豪或投一管焉

或肩一石焉已高臥鵬青樓狹邪爲樂矣甚者旋卽襖被歸里故以逃役累其主人重索高貲將至再至三而未有肩息日也故邑人懼甚非獨惜貲且慮追攝之機旦夕至以抗役撓功爲大辜也無何而邑人歌舞於途歡若更生則相語曰錢尉府有告諭至矣其中詳述河夫驕蹇玩愒狀了不受役業已以水衡錢僱夫竣工諸逃者雖至亦無所用之矣其仍有要挾嚇詐者伍伯與杖可也合縣

栢雲閣

卷十

五

人士遂得高枕臥而河夫自矜爲數年豪縱之計者一旦失之啣恨至骨乃向河廳刁訟不休幸河廳審明坐以罪乃止濫則事解而鄰邑長山鄒平諸縣至今貽害追呼未止也夫各省河夫之害深矣新總河王公至洞悉此害湯火乃除仁及三省廣矣大矣而前此燎原方揚溜一隅獨無恙則謂非尉府一人之力可乎夫舊督河

朝廷大臣也彼豈不欲寬主憂而蘇民瘼哉特以未悉民瘼而其下奉行諸職官亦恐異議妨工異

日難執其咎雷同苟可謝罪已矣厲民與否我勿與知可也故亦卒未敢有與總河歷歷言之者而予上疏半歲後承

皇上召對時不佞復娓娓而陳河夫之害

上遲疑動色亦以河流叵測一日召集不至千里潰決爲虞聖人之憂民如此其至也向使早得今王公任其事而其下皆得如錢君者若而人則底績也亦已久矣又向予與今大司馬明公論及相業予謂相業不在多才只用人二字足矣推而廣

栢雲閣

卷十

七

之大將在選偏裨督撫在擇州縣故自人主而下以至大僚執要自有其本也夫毛遂一言而定二國之盟趙卒以單車而還其主豈非建功故視其才耳不必專屬卿相而爲之上者以人事君方爲盛節乎今

堯舜當陽而太平尙遲遲有待或者懷才之士未盡得見其長歟援毫引領蓋不止頌錢君一邑之功也

亦園記

易齋先生之欲致政而歸也予貽之詩有棲鳳樓前眠驚浦濯龍門外釣魚舟之句蓋先生有園在臨朐治水之源水竹千頃二東勝地也旣而未遂懸車乃復遺予書曰

聖恩深厚未能頓返初服也新構亦園於崇文門之東南隅介育嬰堂放生池間聊述崖略子其爲我紀之予所然而笑曰前書始于識乎蓋仕隱之分途也久矣夫排金門上玉堂紬書延閣之廬高

栢雲閣

卷十

七

議雲臺之上此幽人逸士所褰裳而避之未敢左足窺者至於盤谷綸絲輞川漁艇此則高冠長纓輦轂諸君子之所不問而幽人逸士所據以爲湯沐世封於世判若鴻溝然而未許公卿之帑寄號鄭者也乃若貫朝野之川涂作通隱之郵置若平泉綠野之勝古之人不有行之者乎而後之人論其世者固有說也蓋唐宋之建都也東則大梁西則咸秦而洛邑則其東西陪京耳彼時士大夫一通朝籍輒忘其桑梓而咸以洛陽爲菟裘懸車之

後卜築疏鑿以娛暮景故園圃臺池之勝比比而  
是遷相雄長遂爲天下所指名卽贊皇晉國二公  
亦其致政之後畱與陪京間於休沐之暇軒車過  
從以徜徉娛志於詩酒間遂爲千秋佳話耳非能  
朝登政事之堂夕散濠梁之步下直東華而去遂  
不廢我嘯歌也先生是役也毋乃視先賢爲尤快  
乎李文叔嘗謂洛陽園圃爲天下盛衰之徵信矣  
蓋不佞弱冠時卽聞予邑張聖鶴先生秉鈞崇正  
之末也萬幾叢脞無論游眺之不遑戴星而入夜

栖雲閣

卷十

七

漏下數十刻乃出歲以爲常其勞悴也如此苟非  
三十年來上理旣奏朝政清暇將如前朝執政之  
劬劬而恐後也欲以步履林臯其可得乎則名區  
勝賞其爲太平休徵荷  
聖天子在上而錫士大夫以清宴觴咏之樂無疑  
也而其議尙有未盡者夫偃息在林非士之所以  
報國也明矣然而國家大事其恩遽孰若兵興者  
乃古人之於行陣也猶有臨敵安閒若不欲戰者  
早賀戰勝焉此晉國之所謂好以暇勝者也故安

石之奕棋絲竹足規廟堂雅量而諸葛之綸巾羽  
扇亦稱名士風流夫古之君子必澄神味道心遺  
六合超然萬物之表幾類於幽人逸士之爲而後  
能經物而不窮蓋其意思蕭遠若無營故指顧咄  
嗟而定大故應大變若承蜩耳不然而搢搢於衡  
書傳食之閒僂焉如不終日也者其與能也幾何  
哉然則煙霞癖癩未足通方而邱壑情深正堪通  
濟自非通人或以拘墟相格固其所耳是知古人  
所優園林勝事鐘鼓清時之咏非止太平有象而

栖雲閣

卷十

七

太平無疆之基於是乎益爲苞桑矣且予按是園  
之地幽曠兩絕車馬之音不至固此都清涼國也  
萬縷將披細柳知濃陰行埒蘇堤數尺自出清泉  
是神力驅成香海游鱗依梵唄說偈而降天人碑  
版埒顏蘇祝釐而揚

聖壽誠威若之盛事哉至亭曰活潑潑地則尤油  
然與人心會焉者也不止天光雲影悟化機於空  
明抑且翠竹黃花示毘盧之法界萬物咸熙一真  
獨露此尤先生之所欲與人共焉者也先生名園

曰亦亦之時義大矣哉試與旁睇九寓上窮百代則亦冶源也亦梓澤也亦平泉午橋也亦鷲峯鹿苑之附庸而仁民育物之別館也先生既坐而有之矣而縉紳之挾樽而至者騷人墨客載筆而遊者流水長者爭名居士一逮三支二朗之流杖履及焉者皆怡然謂卽吾廬也夫都門亭園原屬於朱邸王侯以及於士著縉紳與夫猗頓五陵之豪耳其秦晉齊魯三吳百粵之通籍而居者皆寓公也車轅南指他人入室矣子猷種竹叔孫萇宇不

栢雲閣

卷十

圭

亦勞乎先生固曰吾一出春明門則此地公之常住吾不得而有之矣而莼芻亦不得而有之夫彼旣不得而有之則不得而鬻之信斯言也凡旣不亡楚原可去是地也將遂同於廣莫之野建德之鄉歟燕山潞水沙碣無盡矣雖謂爽鳩之樂萬古無殊可也

重修禹王山廟記

夏王廟重新邑人索記於予予曰往年疏文之中亦已詳言之矣昔人臨河之嘆明德之遠也茫茫九州萬載攸同矣一枝之安皆文命遺澤無疑也而舊蹟未湮者懷懷尤億焉予邑之南禹王山有祠正舊蹟之未湮者也嵯峨猶存丹青已蝕諸父老慨然欲新之予曰此報功報德之大典載在冊府豈同於里社烝嘗鷄豚伏臘社鼓坎坎現舞僇僇者乎然而聖王之功與天同大天之秩祀地在

栢雲閣

卷十

圭

泰壇司在太常原非下里父老所敢炳香布幣者甚明也然而山陬海澨之遠亦有琳宮溪毛澗芷之微亦陳散座蓋匹夫匹婦一念之明信亦□□之所不鄙也聖王之祀於邦國也亦然況此祠之南二十里內山壑之間尚有鐵杙船材千秋不朽則吾輩今日桑麻之野輪奐之廬其在鴻荒往代固魚龍之窟而滄溟之腹矣非神禹經營之烈何由蒙業而安乎則刊旅之瘁而四載之乘於此地尤孜孜矣諸父老感於廟貌之淪風雨而慨然議

鳩工也不亦於古人明德之嘆有同心而於報功  
銘德之典爲允協乎然而明禋之薦既報功於前  
王亦錫福於來禋神功盛德之救萬民也如良醫  
之療百病故積陰在元圭平地而積陽則桑林回  
天痼瘼之切不止一端歲之大有將於此永賴焉  
知吾邑遯康庇於無方也在此役矣

栖雲閣

卷十

奉

栖雲閣文集卷第十終

栖雲閣文集卷第十一

淄川 高 珩 葱佩

題辭 跋 贊

翁社申約題辭

士子所誦法仲尼之書也而仲尼之道今反墜於  
地將燼滅矣非天實爲之蓋卽仲尼之弟子爲之  
以其誦而不法而譁然曰仲尼弟子世遂亦惡而  
斥之曰仲尼之弟子乃如此也陟降在天者寧不  
涕泗闕里悼歎庭堅之祀乎三疾旣變易古而今  
怪證百出扁鵲束手一隸泮宮遂以躍右爲固然  
不殊一隸尺符者遂視脫巾爲固然嗟乎今有子  
夏氏之小儒豈非聖人哉至或列之媚下丐上是  
自取之又將誰尤夫豈昔之聖人慮不及此哉夫  
昔之聖人蓋亦深爲聖道慮也以科弟誘其經義  
以經義誘其經術以經術誘其明經以明經誘其  
修行此所求在四累之下也彼其之子忘修行也  
而談明經忘明經也而談經術忘經術也而談經  
義今竝經義未明醉夢而忽忽科第矣如此科第

栖雲閣

卷十一

一



公卿可耳君民豈有賴焉不止買櫝還珠而已務華絕根矣幸

朝廷寬大不忍驟罷制舉但稍更制藝以警之爲士者可不三易腸乎吾謂

聖人在上風教將隆欲士人敦行修德更在督學廣文之制實行保結以勵純修此

廟堂及宗伯之事也尙有待焉至糾同人而嚴視履爲善於鄉此士君子之自勵者也景生之約盡

矣此不佞所三歎而恐行之後時者也當力行以

栢雲閣

卷十一

七

爲海內倡吾日望之不置云更爲之箴曰希聖有方一言曰敬翼翼小心惟畏天命其事則義而本於仁充吾胞與始於事親歸仁乃終克己乃始改過又新如昨日死以友輔仁黽勉求斯季路之喜百世之師

勸民緒言題辭

予每謂善世之學濟世之功惟有志之士饒爲之或乃謂三代之治不可復睹九州之大無賢者何歟予讀邵侯勸民紀而乃有以自信也言簡而意盡坐而言之起而可行且可計日而觀其效若立竿而見影者然昔周元亮先生之治齊也告諭之文疊疊數千言若與家人婦子語若奇快通俗小說若謔若嘲必俗必盡覺盤庚諸誥之餘不可無此一快韓柳歐蘇之外豁然創此一體予矜之愛之旣以爲帳中秘而亦將以爲公之象魏也久矣今讀侯此冊尙覺元亮辭費矣然以之移俗各有當也乃知卓魯龔黃了不異人意五鳳元康之績拾級而登如唾手耳讀予友環溪之題辭莞爾而笑有同歸也

栢雲閣

卷十一

丰

釐弊題辭

夫創制惟以利民而興利不如除害蓋甘雨之膏潤澤誠大而湯火之害痛苦尤深故也我淄弊政多端皆以權宜階厲沿而益甚循爲固然彼秦肥之視越瘠原是途人卽止沸而僅揚湯何如去火自非仁勇備至孰俾瘵瘥忽尅茲幸蕭公祖痼瘵切心霹靂爲手盡剗宿弊若耨新田更幸諸公祖嘉與更絃慶深得歲毅然去夫害馬不失其馳從此卜其有鳩爰得我所改轍如投藥一朝立起沉痾垂法若畱方百世永爲龜鑑知後來之賢者諒有同心頌當事之良哉用昭奕世譬識兪跗之姓名以永畏壘之俎豆云爾

栢雲閣

卷十一

四

題玉駟疏

昔人謂文爲載道之器余竊疑之謂文何足以載道久之潛心儒釋諸書乃悟非文之足以載道而自有道者立言則道在其中矣故言亦不可謂功也而自經世之才抒之則動而愈出淵然爲鴻功之籥此予之心折於吾玉駟年丈也當玉駟以時藝名海內時方弱冠耳而靈雋峭削之章煒然爲藝林祭酒矣二十年來乃得握手金臺下出掖垣封事讀之幾令震海陽氣滿於大宅乃知晁陸諸子尚在人間而天下原無不可起之弊無不可圖之功也阮步兵途窮痛哭雖白義山子若繫金柅而五丁運掌金牛之下遂開鷺叢彼千里錦城頑頑天府是豈天降地出哉智力之所通然也賈長沙三表五餌其術固已疎矣痛哭流涕安得不與步兵同歟至若刺鐘無聲伐毛多竅姚元之馬前十事參井鳥道立爲坦途今古攀提何必有閒吾意玉駟將抽簾揚裏起矣頃以需次暫脂南車余又深爲玉駟喜也夫丈夫墮地以後事非出世卽

栢雲閣

卷十一

五

濟世耳君家仲方名在玉清此南國所共知而玉  
駟所目睹者也二千年來五百里內三茅二許豈  
異人哉玉駟勉之矣雖然

聖天子方向學垂裳將旦夕致奏太平於三代之  
上吾又祝玉駟之衡山煨芋且爲鄴侯也

栖雲閣

卷十一

木

李子常爲長枝立嗣題辭

噫嘻三代孝友之風果不可復見於今日乎何所  
聞所見之日以澆也予年來耳目所及有以一錢  
而鬪於門內者矣有以相怨一方而忘其怙恃者  
矣有以反唇戟手上逮高堂方沾沾自矜爲豪而  
以伏首遜詞爲大辱者矣何其淪胥至此極耶或  
曰教化日替故風俗日敝桴鼓響答此長民者之  
責也且也以三物六行迪翼斯民者

聖天子亦旣煌煌重巽以申之竝載諸考成令甲  
矣而下以掛壁懸置之此非長民者之責而誰責  
也是固然矣然而斯日之長民者不亦難乎軍興  
方急田功未奏大農使者蒿目久矣朝下一檄曰  
正稅未完也夕移一牒曰漕儲未充也斯時也卽  
比屋可封亦有當考功之法否吾但使金谷滿品  
褻然侍從清班翔步烏臺青瑣有餘矣何區區適  
人之爲煩也雖然親親曰仁敬長曰義田里婦子  
咸能知之其皆爲

國家象魏之懸司空城旦書也而孳孳乎抑以降

栖雲閣

卷十一

七

衷有德因心有愛而自致其所不容己者耶太伯季札大聖賢吾未敢遽以望之世人彼漢唐以降孝友列傳若而人馨傳班范易奕千秋謂皆緣執圭誘之於前司敗懲之於後以至此也必不然矣所謂雖無文王猶興者此也可以挽澆俗可以登上理可以補良有司之所登興並可以拜答

聖天子之訓誥吾所以讀子長之紀而肅然起敬愾然三歎如見古人也子長以名胄子弟夙有良吏才而復力敦天敎如此蓋孝友性生念大宗而

栢雲閣

卷十一

九

隆祖考卓然置身三代以上於彞倫漸滅之日爲空谷遺鏞非易易也始知太伯季子之行非盡由於敎化亦聽有至性者自爲之耳夫太伯自至德一歎後世儒無敢更置一喙者而於吳公子乃有遺議焉是何後儒責人之無已而必以深文刻核爲惛淫者嚆矢乃自托於責備賢者之義又何賢者之不幸而春秋之義反爲後世鳩毒也今子長之所爲彷彿季札又無繼世之虞可以滋其苛議家庭盛德事不又加於前賢一等乎子長行卽出

而服官矣其卽以此牖民孔易西漢循良何多讓焉子長勉之哉謂三代之治遂果絕望者是何所見之不廣而待今天下之薄乎向者丁巳予於武康署中卽晤子長得悉此事歎賞不能已已今年矣乃得睹南明府之跋語益知彞好之有同然而古道可復也

予拙於臨池從未敢浣人箋紙況統素乎重違子長之意乃命沈子書之自題數字以識仰止之私耳

栢雲閣

卷十一

九

仁孝題贈鄧元昭

天地之大德曰生聖人以長善歸元吉事有祥盡於此矣仁之爲道也外則準之天內則準之心無大小之分也故大之至於道濟四海而非博小之至於一蟲一禽不以爲微而不足加之意且極於微而乃以全其博焉仁之量如是人之心如是天地之德如是也然而育萬物之仁則由於敦一本之仁始仁者孝之源而孝尤仁之權輿矣吾友元昭鄧先生把筆妙天下不佞數年前聯袂鑾坡心折爲海內文人也頃予致祭帝陵輶車荆楚每息駕澤國輒念顏魯公蘇端明之前徽可接友人卜圖南先生謂予曰至金陵不可不晤鄧元昭蓋元昭之爲流水長者已有年矣予乃知先生又仁人也比晤先生急詢發心之故則視世人之愛物爲德更有進焉者蓋先生以祿不逮養風木多悲借濟物之功補養志之憾每於忌期輒斥百餘金爲之無倦孳然後聳然服先生之爲大孝廣伐樹殺獸之訓於終天啣恨之餘而予亦鮮民瞠乎其後

栢雲閣

卷十一

十

栢雲閣

卷十一

士

焉者固已久矣夫世人之所矜爲孝者不過豐俎華詒五鼎之養九命之榮止耳亦知有以萬物一體之懷推本於所生而仰贊上帝好生之德永言錫類者乎推斯意也明道所爲萬物各得其所者已盡焉先生殆天下爲人子者之師矣或謂親親而仁民士大夫宜先其遠者大者沾沾羽毛水族其與能幾何予曰否否夫心無大小萬物之性命亦無大小坐視垂盡之命而詭期利濟萬有其誰信之且也錢刀慳出囊中耳而盛氣洋洋謂西竺小慈儒者所不道何其忍耶況所謂利濟萬有者非位躋卿相不可得吾見卿相亦多矣而能行其志以及斯世者幾何人其視於將枯之白骨立傅羽肉當下一舉手卽爲全副造化者果何如耶夫以孝爲仁蓋超然於福田果報之上而楊環孔印了不足以動其心者其仁純而以仁爲孝雖士庶之志事乎而於古聖賢所謂歛萬國之歡心以事其先王者大小固有殊義亦約略同之矣其孝不爲尤大歟昔顏蘇之奏請放生池也以祝聖壽

而先生之孜孜於此也以報親恩惟忠與孝總歸於仁天下之爲人臣子者宜於此有動焉否耶然先生中年艱於嗣今已濟濟荀氏龍矣此尤所以爲大孝而天之報仁人者固不爽哉

戒牛題辭

予弱冠卽戒食牛時舉以勸人人無不莞然笑也後聞

世祖皇帝諄諄戒諭竊喜海內可立從風矣乃告諭懸之通達而酒壚食肆之後依然血肉淋漓徒爲屠戶游徼者增厚利耳豈非有司之禁者弗誠罰者不力而煌煌

上命徒以爲故事了之乎予役湖南見州縣屠牛者遂寡則晉侯周公祖設誠之力也公於是乎可

謂全物命寡民過廣

主德者矣夫屠牛已事冥禍明法諸君子已詳哉乎言之予不復贅聊臆談以助解頤可乎衣冠之倫談衷仁義所貴者伊何曰親也功也賢也牛亦畜耳然與鷄豚固不同其性命知識駸駸近於人矣謂非親之屬焉可乎粒食之原惟耕是賴非是族也錢鏐何資焉謂非功之屬焉可乎楚南多虎牛遇之輒與鬪且有以護牧兒不憚俱斃者此貢育之勇而兼仁者也乃南畝之中五尺童子折箠

驅之竟日餓勞不敢抵觸柔順利貞大易所云坤德非歟可謂賢勞者矣乃人以口腹細事至不惜判刃親者功者賢者而屠之噉之一何忍也吾願士大夫讀書知道理者一念之也至於亡命椎埋之徒了不畏死則自有

朝廷三尺在苟能專責簿尉嚴坐比鄰而厚罰之小人惜財如命何患其不從業也哉且世間營生之業亦多矣而擇術必出於不仁何其愚而不自愛乎則公仁民之德以愛物而功之被之者深矣

栖雲閣

卷十一

十四

是書也當公之海內不止楚南當垂之百世不止一時也

范文正公淄薛辨題辭

昔王粲賦成樓光荆楚賈誼井渫入弔長沙夢謝有亭懷蘇名渡懿厥前修垂爲世賞景行瞻夫遺踪懷古於焉永歎千秋旦暮情有同然矣正如景星慶雲不必問其躔度何直餘光所被卽慶嘉祥者理也倘有好事生端勑爲奇論如謂歸昌之翼不在周京別有岐山於焉戾止此雖非損益之所闕而於事理爲有舛欲以徵信古今良亦難矣范文正公幼而寄居淄之長山也國史譜誌班班可據久之乃有青陽宰丁黼之記遂以滋疑焉友生劉君博稽而詳證之屹然南山鐵案不必臯陶而聽可無焚也夫後之人辨百世以上事豈其能起九原而訊之然故牒未毀年月昭然又何疑於掌果乎公孫丞相之以鄉賢祀淄川庠序也數百年於茲矣頃修邑誌載績畢君亦博稽而詳證之已揖而還之故劇矣不勝敝邑豈敢揚嬰相之解也者勿亦以降靈有地許田未敢久假也卽令先民無反唇乎倘有執簡而進者與爲虞芮之質載筆

者實職其咎懼無以折充宗之角云爾不然者平  
津之義槩正色雖未能參長孺申屠之座而罷西  
南之役阻卜式黜寔成亦自錚錚固非中下李蔡  
聊敢雁行也夫汗青之紀雖貴直筆亦存厚道豈  
其睥睨漢相固轅固一言遂下逐客之令乎必不  
然矣夫毛遂聲同桓魋形似三蒼之誤亦有然者  
焉馬魯魚其誰是正之以劇之淆而爲薛也庸詎  
知淄之不淆而爲池乎淄川誌之正公孫也免於  
紀侯大去喪其維桑長山誌之正文正也等於季

栖雲閣

卷十一

七

子來歸光乎鳧釋義以相形而各當矣握火而處  
井陌熙然是以君子考其圖尤論其世也卽以淄  
川舊誌論之有鬼谷洞康成祠書帶草矣夫鬼谷  
一名見於雲陽見於雲夢而東蒙復有之豈飛來  
神峯不憚翔集僕僕乎司農傳經所至誠皆講舍  
而巖山之名淄川章邱久無定屬是溱洧之於晉  
楚也至書帶之草驟生通德鄉中故云瑞耳乃亦  
能逐逐康成車後所至叢生乎異甚矣夫寓公之  
屣履爲光猶可借也至若李青蓮一人也而井絡

匡廬成紀山左皆其懸弧地焉恐太白未能分身  
襍祿中也安得盡如兩君子之考慎而明哲一破  
百世之惑也哉

栖雲閣

卷十一

七



柏箋甲集題辭

予讀柏箋甲集而歎曰先生其又以春秋說易乎  
麟經之特筆也變例也辭之繁而不殺也昔賢以  
爲其中有大美惡存焉雜卦皆對舉而大過以下  
獨不對而以夬終也尤三致意焉文繁於諸卦而  
義足於乾坤聖人豈辭費哉蓋曰如是乃復乎乾  
也云爾夫剛之決柔是天下治亂關鍵也邪正一  
明萬國咸寧易矣乾者天之道也復乎乾者人  
之道也聖人言天道而志在人事扶陽抑陰春秋  
極雲閣

卷十一

太

一書此物此志也令春秋而在易之外易不足以  
冒天下之道矣夫乃成聖治思誠乃成聖學總以  
復乎乾也予又以中庸釋易矣先生以爲然否

題陳子文詩

頃於長安馬首見西山爽氣飛來冷翠離離撲  
勒上洗盡長安塵胃矣而千巒秋色偃蹇空濛大  
有幽人之致頗與九歌楚客相宜也乃子文忽以  
新詩見示讀之未竟覺藹藹春雲嶺上生矣風華  
掩冉著紙欲飛春衣杜陵急管平樂年少風流豈  
讓五陵豪乎子文綺年雋才礪礪英多談笑斐然  
亦復芳蘭竟體自當向金馬石渠分一席地三薛  
三謝玉軼並馳可卜矣渤海多奇何必詫烏衣也  
極雲閣

卷十一

末

予以衰遲挹此芳潤老年花似霧中看庶幾似之  
子文方當都試拔羣而前頡頏二方白帝江陵瞬  
息千里春水船如天上坐矣聊題數語誌喜云

題蘭亭圖詩

予讀蘭亭詩竟莞然而笑訝之予曰熟思四十  
 二人止一顧虎頭耳蓋亦癡點各半也夫以兩晉  
 諸人曠遠任誕塵尾風流幾若靈芝入口九竅通  
 明鳳子翻身九苞飛舞乃盡讀是日諸詩昏昏欲  
 寐胸中許多道理筆底許多古紀衝喉效顰殆不  
 可耐大如多年膠刷重紙衣裳諸君固一大厄而  
 高山峻嶺茂林修竹亦何以堪此揮酒也諸公當  
 日若專以飲酒爲政固自佳耳而逸興勃勃橫欲  
 栖雲閣  
 卷十一  
 賦詩何爲也膽雖如斗君侯固自癡矣至於甘罰  
 十六君子黠不可言彼意中自念當此勝地不卽  
 暢飲而乃攢眉相向苦搆惡詩人自量甚難必不  
 免炫紙洛陽揄千古我罪伊何一至此乎爾乃  
 巧借不成之名以發諸公之興諸公於是吟興愈  
 豪吮毫欲舞比於誘人犯法大是惡人伎倆也此  
 亦何殊唐之朝士笑具椎牛大烹乎假令騷壇有  
 人全提正令百盞之罰兼以童叟決在豪吟諸公  
 而捫舌十六君子欲分餘瀝亦了不可得矣唐制

點額士子率飲墨藩以其胷中無點墨也今豪吟  
 諸公墨多而雜以膠殆不可浣請飲純灰三斛何  
 如然而豪吟諸公功在天地則又不可不知何者  
 天地一劫正如士子一生亦復始癡終黠士子人  
 人有一部欠通藏稿須數百篇發洩淨盡則佳作  
 出矣天地亦有一部欠通藏稿須數百人發洩淨  
 盡則佳士亦出矣然則三謝三唐非賴諸公大勇  
 一流汾澮之垢豈能獨爲後勁哉則癡者固慧者  
 之鼻祖歟天下事往往如此不止筆墨一端爲然  
 也  
 栖雲閣  
 卷十一  
 主

偕老園題辭

古來園亭之勝咸以平泉金谷爲歸此古今卿大夫之艷羨而不可得者也至於鹿門採藥山澤好逑臯廡齊眉琴瑟素節亦士人之佳耦門內之芳型矣然而贊皇潘令席高位擁多貲極欲窮奢旖鳴鼓吹盪壑轟山粉黛蘭香疑仙胡帝謂足以騰耀九州誇示千秋矣而時事一移繁華頓歇海外名花日南語鳥一旦化爲冷雨寒煙迄於樵夫牧豎躑躅而行吟之地豈復有四十里紫絲步帳二

栢雲閣

卷十一

三

十四友琴樽響答乎至於龐梁兩君子唱隨顧步道風秀世誠飄飄霞外有餘矣而東窗眉黛鏡臺裝新南園春輝花閒路曲閨閣勝事恐亦窮巖斗室之所瞠乎其後者也去巧安君以名卿之後清白克世其家與王孺人白首相莊撫膝下森森蘭玉盛矣乃復於閨閣之內小構午橋交枝芍藥影分纖錦之窗比翼鴛鴦聲啣台歡之樹晨夕延懽愉愉自適豈非跨鶴揚州移家樊園兼前賢之所難兼而竝撮裴王之勝者乎同人歌詠比於琳琅

予亦續貂聊發一笑去巧當爲噴飯也予草此未終適君弟天錫過予予因笑謂之曰南園張謂一詩中有少婦同行之句則綠珠紅綃掩映璇宮飛瓊杜蘭點綴玉井尤爲佳勝不知主人亦復有志否乎天錫曰然吾將問之

栢雲閣

卷十一

三

會館會約

各省皆設會館所以叙鄉井之情敦協恭之義也  
蓋吾輩幸際昌時偕登朝序比肩事

主拾級升華此自當屬宿緣良亦可云盛事矣所  
以先輩高賢退歸林下猶復同題縑素表著丹青  
追京國之昔遊憶蘭茝而永歎在籍宿墨奕奕如  
生而當前寥絕笑言未接毋乃踈乎且也既分職  
守則當勞勩

王家各有本末則當鏃勵名行於焉追蹤前進楷  
栖雲閣

卷十一

五

式將來又非嬰鳴麗澤之義不爲功矣是則一觴  
一語亦有韋弦又非止筵侈簪紳歡申桑梓已也  
今將比擬諸方立爲春秋二會爰卜期於四月聿  
款敘我同人竝博訪各館成規以酌定諸賢坐次  
永爲世守良是雅誼諸丈如以爲然單至各書尊  
字

平心錄跋語

世之負康濟雄才自命管葛之亞者多矣有確然  
立志欲致治於三代之隆者乎或欲治臻三代矣  
有灼知先務在寡民之過而遠於辟者乎期民遠  
於辟矣有知以正人心爲拔本之計者乎聞是三  
言鮮有不以爲迂者而自負雄才者尤甚亦何怪  
泯夢日熾而遂謂先王之邳理必不可復睹於今  
耶予不佞素無當世之才然而志在教化久矣妄  
以爲適人之職聞師鄉三老之教戒乃王道之所  
栖雲閣

卷十一

五

由基而古今升降之所自分途者也周櫟園先生  
之觀察營邱也期年而政成民易志焉其治跡未  
可以更僕盡而絜其大要蓋獨能知  
天子授節涖民之意與古來聖賢使民寡過之心  
平心一編其見之教戒者殷殷矣公初以制藝雄  
賢科繼而以詩歌妙天下是海內之所共知也迨  
卒業是編而覺向之以文人目公者殊爲未盡夫  
以龍門之逸才韓歐之大手竭次卿延壽之心爲  
閭師鄉三老喃喃之語滌澆俗之垢腸而三易之

固古來文士集中所無亦古來良吏傳中所未有也其情摯故文繁而不殺其慮周故事肆而無遺其筆妙於舌故能豁然通人所各懷之情而洞然中於其念是以聞之者如自言其意如代發其覆其懼者遂以安疑者遂以信徂而不可破者遂如雷動而冰釋而霍然自恨向者之大非也蓋以通俗而入之隱爲主故人亦遂不自守其情而字字首肯語語心折不然者必令姬公端冕尼父陳書襲盤庚洛誥之文竄清廟明堂之字鳴鐘伐鼓聚

栢雲閣

卷十一

圭

在多言此何以稱焉予曰否否夫人已之道固殊也言廉也而行則汙言惠也而衷則慘鸚鵡之語是則府辜矣若夫人而不仁不義也而訓之以惠心迪之以正誼風雷之震若之何其以爲贅也再則曰修辭亦尚體要此無乃辭費乎予曰否否夫詳略之用固殊也史記之妙在灌竇相如諸傳笑語如生使腐儒操筆不過曰長卿竊女灌夫使酒而已二言誠爲居要然千載下尚有子長哉不特此也麟經垂世正賴左氏一傳洋洋盡致耳不然者鄭伯克段於鄆段果何人克緣何事千載下夢夢必矣功過尙不可知詡爲傳心之典化工之筆不亦誣乎古人以嬉笑怒罵皆文章又何若以嬉笑怒罵爲經濟者更奇也夫致治於三代之上是曰太平然而天下之平必以人心平爲本未有人心不平而天下平者也平人心又必以各正其心爲本未有人心不正而能平者也正人心又以力覺其非爲本未有不令之各自覺其宿非而克正者也予嘗謂孟子之功不在道性善而在正人心

栢雲閣

卷十一

圭

非孳孳好辯以格其非不爲功然則治世明道將  
無同歟是功不在禹下者也此一編也吾將廣之  
海內垂之百世爲志在三代者先路焉

張玉庵先生傳跋

高子曰吾乃今而知良吏之重也少時數讀循良  
傳輒掩卷以爲無奇竊意諸君子誠長者然煦育  
和平非有赫赫可喜之蹟足以震煌奕世也者下  
至刳豕伐樹之類抑末矣而班氏乃筆之史冊卒  
爲符竹冠冕何歟嗟乎鳩葛不毒孰知參朮夏屋  
無意風雨爲功蓋席承平之世者久矣

君父之德猶將忘之而況良吏乎吾乃今而知良  
吏之果重也顧安所得神爵元鳳諸君子而見之

歟卽不然揖其子若孫而進之比於甘棠猶將百  
倍而世祀縣邈蓬華之間亦不可得而識也頃讀  
松霞張君所爲玉庵先生傳輒慨然曰此非古循  
良再觀哉孰謂僑也遺愛而末由睹之三代下者  
且郡人士之歌思也亦足重爲良吏勸夫平陽畱  
鄧褒然湯沐之邑數世而後寧幾存焉者乎而河  
南潁川南陽諸區數百年封域子姓召杜龔黃諸  
君子直以畏壘俎豆坐而有之其爲帶礪也不亦  
多乎至裕如先生之詞尤有加焉則業在大雅文

王之章矣是又以繩祖武之烈爲

王國廣馮翼者也夫使繩繩多士各勤念祖無或  
遏抑前人光其爲蓋臣孰能加焉無寧茲理人之  
譜一氏百世進之而召也有虎伊也有陟夫孰非  
以弓冶之求聞於永世也者率是訓也吾見張氏  
之世殖其訓而未有艾也朱邑曰後世子孫奉我  
未必如桐鄉民蓋以苗裔固不可必耳而邑之子  
若孫後亦果未有以功庸世其家重爲祖烈焜耀  
者今二瞻君以進士高第司李武安亢直自守不  
栖雲閣

卷十一

三

肯一依阿權貴人蕭然空橐如諸生時入郎司馬  
意泊如也時時過從不佞習無城府意令冷遠出  
塵壒外夫人惟無欲於世世之賴其用而以大受  
責之也乃不可量矣然而朱邑之桐鄉固不能踰  
玉庵之濠洲而先生之貽謀克昌所得又與邑孰  
多哉

呂新吾先生集贊

歲壬辰予始於市上得先生訓小兒語卽洒然異  
之曰此不止具訓蒙士也而聖功端矣繼而請假  
歸里於友人座上見先生理欲貧富二圖益稔先  
生覺世婆心遂以此圖遍語親知謂凡案閒各宜  
置一通因有以先生文集見示者字字晨鐘破夢  
也其中與鄒南臯在反格物諸辨尤爲鞭心見血  
自是欲得盡先生之著述而寓目焉又恐先生當  
年或以默識爲宗而不甚留意文字又或急於窮

栖雲閣

卷十一

三

理學道而引手餓溺未數數焉私淑之心當不能  
無缺望也迄丙申還都門見中州君子輒詢先生  
子姓若何乃知今比部君蓮岳年兄先生孫也快  
晤間復惠予以理欲身家二刻其爲功於教化風  
俗甚大偶一日於友人席上向楊賢甫父母談及  
恤刑數則直南面者金科玉律也而賢甫復以實  
政錄見示既卒業乃作而歎曰三代教養之法具  
在是矣是書苟行之天下而民不登於春臺世不  
升於大猷者未之有也先生立身植節麟鳳前朝

而遺書復衣被百世荷歟偉矣昔人謂程伯子得志可令萬物得所王伯安先生以豐功大業名在鼎彝爲吾道一洗迂踈之謂然而伯子小試吏治未有專書伯安之功如以藥石起沉痾焜煌一代而布帛菽粟爲四海不可一息去者則先生之惠斯世尤無窮也以先生視二公灼然伯仲之閒矣此外遺書猶有呻吟語及所輯醫卜勸化諸集片字皆吉光裘也尙以未見爲恨方將百計搜之並前諸刻統表章以公之同好焉乃拜手而爲之贊

栖雲閣

卷十一

三

曰噫嘻儒術之不隆也騰口譁然而德有愧於躬行視履矚然而澤未廣於兼成孰能檢身慄慄乎寡過而垂謨道濟乎九瀛是爲先生絜量齊乎明道而方軌躡乎陽明洵斯世之津梁而吾道之干城歟

栖雲閣文集卷第十一終

栖雲閣文集卷第十二

淄川 高珩 葱佩

碑文 募疏 傳

祀炎帝碑文

古來風土爲紀方州有乘者多矣所以採擷幽逸憑覽往蹟備輿圖而詔後人也故鄭公之里楚臣之宅千百世而下聞其名者如登其堂過其地者徘徊而不能去況於古皇之神臯聖帝之靈寢萬世首出之一人乎則其山川風物亦萬古首出之地也明矣是惡可以無紀耶予戊申卽

栖雲閣

卷十二

一

上命恭祀神農皇帝於鄆縣邑無城郭又二十年兵燹之後一二聚落沒在榛莽中予乃館於羅氏之祖祠則文學羅君率其子姓衣冠來謁濟濟彬彬不減京洛遺風也急詢帝陵故事則以一編惠焉迨予謁祠竣事周睇山川鹿原雲秋歷歷如指掌矣予惟古帝王之開天地與歷代帝王之開國祚略同也開國者以取天下爲主而養天下之道則需之繼起之人蓋緩急詳略先後異道然耳故



庖羲急於明天道而五穀以育天下之生百藥以  
衛天下之生則維炎帝之道尤烈云由是言之萬  
世之喘息林總由帝以存則萬世之喘息林總相  
延毋替者猶是帝之蒞其上而撫摩之也故神京  
致祀歷代煒煌而衣冠所藏此寶靈區羅子於兵  
燹之餘臚存文獻良足嘉也謂非倚相之一斑乎  
夫梓里之未紀何有乎九邱八索裔皇帝陵而不  
登之掌故彼彼長沙之井渫永州之潭洞雖足存前  
賢遺跡乎亦未矣吾知後之採湖湘風物竝識帝  
栖雲閣

卷十二

三

王陵寢者其有取於斯文無疑焉至予以一介星  
槎叨承

帝命得燭香帝陵下可謂宿緣厚矣而萬里衰病  
之身布帆無恙霜露靡災則神貺不既多乎季秋  
返棹時登南嶽祝融峯頭遙望帝陵拜辭北發煙  
雲滅沒中疑金支翠蓋彷彿接也庚戌臘後得生  
郵寄此編視前加詳備焉燕雲天上回首茶陵歷  
落江山夢遊可續亦足解頤矣獨未簡災石之辭  
重予汗下雖父老厚意不逃王人而觸目凋殘無

能爲計愧矣愧矣後之仁人君子之節鉞斯土者  
誠念古帝弓劍所藏等之湯沐一二遺黎可無鳩  
歟當有惻然而立蘇其困者是予所禱祀而求也

栖雲閣

卷十二

三

京都建彌陀寺碑文

洪維我

國家誕膺天眷

至聖踵生

太祖

太宗以豐功盛德肇啓寶錄皇皇大統已歸我

大清久矣迨我

皇上以上哲之姿鼎新乾造敬天勤民惟日不足

故手攬萬幾未浹歲而百度維新兆民時若天下

栖雲閣

卷十二

四

喁喁聿追時雍風動之休萬世無疆大歷服蓋於

茲永建焉百靈翊贊而諸福咸臻固我

皇上以道治天下坐而致之有餘也凡茲臣庶方

將珥筆揚休仰進天保之頌乃

皇上聖不自聖猶孜孜焉思爲天下凝休用採天

竺之道佐我平康爰咨西僧建塔禁地以奉覺皇

釐景命焉臣等有以窺我

皇上合德神明祈天永命之思緝熙無已也臣以

爲治世之道一而已矣本於修身極之平治天下

此儒者之典訓而二帝三王所不能外者若大雄

氏崛起天竺證果菩提或則議其元微寂滅無裨

人倫或則驚其變化神通不可思議臣以爲此皆

方隅之見也夫變化神通彼誠有之後世傳其緒

餘者亦未嘗不偶驗然此固彼教中有道者之所

不貴也至其如之以清心屏欲澄練神明極之於

六道四生陶冶天地允出世之要道哉而於治世

之道殊途同歸殆不可誣是在善用釋氏者得其

精微以輔至治教殊而竝受其福耳矧帝王之福

栖雲閣

卷十二

五

原與臣庶逕庭道在六府調九功彼躋下民於春

臺之安貽後世以磐石之固一身福祚無意而自

臻焉降福穰穰孰能爲聖明量者我

皇上聖敬日躋壽域宏開體此能仁登於大覺斯

正取其精微以輔宏化彼教中所謂金輪治世者

意在斯乎阿育莊嚴始基之矣詩有之永言配命

自求多福我

皇上秉至道以爲理欽五福以錫天下而益以篤

一人之祐於無疆所謂自求者非歟臣得廣天竺

之旨以代天保之頌其亦信而有徵哉

補修梓潼山鄭公祠書院募疏

覺山原名梓潼山固般陽之小岱宗也客或疑曰  
廣輿誌中華恆衡岱有定位也亦已久矣彈九一  
區而僭名嶽可乎予啞然笑曰是未可以一言盡  
也華藏界中恆沙莫盡降而鄒衍九州亦復恢然  
此猶往代之言也卽以大西珣瑪寶之書言之此  
亦章亥所瞿瞿者矣然此猶異域之言也但以此  
方故府所列者爲麗農爲廣桑人亦盱衡其地否  
乎蟻蛭爭雄孰爲墳簞則嶽瀆之難定也明矣此  
固當以共主所宅者爲準耳如一人跛足而立東  
西朔南之名一刻分矣從來帝王建都有地而五  
嶽因以受名古今同一揆也吾淄邑令長出治之  
所既有其地矣此亦百里之主也則天門日觀降  
而借其寵靈以統列嶽不亦宜乎夫東嶽者天地  
生氣之所由滋也而生氣之滋以德以經德者天  
常經者天文也人知君之生天下矣抑知師之生  
天下亦無盡乎故尼山崛起鄒泗而道德文章日  
星百代亦有地靈之助然也梓潼山童阜耳而鄭

公以經術祀王君以孝誼祀俎豆千秋固不偶也山之腰有康成故祠祠之後有樓巋然蓋邑人勒石王君所捐貲而特矧者已數年於茲矣登樓四望若在雲中西俯山城萬家煙火東眺村落燦列丹青城之西爲奠山再西則長白副嶽睥睨天孫由西而南三台巉巖萬山東去舉五城十二樓隱現空濛安期僊呼之或降焉其北則謁帝朝宗燕雲極目萬國此其會歸矣煌煌乎登覽勝地也予弟□□將鳩工而補其缺者以樓板則須榆柳以廊廡則須瓴甌廣之以爲邑士藏修之地且將久要以訂之曰修業固士人分內事其黽遑固不待言矣吾願後之居此者咸以鄒魯爲高曾而弓裘翼翼孝於家忠於國出而經營四方則爲商霖歸而訓淑一邑則同通德使邑人視履而臧蒙業而安則是山也固東嶽之所分靈而東魯之可接統者也況夫西蜀梓潼固七曲帝子之宮也燦燦文昌寶充東壁彼前代白鹿嶽麓山長命之九重文獻照乎百世一區五嶽相爲伯仲未可知也予

嘉其意而爲之一言知諸君子之有同心而積壤成邱自可觀成不日耳

修甘露王菩薩祠募疏

甘露王菩薩祠者報甘露之貺而樂建者也或者疑曰雨露上帝之澤也不歸上帝而他爲報焉亦有說乎曰有之陰陽妙密吾未敢臆度也試以人事喻之凡四海之蒙大澤者皆天子賜也然而九重遠矣其請而贊也有卿相居其中其受而布也有守令劑其下天子端拱受成已耳故百辟之勤民皆帝德也而帝德下下則非賢有司無所濟何者皇帝之子視萬姓也明矣而卿士不然或子姓

栖雲閣

卷十二

十一

視焉或路人視焉甚且寇讎視焉未可知也天下地畝不清或無糧而墉櫛自若或無地而科歛自若上赫然下明詔遣廷臣履畝而清之至明也而無糧之地果盡出無地之糧果盡豁否徒責賄而爲胥吏利耳此猶曰法也法之爲雷霆爲雨露各有之非盡沾沾令民喜也至於二鬴不登甘心溝壑矣上惻然發太倉之粟爲道殣續命此非堯舜如天好生之仁乎而壯哉雀鼠竟無一粒及元元徒拜浩蕩之詔而撫心耳哀此子遺幸當堯舜之

世仁澤沛矣而死亡如故不少減悠悠蒼天此何

人哉故小民聞朝廷建良法而惴惴特甚聞大澤將至而太息流涕者益多豈其愚癡不慧哉彼蓋熟知朝廷之志在利民而奉行者惟利己己之利也非厲民不爲功則力爲厲民之事若不及反不若良法不新大澤不降民雖無易轍之可歡而亦無求金之可懼雖溝壑竟不能免或不至耗朝廷之恩而徒令鼠雀飽死之爲愈也以明揆幽或不甚逕庭乎夫雨露之作也倘信若世儒所言山川

栖雲閣

卷十二

十二

之氣無心而自起自止焉則雖謂上帝無功萬物亦可也苟知是山川之氣而不止山川亦有江河之水焉不止江河亦有蛟龍之化而又有司之作之者焉則吾之歸功甘露大士不亦可乎何者大士而請民命於上焉則安上流民之圖也或矯上命而行焉則長孺倉粟之發也其或向主者旁貸之則臧孫玉磬之請也其或以神力自致之則業陽息民之惠也昔之神龍蓋有捨身以濟衆者矣仁人之救物也不可意度而仁神之救物也吾敢

意度之乎雖其澤誠有所自而究以奉上帝好生之德而行之然而上帝尊矣大矣非一二元元所能報所敢言報也取以歸之吾所請澤之甘露王菩薩不亦宜乎廟貌旣飭慈靈益遠下民將有所瞻禮而恃以無恐此亦大士之所許也諸君子盍竭力圖之

何思先生傳

何思先生長山人也年長予數歲相去一舍而遙然不面者亦已有年矣壬戌清明節偶相晤於市墟歌臺之畔神情安以舒膚理腴以潤耳目步履若纔五六十歲人然予驚而問所自得先生笑而不應再三責之乃告我曰予束髮受經卽濡首排偶制義中旣通籍後出入金馬門日昃休沐則又有賓筵報謁紛紛沓至矣其於廣成之旨伯陽之教未之有聞也然而存心養氣四字竊服膺焉予

曰存心養氣四字此吾儒之薪傳而聖學之正印也然而世之號爲儒者類能舉其辭而實未嘗一涉其藩夫尼父言心矣而未嘗及氣言正心矣而亦未嘗言存心予不佞亦嘗深思之邪者戾正固失心之本矣而亡則辭更危焉雖肉血存而土木偶也可乎夫心固身之大君矣苟不能統氣而爲我用猶之元戎高拱而環衛無入也不仍危乎故尼山之言得子輿而始暢猶之精一危微四言止耳歷諸聖互發而敬義仁智乃全也予再問曰良

田每每四字存矣耘耔之術云何先生曰予得靜和二字子以爲何如予曰先生之守尤約而盡哉夫主靜則人極立矣致和則萬物育矣造化在乎手萬化生於心者此也心遊溟滓之初氣凝保合之籀廣成伯陽之諦何以加焉涉以止靜之徐清歸根曰靜靜曰復命冲氣以爲和終日號而嗟不暇和之至也此非伯陽之言乎無視無聽抱神以靜守其一以處其和此非廣成之告黃帝者乎至矣盡矣但吾輩尙未能掉臂塵寰之外人倫物命柄雲閣

卷十二

古

而鄉黨篇中數則妙盡養生絕四固我意必神超象帝者又何故耶此豈遺官骸而言性命耶世儒買櫝還珠昧履習氣爲方外之士齒冷也久矣得先生一以貫之其愉快也爲何如是亦闡前聖之所未發者已先生一字大木一字雨嵐今稱何思者何蓋久有會於大易何思何慮之旨故也夫思睿作聖交而引於物者可謂思之正乎寂然不動感而窒其通者可謂何思之正乎詩所謂不識不知而帝則以順易所謂無思無爲而天下之故以通者良可繹也而明道先生亦曰心要在腔子裏前賢謂明道所謂腔子裏亦只是太虛而已雖終日應酬而不出太虛卽是也若不在太虛便是私欲妄行斯之謂放斯之謂亡茂叔之無欲正以此也旣以無我而太虛爲歸則卽人卽我卽實卽虛卽凡卽聖卽人卽天卽蠢動含靈卽諸佛菩薩夫思而無思無思而思乃神作聖之睿於是乎滿矣先生於學庸之中獨提二字於周易之中亦獨提二字可謂金剛眼媧皇手已得元珠而二氏之寶

卷十二

古

藏已盡於此矣先生登丙戌進士科初授中書舍人旋陟給事中歷都科陞太常寺少卿其官西掖者凡八年侃侃論列凡二十一疏海內傳頌焉以育人才則有旗下教習銓選之疏副榜充貢之疏才有思皇而豐沛多械樸之彥光生壁水而賢閩無崔烈之譏矣以恤民隱則有荒糧同仁協濟代解酌議漕糧折徵運本之疏而追呼立登於春臺代僵無憂於桃李運輸不病於災荒矣以釐逋逃則有嚴飭詐害補議窩逃安置流亡之疏而貪殘

栖雲閣

卷十二

七

戢翼荒閩法燧於周官籍沒無憂里閭得蘇於株累居停罔虞澤鴻得免於捐瘠矣夫國家大政總於六部足矣而復妙選時英登之言路一言破的立濟時艱良有以也先生上廣

主德下恤民瘼卽部議或有桷鑿而能談言微中立使轉環苦心妙用微矣哉夫絲綖已瘳乃見國工灑瀆驚舟千金匏貴姚元之之相業豈不以救時哉予三問先生曰三千八百鍾呂權輿先生之利濟亦可得聞乎則曰予家徒壁立無善可行惟

兢兢不敢爲惡耳予曰是矣修身以遷善爲主遷

善尤以無過爲先故易云損德之修也而以益德之裕繼之顏子聖門高足也一則曰不貳過一則曰有不善未嘗不知知之未嘗復行也故善純而惡始消如水之滌垢也亦必惡盡而善乃至如玉之無瑕也吾聞先生遂初以來恂恂鄉黨人皆忘其爲卿寺顯秩也蓋先生幼年夢中關帝與之剖何思之義且以如石喻之故先生又取以爲字而並名其齋又比年先生竈中忽現大士形如燕京栖雲閣

卷十二

七

審變觀音然靈通感召不可思議矣夫先生之志道也如此其濟世行己也復如此歟康民定國之訐謔入致虛還元之真諦則關帝與之提耳而大士爲之現身也不亦宜乎予不佞固未能測其所至矣



劉顯之傳

予少而好讀唐人傳奇諸書於劍俠及諸義烈人恨不旦暮遇之偶仲美過我酒閒談顯之事輒不禁擊節浮白婆娑起舞也劉必顯字顯之邑庠生文筆矯異不寄人籬下慷慨好義慕古人韓生白先生延之爲其子仲美師久之先生爲許州佐壬午城陷死之仲美纓絰往迎廣柳時蛾賊充斥豫州路鮮行人親友惴惴無從者顯之適來視仲美知將南行因問曰千里畏途道弗不可行也仗劍從子者幾何人仲美曰未敢以煩親知也顯之毅然請從不返舍卽襆被行矣次東明晤舊邑令辛君以別墅止之顯之不可次長垣潰兵滿野城中戒嚴閉城中者十日出而次開州西折至滑縣越衛輝至新鄉仲美病不能前計無復之顯之將隻身渡河而南仲美難之顯之決不容己已也會有鄆陵人單騎北來者顯之跨一馬傍之南下仲美作河南故知及當路書數函令往商進止約七日爲期後二十餘日音問杳然仲美憂甚扶病日號

栖雲閣

卷十二

六

河干忽見鶉衣憔悴徒步來者依稀似顯之仲美

疾趨泣問曰先生人耶鬼耶顯之曰幸甚無恙汝父柩在後舊僕王代興扶之旦夕至矣仲美乃拜伏地哭執手問狀顯之曰別汝後卽至新鄭賊騎蔽野見予兩騎各驚愕鳴鐘發礮予夜宿林薄閒旦日叩邨人語之故隔垣度食得以無甚餒越滎陽長葛久之達許州城破後居民四散屢問無知者遇一人自言名田忠先生舊役也道汝父殉難事甚詳並指藏衣冠地且曰一二殘民感公遺惠已伐北壇栢爲碑焉乃導予至舊僕惟王代興在侍香火受邑人弔唁邑人致牢麥給朝夕困累累矣因治裝將還時府委官挽留且將申文上臺請賻有舊例予却之卽售馬得百五十金僦二輿與夫倍之爲行計而王代興有前討賊時俘婦爲室不欲北予與田忠曲喻之以大義且曰北歸便乃各就道夜宿黃河突有南陳叛兵至盡劫行裝殺輿夫二人予裸身越牆伏河畔僅免體無寸縷村媼投一帕蔽下體乃號於市曰我山東庠生來迎

栖雲閣

卷十二

六

許州死難同知韓公靈柩者也特以親知義故冒險前來今被劫不能前矣其子某俟於河干汝輩有能扶視過河者當不惜重酬汝時河南被兵人里人各分寨自衛有張王兩人皆寨主也感予言而前曰公好義天下豈無義士乎乃遣夫四名擁護而前三日北渡河矣予急返公柩前函竝未投也仲美搶地哭不能起少旋靈果至乃由衛河歸焉夫劉君之於韓氏賓師函丈誼耳然非有金石深交而公子亦未嘗長跼以請也或曰劉君文奇

栢雲閣

卷十二

丰

崛人不識也而生白先生獨賢之有知己之言在嘻知己二字出文人口中亦習氣耳未必片言生羽毛也而每墮阿己者雲霧中如龍褒吟咏卽官牛酒爲千古笑柄實多然至於三朋而獲剖璞一言而識然明此事故足千古難矣難矣而欲以是責人之報則實應且憎者有之彼鄉會兩闡師此終身榮貴之階也其爲知己何但一言乎而當其掃翟公之門掉臂而不顧者比比是也若夫沾沾一言不惜九死踐羊腸履虎尾而卒使丹旌北還

首邱無恨此可於今人中求之哉向有人與予談交遊恩怨事予曰恩怨不足深論視其爲端人與否耳彼誠端人也卽有怨亦以直報止耳當不至刺骨不可解若有涓埃之德必倍蓰償之矣倘其人多機智而不可測也矣梯嫵媚能未言而得人意他日一有小忤不止前歡頓失其乘機下石惟恐後者必此人也嗟乎緩急人所時有也苟能手執司命之籍富貴亨通若操左券則日交滑澤詔佞之人以爲金石可也不然變出不意可以托緩急者幾人哉劉君蓋加於人數等矣劉君今年八奏餘神尚王而固窮邨落中人少知之者予將攜樽往訪之相與飲酒縱談竝叩其未盡之奇焉視古人所傳義俠何若也

栢雲閣

卷十二

圭

一門三義傳

順治四年六月賊陷淄川城以義死者皆已載邑誌中矣而一門節烈千載煌煌則尤以汝符張公一家爲最邑訓導金明宋禧昌贈之扁曰一門三義此實錄也至本家傳略一編更爲詳盡予讀之而雪涕沾巾不能己已謹贅數語於後以誌景慕云按傳公諱泰瑞號汝符故明丁丑進士儀制司主事累贈大學士松石公諱敬之孫碩隱邑增廣生仰松公諱中發之仲子大學士贈少保憲松公

栢雲閣

卷十二

圭

諱至發之姪也公生而聰敏弱冠入庠碩隱公善書公倣之有瑯邪家風公幼即以孝聞後碩隱公及許太孺人相繼歿遺女四人皆尚幼方屬續時公長兄尚在也而遺言身後事而以屬公必誠必信附身附棺皆無憾焉元配譚孺人同邑別駕見紳先生諱誠言女孺人撫育諸姑無間言其賢可知矣公承少保公廕入監讀書或勸之仕弗應每共二三知己把酒談心一揮百練意豁如也性敦睦而不畏豪強公從兄孝廉伯開少保公長子也

家頗饒邑之貪暴有力者眈眈虎視久矣乘甲申

京師失守遂假城守犒軍爲名索孝廉白蠟粟米無算而鎔壑未罄勢不盡吞其家不止時土賊王茂德作亂日夜攻淄城有二豪者乃相與僞爲賊書縛箭上置城隅隙地使其黨發之誣孝廉以通賊而陰使人賁賂焉否則將加害詰旦召集諸薦紳於城隍廟而拘孝廉公不離孝廉左右與俱往至則桁楊已陳於庭二豪瞋目責孝廉曰汝通賊賊書可証也僂將奚辭遽令人拽孝廉下襁褓履

栢雲閣

卷十二

圭

將加刑焉孝廉卒未及應公厲聲揚言謂城守戒嚴通賊矣自賊射書何獨爾家得之且亦孰見此箭之自外入乎吾兄不過以懷璧之罪取怒於若輩耳若輩婚姻也亦世誼也利人之財胡乃爾苟邀惠免死此外均非所惜也必欲以莫須有相加則吾願從吾兄於九原勢必復拉若輩同質於此乃整衣望神座再拜豪黨相視愕然失色私謂不意張氏尙有此入方結舌莫知所措時給諫韓公乾字諱源後爲同卿者從容言曰向使闖賊不敗

吾輩已膏鈇鉞久矣今幸免於難而以此加人是  
闖賊法也無使張君以闖賊目我豪謀稍解逮

皇清約法既定公復勸孝廉勿與契掄爭以俟天  
報噫方豪惡構難生死呼吸間公毅然弗懼視棄  
財如脫屣可以爲難矣至順治四年六月十四日  
謝遷寇陷淄城有丁可澤者實啓門應賊舊衙公  
城旣陷或告公寇且甘心者公不應往拜家廟語  
諸兄弟及家人曰死生命耳語未畢而賊至執公  
去脅之以刃曰能從我乎公不少應誓之竟死譚

栖雲閣

卷十二

五

孺人聞之一慟幾絕水漿三日不入口乃自織長  
帶置懷袖間曰未亡人慮有他變當持此自盡耳  
時次男譜妻高氏同邑都憲東溟公孫女也甫合  
卺十有八日孺人指謂曰吾所生四丈夫子雖尙  
幼吾無戀焉其隱忍不即從乃翁死者徒以若耳  
若累我若累我高氏解姑意乃晝夜隨姑姑哭亦  
哭姑食乃食如是者二十餘日孝廉憫之使人謂  
曰吾弟素德於我厚安忍聽焚斃母子毀泣於外  
乎可遷避我舍孺人不得已就之旋曰此皆高堂

大厦急不可以綴卽死非吾家恐失吾夫意遽辭

歸孝廉弗能強也所居有一小院人跡罕及至是  
恆命婢掃除之家人不解其意至七月十一日晨  
興方沐忽有聲如震雷孺人驚幾仆地或報曰此  
官兵火攻城陷聲也孺人被顏曰今日天兵殺賊  
矣少間人馬聲嘈嘈賊大潰多更衣潛匿家人求  
幸免良逆莫辨或聲言且大掠孺人謂婦曰可以  
死矣脫被擄何顏見乃翁地下乎叱高使避高不  
聽乃偕入小院中大扃其戶出帶袖內自縊死高

栖雲閣

卷十二

五

氏亦解帶縊於姑側旋有卒憑垣以刀斷繫而已  
不救矣兵卒環視者咸驚嘆曰節婦也相戒勿入  
其室焉後縣令以其事上之中丞彙題下部部胥  
索例四十金乃允行諸孤幼而貧計無所出孝廉  
曰嘻小子輩烏知此吾何愛阿堵物而不以成若  
父母之名顧若父母何如人此事何如事而竟以  
賄得請焉榮乎辱乎不如其己也以故同時者皆  
被旌而此獨否高子曰此予讀張氏三義傳略而  
隕涕不能已也蓋予與公累世姻親而公則予

父行性慷慨豪邁每與予樽酒快談往往徹夜私  
念公他日入仕途才氣無雙當爲縉紳翹楚他不  
具論如孝廉爲勢豪所辱公視鼎鑊如節數語自  
可千秋不意倏以義烈終矣此又亘古不朽者也  
夫人譚氏循吏譚公閨秀而亦以義烈隕身非偶  
然矣卽借寓旋歸之言思之金石之節不已昭昭  
如左券乎而兒婦高氏則又予大父中丞公之孫  
女予叔父光祿公之女甫結褵而卽殉難尤爲閨  
秀所難一門義烈千載旃檀九州茫茫不能多屈  
栢雲閣  
卷十二  
素

韓節婦傳

筭穉而以冰蘖間固葬序之庸行也而與古今之  
英雄賢哲忠臣孝子氣感風雲精薄光嶽者同有  
千秋何哉人未有不愛其身者愛其身矣欣齊避  
蓼固將百計以辭其所苦故雖平日以偉丈夫自  
命有素俯仰之間而失其所守蒙恥冒誅而不敢  
復置一辭比比然矣況於粉黛弱質乎蓋雖云庸  
行而茹苦則難焉故也如吾邑韓節婦信笄纓之  
蘭蒨閨閣之楷模矣節婦吳氏韓君茂寅配也家  
長山于歸後兢兢內則奉舅姑以孝聞譽一女方  
六歲韓君不祿時節婦二十三歲耳越六月得子  
因取名曰全志幸也痛念藁砧守一不渝時當明  
季寇盜蜂起節婦攜幼稚奔走移家風鶴驚怖且  
瀕危者屢矣而歲復大祲饑殍告匱百方拮据初  
不以累高堂難矣及

皇清定鼎韓君猶子理予從妹壻也司李雲間攜  
節婦母子而南與司李子今進士維翰同學節婦  
踰一載告歸將爲兒納婦司李分俸相贈節婦殺

然曰以是貌諸孤累汝撫之誨之爲賜多矣何忍以婚娶末務損清俸謝之而行無何司李不祿節婦霜朝雪夜每與吾妹相依蓋八年如一日也無何予妹病逝節婦洵然曰予未亡人未能卽從夫子九原徒以弱子未能成立強顏視息人間多歷艱辛惟孺人能知我今孺人棄我歸地下矣如予未亡人何哉其感愴深至如此聞者咸爲隕涕云夫琴瑟靜好人有同心黃鵠之哀暮年猶可輕也今以韶齡稚齒茹藥懷冰前望期頤茫茫江海正未有津涘可冀則苦尤甚焉世人皆知捐已殉所天於地下之爲難而未深思難有百倍於捐軀者卽以之使化碧流丹投繯飲刃一瞑而千載不視者其久暫之苦判若雲泥程嬰舊事昭然千古難尤甚矣然令業擅素封懷清之臺猶易易也黔婁之婦四壁徒存饘粥維艱而漉澣不匱抑又難矣夫古來忠臣孝子以及節婦皆不以難阻而求其心之所安者也不以難阻故履孟門之險如夷庚務求其心之所安故死者可作生者不愧信矣哉

栢雲閣

卷十二

七

昔人之論士也曰先器識而後文藝予亦謂女子當先志節而後功容彼宣文帳下止曰經師道韞帷中何關名教春華秋實庶子家丞之輕重不亦昭昭日月乎節婦松筠之操焜煌韓氏者多矣而懿美昭度又不止見於一家也其於母家則爲今進士舜玉君同曾祖女兄也節婦自幼能當從母沈太孺人意每示子舜玉君曰韓氏姪女以節義著甚爲宗祏光且可爲閨中模範也自是久任舜玉君家沈太孺人卒節婦哭之痛舜玉夫人棄世遺藐諸孤節婦咸教育不倦焉迨戊午舜玉復棄世節婦爲主持喪紀以逮其子女婚嫁咸彬彬表於禮焉教兼師保儀備吉凶允矣閨閣大師方軌女宗有餘裕矣今歲節婦已壽登七袞雅於令甲相符烏頭緯楔國有常典聖天子方以彝敘淑羣倫旌揚行將及之而班范子政之筆焜煌蘭臺而烏奕千秋者亦將有取焉節婦於是乎不朽矣

栢雲閣

卷十二

七

孫節婦傳

三教至聖俱以綱常持世界而以了生死爲歸宿者也其途則微有殊焉仙佛之學在出世瞿曇言性此超於生死者也柱下言命此純氣之守也儒者之學在經世經世重在彝倫忠孝節烈其大端矣履常則殫心遇變則致命當其心之所安死如不及猶恐失之以刀鋸爲衽席以絕粒捐生爲樂土此中寧復有生死乎是天地之正氣與純氣同歸者也古來彤管之秀貞魂烈魄焜煌於世者蓋

栢雲閣

卷十二

三

有之矣然而恨不同時卽同時矣恨不同地率得之故老之傳聞遺牒之紀載已耳雖嘖嘖千秋乎而每以未獲目擊爲遺憾焉茲讀耿烈婦之狀而肅然起敬也蓋景星慶雲目擊之矣烈婦新城人曾祖明萬歷中名侍御祖死壬午之難父某娶王忠烈百斯公與允女女生烈婦幼適孫仲子仲子者大司馬龍拂先生之獬曾孫也仲子病卒烈婦不食三日矣父來視之一痛卽絕救以藥復甦顧哀毀之顏頓釋語姑曰兒亦將去矣次日早起更

裝束新潔盡散舊衣絮與諸婢子至父榻前執手

撫足作繆戀依依狀又通過伯叔姑家及姊姒姑姪皆握手款曲若遠別者旣歸復婉容勸姑以強飯節哀數語衆未覺其有異也將午趨至其寢室端坐以瞑異矣王忠烈公當闖賊陷燕京時里居已久毅然偕于夫人竝子士和縊於一室龍拂先生以謝賊陷淄城不屈死尤爲慘烈豈本源觀感固有自乎是歲乙卯烈婦叔舅遷葬其元配袁烈婦蓋卒已二十有五年卒木已拱棺木已朽而袁

栢雲閣

卷十二

圭

烈婦色如生袁烈婦亦謝賊陷城偕二女投井赴義者也予以一聯贈之云灝氣儼銀瓶能存日月千秋在冰心畱玉貌不受塵埃半點侵蓋實錄云夫一門之內內外節烈前後競爽如此此豈止一姓之矯節實邦國之榮施也夫仙佛之了生死世人皆能知之而忠臣孝子烈女節婦之亦能了生死世之人知此義者蓋鮮矣此至德凝道之說也烈婦死時方溽暑而飛蠅遠避面色如生與袁烈婦之不腐皆有異徵則顏魯公之爪髮於此益不

誣矣此非天地之正氣獨昇一人蓋一人特能存

天地之正氣耳故其神不朽者並形亦不朽此又

形色天性之說也然則綱常克立固仙佛之權輿

而成仁取義青史丹心完光嶽之精英者固蟬脫

羽化之神丹乎予壬子歸里過德州程部郎貞夫

贈予以所撰其里中二烈長歌蓋明萬歷中事與

王荊石相國墨陽子事類相符皆以貞淑怡然觀

化者然三媛皆奉大覺有年故能游戲死生如遊

園觀爾爾而烈婦則未聞刳心乾竺教也乃忽然

栢雲閣

卷十二

年

而往如耆宿之滅度則尤異焉此既足以干城名

教而更豁五濁人天之眼深有功於聖諦豈其來

有自耶固非予竅啓之所能測識矣至於烈婦結

禡以來婉孌而恪修婦職可以爲笄禕師者尙多

茲特表其大者如此

栢雲閣文集卷第十二終

栢雲閣文集卷第十三

淄川 高 珩 葱佩

墓誌銘

內翰林秘書院學士鄂公墓誌銘

不佞自抱疴歸里跽伏藥裏閒念京洛之同人數

承明之舊事惻然如夢矣乃中翰賽君介季霖年

丈尺書來請其先公隧道之銘予伸楮循誦復不

禁黷然移日也蓋予乙酉之春授職史館卽攝齋

滿漢諸賢之後道山蓬室觸目琳琅九寓才彥悉

栢雲閣

卷十三

一

集於斯而三韓百濟之英綠江白山之秀霧蔚雲

蒸高揖崔蔡則又往代漢唐之所不逮者也當是

時已與鄂公朝夕鉛槧開心儀爲國器久矣迨辰

巳之交予復以官詹承乏翰長時分掌三院者則

有若能公葉公蔣公皆與公同事者也其後諸公

皆升華衡鼎或縮計相之章或握周昌之印或進

而平章軍國正席政事之堂而公則以嫺於韜鈴

時時出而視師南北及凱旋抵津門而溘焉告逝

矣茲嗣君不以耄而棄予千里貽書殷殷道宿誼



昔者吾友重戚予懷雖縣憐之餘安得以不文爲辭也摘詞蕪漫聊代山陽之賦亦附有道之碑云爾按狀公姓章佳氏諱鄂貌圖字麟閣號遇義業赫人曾祖瓜公祖代公父吳公俱以醇德世其家公生而嶽嶽不羣幼卽嫻騎射母覺羅氏每勉以名臣鉅儒爲法公奉教孜孜嗜學精研文史及司馬穰苴諸書慨然有濟世之志時

太宗文皇帝肇隆文治崇尚儒術

特拔爲一等筆帖式

栖雲閣

卷十三

二

賜頂帶

召對進講歷代書史辛巳初以科目取士公舉鄉試第一人入內院翻譯會典越三年扈從

世祖章皇帝定鼎燕京時初定官制卽晉公內翰林秘書院侍讀翻譯詩禮二經及通鑑諸書公以際昌時應寵遇撫膺感奮策勵勲名蓋寢食未嘗忘也是年冬奉

命隨和碩豫親王征李自成破潼關定陝洛旋復下江南平兩浙以參畫功多

優詔特加恩賚丙戌又隨征南大將軍多羅貝勒入閩綏定海疆招撫鄭芝龍歸闕下海表悉平賜文綺入名馬二時僞撫何騰蛟憑倚川湖未歸王化復隨和碩鄭親王往征之遂收撫辰沅十二土司暨苗徭獠獠辛卯還進內翰林宏文院侍讀學士以

覃恩授拖沙喇哈番復以

覃恩加拜他喇布勒哈番是歲秋

特簡充順天考試官主滿洲蒙古鄉試取士七十

栖雲閣

卷十三

三

有一時噴噴頌得人癸巳進內翰林秘書院學士隨和碩端重親王出塞征服喀爾喀部落甲午七閩復騷動隨鄭親王世子出師時鄭芝龍子鄭錦敗而入海其墳廬妻子積聚俱在海澄縣海澄介大海中道狹如線以其將黃梧守之公密謀於大將軍移書往招之梧卽解甲降公按行漳泉修築十四城而還戊戌加一級改中和殿學士兼禮部左侍郎加一級是年隨多羅信郡王南征底定雲貴復進取浣江百蠻就撫辛丑復改爲內翰林秘

書院學士加一級班師在道感疾卒公素以冰蘖自矢身後行橐蕭然惟詩草數卷而已

上憫悼積勞兼洞晰素守

特賜造墳銀五百兩

遣官諭祭蔭二子入國學時順治十八年也予惟三代有道之長以成周爲最我

國家誕膺天命奄有多方得統之正踰於宋唐而經文緯武之制養兵育士之方則灼然比肩豐鎬無疑也蓋井田而寓軍旅軌里而具師徒周官魯

栖雲閣

卷十三

四

誓以及管敬仲之所以九合一匡者胥此物此志矣八旗之制既已合符西京至於帷幄之彥出而卽弼元戎方召之臣入而旋陳經義復與彬彬岐周德造禦侮之盛無殊焉蓋所以合兵農而廣將相之益於一途者法至善也公以天挺奇才博聞服古丁聖作物睹之期褻然舉首爲賢科無雙之士焜煌東壁五緯爲光旣而載筆著作之廬啓沃細旂之地視石渠虎觀前烈何多讓焉橫經之席每未煖輒賦出車秦川楚塞以迨吳越歐閩馴介

所至霜簪蕩然一尉一候風清六幕青油幕下咨詢民瘼遴署才賢務使山海遐陬普被

聖化上煥雲臺凌煙諸君子有餘矣又非區區漢儒以五經同異三傳詁訓勵學宮者所敢企也昔司馬子長足跡幾遍天下遠遊萬里亦足以豪矣然故書生萍跡杖履蕭蕭已耳非有赫赫軍功騰於幕府卽雲臺凌煙諸人金戈百戰垂名冊府而饒歌露布取之記室視公之命筆斐然文成倚馬或騰布於天京或摘藻於樂府者其短長爲何如

栖雲閣

卷十三

五

耶以勞定國以死勤事公無歉於功宗之祀而文德銘諸鼎武功銘諸鉞固與往哲同歸矣獨以萬里騁裊之足中道而蹶未得翔步台樞以罄報國之志則海內爲國惜賢者不能無疑於司命耳今歲在丙辰去公之逝也已十有六年矣而前所言同事諸公久已相將藏舟夜壑金馬舊遊晨星歷落予亦孑然顧影崦嵫冉冉急景無多矣因轉憶公儀觀巍巍魁梧環偉蔭映數人而溫克推誠遇之者醇醪自醉旣以文章聲氣上友古人而又樂

接當世之賢者其在承明之廬風規有素矣故幕府所至輒與士大夫把臂披襟嘯咏款接蘭蕙披拂意豁如也嗣君饒有父風卽此奄奄之役篤念前徽丹青往烈碑傳煒煌極一時燕許之手予得一一讀之而知其咸有當於蘭臺則公之千秋不朽無疑也其爲公惜者曰公著作多散失惟北海集一編在耳且九州大定葦月之間而公不待也此侍郎徐原一之言也予以爲經典之譯日月千秋其爲經國大業也多矣至公騎箕無何而

栖雲閣

卷十三

六

先帝弓劍上賓於天公先驅鼎湖在帝左右不亦遠勝三良乎其爲公快者則曰從龍佐命蓋多奇功而以其時滿漢之翻譯未備故雖帶礪奕世而國史無傳雖有班范何所取材乎此中翰曹□□之言也予往年副修

文皇帝實錄知中翰之言有徵而事之關於冊府者信巨也然公卒於

定鼎之十八年典應景風光昭信史可無此憾矣有親睹公之師出以律而民被其福者曰閩海之

平也壺漿載途兵不血刃則□□富□□之言也此自諸王奉

世祖皇帝神武不殺之靈而帷幄協贊之勲不滅子房曲逆明矣

今國家文德已敷武功方競蓋臣報國孝子紹親在此時也昔鄧禹之後公侯至三十人大將軍十三人中二千石及列校以下不可勝紀曹彬之後瑋琮璨繼領節鉞少子玘追封王爵此猶往古事也元明以來則赤膽思丁之後長子封王餘子以

栖雲閣

卷十三

七

都元帥平章相繼徐達之後二子世襲國封縣縣無敦此無他故皆以寬仁不殺而子孫能世守前謨故賢貴相踵爲一代宗臣有如此嗣君之繼公而光大崇勲與

國家萬世無窮也予日夜望之矣公生於天命之前甲寅十二月初九日卒於順治辛丑十月初二日得年四十有八配韓氏繼配覺羅氏贈一品夫人子二賽圖內閣中書舍人寶良三等侍衛女三長適達爾喀次適拜他喇布勒哈番二等侍衛布

賁三適三等侍衛覺羅麻圖孫男二達爾漢額爾伯赫俱業儒銘曰

維天眷命維聖開天東極溟海真人出焉龍鱗鳳翼濟濟多賢崇文敷化公奮跡焉聖經帝典垂訓千年頡頏前代金華青田於鑠王師汎掃蚩霧晉鄭推轂禁中頗牧鄴侯行間畱侯借箸嶺嶠海荒恢我王度如何不淑夢叶瓊瓊方歌朱鷺遽隕大星

帝念勲勞駢錫優隆黃腸秘器丹旌佳城煌煌鳳

栖雲閣

卷十三

八

毛翩翩國彥克紹前徽用繇華貫永言孝思公復何憾勒此貞珉千秋載旦

浙江麗水縣知縣蓼庵田公墓誌銘

予向晤子綸於旅次綺年雋才知爲經國器也而意乃抑然有以自下者亟詢予以當讀何書子應之曰士先志官先事君行牽絲弼教矣讀律宜先定國無冤此其基也次當綜古今奏議及郡國利弊便宜事爲他年晁賈封事之助其餘詞賦雕蟲小技耳已而旁及性命之學予復告之曰出世與濟世圭璋之合也養德與養身桴鼓之應也驥足修途寧可緩衛生之經哉無何別去予乃自悔其

栖雲閣

卷十三

九

言之好盡未必有當於子綸也已而子綸以其大人麗水公羨門之石來請誌予詳覽家乘不禁愴然雪涕迴憶前言又未嘗不偶當云蓋麗水公卓然以良吏自期志在蘭臺史循吏閒而甫歌章甫旋以河魚之疾先朝露矣貞珉千古有待焜煌予安得以不文辭乎按狀君諱緒宗字衍文又字文起別號蓼庵世爲德州人諱曉者生禹民文學以子貴贈承德郎戶部主事禹民生三戒登嘉靖癸丑進士歷官戶部雲南司員外郎監兌湖廣糧儲

以廉稱詳載郡誌三戒生高增廣生高生四子叔  
曰實栗是爲公父家貧好義配于氏生二子公其  
仲也髫年苦學冬擁薪几下禦寒屢試前茅未得  
售設教於桑園鎮從游濟濟爲儒林大師矣辛卯  
魁於鄉壬辰捷南宮成進士授淞江麗水縣知縣  
旋里作筮仕自記一編其略云邑雖蕞爾此中宏  
濟未始無權須奮起精神自我作主方寸矚然處  
於坦易清白之地任天而動勿迷本來至若持已  
欲恭事上欲敬馭下欲嚴待人欲寬操權欲正担

栖雲閣

卷十三

十

當欲力不貪不虐清儉自守可也況州縣之職原  
與民親父母二字最宜體會公之自銘如此故其  
司催科也以廉以慎邑之糧額無多而里書櫃吏  
高下其手以病民公按畝均派內外各貯一籍令  
納戶自註名數卽兌卽投一一磨對積弊頓清羨  
餘火耗若凜脂膏之免焉其均徭役也以公以仁  
邑境下聯閩建上接溫台山嶢岨而棧車如織也  
奸役視爲奇貨貧儒偏累有年矣公按二十六都  
丁糧彙造一書曰煙戶冊以次撥役追呼不至閭

左當堂受值民無葛屨之傷焉新釋山之學宮千  
年再章輪奐而鄴侯之荒度芹藻爲光勗麗澤之  
文社一月兩課諸生而括蒼之文明壁壘載啓是  
文翁蠶叢之化也至於百世之仁則尤在修築通  
濟堰堰踞縣西五十里勗自蕭梁障松遂兩溪之  
水分四十八派灌田萬畝後以大水嚙堰而圯公  
單騎往視曰黃鵠之歌伊可懷而惜畚鍤爲也捐  
俸鳩工頓還舊觀西門豹不得獨有邯鄲矣故下  
車無何而有邑侯清雞犬寧邑侯廉婦子安之謠

栖雲閣

卷十三

十一

焉宇下幷幪方期無斃而子晉玉棺已無能借寇  
司命君矣卒之日邑士民罷市而哭焚香禮醮羅  
跪於庭者凡七晝夜不衰其遺愛在人亦可槩見  
云公生於萬歷己酉正月十一日辰時卒於順治  
甲午七月初九日戌時享年四十有六配張氏男  
四長雯庚子科舉人辛丑科進士候選推官卽予  
乍晤而洒然異之者也娶本州庠生馬公琨女次  
需廩生娶本州庠生呂公獻正女又次震早世又  
次霽業儒聘本州庠生鄭公鎖女女一適許公墓

正男庠生裕孫男三長肇麗聘商河縣進士候選  
推官王公瞻祖女雯出次詒麗未聘需出又次澤  
麗未聘雯出孫女二長未字次字本州庠生李公  
維第三男俱需出今諱於丙午十一月二十日葬  
於祖塋西北之新阡予維公甫膺茅社卽以古循  
良自期造物者固當左右相之以底於觀成公何  
以死也然比見斯世之黽仕而長年者率多攫金  
無厭飛而食血之人公又何得不死也夫以時趨  
若此乃卒然欲爲龔黃誠無辭於不合時宜然亦

栖雲閣

卷十三

圭

謂忤於達官要人可耳何罪何辜竝忤造物而旣  
厄其仕竝奪其年以至此極也司命赫赫操之爲  
已蹙矣然而可以慰公竝可以慰天下士者則在  
弓冶有傳矣子綸鵲起賢科蔚然國器公所爲懷  
利器而促於短馭者是將旦夕酬矣夫致主寧民  
之業驟下爲之何異於身之爲之而爲之一邑又  
未若訓正百邑之共底於大猷者之爲遠也以蘭  
臺之傳爲家譜此龔黃之所未有不朽在斯公復  
何憾於九原乎此又予之可終信於造物而竝以

知向者逆旅之晤抑然自下而殷殷請業以欲有  
所見乎當世蓋孝子不置之心而補公所未足者  
意固深遠哉夫旣爲名父之子矣雖欲不自淬勵  
其可得乎是宜銘

銘闕

栖雲閣

卷十三

圭

陝西提刑按察司按察使子仁葛公墓誌銘

嗚呼此故明名臣御史大夫端肅公之曾孫贈公文肅先生孫璽卿龍池公之子按察使朝池先生墓也先生姓葛氏諱如麟字子仁癸卯舉於鄉庚戌成進士授臨晉令調繁榆次陞戶部主事遷正郎陞湖廣下江防少參丁內艱服闋改補潼關兵備道陞河東兵備憲副晉階憲使以寧夏被兵中譏口謫戍茂山衛丁丑事白以原官歸里庚寅卒公之令臨晉也地素多逋賦積欠不清強半在措

栢雲閣

卷十三

古

紳豪右家公立法嚴明屹屹如山蒲州顯宦有寄賦於邑者而多欠公逮其紀綱善諭之不悛也乃嚴懲之賦卒如額而寬之也宦乃心服而交好有加禮時兩賢之政成畏壘祀焉治榆次狀如臨晉最也後三十年公後裔過太原有自陳其曾以奇冤繫獄數年所而賴公燃犀脫桎梏得無瘐死者則榆次民也其在戶曹司督餉宣鎮也收支如法吏無得上下其手而甲士以宿飽復爲前官補透支金十三萬有奇夙弊盡清大司農累疏特薦紀

錄焉迨崇正壬申農部清查分司累年出入數前

後同官逮赴都門簿責者二十餘人而公獨免蓋向年在鎮時卽繕收支印冊副本緘之篋衍至是乃具疏繳查毫釐無染故也潼關咽喉五省厨傳良繁舊例竝無公費貲率科取里下公粥桑梓產以給之不止不名一錢於官也當魏璫橫肆時生祠幾遍海內督撫大吏以及同官相諷者如出一口也公曰吾東海男子能勞民媚要人耶卒不爲動會屬邑澄城令戕於民督撫將勦之已誓師矣

栢雲閣

卷十三

古

公力請止兵單騎詣其地擒首惡數人置之法崑岡之火得以無燎者則公力也寧夏邊陲重地兵餉殷煩靈州一營界在黃河之東而撥餉往返乃受成於撫軍挽運稽遲則脫巾之呼且見告矣公於餉之抵州者卽挽留請放河東士馬得餉反先於撫鎮兵矣癸酉邊烽孔急請兵於撫於鎮於制府無及也孤城困者將三旬公坐甲乘城拊馬示備而疎勒乃全巡方者以功次上而卒下吏議時柄國者溫體仁也久之體仁去用核覆當年戰守

提級事乃白而公則怡然返初服矣閉門卻掃口  
不談當世事

興朝定鼎士皆彈冠相慶公以病守林泉如故也  
乙酉季子元祉授豫章令公惓惓以清白承先慈  
惠字民爲戒蓋以體國之忠屬之象賢復如此其  
他儉於家惠於里繩繩方至更僕莫盡予惟建言  
有之公侯之後必復其初言世貴也名德之後有  
達人言世賢也端肅公盛德大業勁骨清風當在  
司馬文正趙清獻之間而龍池公以名臣子恪守  
栖雲閣 卷十三 七  
庭訓而光大之楷模海內與有唐河東之柳無殊  
矣至公則又繼二世而鵲起賢科功施王國其爲  
紹庭孰加焉吾於澄城而知公之仁也其靖民於  
阡陌也吾於潼關而知公之潔也其遠賦若垢也  
吾於力拒璫祀而知公之介也不以媿阿愧先人  
也孫劉有鄰不過不爲三公耳辛丑當年膝下之  
慙不既多乎雖位未酌德而世德之繩繩也海內  
式之孰與京焉予先祖中丞公丙子鄉薦時則鳳  
池先生蔚爲舉首而公猶子嶺南太守四河君又

與予爲新城大司馬霽宇王公外孫同也世譜之  
未復忝列葭莩矣庚辰予上公車四河君觴予於  
宦邸未幾一麾嶺南攜家去將三十年所不聞音  
耗念之怛怛焉頃於都門晤受之明府乃悉存沒  
離合之狀知猶一弱子存耳爲之悲喜交集追憶  
三十年前聯榻外家別業中已邈然隔代則予亦  
衰頹甚矣已乃以公誌銘見委發狀讀之愾然三  
嘆昔韓文公之於西平王也以目擊其孫祖三代  
之存沒爲慨予勿讀端肅公暨龍池公年譜久有  
栖雲閣 卷十三 七  
執鞭之慕茲復備悉家乘則公家三代懿輝亦附  
聞知有餘矣典型如在不能不重致企於九原而  
可作云往者鳳池先生之不祿也龍池公委曲植  
孤茹辛萬狀追龍池公之立嗣元方也又爲人所  
難能頃四河公子以四河松歸蓋受之開闢萬里  
而致之者廣柳南來亦何殊虞寄生還乎此又古  
人高義也夫一門之內能世其孝友如此他可類  
悉詩不云乎無念爾祖聿修厥德葛氏其永念之  
矣今已芝蘭濟濟其騰踏飛黃而世其貴也若固



有之又寧侯君平季主哉公生卒年月婚娶子孫  
詳具狀中茲將以□年□月□日葬於□之新阡  
乃系之銘

銘曰爲國寶臣績聿茂矣攀范提韓以禦寇矣師  
干之坐寢也其德厚矣正骨之嶙峋也不邇垢矣  
箕裘三世而益昌尤名德之胄也騰踏千里而乍  
蹶非顧步之咎也佳城鬱鬱視此貞珉尙啓佑爾  
後也

栖雲閣

卷十三

太

刑部尚書五絃李公墓誌銘

庚戌七夕後三日予自署中歸假寐匡牀移時而  
遽然覺則日已亭午矣忽而憶里門是月蓋於陵  
大司寇五絃李公太夫人懸悅辰也數年前予里  
居獲以卮言介眉壽今棲遲京邑無由從諸君子  
後薦一觴爲之悵然已而念公謝賓客亦已踰歲  
矣今禮臣方以百年人瑞題覆將

頒榮命而公斑衣不逮也復爲之黯然而剝啄有  
聲一函已抵枕畔急起讀之則公次君灤州守來

栖雲閣

卷十三

十九

請羨門之紀也異哉一念偶動而冥通若此是何  
祥耶夫以公名德在月旦豐功在國史則固有載  
筆而大書之者此非予所敢當若以葭莩填篋之  
義及頻年長林杖履相從樽酒卜夜則予實爲習  
公者有道貞珉是在後死安敢以不文謝也按狀  
公先世北直隸之棗強人明初始徙籍於山東濟  
南府之長山縣槐軒先生諱光先公會祖也芳洲  
先生諱迓春公祖也見山先生諱夢鳳公父也皆  
以公貴

誥贈光祿大夫太子太保兵部左侍郎都察院右都御史母宋氏封一品太夫人今百齡矣生公兄弟六人公其仲也公諱化熙號五紘十八入邑庠甲子舉於鄉甲戌成進士授湖廣推官己卯丁父憂辛巳補河間推官改理天津以臺薦備兵津門旋會推巡撫四川方就道復改陝西巡撫中途晉三邊總督值改革還里

皇清定鼎元年甲申九月

陞見授工部右侍郎乙酉轉左侍郎戊子轉兵部

栖雲閣

卷十三

三

左侍郎己丑加都察院右都御史辛卯以

覃恩晉階光祿大夫太子太保壬辰陞刑部尚書

癸巳五月乞終養歸公之官湖州也舊有商人遇

盜於寒山剽其五百緡以去者所司責游徼急乃

妄指徐巖竝其家蒼頭十餘人以應巖以毒刑誣

服訊其贓妄云已燬傳爰書且十有九年矣公至

疑之偶視他邑舊盜案則有剽寒山商緡五百者

公歎曰徐巖所坐非此乎時巖等已相繼死獄中

獨金忠一人尚在立出之且大書其贖尾曰徐巖

諸人業已魂涕長夜然勿謂其已死而不爲之昭

雪也於寒山則地同於五百緡則貨物同巖乎巖

乎汝果瞑目於地下乎時臺使者聞而亟稱之以

爲察疑獄於數年之前雪奇冤於已死之後非李

司李誰辨此者其攝德清篆也先是邑中輸歲租

多歸蠹胥橐而故爲之散其籍長吏不能察也率

重科之民而蠹方益爲糾結莫可破公稔知其故

立訊之更詳按其籍則僞印半焉乃真諸法積弊

爲之一清比以憂歸民感泣枳道立生祠峴山之

栖雲閣

卷十三

三

首與前賢謝安顏真卿蘇軾竝祀焉公之在津門

也一新婦嫁未匝月而瘍毒作其翁疑而逐之婦

訴於官前獻者不能決以遺公公謂婦汝嫁時開

面者家人乎亦市工乎婦曰市工也乃立攝其人

至趣酒酒之工癰痕宛然公歎息曰聽獄不詳慎

不幾令貞女含冤也此婦固因開面時染市工毒

何私乎於是婦冤始白夫婦相率泣謝去一時稱

神明云時關左軍餉歲糜百萬而伍符不清朝屢

遣官核之數汗漫不可考而奸吏復那移其閒率

以虛文報命而已至是命公往以理官膺重命前此所未有也至則按籍而稽之隸督標者幾何隸鎮營者幾何月給餉幾何馬芻粟幾何一一條列以上若燃犀云其改而備兵也則習其地已久某伍當補當汰某餉當省某城隍當修浚次第舉行之至今繚城諸要害斥堠壘二十餘所皆公所經理者時兵燹之後歲復大饑直隸山東河南流亡載道公詳議安集之法煮粥哺之所全活者不下數萬及任總督則賊已入潼關矣督標兵不滿

栢雲閣

卷十三

三

千人欲號召忠義而諸鎮兵已鳥獸散矣一二孤城已閉門無應者矣公痛哭拜疏云不用臣於方事之時而用臣於已敗之日此臣所以仰天泣血而無可如何者也然猶激勵麾下入援未至而都城陷乃歸其官工部也故明時有所謂班軍者一隸尺籍子孫遂世世焉有逃亡則株及親族至以老稚充伍而實則不任荷戈也我

世祖章皇帝方銳意更始下廷臣議公謂此輩實無益國家卽在前朝猶當革之況百度維新之日

乎又有所謂大布邊衣者有司每歲輦運至京所費不貲而實則惡劣敗朽無可用者公以爲併去之便廷臣條其議上之悉

允行其尙書刑部也平亭爲多嘗念

朝廷法所以戢奸宄也然上帝好生人情惡死夫死罪而下有輪鬼薪者有城旦舂者彼旣無死法矣乃繫之圜扉繼繼歲月死者歲不勝計則熱審當復也又死罪而監候與立決殊者廷尉絜法也若一成斷案立正典刑豈

栢雲閣

卷十三

三

朝廷別輕重示矜疑意哉則朝審當復也於是連疏特請之又疏請復各省恤刑之差一一俱報可永爲例其歸里也不輕以一字于守相至邑有大利弊則不憚委曲以請長官舊有荒地糧一千六百餘頃編戶歲苦賠納相繼逃亡而長吏亦往往以此注下考官民俱困矣公毅然言於巡撫夏公爲特疏請之得免新城王君與仁故考功季木先生子也以小郟爲怨家所搆中危法當論死公爲之力白其冤當事者覆訊得實釋之後王君擢武

科生四子季木先生於是有後焉新城田公者公  
故人也公捷秋閒後中途遇之謂曰鄉無以贈君  
今則裕矣乃解橐以所得坊金割贈其半田作詩  
謝有雨中馬上分金贈鮑叔於今又一人之句邑  
之南有鎮曰周邨者遠近商賈輻輳之所舊有市  
稅後漸爲狙狎所窟浸病商市亦幾廢公與諸易  
季約各出金備其稅且嚴戒諸不逞者商大悅歸  
市者日眾不二十年拓地列肆者千餘家公常言  
種德之事在窮簷則甚難貴達易矣蓋以居得爲

栖雲閣

卷十三

圭

之地乘可爲之時作應爲之事善不善一翻覆手  
耳又云風俗之淳澆不在庶姓亦不在長吏蓋庶  
姓之力微長吏之時蹇是惟縉紳哉漸漬之久自  
爾成俗矣公里居近二十年內外親以及遠近識  
與不識饑者待以舉火婚者以之娶病者以之藥  
死者以之葬有於公別業南畝中得青烏家所云  
佳城者欲請而難之公聞急予之其人昂其直以  
酬公不多受也且告諭同里以爲定例聽人人卜  
窆焉公性坦易賈益務去畛域客至無貴賤倒

屣握袂與之講布衣歡嘗曰蘇東坡云上可以陪  
王皇大帝下可以陪卑田院乞兒此語猶存物我  
相何若物我與偕不必計其誰何更爲大同乎性  
喜種果邨之四傍植桃杏榆柳萬株春時燦若雲  
錦攜耆舊三數人曳杖徜徉其閒遇耕氓田叟稱  
說稼穡探節數時娓娓不厭人亦忘其爲貴人矣  
公天性孝友以太翁之不逮養也悲深風木承歡  
太母若將不及亟欲請歸子舍而

本朝大臣未有以終養上籲者且鴈行濟濟又與

栖雲閣

卷十三

圭

獨子例不合遂巡久之未敢也會

世祖皇帝賜宴瀛臺遍詢諸臣父母狀公伏地對  
曰臣母年八十有三矣烏鳥之私時切寤寐言已  
淚下

世祖亦爲動容

特允所請

賜馳驛歸

聖朝孝治錫類之仁實自公始蓋異數也公既歸  
朝夕奉太夫人起居先意承志一堂之樂融融也

長子因之官河東鹽運司運同死美逆之變公恐太夫人家居聞之或損眠食乃飛書馳告太夫人曰此子死王事死得所矣蒙

恩賜恤予廕此吾家門戶之榮太夫人母過傷也卽公病篤時太夫人臨視猶勉強起披衣坐舉手作揮霍狀以示無恙曰吾母母慮病行愈矣太夫人一爲破顏蓋惟恐失太夫人懽始終如一日也其膝下之篤行如此讀書務明大義不沾沾訓詁嘗語人曰務博學何如熟五經務修德何如盡人

栖雲閣

卷十三

三

倫人倫之至是曰聖人五經之大無所不統其他曲學何博之有外於人倫何德之有又曰恕字終身可行古人豈欺我哉嘗反求諸己覺世間人無一爲吾所當怨恨者於聖賢之學爲何如哉公少好音律都門宴聚不廢謝公絲竹孟津王文安公嘗稱云周郎顧曲季子審音其在足下乎歲甲辰伯兄卽世公遂一切屏去益潛心內典深究禪宗意泊如也予乙酉始識公於京師卽辱與張蘇二君共爲車笠之盟嗣是復祐子女姻燕市過從笑

語無倦每促膝輒談神仙及陰鷲盛德事迨予請假歸里偶遊長白山公聞之卽策蹇追及於山村畱連竟夜迨後聞予將遊二勞卽刻命僦人春糧巾車訂期會於金嶺鎮適予以捧檄北上遂中止至今念之猶恨恨也今予又將旦夕歸矣簪冠藜杖仍爲汗漫之遊而支許山澤尙禽瓢笠蕭然攜手可復得乎公生於萬歷甲午年八月十五日子時卒於康熙八年六月二十一日寅時享年七十有六守臣以計

栖雲閣

卷十三

三

上聞蒙

恩給賜全葬竝給致祭銀兩內院撰擬祭文遣官讀文致祭哀榮備矣配

誥封一品夫人沈氏邑庠生沈公嘉柱女子八人長因之以侍衛歷官河東鹽運司運同死難贈山西布政司右參議次漑之廕生原任直隸永平府灤州知州俱沈夫人出棊之以長兄難予廕候選知縣副室劉氏出澤之發之舒之暢之俱副室柴氏出達之副室韓氏出女五人俱沈夫人出孫二

人因之出者一斯祥慨之出者一斯佳孫女六人  
因之出者三慨之出者二榮之出者一嫁娶云云  
擇地於祖兆之北祖舍古城之南乾山巽向卜吉  
於辛亥之二月九日葬焉予雪涕銘之

銘曰長白巖嶭副岱宗篤生異人白麓東崇躋司  
空職五兵滋蘭樹蕙德施隆愛日一疏何從容

天子首肯榮其行怡然菽水傲三公庚桑畏壘年  
穀豐胡不少畱厭塵容浮邱洪崖五雲迎采真天  
遊誰與同麗農廣桑金銀宮公來有自去何從漢

栢雲閣

卷十三

三

廷太史識歲星黃腸玉具馬鬣封千秋萬禩豐碑  
崇福爾子孫永無終

江南布政使司分守潁州兵備道參議嶧  
劉公墓誌銘

公諱孔中字藥生別號嶧明故大學士青岳先  
生之長子也生而聰警七歲就外傳動中儀節公  
叔父禹光先生嘗寓書先生曰孔中動必有禮頗  
類成人先生復書曰當日與孔修相見以益  
摩孔修者故禹光先生子後以名行有聞者也丙  
寅入黌序庚午省試中副榜第三名後試錄所刻  
經文首篇卽公作以副榜文式多士向來未有也

栢雲閣

卷十三

三

甲戌先生以謫卒於代公哀訴晉撫晉撫爲出孤  
臣殞逝一疏遂遂溫旨給勘合奉輜車回籍戊寅  
山東罹兵燹已卯春流離載道公擇僕之廉能者  
使之按程給費以資其歸全活者以萬計焉庚辰  
歲旱饑死者枕藉公復施粥施衣且收棄子而養  
之其全活者較已卯尤衆撫軍義其事疏聞特授  
欽貢甲申二月避闖亂僑寓白門乙酉豫王定江  
南擢內院中書兩閱月改授秦州知州秦當哀鴻  
甫集之日人相愕眙又通州如臯諸郡邑多抗不

奉法撫軍嚴檄之其蒞泰也亦將有所剪除公多方勸諭乃止戈復躬具供張犒師旅以故維揚諸屬惟泰不加兵而民獲安堵未幾學使者檄至公校諸生擢丁君日乾第一後榜發泰之列賢書者果丁君一人於是泰之人士大服相就問字者無虛日乃擇地之爽塏者構堂集多士課之題社曰吳陵自爲文勒石志焉政事之暇卽較藝課詩其中旋付剗剗遂有吳陵國風鳳遊草讀史腋園葵集柘枝集日損堂詩存擇雅諸刻復梓先生所纂

栢雲閣

卷十三

三

玉海諸書以爲汲古之助是以二十年來泰之獲雋者鵲起而陸君吳州今司兩湖文衡宮君宗袞今以會元讀書中秘謂非公相與以有成不可也三年政通人和郡之紳民咸謀曰吾邑賢守前有徐公今有劉公皆於陵產眞召杜接踵也將立祠於徐祠之東公立止之無何今大宗伯芝麓翼公遊泰泰之紳民復相與請曰今天下之能文而言足以傳後者莫若公也韓陵一片石有托矣於是作頌銘石於州門之外今讀其碑大政條列其數

鎮兵制亂民也則擬之寇潁川虞升卿其課額稅除民蠹也則擬之劉正字李司隸其藻鑑士林也則復擬之荀令君王文憲且曰泰固多賢守哉然以公之所邁者揆之則履險節而臻平理校之昔賢范參知陸吏部韓魏公會刺史諸君子之幸逢太平易奏乃績者相去不可爲里道矣折衷古今論世不爽哉丁亥冬陞潁州兵備道潁十八屬邑閩寇兵燹之後灌莽極目無涯數十里中數椽隱見而已公多方綏撫給牛貸種寬力緩征又於要害地如雙浮屠淝河口清里淺諸處鎮以組練邏以遊徼人頌樂郊矣公猶曰稂莠不薶嘉禾何殖廉知潁之金天瑞巨惡也立置之法庚寅署廬州道旋又以鳳泗滁和二道兼攝焉按部巡行密剔芽蘖以故謀叛皆應龍就擒而其弟皆名揚之叩關反噬事起焉且行賂當事者漕撫某乃以誤漕一疏劾公遂坐落職旣而咎逆兄弟伏誅當事者亦中臺臣白簡而公初服之志決矣甲午抵里於所居之西構一樓區之曰倦飛安寧自得日與同

栢雲閣

卷十三

三

邑李五紘先生昆仲及王雨嵐鮑素垣諸公爲五簋會佳時令節折簡相招或試茗聽歌登臨送目有香山洛下之風焉性愛古帖凡所珍藏罔不披臨數四題跋道勁而新若未嘗手觸者好讀司馬公通鑑及陸務觀詩坐談閒或撮舉數事或摘取數聯皆以標舉大旨妙有解會蓋頗得靖節讀書之樂云爲念里甲之役煩也設會以備徭役遵祖父舊例與下戶一例均輸躬先以倡之且駁驗不厭瑣屑是以數年中宗親以及鄉黨未嘗聞胥吏

栢雲閣

卷十三

三

驚擾者公之力也又念族人貧者歲時必賜給之卽值凶年未嘗中輟曰此祖父遺意也壬子春一病幾殆入夏始有起色遂草遺囑一冊並身後窀穸計因惻然與死而暴露者製梓施之一歲中已四十餘具矣六月初集兄弟叔姪及至親數輩至榻前曰仲弟孔和高才敏學以能詩鳴於世而三十物故無血蔭念之心傷余將以孫繼之其爲耐兒與其仲叔母立過嗣券此我三十年心事也此事安吾死可瞑目矣及屬續氣度不殊平時云予

觀

鼎革之初江表雖入版圖而反側子未盡帖然故賜履秉鉞諸君子亦不能不惟師武臣力是視倘非公以蔡人吾人之誠祖席之魯無鳩矣矧曰其有能旣滋幹年竝討文物建藝林大將旗鼓也吳陵之澤畏壘百世不亦宜乎至於青邱之檄亦聊以靖吾域也而旄節之臣乃爲之偃大風有隧自貽伊戚何責焉獨惜疆場之閒未能實臣之用所謂井渫不食非歟夫國家舍役有籍書在載師者

栢雲閣

卷十三

三

經制煌煌矣而其弊也大吏尺書下金車旁午上而分符下而持檄者惟若德音蓋一以爲外府一以爲豐橐故也棧車爲屨化爲舛羽飛翔矣若之何而先疇不荒維桑不病是亦爲政孰有加焉此尤可爲天下士大夫居師無疑也夫胄子教自虞廷而成周虎闥之典日取在庭元士而淑之豈其不知世祿之有流弊也者勿亦以粲粲門子家有賜書日聞國略其一出而嫻於政也視單門之崛起者大有殊耳典午而後以迨宋齊秉國之鈞



者率皆烏衣子弟後之人不釋伊巫共和之義而喜言春秋譏世卿率以尹氏之子槩之非通論矣公以名臣之子大器槃槃僅於熊軾見一斑未能與李衛公韓持國王軼並馳盟功於日月之旗此自大司命有責焉公何憾也公多才多藝妙於詩歌古文詞而顧曲臨池皆饒勝賞卽此已翩翩濁世有餘矣予性好遊覽聞公家午橋綠野間琅玕萬箇偉若龍伯之人偶以微服嘯咏其下公已偵知以名醞至握麈浮白仙仙醉歸矣頃以弔公復

栢雲閣

卷十三

三

此息駕亭池猶故也而田田荷葉之南竹已瘦至如食指對此檀欒傷其憔悴金城柳色向秀笛聲潏然隕涕亦愴然重感於今昔也先世爲寧津人自祖善興始徙長山善興生謙謙生拳拳生達達生元元生璽璽生壽官伯能伯能生天賜以子貴贈承德郎刑部河南清吏司署員外郎事主事配高氏封太安人天賜生一相隆慶庚午科舉人萬歷丁丑科進士皆第七名歷官陝西按察司副使配孟氏封恭人後以青岳先生貴祖父皆贈禮部

尙書兼東閣大學士祖母母皆贈夫人副使公子三人仲爲太學公鴻範季爲太學公鴻采相國公鴻訓其長也萬歷已酉科舉人癸丑科進士歷官禮部尙書兼東閣大學士配曲氏贈夫人王氏封夫人人生三子長卽參議公也公生於萬歷三十八年庚戌六月十七日申時卒於康熙十二年癸丑六月初十日丑時享年六十四歲元配淄川

栢雲閣

卷十三

五

誥授中大夫太僕寺卿管通政使司右通政事韓公諱源女例封恭人男二長耐貢監生側室張氏出次導貢監生側室石氏出女一側室孫氏出孫男三一大量一大輓一大繼出嗣公仲弟孔和俱耐出婚嫁云云卜於康熙十二年十月十九日未時葬於黃家莊青岳墓側癸山丁向隧道之石予不文無能爲役以公遺命不可辭也乃系之銘銘曰三戟之門奕奕乎其世也千斛之舟恢恢乎其器也節鉞或若斬焉井渫之爲愜也佳城之永康兮千秋之所憇也宜爾子孫之繩武兮百世其可繼也

監察御史巡按河南弼之王公墓誌銘代作

往予匏繫都門也齊魯之士蓋締維桑之社云於時

改玉之初國華蔚起而大江以北則山左之英彬彬爲最冠帶輪蹄蓋從者月以相及也不佞歡然縞紵之末而齒序則禮先一飯焉飲酒樂愜而馳驅

王路相切劇蓋嬰鳴靖共交相勗也然意中亦以爲比肩事

栖雲閣

卷十三

三

主錯趾

天閭此或朝士之常耳迨予

請告歸里門而諸君子出入升沉旬時異狀聞已落落散去不復懽聚如曩時然而歲時郵傳赫蹄閒亦不乏焉巴山夜話尺幅代之不減班尹陶陶也比予子舍十年所而一二同人遂有山陽之賦涼涼蘭藉遊岱多人齒率少壯也然後喟然長嘆憶南皮之歡遊西園之良晤爲隔世不可復追之事而俯仰之閒已爲今古矣則吾於侍御王公墜

道之詞義不可以疎慵辭也按狀君姓王氏諱亮教字弼之先世冀之棗強人始祖諱阿翟明初從陽邱七傳爲心一君曾祖也以太學生簿交河有隱德心一生服南邑庠生舉丈夫子八人季諱津勅封文林郎四川道監察御史配劉氏贈太孺人生四子君其仲也生而穎異試多前茅己卯舉於鄉又五年

栖雲閣

卷十三

七

大清革命詔諸孝廉咸分符試州縣君得宣平邑素刁競訟人人自以爲刀筆豪也君不矜虞芮之質而片語解紛兩造頹首而退四越月固圖之草可擷也草昧初丁銅馬接壤渠邱之潰不俟浹辰矣君素慷慨多大略乃部勒邑中健兒數肆之矛鋌如戟鸛鵒不忒明恥教戰屹然河陽壁壘也進父老慰之曰而無憂荏苒亦知而公海岱閒技擊雄耶且而鄉五千君子何遽讓前人是荷戈者勇可鼓也以此執訊孰能禦之二三父老其高枕良食哉無何賊以僞牌入境君三復待之復令邑人廣庀菱糗云郡將銅符夜下矣至夕賊果圍至炬

光緒釋凡數十里將薄邑知有備也而復疑援師  
且至遂鳥獸散去當是時處州屬邑十有一其九  
皆陷而宣平無城郭安堵不驚保障哉以人不以  
崇墉也後鋒車

內召寇伺君甫出境輒來侵邑人斬獲八百級渠  
魁殲焉上功幕府攝篆者與鶚冠爭功幕府曰若  
亦何功此舊令之成勞耳飛鳬甫翦遺愛已亭三  
日子來人驚鼙鼓之不勝也其信上而孚下也如  
此已丑考授御史

栢雲閣

卷十三

三

命按兩浙浙中利弊君已素知如握火條告炳炳  
視隔垣也而浙人亦喁喁待澤喜相告曰此吾向  
者宣平君也會停差旋都門辛卯復奉

命按河南蓋天中輿區自闖賊蹂躪以來千里蓬  
蘢非復河洛舊觀矣君攬轡星軺疇咨蒿目凡可  
使魯有鳩者無不湊成手中也禹州巨盜張揚旣  
招撫矣而狼子野心猶故也殘食方隅市咸以目  
焉當事者隱若敵國未敢以柱後惠文從事也君  
慨然曰此輩飛而食人固也而吾以法冠坐視焉

其去傳之翼者幾何且何以對揚

休命也乃力請正法還其所掠子女七十餘家行  
刑之日快若燃臍食其肉者頃刻而盡此真霹靂  
手矣至單騎下邑親驗稅櫃有羨餘者懲之百城  
聞風爲股慄焉里居以關說公事爲恥矜然劉季  
陵風度也而民瘼則娓娓言之如杜密爲德於鄉  
復如此邑人至今思之配寧孺人邑巨族也性靜  
恪嫻內則姑常病劇絕粒矣孺人焚香祝天矢單  
衣三載所勿藥果霍然起繼而太翁復病孺人仍

栢雲閣

卷十三

三

對天誓祝終身素食三時供香翁又復霍然起此  
亦簪笄會閨哉而以事尊章尤空谷之響矣不佞  
習君有素豐願偉幹談笑藹然樂樂之器吾黨中  
僑胙也分符則爲能吏武鄉營壘司馬嘖嘖心折  
將無同歟持斧則爲名御史畫民便利普於八紘  
是素岱之雲也臬鏡授首踰於破柱豈止瞞氏豪  
桓東赫赫哉方期翔步天旭舒以千里之駕而中  
道玉折天下惜之至不佞撫塵有素接宇非遙粟  
里素心差堪寄託君未撤瑟之前數日不佞有事

於陽邱君投轄卜夜剪燭蟬連歡語達旦不休旋  
駕無何客有自西來者語有異予叱之謂子瞻道  
山何殊詛楚乎乃無何而訃音來騎箕信矣不佞  
既爲天下惜長才而又內以悼吾私寢門之外不  
禁隕涕之如霰也君生於明萬歷辛亥正月初四  
日酉時卒於

皇清順治戊戌十二月二十一日亥時享年四十  
八歲孺人生於明萬歷庚戌正月二十五日申時  
卒於

栖雲閣

卷十三

早

皇清康熙癸卯九月十八日卯時享年五十四歲  
子四寧孺人出者三長有則郡廩生次有經邑庠  
生次有恪早卒副室費氏出者一有嚴女二孫女  
四有則出者三有經出者一婚嫁云云今卜於本  
年十二月二十二日未時安厝於邑東南西臯莊  
之新阡佳城鬱鬱遂終古矣乃系之銘

銘曰越水湯湯豫土茫茫撫蠶最之斑璘兮睇繡  
斧之焜煌神鋒截玉一試而藏韜於下之爲魚腸  
兮射於上之爲龍光貞珉銘詩劍履藏終古灝氣

尤不亡

栖雲閣

卷十三

早

栖雲閣文集卷第十三終

栖雲閣文集卷第十四

淄川 高 珩 葱佩

墓誌銘

湖廣承宣布政使司左布政使友白杜公墓

誌銘

予讀友白杜先生家乘愾然而歎蓋以生也較晚不及面覲先賢攝齋君宗之座轉而竊幸納交大參君典型如在且獲習聞懿行猶無殊旦暮遇之也先生至孝純忠冠仁履義嶽嶽風義爲一代人

栖雲閣

卷十四

一

倫師表而賜履所至咸有成勞貞珉蘭几焜煌奕世美無度哉雖更僕數亦不能終聊識其大者以備蘭臺載筆可耳按狀先生諱詩字以興學者稱友白先生幼入庠蔚爲童子冠壬辰貢入虎闈甲午舉於鄉戊戌登進士第釋褐督京倉已出司餉宣府丁內艱服闋郎武庫癸丑陞永平兵備旋以方改湖廣驛傳道己未舉卓異陞永平兵備旋以方伯銜兵巡辰常尋晉江西方伯以不建瑞祠冠帶閑住戊辰起轄三楚再舉卓異以忤時解組歸矣

栖雲閣

卷十四

二

公之能體國奉公不畏強禦也則自釋褐始矣督餉上谷上谷故漢塞上也也明初召商實粟以資騰飽嗣後易本色爲折色權貴要人每以空牘規商利塞上因有土商書商之名公歎曰商以書名貴游尺一書妖羽能飛矣其若庚癸之呼何乃以膏腴處土商而書商則遣之極邊改歲一切汰之風烈已見一斑矣其在莊浪也會羌有殺人者故事得以牛馬贖罪如羌法公怫然謂此豈疆以周索意也部分將吏三日抵其巢擒之至轂首以狗嗣後蓋無復敢犯公法者然後以恩撫之諸羌畏懷如一也債將楊定國倚奧援而股削者有年矣健兒糗糲不足飽其攫肉離離棘幹之籍按之則皆子虛也會御史廉得其狀以手書詢公公力斥其奸定國之罪由是而定楚宗人故多驕悍名寄來者其尤也公數其罪笞之十有五黨衆泐泐前麾下士欲格之公曰無庸也臥閣不出於是諸宗人之賢者頓首懇出視事江漢肅然會國哀至諸宗人入臨狎中丞御史鴈行平進及公後至望塵

辟易退辰常窩蠹周二者略良人子女爲臧獲娼優以數百計公奮髯抵几曰此方方春春多事鼠子敢爾是尙有三尺乎立撲網之於妓館前凡所略者悉令還其家其體國惠民永垂利濟也於莊浪則城阿壩以據要害擴漢渠唐溝犂爲良田於是羗之歸者數萬戶復隨處立倉庾酌年之豐歉歛散之以爲糴本久之積粟充盈無蜚輓之勞而緩急水旱咸以有備以三楚旱魃爲民請命奏改折漕糧報可歡聲若雷里社皆肖像畏壘祠之會

江漢水溢公捐俸括贖銀得二千餘緡奉芟下榷屹屹金堤矣歲復不登二誦魯無鳩也公乃勸富室借賑禁私糴振廩同食以是野無捐瘠與人歌之有常德耗有巡道常德豐賴杜公之謠完綸豫章則免屬州負逋緡錢三十萬米五萬斛賦金之州耗金以干計困不能償皆免之而以其所羨當太農之搜括東南民力稍舒矣其體國潔身冰蘖不染也則上谷之役積餘粟累累用充正額復節省緡金二十五萬有餘白之大司農趙南渚奏聞

貯邊鹽政舊例凡鹽贖以芒種小春爲斷先此而去官則一歲課贖盡入後人公遷秩代人未至至小春前三日卽解印綬去時論數之左轄三楚則又上羨銀四十餘萬以實司計天子爲之動容公之解職也以援餉延緩爲罪而吏部閔公洪學爲特請予告疏中有清操三十年之語直道在人如此其體國育才甄陶人物也則有若西寧參將祁秉忠跡弛士也公數與語奇之然秉忠不能俛仰事貴人遂與大將軍不協雖屢立戰功閱七年不

一列薦贖公特首舉之京山尹夏啓昌爲權要齟齬廣濟尹周沃爲刁民所扼公心知其誣皆陰脫其危終身未嘗言也辛未入計時上問楚變狀某按察亟應曰林正平殺人監旗游士任與之交通公徐對曰六之日殺人一之日監旗上憬然曰是兩事庫對曰然上曰地方官不能防之於先又不能弭之於後如疎玩何對曰監旗以後地方原無事上笑命之起時要人欲赤游之族得公對而上疑遽解及士任至立釋之矣天下莫不以公爲長

者其植節剛正義形於色也則方魏璫焰炎炎時所在爭建生祠撫某者議毀澹臺祠爲之公持不可撫曰孔子聖之時者也九原可作獵校或亦不免爾公曰不主侍人瘠環伊何人哉亡何廷推公澍撫以忤璫故冠帶閑住去某撫者亟撤澹臺祠建祠焉疏上而璫敗撫坐黥劓乃仍用公前所置宗學田餘金重葺澹臺祠子羽之蘭鞠復古也先生以哉十六朝通紀云自杜某王應熊葉有聲諸君子身退而姓字益馨門戶黨人之語不足埋沒

栢雲閣

卷十四

五

張目侃侃言天下事而不佞獨以爲此殆造物曲成不欲公與於楊左諸君子之患而以身名俱泰終也卽不然開府一方以中丞節提封數千里於濟世得矣而強項自喜苞苴之不敏其能獨免於緹騎丹書否乎必無幸矣微罪而行此固不入不居之義也公幼卽至性過人孝友無間策名南宮時伏闕上書言母貞節狀勅表其門梓楔巍然自上谷麻衣歸徒跣扶柩三千里大襄告竣苦塊墓側三年如一日也郡守某夜半觸雨往竊聞公公方危坐課二子讀書守翌日具衣冠拜廬下曰公真孝子也一夕甫寢聞窸窣聲有狼夜入伏不動至曉而去公性嗜小薊忽叢生廬傍三年公去薊乃不生人以爲孝徵云夫孝子不辱其親乃能不卑屈以趨榮路正人君子固有本矣非偶激一旦悻悻自喜或計無復之編虎鬚以爲名高者所可同日語也公致政後以清白爲貽謨菟裘粗具不屑屑子將田舍謀子弟輩下及僮奴咸恂恂矩矱中路人望而知之惟日以獎引後學爲事質經正

栢雲閣

卷十四

六

藝者履如織於臥佛臺擇高才生有行義者而課之後多脫穎去爲時聞人蓋樂育才彥公宿志也宦遊時每爲諸生大師月凡兩課捐俸贍之復置學田爲永業而材官騎士亦時時以金版銀鎔聚而肄之提調三楚庚午上比時凡士之才而淪落者投謁公公一一錄之號舍廣以編蘆得售者凡十二三其後

皇清應運以第一人及第則劉君子壯以第二人則熊君伯龍也以至韋君成賢汪君煉南皆有聲

栢雲閣

卷十四

七

詞林中其餘先後登第者若黃君耳鼎汪君燭南黃君文旦劉君敷仁皆比比蘆舍中人也至解推不倦時時爲德於鄉而不居其名濱州寫鹵瀕海卯辰大祿公爲請於撫臣李公長庚題請州爲次罷若稅登八分則有司免參勒石以垂永久州人德之其與江楚饑溺衽席之功無殊是亦爲政矣夫大臣體國字民固不以隱見出處殊也性嗜書手自校讎不下鄴侯萬卷所編輯有文選芟註楚詞芟註呂公醫問讀法須知海忠介集范文恪集

大洞仙經註范蓋故山東學使能知公於早歲者舒公曰敬歎曰人有三十年猶憶其童子時師者乎公素慕忠介之爲人剗刷之工謂爲縞紵可也先生下筆妙天下詩歌古文詞授梓者十一其片語籌時足當古人之所謂不朽者如在盧龍與當事語及節財用以救國家之急當時擲掄之公歎曰利不從天來必取之民輕用民力至不畏聖人言欲以有終其將能乎時天下之力旣困而國用無節每歎曰今日惟求知兵之數而已使兵旣核

栢雲閣

卷十四

八

實天下之用有常經則計部有餘力所畏者上每以所不足責其下使下以不足而求見其才是固教天下之爲桑孔者也仁人之言大儒名臣之識哉新啓聖祠立白衣閣度置藏經九江東林寺江夏四面仙皆然性復好老莊諸書晚年從事於谷神天根之學超然五濁外素不喜言鬼神事向在楚時有善爲禁咒者見公而術立敗榮府之鬱攸也公立修子美火政而身當火衝火以燼王歎異焉蓋公之能與神明通也亦有素矣拘墟之士或



適適然驚且疑之不佞則謂此庸德之行而誠之不可掩也固然夫子而孝也臣而忠也吏而仁且清也得一可以通神明而況得全而履順者乎枵鼓之應智者固當不河漢此言耳易簪時猶口占孔孟洙峰四章乃持季子若昧衣帶曰汝真孝子也遂瞑真冷秩秩庶幾觀化而無怛化者矣元配程夫人克襄中饋紡績焚膏佐公讀書伊吾聲若從機軸中出者迨既貴猶手烹飪以奉姑至自奉淡素終身謂諸子曰自爲汝家婦饘粥不給今亦

栢雲閣

卷十四

九

厨傳蕭然無異曩時耳嘗病召女醫診視見衣飾狀不知其爲夫人也客爲言眞撫缺出衆推轂公公笑曰無多言恐內人聞之齒冷夫人蓋嘗爲公言避熱地卻爭地是語也雖名賢烈丈夫何以過焉公之易去其官宜也內助與有力矣桓孟雖賢習貧易淡耳方斯履炎蒸而冰雪凜然恐未易也可謂賢矣始祖雄飛雄飛生榆榆生鍾及鍾鍾去之頴上亦成著族鏞生景和景和生勤勤勵勤勤五人助力學有聲諸生間勛生濱卽公大父以公

貴累贈如公官大母曹氏累贈夫人濱生繼業卽公父紹軒公亦累贈如公官母孫氏封太宜人累贈夫人公生於隆慶己巳九月之四日卒於崇正丁丑十一月十有九日享年六十有九夫人生於隆慶戊辰二月初八日卒於崇正癸酉二月十有六日享年六十有六順治甲申正月葬於州城西北隅祖阡夫人先公卒五年再聘陽信韓氏後三年卒男四人長若樸貢生次若谷貢生次若昧監生累贈中大夫江南布政使司參政次若水女

栢雲閣

卷十四

十

一孫男九人若樸出者枌增生若谷出者格庠生若昧出者旭廩生職監生煥丁亥進士江南布政使司分守江鎮道參政杲廩生昶廩生昂監生昱庠生若水嗣孫章會會孫男十四人衣會廩生儀會述會繹會綬會俱庠生華會遵會寅會迪會亮會章會邇會宣會宏會元孫男三人同堂同田寶率孫女會元孫女不具列先生世德家學瑜璫競爽而大參君尤溫雅英秀掖垣封事皆嫻國體所至善政輒畱去後思予嘗度江以南詢諸

父老及在京邸遇南來人士漫詞之若出一口也  
今

皇上聖明方孜孜側席求賢者崇登邦理節鉞之  
任不以新舊分惟其賢大參君之拾級而登以補  
先生未竟之志指顧行見之矣

三錫龍章被於幽隧又寧可量乎哉乃系之銘

銘曰永懷維親自靖維君其植德也猗嗟淳矣不  
劇而清不煦而仁其敷政也宜於民矣煌煌四嶽  
日維藩宣之臣以位則崇論德則猶屯也蓋施未

栢雲閣

卷十四

十

溥於廣輿而柄未握乎國鈞也然而惠心有淑譬  
彼油雲義槩稜稜上爲星辰畱不盡之弓冶用以  
貽厥後昆淑媛合德竝勒貞珉百世無斁視此銘  
文

太僕寺卿管通政使司右通政事乾字韓公

墓誌銘

皇清受命以來剋車四出予得攝衣從諸大夫後  
見吾鄉先達宿齒冠蓋紛綸一時嘆爲絕盛云乃  
今二十年中浸尋乘箕尾去則有若北海張公崑  
岳郝公蓬元張公苧蘿謝公海客房公憲石劉公  
若而人晨星落落也獨予邑乾字先生年最高懸  
車休晏爲郡國楷模靈壽之錫行及之矣而歲在  
龍蛇復嗟梁木彼大鈞司命何不憇遺一老以永

栢雲閣

卷十四

十

典型耶窀穸有期矣嗣君以狀來請銘予習先生  
有素而桑梓葭莩復敦世好何敢以不文辭也先  
生姓韓諱源字逢之別號乾字明萬歷己酉以第  
五人舉於鄉崇正戊辰成進士除河南鄆城令辛  
未調繁固始癸酉本省同考甲戌行取考選授禮  
科給事中丙子巡視太倉銀庫督理省直新舊餉  
務丁丑巡視十庫戊寅以考選失上意罷歸甲申  
世祖章皇帝龍飛定鼎招撫使以地方人才上蒙  
恩起自田間授禮科給事中乙酉奉

命齋詔諭江南蘇松常鎮安慶地方丙戌遷禮科  
右給事中同考會試尋陞吏科左給事中再同考  
會試武闈丁亥管大計本年陞吏科都給事中庚  
寅再管大計本年陞太僕寺少卿辛卯

世祖章皇帝親政以

覃恩晉本寺正卿仍管少卿事壬辰以太僕寺卿  
管通政使司右通政事癸巳致仕其爲民牧也鄆  
地彈丸衝疲民貧而玩先生薄歛輕徭與民休息  
其刁黠者懲以重法未期月總河臣及巡方使者

栖雲閣

卷十四

七

交章薦之固始素稱富饒一航可達金陵俗號爲  
小南都而人情傾險長吏視爲畏途先生廉以律  
己公以御物嚴以行法士民畏而愛之本年未經  
考滿陪推銓部甲戌大計方伯陸公於過堂日稱  
此官兩任省民間十餘萬金舉海內卓異第三卽  
於是歲行取考選副館職往例陪推銓部者當得  
垣中副館職者亦然以先生拙於周旋當事者擬  
授江西道監察御史疏入畱中者二十餘日奉特  
旨以科員用蓋異數也時以五義取士每縣一人

名曰超貢先生疏謂分縣取士而不糊其名弊易  
生仍宜照大場彌縫報可行之是選稱得人焉流  
寇由陝四出蔓延楚豫閒先生疏謂流寇猖獗守  
土者率以鄰境爲壑出境卽止當專委總督辦賊  
尾擊其後所至會勦庶可立殲而另設陝督彈壓  
邊方掃清賊穴時避之不能用也戊寅考選推知  
先是以行取到京者吏部出單咨會九卿科道各  
加旌別以圖之多寡定授職高下先詞林次垣中  
次臺中部屬次之府佐又次之未有無圖者先生  
以次加圖乃以圖獎太濫罷歸甲申  
革命起自田閒旋齋詔江南時尚在用兵先生單  
車冒險以進暮泊舟無錫時邑人未見  
詔書以爲未蒙赦也譁然懼先生粘貼黃於通衢  
百姓皆簇擁執燈火讀  
詔書數過乃加額蹈舞而去及許墅積屍盈路賊  
猶有負固奪門與官軍相搏者其良民拈香夾道  
跪迎直抵蘇門先生立宣  
詔旨百姓始帖然相慶若更生矣回經無爲州當

栖雲閣

卷十四

十四

夜賊陷城毀署門而入露刃脇索

詔勅先生瞑目叱之曰死即死耳吾詔使安可脇也賊愕然掠行李而去初先生聞變於廢壘中安伏

詔書失足而顛遂傷右足猶力疾以行及安慶臥病舟中遣官齎

詔開讀乃竣事再管大計皆謝絕苞苴一函不通癸巳官銀臺年七十有二矣方繕疏以致仕請告

會奉

栢葉閣

卷十四

五

旨甄別京官令各衙門自行開送本衙門漢堂竝缺惟先生一人在事遂自署曰老蒙

恩予致仕陽元襖被千載爲兩矣解組以來惟葛巾野服徒步田間督僮僕以耕耜與牧豎相爾汝遇者不知爲大僚也丙午寢疾八日忽飭家人沐浴具朝服移正寢翌日向晨促設臥具怡容就榻而歿初不一語及私也先生器宇淵淳丰姿魁岸修髯長軀望而知爲偉人陋室數椽積塵滿架讀書其中晏如也萬歷戊戌保撫臬宇公捷報至觀

者如堵先生適從他所來大參約庵公遙於衆中

謂之曰爾來觀汝兄捷報乎以爾之才努力讀書人將來看汝何看人爲先生聞之瞿然汗浹背歸時益都顯東孫先生設教及門者皆命試二題然後得受業先生一試大加賞異遂負笈以從攻苦無間寒暑晝夜孫先生每嘉嘆促膝謂日子當先吾着祖生鞭矣後果不爽云每語兩嗣君曰凡臨文須苦心涵泳務得作者之意一不解至再至三仍不解則姑置之俟從容徐玩一篇若解餘如破

栢葉閣

卷十四

十末

竹一篇不解則篇篇皆含糊讀書多於不解處受益勿以一偏之識衡前人自錮聰明也諸費從省至市書則不計曰苟嫌值貴但多讀幾篇便足相償矣居官則佐惠以廉兩任中州日用惟蔬肴鮮酒脯皆以現錢平市之不取給行戶也士紳有饋遺者惟登一器後易之以簞器食不受再易之以熟食亦終不受也其徵稅也令花戶自封自投櫃公同衙官拆封悉兌準收庫立命銀匠解役原封領出傾銷無稱累者大糧三錢以下皆收錢每銀

一錢納錢一百三文照納數分發易銀限三月收貯庫至期貯者餘銀十七兩先生問故衆謂領官錢至三月方納銀爲惠已深實易有此數敢私之乎先生立以分賑孤貧因諭衆曰後但如數納銀不許擅有多寡自是官收錢不患易銀民有錢不苦納糧兩稱便焉時漕米市價每斗銀六分六釐該吏解役以入分呈牒求判先生曰爾較市價多派千金將以自肥乎抑以媚官也毀其稿各筭三十仍照市價徵解焉固俗交易地宅文契至十年皆須印鈐名之曰大開過前任者計得三萬餘金先生在任適十年吏執簿以進先生卻之曰聽民自便耳成例何必拘也其事事便民類如此至三訊之允也惟慎惟明訟詞中凡關及者悉塗之不問上官批詞隨到即鞠案無畱牘人不贏糧有巨盜妄扳富民者富民曰素未識面也先生曰若賊識汝即罪無辭矣潛令其人易隸服持挺立堂上阜役衣罪人衣繫階下盜至示之曰是與爾盜者乎盜熟視良久曰是也先生曰得無誤乎盜曰屢

與同事云何有誤先生曰諦視之恐錯認耳盜與爭辨不已先生笑指富民謂盜曰是爾所扳同盜者也今汝所認者乃吾隸也吾隸豈同汝作賊哉而雖罹以無驚矣民間有繪圖像題歌謠鬻於市因相爭者詢其故則兩人爭買所致先生曉之曰市此何爲謂鬻者曰汝亂民也爲官自有公論汝敢意爲譽轉盼即意爲毀矣笞之毀其板善政縷縷載固人德政錄中可稽也鄆有去思碑固人建生祠肖像以祀先是祠基去縣稍遠後流寇入境邑人慮其殘毀也移建關內足卜固人之愛戴矣性淡素無所嗜好凡輿馬車服宮室亭苑宴會交遊俱泊然即靜几明窓啜茗焚香亦非所好也一切貴遊豪舉名流習氣十斛純灰浣濯無餘故座無遊客門無寄名僕遊宦居鄉始終一轍云先世直隸襄強人明洪武初始祖諱景文以荷戈從王遂徙於潞北之荆山阿里家焉景文生鎮鎮生泰廩於庠以學行聞泰生四子良臣相弼世祿弼即先生曾王父也以孫遂撫取善貴累贈山西按察

司按察使弼生思同省祭以先生貴

誥贈中大夫太僕寺卿孝友純篤喜讀書慷慨樂施予拯危濟困邑人德之思同生師會歲貢士授寧陽訓遷瑞金王傳不就爲世名儒屢副正榜不第也讀書泰山督學使亟稱之謂在聖門當班顏閔行載張相國誌中以

覃恩贈中大夫太僕寺卿生二子先生其長也先生因公車者二十年比登春官榜去艾已三齡矣而歷紀仕途坐臻卿貳優游林下復踰十齡備福

栢雲閣

卷十四

十九

完名爲溜邑所僅見蓋閱人世之飛揚跋扈早達旋摧薜蘿朝華敗轅中路甚至掛吏議蒙重譴爲世詬辱者不知凡幾許人矣所得果與仲孰多哉先生生於明萬歷十年五月二十八日寅時卒於皇清康熙五年七月初九日巳時享年八十五歲元配淑人胡氏父宗允樂陽衛坐營武職母王氏寧波守諱崇義女幼沉靜端凝明敏多才智十五歸公時家道中落而雞鳴之警日孜孜也脫簪佐讀公后語嗣君曰微汝母吾幾廢學今未知所稅

駕矣迨鄧受封勅有云鄧乃爾祖故治克相夫子

益大前徽以淑人大父初任亦鄧城也淑人感矢益以冰蘖佐公於國於家兩無負矣公在諫垣魚軒至都門旋歸侍太淑人拓新居庀滌澣迨太淑人大歸含歎無憾是淑人之代公子也丁亥謝遷陷城索鐵苦拷以婦賈氏義烈獲免而逆奴將不利於主淑人佯死臥床若不聞也者迨官兵復城乃立起至城白大將軍以名收逆奴正法免無辜者智仁勇殆兼之矣辛丑感疾逾四年所乙巳遂

栢雲閣

卷十四

廿

不起屬纊之夕怡然不語及家務但囑嗣君無多作佛事無多涕泣吾所不喜也幾於達矣性仁孝父母之喪備禮以襄之兄弟之老而無依幼而無歸者皆於我乎振業焉至同胞之遺妹女姪某某同宗之遺姪女某某悉爲撫育資嫁無吝色至自奉泊如不以貴而改也可爲副禕師矣淑人生於明萬歷十一年八月初三日申時卒於

皇清康熙四年三月初四日申時享年八十三歲舊史氏曰予溜舊爲國爲府爲路洋洋巨麗哉然

自以州改縣來最爾土矣而名族卿輔故不乏人  
一邑之中四封巨姓蓋有畢韓孫王若唐四姓云  
而韓氏族姓尤大且多素封廩仕而後來者居上  
完名上壽歸然靈光則未有如公得全者也前一  
載予候公里第公觴之笑語如平時予恐公倦劇  
步出里門與次君眺咏溪上公仍追及晤言良久  
乃別私謂百歲不難臻不意見公止於此也予比  
年目擊士大夫之爲閭人者等差不一端矣而要  
以天全者爲上彼一秩自豪作車上儼胸有麟甲

栢雲閣

卷十四

三

目光如烈火兇兇欲噉人其於畏天之義固邈然  
萬里矣卽令於人無侮乎而智名勇功嚼然欲以  
表見於世淳白不備械隱於胸以語抱眞而遊帝  
之縣解難也若公則吾無間然所謂卒於天者非  
歟不講濂洛之學而視履方嚴不講倜傥之術而  
修年康勝亦不講乾竺之道而乘化倏然無怛焉  
殆近有道者吾不能測之矣子二人長茂椿癸酉  
副榜甲午歲貢以承廕歷任太僕寺主簿娶同邑  
河南遂平縣知縣賈公諱徵男庠生諱士鵬女謝

遷之陷淄孺人偕子婦孫氏死節奉

旨建坊特旌孝烈繼娶順天劉公諱良臣女次茂  
柯官生歷任內國史院管典籍事中書舍人娶長  
山縣通政使司通政使曲公諱遷喬男京營參將  
諱汪如女兩君皆力學有聞於時而長君尤長於  
史二十一史手自丹鉛撮要爲成編予一寓目焉  
則尤江北宿儒所難也女六孫七茂椿出者二至  
臨郡廩生知臨官生茂柯出者五莊臨庠生正臨  
庠生睿臨聰臨健臨孫文十一茂椿出者五茂柯

栢雲閣

卷十四

三

出者六曾孫男一法祖曾孫女二俱知臨出子姓  
繩繩哉今卜吉十月某日合葬於祖兆乃系之銘  
銘曰惟人易僞惟天則誠人舞以機公廸以貞機  
近於殺乃罔不凶公葆其眞百福攸鍾振召提杜  
猗歟雷封乃梧掖之奕奕爰卿月之雍雍故鴈門  
云踦矣而旋追驅驪銅馬之迫也而過若蟻螻其  
嗣維隆其算維豐五福備躋榮哀考終爲曇華而  
萬禩抑神芝之九莖迨處順以乘化兮浮重陽而  
上征銘鳳最而罔泐兮是維先生萬載之幽宮

通政使司右通政子下王公墓誌銘

嗚呼此故通政王公墓也予何忍銘予何忍銘予每披唐人通德舊榜寂歷樵車之句未嘗不黯然心傷宛若山陽笛聲嗚咽振耳也昔者吾友雪涕潛然豈意今者躬值之乎然而習公生平者莫若車過腹痛言笑如生苟君後事果以相及則雖欲以不文遜謝不得矣第向來期許將以三寸虎僕爲公銘熟釜識景鍾勒太常之旂草蘭臺之傳以焜煌萬祀茲乃泣灑佐香汎瀾龍尾點綴隧道栖雲閣

卷十四

手

一片石而止悠悠古今恨事何多耶公諱樛字子下初遷自棗強始祖諱貴五世而至封郎中養淳公諱達孝友異等自上世及公四世皆同居無私財亦無閒言以厚德爲閭里式子三人長方田公諱崇義舉明嘉靖戊戌進士授刑部主事時尙綜核而公獨以寬平著聲有宮嬪坐逆誅世宗欲殲其族公倡言此內庭粹發事族人未知不宜濫及無辜毛中丞伯溫聽其言合疏力爭活男女七十餘人奉使卹河南獄免大辟百餘人出守四明屠

中丞家奴毆土人公立置之法月餘以病乞休子四人長侍御理丞公諱曉其三爲恩貢又田公諱取昞子三人仲卽司農淵邇公諱鰲永舉天啟乙丑進士歷任戶工二部侍郎鼎革後招撫山東殉難

贈戶部尙書生子二長懷早逝次卽通政公也公幼秉異才七歲時同學有藏三國志者借覽靳之後值其人出乃潛披三日還之同學偶舉一事便口誦朗朗不遺九歲從司農公通州署中讀左傳

卷十四

手

文選諸書過目不忘人咸期髫年上第無疑矣無何旋里予始識公豐順偉幹殆蔭映數人望而知烏衣英物也癸未予讀中秘書公亦侍養京邸予偶代司農公作送白司農歸田詩後數年談及而公誦之如宿習也甲申李自成陷京師公與予儉服過從慰勞如常時予以秋日先歸而公以司農殉青州趙應元之難拔血草疏請兵復讎

上爲感動命將軍哈哈木東討賊公乃以營葬東歸營邱道上相遇而驚則已楚衣長劍介馬而馳



又大故之餘哀毀深墨棘人樂樂幾不相識矣丁亥謝遷陷滿城公與予日在庫將軍幕中督助兵士宿飽復城後予以冬入都而公旋亦東裝北矣上念司農之勞補公鑾儀衛職自是謝科第宿業旋以

本朝世職無在入旗外者改鑲藍旗拜塔喇布勒哈番公復入籍豐沛自是朝夕益無閒矣斗酒相呼短榻時下或追隨爲韋杜之遊或休沐命溪山之駕數日契濶雅什紛投集中諸詩歷歷如睹也

栢雲閣

卷十四

墓

已丑姜瓖叛據大同公督火器西征奉劉太淑人慈誨所至多所全活爾時巖城旣下諸軍爭入民舍中有邀公往者公辭之云吾輩閱險多矣家貲尙不能保敢妄求耶舍外多暴骨令執殍者掩之咸有難色公曰瘞骸覆殮古人所重恨不能遍及耳豈可漠然耳目前哉奏凱後值

上下詔求言公以國用不敷疏陳鈔法監司農公宿志也自繕清字疏以奏

上異之詔入內院辦事加太常寺少卿兼中書舍

人公旣學涉冠藝林而殫心清字一載而精時內外章疏悉以得公譯正爲無憾值內院者七年夙夜勤慎凡甄別兩居最云戊戌予請告歸公及諸君子餞予上東門外悵然恨不同舟南也庚子以劉太淑人柩歸葬情文兼備時嘖嘖有子蓋同于

伯仁伯智之母矣壬寅旋以省覲范太夫人歸無何入都又以范太夫人棄養歸大襄之禮視昔加隆人稱孝焉甲辰入都越歲補通政使司右通政無何以病不起矣傷哉此人竟不得四十塵尾爾

栢雲閣

卷十四

墓

畱千秋同恨此豈亦瑯琊故事耶傷哉公性至孝以司農公棄養百計慰范太夫人心其將迓范太夫人至都門也下或尼之公怒責曰此事非汝等所知也使吾得一奉慈闈雖罄家貲容何傷乃筮日具車馬儀從迎之公平日閨門肅然青衣無跡於闔外者及范太夫人至凡都中勝地如金魚池水闌諸名區必爲灑掃張筵以供遊賞劉太淑人陪從畢淑人手上食焉迨板輿云南公偕畢淑人送至潞河舟中痛哭而別范母抵里述公之孝有

如此至扶劉太淑人之柩歸也方至淄境公先偕畢淑人解去衰經至范太夫人寢室告而後敢入雖擗踊切怛之中而其入侍范母未嘗見涕淚痕也窺范母意不欲開司農舊壙則爲別營兆域以葬焉初劉母愛一侍婢至是卽尋其母家付之不索其直曰好還汝無愆乃字期也蓋曲體二母之心有如此姊適韓氏者范母出也當淄城失守姊及甥俱沒軍中公不惜厚貲贖之迎養於家數十年供億如一朝女甥之于歸也粧奩費不下千金

栢雲閣

卷十四

七

本水源寧有別裔耶乃繕家譜刊布之日以彝倫勗弟姪輩嘗論范文正公義田法區畫盡善則欲然慕曰我輩不當如是耶因置義倉儲糧以濟一族之婚葬後建義學於羅家莊延師葺宇族姓就傳訓者咸於我乎肄業焉族弟子英生有頗多皆以缺乳不存公爲買乳婦哺之今舉三子矣公嘗謂允嗣由天殆非人力也然使其失哺襁褓而漫委之數亦已過矣蘇子云以法活人有味乎其言之與其敦族睦宗有如此淄邑學宮傾圯廣文孫先生倡義重修公第有閣廣延五楹甃桷約值數百金盡蠲之以助迄今泮水粲然半銀臺舊第材也梁水而東曰韓倉爲青齊孔道橋梁中斷衆病涉焉公首捐銀二十兩石灰萬斤更爲立簿募化飛虹今矗矗起矣淄邑兵燹之餘地以拋荒缺額奉檄均丈步弓舊爲三尺二寸者吏竟私縮一寸闔邑憂之公率衆申請上臺具

栢雲閣

卷十四

末

題改正其後地額不虧版籍以定此百世之仁也至若官票行鹽原商民之定例吾邑數十年票歸

奸人課累里下公爲調劑以票歸商以商辦課牢  
盆之憂豁如矣里長王國珍發解狐皮官銀蕩盡  
追比幾死公代爲完解至順治十八年大祲邑人  
不能辦正供公又爲通邑代解狐皮邑免發派焉  
他如欠官銀之張選家產盡絕公代納免其流徙  
揭京債之程養廉幾斃固圖公助銀救其死刑鄉  
人唐近之身死子幼含歛無資公施棺葬之於陵  
安氏沒入旗下其子欲贖無計公爲懇息於都門  
宦遊者義助之更解橐以贈其後與吾邑孝廉某  
栢雲閣 卷十四 无

能平情有如此不止婁公甘唾面也後其人皆以  
吏議之贖經公校讎公反爲左右之厚矣公素性  
好生非祀典賓筵未嘗戕物都門與同志者結放  
生社大而犬牛小而魚鳥之類見酬以直而活之  
壬寅還里偕族兄勒石飲于受光亭勒石時頗耽  
獵公語之曰鷹之獲與網孰多日網多耳因勸盡  
解其網勒石自後亦踈畢弋矣公深信因果遇人  
談報應事輒傾聽罔倦或聞一善言莊語輒手書  
粘壁以代盤盂晨起盥漱畢危坐匡牀閉目存想  
謂太上感應篇務期心地開朗欲障消除嘗手書  
數語云吾輩有生以來爲妄想輪轉雖微有悟入  
如農夫之薙徑草旋開旋塞非道念堅持安能一  
心不亂乎京邸公私之費甚繁而常加意儉約其  
息軒日錄有云薄暮過一友寓出還債息錢纍纍  
自念不能澹泊明志致與屠沽作緣且多方妄取  
以供之可爲深愧近日較疇昔用度不止數倍皆  
由不時親良友漸漬奢靡惡俗至是將來必以此  
敗德喪檢不可不力自誠也其隨在悔悟如此故

歷宦二十餘年囊無餘積歿後搜諸篋中僅存百金衣衾棺槨倉猝莫辦至稱貸焉孝伯爲人無長物見之屬纊時矣公美無度諸行薄撫崖略以減更僕云性尤長於聲律之學時時出入滄溟劍南閒絕句多異想五言古上逼元柳每遇山水佳勝處輒題咏數百言或得句鐫竹或懸崖大書有息軒詩稿公歿後同旗執友大京兆李公敬茲蜀撫張公坤輿參領陳公君猷爲梓之古人高義也公不亡矣公仁心爲質急人之難計聞之日二東士

栖雲閣

卷十四

三

大夫下至負販咸爲涕洟或相告曰撤瑟之後三日已回生矣或又相告曰傳回生者悞歿後數日卽舉遺腹子矣其爲人所思慕禱頌如此公不亡矣衆口喁喁件繫懿躅鳴之當事下檄祀于學宮獲從高祖養淳先生之側蘭鞠萬世無替焉公不亡矣公生於丁卯年十一月二十六日巳時卒於康熙四年十二月初三日辰時享年三十有九元配畢淑人太子太保贈少保戶部尚書畢公白陽女婉淑柔嘉奉養兩姑侍膳省安禳疾嘗藥祇愼

雍雍從宦燕都旋歸梓里榮瘁甘苦與公備嘗公隨大軍勦姜逆淑人每以寧多生全勿過殺戮相勉圖以內事鉅細畢舉績紅烹調一經指顧罔弗精辦督課女紅無閒卽米鹽亦井井焉雖兩膺鸞誥而綦縞自若不覺有錦珣之容天性慈愛於公之姊若妹和藹終始無閒言卽孀姊無依公殊關切於懷淑人斯夕供具情愛倍至卽兩遇歉歲凡饑寒子女賴以襦繡生活者又比比焉秉性好生不嗜宰割雖不佞佛間嘗茹素每以放生善事佐

栖雲閣

卷十四

三

公蓋無忝女士也先公一年而歿淑人生於戊辰年四月十四日午時卒於康熙三年六月初三日卯時享年三十七歲於康熙五年五月二十二日合葬雙山祖塋之側有子一早泄從兄水因雪因兩君痛司農公暨公之無嗣也求從叔治垓公季男癰之次子繼焉捐所應分產與之命名承正以承宗祀時康熙五年六月十八日也古人高義又見之羣從中矣高子曰予齒長公數歲然以外家世戚公則諸父行撫塵之遊文字友也後有以不

義餉予者予儲以返之然予時將假歸攜之長途  
恐資暴客且無以自明也乃畱付之公公卒完而  
畀之予曰此古人之義也嗣是與公以名義相鏖  
彌後予善病嗜養生家言兼遊心貝葉書公亦歸  
命焉然予質菲而力怠未獲深窺扁鍵而公卒以  
盛年玉折自慙不能精進以資道侶予滋戚矣公  
歿後半載餘公族弟爲環恍惚遇公於梓潼山畔  
騎從甚都偕公先亡昆從兩三人同遊海上召爲  
環隨焉歸而卽病臥數日乃蘇蓋自海上歸云予  
栢雲閣  
卷十四  
三

命儻人春糧巾車約以初十之夕共集金嶺旅舍  
而予越一日卽部檄南來荷衣北發履及於皇遊  
不果也乃冥冥之中尙禽猶故三山溟渤卒有車  
塵馬跡焉五嶽之遊不閒夜臺如此則出世宿懷  
公豈頓忘哉夫李氏金環隔生不昧息壤在彼乘  
願可期若轉輪再來控之司命當爲羽人高衲不  
則毘耶維摩勿以旄節塵緣重淪業海也幽明不  
遐寧欺文度公或當粲然一笑首肯斯言乎以公  
倜儻卓犖之才大類司農公而武鄉之慎似有加  
栢雲閣  
卷十四  
書

焉他日督撫上選也納言指顧節鉞及之矣而驟  
驚雄露其謂之何予既不獲銘公冊府之業故聊  
誌平生歌曲如此不止存元白往事亦可代向秀  
一賦云爾

銘曰青箱世業邦之英龍淵魚腸發於硃冠仁恭  
義信爲纓俄焉雄露錮泉扃下爲河岳上列星揭  
再來兮悟宿生侍帝晨兮躡玉清回首五濁宛虹  
蜺翕仲陪兮蔓草繁下看梓潼如砥平迴風飄兮  
笙鶴鳴小有絳節還西城

戶科給事中樹百孫公墓誌銘

夫有濟時之略而奄忽不祿也天下惜之久矣至同里過從之雅而又深知其所蓄淵宏而大受未竟十一者惋痛之懷尤爲不能已已百身之贖始知古人非過情之語耳此予不佞於笠山給諫之謫焉朝露而寢門之涕蘇蘇不盡也君諱蕙字樹百笠山其別號也頴悟天成甫十歲安太孺人見背稍長王父煥吾公自教之煥吾經明行修隱居好善秉人倫鑑謂封公曰大吾宗者必此子也經

栖雲閣

卷十四

三

書之外教之莊子韓文以故學有根柢弱冠補博士弟子員試輒冠軍丁酉薦賢書辛丑成進士殿試二甲例選刑廳後裁刑廳改授知縣得揚州之寶應地當水陸交衝星使往來舟車絡繹供億刻期無誤又值連歲水荒哀鴻載道請蠲請賑招來撫綏日孜孜矣煮粥廣被並不假手胥役舊有馬戶更夫長接官農糧單馬飯等名色大爲民害君詳請立石永禁之他如議版荒草濫役修號航改淮倉種種興革更僕難盡數會河道淤塞例當

挑濬君念荒殘子遺不忍驅迫而河使者以遲悞

限期將白簡從事實民曰我侯愛民如此忍坐視

耶一夜羣呼集夫萬衆百里長河僅三日而竣厥

役河使者喜曰向聞實應令能聲果非虛語矣邑

民繪濬河圖以誌不忘予曾披閱如目睹畚鍤水

鄉也前此清水潭潰河使者特委監修不半載而

功成又歲修湖隄前後節省帑金鉅萬年來安瀾

無恙者皆君之力也甲寅三逆發難大軍南征君

挺身白大將軍所戒兵士勿暴掠將軍唯唯君即

栖雲閣

卷十四

三

揚言於衆曰奉將軍命登岸害民者置之法立催

出境至如講解六諭勸課農桑均市價而商旅啣

恩池放生而鱗介被澤回贖難衆施舍絮衣修理

橋梁猶政績之緒餘耳公餘延士子課之多成名

士而壬子秋分校南闈取夏乾御等七人時謂得

人甲寅冬督撫以卓異薦乙卯行取入都

陛見賜蟒衣以庚申補戶垣首疏澄清吏治嚴禁

奢怠繼念秦人轉餉艱苦疏請軫恤蠲免房租嚴

查各省奏銷俱蒙

俞允辛酉典入闕秋試壬戌復命密疏海道情形  
甚悉奏稟留中繼有請開海禁疏又以捐納人多  
正途壅滯復有條奏銓法一疏

上因星變求言有裁撤潼關關差之議一凡啓奏  
皇上靈顏採納嘗語侍臣曰孫惠條奏詳明真諫  
臣也予以爲

國家之特重諫官非無故也意在入

告昌言用襄太平大業耳故位在公卿大夫之後  
而百僚悚仄六官之政無專責也而無事不可以

栢雲閣

卷十四

三

入

告上之摩切

丹旻次之攻擊權要雖裂麻無諱也遠之而四海  
九州之利病皆待以糾拾補劑焉此非有救世之  
志與救世之才者未易稱任而愉快也明矣君於  
二者咸備焉然止小試見類於河工迨入掖垣則  
諸疏侃侃無所遏抑固皆有以當

聖心矣夫以

堯舜當陽官牧奉職之時批鱗斥莠固不煩慮而

小腆不靖南服餘波累及寰海吏治民生脊脊多  
事此正賈陸諸君子上書報

國之時也其端教養之原一疏云事例廣開而積  
蠹大棍或藉之爲藏身之符或假此爲狡兔之脫  
所以加先用卽用者急欲肆其谿壑耳且若輩既  
攜重貲以買官獨不能用重貲以買稱職乎則臨  
民一官所宜詳之於始核之於後也其崇節儉以  
正人心勵精勤以修臣職一疏云從來禮教不行  
自貴者先犯之故奢與儉卽風俗人心之大關鍵  
躬之誼臣子宜篤故隋與勤卽人品行業之所由  
分也蓋奢則漸爲貪之原奢則流爲僭之端此風  
一倡必以浮靡競長者爲可喜而以清約守道者  
爲可恥矣情則自便之心急情則報

國之念緩此風一倡必以持祿養交者爲曠達而  
以鞠躬盡瘁者爲迂濶矣所宜敦樸素以弭災飭  
官方以興事也其甦秦民重困一疏云蜀省諸臣  
樂於分任而秦省轉輸之苦不肯計也秦省諸臣  
惕於軍需而百姓艱危之狀不暇計也宜遴賢能

栢雲閣

卷十四

三

大臣星馳入蜀合計軍需蜀省能辦者幾何倘數目相符竟免秦運固所以甦秦民之困卽量減一分亦受一分之福矣若蜀省人稀米少萬不能供軍需之急亦當先計蜀省能辦者幾何再責秦省設法運輸或止令其協濟折色就便採買則糧不匱而民不累只在一變通之間耳其嚴察秦銷愆期一疏云夫從前兵旅雲集奉調援剿或可借口日冊籍散亡且身在軍中不服核算所以每多展限之請也今則削平恢恢已有暇日則每歲原額

栢雲閣

卷十四

五九

幾何徵收幾何或獨免存畱幾何數目可以立清矣報銷尙復遲遲者正以水落石出無可委卸故耳此可不問而知也其憐秦民饋餉之苦一疏云餉蜀遠道數千里矣聞其斗米卽費銀二兩合計數百萬之軍需一年當費至三四年之正賦則是八年之內已費正賦二十餘年之外矣秦民始則財力充盈不苦於輸而但苦於運也今則財力困竭既苦於運而兼苦於輸也乞特免其房號或房號已經徵收則二十年二十一年之徵賦准其獨

免或免來歲之全賦或免今歲之半租破格垂慈庶有豸乎其計典澄汰一疏云捐納途開溪壑任意至數人而納一官之銜一官而償數主之債豈非以民社重寄竟聽爲龍斷之場乎且自兵興以來每逢大計督撫之威福愈重或借名而題畱或無故而請補而工於奔競彌縫者且踵相接也乞於大計之後復科道拾遺之例指實糾參治督撫以應得之罪此與教養一疏大指略同而指陳尤詳矣其請嚴覈卓異一疏云乞

栢雲閣

卷十四

四

勅下諸臣再一研求或一省之會處或彈章之既掛或秩崇者樂於狗庇或貲厚者易於迎合不得以一時之飾薦遂濫上考之虛聲庶六計大典可無濫等之弊矣其請設專官用便商民一疏云市舶一項歷歲稅銀天壤懸絕廣東撫臣疏中歷歷可稽也蓋得清理之人卽可以報多若聽其浸漁則遠甚矣今事例初罷當變通市舶提舉之制或令沿海道員郡佐責其管理或特設專官照各關收稅之例除會議廣撫李士禎疏稱渡口鹽埠算



項共增稅銀六萬五千餘兩外至於沿海諸省各色商民或願內地經販或願出海貿易俱許其自造船隻報官給票登記姓名查明人數取其保結嚴其夾帶定其限期其出境也給票而後放行其回帆也驗票而後放進計其貨之貴賤定其稅之重輕不數年內地之元氣可復額外之財賦日增庶從前內地外洋各項物利徒飽於私橐者今可盡歸諸公家矣其變通選法一疏云

祖宗舊章具在銓法壅滯宜疏希將在內地者斟酌往例查數科未選之員照甲第先後量授京職與納銀者分□缺錄用在外者一年六次大選合無變通選法閒月而選三選捐納之卽用先用錄用三選應用之科甲貢生不必一月之內分行取選庶無爭先避後之嫌並免壓缺移缺之弊如是則內外疏通人才有効用之階科目無廢置之歎矣君之盡職於掖垣也其懇至痛切直如此予以爲

聖王之圖治與國手之行棋略同數着無多而全

卷十四

聖

栢雲閣

卷十四

聖

局制勝大抵扼要多功因時盡利之爲道濟薄也而天下利弊之相生也如環利之所始遂爲害之所伏然害之所滋又將爲救之所起如人病然非扁盧通其變鮮有濟矣故西園之拜三公非盛世之事也若捐貲而緩庚癸之呼一壺千金遠勝加賦不亦善乎然非嚴察於授職之後不可不然而以六計大典徒飽金穴若之何昔之人泛舟羅鄴鬻桑可飽是也然而武侯之牛馬衝窘工倕狐鼠方快朶頤而度支重增蒿目可乎君諸疏具在瞭若指掌其言用人者三如秦鏡高懸魍魎褫魄矣其言恤民者三如岱雲膚寸道暘解醒矣其言理財也梯航所入盡隸司農先杜褐父之脫遂補閭尾之泄則又勝於鬻爵遠矣皆所謂坐而言之起而可行行之而立效者也獨惜其未得身總大政自奏成功而且所欲補贖而陳者亦正累累未有涯也余故摘其要語表而出之庶海內賢者覽之憬然有當引而申之亦足以有功於天下而報國之心君亦可少慰於九原矣君之孝於門內也

承顏養志務得歡心而後已特率族人合置祭田  
供春秋享祀又自立專祠奉祀祖父至叔父析居  
已久贍以田宅叔弟四人爲延師皆已入庠又爲  
弟菽援例考授州倅素慷慨好施凡死喪急難不  
惜資助如柳下族祖卒於餘杭旅館公煥族叔卒  
於滇南任所隆吉族兄卒於下邳州署裕如袁君  
卒於臨淮官舍子山畢君卒於贛州郡衙皆極力  
護其靈視以歸邱君荆石缺稅未補家產盡絕代  
爲理豁得援例以免鶴龕閣君卒於長寧祇以數

栢雲閣

卷十四

聖

金註誤家累三十六口悒悒病歿者二十九人皆  
爲曲致當事清其交盤旅視乃歸其爲德於鄉也  
又如此夫流俗之日下也凌弱暴寡自以爲豪而  
般水一隅遂不幸爲山左屈指焉予不佞心竊惜  
之偶命筆成還淳小約一書君見之深以爲然因  
取其書去將梓之蓋君之居桑梓也律已以正存  
心以仁嚴飭僕役咸恂恂奉法無忒一洗般陽故  
習矣而浩氣英才千人亦見予妄虞其或爲未深  
諒者所怪倘更進於溫良大受尤有餘地也一日

過予燕邸予笑曰適讀論語中一二語有疑焉質  
之可乎君曰何也予曰光明正直千聖同歸之地  
也更無岐途而質直好義已確然正人君子矣乃  
卽繼以察言觀色慮以下人者何耶義以爲質之  
後又卽繼以禮行孫出者何耶君笑曰先生之教  
深矣君聞過則喜能受盡言有先賢之風故同人  
得以勲之義槩如斯君稟質素弱嘗就一楚客之  
廬五老峯巔危坐者數日予聞之忻然而喜方俟

栢雲閣

卷十四

四

歸來細叩所得不虞歸甫數日已翩翩觀化不可  
問矣嗚呼悲夫直義成行而道濟爲心何所忤於  
造物而見妬若此蒼生願望不足以畱賢者之駕  
他心宿命予何足以知之把筆愴然失此良友因  
不止西州之涕潸潸沾衣也君雖甘載榮途而性  
嗜山水於舍旁爲園築亭其內勝曰萬仞芙蓉齋  
又開池浚塘堆巖布壑種樹蓄鶴蕭然塵外雅負  
書癖每見坊間善本不惜重直購求特建逸峯閣  
以貯之雖病類休文不廢披誦也著述最夥遺藁

無幾已經制廟者有心谷制藝安宜治略笠山奏  
議笠山詩選及歷代循良錄感應箋註藏於家君  
生於崇禎壬申二月十六日子時卒於康熙二十  
五年三月初六日寅時享年五十有五元配韓孺  
人繼配趙孺人子一斯銘君叔弟芹出也今繼君  
祀聘益都處士南呂夏侯君鍾文女一適同邑歲  
貢生候選教諭馬君朝端男監生步雲韓孺人出  
以某年某月某日葬焉乃銘之

栢雲閣

卷十四

墓

銘曰嗟物化之轉轂兮孰司契乎穹蒼猗冠裳之  
屢易兮蓋升降乎俳場已摩乎召杜之壘兮將登  
乎稷契之堂問驚嶺而禪觀兮謁龍月而飛觴陟  
東華兮超超睇西極兮煌煌或證果於隔壁躡雲  
馭兮翱翔予猶有蓬之心兮雪涕泗而盡傷惆悵  
乎芙蓉之園兮疑陟降乎辟疆揖笠頂之白雲兮  
望鶴駕而徬徨

王太公暨元配孫孺人墓誌銘

君生而嗜學卽以諸父爲師友家庭臯比鏤礪忘  
晨昏時博綜六術刻意古文詞而君獨致精於博  
士家言期一當有司以爲捧檄之權閉戶下捷謝  
賓友游從每出入恆由一圭竇中案上置□題十  
三本濡首吟誦座閒俱錄經史好句瞻顧不忘壬  
子入棘闈滿志而出卒未售咄咄淡墨無緣意不  
自得遂坎壈下世矣平原君曰大人不祿闕文後  
不佞入向年修業廬四壁紙聲颯颯猶飄搖蛛絲  
栢雲閣 卷十四 墓  
風影中不禁泣下沾襟也予嘗謂士子受一經卽  
如淮陰背水之陣鏖然一戰生死以之矣朱衣點  
頭遂關松喬之算如此天下志士文人以數奇不  
封而賁志九原者何限桂子堂斧渺淼難期不意  
果於君見之矣惜哉時萬歷四十二年甲寅閏文  
後□□年而孺人棄養孺人孫姓稱未亡人者二  
十年太公卒時長子授室矣諸子尙幼家徒四壁  
立而尊章皆六十餘齡餽粥之資惟恃孺人十指  
供之足不踰閭外而每歲冬日一至懿親錫山趙

氏家與孀嫗楊夫人共朝夕一室幼子三皆從焉  
孺人擁絮臥床上諸子臥床前以一劍共衛森森  
如對鬼神夜半聽鄰家襍作歌呼聲母子噤不發  
一語至天色朦朦時候壁隙微光以針指就楊夫  
人每笑曰女秀才效古人鑿壁事耶久之三子皆  
入庠青青子衿而庭趨之訓不復聞孺人輒淚潛  
潛下也嗣是厲序競爽試皆高等且食餼應秋試  
屢屢矣皆不售慚且愠孺人則慰之曰兒輩何乃  
爾爾賢書一紙自有司命君主之寧可意取耶汝

栢雲閣

卷十四

吳

父簡練半生止一入棘闈耳汝輩決拾與三吳注  
跼之君子角者比矣其如命何發篋不休晚成何  
害卽不然青氊一席亦是明經退步也復顧平原  
君曰汝年正富勿慮黽勉大業可也平原君卒十  
試而後售而孺人下世已□年所矣言終驗而不  
及見也歿時無他語惟語諸子勿忘汝六叔父□  
嗣事以酬汝四祖恩蓋孺人初失所天時□公首  
先倡義糾至戚一二人以翼孤寡每歲有助焉孺  
人彌留而耿耿不忘德如此迨啓攢入土見木上

靈芝纍纍□□掌成噴噴節孝之瑞不虛云公生  
聞文子惟太公苦志而不登上第孺人苦節而不  
登上壽且皆不及見後人之顯燦也斯平原君之  
標心隕涕而莫禁者乎不佞則謂幽明無閒何關  
文

栢雲閣

卷十四

吳

黃母孫宜人墓誌銘

宜人姓孫鄆城縣貢生兆熊女母楊氏生而婉嫕  
端莊語笑不苟十四歲歸黃君公蘊事尊章以孝  
聞鍼組滌瀝夙夜恪恭能當兩尊人意甘脆輕煖  
必以供自奉飭蔬荊布而已封翁仰山先生孜孜  
爲德於鄉排難解紛有魯連子遺風賓客過從治  
具無虛日宜人雅意承歡烹鮮釀酒不憚劬勞柴  
問翔井里則豕婦力也翁及王太君疾宜人炳香  
禱天所以身代蓋筭幃會閔行矣訓諸子以義方

栖雲閣

卷十四

哭

則秩秩有常使勉爲善人長者至佐夫子利濟好  
施雅稱閭閻同志友焉辛巳歲大疫人相食施藥  
施粥施絮衣四境絡繹來赴今活者以數百計死  
者施樽且掩骼亦以數百計盡出紡績簪珥爲之  
一如佐太翁曩時無倦色也公蘊令陵川六年嚙  
然有水菓聲暮夜之金望而卻走宜人蕭蕭亦若  
故爲諸生婦時未嘗製一執紼服及旋里餉諸親  
故則疏布數十端王丹所謂出自機軸者迄今陵  
人歌謠不替云旣而隨任陝州時山寇方張衆洶

洶懼渠邱潰也或勸公蘊宜遣家累歸宜人毅然

曰守土之臣義當與此城同存亡妾亦義當與君  
子同生死若遣妻孥以爲民望其若致身之義何  
且宇下之人隨而鳥獸散矣是重戾也而城以卒  
全其明於大義復如此無何以疾終於官署時長  
君在鄆三子視含歛焉蓋康熙三年五月也壽止  
五十有七惜哉宜人孝於尊章睦於先後仁恕於  
僕役門內淑德輝輝如矣而孚惠多端是鍾離子  
之致問於威后者也夫魚軒百里佐以清廉彼德  
耀而膺象服也者想當如是矣及乎綠林伺隙蛾  
附時驚而輒用金柅如全疏勒宗周之闕方之恤  
緯藐如矣夫人之城庶可匹烈焉焜煌  
龍章不亦宜乎子五人闕文

栖雲閣

卷十四

辛

栖雲閣文集卷第十四終

栖雲閣文集卷第十五

淄川 高 珩 葱佩

神道碑銘 墓表 祭文 賦

贈戶部尚書澗遼王公神道碑銘

公諱鰲永字衡臯號澗遼始祖諱貴明初自棗強占籍淄川五世而至封中憲大夫養淳公諱達時稱孝友長者四世皆同居無閒言達子諱崇義舉嘉靖戊戌進士授刑部主事時尙綜核而公獨以寬平著聲有宮嬪坐逆誅明世宗怒欲殲其族公

栖雲閣

卷十五

十

倡言此內庭粹發族人何知不宜濫及無辜御史中丞毛伯溫韙其言合疏力爭活男女七十餘人出卹河南獄除大辟百餘出守四明月餘以病歸號見一山人生四子伯大理寺寺丞曉叔諱祝公父也公幼負異才爲蓺林祭酒舉天啓甲子賢書乙丑成進士分符襄陽襄陽楚要地也藩封驕悍民俗侈而喜訟號稱難治公別衙蠹抑豪強革僉報騾馬時三王之國供億旁午皆先事區畫民不知擾預儲火藥六萬餘斤弓矢甲冑藺石渠答各

栖雲閣

卷十五

二

以千百計明崇正二年楚撫入衛軍資糧餉取給襄陽費亦萬計皆咄嗟立辦不須安子之儲也襄陽錢值驟賤每銀一錢得錢百八十文農商交病公集紳民酌議定爲一百三十文令民得以錢納稅糧官零取而總鬻之哀銀以解令下三月錢價頓平自是五年之內襄陽錢價不縮農民無加耗之累邑人勒石縣門以誌德焉公冰蘗自持恥以姑臧取潤而馭吏胥以嚴卽諸負勢僚人不少假顏色署宜城篆時蓋嘗折巨璫之角而卒以持正忤臺使云蓋宜城孔道乘傳者項背相望而承天之守陵中貴人尤恣橫其奴子每過輒鞭笞驛卒稍失意則竢馬飲水後往來馳騁立斃之或割棄障泥宜城里甲以賠馬破產者不可更僕數也公初視事郵卒報中貴人奴捶驛吏幾死公遣二胥往召之則怒而來赫然曰我輩公事方急令且速具良馬召我何爲公詰其郵符安在則又怒曰中貴人所遣使例不用郵符且我輩豈賸者而沾沾相難乎公縛而笞之曰歸語汝中貴人我知奉郵

符而已此外一騎不可得也奴子歸白中貴人中  
貴人大怒行檄詰責公閱其文移如長官行屬吏  
者乃批其後曰本縣非太監屬吏也此式何得加  
我來役無郵符而妄索馬捶驛吏於法宜笞已依  
律決遣矣中貴人得檄則益大怒訴之撫鄖梁中  
丞中丞以尺牘屬荆襄備兵使者曰襄令固健然  
亦不宜輕忤中貴人足下幸風其往謝不然恐差  
刀難入鞞耳使者以書示公公辭曰中丞及明府  
意誠厚然令宦情甚淡不能脂韋泐忍事若輩若  
得以此罪去官雖沒齒無恨矣卒不爲屈自是終  
任無敢擾驛卒多索馬者舊時直指使胥吏常分  
庭郡邑公初至一胥持檄至傲睨無部民禮公廉  
其惡狀累累執而斃之獄由是其黨咸思甘心強  
項令也直指某果爲所惑將以危法中公而都門  
九列諸大僚復以公才望宜在烏臺青瑣間持不  
肯令公以平格例轉公乃上書云職學製五載歷  
事數直指皆蒙國士之遇然從不假顏色於其胥  
吏今值按君煬竈正若輩報復之秋也夫復何言

栢雲閣

卷十五

三

但按君若誣職以乖張矯激不近人情職不敢辯  
若誣職以貪則職不能默默以處此矣襄屬諸州  
縣卽至清者無不受火耗而職自履任之初以襄  
邑銀貴錢賤卽收錢以調劑商農今五年所矣未  
嘗有錙銖入篋囊也火耗尙不敢取況其下焉者  
乎獨是按君投杼之惑已深三至必欲羅織強項  
令以伸宵人憤職若覲顏居此將何以見齊魯文  
學之儔燕趙悲歌之士哉諸丈之欲畱職而爲職  
解紛者不過惜職五載微勞欲以清華處之耳倘  
蒲柳先秋清華又何望焉今不閱之身未遑擇地  
卽鳩曹比部職望之無異登仙也竟因是陞戶部  
雲南司主事去前公攝宜城篆一年有奇積有公  
費贖鍰一千七百餘兩卽以代輸本邑新餉邑人  
立生祠祀之公題二律祠中有云歸裝惟有圖書  
在蓋實錄可代清獻之香矣旣蒞民曹察核宜大  
撫實清出冒破銀四十二萬餘兩以丁憂歸服闋  
復除戶部協理舊餉冊庫兼管章奏凡本部生節  
大計十三司難結案牘皆屬公定議大司農倚以

栢雲閣

卷十五

四

爲重焉時大農白陽畢公公姻家也計板曹資俸公應得許墅權差公辭不肯就畢公問故公曰安有君爲堂官而不佞可持籌殖地乎後數月山海新餉差出公求自試時邊事方新脫巾時告畢公曰君卽不爲仕宦計如老親何公曰急難者人臣之節吾以自靖且老親素安義命不我憂也之任餉至輒發士以宿飽又清核倉委侵沒得米六萬石豆九萬石悉歸之公家崇正九年公以憲僉監通州軍十一年流寇突四川大司馬特疏改調荊州時荊襄武備單弱人不習兵公議裁各所協濟銀並權關鑄本銀一萬二千餘兩添設防兵千餘名並荆衛操軍舍餘千餘名教之步伐一一如司馬法南中始赴赴如雄邊子弟矣旋陞鄖陽撫治初賊張獻忠敗後奔竄穀城時邊鎮各兵厚集於襄將合圍焉獻忠懼以撫恩總理熊文燦文燦信之按兵不動爲請勅印且出示令與百姓分糧賊因此盤踞無忌立關抽稅掠奪往來商賈招買金鐵材木膠漆之屬日夜造甲冑弓矢殺擄及數百

里外而一時撫道有與相抗者獻忠輒藉以激怒文燦云欲敗撫局公初拜命卽先効文燦以爲撫之一字可附之勦中而不可與勦並立殲厥渠魁脅從罔治罔治卽撫無多委曲也今認定撫之一字聽其盤踞不動恣意掠奪廣畜軍資反多方委曲令百姓不得名之爲賊甚至他人書札亦不敢及一破綻字但有言者卽指以爲壞撫局夫撫有局乎以見在之事徵之如劉國能馬進忠李萬慶等不過當陣投戈收之已耳未嘗有局也蓋緣認撫之過真故爾將錯以就錯狡賊已自知其挾撫之妄翻然掣縱而我猶逡巡於敵籠空架之旁想像其附我臂韞亦愚之甚矣伏稽正德年間趙瘋子齊彥名等轉掠數省勢亦猖熾當日未嘗講撫而二三年間馴致救寧良由有司拊循有素民安田里不肯從賊兇逆之徒日日奔突無所底止計窮望屋漸就銷亡此今日對症之藥矣奏上報聞無何張逆果叛攻陷房竹等縣將窺荊州時鎮兵皆爲熊文燦檄防均襄公率施州衛兵一千五百



及楚撫借兵五百扼賊於竹谿之衝掘草根煮青  
柿而食卒無畔者相守兩月文燦不發軍餉但移  
書趣公回郾公奏言竹山爲賊窺荆首衝今棄而  
不守倘有疎虞責將誰歸臣深居鎮城高坐行文  
書豈不甚便第如皇上簡拔寄託之意何今雖轉  
戰可以趣耶然賊氛正熾臣不能舍房竹也則此  
一塊土是臣致命之秋矣會文燦罷去楊嗣昌以  
輔臣出督師賊乃西奔嗣昌舊以柱史巡榆關見  
公清核廉敏心甚異之後在楚與公相須如左右

栢雲閣

卷十五

七

手每以手書諮詢公亦持正不阿往復論難無虛  
日郎屬僻在萬山之中久爲闖操諸賊所據公疏  
請於竹山設防兵二千移郾陽守道駐焉斷賊往  
來之路奉旨允行郎道周夢尹難之因潛挑督師  
謂頃題用計處諸廢吏公有後言督師意始疑會  
復爲宵小所交搆遂疏論公部覆解任回籍時嗣  
昌親總細務秦蜀楚豫撫鎮諸軍進止必關白得  
當乃行公奏言兵機決於呼吸往返或恐失時願  
詔輔臣總核其全而應變出奇令諸臣各以便宜

從事蕩平可俟矣疏入不省後張獻忠詭分少兵  
趣承天守陵撫鎮告急嗣昌盡檄各鎮兵往援而  
獻忠身率銳師倍道襲破襄陽福王死諸軍卷甲  
疾歸已無及嗣昌遂仰藥自盡明懷宗始追憶公  
前疏復起用以僉都御史督治通州諸軍旋入爲  
少司農掌鼓鑄事嘗因詔對奏言增兵則賦重賦  
重則民逃軍餉愆期兵復鼓譟是增兵適所以增  
賦然則去兵去食誠目前之要務矣明懷宗亦僉  
其言而不能用也李自成陷京師公爲賊所脅逼

栢雲閣

卷十五

八

受僞命卒不肯屈四月  
天兵至都公以爲我

朝代與國雪恥誼不可不出遂往見主帥曰大王  
奉

命討賊爲中原雪不共之讐席捲烏合乘勝長驅  
此不世之威千秋之義舉也然逆賊餘黨猶屯聚  
近畿二東三河聲教未達若遽遣虎旅恐民心疑  
畏逆我顏行是堅其從賊之心而自分七萃之力  
也今莫如按兵不動遣使宣諭伐罪弔民之義二

省將傳檄而定矣。累臣雖不佞，願爲大王前驅焉。主帥然其計，卽承制令公以原官招撫山東、河南。行次德州，先以書諭其賢豪大姓，爲陳逆順成敗之勢，收其圖籍。二東悉降，至濟南，設官安輯衆志。大定東巡，次青州，逆賊旗鼓趙應元假稱將降，而乘夜倍道襲青州，城陷，公殉之後，月餘，大兵復青州，擒斬趙應元，盡坑其餘黨，迎櫬歸家。公顏色如生，云有司具始末聞於朝。

栢雲閣

卷十五

九

世祖皇帝震悼久之，命大司空營兆域，贈戶部尙書賜祭三壇，予一子。廕公魁梧，身長鬚眉鬱然，胥徒白事不寒而栗，而中懷和易，卽僮僕有過未嘗有疾言厲色。其居官，訊囚雖奸民，怙惡情罪殊常，皆如法決，遣從容如平昔。然性輕財，貨不問家人生產而敦友于好施，濟與弟及兄子析產，輒取其下者。有薛包遺風，後弟姪爲豪右，所兼併公延之同居，筮仕後將舊所分田產盡與弟姪，不畱寸土焉。方公爲諸生時，邑學博士卒貧不能具棺，其子聞公家蓄有美楨，值百餘金，將爲王母備後事者。

匭匭來求公，卽輟與之。不少吝，明崇正壬午之春，歲大祲，易子析骸，遍於四郊，公盡發食粟先賑三族，次及親友，復勸富民出粟煮粥，所全活者甚衆。而自奉甚約，每食止一殺一菜耳。早年淹博羣書，攻古文詞，官通州時，軍事之暇，偶過太常君書室，時太常方閱文選，遂問三都兩京何處最佳。太常君倉卒未對，公笑曰：「文選爛秀才半，今汝濫竽博士弟子員，而不能通大義耶？」因覆誦兩京不誤一字，偶問及他文，亦然。酒戶不減，鄭康成少年卜夜。

栢雲閣

卷十五

十

常至終夕，筮仕後飲不過三卮。嘗謂太常君曰：「昔人以日食三升米飯不飲酒爲家傳治譜，語雖近謔，然錢糧常多勢亂，綜核貴嚴，人命時有隱情，審鞠宜細，精神不啻則胥吏乘之，汝不可不知也。」義方之訓如此。按公慷慨大器，文武兼資，雅量如謝安，石敏略如姚元之，不必稽之建節以後，卽襄陽賦錢一法卓然救時宰相事也。今朱提之貴較明末倍，屢誠復得公持籌縣官，豈復憂軍興而編戶寧須敲朴哉？至料楚事如握火而卒未得力，掃銅

馬賡江漢常武之烈此自闕明社存亡大數未可  
以一手支大厦也至

本朝六師入關闔逆西潰當是時神州乍陷海水  
羣飛僞官遍布大江北而假竊名字稱戈躍馬者  
郡邑復比肩鱗鱗起以

本朝師武臣力天戈所指自無不終歸版圖然而  
疑畏方深智勇各競使百戰之後暴骨於莽也而  
後投兵二東跼注之君子其才遺能幾何矣公仁  
聲先路建節而東尺檄朝馳羣壘夕靖兵不血刃

栢雲閣

卷十五

七

而海岱間已奉正朔在

國家固收不戰之功而二東百萬生靈易土崩爲  
安堵若不知改玉之事者伊誰力也耶至青州之  
變議者或訝公之疎於防此又有說焉不佞嘗逃  
槽往牒參觀已事往往翕張同道成敗詭趣非盡  
關人謀也以疎而敗宜也或亦以疏而成倘因前  
之成而襲之又以致敗以密而成宜也或反以密  
而敗倘懲前之敗而矯之反以無成者比比矣執  
北平之壇上以律汾陽則免胄於藥師寧非虎口

泥費禕之車中而繩光武則握手之新息或有魚

腸予師盡法而李郭之犯順固病批根三思反噬  
而桓敬之隕身又緣解網功之立也蓋不必有成  
謀變之生也亦不必有定範然則人非管郭將何  
道而可乎以公之明智豈能燭房竹之變而獨習  
於營邱哉吾意公當有微權或欲埃其入吾繚轂  
而徐圖之未可知也而蜂蠆之毒遽發懷袖豈非  
數乎豈非數乎後之人當有論世而慨然於此者  
也公生於萬歷戊子年五月十一日卒於順治元

栢雲閣

卷十五

七

年十月初三日享年五十有七原配劉夫人早世  
繼室范夫人結褵時年方少而事姑以孝撫遺女  
以慈時公爲諸生常修業外舍并日絡續夫人力  
任之不以爲苦至甘旨滌瀝又罔不情文俱盡也  
及公遊宦中外二十餘年每相勗以廉故雖屢任  
華懸而囊篋無長物蓋實有贊勦之力焉公李氏  
姊早失所天旋歸宗夫人飲食必與共終其身無  
閒言族姻有貧病患難者稱力助之雖再三不厭  
生平不喜華飾常衣者大布縑絲而已屢蒙詔封

而常親操作雖晚年未嘗廢紡績諸女有言過勞者則曰男耕女織居家恆理汝曹亦欲效世俗尚事粉澤粧束耶太常君壬寅歸省夫人方康勝迨春假滿將北上適夫人下床傷脇欲遲遲子舍夫人易之曰吾病不足爲深患汝予告期且竣矣急趨舍人裝勿稽也太常君雪涕而行至都門方擬陳情乞終養而以中秋後八日遽爾委順已夫人生於萬歷二十五年正月二十九日卒於康熙二年八月二十三日享年六十有七二子長穰弱冠

栢雲閣

卷十五

三

早逝次樛副室劉夫人出邑諸生廕鑾儀衛指揮僉事復改鑲藍旗拜塔喇布勒哈番奉

詔言鈔法

世祖皇帝異之詔入內院授太常寺少卿兼中書舍人十八年改內秘書院侍讀至秋裁缺復候補少卿娶畢氏明戶部尚書畢公諱自嚴女女六長適庠生張濟亨次適戊午舉人梁公諱試子庠生梁維絲次適巡撫遼東右僉都御史韓公諱取善孫指揮韓淦子庠生韓茂樟次適明戶部廣東司

主事畢公諱自寅子庠生畢際培次適明兵部尚書張公諱曉孫濟南伊陽縣知縣張聯翼子舉人張之翰次適江南廬州兵備道布政使司右參議趙公諱振業子庠生趙元美茲太常君奉范夫人之輅柩於公墳則康熙三年四月十七日也乃系之銘以示來許

栢雲閣

卷十五

十四

銘曰猗歟淮清世有英人赫然仗鉞云社稷臣填楚而身不少畱楚則卒瘞謨豫陳也撫齊而志未全酬齊則已安抱不聞也英英河嶽之氣歿爲神也光大而重光焉相爾後人也

誥封中憲大夫範宸王公神道碑銘

皇帝御極之六年妙選庶常讀中秘書吾山左五士與焉予是時始識學士君素修茂齡雋才望而欽爲國器而恂恂端雅稔知義方之有素也久之而唐君濟武以建言歸安君復旦亦旋外補蓬池儕偶落落晨星同郡同官朝夕相過從者惟素修獨也燕語之次因得以聞太翁範宸先生行誼私嚮慕之無何而先生來都下交揖於疇人中儀觀偉然而私念藍玉不誣如是夫醴泉無源非篤栖雲閣

卷十五

五

論矣丁酉素修以讀禮歸窀穸有期乃以尺書來曰清不天先君子遽棄藐諸孤鮮民之恨何極維是麗牲之石敢邀不朽於下執事不佞筆硯久生塵矣然素習先生其何敢以不文辭也按狀先生諱所師字範宸海豐坊廓里人曾祖諱詔祖諱簡世以隱德聞父有時姁修式於邑歿後邑人私謚曰恭義配李氏子四人先生其季也垂髫補邑庠弟子員饜飫經術而尤篤於躬行滄澹承歡無間言諸兄皆早逝姪湛復不祿遺弟若子哭焚靡所

卯翼先生撫育若己出黽勉教誨竟忘何估之歌

根本大節庭幃嬰日不止薛包卜式班賁煜燿已也惟恤三黨中樹德無數若冲斗長茂李君等皆爲匡其生紀康食緩帶乃卽安視君卿呂公猶一呖耳同邑司馬二瞻將改葬其先人偕嫻青烏者行營高敞地得先生祖兆之南囁嚅未遽言先生慨然推贈無幾微難色二瞻逡巡不敢承歸而庀儀踵門長跪以請先生力卻之曰佳城鬱鬱向已心許君矣庭實煇煌是奚爲者固請固卻之其爲栖雲閣

卷十五

六

德姻婭有如此者邑中荒度土功率聞風爲里人倡若新學宮建文昌閣置關帝城隍各廟香火地捐金鳩僦不恤倒囊咸秩無文式襄蘭鞠其伉爽好義有如此者早年有四方之志雅慕子長遠遊輕裝郭下憑弔冰井金鳳閒旣而驅馬秦川薦渡大江一葦所縱三吳三竺閒靡不蠟屐及之所至山川險易戶口阨塞咸若握火於天下大計灼灼指掌閒壬午邑中戒嚴郭令君以中權相屬自冬徂夏營陣不懈得以免渠邱之潰者先生力也會

備兵使者雷君按部閱武試諸生騎射先生四矢如樹妙幾承蜩使者奇之欲辟爲從事辭不就也戊亥之閒小腆復狡焉思逞數百里內魯無鳩矣先生復爲杜侯畫戰守事宜增長塹制木礮蘭石渠答叱嗟畢備萃跗注之君子而節制董之三齊技擊屹然河陽壁壘然劇寇數來犯輒出奇大創之蟻附者披猖咋指遁邑以安堵其壯略救封疆又有如此者至於膝下傳經慈而有則飲食坐拜之間必教以禮是以諸嗣君皆澤於大雅圭璋爲

栢雲閣

卷十五

七

度庭以內雍雍如也戊子長君食餼次君素修薦於鄉明年成進士旋改史館先生閒就邸舍則繩繩以清慎儉約訓之旋卽返車東歸曰長安數米而炊曼倩誠難一飽然汝勿恤甌中麀我家故有田東海上力耕學確足佐汝燕臺糲粥小子勉之其惟淑身稽古無忝

聖明恩哉歲時臘臘學士君偶寄稽祿爲壽則謂嚴坵鮮者何人乎亟止之蓋天性清淳而且以身教云念先世傳家淳素與族人約不得直役鈴間

及作簿塞意錢諸不類事是以族姓循循尺度無敢卽於匪彝此尤爲方幅族姓所難企者辛卯覃恩膺封文林丁酉

慶典晉封中憲命服斯煌彼其之子或有車上僂者而先生抑然有以自下邑大夫以學宮惇史之典願洗爵進焉先生再三遜謝不往也於舍後誅茅闢地作小小輞川案上花史種樹書以課平頭朝夕招一二故舊拍浮談笑三雅無算陶陶丙夜鮮倦容親知咸噴噴謂洵樂遼遼福未艾也忽得

栢雲閣

卷十五

六

疾越日遽卒邑人大小雨泣相杵無聲壽不配德此諸嗣君之所以拊心欲絕者乎予惟士人鯉庭授業紛綸六術所以出而圖吾君且以霖雨有衆也然而奉檄愉愉亦正欲邀恩五鼎以奉高堂一笑耳予碌碌榮名之日二親已遠養有年惟誦臯魚之言隕涕泫泫耳向者羨學士君之斑衣子舍而躍然以喜謂爲子如此又復何憾轉自顧而悄然以悲也今學士君仍以猝猝棄養爲終天恨夫人子之心何其有旣而人子之事則可以無憾矣

且先生行誼薦聞冠仁輦義古之所云祀於社者良是至其功在封域若覆孟其視魯連子之風烈亦何多讓也者此固不以

國寵而榮而況赫赫

絲綸賁於防畢榮哀有加者乎彼輿情似猶缺望者獨以年未坐進者願耳然而死而不亡者壽柱下之言固在此不在彼明矣況嗣子競爽伯若叔矯翼天衢浸浸方未可量而學士君浸假履台衡光施上下以補先生所未足其爲孝方有大焉者

栢雲閣

卷十五

九

不亡之壽尤在不匱之錫哉先生生於萬歷壬寅二月廿二日卒於順治丁酉十二月初三日享年五十有六以己亥十月廿二日葬於西南隅之新阡諸子孫婚嫁詳誌中不具載乃系之銘

銘曰惠於宗以逮里斯蘭蒞之被也殫厥猷以綏封斯龍淵之器也與善者天亢宗以爲嗣也昭德者史貞珉以爲識也

江南無爲州知州在公李公神道碑銘

不佞杜門養病久矣友人王子允瑞過予曰故無爲州守李君葬有期矣將以麗牲之石屬君也予應之曰夫人非令名之難也而令德實難基之不競而貌其榮焉則所撫者皆古人宿美耳蘭臺令史之書尙不足君所乎而又煩子墨捐捐爲也然吾故聞州守有能吏聲南紀之分符也子維朝夕焉治狀若何果可以班諸炎漢間乎王子乃娓娓言之予曰是足承惟良之選稱民牧矣乃按狀而

栢雲閣

卷十五

二十

撮其大者筆之君諱祐之字在公號慶餘於陵望族贈宮保芳洲公諱迓春之曾孫見山公諱夢鳳之孫也兩公俱以刑部尙書五絃公諱化熙貴見山公六子其三諱世熙卽君之父以尹雱受封者也君以恩選授虔南雩陽令嗣以上考擢無爲州知州以征解之悞解組歸君之筮仕雩陽也邑有海寇餘黨李玉庭者都御史發兵屢勦之不能得君單騎率一吏一卒詣其巢諭之卽俛首受命己亥秋玉庭聞海氛騰溢復決檻跳梁出君親歷行

聞先捕間謀次計散其黨於是賊之驍將先後投誠乃跡玉庭所窟以健卒二十餘人獲之於九山田舍後撫臣薦剡中有單騎著禦侮之功蓋實錄也時嶺海多故甲士往來如織日旁午雩陽道上矣會有兵索食民舍中發其笥衍者君捕至笥之且將具申大吏其長請罪良久乃釋之後之荷戈至者詢知爲李令治境輒咋舌相戒勿犯也境內多虎噬及童穉君懸賞捕之舊例賞殊微而與杖十咸謂不杖則捕者必病厚予之恐後難繼也君

栢雲閣

卷十五

三

曰民命與金錢孰重輕何事乃爲復復仇耶賞十倍舊而免其杖嗣是不三月而獲七虎賞悉如初歷三年養婦之夜哭者不聞矣士人吳宏文邑素封也突有四人闖其室自謂灌絳籍也當還我所寄金珠累累不則督捕之牒旦夕至矣君嚴勘知其詐也琅璫繫之解太府半途而遁僕區之氛自此一靖矣尚鬼故楚俗而巫覡簧鼓其間桃茱戈梃如偃子之驅疫然比鄰畏其移祟搏擊叱咤聲相接也詢之父老則咸云兵燹積歲暴骨如澤蕉

然君乃懸厲禁罪不葬者其力有不給則捐構助

之俗頓移而崇亦頓息焉雩境出佳茗皆植之蘭

若閒僧之餉守有歲額若令甲也合邑八十餘剎

茗之以斤計者千有奇君悉捐之且永除此例恥

以盧仝茗椀令諸苾芻詬厲也至於斃溫子退而

猘獠不血助屠中杰而釜魚獲甦龍潭而甘霖

立應肥蠶不災設義學而蒙士采芹樸棧有造噴

噴榮問未可更僕盡也若夫已聞遷官之命而撫

臣以瑞金疑獄檄君與龍南石城二令鞠之君立

栢雲閣

卷十五

三

起七人於白骨中時二令以後患相惻君身自任之毅然不阻此不尤爲仁者之勇昔人所難乎迨君之遷無爲州也其荒度土功則百廢具舉鎖鑰之寄祈報之司前賢之遺蹟藝鼓弗勝焉故闕廂以立鼓樓以新元章墨沼晏公神祠煥然輪奐也石丈之袍笏如新芝山之堪輿增盛矣而不憚鳩功以永利茲土者則尤以四垣屹然爲諸圩門戶每於春陽輒課督畚鍤綢繆菱隄而陽侯息虐稽人履豐四載如一日也其酌劑徭賦也馬價則裁



火耗則禁使司顏料者不得上下其手司漕務者不得苛派現年汙可小康矣而蘇民之困急且大者爲二事蓋州之常賦四萬有奇金生粟死民告痛焉君催科有法裁濶狹酌緩急而布之猾吏不敢舞也必以額豪宗不能遁也必以期大刑酷法不以加也卽間有未竣者以火簽親催之賦竣簽銷此外無問焉康熙三年奉部文清丈雖長吏履畝而吏緣爲奸衆惴惴焉君單騎竣事雞犬不驚也一時邑士民之言曰敝邑雖介在江滙亦王土

栢雲閣

卷十五

三

也任土之貢吾儕小人敢有媮志焉以水旱之不時魯人之臯閒有之而冠如箕者督過實甚迨其租已幸輸矣而復加以完糧之扑罰以納遲之贖若之何量地之檄甫下也大江南北咸鰓鰓然聚族而謀之曰官或苛求乎吏或無法乎丈尺或意增意減頃畝或詭荒詭熟乎不則輿馬之擾也供帳之糜也甚而暮夜有金飛集之蚨囊囊也若之何而吾侯滌以清颺溫以旭日式歌且舞實以之矣蓋輿人之頌如此往者予在燕都諸門人有分

符出者率自云外吏也有快快之色予告之曰誤矣夫得百里之地而君之數十萬人喁喁待命於此此庸非古之聖賢所謂得志時乎吾輩自童子受書卽時時以致君澤民在口頰閒夫釋褐故小臣也致君誠未敢易言澤民則其職無疑矣且

天子之分職也重甚夫寧不畏簡書乎此卽圖吾君之實政也苟絃歌不匱衆實慈母以之譽命蒸蒸起焉其何域之有報祖禰而裕子姓數世燕翼無已時柰何小視民祉且古來賢士大夫其不以

栢雲閣

卷十五

四

民社發軔者亦鮮矣患不能盡心利民耳豈患公卿不坐致哉我思古人不止劉忠宣以辭館而求爲方岳黃次公相國之後功名減於治郡時也唐之賢輔如房杜無可書之績何以故哉夫北斗帝車樞縮三垣斟酌元氣大矣隆矣而待命羣倫咸歸功風雨風雨與物近者也守若令與民近者也去民也近故澤民也易澤民也易故施功亦易焜煌也雩陽無爲之政其有聞於時者斑斑可考視昔人之以區區一種樹一治渠垂青史者不亦過

之乎所惜者以簿書微文掛吏議方將昭雪一奮  
渾池之翼而奄焉朝露遠謝賓客焉駸駸之足未  
遂簡雲斯爲餘憾耳然亦可以儕諸能吏無慮矣  
君兄弟八人舉文武賢科者花萼輝映君皆友于  
藹藹人無閒言事父母及大母以孝聞定省之儀  
風雨不輟也急人之急好施不倦恤耆髦之無倚  
者生於我乎食死於我乎窆則有某甲若而人甲  
申鼎沸師旅尚未入關之時賊數百許方焚掠  
鳳凰山下君糾閭左子弟赴之孤鼠立竄粉榆安

栢雲閣

卷十五

五

堵歌也其爲德於鄉有如此至遺事之傳於雩陽  
者君嘗過招提有牛跪伏垂涕詢之知庖丁所市  
也惻然贖之以付寺僧曰善視之後君之歸也牛  
跪道左送焉數年後僦人適粵過其寺詢之牛無  
恙也僧人語之曰此李令君使者也牛復跪謝如  
初他人雖強之跪不能得也一時傳爲異事焉仁  
民而愛物此亦可以風矣君生於天啓五年乙丑  
十二月初十日酉時卒於康熙十一年十月三十  
日午時享年四十八歲娶邑庠生許公曰都女封

孺人子三人長斯觀仲斯有季斯咸女二人婚嫁  
云云將以甲寅年十二月十三日厝於古城南之  
新阡乃系之銘銘曰

隴西世望王謝之遺風也南紀花封卓鄭之康功  
也佳城鬱鬱維先德是從也貞珉之表舊履如桐  
鄉之視無窮也豐庇爾子孫兮宅此百代之幽宮  
也

栢雲閣

卷十五

五

兵部尚書庸足仇公墓表

我

大清

世祖章皇帝誕膺天命薄海歸心衆賢捧檄故明  
兵部尚書益都仇公奉

詔詣闕下以年老乞身蒙

恩賜貂裘以原官致仕越九年以疾終於正寢迄  
今三十二年矣公嗣君彭年彭祺以墓表來請禮  
也不佞硯田久涸且海曙徐公之狀海客房公之

栖雲閣

卷十五

七

誌煌煌名章不朽矣予安敢續貂然予自爲諸生  
時以葭莩之末久叨孫陽之顧矣憶弱冠時先君  
子命予以試草質之公公謬加激賞卽轉以正之  
王補之先生賞亦如之補之爲帶如先生弟自諸  
生時譽滿海內擬之二蘇乃先生數奇究未一登  
賢科而制藝之工說理如話盡態極妍識者以爲  
出元方之右猶憶公評予文數百言而居要則曰  
行文之道虛運則易於見長而摭實正難於應節  
此作以虛御實未易才也予至今猶愧此言而公

之暮得一士朝以告人者陶鑄後學汲引人才之

至意如此迄今每憶之不置安敢以荒髦辭授簡

乎公生而穎異長益肆力於學方應童子試而前

輩名士咸推讓之年二十五始以告考五義入泮

三十五舉於鄉三上公車已未捷南宮未筮仕丁

外艱哀毀踰禮蓋前此家貧雖力致甘旨終以爲

歎及是風木之感切於中故其哀過於恆情也服

闋投中書舍人時魏忠賢方用事躁進者多附之

公視之若將浼焉遂給假回籍避之時近秋聞公

栖雲閣

卷十五

七

資深應得分考公去卽繼公者當得之公不爲少  
止繼公者方自慶且笑公未幾而璫之私人以鬬  
節入笑公者不敢逆及璫敗而是人以璫被錮人  
始服公之卓識定力焉方公之歸也時同邑有以  
卿寺居長安者寓書勸公赴都云一入都門卽臺  
省可得奈何坐失事機公以笑應之曰君誤矣君  
誤矣吾方欲勸君褰裳以避而顧使我濡足以從  
耶公之審於出處多類此莊烈帝卽位授諫垣其  
有初附逆璫而巧於自脫者公擊之不遺餘力大

奸無得漏網者當其時直聲震天下天子心嘉其義凡有章奏朝上輒夕報可焉公每以人材爲已任所薦引一時不下三十人無不分別錄用者未幾由戶科刑科而兵垣矣舊例兵垣得以殿最邊帥邊帥率多投函致饋公槩不之啓輒還之所黜陟一秉至公邊帥憚其嚴亦樂其無私也時天子方厭苞苴之行每旁寄耳目以察外庭事公之清介蓋徹九閭焉上嘗對左右嘆曰禁絕交際久矣舉朝誰爲奉行者能絕之者惟兵科耳其受知如

栢雲閣

卷十五

三

此庚午副試八閩一時稱至公焉故事閣臣初拜臺省例當進謁時宜與周延儒當國將結納諸正人於公特加異禮公義形於色長揖之外不交一言輒辭退蓋秉正嫉邪公之天性然也自是忌公甚所以中傷者無弗至矣乃乘順天武閣陷之蓋彼日夕交通近習使於上前稱一人爲將帥才天子固已神馳頗收矣及榜發竟無是人名上爲之驚彼復從旁嗾之其人實目不識一丁者也而終以遷謫授兩湖鹽司知事決歲事念白遷滁州太

僕時有以酬酒忤之者有司欲置於法公謂醉飽之失不足以責人力爲解免滁人德之爲立祠至今俎豆云癸酉進行人甲戌丞尙寶未幾而璽卿京兆一期再遷懲前謫亦以受知於上故也歲丙子京師戒嚴通州特設重鎮上難其人銓部屢以名上卒無當意者乃以公名上疏入卽允愛公者或爲公危公毅然不懼也得旨之明日卽以單騎就道時服其勇決焉及抵通嚴壁壘謹斥堠時衙門新設事事草創公日不服給皆躬親之屹然爲

栢雲閣

卷十五

三

神京保障方公之初蒞也時內臣有典兵駐通者以公至議欲移駐他所公疏畱之因爲臺臣所劾公不辨引咎辭位而已疏入天子震怒集廷臣議欲杖言者且歷舉封疆重臣赴任稽緩者多矣汝等曾未之言今某命下之日倉卒就道反彈之耶且封疆事重豈能獨任卽畱一人共事何得以交通內臣目之乎當公鎮通時軍士以缺餉鼓噪嚴裝列隊譁於城下已有刼掠行路者一時內臣道臣及總兵官咸閉門不敢出公聞報不服冠服輒

披衣曳帶而出左右欲以兵從公卻不用肩輿旗導一如無事時竟出城諸軍不意公猝至相顧錯愕不知所爲不覺下馬羅拜公叱之因令隨入教場既升將臺諸軍叩謁公問所以以缺餉告公諭以催疏已上不久當至爾等奈何爲族滅之計且吾平日得無有尅減糧賜招若曹怨尤者乎皆對曰無有公曰旣如此無負國也因擇其倡亂者杖之頃刻而定非公平日有以大服衆心必不能也秩滿陞南京戶部尚書是時太夫人年逾八旬公

栢雲閣

卷十五

辛

志圖終養疏再上終不允旣抵任經理井然庚辰轉大司馬將力辭太夫人固止之曰襄陽不守襄藩邁禍國步維艱正臣子陳力之日安得顧其私乎乃洒淚而南無何竟以憂歸未幾而明社墟矣此公立朝之槩也公內行淳摯人無間言當諸生貧窮時母許太夫人病暑公衣不解帶治湯藥而侍之者六十餘日不懈太夫人賴以起遠近識與不識皆以爲純孝登第後贈公病大漸囑公曰吾以目疾所業未就幸爾成名當努力報天子且吾

家世未嘗有隻字入公庭者其識之公後病重亦囑五孤曰我憶爾祖遺言居官以廉居鄉以厚我死囊無餘全家有藏書爾兄弟奮志誦讀慎勿闕牆以貽我九原憂哉至仁心爲質庚辰入都時歲大祲遺骸蔽野公盡出橐金掩之至佐以稱貸或詭言他處遺骸衆實給其金公與之亦不較抵里出積粟以賑饑者所費不下二千石所全活亦不啻數千人有棄嬰兒於道者輒收育之歲熟其父母在者還之乙酉歲又大祲公於新店別業當東西六郡九道掩骸煮粥捨粟育嬰如前庚辰時且或倍之所全活又不下數千人蒙士楊生際泰以應童子試旅郡城學使者錄之矣顧饑不能具冠服公咄嗟爲備不少靳東蒙之士頌德無斁焉其博施濟衆復如此

栢雲閣

卷十五

壬

改革之際公募鄉兵千餘人保障地方一時依公而居者蓋數千家雖寇盜充斥卒賴以無患焉跡公終身正色朝宁孺慕庭闈履義而行仁人所知也而有人之所未易知者夫士人之立身莫重乎

其始進也才智卓犖之人世不乏矣而特以不能抑其速化之心濡跡權門樂因人熱翺翔天路旦夕端揆洋洋車上舞矣而邯鄲已醒味如咀蠟素絲已垢無路回車遂奄然齒冷千秋矣如唐之劉柳諸人皆異才也特以伊周自許借廕叔文千秋詭厲悔何及也人知公之大蒐狐鼠盡掃氛祲朝署爲之一快而亦知其晦跡邱園之日蕭斧已發於斲乎至於人子之道多方而大孝之量無盡仁者之粟白華之歌君子之所殫心也亦知進而疏

栢雲閣

卷十五

三

榮國爵貶賁龍章焜煌奕世之有進焉者乎亦知尊懷明發夙夜紹庭彌畱遺命寶若球圖德逮雲祚祚垂百代之尤爲丹腹乎則公之以天經地義而砥節於匪躬以正色義槩而博周乎道濟犯而不校德嫓前賢公於是乎不可及矣獨惜周歷諸垣諫草纍纍兵戈之後不存獨禮垣數疏猶在其餘蓋羣邪推轂衆正偉矣而籌時一疏云有罪流徙諸人往往私逃莫若酌其輕重定爲納贖此濟世之良劑也其枚下一疏云先分邪正再衡才識

此定國之訐謨也則吉光片羽倍可珍耳公於順治九年十二月十二日戌時以疾終於正寢距生先朝萬歷五年閏八月二十一日卯時得壽七十有六元配王氏淄川館陶訓導王公業女封夫人先卒男六人長慰祖早卒次兆昌奉太夫人命以功服族子承嗣次彭齡次彭壽次彭年次彭禔女五人孫男十人彭齡出者二日昱日晉彭壽出者二日昇日昉彭年出者二日晟日昶彭禔出者四日智日曉日暉日曦孫女十六人曾孫七人保愚保德晉出保慤晟出保惠昇出保慈保恂昶出保恆昉出曾孫女七人說說盛乎哉其婚嫁詳誌中祗世氛則麟峴嶽立起道殣則邱壑春回士君子之所以自盡當如此非有所期而然也然而左掖賜玦終致台衡壯哉泣珠究蕃蘭玉降祥不亦彰彰乎有德司契天道於是乎不爽矣是以揭之貞珉以爲楷式百世而下過墓者式之愾然有動於中焉其陶冶斯世爲無盡哉

栢雲閣

卷十五

四

山西承宣布政使司左布政使在川李公墓

表

公諱逢時字化甫號在川世爲江西贛縣人洪武十九年選壯士實畿輔有諱牛仔者自寧都衛調戍德州衛遂爲德州人數傳至清清有子二人長琿次琳琳生芥卽公父也贈文林郎湖廣道監察御史母董氏封孺人公生而端恪不習兒曹嬉戲嘉靖庚子舉於鄉甲辰成進士授行人選湖南道試監察御史奉命巡青徧歷馬坊稽盈耗不避權

栢雲閣

卷十五

五

要越歲按宣大適逆帥仇鸞主互市鸞偃蹇畏懦不敢禦敵又恃通市忽邊備而大同總兵徐仁復驕縱聲言旣與敵平無庸戍守恣意剋削爲囊橐計巡撫何思亦以通市故禁邊軍殺敵者抵死俺荅之衆以故出入關隘動稱貢市有司廩餼惟謹其狡黠者變服入城奸辱婦女莫敢誰何公具疏極陳其害曰數日之內俺荅三入寇似與通市情實相左乞勅邊臣多方備禦仍遣使宣示恩威令其約束部落勿啓邊釁每歲六月九月通市外不

許頻復求請及零騎侵犯倘彼服從則與通市如故若面從心違據實奏報一意戰守可也次歲正月俺荅寇大同公又上言諸部落於歲初入犯俺荅之約束全虛馬市之羈縻難恃今日之計惟一意討伐乃帝王恩威並施之道宜行各邊臣合兵征勦仍勅京營大將仇鸞訓練甲兵勿得隱忍顧忌釀成大患其後敗盟悉如公言先是俺荅以萬騎入塞抵懷仁縣大掠總兵官徐仁副總兵王懷邦等各擁兵觀望惟指揮王恭帥所部力戰死之

栢雲閣

卷十五

五

公疏劾仁等而請贈恤恭以作忠義之氣乃械繫仁等贈恭都督僉事爲立祠塞下自後邊備始修矣事詳國史及典彙諸書中再按徐淮時大盜李之強聚衆流劫蔓延豐沛巡撫督漕諸大吏匿不以聞公上奏且馳檄勦捕不踰月盜平公以保禦功受上賞旣以資深差南畿刷卷例應內轉浙人趙文華者公房師也方居顯位與閣臣嚴嵩相結勢張甚謂公曰稍自回通卽卿寺可得公拂然曰去畱惟公所命品行吾自主耳趙卿之遂出而爲

湖廣按察司副使比之任值漢水數溢公殫力修築陽侯不爲虐也進布政司參政仍守荆南尋擢廣東按察使丁內艱服闋補山西歷左右布政使時宗室蕃衍祿米日增諸藩府又多預支常賦所入往往不足公劑量畫一出納兩平人情翕然入覲卻筦庫羨餘不納及大計日於吏部堂上議屬官去畱忤時宰意遂以年老致仕中外方惜之公怡然自若也歸田謝絕人事尺牘不入公門日以課子明農爲務公庭訓嚴切諸嗣君繩繩奉以周

栖雲閣

卷十五

七

旋勤刺六術如奉三尺務期得當於賢書以代獯薳之薦次子庚午舉於鄉長子不敢復見公卽潛身別墅服篋淬心直至癸酉登科始入拜膝下焉門以內肅若朝典家人望而肅然常端坐中庭三歲兒子不敢踰階乃伏於簷石之下匍匐而過其門內端嚴可樂見矣生平廉以持己服官日冰烈自矢巡方兩地以及歷任中外官至左方伯而田不過數頃僅供糴粥家無餘貲若寒士然予不佞八載長林復趨闕下則□□□左顧被服儒素彬

彬大雅君子也心竊念英年巍科乃能恂恂如是名德固富有淵源及詢家世知爲公孫崑岡之玉洵不虛矣古來賢士大夫之立朝崇替非所計也必以名節爲立身之本昔人有言不事孫劉不過不爲三公耳鈞曲封侯喪吾鼎者不旣多乎先生冰霜慄慄不屑以權貴取要官可謂齊國男子矣而謀國之忠先於薪火瞻言百里維其有之立身之大節壽國之遠略旣以度越時賢而世業以約庭訓以嚴里門內之淑德復有如此者柳氏家法

栖雲閣

卷十五

美

於是乎在不上儷古人乎先生之嗣君復能世守不替丹雘重光宜哉□□□克光前烈也詩有之無念爾祖聿修厥德此固□□君之服念維則者也隴西之祚其未艾乎



祭通政王子下先生文

嗚呼萬古驚泡三生噩夢公竟至於斯耶龍煤汗  
血輟折半途公僅止於是耶公境似亨矣而半生  
皆茹荼之味猷稍試矣而長才竟齎志以終人亦  
知之否耶公以烏衣俊才青箱世業岐嶷綺歲江  
海奇葩宏詞之科延英之對綽綽故物矣是非淮  
清琳瑯之彥耶既而籍改沛豐世延帶礪出車太  
行瑱彼封豕凱歸飲至介馬無驚是非終軍長纓  
之請耶始投筆以從軍旋息戈而講業析白山之

栢雲閣

卷十五

三九

六書窮肅慎之三蒼尺疏匡時

至尊動色拔脊詞館妙譯封章是非洛陽前席之  
遇耶既而疊泣枯捲三歸桑梓麻衣如雪雞骨支  
床方重吾某之哀轉切安仁之悼又何遇之不淑  
耶軒車北上就秩銀臺地埒夔龍座參卿月節鉞  
方將荐被鼎衡竚其榮施而天不憖遺歲在蛇而  
箕已乘矣豈非與李將軍之數又千載同奇耶哀  
哉計音乍至行惻途嗟人奮百身食添三嘆或則  
昌言於途曰公屬纊三日而回生矣謂公不宜死

而幸其生也或則又曰公雖已蓋棺而旋又懸弧  
矣痛公之不祿而祝公之有子也此雖訛言足徵  
興志矣蓋公之在國也士大夫咸有綈紵之歡其  
歸里也郡邑事更切纓冠之誼清霜皎日信若丹  
青而不知此止公之緒餘耳同人三四所期許者  
羊杜緒風督撫上選異日者提封千里指顧百城  
必能驅使岱雲飛騰郁雨輝輝照太常旗名臣紀  
中而今已矣哀哉天既不許其利濟蒼生炳麟史  
籍則當令之平平無奇容容多福爲一醉飽闔茸

栢雲閣

卷十五

四

之公卿可耳而復畀以長才大器灑灑恢恢厦若  
千閒丹可萬斛者何耶此造物之不可問者一也  
年來善良往往多厄其豺狼狐鼠於民生休戚了  
不置念之人率皆履榮嗽腴眉壽期頤而未艾遂  
使天下款啓之夫以豺狼狐鼠隔膜民生爲富貴  
壽考永命祈天之道而公若以利濟殷殷得罪於  
司命者然衆人遂援爲大戒而同人感憤亦無能  
旁置一詞此造物之不可問者二也夫李廣不侯  
尙抵白首賈誼早世幸有聞孫公何如哉此造物

之不可問者三也然而此亦塵世浮生蜉蝣細故也公以未冠登

朝世家應仕人咸致羨謂騁騏驥於修途縱矍矍於下瀨致足樂也而不知其危城險道疾病憂虞固已無之不嘗矣年來祇志方祈位修有意於性命大事而世故因循流光不待一息千古遂至於斯而又僅止於斯令公而早知日近夜臺年短強仕棄一官如敝屣躡七真於雲阿洗髓伐毛凌佺欒石未可知也惜哉惜哉何嗟及矣此日蘭摧當

栢雲閣

卷十五

早

屬夙業後身霞舉幸勗來生公其以斯言爲有當也耶爲無當也耶死者而盡無知也悠悠吾輩固當同腐千古聖賢千古豪俊竝當同腐無疑遲疾之間一彈指耳疾趨先休亦復何恨不然者在昔成言久有息壤矣尙能聰聽而無忘否耶生平懷抱快論施莊恢譎萬有之先淋漓八表之外狂言如昔警咳非遙晉塵生塵楚招徠爾尙能陟降而酌此一觴否耶

遊賦

懷居客問於汗漫主人曰子好遊乎我思古人好古而愚乃步其塵名嶽馳懷於禽尚子長放跡於龍門盧敖抗詞於若士寥冥紀放於緯真數子畸蹤子將安放抑在箴而希高或戀棧而謝廣彼宿春之幾何羌役役於塊莽主人欣然而笑曰唯唯否否客何言之固也轆葛寓內崖約可知刺促塵蠓彼哲而愚足東瞻曹有如蠶繭朝離夕反何異雞棲望銀闕而回棹陟崑圖而靡梯斯誠望絕天

栢雲閣

卷十五

早

外事阻人區矣若夫匪歲未遙千里非遠勝地營懷娛遊縱眼迤邐銅鞮之街嶽嶽玉壘之坂停騎溪山帶蘭澤以何豪載酒江湖歎鬢絲之已晚別有神臯興復不淺縹馬鸞鷟之臺睇髮僊佺之館或赤松之可尋庶青童之來返久菀結兮我思將騰馳而蓬轉矣獨以幼事嚴親鯉庭局步長丁厄運鯨海驚流請急而南薄言歸休僉曰愉哉慎爾優游乃高枕而杜門竟絕軌於方州欲脂車而載途恐吏議之我尤謂沈疴之伊何而撰轡於阻修

杞玉軟而不前秣我馬於道周望關梁而太息悼  
宿尚之難酬矧夫莘莘虎寢維我郊一載乘城  
是用告勞晝四出而偵燧夜十起而驚鏡翩彼羣  
隼森此唐寢蕭然襖被棲於麗譙終宵登而莒潰  
嗟鬱攸之方驕憾七尺之猶贅何十洲之可邀聿  
奉檄而來庭又秀言之嘈嘈念塞馬之倚伏曾區  
區而余要是安知非造物者將以解吾之天帙而  
釋吾之天韜哉有趙有熊有李有柳以罪而逐仍  
側其口況此狺狺爰書則否開厥學者朝許投簪

栢雲閣

卷十五

望三

巾我車哉邑無掣肘軒平舞之曷不鼓缶比閭新  
條柱栢是守峭澗涇芻犢肩俯首驅馬先辰旋轍  
後酉身等勞薪餉惟冷糗八磚曳履幾於莊賈之  
刑三館失期或戟五白之手日之久矣反致羨於  
羊來夜未央兮真無辭於馬走我謂劬勞人誰燕  
譽家徒四壁馬卿賦亦何爲國則五窮韓子遣而  
不去賃廡之直不繼雙寓一楹割肉之仁安施八  
口兩處鳳池來去狀如鷺嶺之僧芸閣晨昏人領  
榆園之戍拒賓筵而屢辭問諫金而早怖誕垂乎

水衡之司神馳乎山公之幕將視學而郎署多爭  
欲巡方則虛名久悞望已淡乎視草計復窮於輿  
墓惟攜手兮黔婁抑比德兮涸鮒脫巾詞館曹劉  
起而揚旌擲命史局班馬聞之卻步必斃之而何  
辜或逃焉其可恕揭容裔兮遐征復迴迴兮奚慕  
客曰我瞻四方實繁荷戈駕子之輿馬首則那歲  
且晏而云如之何主人曰甚矣客之念我殷也不  
佞之遊也以快其心豈能愁置阨危而嶮巇是濱  
哉周道遲遲行邁多端先近後遠棄危取安警彼

栢雲閣

卷十五

中四

畿南銅馬相先苻萑狐鼠海岱之間南望雪涕載  
西其轅實沈故墟曰小康焉綺縠澤汾之地仙靈  
姑射之天過絳都而追三駕登蒲臺而拊五絃彼  
故人之延佇蓋攀結於昔年乍登堂而長揖燕語  
笑以蟬聯披琳書而窮羽化援琴心而證胎仙豈  
玉晨之遽命或金液之可還東望沮洳有泌百泉  
檣楫松舟蘇臺邵庵伯氏載遊薄採其蘭一葦萬  
頃酒注魚竿蘇門彼姝可與盤桓西南命駕策杖  
抵關蒨蒨雙龍是日華山鐵絙千尺玉巘千盤塵

拂罡風鶴語晴煙地高而空人淡而閒醒則清露  
喝則寒泉熱士滌腸蘭雪洒然一椽之廬十畝之  
田避世來歸此則桃源事豈或欺我友所言若夫  
上谷雲中掇蘭茗而須再駕淮揚吳越畱名勝以  
俟他年睠彼先民亦各有行斯焉方斯異夢同牀  
芳躅別步逸翮分翔兒女纏綿蓋未完乎婚嫁才  
名塵土亦何有於文章青蛇四海難其飛越黃冠  
一衲恨其蒼涼事維自適道亦奚常或則登嶠或  
則浮湘或曼胡而錦韞或鶴氅而霓裳禪板茶煙  
栖雲閣

卷十五

聖主

或側跡畸人之座明珠翠羽或掉臂俠士之場或  
托鉢於華門或載酒於橫塘或幅巾載還則琴在  
宗文之壁或柴車偕逝則春餘伯曜之糧或白鶴  
歸而弔夫高邱或青牛去而入於窮荒車兮誰謂  
其無箱川兮誰謂其無梁鴻何爲兮雕樊劍何爲  
兮盤囊水何環兮蓬邱雲何飛兮帝鄉同乘化以  
翔遊任蜩蟬兮蛻蜋

栖雲閣文集卷第十五終

誥授通奉大夫刑部左侍郎念東高公神道碑銘

新城表弟王士正撰

康熙三十六年丁丑十一月十一日致仕刑部左  
侍郎高公薨於里第遺命勿請卹諡勿計聞勿受  
弔勿作佛事勿求碑誌之文子孫違者是謂不孝  
二子奉治命弗敢違越二載公仲子之驥來京師  
請閒曰先君治命弗敢違隧道之石麗牲之碑文  
悉闕如異時國史家乘亡所考據不孝將焉辟臯  
先生與先君外兄弟也而相契合最深且久敢以

栖雲閣

神道碑

碑銘累下執事余曰然碑誌昉於西漢古賢達不  
廢微子請余亦不能無言其敢例辭按狀公諱珩  
字葱佩別字念東其先自蒙陰徙淄川爲淄川人  
數傳至柳溪先生汝登積德縣仁鄉里慕義歿有  
專祠是生東溟公舉萬歷庚辰進士歷官巡撫浙  
江都察院右僉都御史事具國史是生宏室先生  
所蘊湛於經術旁通二氏著無生詮等書娶於王  
爲先太師大司馬府君女有二丈夫子長繩東先  
生瑋次公也兄弟皆具異秉讀書一目輒不忘太

師公奇之曰二孫雖僅穉天下才也崇禎己卯繩東先生以第一人領山東解公亦同舉才名籍甚人擬之機雲軾轍矣未舉禮部賜同進士出身改翰林院庶吉士明年丁甲申之變

世祖章皇帝定鼎起家授檢討明年假歸丁亥六月謝賊陷淄城公日在庫將軍幕中督助兵士宿飽復城後賴公調護得安全者甚衆地方雲擾不獲里居復起補舊職尋陞祭酒道德尊嚴而科條寬簡士皆宜之先是祭酒苦春秋兩祀經費不充

栢雲閣

神道碑

三

恆祀一丁卽求遷去公延至四丁不調一日洪文襄公承疇攝祭太學戲謂公曰先生可謂五丁開山矣公笑答曰何妨六丁六甲果逾三年始遷祿書院侍講學士辛卯典江南試故舊有遺公文籍者不虞其詐也發之則皆關節契券賄賂且不啻公大駭亟焚之終不告人以姓名其厚德如此是科南榜多名士尋遷少詹事進詹事國史院學士禮部侍郎吏部左右侍郎奉

命賑畿輔久之以議奏部例獨爲一議左遷太常

寺少卿稍進大理寺少卿會有朝官得舉應法司杖遣者或下石將以斃之公力持之曰舉人法不應死故從寬典予杖脫重杖而斃豈法之平哉卒得免尋遷宗人府府丞奉

命祭告神農虞帝二陵往來瀟湘洞庭衡岳九疑間皆山水清絕處有詩數百篇益雋永超詣得江山之助峻卻供帳陋例湖南人立碑頌德楚俗多溺女不舉公語當事者嚴爲科禁又倡立放生池淮安歲饑捐私錢糴米數百石賑之進都察院左

栢雲閣

神道碑

三

副都御史疏請復中行評博考選之例先是臺省缺以郎中改授停考選舊例至是言官復請知縣考選而不及中行公謂同一例也僅復其半烏乎可於是部議皆復其故論者遷之一日

召見便殿

命講易乾卦賦詩稱

旨從容問羣臣才品孰可大用者公遜謝至再敬對曰以臣所知王伯勉可任吏部尚書姚文然可任戶部尚書魏象樞可任左都御史

上領之厥後姚魏二公皆至尚書王公前沒未及大用蓋上夙知公廉慎不欺故見信如此尋進刑部左侍郎定例官員負官錢而家產盡絕其家口沒爲官奴公察知胥吏負官錢而家產盡絕有豁免之例欲比例引之同官持不可公曰胥吏作姦犯科尚得邀恩捐豁況職官乎此定例時漏略非法之平也竟毅然引之得

俞旨遂著爲令自時厥後全活亡算公居恆謂卽

事之活人有限立法之活人無窮其持論公正寬

栖雲閣

神道碑

四

平類如是也尋請急歸鄉里城東門外有菜園林木翳然築載酒堂三楹破茅不補椽桷不斲素木爲几椶皮爲屨束書行竈翛然獨往置小舟池中與客觴咏沂洄上下自以爲濠濮之趣不減江湖棘籬無門苦竹蔽虧人望之如方壺員嶠時行吟於野或跨驢入市舍者不避席煬者不避竈夷然自適鄉人化之亦忘機如海鷗焉常訪道東浙喜會稽山水慨然思王謝支許之風歸上雲棲而後返己未魏公象樞爲御史大夫薦清節者八人公

居首召起刑部左侍郎管右侍郎事疏辭不允司

屬佟某以獄獄失出當罷公惻然曰佟有老母在

吾不忍其以罷官傷母心吾代任之耳遂鑄一級

佟泣曰高公古人也下直輒與予輩飲酒賦詩邸

舍湫隘庭不旋馬出入不識圍卒之背居一年以

老病乞骸骨既得請移居宣武門西松筠庵相國

馮文毅公過之禪喜竟日公賦詩曰戶倚雙藤禪

宇開無人知是相公來相看一笑忘朝市風味依

然兩秀才予繼和云二老前身二大士相逢半日

栖雲閣

神道碑

五

畫爐灰他年古寺經行地記取寒山拾得來迄今

松筠傳爲故事公將東歸唯一羊裘無禦寒具姚

儀郎中者慕公清德爲製重裘追送數十里外以

裘衣公而後返姚督臣某子以俠聞其後改總兵

官云公天懷坦蕩與人交不爲編籬插棘入其室

機心械事令人自消方門戶之說興各有部黨公

坦懷游其閒視蠻觸蝸角不足當一瞬而南北部

舉無疑之者夫以白樂天之賢而猶不免魏公之

忌必其猶有町畦者存也公於是賢於樂天遠矣

公歸田坐臥一小閣不接賓客几上唯焚夾旁行  
金剛淨名數卷外不復觀他書常和寒山子詩以  
見意預作生壙春秋佳日時攜親故觴飲其中大  
抵公齊物似莊生平等似調御三樂似榮啓期坐  
人春風中似程明道樂道人善似邵康節耽禪悅  
似龜文元蘇文忠予常謂公非圖作佛正藉此打  
破利名圈縲耳公笑而不答蓋公天性純粹又涵  
養於道德仁義者最深爲仙爲佛無所不可而其  
要歸則吾儒修己以敬反身而誠二語而已公爲

栢雲閣

神道碑

六

詩如麻姑擲米粒粒皆成丹砂然不自愛惜緣手  
輒散去結集之責微大迦葉其孰任之餘如和寒  
山詩文藁迂儒話救荒略等書尙數十種藏於家  
公素無疾丁丑十一月忽飲食稍減呼諸子孫前  
語之曰吾將逝矣己所不欲者勿以施諸人天之  
所惡者勿以行諸己爾輩勉之矣灑然而瞑公生  
以萬歷壬子八月二十九日距其卒得年八十有  
六元配岳氏壘封夫人前公二十一年卒子男子  
二人之駒順治己亥辛丑進士平越縣知縣之驥

太學生候銓州同知子女子三人適余姪啓沆宋  
士憫張篤慶孫八人肇恆肇恪肇怡肇恕肇鼎肇  
佇肇豐肇恆以戊寅年四月二十六日大葬於淄  
川城南之祖阡公治命也銘曰

謂公爲慧業文人而遺其糟粕謂公爲經濟名臣  
而志存邱壑謂公爲道學真儒而不名濂洛謂公  
爲人天導師而已解禪縛世出世間天游寥廓八  
十六年不愧不怍衆香國中游戲去來空山無人  
水流花開

栢雲閣

神道碑

七

紫霞先生傳

同邑後學唐夢賚撰

紫霞先生不知何許人也賦性簡遠幼不飾衣履從先祠中得釋典殘板卽反復究繹得其大旨旣官於長安不問遷除累年不調出典文試旣放榜或且黃金數笏來相餽先生訝曰此胡爲者立付友人反之其友卽篤信反其人不以爲怪也入佐銓衡貧不能完租稅時

國法正嚴逋賦者戍先生曰吾惟待戍耳曾是歲

栖雲閣

傳

山左遂全獨田租焉已奉

命祭告窮瀟湘山水之勝至紫霞洞而反故自號

紫霞道人云

今上聞其才名召詢國家大計先生娓娓對推獎人才甚悉命賦詩立就講書陳乾卦大意歸卽具疏謝病與黃冠老衲遊雖賓從雜沓蒲團跏趺若不聞也然嗜讀書凡海內名山所藏及文人所著人間未經見者購求務得之居恆手不釋卷暇卽命駕山陬水曲屢履殆遍周櫟園云遇濃陰茂樹

卽繫驢而臥其實事也顧耽於吟咏每意有所會洋灑成數十首不命題亦不脫橐閒命小胥抄錄卽錯誤亦不訂正日千秋後亦未必有知其說者時詞伯司選事者來徵詩往往笑不應然其所爲理學訓世之書雖先正未之過也嘗鬻一別業花木池亭甚盛旣得值戚友知其疎於財往往稱貸略盡其復某友札云通財朋友之高義而亦不可以過通向者貧兒暴富今已暴貧矣其生平大略如此

栖雲閣

傳



栖雲閣文集跋

淄川高君貽榮刊其先侍郎念東先生栖雲閣文集十五卷以昂嘗與校讐屬爲跋尾近代古文家高自標置依附左國揣摩史漢薄韓柳以下不爲然形骸土木生氣不存非魯之贗鼎乎或者困於桀矍銖量絲度而中所欲言反多格格非轅下之駑馬乎先生純任天游故其爲文自然超逸無摹倣之跡無束縛之苦意不求工而旨無弗暢洎探其中之所蘊又淵然以深也必欲以繩尺律之形

栖雲閣

跋

十

似求之固不受爾曩讀先生詩竊倣之白太傅今以讀詩者讀此文先生其許我乎乾隆己亥二月歷城後學方昂跋

乾隆丁丑昂執經宋蒙泉先生之門與淄川高君木欣相友善因得讀念東先生栖雲閣詩想見其爲人木欣語昂曰先司寇有文若干卷家藏鈔本訛舛頗多敢以校讐之事累吾子昂曰唯唯未幾木欣歸昂亦奔走於四方或數歲不相見見則必以先生文集爲言戊子木欣招昂讀書其家得登

所謂栖雲閣者旋以事去未克卒業後三年昂官京師相見日益稀又六年昂以憂且病屏居城南山僧舍中然後取先生文集畢爲校正而歸之今年春木欣以刊本見寄回憶始讀先生詩時忽忽已二十餘年矣故既論次之更爲述其緣起如此昂又識

栖雲閣

跋

十一

栖雲閣詩十六卷拾遺三卷

山東巡撫  
採進本

國朝高珩撰珩字葱佩號念東晚號紫霞道人前明

崇禎癸未進士入

國朝官至刑部侍郎王士禎居易錄稱其生平撰著

不減萬篇是集爲趙執信所編又拾遺三卷則宋

弼所輯其詩多率意而成故往往近元白長慶集

體

誠正齋文集八卷

〔清〕上官鉉撰

山西大學圖書館藏清康熙二十二年刻本

附《四庫全書總目·誠正齋集

八卷》提要

桐山藏業序

天之文在星斗地之文在  
河漢而學士性情風雅爲  
世希有則亦人之星斗河  
漢也予素不能多讀古人  
書不善古文詞少年菁華  
果銳半淬勵于制藝中癸  
未通籍後尙不忘情舉業  
是吾之癖也迨啣

命江漢泛舟沅湘始取諸大

家文讀之采風所至縱筆  
揮洒山水吞吐之情風雨  
暉陰之狀皆恣吾一日之  
意興雖不知文字之妙而  
風流澹宕不啻置身天半

若覺瀟湘雲夢之况作我  
筆墨因緣也辛卯春

世祖章皇帝親統大政特遣  
巡方余不才拜

命江左顧金陵吏治民生之

艱十倍他省于是日夜飲  
冰殫心剔釐封章百道亟  
達

宸聰首糾貪惡崇獎廉吏彰  
彈無私澄清奏効而地方

桑土之謀兵民調劑之宜  
無不至誠籌度剴切入告  
其於風雲月露之章絕口  
不遑癸巳讀禮丁酉出山  
十載深資領袖台班仰荷

先帝止輦高風弘開言路特  
命爲十四道長在事兩年  
力竭葑菲中間咨儆獻替  
端謨補衮知無不言言無  
不盡幸邀

睿鑒俯賜採納草茅寒素欣  
逢

聖主得以行其所學可謂曠  
世竒遇庚子春旋承

簡在鳴珂卿月京兆三年棘

寺七載奉常宗卿俱八閭  
月十年之間翱翔清班日  
與卿士大夫周旋賦詩贈  
答流連慷慨或彈冠而相  
慶或春酒而介眉或祖道  
而慰藉或撫時而感生公  
餘之暇揮毫自樂肆好清  
風庶幾餘我襟裾矣一歲  
三遷以至風憲

宸眷世承莫効涓埃尋以狂

瞽左授西歸

聖恩高厚優游田里今又將  
十年西遊龍門東歷百泉  
驅車函谷徘徊伊雒憇山  
莊而挹晴嵐臨清溪而酌

序

六

流泉午橋酣夢鑑湖盤旋  
野鶴高雲幾忘其山岳峙  
而水澹澹繼今以往圖書  
數卷清琴壺酒婆娑春風  
秋雨粗足生平因集夙昔

詩文碑記諸作凡八卷同  
人請梓余曰此未嘗學問  
之言不過天籟自鳴顧安  
得梓固請乃付之輯成名  
曰桐山藏業余素不能多  
讀古人書并不善古文詞  
意興所及筆墨從而及之  
後之君子覽其文想見其  
人松石子進退出處在朝  
在野之大槩當約畧篇載

序

七

中不族他求而得之矣是  
爲序 皆

康熙二十二年歲次癸亥

天中吉日

光祿大夫都察院左副都

序

人

御史加從一品前宗人

府丞太常寺正卿大理

寺少卿庚戌會試讀卷

官順天府丞提督學政

掌河南道印巡按江南

辛卯文武監臨巡按湖

南監察御史中書科中

書舍人乙酉陝西主考


癸未進士山西翼城上

官鉅松石甫題於絳雪

序

九

居之誠正齋



誠正齋文集

翼城上官鉉松石甫著

同學和鳴喈爾音甫評

上官澤霖蒼甫

子姪上官源崑澎甫編次

上官澍霖生甫

總目

卷之一

碑記

說引

卷之二

賀祝文

序傳

卷之三

奏議

卷之四

奏議

附奏閣試策

卷之五

江沅紀遊

湘澤行吟

應吟

卷之六

五言古詩

五言律詩

七言古詩

七言律詩

附對聯

近作雜詩

卷之七

江南條令

卷之八

祭文

誌銘



誠正齋文集目錄卷一

碑記

先師廟碑

河南道題名記

勅立三晉會館序

陝西鄉試錄後序

翼城縣志序

重修關聖帝君廟序

文潞公臺記

翔山文峯記

誠正齋文集

朔建滄河橋記

增建鳳塔緣疏

太上感應篇序

三教同源序

河干裂序

大司馬中丞膠侯賈公三事記

古今文範序

黃次辰太史樞鏡錄序

浣花莊記

翔山書院記

雅會約序

誥贈中大夫大理司左少卿覃思加一級顯

祖考府君碑陰記畧

顯考府君鄉諡文孝先生暨顯妣王太夫人

誥命碑陰記畧

清明祭掃文

睦族篇

居家無子弟之過論

醫衡序

醫學易知序

誠正齋文集

蔓菁賦

篆書序

重摹蘇帖跋

重修龍王廟三殿記

朔建千佛閣序

重修后土聖母暨子孫痘疹諸尊金像文

碩果天心

高祖論

答送窮文

建造翼城北關東萬安橋記

翼城上官鉉松石甫著

同學和鳴噤爾音甫評

上官澤霖蒼甫

子姪上官源崑澎甫編次

上官澍霖生甫

先師廟碑

吾嘗觀孔子刪詩而泝水閼宮之章載在魯頌乃知宗廟以祀其祖宗學校以崇其道德兩者蓋有國者所並重云是以奚斯董役史克揚休而信公

說正齊文集

卷一

之賢傳焉至於春秋病民則訕泮宮之作不著於經蓋為其所當為亦大異乎鹿臺郕館之築者矣漢興以來學宮之設端祀孔子翼學昔在南城外澮水之北宋天聖間潞公文彥博虞其濱河多水患改建城西門內即為今地中間踵事增修未可殫述上御極七年庚寅七月余巡方湖南定省過里謁見宮牆之間風雨飄搖先君子圖所以光大而更新之會邑大夫蒞翼斯文已任一時縉紳諸君在庠諸友咸有同志樂輸恐後焉廣文陳君相助為理經始於癸巳六月迨乙未十月而告成

竟舊古人  
別是種  
學問

說正齊文集

卷一

二

矣工既訖諸君勉余為記余不敏弗克辭稽古王者建國君民教學為先庠序既建而人心風俗由之以美此虞夏商周之所以興孔子六經之功為能與日星並昭也士生先王之後而有學為聖人之志當讀書懷古既取古人忠孝大節講之有素幸而遭時遇主能以其身係天下安危謀定宗廟而不自矜其能秉道嫉邪而人不敢議其私如漢之汲黯唐之狄仁傑宋之韓琦司馬光諸君子豐功偉業卓然史冊之中後世頌美不輟即當隱居不仕抱膝長吟道德高於古人著書傳於來者如漢之郭林宗隋之王通雖未身致太平而教授生徒至使公卿將相之材皆出其門考其人品風節有足尚矣乃今之儒者苟且功名之途而匡弼之畧不聞跡其所為不過持祿容身而止其擯斥於時患得患失之情形於顏色則其人之賢不肖何如也抑思朝廷所以重士與士之所自重者將望其為賢人君子而不徒區區公卿大夫之爵夫人亦在乎強自樹立而已更有說者聖人之學心學也洙泗之派惟濂洛關閩為正後世理學文章分而為二則已過矣左氏開文字之先程子猶曰古

者文章載於六經。自丘明作傳而文體始壞。在漢  
惟董子正誼明道數語。庶幾近之。班馬之才。難以  
躋鄒魯之堂。韓昌黎奮起德憲。振興八代。醇孟氏  
而疵荀揚。可謂知道。至其他篇轉以孔子墨翟孟  
子楊雄並稱。君子訕焉。濂溪生千四百年後。上接  
先聖之傳。光風霽月。深有所得。於孔顏樂處。明道伊  
川。師尊孔孟。能扶不傳之秘。橫渠學稱切寔。西銘  
一書。與周之太極圖易說並重。至於紫陽受學。延  
平得觀。未發以前氣象。性道之蘊。闡發無餘。維時  
程門龜山定夫。朱門季通諸子。咸聞性教之奧。厥  
後明之中葉。碑心理道者。惟薛文清王文成耳。陽  
明良知之學。甚為簡易。爽捷其說。多推陸氏。河津  
淵源。紫陽多明理少嗜慾。本平克復之旨。而不敢  
以自然誤天下。是以世多師之。要而論之。聖賢心  
學之全。先自不欺其心始。大學誠意。中庸思誠。論  
語忠恕。一貫之宗。不踰斯旨。吾翼賢才輩出。先代  
文物稱盛矣。邇來科目日起。奮志稽古之士益多。  
慎勿以咕嚕為讀書。圭組為事業。體念身心存理。  
遏欲安在。聖道之不可學而至也。當茲聖域聿新。  
諸君咏芹茹之什。爭自濯磨。以應朝廷菁莪之化。

而分席先賢之坊。詎不快歟。噫。吾豈特為吾翼之  
士言之而已乎。是為記。

聖賢心學。扼定窾要。而較勘諸儒。總以不自  
欺其心為主。闡揚聖學。即以風勵後學。讀之  
如見先師之道。教并可見。闡揚先師者之道。  
教焉。

極古情  
林風如

河南道題名記

稽古帝口。予建汝弼。汝無面從。一堂之間。動色相戒。都俞吁咈之謨。載在尚書。可考而知也。維御史之職。周爲柱史。漢爲繡衣。侍御唐宋三院之制。益盛。明十三道之設。猶三院之意。而領之以河南道。則宣宗年持設也。昭代臺諫。概倣明制。而樂善拜言之微。爲近古所未逮。是以十五年來。掌斯職者。多能正色不撓。稱形延簡。任言臣至意。鉅十載備員。驅車巡行。日奏利弊之章。區區懇直。庶幾哉楚南而江北矣。客歲讀禮畢。從田間來。疏甫入。奉召

誠正齋文集

五

於乾清宮前親睹。天子止輦受言。誠異數哉。既而以資望掌斯任。自惟宸衷銳意維新。日以艱鉅之任。責台垣諸臣之言。况鉅叨先臺班。將掇拾以沽。且歎抑緘。嘿以求容。歟均非其志也。竊嘗讀古人史。攬其軼事。有所謂避驥引裾。鳴鳳殿虎。諸人往往不乏。而鉅所亟稱。尤在昌黎。清獻明道。文清諸公。昌黎當德憲之世。許謨謫論。能令人主改容。強藩懾志。而學問得力。大指在原道。一篇清獻彈劾。不避權貴。京師有錢面之譽。而介性雅操。約畧在琴鶴。自隨夜必默告數事。明道爲侍御。進說甚

哀哀  
哀哀

多諄諄於正心。望欲不忘格。致誠正之素。文清且言極諫。忠梗之節。至不拜三楊。其學以多明理少嗜欲爲主。識者以爲極似伊川。此數子者。不徒而折廷諍。而積誠體道。有得於信。而後諫之義。所以品峙斗山。而名永天壤也。鉅今者樹碣廳事之右。登先後掌道之名。既與凡茲君子共見之矣。或曰士大夫身膺言責。誠能卓然建明。條宗社之大計。晰民生之利弊。如歐陽文忠所云。立殿陛之前。與天子爭是非。則竹帛之上。史簡之中。美不勝紀。豈藉此一官志不朽耶。鉅曰。天下事有足以範今而

誠正齋文集

卷

五

傳後者。不獨近今之爲。亦古人之軌也。王元之記待漏院矣。司馬溫公記諫院矣。元之文雖工。德業不少。概見溫公大節精忠。昭垂宋室。誦其忠詐。曲直之目。警示來茲。蓋稟若元龜焉。今日之記。猶行溫公之意也。夫豈徒然哉。詩云。彼其之子。邦之司直。予之所志也。維鵜在梁。不濡其翼。予之所惕也。昌黎又云。官以諫爲名。誠宜有以奉其職。使四方後代知朝廷有直言骨鯁之臣。天子有從諫如流之美。鉅數月以來。汲汲乎知無不言。以求無曠乃官。更願後之君子。敬而聽之。以殫思獻替焉。題名

安泰  
公可和

之舉以自勉也。且以共相勉也。昌黎諸子或有以許我矣。若猶是市祿位以爲光寵而已。則躬逢樂善之朝。其貽寒瘴之譏。又何以布有令聞而無媿弼違之書也。

積誠體道。是其一生學問事業。原本得力處。前無記而記。自今始見得。河南道視諸道。責任更重。題名者必預。名有可題。實不負乎其名。勉人而適所以自命。垂後而適所以勵時。厥旨遠厥功偉哉。

勸立三晉會館序

士君子釋蔬蹻而謁承明。矢志清忠以報朝廷者。靖獻之義則然也。而父兄師友之教。則漸遠矣。乃東西南北各異其鄉。一鄉之中。有先達長者。則父兄之訓。宜尊也。有同寅協恭。則友于之誼。可親也。而且秩秩以觀。禮雍雍以觀。樂雖鄉黨燕洽之際。而班朝蒞政。型仁講讓之休。儼然存乎其間。此其意可深思也。按各省具有會館。設於京師。吾晉雖福三河古帝更都。而平陽堯之所理。春秋人物天下莫強。以及後代節義理學文章。如漢之太史

公唐之梁公宋之溫公明之文清公均表表千載上下莫有敢與爲軒輊者。班班往詰指不勝屈。今在廷諸臣內而公輔外而節鉞濟濟相望。而一館不備於典。爲缺矣。卯初春學士楊君院長朱君揖余而言曰。吾晉陶唐遺俗崇尚節儉。而鄉井宴好之情未可畧而不講。曷叶衆謀同肇懿舉。在內在外勉力。勸治。僉曰唯唯。見今具門關中兩大中丞咸負重望。燕齊豫楚閩越宦遊諸君尤多名賢。不憚一時之經營。豈立百年之遠圖。豈非上願但斯館既立之後。在朝君子尊尊而親親。賢賢而貴德。

官之入與  
公之入與  
相集是  
會中

謹能親  
及此

歲時當論秀郡國 皇上嘉猷  
勸勉不徒斤斤然講鄉曲之禮而修飲食之好甚  
盛典也古者太史陳詩國風十五周南召南之後  
不遺蟋蟀葛屨之章今晉猶是唐風也林立班行  
共事 聖主尚備斯節以附諸省之末凡我同人  
知必不以此舉為迂圖况乎吾鄉先正典型可師  
後之人安在不可仰止高山而興思景行者乎願  
言跂予適觀厥成是為序

誠正齋文集

卷一

九

合尊親愛敬禮樂仁讓之道詮一會字覺一  
節中忠臣孝子良友悌弟款洽一堂觀摩則  
傲不惟父兄師友之教未遠師濟拜履之風  
亦於斯可見令人心儀而神往

陝西鄉試錄後序

歲乙酉 龍飛二載時當論秀郡國 皇上嘉猷  
旁求 命舉賢書罔隆厥典然往者賓興實惟仲  
秋茲因三秦新定展期初冬蓋見 當宁側席幽  
人之心雖風天雪際弗或淪也屆期 俞禮臣請  
以臣鉉使貳銓臣士楫往典關中試事竣臣宜颺  
言以授未簡仰惟 皇上振揚義旅除克雪耻慚  
無以報稱萬一今得濫竽握衡敢不殫精繕閱廣  
蒐名雋為 國家揚闢門之盛願 陛辭之日距  
期不決三旬用是言戒僕夫征報迅指嶮歷於塗  
霜段於裾未有倭容蓋欲勉以襄我 王事也  
云爾臣在車中伏念未申之交巨憇騷動難涼泚  
渭之民其受虐也百倍他域憶者舊儒生輩縮頸  
山嶠崎嶇艱楚日惴惴靡寧且車轡駟緘久矣為  
秦人之風也猶復有採奇竹素而諷先王之道者  
乎繩以經義恍恍在夢覺間竊怒焉疑之此攬轡  
開隴風景肅穆士民復業方集此無他在秦諸臣  
能孜孜乎拯災恤患禮賢下士則泮水之彥沉潛  
頽風以振奮朝氣者知有形諸紙光墨華之表矣  
遂殷然望之蓋士方閉咏一望事業不可見而有

其性情卽性情不可見而有其文詞夫惟本乎性情蔚爲事業者其爲文獨至焉故以臣歷科未遠每從珥筆時論識近日文習大約鴛廣者以剽竊誇奇非史笥則書鈴而務約者以淡薄稱真似寒鴉又嫌木枯是兩者均非其至也文之至者學博而知要詞新而不詭窺理道之源則寒潭映月玉山照人籌應時之畧則文教有煥武衛以奮旣爲雲而爲漢亦式玉而式金豈非文章一道肖其人之性情爲之與而秦中人文知足以及此也已而取風簾三日義讀之或奇雅精與或古朴清貴不

誡正齋文集

越數卷節而取之其先秦兩漢之風僅有存者初疑之旣望之竟悠然異之雖然臣之遇諸士者文而已而之上之所重於士與士之見重於上者不徒以文而已矧國家值新造之日斟酌念切職論思者幾何備獻替者幾何經理庶績分符郡邑者又幾何爾多士苟或以羔鴈之將僅僅競妍筆楮取媚章句希梯一日之榮以負賓興大典竊又踈然俱之迨歌華之後循循燕見與之剖析典義則委蛇深至氣靜於穆而克著圭璧之光與之指陳時務則激烈慷慨義形於色而不失綸羽之

致於時乃爲之展然動色喜而起舞曰士之爲文詎可意量其間哉今日未膺圭組當操觚而往撫卷徘徊早已深桑土之處而左右畫之幾欲靖風鶴之驚而易以莞絃幾欲盪鷹鷂之跡而錯以鳴珮幾欲集飛鴻之羽而噓以骨酒臣得於夙夜與寐中綴管而哦因文勘情因情揆事將經緯全謀畢見於尺幅風雲之內而臨文之志極其淋漓則覽文之情自爾留連也所謂上之重士與士之見重於上者雖不以文而必循文以拔士者文章旣具而性情事業咸自此備也士逢新運雲

誡正齋文集

卷一

主

蒸霞蔚行且入對形屏上之騰肱股心膂之班次亦在服休服采之列將有標槍櫟於龍津荷棟梓於雲耕者庶幾哉班馬楊李諸賢之績異世與嬋席焉此孰非皇上濯德更始有以蒸彼多士若鼓宮宮應鼓商商應也哉然古昔材能異敷之輩名然景靈黜書藝罪而志氣驕焉自盈者君子耻之矣惟是還顧寒堵時寤歌寤言而有咀雪冠楮之致以游以泳而挺張日含霜之操則功名之會依然學問之氣存焉風度亦大畧可見矣爾諸士其永言是意而行之服官蒞政之間蓋性情於

此得其正事業於此效其實文章於此究其用上可副朝廷待士之隆者下亦不孤今日知士之雅臣且於篇終而助以淡薄寧靜之旨

拈性情為主宰而事業文章俱在其中把握在手變化生心其間結構之綿密組織之精工呼應之靈妙幾於胸無剩義筆有餘酣以此鼓吹文運冶鑄士風是開闢第一篇文字

翼城縣志序

余不佞起家微垣簡任風紀觀風問俗余之所有事也往者奉天子命巡行具楚所在修廢舉墜罔不克殫厥心而最重者首在廉吏之治行與士大夫之端良兩者蓋敬而禮之凡以為治忽之關不可不三致意云云來讀禮山居畢慮圖史因得究古人之臧否取而鏡之抑亦當世得失之林也適邑侯留心掌故銳意興釐以續補邑志諮及版居諸君余維前志之修終於萬曆戊申今既五十年鮮有振舉者則續補之文以為緩而實急以為輕而實重何可不敬慎從事夫山川形勝名賢遺跡前人之志備矣使有綴文之士奮筆揚休摘華振藻知無足以為難獨是數十年來大兵大寇大荒大疫舉曠世未覩見之事當吾世而盡遇之考諸春秋之義例得詳書于冊至于司牧有父母斯民之責而士大夫尤民之望也取昔之治茲土者書曰其也廉後之廉者可以觀吾志而知奮焉即有不肖可以觀吾志而知懼焉不然志可以不補也取昔之產此鄉者書曰某也賢後之賢者可以觀吾志而知勉焉即有不賢可以觀吾志而知內省



焉不然志可以不補也。若夫科名徵人材之盛而節孝開風化之美。綜核名實。勸言簡編。後有起而論其世者。一代之風俗將是在是矣。是故立乎後日。以指前古。其琳瑯瑯瑯於往志之中者。吾不具論。後之名宦。如東強李侯。宛平李侯。程鄉李侯。汶上趙侯。永城蕭侯。武城趙侯。遼左胡侯。鄉賢如岡。卿呂君。中台史君。監司劉君。郡丞王君。高君。司李錢君。若而人或來。洎是邦而循良著績。或生長茲鄉。而典型可師。安得不為表章。使天下百世之後。仰止前哲。毅然勸景行之思。如今日登河亭而想潞公之風。傲對濂月而懷張侯之清鑒。以及後魏初唐元宋諸賢。文章德業。推重維桑。烏在其後。先與揆乎。余所云志之續補。以為緩而實急。以為輕而實重者。蓋在乎此也。間嘗讀柳宗元晉問一篇。唯取茅茨土型。猶有先王之遺風。其山河險固。物產畜植諸論。彬彬乎三都之宏辭。而欲躋之六經之訓。則已難矣。此漢唐諸儒之未聞道歟。吾志孜孜於賢人君子表而異之。其他有詳而不詳。亦可以識其意之所在矣。古者太史陳詩。以觀風。其時列國貞淫。好尚咸得達諸天子。春秋之書雖在周轍。

既東以後而孝惠之世。鄭武公入為司徒。晉侯擇王於穀。王綱猶振。迨乎平王之四十九年。魯隱公之元年。葛藟有終。遠兄弟之刺。周人有束薪蒲楚之譏。乃為吾夫子筆削所自始。厥後漢書成于班固。蔡邕附書成于魏徵。唐及五代成于歐陽修。三國成于陳壽。宋史成于脫脫。歷稽前史。代有其人。唯朱子綱目稱為史中之經。此所以繼春秋而作也。志與史不同。於以繼往開來。微顯闡幽。其關係世教人心。為甚鉅。莫為之前。雖美不彰。莫為之後。雖盛不傳。子曰。夏禮吾能言之。杞不足徵。殷禮吾能言之。宋不足徵也。余幸從諸君之後。得以序殘補缺。傳之奕世。庶幾文獻可考。而不致歎於杞宋之無徵。後之君子有世教之感。人心之思者。甚無泄視吾志也。吁。聖天子一道同風之意。其是在是乎。是為序。

志其賢者可為法。不肖者自知所懲。總期有關於世教人心。而止循吏賢士大夫尤所以維持世教。移易人心者。挈綱振領而援古考今。無非以此為諄諄志以誌不忘補志者又烏可忘乎。

重修闕聖帝君廟序

蓋聞乾坤有正氣在天爲日星在地爲河嶽而日  
星河嶽之精華鍾爲大聖大賢以綱維天下萬世  
吾晉宿應參井表裏山河二帝開天之祖五臣弼  
亮之風爲後代莫及吾解梁夫子精忠揭日翼載  
高光慘慘麟經一卷真堪紹述虞廷至其英靈彪  
炳奕奕千載上自天子下及庶人薄海內外誰不  
心悅誠服共知來藏往之德呼吸可通噫盛矣桐  
水縣治西北舊有夫子廟祀無何年浮歲久殿宇  
日損廊廡頽圯巖巖神像不免漂搖風雨中於是

誠正齋文集

卷一

七

邑侯三韓陳公首先捐俸以爲衆倡祠之紳衿耆  
舊以暨里黨好義相率竭力共襄盛事重修大殿  
三間獻殿三間東爲寢宮南明目祠北土地祠南  
北迴廊十六間二門三間上三結義閣後樂樓南  
五星祠北子孫祠十間大門三間殿內神龕一座  
則鉉勉爲之司其事者齋心黽勉風雨從事以誠  
以敬庀材鳩工始於康熙十五年正月至十九年  
三月告成今日者廟貌更新巍煥奪目煌煌大觀  
開生面於翔山澹水間神人既和格共昭事吾夫  
子英風大節絕倫軼群覆載所及日月所照凡有

血氣莫不尊親區區下里得以長戴天光福綏中  
錫康悅無疆爲國家祈千萬年有道之長寧僅  
一方之庥已哉敢記興工歲時及捐輸姓氏刻石  
於後永昭帝貺是爲記

綱維天下萬世一語顛撲不破淡淡叙次簡  
潔渾全絕盡尋常咳唾

誠正齋文集

卷一

六

文潞公臺記

余讀蘇子德威堂銘。見公之去就。一身繫天下國家之望。天之生公。不偶而朝廷待公之重。爲後世莫及。詔墨淋漓。千載生動。蘇子之言。琳瑯簡編。爲公寫照。逼真。噫。覽其詞。何壯哉。考之前史。宋天聖四年。公初登第。授大理評事。知翼城縣事。于時府事修和。令行戶庭之中。而人自得于河山之外。政成而化洽。風淳而俗美。縣署之左。俯臨潞水。公于是築臺于上。公餘之暇。馮眺四野。桑麻禾黍。樂利之盛。餘於襟帶間。油然而與民偕樂。無異乎醉翁者。首指潞公百年以來。邦人士沐浴而歌咏之。頌其德不衰。後之蒞茲土者。登公之臺。瞻望典型。迺躬循省其有功于名教甚大。詩曰。高山仰止。景行行止。其公之謂乎。余生長桐水。偃卧棠蔭。深維公立朝之樂。歷相三帝。聲施後世。安社稷。澤生民。其彰彰在人耳目者。史不勝書。每一往復。不禁喟然興嘆。且壽躋九十有子八人。金錫之光。比于武公。象賢之嗣。擬于元凱。揆古鏡。今未有若斯之隆者。也。但桐之人。知公之賢。而不知其所以賢。席公之

誠正齋文集

卷一

九

德而幾忘其德之至相與交口而稱之曰賢哉。吾公云爾。今日者居百世之後。望古情深。瞻懷遺烈。縱欲奮穎揚扈。終不若于瞻之言。深切而著明也。爰勒斯銘。樹之亭右。總之公之德業。彪炳天壤。卽微斯言。天下當共見之。矧桐爲鳴琴之區。流風遺韻。猶有過化之思焉。後之君子。有私淑之志者。讀其文。想見其人。而公之高風。可以不降階而得之矣。是爲記。

誠正齋文集

卷一

二十

登斯臺者。多不知潞公而覩斯記也。莫不思之。慕之。箇箇人心。有潞公臺可傳賴有記以爲之表章。古人深幸有今人矣。古今言潞公率言其德業至壽與多男則畧之。而不言或言之而未悉。抑知潞公一生德業。福澤原本處。只在百里鳴琴與民偕樂上。後之人瞻玩及此。私淑之志。不禁勃然而自興矣。余故每讀公之文。不僅誦咏其詞。而必尋味其意。

翔山文峯記

翼陶唐之畿輔也山川形勝甲於三晉而奇峯捧日望之挺然而森秀者其翔臯乎山以翔稱邑以翼名蓋有取鳳翔千仞之義焉歲丁酉邑侯集紳衿輩議建文峯於翔臯之上噫此盛舉也其名則美其義可推也攷諸風鑒有所云異地雙峯挿角龍頭者此堪輿家之譚而予不以為然夫天地之間上而有日星之昭回下而有山水之流峙其天然文章燦著布列者是也今天下名山不可殫述不佞足跡之能至者蓋寡矣間嘗西遊秦關陟太

誠正齋文集

卷一

三

華之三峯焉而終南少華佳氣尙羅襟帶南歷湖湘觀衡岳之七十二峯焉而岫嶠太別巖齒曾印蒼苔若夫臨太行而觀孟門王屋之險過嵩洛而擷太室少室之英抑云宇內之雄觀矣至於吳江之地號稱多奇牛首瑯邪九華敬亭其間佳勝騷人韻士能言之往者巡行所至不輟風雅樂事於今寒山片石猶有傲人之墨澤焉豈其峯巒迭翠鬱鬱蒼蒼近在封域之中而耳目不及不幾令山靈笑我乎乃余之所論者又在彼而不在乎此也易曰艮爲山艮之義取乎止山之德主乎靜知止

分其能仁  
字其用星  
亦在心通

而定靜應之可以悟聖學之淵源抑山之厚重載物而長養之功居多仁者敦朴豈弟靖恭持重生全萬物之心又有同然者故曰仁者樂山唯詩有之高山仰止景行行止士君子立身行己屹若太山喬岳而光明俊偉之景使天下景而仰之翕然慨慕其宗風下及自好之士雖不能至而皆有嚮往之思將古所謂賢豪間者非耶子貢曰他人之賢者丘陵也仲尼日月也日月之聖不可得而爲唯砥德修行爭自濯磨奮乎道德之塗則岸然自異有非尋常之所可及者昔者孟子生聖人之後

誠正齋文集

卷一

三

迴揚墨之狂瀾障百川而東之而稱仁引義令讀其書者如見泰嶽巖巖氣象即唐之昌黎韓子振興八代之後而德業文望皆於當時傳於後世至使學者望之如泰山北斗夫非其明徵與吾翼之山莫秀於翔臯在昔叔虞始封其下無亦仰止高山而濯德後躬及其化民成俗蟬蛭載廣則叔虞之賢可知矣厥後潞國文公尹君知章輩立德立言彬彬其可述也是故翔轡之秀得之天成者至矣今復建峯於其上有似乎君子之垂紳正笏而加之以賢冠蔽冕煌煌禮樂之度於以登清廟而

形其能可  
以顯之

佐明堂庶幾晉邦之具瞻與繼今以往斯土之官  
與此土之人仰瞻東臯勤思往哲雅志於賢人君  
子而孜孜然有上達之意高明廣大日進無疆居  
廟堂之上而澤萬姓處鄉里之間而仁三族功歌  
太常品高月旦則今日崇建斯峯之志也而不然  
者或飾耳目之觀或襲堪輿之論余竊有所不取  
是為記

不說翔峯如何有益於人只說人當如何仰  
止上達艮靜仁壽象山之德政為仰止者指  
出修德實際即後幅形容文字冠冕禮樂仍

誠正齋文集

卷一

圭

在勉人上着想人知翔有二峯乎則此文是  
也

自其詩美  
其其久矣  
其其子  
其其子  
其其子  
其其子  
其其子  
其其子

其使人入  
能行即行  
亦使人入  
耳八雅我  
易乃為子  
百年一人

新建滄河橋梁記

天下方州各異而名山大川在在有之土生其間  
嚮無濟世利物之志然而有其時焉不違其會弗  
可強致惟時至事起即其人欲辭而不能也松石  
子生長桐水其初一介之士少壯登朝白首還山  
日與友人垂綸滄水之陽偃仰東臯之下恭逢

天子膺聖四方清謐休聲播于寰區淑問流及方  
外遐邇喁喁扶杖觀花蓋幸當天下之平也思古  
聖人制舟楫以涉大川建澤梁以利山谷而吾滄  
山澗勇猛每遇大夏則河驕石吼濁浪排空不啻

誠正齋文集

卷一

圭

千軍怒號萬馬奔騰一時行人惶恐震怖暴足不  
前寧敢褰裳而就之哉城南百步之外舊有鴈塔  
峯昔人議建河梁於茲以控水口以便行人此說  
傳之遠矣鮮有起而行之者松石子曰是役也吾  
其與之世間高人韻士往往殫心名園亭榭臺池  
花石以飾耳目之玩仁人弗取也曷若吾橋滄簡  
朴素利濟期民之為得乎况雨畢而除塗水涸而  
成梁王政斯先今不憚一時之勞以貽數世之安  
平時車馬馳騁徒步往來如行康莊即至伏暑河  
水泛漲而行路坦坦可免驚濤巨浪之患先是議

此橋論  
先不足但  
若今日何  
如星宿運  
堂矣有神  
謀

雁塔至此  
得力得勢  
增美少氣  
色

非常事業  
天豈有輕  
異前人

者謂此工非數年不可。今壬戌仲秋興工三旬而  
初始。癸亥仲春踵事五旬而落成。爲時八十日而  
長虹百丈。砥柱中流。刻期而鳩工及時。而工訖。吾  
今日亦適遇其會也。橋之西阜建寶三楹。塑觀  
音大禹。河伯於上。仰藉神貺。永錫安瀾。意者  
其許我乎。邑以翼名。取鳴鳳之義。因題其橋曰朝  
陽。東西石坊。一曰龍門。揭日一曰滄水。連雲一曰  
百年柱礎。一曰萬世津梁。琅琅巨觀。爲吾桐頓開  
生面。抑一代人文之盛。原鍾山川之靈。而風氣之  
厚者。名賢輩出。相望前編。桐多君子。代有聞人。祇  
誠正齋文集 卷一 五

以滄水西流。尚需培塿。蜿蜒廻翔。今建河梁。橫亘  
鴈塔之右。極目長河。而滄流湯湯。潏潏曲折。顧盼  
搖曳。一若游龍戲珠。噴波蕩漾之際。別有餘情。從  
此風氣聚而人文蔚。後有賢士。必能綱維世道。羽  
翼名教。爲關係氣運人物。是吾桐之瑞徵也。是橋  
也。數百年言之而未果。而留以待今日。此有數焉。  
不可得而辭也。余固不敢以爲己力也。是爲記。

憶公與言橋梁在辛酉之冬。爾時鑒鑒言之。  
若何。經始若何。落成宛有一百八長虹在其  
心上。在其口頭。在其掌握之中。余不諳屬耳。

傾聽擊節稱快。而竊以爲未必果於行。卽行  
之而未必果。如所言。噫。今橋不已有成功也。  
乎。視其工。讀其文。憶其言。抑何奇妙。神速。纖  
毫不爽。有如此若。乃利涉維風。過者感聞者。  
慶萬世之利。萬世之功。譽頌揚播。區區余言  
何足云。

增建馬塔緣疏

桐水自古其風朴畧。蟋蟀裳屨之章可觀也。今茲  
聖古爲遲流風遺俗猶有存者。不禁愴然興感也。  
夫至於地靈人傑之說。堪輿家習言之無足深信。  
然天時地理人事各居其半。容或有然。吾邑文選  
之興垂三十年。溯其源蓋山嶺南先生提撕之功。  
而亦在王侯筆峯之後。往歲丁酉諸君子肇建文  
峯於翔舉之巔。告成之日。卽有冠冕賢書者。戊亥  
丑三科捷南宮者。至於八人。爲前所未有。向也長  
斯土者。癸未以後。不無淹塞。今宰長丞尉以及廣  
誠正齋文集 卷一 三七  
文諸公。次第鶯遷而去。翩翩翱翔。視昔頓爲增色。  
猶記滄水之南。舊有一小馬塔。前輩建此。以收水  
口。余讀禮時。曾徘徊其下。見其規模狹隘。高僅二  
十五尺。私意爲之營高。而未果。今議舉舊址而培  
壘之。其傍再建一座。東西并峙。其高約可七十尺。  
於以萃山川之靈氣。而開百世之人文。其有當乎。  
願余昆友通籍。叨瞻卿月。深以非分爲慎。日來謝  
竿牘。杜交遊。扃戶繕書。晤對古人。聊以自戒。自傲。  
不敢妄跋福澤。以招造物忌。惟望此後邑之富者。  
長富。貧者不貧。桑麻樂利。比屋可封。詩書弦誦。冬

卷一

夏不輟。賢士接踵登庸。長吏聯轡。清華國多麟鳳。  
家饒芝蘭。駸駸乎日升月恒。而未有已焉。則此舉  
似非迂也。梓桑君子。其有以許我乎。倘藉弘願。共  
成盛舉。此則千里之志也。百世之幸也。齋沐搦管。  
股余同人。

視增建翔舉功相等。具萃集風氣亦相等。乃  
不祈已而望人。德器高深。翔並峙而滄同流  
矣。

誠正齋文集

卷一

三

太上感應篇序

余讀感應篇一書不禁喟然歎曰為此篇者其知道乎太上無言感應奚有顧作者之意遠矣汎而論之有因有果言之疊疊聽者忘倦若止為中人說法精而究之乃當世士大夫膏肓中一大針砭也士人讀書學古日封聖賢內省不疚之時天人可以共贊一蒞仕途志在溫飽而此心一變矣志切逢迎而此心又一變矣試問平生經營不為此身百年之計即為子孫世世之謀終其身不肯少休求其忠君愛國利濟生民者幾何人哉余今與

誠正齋文集

卷一

元

諸君約常官論人務存大體我下深知然而勿言母恣口鋒之利隨聲附和事權在握視理之可行而毅然為之前母待人求事後母令人感母以怨而報德母落井而下石常思緩急時有天道好還人方失意我當寬慰人方困苦我宜拯救錦上添花不如雪中送炭當推方便即是再世如來不言感應而感應之理已備至於地方諸君大而封疆次而民社一念之善生機無窮一念之惡殺機相尋其間敗壞名節貽玷官方無如金錢一事廉吏之交接通之不失古道貪墨之苞苴絕之始成

賢者如見孤兒寡婦當惻惻心動母利其所有而忍心以取一時之快不知目前雖稱得意他日亦有身後隨處體認天理念念務協人情余以為此身百年之計子孫世世之謀蓋在此不在彼也士君子苟有善身善世之志三復斯篇思過半矣行之為艱願言勉旃

透發感字直從天理人情中體驗而出而針砭首在士大夫蓋舉其大則小者可推也至應字則概未之及恐人為有應而始感則所以感之者皆偽也然他日亦有身後雖不言

誠正齋文集

卷一

辛

應而應即在感之中矣徘徊繚綿可以動天地而泣鬼神



三教同源序

今天下主持世教者有三大聖人焉曰孔子曰老子曰佛論其教則異溯其源則一世之儒者分門列戶岸然自異曰吾孔子之徒紹述二帝精一之旨以立萬世八倫之極竟以佛老與楊墨並闢自高其域夫六經之訓昭垂天壤誠匪他端所可及噫抑惡知天地之大聖道之至哉中庸曰天命之謂性率性之謂道修道之謂教佛與老子各勤其修各行其道各立其教其淑世覺民之功施天地同流豈曰小補此三教之所由興至究其天命之

誠正齋文集

卷一

三

性率性之道則佛與老子不聞其別有所謂天命別有所謂率性是佛老之道盡在孔孟包涵之中而無能出其範圍從不睹不聞中拈出戒慎恐懼從見顯隱微中拈出慎獨其與明心見性內觀之法未嘗不同其指歸若夫喜怒哀樂未發已發以至中和位育之極致無一非天命率性之常彼佛與老子焉能離性命之宗而為世立教乎江左崔子余負笈之士也齋心學道闡釋宗旨著三教同源一書余因慨今人世味漸染真性泯沒鮮克自識本來面目於是儒釋道三者交議久矣自同源

之書出可謂濃雲密霧中快覩日星之昭回矣余因論而列之以勵崔子修身之學以廣崔子覺世之志

從性命上認出源頭吾道為第一坎佛老則支分而派別者也命同性同故其教同孔孟包涵佛老畧於同中見異恰合吾夫子分量亦不減佛老聲價識識高出千古

誠正齋文集

卷十

三

河干裂序

古者節烈之士原秉天地之正氣垂之史冊昭若  
星嶽以維持名教至重也如堯河東顏常山張睢  
陽余和州諸君均有封疆之任矢志捐糜以報君  
父固宜越數百年而有身無職守捐生取義者則  
吾三秦何侯介弟何將軍是也公隴西豪傑倜儻  
不羈歲已丑無何姜逆煽虐擾我晉疆適以乃昆  
締我翼符公以愛兄之義推愛翼人遂竭力守禦  
卒之地方安堵金湯無恙噫幸矣假哉爾不遇  
公城且休城下日無唯願父母兄弟妻子寧有今

誠正齋文集

卷一

三

自○解○欲○以○彈○丸○尺○土○獨○為○向○化○之○民○鳥○可○得○乎○至  
求○天○子○睠○焉○西○顧○念○全○晉○披○靡○而○吾○翼○能○嬰○城  
固○守○效○死○勿○去○以○與○羣○寇○爭○一○日○之○命○此○為○尤○難  
通○公○智○勇○素○裕○騰○畧○過○人○挺○然○而○出○與○邑○人○同○心  
戮○力○保○全○孤○城○初○時○人○心○風○鶴○向○自○惴○惴○震○恐○越  
三○日○後○見○公○之○神○閒○氣○定○部○署○周○詳○眾○志○成○城○寇  
已○在○吾○目○中○矣○迨○環○城○攻○圍○者○念○有○七○日○公○晝○夜  
城○頭○砲○矢○無○虛○發○至○賊○驅○我○難○民○以○鐵○迫○之○四○面  
相○向○公○用○繩○繫○民○入○城○不○但○脫○虎○口○兼○獲○安○全○尤

見義中之仁且時遣鄉勇聲東擊西出其不意賊  
以是憚之撤營而退去後作雲梯圖耳舉幸朝  
廷特命唆羅王大兵壓境迅掃妖氛而翼始獲安  
計平水郡邑凡三十四城所克保全者獨郡治與  
吾翼兩城而已王以故嘉之歎翼人守有此土明  
於親長之義為之擊節者數四後屯師澮陽剿捕  
東山餘寇一時飛芻輓粟咸取給於鄰邑念翼人  
守城功大特賜錫除然翼之遺黎其始獲室家之  
安而其繼免轉運之勞自非公之力不及此視他  
邑職司守土委城而去者比比然公以事外之身

誠正齋文集

卷一

五

親○肩○矢○石○備○極○危○存○於○以○救○災○而○恤○患○置○百○姓○於  
衽○席○之○上○何○若○是○其○篤○也○及○寇○敵○畧○定○驚○鴻○初○集  
方○謀○羔○羊○朋○酒○以○介○公○壽○奈○公○義○氣○激○烈○期○滅○此  
而○後○朝○食○誓○不○與○賊○俱○生○翼○人○悲○哀○流○涕○萬○戶○同  
聲○千○是○爰○為○廟○祀○血○食○無○疆○邦○人○士○作○裂○丈○夫○傳  
以○垂○後○禩○使○後○之○人○吊○古○而○景○芳○裂○焉○則○公○雖○往  
而○實○未○往○也○余○故○叙○公○之○裂○因○思○翼○前○後○蒞○茲○土  
而○功○德○之○在○人○者○其○賢○並○公○而○三○先○是○邪○教○萌○孽  
兆○於○明○季○至○丁○亥○四○月○浸○浸○乎○燎○原○之○勢○莫○可○嚮  
邇○矣○武○城○海○曙○趙○侯○周○詳○鎮○密○沉○靜○安○閑○邇○時○前

誠正齋文集

中忽朕淵  
烟波浩渺  
星野幻閣  
雲霧將

赤心象龍  
字和今日

後○左○右○盡○賊○黨○羽○一○不○慎○禍○且○隨○之○矣○矣○以○曠○書○  
請○師○以○故○官○兵○臨○城○而○賊○弗○之○知○及○賊○出○續○督○峪○  
口○蒲○兵○失○利○協○標○楊○君○領○兵○上○山○首○挂○賊○銳○斬○首○  
數○百○級○捷○散○全○局○後○守○憲○襄○璞○王○公○與○撫○標○白○君○  
相○繼○破○堽○朶○山○入○桃○花○洞○擒○渠○魁○解○脅○從○無○知○愚○  
民○各○歸○務○農○其○沉○幾○審○變○之○哲○為○不○可○及○此○在○公○  
之○先○者○也○迨○丙○申○以○後○山○寇○蔓○延○借○招○安○為○名○而○  
狠○心○不○改○鷹○眼○未○化○日○出○入○市○肆○武○斷○鄉○曲○復○有○  
無○可○誰○何○之○勢○遼○左○心○蓋○胡○侯○政○簡○刑○清○坦○懷○期○  
物○定○計○杯○酒○以○除○大○奸○舉○數○十○年○未○靖○之○孽○從○此○

卷一

三

誠○正○齋○文○集○  
殄○滅○其○淨○盡○根○株○之○功○為○不○可○少○此○在○公○之○後○者○  
也○要○之○惟○公○之○所○處○為○極○難○耳○予○然○一○身○無○一○日○  
之○事○惟○徒○以○信○義○相○維○團○結○眾○心○俾○二○三○百○姓○置○  
之○亡○以○圖○存○置○之○死○以○求○生○此○人○情○所○憚○公○能○得○  
之○於○民○其○恩○信○之○孚○出○於○尋○常○萬○萬○也○不○賢○而○能○  
之○乎○至○其○後○血○戰○疆○場○奮○不○顧○身○以○殉○一○時○之○急○  
為○天○地○間○裂○裂○丈○夫○千○秋○而○下○凜○凜○然○猶○有○生○氣○  
翼○人○惡○得○不○歲○時○饗○祀○奕○世○而○尸○祝○之○也○迄○於○今○  
事○經○三○十○年○未○之○有○傳○戊○午○之○秋○我○邑○侯○方○毅○使○  
君○訪○求○文○獻○廣○揚○幽○忠○幸○得○余○年○友○有○懷○章○君○率○

子○弟○輩○殫○心○刪○潤○聲○調○琳○瑯○易○其○名○曰○河○干○裂○一○  
段○表○章○盛○心○其○亦○曠○世○相○感○之○意○乎○况○節○烈○如○公○  
而○無○洋○洋○灑○灑○之○章○宜○之○天○下○後○世○則○忠○義○之○士○  
何○以○勸○勉○余○籍○居○桐○野○其○事○歷○歷○耳○目○之○前○數○之○  
猶○如○昨○日○在○昔○嘉○公○義○氣○今○又○感○使○君○高○風○書○已○  
告○成○文○有○可○觀○因○亟○稱○而○樂○道○之○不○憚○數○言○以○悉○  
篇○端○後○有○知○者○夫○亦○可○以○論○其○世○也○已○  
捐○生○取○義○難○事○外○之○身○更○難○引○趙○胡○二○侯○借○  
賓○形○主○主○欲○歌○而○賓○且○舞○越○數○十○年○後○言○之○  
真○切○如○昨○則○自○茲○以○往○讀○是○文○者○皆○如○目○擊○

卷一

三

誠○正○齋○文○集○  
其○狀○而○能○口○言○其○故○文○不○朽○公○益○藉○以○不○朽○  
矣

大司馬中丞膠侯賈公三事記

孔子曰知仁勇三者天下之達德也明乎仁人之事非知與勇不能行之曲沃尚書賈公仁人也天下共知之余獨申言之曰知勇之士按尚書受知先帝簡任節鉞初昇兩河繼鎮三秦其豐功偉績班班人耳目者史不勝書跡公生平有人所不可及者三明季諸鎮背叛時召高傑入援而傑將劫掠緡紳婦女縱橫河干莫可嚮邇且懸公於樓幾陷虎口後竟責以大義挫其狂鋒難婦藉以安全此他人所遂巡却顧而不敢為者公至性激烈義

誠正齋文集

卷一

三

形於色率從顛沛流離中出人於險不啻大海慈航非大勇而能之乎及撫秦關雲棧八百里古稱天險公用火焚裂石塌山崩改閭王鼻為菩薩奉向時艱難險阻之地一旦遽成坦途此又他人所畢智竭慮而不能為者公天資高邁知慮超絕獲以一日之剝舉而貽秦川百世之安非大智而能之乎至休沐還山益擴達觀先是公舊有園曰雨翠莊其中亭園臺榭樓閣沼池奇花異葩茂林修竹之盛一時甲於京雒公日與二三知己流觴曲水怡情丘壑視彼東山管絃北海青鐏又何殊焉

此等事  
他處  
無從  
得知

乃公則曰湖上清風山間明月人皆樂之惟不私之以為己有其樂乃大斯園也吾園也乎哉輒以數千金雨翠莊名曰喬山書院此在他人所畢世經營夢魂眷戀沾沾認為己有而不肯舍者公坦懷雅致物我無間公之於人而不以為賈氏之私大以為己之所有其園易盡不以為己之所有其園無盡而名亦無窮也其大道為公之量又如此公固仁人也而能舉人之所不敢為不能為不肯為者而為之其定議定力誠有以大過乎人者矣余故口知勇之士也然非竭誠制行不可天下之

誠正齋文集

卷一

三

達德三所以行之者一尚書其庶幾乎

獨記三事所以例其餘也見人所不能為者人所皆當為也勇不避難知不辭勞俱從仁中流出到得大公無我則知勇純然而非強勉一時者之所為矣非知勇不能行仁非仁不成其為知勇惟賢知賢三事自此傳矣

古今文範序

余嘗上下古今披覽典籍作者謂之聖故曰經述者謂之賢故曰文誠從詩書中論其世以知其人雖立乎後代而眼界且高出千古上也曠觀斯世解人幾何顧昔嶺南二何先生海內山斗百世風清自冠軍東粵歷二十年而魁天下及令我翔臯比時諸生執經問業庶幾坐風立雪一堂彬雅之彥班班言游之庭至先生嗜古博物僑屏鮮逮特舉生平快意彙集成篇名曰古今文範中間論斷之旨嚴不失正恕不病狗胸大曠達識見高迥可

誠正齋文集

卷一

三

令古人下拜而後學者尊守待之功不其備與今先生去翼歷三十年遺書猶存教澤肅新翼人其榮繁思不減桐鄉當年其視此篇密香圖書栢棧之拳切也予於是再更剗刷明先生覺世之志以聽私淑者之自取可也是為序

不忘文範文範所以至今在表而著之俾後世人知文範不可忘其垂範之心與前人良有同然

黃次辰太史樞鏡錄序

世人不曾讀書易遽輒云讀書也人曰讀書用心吾曰讀書用眼眼光照映無所不到斯筆陣縱橫無所不及寥寥千載誰獲我心辛卯秋太史次辰黃公念東高公來典南關試適余于役江左有事監臨念朝廷掄才大典為重殫心釐剔弊絕風清為前此所未有吾輩同心合志維挽風會亦可告無遺於當宁矣撤棘後公出所輯樞鏡錄問序於余集中所記蓋推原溫公清獻文清遺意輯古法言錄行以昔賢自警而為書者也公既以躬

誠正齋文集

卷一

甲

行服古做賢人君子之所為以自端其嚮往今復以此書教門下士方執經入侍亟以是篇提命之以此自勉以此課士其修己教人之意亦大可見矣余采風南國輜軒四出僕僕簿書不暇多讀古人書得聞公言夙夜展玩佩服終身不啻與溫公清獻文清共晤對益歎公學之有淵源也自宋以後諸儒立說言人人殊而持教存誠則古今同揆未之有異斯集也其吾道之津梁乎願言勉旃以勗同人

讀書用心哲思共曉若乃用眼則非讀書數

十年後資深逢源者不能道亦不敢道余讀全集深讚其眼光無所不到筆陣無所不及乃於此篇自道之說自己讀書本領立學者讀書法樣錄須藉序以傳固當並垂千古

浣花莊記

古之賢士大夫遭時遇主得以行其所學迫功成身退而曠懷雅致往往寄情山水是以嶺上白雲洞底青蘿非盡隱君子之志也吾桐之東澮河北來環城南流踰河而東多長楊綠柳桃李花菓蔚蔚蔥蔥映帶畦田之中野人濬渠導水以時灌漑是亦桐之巨觀也歲戊午余自龍門百泉尋芳歸來春色千里山水滿懷于焉選隙地構數椽園地咫尺曾不盈畝有樓有池有亭署其園曰浣花莊規模取其儉朴不侈臺榭之飾艷異耳目中有茂

六賦麗地以待其入

誠正齋文集

卷一

林修竹左右參差每遇風起響應蕭蕭曲檻如聞和鸞之鳴東南隅有垂楊高可數丈濃蔭密布枝幹最盛時偃仰其下聽流鶯百轉殊增懷抱爽致竹籬之間襟以蘋李諸樹越簾視之如翠屏山旁有梧桐芭蕉海棠芙蓉牧丹梅花一切花草亦為相脩而且水從牆外入園過樓前至魚池由亭下出門外復匯於渠余晨夕之暇時命巾車時策良驥與二三知己憩息其中譚古典晰疑義或賦棋賦詩流觴曲水樂也陶陶倦則塔然一室高卧北窓及酣夢方回而泉聲在池鳴禽在樹又復盈盈

集集不暇  
通達三傳

大耶復耶  
入耶仙耶

日白青天  
之下  
交作風雨  
曉至

枕畔羽然若仙與唐人竹床午夢滄浪漁笛之況  
未之有異若夫登樓四望極目馮眺而檻外綠樹  
溪邊烟霞無不繚繞上下迴環襟帶以及汀鷗出  
沒士女遊春光景在在可人爲之一快矧朝而晴  
嵐久而晚照月出林梢之上風引水石之音羣助  
斯園之勝槩是吾園之景有限園外之景無窮園  
外之景無窮吾園之景又豈有窮也回首瞻昔簪  
筆蘭台鳴珂清班陟形埤進端謨風夜飲冰靖  
共匪懈此日如何乾乾而今日蒼顏華髮箕踞長  
松得爲縱壑游鱗孤雲野鶴與樵夫田叟同作世

誠正齋文集

卷一

四

外之散人大復何求雖不敢妄企前誥比擬高賢  
而柴桑盤谷鑑湖綠野各有其志昔杜少陵以浣  
花名溪吾以名吾莊夫亦存吾之志也夫

無限名勝皆我素所目寓之心賞之而口不  
能言之者讀是文如在心如在目不啻口出  
矣尺幅間蹊百折而腸九迴樂在園中乎抑  
在園外乎情至斯爲景非觸景始生情也景  
如散錢文則一條縑子天衣蛛絲莫可倪其  
斷續之迹至於歌歇夢回陡然形魄在念  
此是何等襟懷桃源依然問津者爲誰惟浣

花莊主人知之

誠正齋文集

卷一

四

翔山書院記

翔山書院者。始於前翼侯翰林編修嶺南李二何先生。先生諱士淳。號二何。字仲壘。粵東程鄉縣人。中萬曆己酉本省解元。崇禎戊辰會魁。二十年公車。卒成大名。既以其身主盟文壇。而復殷殷汲引後進。一時向道之士。無不景仰。宗風蓋焉。然一代龍門。云庚午冬筮仕桐水。甫下車。留心文治。首先校士。舉邑中之力學潛修。以及一村一藝。咸為甄淑。時雨之化。密有滄海遺珠之嘆。乎前此桐水。嘗於方城。恨望宮墻之高。音至是舉欣欣然。樂先生之教。而淬勵刻苦。好學深思。先生於是立翔山書院。日為諸生耳提面命。譚經講義。而尤自為文。以課士。每課必選其佳者。付之剞劂。鼓舞多士。刻有翔山社課行于世。邇時風氣適上。遂一變而為高華俊偉之章。迺於三晉吾桐人文之盛。諸州莫敢嚮。邇矣。執經問業。寒暑不輟。後之人淵源紹述。培風蓋將百世也。壬申之夏。平水崔苻初起。郡邑騷然。秋間。司衛尤將錄科。余時方弱齡。應童子試。至冬。而羽檄交馳。戎馬生郊。督師撫軍。勅使輩親統大兵。數萬。壓境剿寇。時先生晝夜城頭。雖狼烟

誠正齋文集

卷一

聖

生之教。而淬勵刻苦。好學深思。先生於是立翔山書院。日為諸生耳提面命。譚經講義。而尤自為文。以課士。每課必選其佳者。付之剞劂。鼓舞多士。刻有翔山社課行于世。邇時風氣適上。遂一變而為高華俊偉之章。迺於三晉吾桐人文之盛。諸州莫敢嚮。邇矣。執經問業。寒暑不輟。後之人淵源紹述。培風蓋將百世也。壬申之夏。平水崔苻初起。郡邑騷然。秋間。司衛尤將錄科。余時方弱齡。應童子試。至冬。而羽檄交馳。戎馬生郊。督師撫軍。勅使輩親統大兵。數萬。壓境剿寇。時先生晝夜城頭。雖狼烟

在望。猶與諸生輩。臺臺經史。縱橫制。至于夜分。不寐。曾不少倦。制台張公。時在行間。旁求佳士。先生舉余仲兄。及同年史文起。以對延見之際。徐譚經義。促膝晤語。折節寒素。喜得二妙。以為快。迄至三月。流寇過河。文衡至郡。五月。余賦採芹。先生六月。調繁曲沃。是歲癸酉。桐士得雋者四人。丙子文衡。蒙臨侯先生彙試平水。先生尚治曲邑。晉謁文衡。言翼城曲沃兄弟之邦。而翼士天分尤高於曲沃。文衡曰。兄弟之邦。不識可是兄弟之文否。於是兩岸同試於一日。試訖。文衡昌言於眾曰。翼城諸

誠正齋文集

卷一

哭

士果爾。盡題分量。前茅四人。竟不能定其先後。區區沃人。拜下風矣。離院楊君觀風三晉序言亦曰。晉莫勝於翼城。時先生本房及兩地造就一榜及門。共計二十人。桐水得雋者八人。捷書宣日。聲噪晉陽。丁丑先生喬擢錦職。遂志渠祿。探秘蘭石。將資啓沃。密斤斤尋章摘句已哉。至己卯。桐士得雋五人。庚辰會試進士三人。其後壬午。桐水之士雲興霞起。咸爭自濯磨。奮志決科。得雋者九人。中副車五人。至是而先生教澤允矣。彌久而彌新也。時余從諸君後。叨列賢書。癸未公車北上。拜見先生



喜溢襟裾深為慰藉禮部改期八月余與同年史文起同從南宮春風桃李出入狄門其於處身應世班朝瀝官之道無不備至師生一堂而有家人父子之風先生曰君子三樂余與兄其共之嘉平之月余旋里門甲申三月變起滄桑先生買舟南下萬里間關中途墜虎口數四噫危矣幸清命方新車書一統荒服之外來王來庭復觀文物之化余由秘垣簪筆西台初巡楚湘繼巡具江適晤孝廉君樞講世好於金陵讀先生手札云曩時月險南來中間危而復安絕而復生不啻從萬丈裂

誠正齋文集

卷一

四

烟中跳出迄今思之如人痛定思痛不知何以至此今日筆楮相聞具曠世異事開緘之際不覺惘然與世兄話別白門不勝纏綿癸巳余歸讀禮山居四載逐隊故步先生杖履東山朝夕汲古手不釋卷余游歷卿月鳴珂待漏每遇制撫方面往往以先生高風款懇式廬是以諸君子仰止名賢殷勤存問雖處泉石間戶外屨音不絕也時督師山斗盧公景仰碩德展侯山中贈滿冠鱗袍帶靴等事先生祇以詩韵答之兩賢相遇之異具足千古矣余時勤雙鯉託驛路以達函丈潮海燕山八千

伏下筆

俱非虛託

晉道無今古  
古語世何人  
八本有

里如几席也翼沃兩地之士余生也晚以是後知於先生而四十年在朝在野惟余與先生周旋往來聞問頻及殊堪共慰猶記先生手札云翼城不佞服官之始一生精神命脉皆在於此每夜夢中恒見舊時河山風景宛然在目晤後幾忘身在晉而在粵也翔山書院不佞當年課士苦心全注於此三十年不忘寄語知已毋令毀傷可乎先生在程鄉建元魁塔每偕諸友暨子孫少長畢集登塔講學飲酒賦詩陶陶天倫之樂也梁孟同年共躋大壘以仲秋賞月之後旬日騎箕余從長安為文

誠正齋文集

卷一

四

致祭託撫軍弘宇王公轉致而撫軍諸公瞻望典型共為懷歎洛社致祀事焉及大事克襄門人築室於場傲闕里之意各種樹一株置於墓側號曰李林其後程鄉令王君仕雲江南名士親造其廬懸先生像於庭為之八拜願託為私淑弟子曠代相感入人之深非近世所有庚戌春初孝廉公車再北握手燕邸以話疇昔進一場而賦歸與日舉業事非潛心不能此來往返萬六千里只為憐憫世好古道照人耑來一拜而畢寔無志功名也送別青門惆悵不可言余甲寅特假旋里向以翔山

序意一筆  
勾出

先生在當日只一留心文治而公于五十年

誠正齋文集

卷一

平

雅會約序

昔海剛峯云士君子當為天下第一品人。母求天下第一品官。肯哉斯言良可三思。丁酉春桐水君子雅會相訂在唐香山在宋洛社當年不遇燕飲之常唯其人道德文望著於朝廷故後世號稱其事以傳至今。茲者杯酒邀歡促膝拊掌竟日而歸。揆諸身心之義亦復何益。余同年呂見齊以宗伯還里與其友朋旬日一會各舉古人嘉言懿行數篇互相參酌擇其可法者選集成帙以為矜式。余請諸君各取古人言行關係綱常裨益風化不拘幾段。屆日講究其義以資選錄。斯文雅會將在乎是庶不蹈言不及義之譏矣。又藍田呂氏鄉約曰凡同約者德業相勸過失相規禮儀相交患難相助有善則書於籍有過若違約者亦書之。三犯而行罰不悛者絕之。余請諸君循行大中之約相成實多。且人情私有所親太抵高舉公卿以為祈望何如一言救過使其不失令名之為愈也。抑君子處世親親仁民仁愛物原有差等胡為期功之親。錄必較一言相犯畢生不釋乃矜言豪俠輕財重義於疎逃之人且有聽此鳴而薄父母厚妻

誠正齋文集

卷一

五

族而疎骨肉者抑又何也。經曰不愛其親而愛他人者謂之悖德不敬其親而敬他人者謂之悖禮。又有說者居鄉不律田舍為謀朱仁執曰終身讓路不枉百步終身讓畔不失一段。三復斯言可以自處矣。其次唯干請逼人自非貪心則其軟面諛思居官而左右之遇誰之遇則知居家而親族之惡誰之惡素所私暱恩深怨厚昔所全活事遇而仇不可不發深省也。又次種債極為招尤有無相濟通義也。甚者滾利取債縱役咆哮主人若不與聞而破產廢業逃遁流離者有之。曷不思子瞻日

誠正齋文集

卷一

五

間三孟飯夜間一盞燈便自受用不盡奈何。畢志金穴垂老而不肯少休乎。且也聲妓適情沉溺自苦即手譚遊戲託以鳴高而不知其亦非也。往者王覺斯宗伯與余言曰一盤棋費許多精神推手則已何如做一篇文字或一首詩或抄錄一段書數年之後猶有存稿可以觀我學問進退。此言雖近時人語亦自有味。抑人情喜諛而惡直仲由喜聞過令名無窮焉。今人有過不喜人規剛愎自用百折不回雖聞良話如水投石與諱疾而忌醫何異。又傲不可長才不可恃伊川云少年高科席父

想以推心  
之謂也

如其貌也  
如其心也

誠正齋文集

卷一

五

兄之勢為美官高才能文章三者皆不幸且爽口  
作疾昔人慎之凡吾輩十分如意處他人定有二  
十分不如意也若以聖賢為繩墨則俗情自不入  
其胸次矣余從諸君之後惟願敦倫崇義師賢擇  
友忠信共勵狂悖共耻不患不到古人田地斯言  
也既厚自勉猶恐守之不終誠且漸弛爰示同人  
采石攻玉語曰三人行必有我師又曰因不失其  
親亦可宗也凡我同人山斗在望典型不遠使他  
日謂翼多君子而追思其盛吾黨幸甚吾道幸甚  
序在廿載以前而首所推引乃惟海剛峯由

今觀之天下第一品人其志非偶其言非虛  
也一會約中事式刑古道籌量時宜義正  
詞嚴處令人凜然難犯情通理確處令人藹  
然可親凡稷躬涉世勸善規過之義無不詳  
備有志雅道各宜書紳何必會中為然

皇清諸贈中大夫大理司左少卿覃恩加一級顯  
祖考府君碑陰記畧

蓋聞天降時雨山川出雲言有開之必先也一代  
人文之興縱曰山川鍾奇起視其家必有祖德宗  
功數世積累之厚乃能發祥是理有固然非可驟  
致鉏生也晚不及見吾祖嘗侍先大夫文孝公聞  
吾祖之訓諸兄弟有曰人生教子為先凡親友相  
見動以好兒子是問未聞諄諄然問其囊中金錢  
若干也何為橫眉不展自苦若此又曰凡人背後  
多譚人過言者出於愛憎或有成心聽者當曲為

誠正齋文集

卷一

五

開說不然隨聲附和何貴乎有朋友又曰凡有事  
不可急躁國有政君臣評論家有事父子商量生  
平無欺人語無欺人事嘗燕居自言曰我發後我  
發後此先大夫燈前之言今猶洋洋在耳者也吾  
祖壽四十八歲爾時先大夫萬曆甲午已遊泮水  
矣吾祖生子三長即先大夫文孝公次陸前授武  
英殿中書舍人考滿晉秩大理司右寺副戊辰贈  
父為中書舍人贈母王氏為孺人已卯再贈父大  
理寺右寺副再贈母為安人季宜以茂材終其身  
今鉏癸未成進士仲兄鑑丙戌成進士長兄鉉已

亥成進士仰荷祖蔭兄弟南宮相繼登朝誠一時  
遭逢之異其諸弟姪或以貢監或以武科自非先  
世培植之力不至此至鉉一介書生起家西台四  
任京卿陟位中丞中間三十年數釐中外尤惴惴  
然以涼德是懼今年四月暫假旋里敬錄制誥  
改題新銜奕奕豐碑樹之平原以昭皇帝錫類  
之典以示先世燕貽之善後之子孫其亦遇西郊  
而思祖德毋徒視目前而忘艱難也幸念厥祖端  
有望於後人

祖德宗功遠而難稽非撰飾習套則影响浮  
誠正齋文集 卷一 五

文耳從侍父得聞祖訓具見祖孫父子衣鉢  
源流世守勿替訓辭中要而不煩可以醒世  
傳世豈止一家子孫足為法則而已

顯考府君上官文孝公暨顯妣王太夫人  
誥命碑陰記畧

在昔先王制禮因嚴敬因親教愛使人人隨分  
克盡故曰斯禮也達乎諸侯大夫及士庶人諸如  
詩書所載傳記所及其於忠臣孝子之篇未嘗不  
三致意焉蓋良知良能天性則然也鉉昆弟輩癸  
巳讀禮為先大夫卜吉久之未獲置休顯告聖  
帝得籤曰崔魏崔魏復崔魏後得之廼隴右道吉  
甫崔公之地益嘆聖言奇驗今安厝十有七年宗  
祧有託足徵此地吉祥而先人在天之靈庶幾少  
慰計自丙申終事丁酉出山羈栖長安風木增感  
圖書枉棹之思時時在念因想甲申滄桑之變先  
大夫病卧山間闕逆以仲叔薄宦索餉甚急賴老  
母一言活我全家今之子孫安常履順人矣其有  
能知此乎是歲初夏抵里焚黃墓頂時惟孟冬豎  
碑高原煌煌制誥丘隴生輝上體朝廷孝治  
天下至意下達人子崇始報終之私天經地義  
然無憾後人思祖宗締造之艱難當見賢思齊見  
不賢而內省就兢然以隕越足俱翩翩來馬曷可  
待也同族之人兄弟叔姪之間有德則勸有過則

前篇於侍父聞祖訓茲於想父憶母言鋪叙無痕盡神入化而且德可格天蔽以靈籤一事德可善後括於全家一言性情辭勃故爲文悽愴淋漓誰不有父母對此俱當感發涕零徘徊而不能去

鉏不肖讀禮四年。孺慕如昨。君蒿悽愴之情。於祭儀有獨至者。因親念祖。禮無軒輊。因思數代以來。家世耕讀。今幸席沐祖蔭。列身仕籍。而追遠之典。未詳。懼則滋甚。古者鄉以下必有圭田。圭田五十畝。又曰。士有田則祭。無田則獻。其在周禮。極爲詳備。後世圭田之制。不載。今甲卿大夫之家。自計見田。以供粢盛。知反本復始。今之視古。無異也。按家禮有清明祭掃之文。而翼俗尤重爰集積俸。請當祀田。每歲屆期。備羊豕香燭。合茔與共。其祖宗每

一塚前丹設菓酒等事下逮宗族以次相及條例具在必豐必潔此吾一家之制今日特爲創立後乎此者如有陞官生子甲乙兩榜進學食廩貢監武科許各出銀若干將祀田再爲拓充違約者倍其罰吾嘗思之祖宗之親一脉相傳世代殷進弗忍忘也乃子之孝親不如親之愛子且人情視親之子恒異乎已之子推而及之日遠日疎不知何人求君如文帝臣如溫公者寧有幾哉居恒歷原野望丘隴問之則曰某某之祖某某之宗後之賢愚多有不齊其無主者抑又甚矣不肖涼德菲躬

此可以  
受命矣  
何必謙  
言哉

中年隻立嘗日敢望青蒿之中有酒我杯酒者乎  
姑聽之造物可也今幸荷祖澤克承前緒惟是爲  
子孝親爲孫孝祖人倫之大不可不慎况乎食俸  
皇朝國恩獨厚水本水源之地而不克致其誠高  
爵厚祿將焉用之於焉倣古典準禮經酌定一時  
之規以爲世世之式噫古之君子春雨露既濡而  
有赤惕之心不煩不踈敬慎不忘禮有明訓可攷  
而知後有賢者百世其弗可改也已

仁孝得之性生語語帶有啼痕拓克祀田勛  
子孫政以孝相先如是之爲祭掃豈徒以其

誠正齋文集

卷一

无

文焉已耶

睦族篇

余讀范文正公義田記反覆玩味施食活族之義  
千載可思公平生好施與擇其親而貧疎而賢者  
咸予之夷考當日置買郭常稔之田千畝號曰義  
田歲時瞻養婚喪資用斟酌惠給莫不有制共聚  
族九十口歲入給稻八百斛以其所入給其所聚  
沛然有餘而無盡噫嘻此聖人與爾鄰里鄉黨之  
意而公能善用之以惠施宗族有如此子因慨世  
之置身通顯者果其琴鶴風高一介不取其自處  
爲甚廉矣而欲以施濟之事責之由夷則過甚若

誠正齋文集

卷一

无

其行已猶然在由夷之後居第與馬聲色妻孥止  
乎一身一家而已而族屬之人操壺懸瓢徒作溝  
中之瘠君子不取也十數口之不能養視公之聚  
族九十者何如數十金之不能施視公之歲給八  
百者又何如抑凡人之情不過爲吾子吾孫富貴  
百年計耳試觀世家巨族不再傳而家無立錫者  
豈盡賑孤恤寡以至於此哉况一人之身而後之  
子孫不可必也即曰可必而其人之賢愚能盡知  
乎人生於世孑然而來孑然而往彼爾我分明介  
介於中何見之不達也余宗族內有饑寒切體而

幾清  
幾比

喪殯不繼者有娶霜孤獨而具節可嘉者揆諸三族惟茲獨切於是酌量歲費定以為則令主計者按月供給依時毋後但使族姓之內無凍餒之憂而有朝夕之安庶幾以對祖宗而無憾矣

人莫不知族當睦而所以多不睦者以睦則有不便於己者耳指不睦根原窮不睦究竟說得不睦者極其痴迷便見睦之者如許親切言本於性能無後人情而發人省

誠正齋文集

卷一

三

居家無子弟之過論

大學教家之義詳矣其肯本諸修身身者天下國家之則也孟子曰天下之本在國國之本在家家之本在身又曰其身正而天下歸之身之可以正天下何有區區子弟之論哉吾觀今世士大夫妻子念重而父母之恩薄貧田望奢而兄弟之情疎簞食見色而救恤之義泯恩怨分明而忠厚之道衰聲勢馮陵而謙讓之節寡子讀無三三三廉耻之路塞此六行者蘇子所為深惡痛絕之族譜之中以垂戒宗人者豈若而人有仁義忠信樂

誠正齋文集

卷一

三

善不無彼且曰安得此不合時宜之言其何能聽之為之子弟者見其父兄所為若此與焉赫奕而既呼盧出入公門則大官改容縱橫鄉曲則小民屏息以為子弟之遇則遇矣曷亦溯流窮源而推其所以至此之繇乎吾願為人父兄者謹身寡過砥厲廉隅非賢莫友非義莫取將見詩禮之庭敦孝弟而講仁讓者彬彬如也賁財無厭非公而至一切蕩檢踰閑之事知必夷然不屑其於過也何有孟子曰中也養不中才也養不才故人樂有賢父兄也不敢為子弟寬其教而尤為父兄嚴其責

此原元  
二五著  
力在夫

德化堂  
標正影從

言其忠  
失理過  
而為其

人楚莊  
德化堂  
標正



讀其書可三思也。後世小學諸篇。諄諄訓戒。非不懇至。而於以身作則之道。闕焉未講。吾故論而出之以爲教家之法。

教家本於修身。故通篇專責父兄。前爲有過。搜弊病。後爲無過。立方法。邇流窮源。皆自身體力行得來。居家者何可不銘之座右。

醫衡序

上古書契未作。初無所謂醫書也。自神農著本草。黃帝作內經。而後世始有傳。孔子纂定六經。其於載籍極博矣。惟有素問諸書。不少槩見。是道也。余嘗疑之。不知病之來也。皆由平日七情六欲。不能致謹。浸淫漸漬。然後發於一朝。孔子太和元氣。與天地合德。與四時合序。方賴其參贊位育之功。曷有於金石草木之味哉。吾觀鄉黨一篇。燕處服食。寒暑間愆。使其人尋常日用。率循聖人何病之有。則又不言醫而深於醫者也。余昆弟素不事醫。日

侍先大人。文孝公。疾調治藥餌。朝夕以之得洪生。醫術數秩。其說甚約。其理甚精。讀者不病其浩繁。作者已究其奧旨。梓布當世。以宜好生人。能未病保攝。庶幾孔子慎疾之意。萬一遇病。竝不至自誤。俱人於以躋世如春。其有當乎昔蘇軾有云。人臣之進忠。譬如醫者之用藥。藥雖進於醫手。方多傳於古人。若已經效於世間。不必皆從乎已出。余之於醫也。亦云。

未病保攝。深合吾夫子慎疾宗旨。學者終日讀論語。誰知鄉黨一篇。竟與內經表裏。此方

出於方外直欲自成一書知此可以言醫亦可以不言醫

醫學易知序

人受天地之中以生。則人身中陰陽與天地無二。易曰乾以易知。坤以簡能。易簡而天下之理備矣。是陰陽之理。原自易簡。毋歧深求也。醫之一道。呼吸毫髮。關係匪細。乃日行習而不著察者。何多耶。吾桐茂才王君澤久。勤學稽古。矢志鐵研。乃以善病之餘。傍及岐黃。至於仲景東垣諸集。無不究心。既以探羣賢之庭。而與之左右矣。頃刻有醫學易知一卷。諄諄傷寒標本。藥性圖形。一一編集成歌。使學者可以見微知著。而病者不至以身試醫。於以躋世仁壽之域。功施何極。余讀而歎曰。鳳凰芝草。賢愚皆以美瑞。青天白日。僕隸亦知其清明。吾固樂此篇之昭昭。人心目間也。澤久命名曰易知。其有取於易知簡能之義乎。大道在人。至理無二。後有賢者。不易斯言也。

蔓菁賦

臨英風之矯烈兮。嘆萬物之茫茫。獨嘉品之甘美。今偏飽歷乎嚴霜。弱太和之保合兮。收厥功於冬藏。相地德之廣厚兮。殷其種於陶唐。余晉鄙之儉朴兮。日咏蟋蟀之章。方縫裳而葛屨兮。誰云土物之減。維體質之殊俗兮。恒朱顏而綠裳。思令德之升聞兮。更比屋而馨香。孝子之晨夕兮。勤甘旨於高堂。佐康士之家食兮。潤蒸藿之美漿。不資烟火之氣兮。堆以備司馬之糧。能經數歲之久兮。可以救水旱之荒。借祿賜以萬鍾。莫一斛之能忘。問

誠正齋文集

卷一

充

列國之方物。信以是為惠。齊人。假卧於承。明常夢想乎家鄉。德香澤之適口。覺齒頰之猶芳。應嗜桐葉之崗。明月之光。稼圃可學。億萬斯南。荷必飢之可樂。爰傾志於承筐。羞養食之無補。縱蔬食其何傷。海陸難盡。珍錯踴躍。山肴可採。野蔬維良。誠淡泊以明志。慎勿厭夫糟糠。聊含哺而鼓腹。幸肆志而徜徉。

日食蔓菁者不知若此。其美讀蔓菁賦乃知其美。若此。雖然鼎烹中誰復知此。此種趣味。又人所終不能知。而君獨知之者也。

篆書序

國家制科。崇尚楷書。至名公鉅卿。文人學士。兼以行草。擅譽當世。其於篆學。一途比擬。高古。徒得之鼎彝金石間。即有殫心斯道。以語大雅之宗。恒有所未逮。今淮海實夫許子典學汲古。沉酣翰藻。著有說策一書。懸之國門。戊午冬。余方懸跡山莊。野飭天高。適有知己見遺。披讀長嘯。不幾自我作古。乎顧篆學淵源。創自周宣王太史籀。小篆則秦丞相李斯為之。至漢得許慎。魏得曹詡。風流文物。猶然度越前古。漢魏而後。以及唐室中。間寥寥千載。乃得李陽水篆跡。殊佳。自謂蒼頡後身。於時顏真卿以書名世。真卿書碑。必得陽水題其額。始成連壁之美。蓋其篆法妙天下。如此。今觀許子之學。筆法之妙。其形其勢。其利其峻。不減陽水當年。可謂飄逸絕塵。獨步一時矣。藏之名山。以待其人。其更有如許子者乎。

誠正齋文集

卷一

充

胸中無書。不讀。搦管時。魚鳥龍麟畢集。推此則八法百骸可知。豈但悉史宗李妙已耶。

重摹蘇帖跋

順治辛卯 世祖章皇帝親親大政維時 聖主  
在御公卿弼諧天下翕然丕變稱爲至治 臨軒  
親造期睹澄清余不自忝膺 簡書巡行江左仰  
體 天子求治至意殫心釐剔法廉可觀越明年  
壬辰按部滁上公餘之暇時駕車瑯邪山間中有  
宋歐陽永叔醉翁亭其峯巒聳翠泉聲送響於今  
陰晴風雨之態流雲飛鳥之情攷記中所載猶情  
恍遇之亭前老梅數株傳云子瞻所植蒼蒼古幹  
五百餘年至于瞻爲歐公門下士曾書公記勒石

誠正齋文集

卷一

七

於亭又有趙松雪跋言在後今其石猶琅琅壁間  
不啻荆玉鮫珠南國爭珍視之余出入中外復三  
十年適檢箚中猶存舊帖會浮疾潘次公過我極  
爲嘆賞竊惟子瞻生平筆力矯健早師顏魯公今  
諦觀落筆猶有顏體徐而揮之風雲變化幾不可  
測信爲馬房光祚而天地精英畢瀉諸文人管毫  
間矣獨惜石在滁上平水不可多得而子瞻筆澤  
墨華不克傳諸二文之鄉也爰命雙鈎樹之桐封  
安在丹山片石不可作瑯邪觀

志在古人故事事以古人爲模楷於此見其

國寶龍  
神異記  
庶民勸

重修龍王廟三殿記

今夫穆然而廣運于上者帝也而風雨雷霆變化  
莫測誰爲爲之乎易曰帝出乎震又曰雲行雨施  
品物流行夫震居六子之首其象爲龍龍乘風雲  
而上下故曰龍之爲靈昭昭也昔天率土立廟以  
祀答神貺而報成功于民生爲最重吾冀東南坊  
舊有 龍王廟由來遠矣唯神正直公溥霖雨無  
私以爲百里司命歲時饗祀光昭令典其東爲  
周唐叔虞叔自剪桐分封後德澤在人讀職碑之  
詩其民勤儉而好義思深而慮遠則叔之化可知

誠正齋文集

卷一

七

也予德之馨久而常新故桐人致祀不輟其西爲  
金龍四大王惟王之靈顯于河濱翼距黃河數百  
里意邦人游江湖者衆往來風波中不無震撼之  
恐於焉群爲尸祝以祈安瀾某自崇禎丁丑二月  
課文于此當年師友十有七人一時氣誼雲蒸膏  
翻搏霄不謂瞬息終古屈指良友僅餘四人撫今  
追昔不禁存亡之慨余因是重有感矣念四十年  
來宦海千層長風巨浪不知經歷幾許幸得杖屨  
東山歌咏盛世勉爲修葺用肅觀瞻起蓋三殿捲  
棚一十八間留饗亭樂樓門面以待本坊居士獨

誠正齋文集  
卷一  
三

爲○君○子○伯○玉○不○取○也○同○想○立○社○之○初○而○議○爲○修○舉○  
人○不○吾○期○吾○亦○不○敢○自○信○然○冥○冥○之○中○神○早○鑒○之○  
而○人○不○悟○今○經○四○十○七○年○而○又○從○大○夫○之○後○百○年○  
之○廢○墜○而○成○一○日○之○壯○觀○雖○日○事○固○前○定○人○不○得○  
而○有○適○要○之○皆○神○之○靈○爲○之○詎○人○力○所○及○哉○吾○今○  
日○適○逢○其○會○不○得○不○然○也○若○夫○踵○其○事○而○更○新○之○  
洋洋○神○明○陟○降○在○天○請○再○俟○後○之○君○子○

四○十○年○前○人○四○十○年○後○事○事○固○前○定○使○其○前○  
知○則○天○下○事○興○味○皆○覺○索○然○然○而○四○十○年○後○  
人○誰○復○知○有○四○十○年○前○事○者○觀○其○今○不○忘○昔○

誠正齋文集 卷一 三

低○徊○感○慨○此○心○便○可○對○神○而○其○爲○文○也○更○有○  
風○雲○變○幻○神○龍○卷○舒○之○狀○

非佛  
身至聖  
中有聖  
呼之爲

叔○建○千○佛○閣○序○  
人○心○至○虛○忽○然○念○佛○則○佛○在○心○頭○忽○然○建○寺○建○塔○  
則○佛○在○山○頭○因○緣○變○幻○無○非○善○相○之○隱○見○城○西○  
湯○王○廟○北○議○建○千○佛○閣○三○間○說○者○謂○桐○之○山○脉○由○  
太○行○東○來○至○羊○角○山○透○迤○而○西○至○丹○山○爲○少○祖○辭○  
樓○下○殿○南○結○縣○治○城○西○一○帶○山○川○靈○氣○萃○聚○於○斯○  
廟○後○宜○建○千○佛○閣○謂○之○龍○頭○插○角○雖○云○地○理○深○奧○  
可○以○存○而○勿○論○但○人○生○斯○世○眇○滄○海○之○一○粟○况○百○  
年○瞬○息○爲○時○幾○何○冥○冥○之○中○苟○存○善○念○尙○邀○帝○  
鑒○若○能○填○而○充○之○叔○起○佛○閣○善○念○相○印○演○於○無○窮○

誠正齋文集 卷一 三

存○此○心○也○可○以○畢○世○可○以○終○古○所○謂○善○建○不○拔○之○  
基○其○在○茲○乎○吾○願○天○下○毋○重○視○吾○身○而○輕○視○斯○世○  
請○締○良○緣○以○訂○將○來○不○識○四○方○大○士○肯○共○相○許○否○  
佛○何○以○有○千○拈○出○心○字○見○人○心○個○個○有○佛○便○  
是○千○字○具○實○了○義○善○念○演○於○無○窮○毋○重○身○而○  
輕○世○此○之○謂○具○佛○世○俗○之○所○謂○佛○則○閣○中○之○  
佛○而○已○然○人○有○觀○閣○中○而○尙○不○知○有○佛○者○而○  
莫○不○知○其○有○心○提○醒○人○心○一○捧○一○喝○奚○啻○暮○  
鼓○晨○鐘○耶○

重修后土聖母暨子孫痘疹諸尊金像文

易曰乾天也故稱乎父坤地也故稱乎母有乾坤  
然後有六子含弘光大品物咸亨此坤元所以稱  
至也翼同穎坊居城東偏舊有后土聖母廟廊  
西有子孫痘疹諸神祠歲久年遠丹碧異初茲邦  
之人矢愿捐輸齋心粧顏先事正殿徐及西廊一  
時聖母暨諸尊金像煥然更新庶足仰答神貺工  
既訖將勒名石上以垂後觀憫茲羣生託在照臨  
尚冀長養生全而無疵癘之患正宜無私維神之  
德祀而弗祈曷敢他祝

誠正齋文集

卷一

古

厚德載物何施何報祀而弗祈坤靈其右享  
之矣

碩果天心

余讀易至九月之卦聖人繫之曰碩果不食惻然  
有世道人心之慮焉十月為純坤至十一月一陽  
來復即曰復見天心扶陽抑陰之意情見乎詞余  
年歷周易六十年來朝野中外深維平消息盈虛  
之理一切人情世故無不熟嘗親歷抑思易者時  
也聖人知進退存亡而不失其正者為識時也君  
子學易首先知幾知幾其神幾者動之微吉之先  
見者也是以微彰彙剛萬夫之望孔子曰假我數  
年五十以學易可以無大過矣此聖人為不可及

誠正齋文集

卷一

古

也乾之三日終日乾乾夕惕若坤之三日含章四  
日括囊均有深義可以玩味不然則亢悔吝矣  
居易俟命履道安貞願君子共勉之抱膝草堂三  
復帝編敢字其居曰碩果天心

識時知幾括盡全部易理並括盡學易工夫  
非深於易者不能言其義即深於易者亦未  
必能言其義

高祖論

三代之君其得天下不同大要在於深仁厚澤以結民心故曰天下歸往之謂王自秦恃富強力取天下當始皇在日崩解之勢已成即非二世而天命已去人心難留更姓改物不族智者而後知之耳漢帝起於隴畝卒代秦而有天下後世以爲漢王長者約法三章漢家四百年命脉全在於此帝嘗自言曰子房蕭何韓信三者皆人傑吾能用之此所以取天下項王有一范增而不能用此所以爲我擒英雄撥亂反正自異尋常非有過人之智

誠正齋文集

卷一

七

未易臻此其間雖水鴻門射胸平城種種涉險被劫危然得安蓋有天命焉非盡人事也獨怪蘇洵之言曰天下已定後世子孫之計陳平張良智之所不及則高帝常先爲之規畫處置使夫後世之所爲灼然如目見其事而爲之者蓋高帝之智明於大而暗於小至於此而後見也又曰帝語呂后周勃厚重少文安劉氏必勃也可令爲太尉方是時劉氏安矣勃又將誰安也帝之以太尉屬勃也知有呂氏之禍也是說也余嘗疑之洵謂陳平張良智之所不及則誠不及矣所言高祖明於大而

暗於小予未見其然也漢帝當既平天下之後慮

後世羣臣跋扈難制猜疑間搆恣意誅殺一時韓彭黦綽幾無噍類焉盡弓藏之嘆令人唏噓千古

彼其於開國功臣甘心以處之不難惟所欲爲其所忍氣吞聲死不瞑目者惟有呂后耳而中情纖

縷寢食難忘則又在戚姬趙王母子譬之士庶之家既畏姬婦牽制而又鍾情愛妾不忍一刻割捨

觀呂后陰致四皓而漢帝亦爲趙王置疆貴相夫婦之間隱若敵國則高帝至此不過尋常士庶之行徑吾未見帝之明於大而暗於小爲後世之所

誠正齋文集

卷一

七

不可及也予今爲高帝計當日獨少殺呂后之一著耳呂后從帝定天下有年矣陰賊險狠高帝豈不知之當天下未定使貪使詐可無深較及其既定就彭蓋世勲名芟除之而不悔使高帝毅然有丈夫之志取呂氏而誅之分藩惠帝於外立代王爲太子舉戚姬趙王而屬之當高帝之後而繼之以太宗深仁厚澤洽於百姓漢德之美追跡三代矣况呂氏早滅自無產祿之禍又安用平勃交權爲耶如是上有賢君韓彭諸人敢不俯首而爲之臣君臣相保以有始終庶漢代盛事至於戚姬母

卷一

子太宗必仰體先帝遺意曲加珍護何至人疑之  
慘不忍見聞死者有知臨風哽咽讀至此則高帝  
於兒女場中柔腸百迴倒行逆施真千古之大愚  
人也而蘇子乃以大智許之吁失言矣雖然除秦  
苛法任用三傑誠有君人之度高祖亦三代後英  
雄之主哉

少殺呂后一着筆鋒凜然直令漢高髭髮盡  
豎呂后魂魄俱動戚姬產祿諸人無不破涕  
為笑回嗔作喜心既折而首俱屈反覆推勘  
確不可移從來論世者無此慧心明眼

誠正齋文集

卷一

七

答送竊文

康熙己未歲將晚偶念及韓子送竊文次早信手  
索頭適拈此章唏噓而嘆曰昌黎悞窮之不去而  
送之其結柳作車縛草為船載糗為糧以送先生  
此與毛穎傳並傳蓋韓子諛浪之言耳謂先生之  
知已則未也先生君子也古今以來立千秋之名  
節標百世之清標人品心術皎皎然日白青天披  
詩書閱史漢琳瑯載籍之中非知明守確深交先  
生終無以自立若之何韓子乃咄咄為先生勸駕  
也噫余為諸生十年未嘗交一友沽一壺治一物

誠正齋文集

卷一

七

日為之浩浩焉落落焉與世茫然也當時先生雖  
為知吾吾寔不知先生也由今思之乃知先生之  
益惜其無有以報先生也吾於此蓋有感矣世之  
薄先生者多而敬先生者寡乃余獨為此不合時  
宜之言其孰能聽之吾於此蓋重有感矣先生母  
多言余請從容舒嘯引伸而竟其說今之賢士縮  
首山徑而不得一登青雲之路者誰不曰朱提有  
靈而詩書短氣先生其何以教我乎余曰不然此  
固有說先生與人無一日之榮而亦無終身之患  
彼司銜者雖恣意漁獵縱情慾壑遲進場早撤卷



可待牧  
送勞者  
此為甚

必心而  
送勞者  
已為甚

甚得會  
金得之  
金得之

送之便  
謝如主  
從送

出難題。就吸單寒。快志一朝。自謂得之。至今日。賢  
士自若。而司衡安在耶。此其一端也。今夫天下之  
人。牧則又有甚焉者矣。世之廉吏。飲水茹藥。朝夕  
奉教。先生幸而忠結主知。陟身雲霄之上。不幸慎  
守一官。內省不疚。是亦先生之徒也。無何不肖之  
輩。名為天子之命吏。身為百姓之寇仇。乃二六時  
中。不念民飢。民寒。只思誰弱誰富。一境之內。典妻  
鬻子。死亡避竄。而耽耽不厭。虎怒弗息。揣其意。若  
曰。非此不足結歡上台也。非此不足唾手升遷也。  
非此不足長我子孫也。自謂聰明絕世人。莫能及。

誠正齋文集

卷一

八

抑思上台。盡以此為心。則得矣。倘其中有骨鯁之  
士。易事難悅。則君之計窘矣。若夫升遷雖仰阿堵  
而得失當聽塞翁。禍福倚伏。固非知計之可料也。  
至求其長我子孫。非愚則罔。夫我百計千方。害人  
之子孫。而欲百年必世。福我之子孫。好還不遠。盛  
有是乎。若此者。皆重遠先生之宮牆。而離經畔道。  
以與綠林為緣。曾何足以污吾齒。蘇子曰。有未定  
之天。有已定之天。諸君畢智竭慮。浚削脂膏。如以  
醖酒止渴。心暢神怡。此皆未定之天。宜乎沉酣流  
連。而不知節方幸其樂之未有極也。一旦時命不

一戶為  
此及  
手摩

偶事有蹉跌。問平日之金錢。既為獻。媚取悅而耗  
其半矣。乃至事變臨頭。不得不傾囊經營。身名俱  
乖。不必言也。即使金玉滿盈。裕及后昆。悠悠蒼  
時。有非人逆觀之處。貪吏不可為。而可為。或來古  
人之慷慨。萬一飄蕩。不顧則將。答報業為口寔。此  
已定之天也。至是始信。而有徵。余故曰。世變難知。  
人情可見。天地間事。千態萬狀。未可紀極。而先生  
固澹然寡營。與世無爭。不枝不求。獨往獨來。之君  
子也。苟能從先生遊者。隱則川輝。而澤媚。達則玉  
潔。而水肅。當身有令名。異世獲餘福。先生未嘗有

誠正齋文集

卷一

八

負于人。而人自負于先生。韓子若之何。為先生勸  
駕也。先生曰。子其知我乎。人之相知。貴相知心。甚  
矣。人固難知。知人亦不易也。子其知我乎。夫復何  
言。

人將窺字。看得艱苦。此獨看得恬易。人將送  
字。看得智巧。此獨看得愚拙。故抒寫答字。盡  
情而極致。應使此輩聞之。顏增甲。頗有泚欲  
怒。欲泣。自悔自悟。謂與其送也。不如其窺也。  
吁。答古人之為送窺文者。歟。問今人之為送  
窺事者。歟。

認窳爲相知乃不負乎窳締結之不暇而顧  
云送乎前云不知先生故不送末云子其知  
我愈不送以此答送者能使聞其聲會其意  
而終不能謀其面

建造翼城北關東萬安橋記

有宋之世端明殿學士蔡君謨建洛陽橋於晉江  
異代傳之膾炙人口○余生百世後聞其風竊嚮往  
之往者巡行淮西建泗州浮橋一座商民利賴後  
因兵興羽檄交馳○今移至臨淮三十餘年其橋尚  
自若也○余通籍後四十年○今得優游田里歌咏太  
平以度春秋○癸亥之春○既建朝陽橋于滄河之南  
百里之民○可免病涉○今年仲秋○因北關之東爲燕  
趙魯衛秦川數省通衢○舊有石橋三孔○康熙十年  
爲大水衝決○每遇夏秋○則商旅坐困○車馬難行○阨  
誠正齋文集 卷一 八  
危之苦○又復十有餘年○余爲惻然○但以民窳財匱  
物力艱難○弗敢煩地方諸居士○乃獨力鳩工始事  
於仲秋之初○告成于菊秋之中○爲時四十日○工既  
訖○余因徘徊躊躇○撫膺而思曰○是橋也○今幸而告  
成功矣○因思世之山川嶮巇○亦爲多端○往往歎窮  
途而悵斷岸者○何衆也○方其身陷泥塗之中○崎嶇  
險阻日也○深溝高壘○波濤震蕩○行人至此○前不及  
村○後不及宿○斯何時也○古聖人設河梁以濟之○使  
人危而得安○險而能夷○履道坦坦○而不致歌行路  
之難○詎非快事哉○天下事有遭逢不偶而歎時勢

之不可爲其視歷艱難而嘗險阻者又何有異仁  
人君子多方拯救使人處危而安履險如夷滿腔  
菩提不啻大海慈航此則吾心之河橋不在區區  
行道之間而在奉拳方寸之中至易至簡不俟遠  
求而得之群天下後世無人無時而不可爲也余  
之爲此橋也若求人人以造橋爲法是子貢博施  
之說能者從之常人將安于不及矣惟願當世賢  
者濟人利物夙夜不倦是乃聖賢欲立欲達之心  
若之何視爲不可幾及而不日孳孳也抑古今滄  
海桑田雖聖人有所不知而況後人乎斯橋之建  
誠正齋文集 卷一 合

有規之於前者必有繼之於後者余今日勉從  
事幸弘前烈百世津梁締造一時尤冀後之君子  
歲時修葺以利濟千萬世之行人安在端明之舉  
不復暗于桐水間哉吾桐之龍自丹山入首因題  
其橋曰丹鳳橋而弘濟民物大道爲公之志不言  
自喻推此心也與天地同其無疆可也於是乎記  
爲記造橋却不肯說如何造橋不說獨力造  
橋却說人人事事皆當如此造橋寄托者深  
風勵者遠聞公屬是稿在仙遊之前數日而  
其精神志願猶如此存此意與升恒俱橋有

完毀公無今古誰爲往過與來續者

誠正齋文集

卷一

五

誠正齋文集目錄卷二

賀祝

山陝總督山斗盧公祖序

三晉總督懿生白公祖序

三晉總督懿生白公祖序

山右巡撫穆齊楊公祖序

山右提督柯公序

韓心康年臺節鉞天津序

胡玉衡道長榮補奉常序

陳淳水年兄補督補少卿序

誠正齋文集

卷二

朱白谷道長榮補督補少卿序

郎國華榮擢銓曹序

直隸巡按胡靖宇道長加級序

魏石生先生令弟已亥高捷南宮序

喬安止道長令弟高捷南宮序

潘次公父母行取序言

中州撫軍會徵董公壽文

副憲苗公大生壽文

侍御王雪樞年兄六袞序

張芹沚公祖六袞序



潘次公父母壽文

陳方穀父母壽文

陳方穀父母壽文

王紫鉉父母壽文

廣文溫冠麟壽序

張五雲先生八袞序

賈元士社丈七袞文

李葵陽賢甥古稀序

豐縣令符于政壽文

題李淡宦先生行樂圖

誠正齋文集

卷二

裴念源先生崇祀鄉賢序

陳方穀父母步壽文

張巢阿年兄終養序

張文簡先生傳

仲兄豫籥恭憲文貞先生傳

誠正齋文集卷二

翼城上官鉉松石甫著

賀山陝總督山斗盧公祖序

治天下有大經大法小廉而已矣治天下有大畧安內攘外而已矣此外無他術也日者皇上軫念山陝二省地方寥濶且沿邊防守最為緊要必須用有才能之人一時九卿諸臣請於見任督臣遴選宿望以畀嚴疆乃山翁盧老公祖才能素著丰標岳立為在廷所共推啓事一登遂邀宸簡聞命之日中朝翕然而吾晉鄙之人得以躬親

誠正齋文集

卷二

公以天卿少宰擢任宣雲北門鎖鑰風夜電勉仰副先帝慎畀至意尋起東粵振節而南邇時蘇利逆命飄忽南海之濱雖有藩王將軍共事茲土而運籌決勝獨出公一人之方畧迄今嶺表遺氓獲以奠安在席者公之力也海隅底定用酌勲庸天子褒公之績特授世襲二等阿思哈哈番世職以傳子孫異哉朝廷懸名器以旌勞臣匪公之豐功駿烈孰能當此而無憾乎至於藩王違制結婚蘇利在他人處此鮮不瞻狗顧慮而有投鼠忌

記得此說  
語與此合  
通言俗語  
文字

誠正齋文集

卷二

器之嫌公獨毅然震憤不俾抗疏直陳糾舉王慝令其惶恐認過而悚然知朝廷之尊焉公之風裂為何如乎繼而河工孔亟致厯庸慮公以讀禮甫畢爰命治河任綦大責綦重矣先是漕臣推諉藉口河乾水淺卿責於人乃公受事之初首禁軍旗夾帶兼効監兌諸司痛革夙弊力洗陋規而一時雨暘咸若河伯效靈今歲百萬漕艘飛輓而至天庾者誰之能乎凡此者皆公成效彰彰人耳目者也猶記公治晉之時吏治之貪廉歲有區別民生之利病時為關切振興綱紀培養元氣此今日者幸公特膺新命照臨舊土此三晉來蘇之日而正公解沛之時也吏治之貪橫不可盡問也而亦不必盡問唯奮其雷霆以鋤此不忍驅除之強暴而大法小廉之道將在乎是矣民生之困苦不及驟恤也而切望其周恤惟沛其雨露以救此無可控告之窮黎而安內攘外之道將在乎此矣公持此二道以治秦晉則采薇之什可廢也持此二道以翼聖明則天保之章可歌也又何二

寫於於頌  
樂而多風  
總領  
旁觀時  
大法一途  
誰敢為  
抵言之

省之治不足坐登上理。而文德單敷不共修來王。來庭之禮耶。行見天贊令圖。蔚有顯名。而史管揚。揮煌煌一代之冊書矣。是爲序。

成效可見後效自有可期。記公治晉至幸公。特膺一段。寫得公澤淪肌浹髓。民情感心。鏤。令當之者。歡不自勝。亦復責不容辭。而下文。緊接正公解沛一句。以申明法廉安攘之實。文勢如渴驥奔泉。逸足長嘶。又如迴風舞雪。天花亂落。

賀三晉總督懿生白公祖序

若稽古制天子治內。列侯治外。是以成周盛時。周召左右。分陝而理。同心翼戴。夾輔王室。一時彪炳盛業。迄今猶照耀史冊間也。新上御極。剏制顯庸。特遴世臣。師保嚴疆。於是我懿翁白公祖首膺簡命。節制晉陽。噫。此今日國家用人曠典。而亦三晉士民所爲延頸而顙澤者也。輦下諸君同爲版載。恐忘衢音。請得而賡之。按晉昔制府舊設雲中。以爲北門鎖鑰。迄我興朝。車書萬里。威鎮殊俗。移控畿南。兼制梁齊。如有年。今虞聖

淵思事權歸一。遂推碩膚峻望。統理文武諸司。任綦大責。綦重已公。以豐鎬元英。剔釐於外。晉民僥。後來蘇之望。喁喁然切懷旦暮久矣。今日得依雲日之輝。而分河海之潤。天子神聖。皇祐下人不。在茲乎。抑晉本唐虞之墟。臯夔益稷。都俞吁咈之風。讀尚書可攷也。卽春秋之盛。文公奮興。霸業糾。邀王恩。而彤弓大輅。賜之天子。出入三觀。奉揚休命。不旣煌煌乎鉅典也哉。悼公繼起。八卿和睦。信服四鄰。義獎宗周。其奉爲盟主者。蓋百五十年云。今晉國表裏山河。不改其舊。而忠義結於人心。古

風猶存公爵崇階仿古侯服而忠君愛國之思益復自篤其天性以之綏民生而奠疆土俾兵守節制民安耕鑿文倬偉裂千載同符將見彤弓盧矢之寵命重錫楓陛而康侯晝接之榮遇庶幾再觀孟子謂春秋之後有詩無雅及讀柳州雅詩諸篇不禁肅然興感余固知公太平之績史不勝書願追子厚之風而為公進雅章可乎是為序

履歷詳見前序此只言其任大責重而兵守節制民安耕鑿治天下道理已無踰於此援周召臯夔等為側一對照便是白公正面古

誠正齋文集 卷上 文中另一結構之法

傳其好榮未便好

賀三晉總督懿生白公祖序

吾聞古之名臣德業闡聖法於天下傳於後世至今百代之後披覽史冊以為祥瑞鳳皇然嘆其不可及自非其人寔有過人之德量未易臻此余於懿翁白老祖台徵之公產自遼海奮跡天朝弱冠之初即具補浴弘志迨世祖龍興種花間京一介清風草木知名嗣而喬遷齊安蘄黃山遂荏苒不靖前乎此者輒為攢眉公至未踰數月反側之子無不回心向道脫劓易犢之雅化庶幾見之三載課吏特膺曠典厥功懋哉尋擢鄒魯間

禮樂之治彬彬可述也自此之後司憲錦江而仁

聲孔播屏翰南越而令猷聿新東南之民撫棠蔭

而繫謳思譚之猶如昨日帝心特簡撫治即襄

此地介連蜀秦豫三省之間古稱難治兼以山僻險峻枹鼓易動公開誠布公具心招徠周歲之內得流移數十萬昔富鄭公活人萬餘前史稱之以為美談公之備績豈在鄭公之下耶今聖天子龍飛之初念山右三關為神京右臂特遴肱股心膂以寄社稷用是公以冠世鴻猷遭逢景運仰荷宸眷簡督三晉一時間命之日山谷春生

靖復符寶  
牛續作解  
翰墨流後  
成致其在  
故知其來  
緒不爽

引領君子之車而興樂只之吟今仲秋之月叱馭  
南臨興隆勸懲百務畢舉菁月三年計菁奏績固  
知其理之不爽也特以二十年如蘭之素得見耳  
雨和風噓拂晉如其為梓里童叟額手而稱慶者  
洵非筆穎所能銘也忤舞陳詞聊志一日彈冠之  
情可乎是為序

職任有大小事業無鉅細由緒符至秉鉞不  
憚詳哉言之蓋言其抱負深閱歷从今日擴  
而充之取諸其懷而裕如耳况係叱馭初臨  
故正講處不煩言而意已足

誠正齋文集

卷二

七

賀山右巡撫穆齋楊公祖序

古者禮樂之治雖俟之累洽之後而仁人君子苟  
存心愛物其於斯世必有所濟是以三年有成菁  
月而可孔子嘗著之於書以為明訓云我穆翁楊  
老公祖膺命撫晉業已周歲救宣之化里歌而  
巷咏之矣輦下諸君子聞風景慕有意乎康衢擊  
壤之義為之美公之德揚公之休相與製錦赴賀  
而勉余颺言誼弗得辭因思晉陽為神京右臂左  
太行右函關表裏山河罔敢携貳撫斯土者仁育  
義正互用兼施而雨露春溫之澤嘗餘於嚴霜冬  
雪以其民俗節儉而風氣淳古也公自下車以來  
諄諄然以敬老慈幼輕徭緩刑為念於是諸司咸  
體公志無不潔已愛民寧日催科政拙而撫字心  
勞不敢不勉數月以來夜牖不扃雞犬不驚幾幾  
乎有無疆順則帝力何有之風焉噫猗歟盛哉昔  
尹鐸治晉陽蘭絲保障之誠迄今讀史猶為嘉頌  
公之薄繭絲而重保障也視尹君有加矣即中明  
之世宣陵新吾呂公曾撫余晉一切興釐諸政稱  
為明備謳吟之思百世不輟今公方期月耳而惠  
澤旁洽如此口碑洋溢如此余知其公之偉烈有



軼前而越後。非復流俗之可幾也。方聖天子軫念封疆。而山右嚴重之地。得公師保。詩云。衮衣章甫。實獲我所。章甫衮衣。惠我無私。請得進而廣之。可乎。是爲序。

三晉督撫序。凡三章。其地同。其職同。而其人其時不同。故其詞其意亦不同。且初臨望治。與久任誦德。又不同。篇中周歲。月頻頻點醒。總不欲游移一字。摸稜一句。

賀山右提督柯公序

嘗讀禮經。子夏與魏文侯論樂。云。君子聽鼓聲。則思武臣。聽鼓聲之聲。則思將帥之臣。古之天子。命將出師。授鉞於廟。曰。闔以外將軍主之。是以漢之文帝。勞師細柳。按轡徐行。弗敢馳驅。雖以天子之詔。會不勝將軍之令。千載而下。稱爲美譚。寧僅棘門灞上。爲之謝不及乎。我國家神武開基。薄海內外。咸皆臣服。新上御極。大武維揚。特遣世臣提封列國。爲柯君首膺簡命。蒞我晉疆。士民喁喁。以爲磐石之恃。而長城之庇也。引領星戟。

慰懷安枕。輦下諸君子。函幣製錦。千里稱賀。而勉余一言。余不敏。弗得辭。惟公東海人傑。六韜風講。入關之初。首鎮膠郡。刁斗閑而抱鼓靜。二京之民得安。其田里而含鼓。優游者公之。大有造於東土也。尋荷帝眷。彈壓江漢之間。十年以來。湖湘南北。反側盡平。全楚底定。雖有王師南征。輔臣經畧。而公之深謀遠慮。出奇制勝。居多。所以師出萬全。而克奏膚功。明德之遠。迄今猶有江泳漢廣之思耳。茲啗新命。照臨山右。晉民素安於耕食。繫飲而鮮。彎弓躍馬之智。幸席興朝弘祿。翕然向。

爲遂復業農針

爲遂復業農針

此非民  
和不可

夢  
之  
遠

風。滇。黔。越。閩。釜。魚。漸。歸。知。其。無。煩。警。圻。埃。而。鳴。豎。  
鼓。也。但。使。四。封。之。內。熙。熙。攘。攘。各。遂。其。生。各。復。其。  
業。如。羊。祜。之。軍。襄。陽。趙。克。國。之。軍。金。城。諸。葛。武。侯。  
之。軍。汧。渭。兵。民。相。習。無。異。父。子。兄。弟。其。歌。咏。盛。德。  
又。豈。在。峴。山。渭。水。之。後。乎。余。固。知。公。之。畧。遠。過。前。  
人。而。仁。智。信。勇。嚴。非。復。前。人。之。可。幾。也。漢。之。光。武。  
論。畧。雲。台。諸。將。方。面。之。勳。賈。復。不。少。槩。見。而。曰。賈。  
君。之。功。我。自。知。之。今。公。軍。實。之。壯。嚴。於。細。柳。底。定。  
之。功。著。於。江。漢。而。以。綸。羽。高。風。時。灑。酒。於。姑。射。峯。  
頭。又。何。必。戎。馬。生。郊。而。後。見。介。冑。之。威。乎。當。吾。世。  
識。正。齋。文。集。卷。二。主

而書勲麟閣知必以我公爲冠冕云是爲序

重鎮最爲民擾二東安田里三湘思明德與  
三晉遂生復業始終稅願以德不以才兵民  
相習片言居要遺福於晉民固大授益於社  
公亦不小

韓心康節賦天津序

古者熙隆之朝非必其景星卿雲祥麟威鳳之數  
數見也惟是英賢崛起師師濟濟於以鳴盛世之  
鴻休蓋在乎此矣諸如丙魏宋姚多賢實爲漢唐  
之瑞卽至宋之慶曆君子滿朝至今未嘗不膾炙  
人口史冊昭然可述而志也余於心康韓公觀之  
夫公望聳朝端蓋已有年今辛丑仲夏當新上  
御極之初仰荷宸鑒特簡節鉞控制瀛海弼  
輔神京新命一頒中外相慶以爲得人噫此誠  
一時之曠典而何幸得以躬逢其盛於是維桑諸  
君相與製錦稱賀而勉余賜言余不敏弗敢辭攷  
公之先世晉之卿族也繼以相國名賢及至太公  
先生復以奇才成名進士當公髮未燥時東渡鴨  
綠得爲泗上南頓諸英及入關之初從龍至都一  
先皇帝親政後起家銓曹典銓數年黜陟公慎山  
公之芳躅自此其克繩也比年以來朝廷頻命  
銓臣兼治秋官事一時諸大獄經公議者居多詳  
明爽切先皇帝時物色之輒爲擊節不已嗣以  
宗人華秩特詔簡畀然而倦倦寵顧之思行將  
有以大用乎公而未之逮也今新天子龍飛於

開闢門第  
尚在高處  
以維遠

何思地疆

何思地疆  
不靖

何思地疆  
南陽不可

何思地疆  
起壞尤甚

何思地疆  
放日八端

上邊選封疆大吏。不啻其難。其慎。况順天為王畿重地。自非聲望適倫。品行澡潔者。未足仰答主眷。而靜服羣志。詎意皇上知公最詳。信公最篤。載申錫命。節度津門。是則聖主賢臣。可謂相得而益彰也。乃議者有為公難者。曰由津門而北。山海薊門。居庸宣鎮。在在皆為邊疆。而燕山諸州。未免為河南南陽之地。兼之枹鼓數起。編氓失業。切為君慮之。公曰。不然。昔虞詡有云。志不求易。事不避難。吾豈敢求易而避難乎。借曰嚴疆宜飭。歟吾當為之警圻。俟修軍實。則韓范之方畧。可師也。

誠正齋文集 卷二 主

借曰強禦可畏。歟吾當為之申令。甲振風紀。則二鮑之丰采可凜也。借曰荏苒難靖。歟吾當為之脫刀劍。教農桑。則冀遂之積牛可風也。借曰流離堪憫。歟吾當為之減徭役。勤賑恤。則富公之利濟可施也。如是而不盜息。民安風清。俗美者。未之前聞。方今聖天子務為以德化民。而公仁心為質。嘉氣協應。庶幾禎祥之符。矧居輦轂左右。近荷日月光華。得以首宣聖化。以為萬邦作觀。允矣國家鐘鼓之靈。實式憑之。寧僅公一身之榮名而已哉。余慕公之高風久矣。因朴舞而為之序。

既設難旋。昼方畧。引據往軌。揣摹時勢。有如設身處地。進韓公而質之。以為逢其故。又以為獲其新。詎意文人胸中。具有數萬甲兵。

誠正齋文集

卷二

南

按理切事  
大意包舉

胡王街道長榮補奉常序

若稽唐虞之世君臣肅穆師濟盈庭而伯益典禮  
后夔典樂一時鳳儀獸舞克昭中和之盛是以百  
代而後致至治者必首廣二典也今皇上龍飛  
之初萬物作觀玉衡胡君首膺寵命擢居清卿  
彬彬君子禮樂之榮吾輩幸獲協恭颺言恐後請  
為朴辭以鳴鴻嘉可乎惟公奮跡豐鎬景從鱗翼  
初綰銅符得理畿南一切寬慈之政洋溢而及於  
四境視古蒲鞭之風庶幾再遇及循績上聞持  
簡諫院行行驄馬又復追踪二鮑乃知向者之慈  
誠正齋文集 卷二 五

則泰北案

昭應漢  
廣德

余亦大用  
樂善可作  
賢可作

誠正齋文集 卷二

五

末

勝任而愉快也抑吾聞之貞松產於巖嶺高直聳  
秀條暢不茂挺然立於千仞之上和氣之發則然  
稟和氣之至者必合以正性於是有貞心勁質用  
固其本禦攘水霜以歷歲寒故君子儀之今公有  
柔順溫淳之致以和其氣有雅厚直方之誠以正  
其性日章之譽振於往時文物之盛興於今日昔  
漢代郊廟之制得韋元成而正之盧植事晉撰大  
祭法舊史咸以為榮公位天子執禮之司而身為  
一代之賢人修古制而光大典無足為難不啻是  
指日覆金甌而陟揆席敷庸鼎盛太常且將得而  
銘公之功歌公之德未休也是為序

以續斧典禮樂由前  
而冬日夏日氣質不能無偏和氣合以正性  
則競練俱泯乃為君臣肅穆之風中和道理  
豈第為胡君言之

賀陳泮水年兄補督捕少卿序

嘗攷古之賢君。見其臣崇德駿業。以為爵賞不足旌其功也。錫予不足褒其能也。往往奏之金石。以形容之。播之篇什。以廣歌之。雅頌而後。史不絕書。道德之光。文章之華。二者相須。甚盛美也。以今觀昔。寧獨異是。余於泮翁陳老院長益信。而有徵云。公以蘭臺柱史。寵晉清卿。同臺君子。製錦相贈。彈冠之義。則然也。而命余颺言。余不敏。弗敢辭。唯公汝南名彥。冠冕南州。博物侔於僑肸。丰標擬於黃徐。方讀書汲古。海內久已龍門仰之。迨緒符廣。

誠正齋文集

卷二

七

陵。廉惠有聲。教士受民。口碑載塗。及三年報績。童叟卧轍。頌德不休。乃公則曰。吾政曷能如公言。胡勤苦父老為也。尋邀帝簡。官拜西臺正色。螭頭之間。天下早為想望。風采旋奉。簡書直指。楚北攬轡。澄清。遐邇聳服。未幾更三輔之命。永心鐵面。威行如秋。仁行如春。名聲春動。惠澤雲流。一時駿譽。蓋洋洋長安道上也。繼而讀禮家居。三年風木情深。孝思永篤。及其再起。田間入補。台班比時。山左荒熟。混淆。廉察未確。當事者與東省諸君。願得老成。慎重之人。憂憂乎難之。適公至國中朝。色

筆發憤  
每以虛神  
傳其真際

公輔  
公輔

動。當事者。於是特疏舉公。察荒制報。日可當其未出都門之時。而東省億萬戶。已引領而望之矣。知其必不生事擾民。而有以安上而全下也。下車之日。萬井安堵。未嘗用意釣致。舉從前之隱匿者。咸為自首。計得田若干頃。在國家有軍楮之賴。而閭左無紛擾之虞。自非其識量過人。未易臻此。庚子仲冬。值臺臣升轉之期。時公名次第三。仰荷世祖特達。知遇。詔公內升。一時稱為曠典。今秋九月。榮補樞卿。協理督捕。夫周官之法。在周禮極為詳備。而新令昭垂。為前此未有。在事諸臣。嚴則

誠正齋文集

卷二

六

流於刻。寬則隣於縱。公不失已。亦不失人。苦心籌畫。夙夜。况瘁。不憚一身之勞。而遺億姓之康。國典民生。咸有攸賴。矣。畿輔之近海隅。之遠。無不共欽。天子之明。而樂執事之仁。是豈非士君子得志於時者之弘願哉。願公昔之執簡。烏臺也。則嘉猷嘉謨之告也。今之肅共樞曹也。則唯寅唯清之志也。况乎。唐主在御。恭嘿守文。夢思輔弼之賢。光贊治理。公以正誼明道之學。啓沃左右之間。行將樹駿流鴻。於以廣篇什。而奏金石。不難也。則明良喜起。一德一心之休。余且樂得而觀之矣。是為

序

序意全在未補以前既補以後殊不甚重督捕少卿四字若謂前此有如許懋績今日果膺特達知遇則他日晉陟台鼎不次之擢皆如摘髭拾芥矣文家有爭上流法有留餘步法於此嘆為盡美

誠正齋文集

卷二

九

朱白谷道長榮補督捕少卿序

迴洞案在相見其人  
勞心治人  
之極清之  
有素

居今之世而衡論公卿其佩玉鳴珂彬彬於清班之中者誰非朝廷之望若夫居三代之後而傑然以君子賢人自命斯其人松風竹節當振衣千仞之上匪復區區流俗所可幾也今於白谷朱公視之公以蘭臺令史仰荷先帝簡在之恩特陟清卿甚盛典也同臺僚友相與製錦以展燕賀彈冠相慶之誼理則有然余從諸君之後敢不勉為奮筆為之賡颺嘉猷已乎惟公江右人文遽入翰苑當讀書中秘時天祿石渠之奧既得盡窺其藏

誠正齋文集

卷二

辛

未幾而擢居諫院正色朝端嶙嶙岫岫真有古名臣之風焉天下咸為想望丰采顧今日之最重且大者無如漕務鹽政兩端積弊相沿難可釐剔初奉簡書星駕巡漕一載之中有利必興無奸不剔比時萬艘飛輓而早登天庾者勤慎明效可觀也嗣承寵命視離河東冰心惠政之所及晉豫秦三省之商民咸嘉賴之迄於公沐膏澤而歌舊德者數年之後譚之猶如昨日事非恩施之入人甚深焉能使後之人流連歌咏而不自已若此乎方其四牡駉駉皇華馳驅之日恒有孺慕之感

明倫彙編  
此其已事  
之可見者

身心勞  
有德  
安金  
方有可紀

想勞  
正為此故

誠正齋文集

卷二

三

及報竣還。闕大章一入獲邀。聖朝錫類之仁。予假旋里。慰展孝思。已亥之春。再晉台班。世祖皇帝拔置崇階。庚子冬。榮補同寺佐理。樞曹說者。以為部議殷煩。弗克優游。而肆志焉。日懷與安。實敗名古之君子。每不憚一身之焦勞。况瘁為億兆造安全之福。豈樂為是加勞哉。誠深識乎篤生之意也。自非然者。賦棋投壺。飲酒賦詩。之子雖極一時之樂。不過虛糜歲月。既鮮身心之益。曾無勛名之紀。則遭時遇主之事。固不可必得之時。幸而至之正君子得志於時之所為。乃欲崇尚清淨。捐棄一切。翊翊然於世。曰雅人之高致。不知揆之勞心治人之義。何居今逃人之事。責成督捕四海之內。萬里之遠。苟有疎忽。輒干新令。憲典肅然。誰不祇畏。公蒞政八月。仁恩四布。流風遐播。無不共頌天子之仁。而樂報事之實。則公之明德及人為深且遠也。他日者進登綸扉。以資啓沃。逸豫之傲。丹書之戒。知必朝夕納誨。養成君德。佇見天子睿聖精明。強固百年有道之長。其始基之則伊訓說命諸篇。余且得端冕而敬聽之矣。是為序。

與陳潭水同官而為文議論間架迥不相循

誠正齋文集

卷二

三

蓋化工肖物一物各為一形色未嘗物物求肖而已無物不肖余於此文亦云

終當浴  
早已歸  
識

金鑑  
在此

不爲  
乃其

郎國華榮擢銓曹序

蓋嘗問之萬物之生機發於春一日之精氣萃於朝人生少年時正萬物之春而一日之朝也此東漢諸賢所以獨美鄧禹我國華郎老親臺以天挺之彥秀世之姿入歷烏府聲望茂著余舊領台班幾近三年獲於從事匪伊朝夕其動靜語嘿之間每見其不失常度以是心甚異之知其爲公輔之器無疑也昔蘇子瞻論黃山谷云黃子金玉之度不卽人而人親之何以稱揚爲余之於公亦云通者我皇上慎簡銓曹以爲人倫永鑒苟非其人

議正齋文集 卷二

三

未易勝任乃公之駿譽簡在帝心於焉特頒寵詔胥秩天卿同朝諸君子咸有彈冠之慶焉其所以慶者匪曰知已一日之功名而曰朝廷百年之楨幹正人在位羣賢接踵易日拔茅茹以其彙貞吉蓋謂此也抑余嘗盱衡往古歷觀近代而有古今人材之感矣蓋天下之所少者非才也往往才滿於天下而事不立何者天下非才之難惟有才而善用其才者爲難也然所以養其才而善用之者則其人之度量弘遠者貴焉是故賢才者天之所生自傑然有以異於天下之人而高聳乎

榮泰  
慶豐

萬物之上遇小物而克勤當大任而不驚此豈矯情鎮物者之爲乎其素所蓄積然也自非然者識量未定挾持無素一旦躡身華廡之中震心祿位之表則亦功名之徒已耳不觀松栢之茂者乎方春夏之盛秀幹亭亭既不與凡卉競艷卽時至秋冬蒼翠之色歷露雪而不改夫非天植之篤歟過觀公冠世軼才森森臨風玉樹一種粹穆爾雅之致益復淡然自達諸君子相與把臂論交無不飲公之醇而服公之度所謂有才而能善用其才者非歟况乎遼海高第闕閱名族祖德蒸培積之有

議正齋文集 卷二

五

素恭逢聖朝肇興鼎命方新兄弟棠棣之盛均爲從龍之英奕奕國恩翩翩一門金昆玉友咸陟崇階猗歟盛哉雖然公之度量弘遠固不以一時之隆名自隘其風志也以爲峻秩顯榮慶會風雲冠蓋相望何足詡詡以鳴得意惟是服官王朝當取古人靖共匪懈之思夙夜匪懈以報君父而毋與河干尸素之歌焉揆之受爵不誣之義其庶幾乎今日者聞命自天拜爵銓衡在他入當之未有不輟然色喜以爲利達梯榮乃公捧檄旁皇方且日君恩如此其至也報稱如此其難



是猶表心  
事亦足法  
遠度量

也孜孜負疚於懷惟以價越是俱噫此古君子名  
高天下處之若谷之遐心何意得此於今也矧以  
菁華果銳之年而有老成持重之謀究其德量所  
及吾何知焉他日天子側席而思輔弼之賢必  
斯人也詩云有斐君子如金如錫如圭如璧余請  
以是為公誦之

有才善用何用不減將不失常德四字鑒定  
標準而起伏環抱無不各極其妙文所獨得  
處是一真字惟真斯為天下之至文

誠正齋文集

卷二

五

山御史而  
上使是公  
對諸君非  
深仁厚非  
小

作言解

妙人所難

真隸巡按胡靖宇道長加級序

國家綱紀之任自公輔而下無過御史蓋以尊  
朝廷而為民生所關誠甚重云乃讀古至登車澄  
清與青蒲皂囊諸軼事喟然歎昔賢之徽焉則知  
端亮直方之彥遭時遇主而能敷奏昌言懋建偉  
績令朝野相聞其風采者端有自也求諸今日乃  
得吾靖翁老道長公起家三韓夙負大畧當種花  
平水潔已惠民禁奸戢暴兵荒之餘復觀明月花  
村之樂公也真眾母哉比奏最入陟梧垣慷慨敢  
言天下皆稱為名司諫會廷議修復省方鉅典

誠正齋文集

卷二

五

天子心知公賢特簡相臺公於是以激揚為已任  
屏邪指佞自簡風生視梧垣日更數倍行行且止  
避驄馬御史聞其語見其人矣值畿輔需才幾煩  
當宁側席既而以簡書畀公益知三輔之間非  
公不足以勝其任也攬轡而往利無不興弊無不  
剔且力洗苞苴墨吏為之解組爾時受命諸賢  
胥兢兢砥礪而鐵面冰心則推公為冠焉至於  
稟奉功令詰奸有法而民不苦擾一歲之中累  
崇數階可不謂德懋懋官功懋懋賞歟舉國方為  
之歡慕而公冲抑虛懷如或不勝書曰惟不矜天

下莫與爭能。惟不伐天下莫與爭功。以今觀公庶幾有之。且聖主屬精隆理。方審思老成。如吉甫之穆。如清風。丙吉之深厚。不伐以資我啓沃。公將以揭謙之德。坐謚揆席。燕衍金筋。吐握以下士。豈樂以宜民。俾斯世登久安長治之盛焉。先儒有云。士君子之得志於時。公輔以行其道。諫官以行其言。至於公殆云兼其有美也。豈區區晉階之榮足。以揄揚云爾。

加級是進步。尙未是超擢。若於此處極力掀翻。則賀意味同嚼蠟。文只叙其豐功偉烈。冲

誠正齋文集

卷十一

三

懷雅度以見登峰造極。此其始基也。語在題外。意在題中。極文章之能事。

名臣世範  
卷之四

崇獻的派

竹園集  
卷之四

魏石生先生令弟已亥高捷南宮序

吾觀國之將興。必有世德大臣。爲之周旋弼亮。以闡一代之景運。其後更有秀傑之士。接踵而起。以與太平守成之主。共享天下之福。清命方新。二祖開基。日月光華。弘於一人。世祖皇帝敬天尊祖。勤學好古。且欲遠追古帝。匪復漢唐令主。所可及。爰簡臯夔。用資弼諧。於是崑林先生冠冕風紀。一時杏微之章。日開於朝。文貞家風。庶其再觀乎瀛臺南苑。至尊前席。君臣喜起之盛。古所未有也。今聖天子龍飛於上。弘開麟鳳之綱。天下英

誠正齋文集

卷十二

天

才雲蒸霞起。望闕挾策。莫不有觀光揚烈之志。乃辨之曠代。軼才淹貫。洽聞幸際風雲之會。得以宴曲江而蜚瓊林。稽古之榮。端自今日始矣。吾嘗讀書史。歷觀古來兄弟之賢。理學之宗。無如明道伊川先生。而文章之盛。亦未有過子瞻子由兩公者。百世而下。聞其風。輒不禁想見其人。雖云國有君子。繼往開來。亦其人之卓然自命。不肯苟同於流俗而已也。先生道德聞望。可法於當時。可傳於後世。一以報先帝特達之知。一以竭廿載匡弼之益。翼戴岐嶷。忠貞世篤。他日書之青史之中。山斗

有才  
二觀  
二錄

在望與型可師誰不肅然起敬曰此清時名臣也  
洵盛事也辦之英年捷發道氣靜深而一種淵然  
之質油然而色往往蓄而不露其為文既已高曠  
淡遠而其人亦甚磊落絕俗當吾世而願見君子  
其斯人與今 詹主守文恭默思道夙夜眷求不  
忘讀書汲古之彥則環堵歌風君民堯舜之志何  
難親見之今日也先生金昆玉友繫國家之安危  
關道學之似續當與昔之君子共傳千古安在今  
之相鄉不猶伊雒眉山同來後世之景仰哉是為  
序

誠正齋文集

卷二

元

賀乃弟高捷却全要揚抗難兄蓋花萼輝映  
非有同本連枝涵育滋培者不能相鄉猶伊  
雒眉山何處得此僑思妙句相鄉聞之應與  
乃弟吹簫吹篴陽陽陶陶而不能已

古風望氣  
誰能有此  
識見

喬安止道長令弟提南宮序

余嘗讀柳子厚晉問一篇至三河古帝王之更都  
而平陽堯之所理師錫疇咨之道昌言儆戒之訓  
迄於今猶有存者未嘗不喟然嘆曰美哉善矣先  
王之遺風如觀也舉晉國之風以一諸天下其庶  
幾乎蒲坂為有虞舊墟太行之雄綿亘千里突兀  
而起實自河中而來黃流遠上白雲復汪洋泗泝  
而旋繞乎西南山河壯麗幾有加也以是往詰林  
生名賢輩出洋洋灑灑於圖史之中者指不勝屈  
蓋人材之興區云今於安止喬公觀之當執簡西

誠正齋文集

卷二

辛

臺之日適會介弟高捷南宮兄弟濟美並騰皇  
路誠一時之盛事也同臺諸君子相與製錦稱賀  
以廣棠棣之輝焉勉余臆言余不敢弗敢辭昔安  
止昆弟下帷攻苦之時騰聲藝林識者異之以為  
馬氏五常而荀氏八龍也乃安止先弟而蜚鳴綰  
符花封穆如清風三異堪紀羊碑垂於岷山循政  
達及 楓宸迨至庚子之夏 世祖皇帝特陟蘭  
台用振風紀澄清之烈庶幾自此其再觀也而公  
上膺 寵眷輒不憚削牘陳奏自請自獻嘉猷入  
告咸荷 採納是秋其弟晉陽之關復歌鹿鳴之

開通維新  
結東積聚  
要之步步  
皆歸矣地

章捷至之日都人交口藉藉曰展矣君子。價重連城。今辛丑春闈恭逢。聖天子龍飛之物。一時海內之士雲蒸霞起。爭自奮振挾策。闕下莫不皆有觀光揚烈之思。乃其弟博物弘才。淹貫洽聞。藥榜一發。擢居高第。連珠合璧之光。至於此而益微其盛矣。噫。猗歟休哉。抑吾嘗聞之昔之君子。當彈琴咏歌之時。已具胞與民物之志。而不屑以一日之功名自隘。其器量及其出而遇主。樹駿流鴻。以爲賢士之盛德大業。其標著顯奕有如此。而不知皆取諸懷來而予之。究其履道之素。夫固有遠過

誠正齋文集

卷二

三

流俗者也。今日者追琢金玉。進爲國華。既獲登承明之廬。而瞻天子之光。羊羔素絲之節。知自追美風雅。史稱王謝伯仲。雍容揖讓。卓然爲江左人物。而宋之祁庠兄弟。琳瑯竹冊。起視公之昆玉。何多讓焉。况蒲坂爲三晉名區。在昔公輔之彥。相望於朝。高山仰止。景行匪遙。誠其遺蹟而光大之。作見後先之輝映也。余且樂得而觀之。是爲序。

讀好文章必先領題。乃此等文。卽掩題讀之。亦能默付其爲何題。則以其文與題肖認題。既具而爲文。無一不確焉。故也。

賀浮侯藩次公行取入都序

丘文莊曰。得一良守。可當精兵三萬人。得一良令。可當精兵三千人。古者慎守令之選。以重民生。至大且重也。循令秩滿。璽書褒嘉。召入臺諫。以備耳目之臣。以其周知四方之民情利弊。嘉謨嘉獻。入告我后。克襄聖天子熙洽之治。黼黻太平。宜召史館百代榮名。垂譽無窮。今浮山潘父母。鳴琴八載。飲水懸魚。刻自砥礪。日事洗心之學。兢兢以聖賢爲範圍。至於興學校。課農桑。鋤強梁。綏窮獨。存心行政。均可矢天日而質鬼神。懋息林臯。

誠正齋文集

卷二

三

潘情雲壑。咫尺叔度耳。食雅化。又以世講之誼。時從田廬。得邀高軒。以話永宵。快論披譚。豁我塵襟。歲庚申。詔天下督撫。遴有司之異等者。開列上聞。公之善政表表三晉之間。屈指方州。無有出其右者。晉撫土公首錄殊績。用光盛典。于是天子賜袍服。旌廉能。隆恩異數有加。無已。此時廉吏吐氣而草野欣騰。余山中野叟。歌咏化日。幸睹知已逢時。不覺夢寐愉快。昔于輿氏。聞正子之爲政。喜而不寐。以今視昔。當有同然。爰裁蕪言。以廣彈冠可乎。

以聖賢爲範圍今日功名中必無此人然人非如此焉能有大功名次公誠賢得文而益彰矣

中州撫軍會徵董公壽文

吾嘗讀詩至天保采薇之章因歎古昔君臣相遇之盛而爲當時之天下慶也後之君子爵位榮名未嘗異於古人何以德業聞望有傳有不傳則行誼不可不講若夫立身行已表表天壤之間則必克已修行刻自砥礪其大者綱常名教之任其著者豐功駿業之隆無所不究其心是以內而公輔外而節鉞以其身繫天下之治安關一代之風氣非其人未足語此我大中丞會翁董公曲江丰度廣川家學帝心簡在曠恩異舊撫豫踰期頌聲

修辭以  
故敢以  
以先人

大作德澤滂沛英猷宣布行道之人能言之歲序將新欣逢公麟書之辰汴黃伊洛沐浴膏澤鵬公堂而介眉壽者不知其幾何矣何有於孤雲野鶴澹然林臯之叟雖然願爲屬言以賡喬松可乎維公筮仕白雲精於律例雖法吏而滿腔豈弟也持斧邦畿鐵面冰心夙歷廷尉于公之寬仁未之或遇邂逅風紀拔置清禁教習館選備邀寵榮在他人遭逢異數未始不喜形顏色乃公冲然若不自勝不敢有賢知先人之意其度量固已過人遠矣迨節鉞江楚壁壘更新剔釐大藩風清江漢至

有聲著  
著矣

富山集第  
卷二

香齋  
卷二

今言之猶自不寒而慄。家居六載。涵蓄淵深。一旦  
 卿。新命典嚴。疆中外相慶。以為得人。甫入境。首  
 鉤太吏。以警羣寮。清查荒田。以增國賦。修築河堤。  
 以慶安瀾。長養人材。以培士風。核減徭役。以甦農  
 困。種種可紀之事。筆不勝書。每讀言路諸章。諱風  
 采者。嘖嘖然。以中州為第一。遐哉其一時之冠也。  
 余春初時。登龍門。謁解梁。單車梁園。公之聲名洋  
 溢。既已耳食。令譽自入。太行抱膝長吟。更歷三時。  
 聞公之文武兩關。劫慈諭音。輿情咸為脫服。公之  
 禮賢下士。激濁揚清。登奸剔。笑安上。全下無一事  
 誠正齋文集 卷二 五

而不克盡其道。古大臣之風。蓋在乎是矣。要之豫  
 處天下之中。兩河南北。其風流文物。皆備中和之  
 氣。攷之史策。名賢相望。公以豐鎬元老。宣猷中邦。  
 專制千里。南面百城。上荷 聖天子心膺之寄。下  
 敷羣百姓顧復之仁。於以左右姬召伯。仲韓富卓  
 爾。風規庶幾千載重睹。尤幸天下清宴。兆姓又安。  
 余得偃仰長松。優游藜藿。此辜夔巢許各適其志  
 之時也。獨是感公之誼。雨雪懸情。汴水晉山。兩地  
 相憶。今日者。崧高在仰。玳筵弘開。敢奏巴音。以佐  
 霞觴。遙想煌煌。几寫簡有山。榛樸苓之知焉。於以

見公之高風遠及其不遺深山遐谷也。如此區區  
 華人之祝云爾哉。

絕大規模。絕大議論。一皆質任自然。如不經  
 意而出。而自然中饒有成法。尤難其發端。究  
 竟精采。更加百倍。良由學力有餘。所以文機  
 莫禦。而揮毫則霞蔚雲蒸。淡墨則風發泉湧。

誠正齋文集

卷二

五

副憲苗公大生壽序

蓋嘗遐覽史冊見一代之興其間必有名賢崛起  
翼贊皇猷勛勳帝室然後邳隆昌熾之業奏焉立  
乎後日以指古初臯益拜颺之風畢散左右之謀  
尙矣在漢如丙魏唐如姚宋宋如富韓一代之中  
不過數人均有弘功駿烈銘名景鍾後之君子覽  
方冊而增懷不獨謂其君實聖而在廷俊彥猶繁  
人曠代之深思是以國家岡陵之福隆乎當時而  
其人之榮名且因之百世而彌新也吾今於大生  
苗公徵之夫公以山斗駿望夙邀宸鑒陟位綱

誠正齋文集

卷二

三

紀三年於茲今臨月念有七日適值公懸孤令辰  
諸君函厄製錦勉余爲言余請得而言之公會逢  
景運早歲從龍踞附後先得爲南頓泗上諸侶  
先皇親政以後簡任銓卿進賢黜佞山公之盛  
事再觀也繼拜寵命晉爵蘭台激揚之聲敷聲  
中外侃侃正色天子改容一時遭逢之盛喜起  
有加若此庚子之冬適值河臣需人銓曹遴其聲  
望懋著奏請上裁仰荷先皇睿鑒以爲河工  
重務非其人未易勝任特頒華綸命公往視  
事奉命之日介馬就道親履河干視其扼要綱

誠正齋文集

卷二

三

繆未雨與在事諸員講求者凡三閱月一切敷  
苦心與華實政諸如運河情形遷邳城築遙堤竝  
條列兩河事宜等疏痛癢之言切中河弊他日河  
伯效靈安瀾無虞觀河洛而思禹德知仁人之澤  
自此甚遠矣今新上御極昌言日拜百爾君子  
欣逢不韙之朝咸進咨儆之章知公必有嘉謨嘉  
猷人告我后以與衡疏贊議相輝映者余且樂  
得而誦之也况公才兼文武識經百練高明沉靜  
左宜右有以之在內則輔弼之任也以之在外則  
社稷之寄也當此車書一同之日亟須建牙重臣  
宜力封疆以爲天子奏殿邦之績公碩望有素  
旦以啣命其於康濟民物奠安柔遠之畧必有  
當焉余因有以信公之無難爲也何言之古之人  
當大任而不俱歸大節而裕如者豈曰勉強而至  
蓋其素所蓄積者然也惟其平日得之於天者既  
厚而涵養之功又深所以平居隱約漠然無從得  
而窺其涯際及至功高天下而處之若谷淡然若  
無以異於常人誰知君子之所以大過乎人者卽  
在此乎昔漢忠武侯曰才湏靜也靜湏學也非淡  
泊無以明志非寧靜無以致遠旨哉斯言可以三

其於身心本源究竟大畧從此明皇猷而贊  
帝室勲書旂常名香竹帛歸然爲一代偉人當不  
令丙魏姚宋富韓諸君子獨專美於前代也若夫  
區區喬松之說詎足爲公侈譚哉是爲序

世之爲壽文者多矣曼挑西鳥絳甲海籌一  
切依樣葫蘆總搦管便如蠶聚蠅叢抑知壽  
文中有所無一壽詞者否序其事事如指掌  
序其人人如觀面而其爲壽文也殆得其津  
液而化其糟粕挾其精髓而脫其膚殼者矣

誠正齋文集

卷二

三

爲壽文者不可不讀

賀侍御王雪樞年翁六袞序

間嘗傳覽羣書。迭稽往詰。類不樂引繩削墨之士。  
而雅好個儻不羈之才。其遇磊砢英多。則欣然嚮  
往之。蓋高世之姿。古今所難也。若侍御雪樞王年  
翁。與余同里同譜。而且同官。早歲登朝。正色西台。  
中年解組。築堂綠野。超絕風塵之表。寄想雲霞之  
上。余爲折節久之。歲已未。菊秋念五日。爲公攬揆  
之辰。桐之親友。擬爲製錦摘藻。以申喬松之私。而  
屬余一言。余其何以祝公。無已。則請以素履之說。  
進公少而奇穎。讀書過目不忘。文壇高會。揮酒成

誠正齋文集

卷二

四

章生平豪氣。不啻卧百尺樓。而坐諸君於下。拓落  
曾不猶人事親敬兄。孝友可風。壬午列賢書。乙酉  
得楚令。時方風鶴。石首介處江濱。其真卿盤錯利  
器之秋乎。三載磨鈍德化在人。甘棠之澤洋洋南  
國。仰荷帝簡。擢任台班。一時天下想望。丰采馳  
馬湖北。強禦歛手。辛卯春當世祖親政之始。甄  
別台臣。公以直聲議留。及攬轡三秦。剔釐汙隴之  
間。墨吏悚息。廉能作氣。克副臨軒至意。後洪相  
國經畧楚黔。以公楚州舊吏。持斧江漢。習知西南  
情形。奉命軍前。櫛沐之勞。借箸之殷。如是者五



年黔滇蕩平相國題請異等酌公之芳公輒彈脫

軒冕醜情泉石毅然西歸以與二三故人瀟酒滄

臯之演戲棋榔盃以永朝夕昔韓魏公作醉白堂

以自况子瞻稱之不置公之高風與魏公何殊抑

聞賢者獲高年雖有秋氣而春酒介眉正在此日

蓋春氣艷而易盡秋氣清而能久今日者對東籬

之黃菊引南山之醪醕鴻雁來賓琴瑟在御以此

領畧秋光良足樂也况乎棠棣交輝芝玉未艾俯

視塵俗別有曠觀余昔讀禮山居曾為箕疇之頌

以慶椿庭之瑞今二十餘年後復為公祝松高馬

誠正齋文集卷二四

時移勢殊白髮蘭譜愈久而愈具矣願從諸君之

後偕進一觴賓朋咸集觥籌交錯宴宴夜飲不醉

無歸諸君其有以相許乎

花甲一周未為遐筭文至此最苦羞澁從素

履說起邈得六十年來學問事功俱堪不朽

秋氣清而能入體貼誕辰九月而且領畧秋

光勝於春酒酌斗慧心妙筆可謂人巧極而

天工錯矣非雪樞不足當此非此不肖其為

賀張芹沚公祖六泰序

昔韓忠獻公功高宋室相三帝安天下一旦毅然

言歸逍遙綠野其曠懷為不可及矣他如白樂天

乞身強健之年日與知己飲酒賦詩山林園池悠

悠然有餘樂焉抑何其神情澹宕也古之人相其

胸次皆有風翔千仞之意而不屑沾沾功名自隘

其志量云爾吾今於芹翁張老公祖徵之夫公鄒

魯君子海任屏翰嘯傲東山六年矣今歲初夏會

邁六泰昌辰昔時負笈從遊將為製錦函幣千里

展賀而勉余颺言余不敏弗克辭切惟公東海名

宿執耳文壇矯翮奮翼聯捷南宮數十年風雨之

志得以少售萬一此時余初識公交同歸伍而契

洽管鮑邂逅之章余兩人竊共快焉旬日天假之

緣李我平水聞命飲水琴鶴就道甫下車杜苞直

此其家  
人談日用  
其其家  
無此此

不在此  
不在此  
不在此

誠正齋文集

卷二

望

而○卑○寒○泥○塗○廢○書○而○嘆○賢○士○有○所○不○免○於○是○九  
重○附○驛○慎○遜○學○臣○公○應○運○而○起○爰○持○藻○鑒○照○臨○三  
晉○鑑○空○衡○平○茅○茹○彙○征○知○人○得○士○之○盛○前○此○未○有  
也○尋○簡○西○陞○兵○民○安○堵○邊○境○晏○然○如○是○者○數○年  
無○何○海○內○蒼○生○方○待○霖○雨○而○公○頓○怡○情○丘○壑○悅○志  
林○泉○士○各○有○志○弗○可○強○也○已○猶○記○公○解○綬○西○來○余  
適○讀○禮○山○居○剪○燭○西○憲○促○膝○終○宵○杖○履○追○隨○者○十  
有○餘○日○始○携○手○言○別○踰○太○行○而○東○公○之○郎○君○伯○仲  
久○已○成○立○向○過○桐○水○時○祿○祿○內○李○子○喃○喃○語○未○成  
音○今○聞○其○性○穎○悟○可○撞○烟○閣○而○熊○夢○數○叶○麟○英○再  
誕○兼○之○四○孫○林○立○蘭○茅○方○新○將○見○元○凱○之○休○自○此  
未○艾○噫○猗○歟○盛○哉○余○觀○世○之○馳○清○華○騰○而○不○能○自  
已○者○不○過○以○聲○華○寵○榮○為○快○志○之○事○耳○孰○如○公○之  
今○日○築○綠○野○之○堂○而○著○東○山○之○履○泛○北○海○之○樽○而  
興○梁○甫○之○吟○優○游○怡○愉○天○懷○洒○落○之○為○耶○說○者○或  
以○公○才○畧○不○世○出○未○能○盡○展○厥○蘊○余○謂○昔○王○晉○公  
位○不○滿○德○而○其○後○子○孫○公○卿○相○望○於○朝○柰○何○徂○日  
暮○之○見○而○弗○為○之○馳○觀○域○外○乎○由○今○徵○之○公○出○處  
大○節○真○可○遠○紹○前○詰○而○玉○樹○嶙○峴○翕○頤○一○堂○於○以  
捧○霞○鴈○而○介○眉○壽○洵○百○年○之○快○事○也○余○與○公○有○異

誠正齋文集

卷三

留

昔同岑之好請樂得而為之序

叙知交較叙素履更詳蓋知交既深則素履  
班班可紀皆非諛詞矣大匠造凌雲臺規矩  
不與人異而慘澹經營自在引繩切墨之外

潘次公父母壽文

士君子讀經之外莫要於讀史。經者理也。史者事也。古名臣德業文章。班班青史。後之人仰止高山。誰不嚮往。而百爾卿士。起自庶吏者。歷歷前誥。相望於冊。於次翁潘父母徵之。公治浮五。襮既政成。而化洽矣。浮人出入息耕食鑿飲。庶幾嚙嚙之世。而何有與歌千載重睹。乃鄰國之候仰之若父母者。且比比然也。丁巳之冬十月。既望為公嶽高之期。山林野叟。咫尺鳴琴。請進巴里之音。以介眉壽。可乎。惟公自讀書時。輒以吾道為己任。資稟勁

誠正齋文集卷二

聖

特氣節高邁。充養完粹。無復圭角。步趨之間。若有成法。殆恂恂醇謹之士也。及服古入官。筮仕晉南。潔已愛民。釐好敬。獎毅然與百姓更始。問養廉。則纖塵不染也。問造士。則文武式舞也。問催科。則鞭朴不事也。問盜寇。則犬吠不驚也。至編審。則貧富惟均。諮免軍徭六百丁。而三軍咸奮。查荒。則公私兩便。自首田賦百餘頃。而子來知勸。舉鄰邑紛紜。拮据民生。弗遂者。竟以坦自處之。卒能移風易俗。革薄從忠。不勞而理。則公之所學可知矣。至公餘之暇。繙閱古典。究心圖史。若日取而鏡之。抑亦當

世之公

世得失之林也。羔羊素絲之節。生平不以易其志。寧獨企仰風雅云爾哉。一片忠君愛國之誠。八而彌篤。千度凝遠。有若曲江。光風霽月。有若濂溪。其視紛華靡麗。無一可以櫻其心。大臣之風。將在於是。宋龜山先生理學名臣。歷令蕭山餘杭諸縣。所在歌思。百世不輟。公豈有異乎。指日天子博選廉吏。擢任臺諫。當以公為第一。許謨補衮嘉猷。入告無一篇不雨潤。而霜肅仰見。睿鑒在上。端冕以聽。而明良喜起之盛。宣之彤管。播諸詩章。洵為一代之盛事。若斤斤壽考之說。此子瞻所慎為余

誠正齋文集

卷二

果

詎多言乎哉

有大經濟人。皆是有大學問人。次公學問經濟實堪雄古。理學名臣鄰國仰若父母。一語可代浮邑萬戶歌頌矣。

陳方穀父母壽文

吾聞之天得一以清地得一以寧聖人得一以為天下貞一者何曰誠也是故日昇月華海晏河清極乾坤覆載之弘無非一誠之流貫而至誠之傳厚高明足以配天地而無息抵此一誠一以為清淑之氣一以為仁壽之徵然則天人一致之理可繹而知也我方穀陳父母治桐四年時和而年豐澤深而流遠桐之人登翔畢而仰公之德如高山臨滄湄而凜公之清如秋水詎止召伯之棠而羊侯之碑云爾乎歲丙辰麥秋之月朔有六日為公

誠正齋文集

卷二

七

覽揆初度里間謳歌咸譜管絃察佐諸君矢祝升恒而請余言余不敏其將何以揚扞洪庠惟公玉立丰姿探奧二酉不難排闥石渠而翱翔鸞坡乃以燕韓秀彥締符桐華公之志也桐之福也先自其近者言之孟子云君子有三樂而王天下不與焉父母俱存兄弟無故得天下英才而教育之我公椿萱在堂鶴髮飄飄翩翩然若神仙中人公今日雖越在千里北望燕山白雲依依無一日不思果公之思余請為誦陟岵之詩金昆玉友花萼相宣操縵安絃高堂懌愉余且為誦棠棣之什至於

誠正齋文集

卷二

八

玉樹蘭英先後輝映方今聯珠合璧之盛業已琳瑯膝下指日賈鳳荀龍翩跹而起余請為咏麟趾之章及蒞桐以來夙夜飲水清風兩袖明月一簾余更為廣素絲之音若夫滿腔豈弟愛養備至蒲鞭警而民樂矣寬城杜清而吏畏其嚴矧今風鶴咫尺荏苒側目出入守望桑雨綢繆保障之固為桐水長城之恃焉余又為誦孔邇之章公孝慈之教成於家仁讓之風及於國遇桐之疆輒徘徊琴鳴鶴唳之况而不忍去則明德之入人深矣以菁華果銳之年而有德業聞望之嘉揆之天道酌之輿情則百年壽考之祿即在億姓歡呼之日余願為誦樂只之篇異日者奏績 楓宸入對延英出其生平所學以資啓沃拜手颺言而都俞喜起之歌興焉余將為奏湛露之雅總之公之壽在於德而公之德本乎誠余於是酌古準揚風扞雅而曉然於天人之際知其理之不與有如此是為序括全部詩為一家言在為民父母者實有其理移贈方穀遂若實有其事各段中配擬工確匡說不逮愧我荒經多矣

陳方毅父母壽文

吾聞爲治之道與爲學同。善學者涵泳陶淑。必養之數年之後。乃可以德造其極。爲治者仁漸義摩。亦必俟之歲月之久。而後可以治近於古。故易曰。聖人久於其道。而天下化成。我方翁陳父母治相。六年矣。桐之紳士庶姓沐浴衣被。不啻家人父子。幾忘其爲編氓。孰知其爲長吏。桑麻樂利。習爲固然。久道化成。休風如睹。樂哉郊原。何必高視三古。爲也。歲戊午蠶月六日。爲公麟書之。旦桐君子申言相賀寧曰。邦之常典。庶幾中心之貺。灑灑洋洋。

誠正齋文集

卷二

兗

管絃可譜。今願得而揚。挖之惟公起家豐沛間。不肯矜言湯沐。而折節詩書。蜚聲騁牘。蓋一世之英。與筮仕桐水。殫心民杜。舉地方利弊。人材臧否。無不洞悉。經營慎度。夙夜罔勑。昔魯齊云。治國者先定其規模。而後從事。公固已熟籌之矣。期月而改觀。三年而有成。王道平平。不徒炫耀視聽。迄今優游漸漬。六年於茲。老者安少者懷。耕讓畔。行讓路。民之涵濡大化之內。淪肌洽髓。從容衽席者。云誰之賜。求之前古。其卓魯之林乎。邇者余策杖尋春。驅車千里。西眺龍門。東遊百泉。其於諸州吏治民。

感德之

生耳聞目見。不無河大水深。日出當心之感。益美公德之八人深也。要之公催科之仁。聽斷之明。編審之公步禱之誠。風經傳播。往歲纓陳。不遑節舉。而實聰聽。唯穆然於化。民成俗。仁風翔洽。而知羣百姓歌舞之情。卽爲大君子壽考之休。詩言南山。嘒頌五福。於以宜昭。令德廣颺。鴻庥彬彬。典雅何多。讓焉。今。睿主御極。十有七載。海內熙洽。歌詠太平。咸稱。天子萬年。聖壽無疆。公以深資夙望。凡。楓。延。今日召杜。他年伊說。一以爲平格之佐。一以爲夢賚之弼。詎異人任芬芳史冊。徐把。

誠正齋文集

卷二

幸

形管之輝。其可乎是爲序

好文字如巧丹青。筆則真筆。景則幻景。而能使觀者疑幻爲真。無以測其腳踏手們成。蠅爲特之妙文。亦以具筆寫幻景。逞其興會。所至不遑恤入所難安。衡歟。方毅何修而得此。

祝王紫鉉父母序

余嘗視尚書讀元首股肱之篇以爲大平之象皆  
吾君吾相致之若夫百里之內得安其畝飲食  
各率作息之恒自非長吏之賢休養生息未易臻  
此吾翼紫翁王老父母治桐數月室有鳴琴案無  
留牘漢世循牧何以加茲今壬戌孟春中浣爲公  
懸弧之辰桐水諸君子相與製錦稱觴以賡眉壽  
屬余颺言余亦墨居之人也其何以祝維公才猷  
駿發風規岸異粹掇恒山之嵐頴潁潁水之秀寧  
獨汝南之彥抑亦曲江之度也恭逢 聖朝遘會

誠正齋文集

卷二

五

風雲礪發中州著有能聲辛酉夏來令吾翼翼爲  
虞叔之封山川之美風俗之淳其來舊矣邇來風  
氣稍變不無城狐社鼠之慮一時想望丰采將興  
剔奸釐蠹懲前毖後乃公度外置之以安反側先  
是桐人有翔舉公約達之院司諸台咸是其說自  
公入境首華見年十八日不藉人命株連富室不  
聽暗害飛票拿人不差衙役夏秋催糧不聽奸徒  
歌謠罔上一切行戶無蕪之求盡行報罷至於編  
審公而且敏輿情咸爲悅服公雖不見吾公約舉  
公約中大畧無不見諸施行夫王道以人情爲本

簡見  
夢已滿  
是切也  
難然歟

獨處  
各側十自  
大

榮南獨  
空前難

榮南獨  
空前難

今也好惡同民樂只君子其庶幾乎古之康東有  
水寒夜半而能識金銀之氣者形諸詩歌著爲美  
譚今人快心暮夜罔恤民艱沿習成風尤所難言  
吾公獨杜絕苞苴何其介介如是桐之四野熙熙  
皞皞有耕鑿之樂而鮮大吹之驚此日之人情可  
知也此日之吏治可知也合封內之舞蹈佐臚堂  
之兕觥箕疇五福卽在絃歌謳吟之中從此懋膺  
天府廓清 皇路百年無疆之福曷其有極又何  
必矜言喬松之祝以歌壽考之休云爾哉是爲序  
神君慈母今日維公其人公之政教一新邑

誠正齋文集

卷二

五

之風俗一新而是篇中事核其寔文從其質  
經營組織更一新詩曰豈弟君子民之父母  
吉甫作誦移如清風其斯之謂歟

壽廣文溫冠麟序

吾嘗讀詩至壽考作人而觀濟濟多士之盛。未始不歎先王之雅化遠也。胃子之教垂於二典。降及三代。庠序校異名而同實。是以人主敦崇風化。要在培養人材。而培養人材。則自學校始。後世胡安定教學之法。特為近古。吾冠麟溫君。傳學弘才。精敏過人。其為文醇而雅。典而古。有左氏之風。已卯秋。以麟經魁三晉。以公之學。天祿石渠。不難安坐而至之。乃公車十上。其志靡懈。迨癸丑始借青毡。奮翼鵬搏。振鐸桐庠。五年於茲。今歲丁巳上冬。五

誠正齋文集

卷二

五

日為公嶽降之辰。而長君適觀光成均焉。桐邑諸君子謀製錦稱觥。勉余一言。惟公介山佳士。實處西河之濱。昔子夏設教其間。東魯之傳衍於汾上。迄於今。流風遺韻。其尚有存者乎。即吾潞國文公為有宋名臣。起自綿巖。怡我桐水。甘棠之恩。百世而下猶感之。所謂邦之典型。非耶。公距諸賢之屈如此。其近得諸私淑者。必多於以紹述厥緒而追踪前喆。伊誰之任哉。况桐陶唐之舊。其俗勤儉。惇朴咏蟋蟀之風。可見也。其君子敦詩而說禮。稱仁而誦義。兢兢先王之道。慎守勿失。攷之詩書。庶幾

冠麟其  
以自命

更確

惟茲

何容更謝  
不敏

望所及  
順從者  
雖中皆有  
余至登

誠正齋文集

卷二

五

文獻之徵矣。公諄諄風俗教化。磨礪多士。日以聞望。德業相勸。勉異時忠臣義士。昭垂史冊。則皆公之教為之也。且也閨門貞烈。關係風化。不憚極力表章。微顯闡幽。雖微必錄。仰體天子作人至意。而公之教思無窮。抑自此深矣。至長君天資穎異。能讀父書。家學淵源。固自有本。乘此菁華果銳之樂。翱翔雲達之上。殆未易量。語曰。莫為之前。雖美弗彰。莫為之後。雖盛弗傳。而公橋梓之賢。適足以當之。今日者。朔山之陽。芹藻生香。多士雍容絳帳。而進霞觴焉。一堂快事。樂乎否若。區區喬松之說。為子瞻所慎。為余詎多言乎哉。

引經據典。屬詞比事。句句是學。博風規句句是冠麟氣度。移一字他人不得。

賀張五雲先生八表序

予嘗維才百不如德富百不如壽身雖貴不如有後人之語不禁反覆而三嘆也今於五雲先生庶幾遇之憶自丁丑仲春同社諸君子玉筍鱗集共齊南翼願稟裁成特推先生主盟文壇爾時予以蒲柳菲質與諸君靈奇異品共沐培風而先生課士與而古奇而法筆削極嚴咸原本聖賢立言之旨數年以後翱翔達路者種種矣而余昆弟亦在列焉猶記丙申三月余尚在籍正遇先生古稀之期不肖兄弟與碧藕龍芝載酒東園以廢崧高迄

誠正齋文集

卷二

五

今回首昔時光景如在目前乃星霜迅速不覺又復十年也計余自丁酉出山承恩金門日念園林松菊之盛徒形諸清夢之間往者碧藕得因其候謁天官與之風雨聯床歷數晨夕無異諸生此又造物者識吾同心假我良緣時而剪燭西窓語及平昔社中盛事輒拊掌者久之客秋碧藕定省西旋幸以承顏為快今者春深苑華先生春秋八十稱觴獻舞以盡子情此碧藕昆玉之所以養志也予因是思之根深則枝榮膏沃而光達理有固然先生博物稽古成歲進士而作八之美晉綴接

不知當者

幾不先生

凡不知前

有八先生

生亦不

行亦不

介亦不

介亦不

介亦不

介亦不

介亦不

誠正齋文集

卷二

五

昨有古龍門仲淹遺跡在焉誰敢以為不然

踵今一堂之上椿萱駢茂舉案齊眉而碧藕賓於鄉龍芝饋於庠蘭芳奕葉共守青箱世業至使臨太行而過滄高者穆然想孝慈之風焉豈不樂哉昔王通讀書河汾身雖不仕而公卿將相皆出其門至其後子孫通顯冠蓋之榮相望於朝今日請颺言尺幅以為先生之左券可乎於是乎序

德壽有後則後人之德皆其德以此德衍於無疆乃知壽非百年必世之說也先生以典古垂訓而古人中德後兼隆者莫如王文中舉此以况先生古人為不孤矣余謂東河橋



寶鼎古今  
相與得旨  
而三

浩然一元

沈氏世長  
自到院對  
庭相與笑  
性而小日

賈元士杜丈七奏壽文

余嘗讀漢史。至介山郭有道。汝南黃叔度。其人雖  
名不列仕宦之籍。而清風高節。振衣千仞之上。百  
世下猶令人景仰芳踪。吾友元士賈老杜翁生。平  
坦懷期。物善氣迎。人無智愚。少長油油然與之偕  
而不自失也。少而典學。壯而名高。丁丑春五雲先  
生主盟文壇。課我多士。余從公後。為文字交。今四  
十有四。襁往歲已未六月。值公古稀之辰。今再閱  
歲。嗣君麥雲稱觴介壽。集賓於庭。以為公祝。勉余  
一言。余公之老友。知公莫余若。弗敢辭。惟公家世  
儒素。宗牒孔亮。超庭奉訓。弓冶丕彰。百行之原。公  
益有以紹先而啓後矣。同祖昆弟若干人。篤志友  
恭。易人所難。以至督課子姪。暨諸孫輩。文學武科。  
隨材玉成。不肯視子與猶子。作異觀也。一室之中。  
雍容揖遜。遜桐之人。高公之義。足以風世。屬俗。噫。公  
真不可及矣。念自甲寅。再至田間。余昔時同社兄  
弟。今止餘五六人。言讌契濶。歲時過從。則公為多。  
澹水東。余築浣花莊。與公常往來其中。酒酣耳熱。  
拊缶而歌。淘淘然有餘樂也。此際誰得知之。公年  
踰古稀。而精神豪爽。身輕體健。少年有所不如。每

誠正齋文集

卷二

五

蘇軾題老  
華頌壽祝

曰凡人春秋高。非寡欲不可。於此悟坎離既濟之  
理。而吐納飛昇之術。為不足跂矣。令嗣君素裕。輻  
鈴而不忍曠定省。以圖功名。公得以優游高堂。含  
飴弄孫。飽天和而食地德。陸地仙槎。將在乎此。敢  
以是觴公。幸莫撤髯徐酌。以廣崧高之章可乎。是  
為序

誠正齋文集

卷二

五

昔人論好畫。則曰逼真。而論佳山水。又云如  
畫。具者其畫耶。畫者其具耶。知元士莫如作  
者。故述行素。摠情。悰使元士自道。不過如此。  
此種筆意。繪山有色。繪水有聲。繪花鳥而有  
香。有音。籟矣。所謂逼真。所謂如畫。

歲暮感懷  
生平

登高一呼  
山鳴谷應

佩此良言  
何必憂  
胸襟豁然

賀李葵陽賢甥古稀序

吾人之生貴有菁華果銳之氣發奮於少壯而一生之事業從此大尤貴有敦龐淳固之德涵養於老成而百年之福澤為可入今於賢甥葵陽徵之夫葵陽今日有封君之榮者也余以渭陽之誼因夙悉其生平歲戊午上冬日欣逢古稀之節孝廉集賓朋進霞觴以祝乃親而三族六戚咸為製錦介棋壽以慶箕疇之福丐余一言弗可辭惟甥天性孝友敦樸崇實其事親敬兄愛弟無一不極其款懷之誠切業詩書已為升堂之士未幾以舌耕之艱兼事離賈家業聿興乃復為賦采芹之章焉曰吾以成吾素志也自是以後日督課孝廉兄弟寒暑肄業乙卯秋闈孝廉廣鹿鳴列鶚書藉聲文壇翹首南宮桐之人欣欣相告以為天之報施善人如此且其仲子鳳毛翩翩乃孫蘭芽方青則其積德之厚而燕貽之隆可知也揆之晉公三槐之盛將先後同符矣今日者桐水之濱瑤筵弘開金玉一堂嘉賓在座封君鶴髮童顏冰桃雪藕狀帶几席飄飄若神仙中人余從諸君後不禁掀髯而拊掌也請以君之素履灑灑洋洋紀之簡編以佐

誠正齋文集

卷二

五九

南山之咏可乎詩曰豈弟君子福祿綏之又云綏我眉壽介以繁祉其君之謂與願孝廉昆玉廓清皇路功名鼎盛他日龍章晉錫章服顯庸以娛親志余知華袞之榮又在於尋常耳吉之外也孝廉勉乎哉

情辭為文實實落落其所言者恰在葵陽心上秀玉口頭傍人眼前文至此朴極快極

誠正齋文集

卷二

李

蓋之妙  
不在此使  
人知見于  
政非知見  
風流言馬  
羊車五人

大國以能  
花托花亦  
似六開

人倫好此  
物樹工

祝豐縣令符于政世丈

凡人具凌雲之才則必有曠懷逸致翩翩若天半  
明霞漢之相如晉之衛玠致足述也余持此以衡  
當世其人不少舉見今觀于政符老世丈乃桐水  
之後勁也裕於才邵於德邁會風雲綰符百里新  
奉 寵命琴鶴而南三月朔十日為其懸弧之旦  
乃弟于典馬言稱觴以篤棠棣之誼余惟古之祝  
大年者自五十而上今于政四十何以祝為顧惟  
其人之素履為何如耳于政少年天資高妙真如  
初日芙蓉池塘新草王謝丰度誰不望而欽之而

誠正齋文集 卷上 本

且孝親友弟一門之內雍雍洩洩鄉黨嘉稱及其  
司鐸廣昌豈弟作人一如安定之在湖州時又叔  
建帝君閣肇興文教以故多士式舞嗣遷辟雍益  
遂教育英才之志 聖天子軫念民依遴選佳士  
宰割方邑于政幸當強仕之年其菁華果銳之氣  
既已奮起一朝即此躊躇滿志知必揮霍皆圓出  
其緒餘游刃無難仰荷 宸恩特授豐邑豐之士  
庶引領仙旆翹企霖雨以沛蒼生余知于政必有  
以愜輿情而蒼來蘇也他日民安物阜政成化美  
則百年甘棠追跡召伯南園歌咏之聲行且洋洋

序 口碑又何必侈譚喬松揚扨一日之休徵哉是為

我亦知于政如此我不能言于政至此懸此  
於于政之前一讀一擊節應嘆其何以知我  
至此

誠正齋文集 卷二 本

題李淡寧先生行樂圖

淡寧先生燕山人也。今行年六十有九歲矣。獨清獨醒。世鮮與儔。雅有柴桑遺意。少時束身名教。卓然以道德自任。歲庚午舉於鄉。旋為秉鐸睢水。正誼明道。一時士風日進於古。迨締符陶山。際已惠民。頌聲在塗。兼有捍圉之功。館人歌思德澤不啻登峴山而撫召棠也。繼以讀禮而去。至壬午補我桐水。此時百姓差煩賦重。幾不聊生。自先生下車。即為蠲條煩苛。一切與民更始。向時虎政咸為報罷。歲省民同金錢約數萬計。野無追呼之擾。庭無

誠正齋文集

卷二

三

鞭朴之聲於斯時也。嘗聞長吏問雅唯以鳴琴目樂而已。至於一塵不到。午夜永寒。公門鮮咫尺之賸。脩靈絕柳榆之好。可矢天日。可質鬼神。匪獨余一人之私言也。昔先大人文孝公與先生周旋歲餘。每家庭譚公廉惠諸政。恒歎為前此未及。癸未公遷秩歷下。舍祠而北。瀕行之期。百姓因轍攀留。涕泣郊野。幾不能別。乃先生謙讓未遑。迄今翼人謳吟至德。猶有山高水長之思。近為脩輯邑志。表章前賢。蓋咸以我公為循牧之冠云。乙酉之秋。余再見先生於長安旅舍。尚得聞言咲以爲快。圖後

巡楚二年。巡吳二年。讀禮四年。然後再起田間。日

為懷思先生。終無從訊其起居。辛丑夏。長公世兄惠然來臨。得拜手函。披讀之餘。驚喜交集。坐語道故。慰我調飢。始知先生卜築即廬之間。尚臚課子棄俗緣。而樂天真。陶陶如也。左氏謂衛多君子。而蘇門之下。又康節之舊居在焉。先生高風令節。雅有風契。振衣西山之上。漱流泉水之傍。以味以游。理亂不聞。夫誰得而似之。壬寅二月。杖策都門。忽相晤。語夫以十年願見之人。而得與同堂。詩曰。亦既止我。心則悅。此日之情。寧有異耶。因憶數載

誠正齋文集

卷二

四

以來意中所有。猶然當年聲容耳。今一相見。不覺麗肩鶴髮。衣冠頓朴。歲月之移。人如此。叙其年齒。則曰將近古稀。思作行樂圖。像傳示後人。余席德既久。知遇獨深。敢不奮穎為言。用宣君子之素履。乎先生祖居燕山。諱曰根。深別號淡寧。庚午舉孝廉。初任睢州博士。升山東鄒陶令。服闋補山西翼城尹。任滿升山東濟甯二守。有國器。二克紹箕裘。是歲壬寅。業六旬有九矣。僑寓蘇門。以遠隱居樂道之志。由此而頤養天和。百歲怡愉。仁者必壽。理有固然。若當吾世。而或圖修之君子。噫。非先生其

孰與歸

星霜變易之後揚美道故皆人人意中所有而筆下所無一篇中傳神寫照公之德行功業在聲音笑貌俱在拈此以示其後行樂圖不傳可也

誠正齋文集

卷二

奎

裴念源先生崇祀鄉賢叙

稽古從祀之典未嘗不嚴且肅也陟先師之庭而春秋明經以分黍稷馨香之盛七十子之後濂洛關閩諸賢庶足左右其間繼此以往匪不屢進屢退惟重視其典自不得不慎取其人鄉賢之始蓋循是意而推廣之於以表章前賢迪進來學一代之教化在此百年之風俗在此然則先王之意亦大可見矣今觀念源先生殆其人歟惟公生而穎異長為名儒開揚宗風倡明性善一時晉國之上翁然師尊之至奉為泰山北斗乃公楮冠歌頌

有國風教  
何容過切

孝友之恭  
為教化風  
修之本

誠正齋文集

卷二

奎

巷居飄飮冬裘夏葛之况味方且悠然而自得也噫孰知公之棄俗囂而寡營樂天真而自足乎若夫孝慈者天性之莫可解也乃當吾世而子之愛親求其能如親之愛子者伊何人哉我公事生母與王母孀居三十年殷勤如一日凄風苦雨之時而有其甘肯承順之樂則公之孝慈為何如也兄弟者其初蓋一人之身也乃觀吾世而視兄之子求其能如已之子者伊何人哉我公撫兄孤子教養備至以迄成立則公之事兄為何如也其他訓幼叔而提南宮育英才而致通顯持已廉與人恭鄉

魏晉書  
建武其  
後

此書仍  
是魏書  
先敘其  
至此

稱仁人里號長者。洵所謂獨立不懼。遯世無悶之  
君子也。七試棘闈。兩備賢書。而堅執一經。矢志鐵  
研。卒不以一時之得失。易我生平。雖其身不履公  
卿。而其後亦何必不公卿為也。迨晉卿親承庭訓。  
聯翩魏科。而振采楓宸之上。以為蘭台史長。可謂  
亢宗之彥矣。兩奉簡書。巡視漕。所在釐剔。有  
聲。口碑洋洋。迄今東南商民。咸戀冬日之溫。而稟  
秋霜之肅也。繼荷寵命。詔擢廷尉。蒲腔惻怛。嘉  
意平反。雖史稱定國。釋之諸人。未之或遇。適逢  
覃恩大典。念源先生。懋膺華袞。得如子官。未幾

誠正齋文集

卷二

七

朝廷以喉舌任重。思得其人。特選晉卿簡任銀台。  
左叅兩載以來。鸞音鏘鏘。珮聲珊珊。瞻卿月之輝。  
而秉章甫之度。他日九棘三槐之美。殆莫可量也。  
已而晉卿獨情深風木。栢棧圖書之思。乳乳在疚。  
不已也。其大君范安人節烈孤芳。巾幗鬚眉。既有  
卿士大夫詩帙盈几。聞發幽嶽。承風上聞。特賜褒  
嘉。唯念源先生。畢世潛德。尚待表章。辛丑仲秋。與  
論共推。從祀文壇。一時羣情允協。士林共快。以為  
蘋藻之光。而宮牆之色。噫。誠盛事也。說者謂士君  
子爵祿之賜。與俎豆之奉。兩者並重。不知爵祿者

此書仍  
是魏書  
先敘其  
至此

一時之榮名。如艷花時草。非不取悅目前。當時則  
榮。後則已焉。不過功名之士。爭相奔走而已。俎豆  
者。道德之光華。必其人品行節操。迥別流俗。為法  
於天下。可傳於後世。夫然後景行思慕。而躋之類  
宮之列。古所謂鄉先生。歿而可祭於社者。其在斯  
乎。至於先生。月旦高於夙昔。典型垂於今茲。以此  
閣修克昭。令典長安。諸君子莫不聞其事。而美之  
相與製錦稱賀。一日之舉。而千秋之名。教賴之余  
與銀台有同人之好者。故樂廣其先。徽云爾。

初讀不知先生為何人之父也。至中幅乃得

誠正齋文集

卷二

七

晉卿親承庭訓之句。若謂有是父。斯有是子。  
即其子之賢。無非父之賢耳。設使開講。遽將  
晉卿提出。則是因子及父。並其父之懿行高  
節。皆夸諛而失實矣。文之命意。如履華巔。而  
陟岱頂。文之構思。如剝蕉葉。而抽蘭絲。而且  
磅礴斐亶。美無不兼。天下之大文章。孰有過  
於是。

陳方毅邑侯步行禱雨文

余嘗周覽史冊見古之賢人君子未嘗無時行高節者於當時終不如至誠之感格足以召風雨而惕神人也我方毅陳公治桐五稷飲水懸魚之操既已政成而化洽矣是歲桐水亢陽炎烈禾黍皆焦公惻然於中夙夜齋沐額請雨師旦夕甘霖以甦蒼生之困乃數日不雨公憂形於色寢食靡寧仰天唏噓而長歎曰政刑不修有司之過致于天和請以身當之今小民何辜雨澤愆期以至於此言畢洒泣一時皇天后土寔聞此語桐之深山

誠正齋文集

卷二

充

返谷白叟黃童無不感激涕零聞朔皋之陽有灤池焉離城十有五里傳云灤池之神歲旱禱雨有求輒應公為民志切急於請命復齋三日率僚屬諸生親詣灤神之廟虔誠祈禱自城而南往返三千餘里露頂跣足不蓋不乘不憚一身之况瘁以救民湯火中此日紳衿庶姓既足迎雨者數千人踴躍歡騰之聲喧動穹蒼三日之內時雨普降及其重詣池上仰酌聖貺嘉禾立起青苗遍野公為之欣然鼓堂臨池徘徊而言曰向何戚而今何娛也由是復與僚屬諸生洗盥更酌流連徜徉情

此時情狀

公為舉事民為分平各自覺

於此

誠正齋文集

卷二

充

士者知公之心不忘民祠之人不忘公則至誠之感召將百年必世而不僅區區一時之調也詩曰樂只君子民之父母樂只君子民之攸壘其公之謂與唐風猶古請備輶車之采可乎是為序桑林嬰茅載籍昭然胡不聞有踵而行之者誠與不誠異也然誠字有自全體言之者有自一端言之者人雖未能全體皆誠而一端偶誠亦便有一端效驗文於禱事叙得詳悉却皆真實則居然誠矣故會逢其適也禱之感動在一時文之感動不僅在一時也

張巢阿年兄終養序

昔陶靖節忠事晉室而作列孝傳孜孜然艷稱樂道不啻口出何也孝固所以為忠也識乎此而可知孔子不作忠經之旨矣左傳稱頌考叔之純孝愛其母以及莊公至李令伯陳情一表淋漓篤摯千載而下猶令人如見其志焉孝行蓋若斯之重也今於巢翁張老年翁見之壬寅孟夏蒙恩予告歸侍慈幃同里諸君子相與製錦稱慶而勉余勵言余不敏弗可辭竊惟公生也晚不及親承庭訓獨依母氏嗣我宗枋母也勤勤不憚纖紉之勞

誠正齋文集

卷上

主

子也勉勉肆力詩書之圃史稱熊九荻畫諸賢母未之或過迨公擢秀標華風氣適上鹿鳴曲江一日聯轡而登之家聲適起親志庶此其少慰矣祠而筮仕花縣一介清風召杜之咏百里歡騰迄今過恒陽道上其寬仁慈惠父老猶能述之尋荷宸眷特旨內召正色螭頭之上天下咸為想望丰采旋奉簡書持斧三吳之間水心鐵面亦既江起山立一時地方利弊民生疾苦無不抗疏且陳畢徹天聽及其驄馬還都東南吏民畏柱輪而思冬暄者尚如昨日也今睿主在上惓惓以孝

步夢經

林天

治天下方遘焉翼孝德之彥登諸有位公恭逢

景運得冠惠文不難舉臯謨益贊昌言於廷親拜稽之休而矢鳴鳳之音展矣一代盛事乃獨將母不遑情深菽水每徘徊西望輒不禁白雲依依之恩爰念太夫人年躋八旬倚閭日切於是齋沐拜牘請歸定省十日之間獲邀俞給異哉聖天子錫類弘仁如此其速母亦仁孝之誠有所感而云然與今日驅車桐野遂志溫清奉象服而上萱堂芝蘭欣欣而向榮紫誥奕奕而續紛親志子情暢然無憾孝子愛日其在斯乎他時再起田間

誠正齋文集

卷上

主

齒嚴皇猷寅恭弼亮之績當與丙魏姚宋諸賢異代同輝余固有以知其理之必至也語曰求忠臣必於孝子之門信哉

移忠作孝孝即所以為忠終養大義非僅為哺私情以孝子之心論孝子之行固宜其親切而有味懇摯而不浮也



張文簡先生傳

士君子立身行已。出處之間。大節攸關。若夫處敦孝友。出效忠良。斯其人蓋表表天壤。可以俯仰而無憾矣。吾桐中台巢阿張公端方正。且丰標嶽峙。方其讀書時。雪夜寒窓。攻苦異於流俗。至仰事萱庭。雖機絲夜月。風雨淒清。而殷殷菽水之情。自足將歡晨夕。孝子愛日。其謂是乎。迨奮跡青雲。高擢巍科。綰符踰年。簡任西台。端謨補衮。振永殿陛之上。爲名御史。而公且恂恂自若也。未幾。攬轡吳門。澄清著效。水滌介節。三吳之人。能言之。及旋班行。

誠正齋文集

卷二

三

春戀溫清。決志陳情。制報曰。可得遂甘旨之思。永戴殊恩。先是。慈闈不食者已數日矣。聞公至。喜而忘病。依膝下。又復兩年。而且斑衣舞彩。克祝大鑒。朝臯間傳爲快事。後再出山。視嵯吳越。清而且惠。口碑在塗。旣而以資以望。命掌京畿。廼轍請告還山。數年之間。讀書課子。今歲長君應列宿。仲君宴鹿鳴。翩翩三鳳。箕裘之繼。旣已有作有述矣。乃騎箕天上。悠悠白雲。桐之後進。相與悉公之素履。深維出處之際。忠孝之大。喟然歎古道不再。而典型日遠也。於是謚公爲文簡先生。言坊行表。

德教恪遵。綽彼高山。悼景行之無自。翹瞻北斗。愾矜式之何從。爰崇名賢。以風丹麓。

出處不苟。忠孝兼盡。恰成其爲文簡公。則文而簡。傳更簡而文。

誠正齋文集

卷二

古

仲兄豫藩泰憲上官文貞先生傳

吾晉表裏山河秀氣所鍾代有聞人而翔舉為唐  
叔舊治讀蟋蟀之章風期猶古近今人文之盛甲  
於諸邦至泰憲金之上官先生博學稽古歸然一  
代名儒翔舉積學之士無有出其右者公之品端  
若喬嶽公之心瑩若止水七十年孝友謙讓翼之  
人咸嘉稱之通籍以後出入中外三十餘年廉能  
慈惠越山汴水歌咏甘棠者比比然也天子褒  
其賢士大夫高其行諸司察其摯百姓戴其仁古  
所稱賢豪者非耶生平以文章為樂經史為性既

誠正齋文集

卷二

七五

身探古今之奧登進大雅之堂且孜孜然獎進後  
學誨人不倦至舉業一途資深逢源在潞庠則多  
士髦杰在辟雍則英賢萃屬在嘉禾則士風日起  
在豫省則文教振興而吾翔舉之士躬承鐸音沐  
浴歌思尤深且至今先生雖往而當年之清風介  
節長留高山流水之間又何可一日而忘也公之  
教澤將以興起百世而兄於親炙之者乎一時學  
者稱為文貞先生典型在望士林仰企龍門山斗  
匪遙一代懸情叔度爰彰往詰風示來茲

深夜行自己庭屋中器具陳列經武折且不

用燭照皆可心計弟之知兄誠有然者然其  
字句矜慎極意烹煉寧有遺量必無過情是  
實至而文始至文非有餘而實非不足者也

誠正齋文集

卷二

七六

誠正齋文集目錄卷三

奏議

督撫職掌

兵餉大計

亢陽必非

民生困苦

直陳安民

酌議緝盜

錢糧關係

亢陽不雨

誠正齋文集

卷三

恭述綸音

酌議開政

水災異常

第一苦累

屯政敝壞

郡邑控告

敬陳五經

高淳永折

驛站困苦

酌議疏通



錢糧徵解

素不產米

蠲免務求

楚南情形

誠正齋文集

卷三

二

誠正齋文集卷三

翼城上官鉉松石甫著

都察院左副都御史臣上官鉉謹

題爲督撫職掌不同 國家責成宜分謹脩陳根  
因仰乞 睿鑒循各責實以收治平之效事竊惟  
朝廷設官分職原有深意使爲之臣者矢公忠之  
志以報 君父而夙夜匪懈職業兼盡則治平可  
觀也卽以總督言之考其初職任封疆重地管理  
兵馬錢糧 特命督師以專閫外之寄今則不然  
矣年來開墾荒田區區細故而與有司共分其過

誠正齋文集

卷三

一

甚之督叅撫審撫叅督審而竟成一承問刑名之  
吏卽賢否一節臣前任巡按時 計典舉行撫按  
爲政而總督不與猶存重臣之體今則一例開報  
參差錯悞之小愆考功皆得而議之其官愈尊其  
責愈細揆之建官之初意謂何而竟瑣屑至此至  
於巡撫職在肅綱振紀表正百寮一方之安危百  
姓之休戚均於撫臣賴之嚴嚴節鉞是亦封疆之  
大臣也而今亦不然開荒緝逋無一不脩責於巡  
撫之一身錢糧完欠巡撫藩司以及州縣各官悉  
載考成之中由是藩司州縣捏報以免目前之叅

罰巡撫安得不轉報以干陷見在之 功令上下

相蒙捏報種種職是故耳抑臣更有議者向有巡  
按一官巡撫職司撫綏巡按職司糾察文吏之大  
貪大惡兵將之驕橫不法巡按皆得不時入 告  
巡按不言責以溺職今巡按已裁歸併巡撫臣以  
爲察吏安民釐奸剔弊之事宜統歸之巡撫其他  
錢糧考成責任藩司開墾緝逋分責各道巡撫一  
官得置身考成之外而與藩司州縣不爲同功一  
體之人無復首尾相關之事然後可以明目張膽  
以指陳諸司之弊不然身在局中操縱由人其心

誠正齋文集

卷三

二

非不欲盡情言之然而勢有所不能也若夫審理  
刑名尤宜究心見行事例雖云撫叅督審此皆掩  
耳偷鈴之說以欺我 皇上也不思糾叅雖分督  
撫揭報總由兩司今既臬報臬審此與撫叅撫審  
有何異哉臣請一切刑名總歸撫臣而不必存嫌  
疑之虛名以飾耳目也如有叛逆大案應聽督臣  
親理其可耳若夫總督職任軍務凡兵機大事所  
當運籌決勝悉心料理以爲未雨綢繆鞏固疆土  
之計而不當以審理刑名開墾荒田之細故煩其  
經營如此則職掌既分責成自肅其於 朝廷設

官之意各有攸當在諸臣循分而共職在國家循名而課實將見治平之效於此寔基之矣臣區區愚誠敬抒一得如果臣言不謬伏祈 睿鑒採擇施行緣係條陳督撫職掌事理字多逾額統祈鑒宥爲此具本謹題請 旨

都察院左副都御史臣上官鉉謹

題爲兵餉誠 國家之大計 廟算貴先事之圖維伏乞 敕下該部預爲綢繆以策治安事臣台班舊臣荷蒙 世祖皇帝弘恩內陞十有餘年洊歷卿寺今蒙 皇上殊恩擢任風紀端本澄源之道俟臣從容敷陳請以今日最切者爲我 皇上陳之竊惟 國家養兵百萬悉出正供邇來水旱見 告災稔類仍 皇上軫念窮黎 賜蠲賜賑流離之民無不歌頌 皇恩但蠲免者正項賑恤者正項夫正項減去一分則軍餉缺少一分而直

省額餉按期發給又爲刻不容緩之需言路諸臣時有緩征之請而計部以爲災黎可憫而兵餉難缺此計臣之無可如何也倘若百姓之力可以完納有司之法可以追呼則支吾一時猶可言也萬一百姓之力必不能完有司之法無計可施征之則猷朴無能免之則軍需難繼其將何術以處此臣以爲籌兵先在籌餉而不知籌餉尤急於籌兵請言今日之兵 國家定鼎以來雄兵健將前古未逮邊疆腹裏隨地控制以爲善建不拔之基顧朝廷之養兵厚矣餉不及時俱羣情之易動餉既

及期宜節制之有方前臣掌道時管理軍政天下  
提鎮七十員臣在當時猶以爲多十數年來且幾  
至百員矣按提鎮等官其在地方爵位非不尊崇  
也聲勢非不赫奕也藉 朝廷之威靈以彈壓疆  
土其責未嘗不重但衙門既大軍威宜整非左右  
多員不足以隆其體統在 朝廷既以重臣待之  
則諸臣固不得而自薄也顧臣嘗思之大抵披堅  
執銳宣力疆場之間者多在恭遊以下蓋其人前  
途有路登進有階不憚衝鋒破敵臨陣賈勇奮一  
時之義氣博一生之榮名至於總鎮以上體統已

誠正齋文集

卷三

五

尊祿位已極 朝廷之名爵無可再加諸臣之富  
貴心願皆足而欲其身先士卒鋒鏑不避蓋亦寡  
矣況此日軍餉不知幾經輟朴幾經追呼以 朝  
廷之金錢百姓之膏脂不用之以飽戰守之壯士  
而半用之以尚體統之虛文臣竊憂之伏乞 勅  
下部臣殫心籌畫何道而能使養一兵得一兵之  
力養一將得一將之功何道而能使大將無耗尅  
之弊三軍感挾纊之 恩此在部臣所當早作夜  
思以慰我 皇上宵旰之思者也臣以爲事過而  
圖未免事後之智先事而謀庶幾未雨之防謬陳

葑菲仰興 宸鑒臣愚幸甚天下幸甚緣係條陳  
兵餉事理字多逾格併祈 鑒宥施行爲此具本  
謹題請 旨

誠正齋文集

卷三

六

大理寺少卿臣上官鉉謹

題爲亢陽必非無因祈禱貴修實政伏祈 睿鑒  
採擇早回天變事臣按今年入春以來三春無雨  
二變已枯高粱花豆之屬一切不能安苗但雨從  
熱生連日風霾不息已交夏節猶著綿衣羣情皇  
皇以爲終歲之計不過指秋望夏今雨澤愆期嗷  
嗷八口俯仰何資我 皇上軫念窮黎急思拯救  
頒詔修省躬禱年霖臣聞古者桑林之禱成湯亦  
曾行之但所重者在於六事自責而不端事區區  
之空文今 皇上睿學好古遠法三代敬天勤民

誠正齋文集

卷主

七

夜夜講求乃雨暘不若而旱災見告則是政未修  
之故也敬天之道首在勤民勤民之道不外乎用  
人行政 皇上如用一人毋徒責以簿書之事必  
須究其生平之所學恭以時政之得失俾其條舉  
數事而請 睿裁如果有當立見施行庶幾用一  
人有一人之效而不爲部議之中格則因循積習  
之端不待攻而自破矣至於行政之大尤爲關係  
皇上龍飛十載親政四年六曹之大弊大害無不  
晰及秋毫如督捕之弊已徹宸聰部臣仰體  
睿鑒乃有首告行提巡人牽連民人受害一疏以

正德  
法書  
嘉慶

聖鑒

六

誠正齋文集

卷主

八

部臣而言部務必其深悉利害有見於首告雖多  
得獲甚少而挾私結党之害小民受累無窮不憚  
披瀝愚忠以報 朝廷 皇主虛懷善下諭令九  
卿科道會議具奏誠憤之也迨廷臣公議衆論僉  
同忽奉 命旨照見行例行臣以爲 皇上不知  
督捕之弊猶可言也既知之矣不允督捕之請不  
允廷臣之議而又不聞剔弊之法臣是惴惴反覆  
思之而莫得其解顧茲 聖德均霽是 朝廷赤  
子無辜牽連之苦惟 皇上與部臣能知之是與  
臣條奏之言尤自不同伏乞 速渙綸音以恤積  
弊民情懼怖之日即天心悅愉之時也此特督捕  
之一事耳若夫六曹諸政何莫非 國家之重務  
詔諭六部諸臣各陳利弊速請 睿裁修省之實  
端在於此況我 皇上一身爲天下萬世所托命  
而一言一動作法後世修舉是政以迓天和督勵  
臣工痛改積習將見天人相與之際其應甚捷而  
耳霖滂沛不俟祈禱而自至矣臣念切忠愛冒昧  
陳言字多踰額貼黃難盡統祈 皇上鑒宥施行  
桑林六事若非寔寔自責見諸躬行安能回  
七年之天心既以用人行行政爲勤民敬天之

實而於用人中實指其不宜輕用不負所用  
行政中實指其何者當行何者尤當急行至  
既知不允一段以宜公之誠揮賈生之涕字  
句間如有太息之聲當與雲漢詩參觀並傳

大理寺少卿臣上官鉉謹

不勝惶恐  
於不勝

題為直陳民生困苦之由、亟議廉法之效、以緩窮  
黎以固根本事、竊惟今日百姓之窮、人人知之、至  
問其窮之故、則人人不能言也、今日官吏之貪、人  
人知之、至問其貪之故、則人人不敢言也、幸我  
皇上軫恤百姓、而諄諄念及疾苦、困窮一切關係  
民生、應行應革事宜、許令各抒確見、陳奏無隱、大  
哉、王言早已洞鑒萬里、豈可上格天心、下協民  
志、臣更何言、然仰承 睿藻、敢不披瀝為我 皇  
上陳之、職以為百姓苦矣、而與百姓最相親切者

誠正齋文集

卷三

十

諸臣未嘗不極力指陳、而究不能革其萬一所以  
然者、以上司派之州縣、州縣派之百姓、州縣不取  
言區區百姓、又誰敢與上司州縣相抗、而輕發一  
語、以招尤上下相蒙、入於膏肓、蓋謂此耳、我 皇  
上毅然振奮、念切民瘼、別無治民之術、止有計吏

莫如守令、乃守令之苦、與百姓無二也、一守令耳  
府廳轄之司道、轄之督撫、又轄之層層管轄之人  
大半皆層層剝削之人、守令之層層受其剝削者  
即百姓之層層受其剝削也、官民交困、事非得已  
而受病之根、總不過私徵私派之一節、前此言路  
諸臣未嘗不極力指陳、而究不能革其萬一所以  
然者、以上司派之州縣、州縣派之百姓、州縣不取  
言區區百姓、又誰敢與上司州縣相抗、而輕發一  
語、以招尤上下相蒙、入於膏肓、蓋謂此耳、我 皇  
上毅然振奮、念切民瘼、別無治民之術、止有計吏



督

八節最  
苦者  
苦者  
苦者

以甘苦

樂者  
官不食民  
自安

是為  
省中  
省中

貴戚  
考議  
考議

之法而治小吏尤不若治大吏之為要也大畧今日督撫之過雖在督撫乃朝廷之爵賞太厚而所以寵任之者已極耳如開墾荒田緝拿逃人催徵錢糧在在皆州縣之事合一省有司之數而盡數歸功於督撫尚書宮保不難安坐而致之矣設有捍禦封疆之勞活全百姓之功不知更將何官以為鼓舞之地乎請於督撫之中特為考課凡從前之加級紀錄不必盡據以為功參罰降處不必盡據以為過勅下部院諸臣臆列督撫職名虛公諮詢傳採清議某省之中百姓家給人足安生

誠正齋文集 卷三 十一

樂業者即以為督撫之賢某省之中百姓飢寒困苦流離失所者即以為督撫之否分別高下優劣較量先後階序斟酌至當仰候上裁將見賢者揚眉吐氣中人亦戢志改圖羣天下翕然以清介為尚民生有不克遂者乎此不早講豈待循例陳奏之時應叙其加官進爵并述其恭罰年月套語請罷以與尸素在部院諸臣但就紙上功過以為殿最而百姓苦樂從為黜陟之所不及以此而與民生之遂以基太平之盛百不得一於今日而求救時之急務誠莫急於此也職仰體 皇上憐憫

民生至意敢效對非以竭臣愚如果臣言不謬伏乞 睿鑒俯賜採擇施行須至揭者

民苦由於官貪不待智者始知其然而小不廉由於大不法則人皆知之而莫敢言之既中不廉一邊引而不發而惟取大者不法處推勘到徵派剝削使其汗顏淡背又於其必當法處設立出殿最考課使其滌慮回心庶乎小者聞風觀感亦皆胆寒股慄而天下窮百姓從此手舞足蹈謳頌不能已已噫此一時也而有此疏也

誠正齋文集

卷三

十一

大理寺少卿臣上官鉉謹

恭  
一  
夜  
人  
極  
功  
一  
夜  
人  
極  
功

揭爲直陳安民之實。速行獎廉之法。以昭勸懲。事  
竊惟民生之安危。在乎吏治之貪廉。而吏治之貪  
廉。在乎朝廷之勸懲。得其道則治。不得其道則  
否。古今皆然。年來剝舉久廢。廉吏莫勸。毋惑乎循  
良短氣。貪墨恣睢。而民生之利病。竟置而罔聞也。  
大約今日之例病。在於緝逆之功。陞轉太速耳。凡  
拏獲三十名者。不論俸滿卽陞矣。夫緝逆誠急功  
之吏耳。然緝逆之於養民。孰輕孰重。乃以三十名  
逆人而躡等先陞。至從無逆人之地。竟有十年良

誠正齋文集

卷三

主

吏而不得一轉者。非情之平也。臣以爲欲安民生  
宜獎廉吏。欲獎廉吏。宜復剝舉。區區論俸之說。亦  
未見爲盡善。今一年六次陞轉。新例雖以四次獎廉  
逆。兩次論俸。其法視昔稍變。臣更請以四次獎廉  
兩次緝逆。庶幾勸懲之意存。激揚之間。至於剝  
舉之責。務在責成。督撫寧嚴毋濫。如有徇私失實  
查照往例。嚴行議處。如此行之。既久。則廉吏必多。  
廉吏既多。則民生自遂。安民之道。誠無踰於此矣。  
區區一得之愚。輒陳末議。如杲。臣言不謬。伏乞  
睿鑒採擇施行。除具題外。理合具揭。須至揭者。

緝逆爲本朝重典。所以行之不能無偏。而  
梯榮者皆以此爲終南捷徑。今使獎廉與緝  
逆並行。而以四次兩次畧分差等。於其間則  
人知緝逆卽在獎廉之中。逆可緝。廉可獎。民  
亦願以安。偏法重典之時。此可當針砭藥石  
矣。

誠正齋文集

卷三

主

大理寺少卿臣上官鉉謹

盜者來路

捐為酌議緝盜之例、分別責成、以杜欺朦、以清盜源、事自古治平之世、百姓皆家給人足、而安生樂業、盜自何生、不意有司失道、而盜賊遂熾、國家設法嚴懲、蓋不得已而為之、凡地方失事除諱盜不報者、重加降革外、其已經申報者、該管道廳咸有督緝之責、初意原令齊力緝賊、以安民生也、此法既行、宜乎盜息而民安矣、乃上與下其心扶同、盡任匿盜不報之愆、不肯預先申報、以自貽累、所以然者、州縣與道廳同心合力、皆懼緝獲之難、而

誠正齋文集

卷三

五

有留任之苦、或逼失主收強為劣、或令里鄰各具無益耳、結千方百計、必至于緝口而後已、不然而凌害失主、拷累親屬、骨肉披離、之慘較之失物為更甚、是立法益嚴、而諱盜益堅、諱盜益堅、而縱盜益甚、州縣不敢報、道廳不願聞、遂使盜賊窺見此意、以為捕盜之官方將隱諱之、不暇彼此欺朦、誰是聲言捕盜之人、由是焚掠橫行、公然無忌、而百姓之害何時是已、法之不效、亦既彰彰矣、今後如有州縣失盜、而道廳隱匿者、仍照舊例議處、其已經申報者、相應寬其、道廳嚴責、州縣州縣

匿盜者苦  
豈知彼盜  
更苦  
凌害失主  
此是真盜  
則在必隱  
又恐其或  
不能隱為  
盜所笑倫  
鈴者何必  
掩耳

此法即在  
今法之中  
署通安  
便得緝盜  
之真分盜  
之數

應得而察之、擄掣不力、道廳得而督之、留此該管之官、以為體察之人、免其罰俸、督緝責令糾察、申報庶道廳不肯代為隱諱、而有司羣知畏懼、又何敢縱盜殃民、以為自全之計、是寬之寔、所以嚴之也、安民之道、又有在於此者矣、臣蕩蕩之見、不識有當與否、伏乞 睿鑒採擇、施行須至揭者

極言匿盜之情復深、原其不得不匿之故而匿盜之人、視緝盜之人、為更多、匿盜之方、較緝盜之方、為更奇、既諱盜、又緝盜、讀至此、令人嘆恨、錯愕、凡謂時事斷不可為矣、忽於嚴

誠正齋文集

卷三

末

法中設寬以濟嚴之法、則人知盜不必匿、盜將自匿、不煩絲線逢裙之智、而可見賣刀買犢之風

大理寺少卿臣上官鉉謹

題爲錢糧關係最重請查明前後出入之數仰祈  
睿鑒。永足國用。事。竊惟國家財用之經原宜量入  
以爲出。而財用出入之數要在由前以徵。後臣以  
非材。叨任清班。取撫芻蕘。爲我皇上言之。以入  
數而計。歲額正供之外。不過益課關稅。而出數之  
最多者。無如兵餉。其餘亦不過興作祭祀而已。我  
皇上軫恤民瘼。事事以百姓爲念。正供之外。八年  
以來。從未有額外之徵。愛民可謂至矣。乃海內民  
窮財盡。踰於昔時。無已則當查其出數。爲急務耳。

誠正齋文集

卷三

七

臣以爲請查入關之初。宜省兵餉若干。世祖皇  
帝時。宜省兵餉若干。皇上御極以來。各省兵餉  
若干。文武各官。世祖皇帝時。員數若干。歲需俸  
銀若干。皇上御極以來。除屢次裁汰外。文武尚  
存若干。見在共需若干。合將多寡出入之數。一  
開列明白。上呈。睿覽。雖今計部錢糧。稱爲有餘。  
而勞於新等欺蔽銷美之弊。不可不時爲留心。既  
可由前以徵。後復可量人以爲出。庶國計永裕。而  
奸蠹諸弊不至再作於後日矣。如果臣言不謬。伏  
祈 聖鑒施行。

錢糧出入各有分數。何以不能銷美。或者中  
有欺蔽。美得清。不如美不清耳。量入爲出。盡  
開節之道。由前徵。後盡會計之方。計部知此  
何至持籌仰屋。

誠正齋文集

卷三

大

大理寺少卿臣上官鉉謹

題爲天道亢陽不雨修省無事。虛文伏祈。皇上  
詔諭。旨言以回天心。事臣惟今年三春無雨。二麥  
將枯。時已四月。雨澤愆期。風霾日作。我皇上軫  
念民生。特遣親臣。虔誠祈禱。仰見聖主敬天勤  
民至意。然臣竊思之。洪範五行。以爲五事之徵。人  
事作於下。則天道應於上。天人感應。其理不爽。今  
在京事權。莫重於六部。乃六部之事。拘執見行事  
例。在部臣不過謹守舊規。雖有應改應行事宜。卒  
未敢有毅然改圖更新之者。積弊相沿。何時是止。

誠正齋文集

卷三

九

臣觀漢唐今主。凡有水旱。往往詔求。言伏乞  
皇上詔諭六部諸臣。毋拘成例。毋執已見。三日之  
內。各將本部應改應行大綱。條舉數端。仰候睿  
裁。立見施行。庶幾修省之寔政。可以仰答天心。  
而雨澤滂沛。當在旦夕間耳。抑前次求言。多及大  
小臣工。并言路諸臣。一時紛紛條奏。徒務虛名。瑣  
實。天聰多屬無益。臣以爲言路隨時進諫。不必  
此時百官身在局外。言之無當。總不若專責部臣。  
言事之爲。且提而精詳也。緣係請求。且言事理。不  
敢事。

并具 睿鑒

六部爲百執庶事之綱領。拘成例執已見。其  
中必有不協輿情。致干天和。處隨時進諫。端  
責六部。卽此可以回天心。迓帝眷。何必石身  
草髮。避殿撤膳之虛文爲也。

誠正齋文集

卷三

辛

巡按江安等處監察御史上官鉉等謹

題爲恭述 綸音仰謝 天恩事 臣等草茅微賤

謬叨 朝廷風紀之司恭值 皇上親政伊始念

切民生洞悉吏弊 特復舊典簡令巡方受 命

飲水思圖報稱今於本月初三日內院輔臣傳奉

皇上召見臣等卽恭詣 太和殿前行三跪九叩

頭禮旋隨內院輔臣歷左階而上入侍殿中 皇

上傳諭 賜坐臣等叩頭稱謝 皇上面諭 朝

廷遣差巡方原爲百姓爾等若愛民恭肅拿吏做

奸得恩陞自不待言做得不好罪過亦不待言總

誠正齋文集

卷三

三

要愛百姓臣等叩頭承 旨旋蒙 賜茶既而隨

輔臣出至 午門前各領 勅批竊念 皇上躬

臨萬幾聽言納諫弘開泰階臣等與中外臣僚無

不手額稱慶今乃得恭瞻 聖容親奉 天語軫

及吏治民生嚴於貪官汚吏 帝座咫尺 天顏

悅懌此誠臣等不世之遭逢 熙朝六 之盛事

臣等具有頂踵各有心知當此 隆恩異數有不

感激振憤洗從前之積弊期奏效於澄清以報

皇上之殊遇於萬一者仰無以對 聖明俯亦無

以寬夢寐也今 陛辭就道馳驅不遑爲此具本

若臣等  
如何此

陳謝緣係恭述 綸音不敢節畧貼黃伏乞 聖

順治八年四月 日

虞廷拜颺之風千載重睹方其攬轡而澄清  
之效如在目前

誠正齋文集

卷三

三

保家如許  
商人家家  
不能自保

應役夫  
不得不服

有應役夫  
有應役等  
知若何其  
不一而足

巡按江寧等處兼管屯田監察御史臣上官竑謹

題為酌議開政急甦商困仰祈 天語嚴飭永示  
法守事竊照商賈雖四民之末而脩物致用以利  
天下率本諸此至於設關權稅 國家自有成憲  
既商便民法至善也乃年來開政之弊幾有不可  
言者臣巡歷所至脩諮民間疾苦查蕪湖兩關其  
商人之最苦者無如保家一項共壹百貳拾餘戶  
凡有船隻先投保家每單如正課壹兩則保家索  
銀貳叁兩甚至有肆伍兩者書辦吏胥舍人委官  
巡兵傘扇等役種種使費不一而足而總收分散

誠正齋文集

卷三

五

究其原皆由保家始即商人有厭其苦而不投保  
家自行交納者關憲表裏為奸所費必倍是以明  
知之而不能逃其圈套也及貨已輸稅入店發賣  
遠客必要勒寫免單然後許其開船此其弊一其  
次則莫若巡兵當日設兵之意不過為沿江偵探  
用戒不虞兼恐刁商漏稅或虧 國課不意事久  
弊生每一巡兵則帶幫役數名借驗單名色聚族  
蜂擁勒索銀錢小者四五錢大者一二兩不等至  
入船搜貨肆行搶掠狼狽情狀兇肆莫當此其弊  
二再次則有委官查戶關有白家店棧港浮橋裕

船隻稅  
商賈稅  
保家稅

誠正齋文集

卷三

五

漢口雍家鎮泥汊等支河九處向來設有委官陸  
拾名至工關支河僅新庄清弋泥汊叁處亦有委  
官拾伍名拾日一輪自恃官法不及需索指勒異  
鄉孤客無不遭其魚肉此其弊三是開政之害多  
端而保家巡兵委官三者為甚我 皇上親政以  
來軫恤商賈裁去冗員歲解 國課定以 經制  
為主不得濫額洋洋 恩綸傳宣萬里遠邇商民  
莫不鼓舞 王塗今戶部主事臣翁長庸自專理  
之後已經聿清至工部主事臣楊駿到任未久加  
意剔釐特兩臣為奉 使之官不過經管錢糧法  
可行於衙門之內而不能及於地方之奸徒臣仰  
體 皇上恤商至意行次蕪湖與兩臣面相商訂  
議將保家委官盡革不用客船一到聽其自行投  
稅悉照關誌款項分文不容多索至巡兵固不可  
去酌量名數印給號水腰牌以防幫役之弊仍將  
靈商首惡李成仁等叁拾人重加責治枷示江干  
曉諭外但此可行於一時未必能行於將來浸淫  
日久而復蹈前轍者有之矣伏乞 天語嚴飭永  
為禁革使天下之商不致暴足四方之貨得以攸  
通於是足以足 國課而阜民財咸有賴矣未敢擅

便謹題請 旨奉 聖旨該部知道

順治捌年拾壹月 日

害去其甚則害無不去前於三弊晰其源流  
後於去弊絕其根株湯火中登之祗庸商人  
何幸而得此

誠正齋文集

卷三

六

巡按江寧等處兼管屯田監察御史臣上官鉉謹

題爲江南水災異常郡邑控告叠至據實陳情仰  
祈 聖鑒事奉都察院勘劄准戶部咨戶科抄出  
該臣 題前事等因奉 聖旨江南水災深可憫  
念戶部察議速奏欽此欽遵該本部看得江南地  
方前據江寧巡撫蘇松巡按 題報淮揚蘇松常  
鎮陸府水災臣部已經議覆行查外今據江寧按  
臣上官鉉 題報江安寧太廬鳳六府和州一州  
并江寧中左前後等衛水災爲患廬舍湮没人畜  
漂流且青虫蛟起災異非常殊可憫念但被災不

誠正齋文集

卷三

七

無輕重應併 勅督撫按脩查各府州縣被災分  
數造冊報部從長計議奏 請定奪者也等因題  
奉 聖旨是欽此欽遵移咨脩劄到臣該臣先於  
題報之日備查所屬有已前告災經臣疏開載者  
又有續據告災而前疏未載者併行道府分委廉  
能廳官單騎寡從履畝躬查務得被災確數俾小  
民盡沾實惠以仰副我 皇上如傷至意去後催  
據分守江寧道副使林天擎勘報上元等縣安慶  
府勘報懷寧等縣寧國府勘報南陵縣太平府勘  
報當塗等縣廬州府勘報無爲州廬江等縣鳳陽



勘報壽州等州臨淮等縣和州勘報該州及含  
山縣江寧府同知趙廷臣廬州府推官韓范各勘  
報上元中等衛被災分數造冊前來除江寧一府  
八縣前經督臣馬國柱查明造冊咨部訖臣於州  
縣民田復行左布政使劉漢祚各衛屯田分行署  
右布政事副使曹時舉再加磨勘備冊到臣該臣  
看得今歲水災自不減於堯年其項尾流離之狀  
前疏已悉不敢復贅查各屬勘報之冊分數不等  
誠有如部覆所云被災不無輕重臣於是更懇懇  
然計之念被災之數總一邑而論似曰可以多寡

誠正齋文集

卷三

三

分輕重然被災之家一家淪沒卽一家流離又誰  
肯爲被災者而代償其租稅是輕重不可以多寡  
相衡抑又明矣今田畝花名歷歷具在可考而知  
也○我皇上軫恤民瘼以一夫不獲爲憂久已舉  
斯民之飢溺廻環○睿慮但百姓之望○蠲望賑  
引○領待蘇惟興○綸音渙布○俾○戢○戢○予○遺○早○沾○  
朝廷德意是又在遲速緩急之間也茲據各屬勘  
明冊報左右藩司覆查相同臣炤部覆將被災田  
畝花名細數文冊達部外謹會同督臣馬國柱督  
漕撫臣王文奎江寧撫臣王國寶標江撫臣李日

芑合詞具題伏乞皇上敕部速議上請  
行臣等遵奉施行未敢擅便謹題請旨奉聖  
旨戶部議奏

順治捌年拾壹月初十日

籌災傷於輕重多寡之內與賑恤於遲速緩  
急之間痼癩切膚直是已飢已溺心腸

誠正齋文集

卷三

元

巡按江寧等處兼管屯田監察御史臣上官鉅謹

題為馬草為江南第一苦累據實陳情仰祈 聖鑒事臣于役江左業已拾月仰體我 皇上愛民如子至意其於地方利弊關切民生者固不敢知而不言尤不敢以迂疎不急之務絮資 聖聽茲有馬草一事更為今日之切要臣見聞既確敢不向我 皇上陳之按江南為諸省聲援重地 朝廷軫念封疆議設滿漢官兵屯聚金陵誠鞏固嚴疆之至計俾其士飽馬騰則芻糧之供此斷斷乎其不可少者查馬草歲該貳百肆拾萬束每束制

誠正齋文集

卷三

三

錢拾文作銀壹分雖以市價相衡拾文錢不值銀壹分乃民之所苦固不在乎此也往歲當秋成之時督錢發至州縣為之採買但州縣距省遠近不同船錢水脚勢所必需及至抵省又有一等歇家串同衙門各役包攬交納收草既多使費費批更多捷點以致曠日持久不能交完草束腐壞令其復行買補而各處奸民藉名私派者有之是以州縣有司明知此中之苦累難言不得已凡於草錢發到之日當付粮里採買交納一切賠費誘之不

知欲去其費則俱其不可以完公欲查其弊又恐

有明如故  
據實不  
得不得

有明如故  
據實不  
得不得

遺已以加派之名不過掩耳偷鈴上下相蒙而小民之苦累日甚一日竟不知何時是已也前與蘇松按臣秦 共事武闡言下江草每束民賠至壹錢今查臣屬江浦距省貳拾里每束賠至伍分貴池每束賠至捌分太平每束則賠至壹錢貳分雖在省衙門嚴禁收交陋規而無如積弊相沿已久兼之轉運多艱是以解戶之按數需索如故也臣不敢謂草可輕去但求一便民急公之法議歲差各郡粮官照依時價採買不必再發州縣以累小民至採買就緒或用官船或增水脚本官裝載

誠正齋文集

卷三

三

入省隨到隨收從此小民賠累之苦奸胥派科之術舉皆可已且官買官解前此包攬交納掣驗批迴諸弊不必清而自清矣至其價更當隨時增減時豐價廉歲歉量增並不設一成以病官此尤軍民兩便之道也區區芻蕘之言不識有當與否但身在地方目擊疾苦冒昧陳情如臣言不謬伏乞聖明採擇 勅部議覆施行

一馬草耳賠累已不堪言加以積蠶交蝕此與率獸食人草菅民命者何異急公便民更不病官想其屬草時嘔盡心血

誠正齋文集

卷三

三

巡按江寧等處兼管屯田監察御史臣上官鉉謹  
題為屯政敗壞已極肅清自今為始據實敷陳仰  
祈聖鑒事古者寓兵於農無事則耕有事則戰  
後世因之以為屯田養兵百萬不廢民間粒粒猶  
不失兵農合一之意沿至晚季有名無實食糧有  
名而出戰無兵矣我國家定鼎以來雄師銳旅  
赴赴桓桓為前古所未逮於是革去世職每衛部  
選守備壹員衛之大者千總肆員伍員衛之小者  
千總貳員壹員舉向之屯兵而盡散歸農屯兵按  
田輪租雖名為屯其是與百姓力田供賦之事同  
一例也臣所轄者共肆拾六衛其在省者貳拾有  
六江寧省設戶部管倉主事壹員董理則有右布  
政使稽查則有掌印都司催徵則有屯田都司其  
立法可謂盡善矣不意數年以來弊端有不可言  
者臣奉有專勅清理屯政入境半載住省三月  
不為之遡流窮源徹底澄清積弊相沿何所底止  
是以細心體察已得其弊請舉而言之夫屯衛設  
有守備有千總則徵收之責自守備而外次及千  
總乃向日者舍部選之千總而用革去之百總此  
其弊一守備百總臨屯催徵守備則有起批之常

五十餘里  
處塞甚  
河堤  
幸無事  
此重難可

包天司也  
者可謂無

弊亦未加  
現處七落

誠正齋文集

卷三

三

規每石壹錢百搃則有半催之常規每石貳錢至  
跟隨衛役每石銀伍分此其弊二屯戶之有旗甲  
猶民戶之有排年旗甲經收花戶每石索耗米三  
斗甚有五六斗以至壹石者每石索費銀陸錢甚  
有七八錢以至壹兩者此其弊三及至到省又有  
一種奸民稱為歇家共五拾餘名旗甲分投而彼  
即為包攬交納故倉官有費斗級有費門夫有費  
風車有費租飾有費茶果有費紙紅有費凡一應  
管屯衙門無不因以為利皆責成於歇家一身總  
收分給諸費俱備然後上倉一項不完終月稽延  
旗甲勢難久候將批投倉將糧寄省旗甲一去則  
糧為歇家之所有矣呼盧唱飲無所不至是以積  
年壓欠其坐在歇家百總者計批五百餘張此其  
弊四守備進表關係大典每次各衛貼備盤  
費及換寫箱項為費不貲查滁州一衛用至四拾  
五兩又屯田捺捕都司每年進表往來盤費亦  
取結於各衛此其弊五一聞此事臣髮不禁上指  
不舉經屯之官不舉經屯之役而盡誅之不足以  
雪屯丁之恨而昭聖朝之法也但教之不改而  
後誅此王者解網弘慈况事屬既往屢經恩

救臣不敢過求以累我皇上浩蕩之仁惟肅清之法請自今日為始徵糧之官舊時百總盡革不用止用部選守備千總分任徵催而起批守備跟役等費盡行革去旗甲運糧到省守備起批交倉分外使費一槩盡去至旗甲收糧止照正額此外升合分文不許多派其歇家不許留旗甲一人旗甲不許再宿舊時歇家舍夫斗級門夫租篩風車茶果紙紅及管屯各衙門一切陋規通行禁革守備進表以憲綱為次第週而復始不許推越都使司照布政司例選定儒生二名撰寫箱捐等價

誠正齋文集

卷三

三

出之守備其盤費守備自辦不許彼此幫貼都司參員除屯田都司經催錢糧為重但以掌印操捕輪流進表各衛盤費不許再派至倉中批收見今督臣馬加意清理米解到省將批先投總督當發該倉主事隨發隨收猶恐收糧先後緩急不無需索等弊定以發批早晚為收糧先後不得以批之先到者後收而批之後至者先收有糧收糧無糧繳批以杜徃日掛欠之弊然其中有萬不可少者除水脚驢價隨時酌量外如紅泊河下挑出挑入必用羅夫篩晒春揚必用篩夫進倉轉販

必用扒夫入場候交必用套繩編籠通氣必用細竹露園苦蓋必用蘆席倉廩損壞必需修理准主事臣王鎮條議到臣再四酌量更會同倉臣并守道臣林天擎巡道臣曹時舉掌印都司臣許壯行屯田都司臣袁之侯公同商定羅夫每石壹分篩夫每石壹分伍厘抬夫每石半分套繩每石壹厘細竹每石伍厘蘆席每石貳分修理倉廩每石叁厘以上共伍分玖厘花戶以此交旗甲旗甲以此交守備此外分文多派責成守備坐贓論罪此番登別斟酌審處期為垂法永久非區區一時之事

誠正齋文集

卷三

三

按各衛屯戶散處大江南北恐一時窮軍未能週知貪弁奸旗招舊徵收隨委江寧府同知趙廷臣單騎歷屯張示曉諭使知往月陋規今日祛除已盡無論遠邇歡然相傳萬耳萬目共見共聞至該倉衙門有官自富有役茲准該倉稱守倉衙役與夫紙紅等項經制不載無從支領且德州臨清各有倉差似應比例設給此在計部酌議上請非臣所敢擅便也獨是在屯言屯臣之端責凡關係屯務者亦既知無不言言無不盡至於清理之後其經屯衙門尚有仍蹈舊習者臣自特疏糾叅

不敢少緩如因循情面有始無終溺職何辭此就  
在省諸衛言之也若夫外衛利弊不一客臣巡歷  
所至備加體察有聞必告務期屯弊無遺軍困  
獲甦而澄清定效庶幾其可觀矣臣職掌所在據  
實上陳仰達宸聰條悉利弊字多逾格伏乞  
聖鑒施行未敢擅便謹題請 旨奉 聖旨戶部  
議奏

順治捌年拾壹月 日

屯政故壞已極前此者何以褒如充耳三緘  
其口耶讀閣政馬草及此三疏中與利除弊

藏正齋文集

卷三

三

言無不盡言無不當億萬人之福億萬世之

福也佛十加額者豈止四十六衛而已

四

巡按江寧等處兼管屯田監察御史臣上官鉞謹

題為江南水災異常郡邑控告疊至據實陳情仰

祈 聖鑒事竊惟百姓一歲之計豐年慶為上瑞

而歉歲則憂之臣採風南土詢民疾苦一夫不獲

疚心向隅詎意今歲水患異常自宿州入境由鳳

陽江寧以至太平一路陸地乘舟萬灶無烟滿日

汪洋一望無際流離之民擁車環泣幾不能起臣

目擊心傷所見若此其未見者不知幾何也據分

守江寧道林天擎申報深陽深水高淳句容六合

等縣安慶府知府王廷賓申報懷寧桐城潛山等

藏正齋文集

卷三

三

縣廬州府知府吳允昇申報無為州并廬江霍山

舒城巢縣等縣太平府知府王以約申報當塗蕪

湖繁昌等縣寧國府南陵縣鳳陽府壽州泗州宿

州亳州等州并霍丘臨淮懷遠五何天長靈璧蒙

城太和等縣和州含山縣江寧中左前後並上元

左江淮左豹韜鷹揚興武廣洋橫海和陽武德等

衛申報各處水災情由等因到臣該臣看得江左

之地夙稱澤國靈雨為患此日實甚廬舍湮没人

畜漂流其慘苦固不可言且也颶風青虫見報於

臨淮蛟起山裂見報於懷桐種種災異筆不忍悉

白叟黃童嗷嗷然有旦夕莫必之狀。笑笑才遺賑恤不遑。而望其輪將及期。正供無缺。竊恐萬萬不能。一時請蠲請賑。積案盈几。臣拯溺有心。救荒無策。惟有繪圖請命。上達宸聰。我皇上軫念民瘼。痼疾在念。顧此窮黎。知必蠲租有詔。但被災田畝分數。必俟勘實。始敢上聞。除行各道府查驗明白。據實造冊。達部另疏恭報外。臣謹會同督臣馬督漕撫臣王。江寧撫臣士。操江撫臣李。合詞具題伏惟聖鑒施行奉聖旨江南水災深可憫念。戶部察議速奏。

誠正齋文集

卷三

三

順治捌年捌月初六日

早與澇同災而恤澇之心不殊於憂旱鄭監門富鄭公前有古而後有今

巡按江寧等處兼管屯田監察御史臣上官鉉謹題為敬陳五經生員請析聖裁事。臣惟文章經術關乎世運。有一代之聖主。即有一代之人文。我國家分經取士。原不以五經而求備於一人。按禮部條議。有作五經者。士如博雅。不在篇數。取多且恐有關節之嫌。以後應行禁止。奉有欽依遵行已久。臣監臨南關。於頭場畢日。據受卷官魯期昌等呈。有五經生員合肥縣廩生昂紹善。鎮江府附生曹鍾銓。貳卷臣查與部議未符。不敢發騰。隨與提調監試各官齊至簾門外。與二考試官相

誠正齋文集

卷三

三

隔飛虹橋。公同會議。僉云臣等皆以人事。君者也有七如此。固未可以多得。但篇數溢額。恐於關節有嫌。又查得乙酉科山東鄉試有五經生員法若具。見任翰林院編修。曾經按臣李之奇具題奉有俞旨。准其會試。臣思禮部條議。頒自二年七月。而若真邀恩會試。乃在三年二月。仰見我皇上憐才至意。弘開麟鳳之網。延攬旁求。慙慙然惟恐不及。故條議之後。旋有恩綸。臣謬叨監臨。再四躊躇。畏功令欲錄不敢。載稽往例。恐蹈蔽賢除將原卷封固。付左布政使劉漢祚收貯外。

據實上 聞恭請 睿裁謹會同考試官高

黃 合詞具 題伏惟 聖鑒施行奉 聖旨

禮部議奏

順治捌年玖月初一日

務博見長原是科目中倖門非遇憐才如公  
五經文同於糟粕耳

誠正齋文集

卷三

單

巡按江寧等處兼管屯田監察御史臣上官鉉謹

題為敬陳高淳永折之例仰祈 聖明寬恤之恩  
勅部議覆以甦才遺事據江寧府高淳縣知縣崔  
掄奇申據合邑士民粮里唐懋淳孔胤叢等連名  
呈為懇查賦役全書五年 恩詔題還永折事詞  
稱高淳地勢窪下上承徽宣諸水由廣通鎮一線  
之河下瀉蘇常前朝洪武設開永樂改壩正德七  
年又築兩壩抵塞上流以致沉田拾萬伍拾畝賠  
粮捌千伍百石嘉靖隆慶年間奏告七次勘議拾  
數番萬曆貳拾肆年奏准永折仍省輕齎等項少

誠正齋文集

卷三

四

補虛粮天啓五年奉文暫徵本色一年以致歲歲  
相仍不蒙題復痛思兩壩繁而四府蒙安三湖成  
而全淳受害卽大有之年無田可種今災青頻仍  
粮從何出老幼轉登萬灶無烟幸逢 聖朝輕徭  
薄賦普天率土共沐 新恩遵查伍年 恩詔派  
徵錢粮俱照萬曆年間則例高淳永折始於萬曆  
貳拾肆年正與 詔符懇乞具 題永遠改折萬  
姓甦生等情到縣該本縣知縣崔掄奇看得高淳  
地勢於徽宣爲水尾於蘇常爲源頭而廣通一河  
則咽喉也明初改開爲壩又築兩壩加厚加高返

而納之三湖使高淳之田役於湖者拾萬伍拾畝致貽虛糧捌千伍百石屢經告勘求蠲不能不得已而議折萬曆貳拾肆年題九本縣漕糧壹萬陸千捌百伍拾石永遠改折省除二六輕齎行糧等項抵補虛糧遵行已久至天啓五年暫徵本色一年未經請復今民力已竭歲又大侵在他邑一歲之災尚可望之來歲高淳無田而糧卽歲歲大有猶歲歲災侵也淳之紳衿父老號泣於職前者不敢望蠲望賑但求照舊永折夫淳之永折起自萬曆貳拾肆年適與 恩詔相合萬姓號呼情非獲

誠正齋文集

卷三

四

已伏乞 題復民生攸賴等因到臣隨經批行分守江寧道林天肇備行江寧府知府張錦查議去後續據該道府覆核相同具呈前來該臣看得高淳素稱澤國自蘇常築壩以來三湖滙歸而淳因以爲壑沒田拾萬有奇虛糧捌千餘石萬曆貳拾肆年題准永折民獲稍甦行之三十餘年未之有改至天啓五年暫徵本色遂至年復一年每逢北運鬻妻易子剝肉醫瘡言之不禁悽愴有司之催科已拙小民之皮肉僅存搶地呼天莫可底止恭遇我 皇上蠲恤之恩無思不被如各省水災見

告尚荷 皇恩亟爲布 詔蠲租早已仰見 聖明軫念民瘼如此其至况高淳無田之糧歲歲爲常其苦未有已時也在百姓踐土食毛念錢糧軍國所係不敢求蠲抵言求折雖斃其子遺而好義終事情固可憫兼之往例昭然此更事之足據者如此疾苦之狀使得徹 宸聰臣知 皇仁如天當必惻然動念不待臣言之畢而 大號已渙發者矣竊簷之積困已久欣逢 聖主萬姓之續膏待補端在此時臣謬任巡方凡地方利病皆得諮諏入 告况 陛辭之日面承 天語諄諄以愛

誠正齋文集

卷三

五

民爲本今一方向隅而不以 上陳匪特無以對百姓抑將何以光 簡命不幾重負我 皇上任使之意乎謹會同督臣馬 撫臣土 合詞具 題伏乞 皇上 勅下該部議覆施行奉 聖旨戶部速議具奏 順治捌年玖月十五日

不敢求蠲抵言求折一字一淚哀情徹於殿陛之上 皇仁如天能無惻然動念



巡按江寧等處兼管屯田監察御史臣上官鈺謹

題為驛站困苦已極協濟微解不前按例陳請

仰乞 聖鑒事竊惟驛傳之設原為軍機緊急皇

華輪蹄誠重務也案查原編錢糧凡起解等項皆

入考成獨驛遞一款載在存留項下當日立站之

初酌量衝併通融協濟有派之本省州縣者有派

之外省州縣者類派之數未始不足協濟之法未

始不善無奈日久弊生隔屬漠視解而不完者有

之徵而不解者又有之至於外府外省地隔數千

里往返維艱催提守候動輒經年而尤不能得兼

誠正齋文集

卷三

四

之原編額數又有三五裁扣之項夫驛地夫馬計

口授食今日所需待之明日且不可況遲悞軍情

稀延章奏何等關係而欲以協濟不前少違罪戾

此又斷斷不能是以有司明知日後之參罰在所

不免而目前之急不啻然眉剝膚此私報報之

由起也臣自宿入境首剔驛弊凡私幫食報藥行

禁革其他諸如胥吏侵扣豪強包攬既經嚴懲至

於應付除兵部勘合火牌外紙牌小票盡革不用

臣入境伍月矣曾未敢輕食一票輕用一馬誠以

巡方為糾察之官則法行當先自臣始凡此者皆

臣指而論之起而可見諸行事者舉無足以為難

惟是錢糧一日不敷則諸弊一日難盡茲則臣之

總銀過計者也反覆思維正在調濟間見戶部題

覆山西按臣劉一疏議以本州縣之正項用補

本驛之急需而以外州縣之協濟彙解藩司抵補

正項奉有 俞旨大哉 皇仁晉之民幸邀 覆

載之寬矣臣思大江南北無非 朝廷赤子而驛

傳苦累此日為甚合無比照前例查此州縣站銀

原額若干即於本處動支正銀如數給發夫馬其

彼州縣原編協濟之銀照數解赴藩司以抵正項

再有不敷者亦止於隣邑撥補協濟不必遠及外

省外府此在布政司通盤撙節哀多益寡在彼既

不虧額在此可無關提併責成驛傳各兵備道按

月稽查務期實支給各道年終開造已未完文

冊轉送督撫按查核完欠分 殿最其三五裁扣

准復舊額外省外府有仍前逋欠不辦該司者布

政司年終冊報聽督撫諸臣與臣會同糾參所有

以前外省掛欠銀兩已行令州縣確造的數申報

督漕撫臣王 江寧撫臣士 恭江撫臣李

合詞具 題伏乞 皇上 勅下該部再加

查議如果臣言不謬將驛傳錢糧通融調劑行臣等轉行布政司查明抵補一體遵奉施行爲此具本專差快手張登齋捧謹題請 旨奉 聖旨這驛站錢糧事宜着確議速奏該部知道

順治捌年玖月貳拾陸日

站艮不入考成稽悞勢所必至而侵欺之弊因之以生矣疏於遠近緩急抵解撥補之間劃清界路分別殿最驛困之甦速於置郵豈但利於三晉三吳行之天下而傳諸後世可

也

誠正齋文集

卷三

四

巡按江寧等處兼管屯田監察御史臣上官鉉謹

題爲酌議疏通錢法仰祈 聖明採擇以裨 國用以利民生事臣接奉堂劄准戶部咨有鑄錢虧本一疏奉 聖旨是明季舊錢着嚴行禁革餘依議行欽此欽遵該臣恭繹 嚴綸仰見我 皇上減鑄便民至意無微不至除大張告示通行嚴禁外夫 聖朝百度維新在昔舊錢自當禁革不用無庸再議卽以新錢言之按戶部疏云 都中市價每銀壹兩換錢壹千五百文今江南市價每銀壹兩則換錢貳千文布政司以三七搭放兵餉則

誠正齋文集

卷三

四

每錢壹千作銀壹兩較之市價止值銀五錢也鎮防營兵領錢買物則欲以拾文作銀壹分而民間貿易又以虧本爲慮兵民相角曾無已時一聞放錢之日則民多罷市屢據營村州縣申詳臣每停筆而不敢批以爲照市價則虧兵依成例則厲民虧兵厲民兩者皆有所不可因思民爲 朝廷之民而兵爲 朝廷之兵誠欲使兵民相安不如寬其搭放之爲得也然則錢法必何如而後可行臣敢爲 皇上言之蓋泉府壅滯貴乎上下流通乃今年鑄錢若干發之兵民明年鑄錢若干亦發之

兵民至官徵錢則止收銀不收錢小民負租通

稅有錢不可以完公是法壅自上矣若夫私錢之

行蓋亦有說江南地臨大江與北方不同率多造

爐舟中捕之稍急不難舉而付諸江流其所鑄之

錢雖價輕而薄可與官錢同用所以然者總在民間而不復入官故耳今江南寧字錢較昔稱貴若

不入言恐未幾而仍作前日觀也臣請以州縣錢

銀伍錢以上收銀其伍錢以下花戶丁徭聽百姓

銀錢兩便至每錢壹文既定以壹錢貳分伍厘爲

式輕者卽係私錢當照例責治如此則私鑄無益

誠正齋文集 卷三 只

何所利而爲之私錢不禁而自止矣至布政司每

歲鼓鑄或令以錢易銀或作別項支用任其酌量

此之不爲而官以強兵兵以強民及其奏報則

日曾獲鑄息幾倍以此生財似未爲盡善也臣職

在巡方地方利病皆得周爰謹據實上 聞伏惟

聖鑒施行未敢擅便謹題請 旨

順治捌年拾貳月 日

收銀不收錢流於下而不能通於上私鑄盛

行皆原於此果使民間輪納銀錢兩便則錢

可入官輕重有所稽覈私鑄不禁而自止矣

往見策錢法者開鼓鑄嚴銅禁輪廓精好等多方抑搔摠之無關痛痒此篇不但爲足國良謨卽使經生揣摩家讀之亦是應制中切時名文

誠正齋文集

卷三

只

巡按江寧等處兼管屯田監察御史臣上官鉉謹

題爲城工奉 旨抵兌錢糧徵解在前仰祈 勅

部議覆以廣 皇仁事據江南左布政使劉漢祚

呈稱城工銀兩奉 旨准抵八年正額欽遵在案

查各屬解到共計銀五拾萬柒千捌百叁兩俱經

轉解戶工二部訖其二部八年分款項銀兩抵兌

開銷可無異議惟是城工數多而戶工數少除抵

兌之外如滁和無爲六安等州全椒合肥舒城廬

江霍山六合含山巢縣等縣尚有未抵銀貳萬陸

千叁百捌拾柒兩壹錢有奇無可銷筭節據各屬

誠正齋文集 卷三 五

紛紛以禮兵二部錢糧申請抵兌細釋 明綸抵

言准抵八年正額原未請指戶工也茲戶工錢糧

既已兌盡而禮兵錢糧見承部催今小民之正供

已完二部之催檄頻至合無將禮兵錢糧抵兌城

工至於禮兵款項應聽戶部就近撥補伏乞具

題以慰民情等因到臣該臣看得舊派城工固小

民于來之義我 皇上親政之初首恤民瘼准抵

八年正額新奉 恩詔先徵在官已解部寺者并

退還花戶煌煌 天語一則曰准抵再則曰退還

遠邇之民歡呼踴躍已共慶 浩蕩之恩矣獨是

城工銀兩自戶工抵兌之外尚餘貳萬陸千有奇

該可以禮兵二部通融銷筭爲請竊息錢糧雖分

部督催而戶禮兵工何莫非 朝廷之正賦抵兌

撥補誠爲兩便茲據呈詳前來臣謹會同督臣馬

督漕撫臣王 江寧撫臣土 合詞具

題伏乞 皇上 勅部議覆施行奉 聖旨該部

議奏

抵兌撥補只一挹彼注茲之間言者能爲緩

頽聽者得無霽頤

誠正齋文集 卷三 五

巡按江寧等處兼管屯田監察御史臣上官鉉謹

題為徽屬素不產米南糧本色維艱俯採輿情仰  
祈 聖鑒事據徽州府六縣士民鄉耆吳玉文等  
呈名呈稱徽郡僻處高山人繁地瘠終歲勤作不  
足以備三月之食大半募運江楚乃明季派有南  
糧向以地不產米久徵折色每石朱銀續增至玖  
錢伍分悉係折色至順治三年間因兩鎮官兵駐  
防徽郡是以曾徵本色以給兵餉年來鎮兵已撤  
所留無幾仍徵本色交辦前令一切盤運等費茹  
苦萬狀幸除 聖神節宇首恤民瘼省稅蠲租

誠正齋文集

卷三

五

恩隆克舜伏念山陰黎素稱食日今斗米四  
錢嗷嗷待哺南米採辦之苦萬不能支懇祈為民  
請命永折庶徵輸無悞民困獲甦等情到臣隨批  
行徽寧道查議去後據署道事池太道副使吳崇  
宗呈稱照蒙前因備行徽州府酌查續據該府知  
府祖建衡申該本府看徵徽郡僻處萬山地窄人  
稠卽在豐年而本地所產之糧僅供三月餘皆仰  
給於外郡舟車不通細民有挾日食艱難不可勝  
言府屬六邑額徵南糧共貳萬玖千叁百肆拾壹  
石陸斗每石額徵銀柒錢載在全書後因米貴加

至玖錢伍分折銀起解至順治三年軍需孔亟改  
徵本色亦出一時權宜年來解交南倉盤量載運  
等費所用不貲茹苦萬狀而領銀採辦員役更多  
苦累軍需未得寔濟在百姓交納一石而有數石  
之費在公家仍止一石之寔經年累月起解不前  
此民力徒竭毫無補於 國計者也今酌之輿情  
萬口同聲各項錢糧悉照萬曆年間則例之 俞  
旨雖不敢異玖錢伍分之原額至于因時折衷照  
依時價免其採辦本色之艱則 國計民生兩有  
裨益等情到道看得徽郡六邑南米從來折解額

誠正齋文集

卷三

五

徵銀柒錢加至玖錢伍分載在全書不爽也自順  
治三年間提督張天祿總兵李仲興兩鎮駐徽改  
徵本色以充兵餉茲兩鎮併撤僅有總兵胡茂楨  
一鎮食米不多而卽以本色解省歷年解官批頭  
家破身亡不啻赴湯蹈火徽之四民疾首號泣者  
蓋以彼地去省紆折千里產米既少採辦又艱在  
途則重山疊嶺非舟車之可輸到省則肩挑步擔  
苦盤運之莫繼以致糧米終無完日幸逢 聖德  
如天念徽以原不產米之鄉復歷來解折之額事  
非創起並不虧糧依時辦價照數完納軍民皆兩

便也其在徽駐防官兵六邑南糧仍備本色支給外至于解交省倉者因時定價起解折色則軍需有賴而民困獲甦矣等因到臣併准捺江撫臣李

移送前安徽撫臣劉

題為山鄉素不產

米鎮兵待哺尤急謹據紳民控告情形仰祈 聖鑒事等因順治三年五月初十日題六月十七日奉 聖旨戶部知道欽此欽遵隨准部咨內開徽州南糧兩鎮兵丁資以糊口仍徵本色無容議矣大定之後本折另行酌議不必預請永折也等因遵依在案抄送到臣該臣看得南糧一項乃 國

誠正齋文集

卷三

五

家惟正之供小民踐土食毛寧耳自後惟是徽郡六邑僻處萬山即遇大有之年尚不足百日之糧攷之全書每南米一石徵銀柒錢續因米價日騰增至玖錢伍分嗣後改徵本色不得已販米江楚載運交納計糧貳萬玖千有奇其艱難困苦不可勝言前經撫臣劉 具 題部議大定之後本折另行酌議蓋以兵餉民瘼均在所重此誠司計者經 國遠猷在昔徽有二鎮共駐兵五千有奇需米甚殷固不得不然之計今則僅總兵胡茂楨一鎮止一千五百名所需之米計五千四百石以

今視昔似在可緩之時矣况部文所云大定之後本折另議臣于役徽郡六邑士民訴其本色之苦環臣而泣採聽至此不禁聞言心惻行據道府廳縣會議前來除鎮防官兵應給南米五千四百石照舊支領本色此外或照依時價酌定或比較舊額加增惟求永行改折則徽之萬姓踴躍歡騰不止出顯連而置之柁席間矣臣仰見 皇上惓惓以愛民為念目擊既具敢不上 聞臣謹會同督臣馬 捺江撫臣李 合詞具 題伏乞 皇上 勅部查例議覆施行奉 聖旨該部察議

誠正齋文集

卷三

五

具奏

兵支本色餘則永折便於民未嘗不便於兵兵便則一時可免庚癸之呼民便則奕世如出湯火之外

巡按江寧等處兼管屯田監察御史臣上官鉉謹

題爲 恩詔貴在寔行 蠲免務求廣濟據詳陳  
情仰祈 聖鑒事據江南左布政使劉漢祚呈稱  
恭讀崇上 聖母徽號恩詔欸開一各省人丁徭  
銀派徵不等八年一年曾分九則者上三則免七  
分之一中三則免五分之一下三則免三分之一  
不分等則者三錢以上免半三錢以下全免畿輔  
除前詔免過外再照各省一例蠲免欽遵在案但  
查丁徭銀兩既奉 恩詔列有三錢上下全免免  
半之分大哉 皇仁普天同慶惟是丁銀原供存

誠正齋文集

卷三

奏

留夫馬驛地科場河工俸薪工食等項之用勢所  
必需丁徭既免則前項銀兩必不可缺八年分通  
省錢糧部以十分全完之數盡撥秦楚川贛兵餉  
已經算清照會訖但部撥全完尚未開除丁徭今  
查有應解戶部節年欸項如粮折稅緩事例等項  
可以通融抵算合無請乞具 題庶錢粮一清民  
沾寔惠矣等因到臣該臣看得我 皇上以孝治  
天下尊崇 徽號蠲免差徭薄海內外扶杖觀  
詔無不慶 盛典而感 新恩一日雨露萬姓續  
膏至肫切也惟是丁銀係存留項下幸邀 恩綸

則喫緊項欸勢所必需今該司以解部等銀呈詳

抵會在小民得沾 蠲免之寔惠在計部可無節

年之積欠原額不虧一舉而三得矣臣謹會同督

臣馬 督漕撫臣王 江寧撫臣士 奏

江撫臣李 合詞具 題伏祈 皇上 勅部

議覆行臣等遵奉施行奉 聖旨該部知道

一舉而三得人知受惠者三得爲難我謂入

告者一舉匪易

誠正齋文集

卷三

奏

巡按湖廣湖南監察御史臣上官鉉謹

題爲直陳巡歷南楚情形仰祈 聖鑒事。竊惟巡方一官。原以察吏安民。然必地方定而後吏治始可得而言也。臣奉 命湖南。適時逆寇狂逞。長沙告急。湖南尚在搖動之時。幸 鄭王。大兵一到。羣寇宵遁。於五月入楚。朱月渡湖南。巡諸郡一路。蓬蒿滿目。房屋丘墟。如此情形。是 鄭王與從征諸臣。親歷而目見者。臣不敢瑣瀆。宸聽。但令楚中全局雖定。而伏莽尙多。未盡一隻虎。曹扛子等寇。固竄入粵西。而辰州一帶。馬進忠。王進才。牛萬

誠正齋文集

卷三

五

才。哀宗第。張黑神。尙不下數拾萬。伏處深山。特畏大兵。而不敢出。前大兵去全州之時。臣正巡歷常德。而賊撥由淑浦辰溪。出至安化新化界上。卽長沙。邵。燕。子。窩。諸寇。蔓延茶攸。衡。鄧。等處。臣前往按衡州。由舟次過其地。公然羣立山巔。揭竿瞭望。今長沙鎮臣徐勇奉 王諭。征剿數月。而山深嶺峻。羊腸鳥道。尙未克破巢取卵。淨盡根株。此時此勢。當諸臣厲兵秣馬。奮武揚威之日。俾得兵飽馬騰。庶其有濟。奈長沙鎮營。岳州防守營。辰州鎮營。常德協防營。控告數月。未得分文之餉。夫養兵千日。

而用力一朝。古今無異理。今 朝廷以封疆土地。

責之鎮將。而使之枵腹荷戈。恐將不能責之於兵。又何以責之於將也。臣以兵馬錢糧。督撫職掌。謀之督臣。云楚省 經制各兵。及固山兵馬。餉銀先據藩司詳稱缺額。共壹百叁拾玖萬餘兩。屢疏控請。連客歲欠數。僅撥外省協濟伍拾萬兩。尙未全解。其餘銀兩。部議於湖南地方。察明催徵。果有不足。再 請撥給。况 王師往返。需用軍餉。又不得不從協濟駐防之內。暫爲借支。臣聞之。切鯁鯁慮之。夫湖南乃臣巡歷之區也。民方出諸水火。被賊蹂躪。僅存皮骨。耳。臣南巡時。督臣之徵檄甫下。有司之控告盈几。若望以濟軍。竊恐濟無實濟。小民又驚而走險矣。且官多委署。百事皆無頭緒。如必清楚賦役。卽經年猶不能也。餉能久待乎。然平寇必須養兵。養兵當先足餉。今駐防各兵。已歷之餉。數月未償。向後之餉。旦夕莫望。督撫諸臣。雖蒿目憂心。夙夜旁皇。而無如無策。應此無餉之兵何也。臣謬任巡方。舉地方安危。軍民利病。自當直告君父之前。若默然不言。自甘溺職。不幾重負 朝廷之意乎。不憚冒昧。直陳伏祈 皇上睿鑒。俯念

誠正齋文集

卷三

五

無米之炊  
巧婦難為



湖南未寧軍餉不足。勅下該部從長酌議施行。  
奉

旨該部知道速議具奏

有巡方則軍民利病地方安危皆得周知自  
巡方撤而君門遂萬里矣設在當年寧有黔  
滇之憂

誠正齋文集

卷三

卒

誠正齋文集目錄卷四

奏議

經畧昇任

有司叅罰

酌議巡方

邪教倡亂

請究簾官

欽奉上諭

銓法疏通

文武內陞

誠正齋文集

卷四

唐照釐弊

巡方劣狀

大計屆期

利病民生

大計關係

銓司缺員

酌議行蓋

合紓愚忱

操漕職掌

司寇懸缺



圖治担當

蘇松控制

兵餉最重

臺臣職司

京師首善

請嚴親審

秦關試策 附

守令

平蜀

誠正齋文集

卷四

二

誠正齋文集卷四

翼城上官鉉松石甫著

湖廣道監察御史臣上官鉉謹

奏爲經畧之界任宜慎從征之兵將當籌敢爲借箸永圖治安仰乞 睿裁以重封疆事昔漢趙充國有曰兵難遙度願至金城圖上方畧此言天下事唯親歷其地者知之與耳聞其說者不同也臣昔奉 簡書巡歷湖南今雖離境七年而彼中情形猶知大畧昨見吏部一疏奉 旨這五省經畧應否仍設議政王貝勒大臣會議具 奏欽此臣

誠正齋文集

卷四

一

讀禮家居新補台班既有所知不敢緘默請得而陳之夫湖南之反覆亦無常矣自三王初取其地方班師武昌而數郡騷然此順治五年臣未至湖南之時也於是 鄭親王奉 命興師再行南征克敵制勝而地方重爲開闢此順治六年臣正巡湖南之日也及 王師言旋粵西多事而蠢醜復動此順治九年臣已離湖南之後也我 皇上軫念疆土特 命輔臣洪承疇偕滿洲大兵經畧南征自十年至今已三年餘矣雖雲貴一隅尙未嚮化而逆寇不至狂逞者臣非敢曰輔臣運籌之能

前錄  
入書

知無否

湖南情形  
尺在目中  
生表其者  
者未見明  
於此而略  
於彼

此實 皇上天威遠布所致今輔臣積勞成病蒙  
恩予告臣鯁鯁然念之因思承疇前行原非在  
廷諸臣所敢輕議乃 皇上特簡之人且使文武  
各官聽其擇賢任用具題 上請奉有吏兵二部  
不得掣肘之 旨所以然者以承疇品望夙在  
皇上睿鑒之中相信最真故畀以重任如此今欲  
從而繼其後假以前此之事權畀以前此之委任  
何等鄭重何等關係自非 睿照特簡恐難其人  
臣謂經畧一席畀任宜慎者此也抑湖南之寇亦  
甚狡猾如堵應錫袁宗第等皆當年流寇未靖之

誠正齋文集 卷四

餘孽彼所懼者唯我滿洲大兵耳但湖南山深嶺  
峻非素習地理者未可驟入其中今既有滿洲兵  
將可使逆寇聞風而股慄兼留漢兵輔翼夾剿何  
難直搗賊穴至於斟酌多寡審定存留并將歲費  
餉餉通盤打美伏乞 敕下戶兵二部從長計議  
然而湖南之情形不可不講也渡湖南而南唯長沙  
為近此猶湖南之堂與東南則為衡永與廣西為  
界西南則為辰常與雲貴接壤正南則為寶慶而  
以沅州武崗為外藩兩廣歸復則衡永晏然此不  
足慮者外此唯辰常一帶所貴思患而預防之耳

門戶要  
武武非款

提提督  
進戰等  
傳探等  
皆可不用

而沅州為辰常寶三府扼要之地此則湖南之門  
戶是也特設偏沅巡撫一官控制要害誠有深意  
存乎其間矣要而論之屯兵長沙不過設備以防  
敵駐師沅州始可相機而進取此守堂與不如守  
門戶之為得也計今長沙五翼兵將可謂眾矣每  
年費 皇上金錢百萬畜養軍士斤斤為守禦之  
策而關土不聞將何日是底定之時也臣愚以為  
總不如屯兵沅州一則坐守門戶資以彈壓寇雖  
欲越沅而飛渡有所不能而辰常一帶可保無虞  
再則直逼賊巢逆寇虛實強弱之情形近而易知

誠正齋文集 卷四

於以出不意而攻不備遲速緩急可以唯我之所  
欲為區區小醜真釜底之游魚耳滅此朝食臣知  
其無難也但沅州邊遠之地與腹裏不同須擇驍  
勇無前之師控扼其間始可進戰退守而策成効  
於將來惟是沅地荒涼軍士遠戍為苦實甚所貴  
厚增月餉得其士馬飽騰重賞之下必有勇夫以  
鼓敵愾當加百倍也以百萬之金錢半用之以養  
一州之兵自寬然而有餘較之數年來不貲之糜  
費其所省不實多乎一切糧餉責令督臣料理可  
也臣身歷楚疆故謹以耳目所及謬效蕝莠是否

有當仰乞 睿裁。至於經畧重任。應設與否。在諸王大臣必有碩畫。皇上自有 睿斷。惟其再加慎重。此又臣愚之憐憫也。緣係條議地方公事。字稍逾格。統祈 鑒宥施行。

順治十四年九月 日題奉

旨

鉉丁酉讀禮畢。自田間來。新補台班。于九月

日初啓事。疏甫入。遽荷

世祖皇帝睿覽。命學士麻勒吉傳諭啓奏。官散留

御史候

誠正齋文集

卷四

四

旨少頃。學士復出。導鉉至 乾清門。仰瞻

天表。恭承

清問。首詢出身履歷。徐及巡歷湖南情形。一一奏

對訖。伏蒙

上諭。學士送御史去。至太和殿左門。回署辦事。十

月。復以資俸

命。掌河南道印。載荷

宸恩。領袖台班。兩年其於用人行政吏治民生之

大無不俯竭芻蕘。輒蒙

採擇。草野微臣。不識何修而得邀

先帝不世之知遇。若此。迄今撫膺內省。感極而泣。

曠眷

齊沐恭紀以誌

金城方畧在充國。當年身在局中。其親歷圖上也。猶易乃以局外之身。偶於巡方所及地理情形。無不默識。周知。至於籌將則籌將所應屯之險要。籌兵并籌兵所當恤之疾苦。以此經畧湖南。南人自然不敢復反。何至五年之內。反覆至再。即公謂經畧難得其人。請以是篇爲之。借箸前籌。

誠正齋文集

卷四

五

掌河南道事湖廣道監察御史臣上官鉞謹

奏為有司之忝罰雖嚴錢糧之逋欠如故再乞

敕下巡按御史速行清查以收足國實用事臣

維從古治天下者首曰足食足兵是兵食兩者誠

經國之大端也我國家雄兵銳旅遠過前古乃

年來水旱頻仍直省錢糧自八年以後逋欠之數

以數百萬計非拖欠在民必徵收在官非有司侵

漁必蠹役中飽在計部諸臣心憂國計不過以

嚴行忝罰盡在內之職掌在督撫按諸臣不過舉

經征等官列名疏忝盡在外之職掌使忝罰既嚴

誠正齋文集

卷四

六

之後一切錢糧徵解全完則此道得矣乃華降之

法不少寬假而逋欠之數不減於前言念國用

何時是充足之日乎臣不日諸司忝罰可以因此

而少寬也然而查忝有道催科有術請為我皇

上言之臣查在廷諸臣言者紛紛莫若責成巡

按御史之議允為確當夫在差御史巡歷各府考

察完日傳集道府州縣除十五年錢糧聽其按期

辦納所有十四年以前拖欠等項將每年收解底

冊首尾清查果在民也而查其赤貧者何人果在

官也而究其侵漁者何人果在吏也而核其烹肥

責成巡按  
御史  
從從  
從從  
從從

者何人如其實貧民不能辦納者仰體皇仁請

旨定奪其侵漁在官者不論見任陞遷去任據實

糾參照例懲處速為抵補至於吏胥侵欺大法追

比其該管有司仍治以縱蠹之罪務期親行查問

不許轉委同知通判推官致借查核之名需索使

費騷擾地方以為百姓之累知府一官與州縣較

親諸項錢糧皆為經手戶部查有歷官三年而不

能完者是則頑鈍不靈之人矣陞之不可久任無

益似當另選賢能以觀新効臣以為清查錢糧莫

急於此在差諸臣合宜遵旨速行奏報不得過

誠正齋文集

卷四

七

時稽延視為故事果然前欠盡完方見肅能風力

如果臣言不謬仰冀睿鑒再乞天語嚴飭各

差御史作速清查不惟錢糧實有著落庶幾煌煌

俞旨咸知遵奉矣

順治十四年十二月

日題奉

旨戶部議奏

錢糧底冊完欠昭然向來非是不能清查蓋

緣責成不端徒為結了故事且拖欠在民者

雖有而侵漁中飽者實多查者不務求清若

輩亦多方彌縫不使其清也端責巡方按冊

清核則貪官汚吏無所容其侵肥民孰無良  
坐視官長之忝罰而甘心通賦乎濃雲密霧  
中得此忽然青天白日

吏部舊章  
此舉從何  
而起

以此舉方  
必至乖方

掌河南道事湖廣道監察御史臣上官鉉謹

奏為酌議巡方事宜仰祈 睿裁以肅憲紀以期

澄清事臣惟民生之安危在乎吏治之貪廉而激

濁揚清惟巡方是賴我 皇上殷殷求治盛懷嘗

欲舉斯世於三代之隆博選廉能才幹 親裁

特遣選差之法視昔加嚴一時中外無不共見

皇上慎重巡方之至意臣以十載臺員叨任掌道

歷查臺規職掌其所載者皆專差御史之例也而

今巡方分差部司等官凡臺規之中所有倣例而

行者自當恪遵舊典無敢或斁其或時局稍異可

誠正齋文集

卷四

九

不斟酌審處務求至當以垂久遠臣謹酌時宜敬

陳芻蕘之見如果臣言不謬伏祈 皇上睿鑒

敕下臣衙門察議請 旨申飭施行一差規之宜

定也臺臣差規載在職掌前院臣 題定則例御

史新舊兼差無新舊舊無舊舊新舊御史差滿回

道以 命下之日為序新御史以奉 旨進衙門

為序此往例也今巡方各差兼取部寺等官遵舊

章則今昔頓殊查新規則未經 題明除清漢間

差之規遵行在案臣請自今以後回道新贊御史

相兼呈送巡按之後不許再差巡按巡按之後不

後者先之  
今出山岳  
動程

利害原於  
此其除之  
於此

許重差巡。巡倉。清茶。馬一準。此何。庶幾。差規。畫一。而不至。開規。避紛。爭之。端矣。一舉。効之。宜嚴。也。巡方。所重。首在。舉効。凡入。境而不。山岳。動程者。謂之。不職。所望。諸臣。冰心。鐵面。先貪。酷而。後罷。軟。先方。面而。後守。令。庶見。古者。墨吏。解綬。之遺。風。差滿。剗。舉。前院。臣。題定。五六。人。誠為。寧嚴。毋濫。之意。但。有舉。須當。有効。而倉。漕。鹽。茶。祇以。運司。糧道。苑。馬。河道。鹽道。為其。專管。不許。概及。提學。輕舉。市恩。若。夫有。司。前院。臣。題定。七。人。員。可謂。嚴矣。惟是。省。有。大小。人。有。多寡。如。甘肅。宣大。所屬。不過。數處。河。誠正齋文集 卷四 十

站。曾否。官。喂。有。無。幫。貼。解。官。曾否。賠。累。荒。田。曾否。開墾。流。遺。曾否。招。徠。協。餉。曾否。解。完。關。稅。有。無。欺。隱。錢。法。有。無。壅。滯。鹽。引。曾否。疏。銷。土。寇。有。無。潛。伏。邪。教。有。無。滋。亂。種。種。利。病。一一。具。疏。上。聞。不。失。古。者。周。爰。諮。詢。之。意。不。然。奉。命。巡。察。祇以。簿。書。期。會。循。行。故。事。是。豈。皇。上。特。遣。巡。方。察。吏。安。民。之。意。哉。回。道。之。日。歷。查。在。差。條。議。其。於。國。計。民。生。關。切。與。否。嚴。課。殿。最。以。昭。勸。懲。庶。幾。地。方。實。受。巡。行。之。益。也。一。題。舉。之。宜。嚴。也。往。例。正。舉。之。前。例。有。題。序。但。年。來。幾。成。市。恩。之。套。典。矣。臣。謂。凡。各。差。報。誠正齋文集 卷四 十

關係最重。又監禮監宰侍班糾儀直鼓等差俱苦。無人查考。定御史猶有候補十員。在本衙門既有事而無人在。諸臣又有人而無事。臣思業已奉旨考授御史官為朝廷之官而事亦公家之事。請將候補諸臣暫為辦事。遇有員缺再為題補。開俸庶不至有用之身置於無用之地。他日補官之後得以熟諳臺規。是亦儲養人材之意也。以上五款緣係酌議巡方事宜伏候 採擇施行。

順治十五年正月 日題奉

旨該部院議奏

誠正齋文集

卷四

十二

越俎代庖。侵官與曠職無異。巡方可差部寺。何衙門不可紊亂。酌議事宜。疏益從此起見。而諸款中憲紀肅然。不第使新差知所率由。并使舊貲更加謹飭。

掌河南道事湖廣道監察御史臣上官鉉謹

奏為邪教倡亂可虞防患宜蚤伏祈 嚴敕以靖盜源以安民生事。臣維王者之治天下也不尚異術奇能。惟是立法制明禮教。使斯世之民各親其親。各長其長。而天下斯平矣。不意有一種邪教惑俗誣民。其初也借名燒香念佛。其究也嘯聚為非。此地方隱憂實大患也。前奉 上諭嚴禁。炳如日星。但此輩煽惑之術最詭而愚民為其所惑至死不悟。臣鄉山西翼城於順治四年間邪教倡亂致煩大兵登山攻寨而後始稍戢餘孽安定國蔓延

誠正齋文集

卷四

十三

山中又經數載至順治十一年而後擒滅。臣縣與絳縣垣曲接壤賊之窠穴在於垣曲而出沒於曲沃翼城之界在垣曲有賊而不受賊之苦在曲翼無賊而受賊之害迄今未敢輒云清楚也而其根株總從邪教始。臣於九年巡方江寧按部淮西北時正值年荒奸民作亂擒渠解從。即經具題而邪教之風浸淫乎濠梁之間。臣嚴法重治而其風乃息。此邪教之亂誠不可以其微而忽之也。近聞河南長葛洧川之間邪教猖熾幾至燎原不知地方官平日何無覺察解散致使無知愚民聚眾成



群。誤。墮。奸。人。之。術。而。不。知。覺。又。聞。懷。慶。衛。輝。諸。郡。  
有。廢。棄。生。業。而。輕。信。左。道。其。風。更。甚。包。藏。禍。心。更。  
屬。叵。測。為。患。方。深。臣。恐。臣。鄉。之。風。復。見。於。中。州。矣。  
伏。祈。皇。上。嚴。敕。撫。按。查。該。管。州。縣。但。有。前。項。奸。  
徒。卽。密。行。申。報。預。為。禁。戢。倘。縱。其。煽。惑。鄉。愚。以。滋。  
亂。萌。卽。將。道。府。等。官。指。名。究。叅。治。以。隱。匿。之。罪。庶。  
幾。防。患。於。未。然。不。失。曲。突。徙。薪。之。計。而。地。方。享。有。  
安。枕。之。福。矣。

順治十五年正月

日題奉

誠正齋文集

卷四

古

燭火燎原。蟻漏滔天。天下事何者不始於微。  
而終於鉅。而邪教之倡亂最甚。而尤著。抹風。  
入告以膚受推及。隔膜中州之民。何其厚幸。  
吾鄉當年燕雀處堂。惜不聞此曲突徙薪之。  
計。以致亂如沸羹。焦頭爛額者。害及億萬人。  
而禍延八九載。可慨也夫。

寧河南道事湖廣道監察御史臣上官鉅謹

奏為請究廉官被辱之根因再行復試之新法以  
釐宿弊以宏文選事臣維國家取士之法無如  
制科為最善昔在唐宋名臣恒出其中史策昭然  
可考而知也外此而保舉之說非不兼行往往處  
盜虛聲出鮮實效終不如制科一道糊名易書為  
百世不易之則奈何不肖之輩夤緣紛紜賄買關  
節父兄以是教其子弟子弟以是受之父兄膏粱  
之家接踵青雲商賈之子致身達路竟以朝廷  
名器為金錢博換之物噫可異已臣臺班舊員去

誠正齋文集

卷四

古

年服滿起補冬初乃為任事見北闈諸弊蒙皇  
上大奮乾斷此誠單寒吐氣真才得志之日也近  
辦事衙門接江寧按臣劉宗韓訪聞廉官被辱一  
疏復念科場之事何等重大夫人必自悔而後人  
侮龔勲之不自愛鼎可知也特勲之取中者何人  
諸生之開勲者何名似當詳察根因又聞舉人中  
有程度淵者噴有煩言事涉風聞不敢遽信統祈  
睿鑒見今硃墨原卷俱在禮部祈皇上傳進宮  
中細加磨對有無弊竇自難逃於日月之下抑  
臣更有說者事謀於暗室屋漏之中而言播數千

里之外各房情由豈能盡知除情弊顯著自有國法卽所餘諸人相應照依京閣之例再加覆試以判真僞自今以後既經我皇上離照當空剔弊無遺從此官守令甲士絕奔競文明中天之盛不難再見於今日矣

順治十五年二月

日題奉

膏梁青雲商販達路何嘗不在糊石易書之中可恨若輩不肖貪緣敗露岌岌乎以百世不易之則似乎欲不易而不可者疏請釐宿

誠正齋文集

卷四

七

獎乃所以救文運維持關係甚非淺鮮若止爲一官被辱詳察根因則褻視白簡矣

掌河南道事湖廣道監察御史臣上官鉉等謹

奏爲欽奉 上諭事竊惟古王者之治天下也一人建極而四方嚮化豈其有異術歟不過以天下之人理天下之事而已今 皇上求治日切特以治平爲心邇者 復念天下政治所關最爲重大特命宗人府內三院六部都察院等衙門各將一應事務詳細叅酌何事有益國家當遵行何事無益國家當改併諸凡興利除弊事宜俱着各衙門蒲漢大小官員公同商酌具奏欽此臣等恭承 睿諭不敢益竭葵誠謹陳葑菲仰 宸聰如果

誠正齋文集

卷四

七

所言不謬伏乞 皇上採擇 敕下部院議覆施行計開 一曰定臺規夫御史爲 朝廷風紀之官職任綦重案舊時有會典有臺規其間論資論俸論差其制可謂嚴矣前院臣洪承疇金之後等又有題定新例但今昔不同時勢各異有古典當因而今所未修者有新例可行而昔所未備者臣請斟酌今昔之間務求至當不易之則悉心叅訂印刻成書俾憲規肅然弗可紊亂共守 新朝之章程毋執前代之故典其關係風紀爲甚鉅也一日慎刑名夫御史爲執法之官刑名乃其專責

不問可  
法法設  
其不可

前十二年十月奉有上諭云刑部都察院大理寺三法司題覆稽遲皆由文移往來虛費日月且事不同審稿不面議豈能得平大哉同審面議之天語仰見皇上好生之至德然而部院諸臣法官也御史亦法官也今一切刑名御史未嘗過而問之明刑之謂何臣請自今以後該部先期抄招送院分發各道限期詳閱再為面審務求情罪允協無枉無縱庶幾執法之臣得以克盡職業其於我皇上敬慎刑獄之至意庶乎其有合也一日速考選夫國家設官分職一官有一官之職

誠正齋文集

卷四

六

業兄臺臣職在建白以備耳目之司何等關係豈可久懸而不補案會典開載有考選不限年次但缺至八員即行考取夫所言八員者以當年御史百有餘員也今御史僅僅三十員未經出缺無輒考取之例待其缺至數員而衙門廢事已多矣臣請每歲年終將俸滿糧完剗多應考各官行取考選永以為例見缺御史七員作速考補庶幾臺班充盈而憲謬之風可期也一日取巡方夫巡方代天巡狩為朝廷察吏安民近例見考取巡方皆係部院開列正陪其應正應陪不過止於職名

履歷臣請自今以後正陪等官務期詳開行過實事其不堪正陪者亦詳開不應正陪之故每遇缺出祇以各差出缺之先後定之如一差送新則一差送舊而勿拘新人仍新舊人仍舊之說是亦新舊相因變通不拘之義也

順治十五年四月

日題奉

旨該部院議奉

風紀所在肅僚貞度與別衙門親細務校簿書者不同煌煌四大款提綱挈領條分縷析均堪達之楓宸而垂諸栢府

誠正齋文集

卷四

七

分列其  
在子酌量  
金集

自其路  
總其路  
可歌可

掌河南道事湖廣道監察御史臣上官鉉謹

奏為銓法貴於疏通舉劾宜有勸懲仰乞 睿鑒

以肅吏治事臣維古今治平之理大畧要於得人

在昔唐虞三代稱為盛治考其當日亦惟是岳牧

師濟亮工熙載為各盡其職則已耳我 皇上殷

殷求治宵旰不遑臣叨列臺班念切民生敢不敬

陳一得仰慰 睿慮請得而言之今天下之官與

百姓最親切者莫如州縣有司矣 興朝三途並

用無非廣羅群材之意然取之之途不同用之之

道宜異見今戊戌一科新中進士經 皇上登賢

誠正齋文集

卷四

辛

方新之日中外歡然慶為得人乃壅滯而難選者

無如知縣一途至今日而已極索吏部見有考定

候選知縣一千三百餘人夫每歲大選六次每次

除推陞外多不過選三十餘人少則十數人就此

千餘人而計之十年之後始可選完抑茲一千三

百人中進士居其一舉人居其二其餘盡皆貢行

諸人為之冒濫於其中前科臣王命岳具有銓法

積薪已極一疏已貢者考授宜嚴未貢者樂行停

止見在奉 旨部議然而考定未選多人臣則不

能無議於其間也請自今以後遇有缺十員新

科進士選三員前科進士選二員舉人一途選三

員貢士一途選二員挨次選授不許紊亂俾制科

諸士早膺民社之任以觀新發之剛不獨選法均

平共於我 皇上慎重科名之意庶乎其有合也

若夫既選之後果有真心實政潔已愛民者自有

清華一席以旌循牧其餘歷俸最深或多至八九

年少亦五六年者雖不得與剗多諸人同邀行取

之典而能歷任數年之久亦可謂地方之勞吏矣

除奉剗停陞之外似應相兼推陞庶幾勞逸均適

仕路寬通而州縣諸吏不至坐守一隅也至於鼓

誠正齋文集

卷四

壬

舞吏治激揚有司之權端惟督撫舉劾是賴巡方

舉劾在於差滿其數可謂嚴矣惟督撫之舉劾雖

行而舉劾之有當與否未見作何勸懲臣思督撫

舉劾宜照巡方之數分其大省小省人數多寡酌

量剗舉抑不拘方面有司有舉必須有劾舉劾之

疏毋論其到任之先後均以十二月為期至於舉

劾各官曾否攸當統乞 敕下該部將各省督撫

諸疏每歲年終詳加查核如果出於至公特加紀

錄若舉非其人照例議處臣知向後督撫諸臣當

必凜遵 功令而地方有司誰敢不自勉於循良

之列將龔黃召杜不得專美於前矣臣從民生吏治起見謬效芻蕘上賁宸聰如果臣言不謬伏乞睿鑒揆擇敕部議覆施行

順治十五年四月 日題奉

旨該部議奏

論政於今日卽有如啓事山公加以清通簡要之法其壅滯必不能去蓋緣雜流過多結蟻與蘇合並進一官十餘載黜陟無聞遂致駑駘輩得以伏櫪恋棧譬之流水然前科不行後坎自滯其所必然也果能慎重科目

誠正齋文集

卷四

三

以疏通於其始相兼推陞以疏通於其繼而又嚴舉劾昭勸懲仕路廓清銓法自然疏通秉銓者不折衷於此而拘執例簿彷彿聖書古法何當於時宜耶

掌河南道事湖廣道監察御史臣上官鉉謹

奏爲敬陳文武內陞之規酌定一成不易之則伏乞宸鑒永示法守事臣惟天下之官寅亮公忠以報朝廷臣子職分夫何待言惟是前途可望俾有餘地庶幾在下有功名之思在上有鼓舞之權其關係甚重不可不講也卽如以督撫言之在諸臣數十年襟沐之勞得邀宸眷簡任封疆其任甚專其責甚大往往祇見告病疾沒處分撤回已耳至於陞轉之例則未之常聞臣愚以爲朝廷名器原以鼓舞豪傑凡臣皆有陞轉何獨至此

誠正齋文集

卷四

三

而無階可陞竟成一最板之局也觀光之懷當何如其親切耶以後督撫諸臣作何陞轉伏乞敕部酌議取自上裁若夫提督總兵責任尤重據會典一款內開凡五軍都督府缺掌印官兵部具奏會官於見任公侯伯內推舉二員缺僉書於帶俸公侯在外正副總官內推舉二員今在外提督總兵歷任已久是與督撫同一板局也臣請察照會典舊例添設五府以滿洲大臣掌理府事再於在外提督總兵察有勞績可加擢用五府以昭朝廷拊髀思賢之意况雨雪楊柳之思軍士且然

將帥之情其何能已。臣知必感戴。皇恩而益奮志疆場之間也。葑菲未識不識可採與否仰乞敕下該部酌議施行。

順治十五年五月 日題奉

旨該部議奏

百尺竿頭更進步凡事皆然何況功名一途督撫提鎮爵祿雖云已極然而前無望後無餘上之所恃以鼓舞者則無具甚矣化板為活遂竟最板中又是一番局面究之為諸臣開前途寔為朝廷勵後效寓意固自深遠

誠正齋文集

卷四

二四

人  
後可以絕  
先自絕  
又極必  
後自絕

掌河南道事湖廣道監察御史臣上官鉅謹奏為 睿照濫弊無遺銓政澄清可觀謹陳一得仰佐 高深事臣維天下有治人無治法大臣公忠則小臣節不持正群工寅亮則吏胥鮮不守法此糾領之言也自非然者一法立一弊生周官之制不善行之其究皆足以病民史冊昭然可考而知也我 皇上嚴諭屢頒諄諄以摘弊為誠以為天下無所謂與利之事也但去其弊而利自興然而不舉今日之弊而盡去之不足以仰副 皇上孜孜求治之至意近讀 上諭吏胥之弊及銓選之法益感 皇上求治無已之思也請得而言之夫六部吏役與在外不同大約皆召募應役之人也朝而入署暮而呼盧出入任意從不聞有關防之說未常防之而謂若輩之皆守法此則掩耳盜鈴之事其誰能處之即如銓選推陞二者在該部雖有成例而諸胥之暗撞太歲者蓋亦有之臣謂立法誠嚴而欲使胥吏之不能作弊不足以為難若欲其不騙人錢自非隔絕線索不使交通賄賂不可也臣請自今以後在內衙門止許原籍起送不得仍舊召募一歲之內常宿官舍不許隨意出入

誠正齋文集

卷四

三

明倫彙編  
家範典  
忠孝  
卷一百一十五

誠正齋文集

卷四

三

入私交選官。再令司務早晚點查。如敢擅離呈堂。責華審有贓犯。照依新定衙役騙錢之律治之。如此則防維既甚。諸弊無從而生矣。至於銓法壅滯。臣前已專疏言之。恭承上諭。舉人五科方許揀選。三科方許就教。貢士百人之中止取八名。可謂得疏通之法矣。獨計此皆諸臣應行之事也。諸臣不能早為疏通。而重勞我皇上之睿慮。夙夜自維。靖共之謂何。臣愚以為舉人尚有五科。五科之別。除歲貢諸人。自首功名相應。如舊其餘各色貢途。揀歷數月。即為考職。終南提徑。莫善於此。請照舉人之例。庶乎其銓政均平也。抑缺分南北之說。議者紛紛。卒同築舍。臣讀廣西按臣田昇龍一疏。內云。州縣各官多有水土異宜。相繼而亡。每聞申文。輒為泣下。又僉憲臣蘇弘祖向臣言。昔在福建。造送計冊。見州縣有司有見任而故者。有議處而傷者。按籍而稽。不禁惻然。嗟乎。臣子讀書服古。希企一命之榮。芸窗雪案之下。不知受幾許辛苦。乃一登仕籍。而為異域之魂。臣聞言至此。亦為之食不下咽也。臣請察循舊例。南北分選。不獨水土相宜。抑且民情易曉。從此地方無去舊迎新之擾。其

誠正齋文集

卷四

三

其福矣

以保全諸臣餘生造福又何可量也。區區一得之見。敢因陳銓法而并及之。如果臣言不謬。統乞敕部詳加議覆施行。

順治十五年五月

日題奉

旨該部議奏

受賄通線吏胥通弊六部與在外不同。銓部又與諸部不同。黔東既嚴懲治。復重暗撞太歲者。必不敢明犯太歲矣。興朝事事盡善。而惟缺分南北。未見修復舊典。此疏一聞。作吏者荷其再造。而地方不致騷擾。百姓並受

掌河南道事湖廣道監察御史臣上官鉉謹

奏為巡方劣狀較著澄清寡効伏乞宸斷以振

綱紀事竊惟巡方一官原以察吏安民既已奉

天子之命巡行四方承風所至周爰諮諏一切吏

治貪廉民生利病惟巡方能知之亦惟巡方能言

之膺斯任者自當飲水如藥剔弊釐奸庶幾不負

輿轡澄清之意臣於蘇松按臣王秉衡不能無議

焉夫吳江長洲等縣假旨均田亂民聚眾高揭

黃旗而秉衡曾無一字奏報華亭縣蠹役侵那

錢糧秉衡將各縣酒席府道壽禮等項擅准開銷

誠正齋文集

卷四

二八

俱奉旨察議臣不敢贅惟是清察錢糧久奉

俞旨責成巡按御史巡歷一府清察一府乃武進

等州縣欺隱錢糧積弊種種今蒙皇上特差滿

洲啓心郎理事官前往清理秉衡不思身在地方

自當實心剔弊乃以奉旨清察之事置若罔聞

致煩我皇上之專官溺職之咎其將何辭再查

秉衡前恭撫標旗鼓王崇禮疏云提伊心腹書役

周子斐等六名親自詢問先據周子斐潘章甫二

蠹口吐上聞尚有腹蠹陳子耀陳虎等提拘未

到俟容另審具報今經數月矣不見有另審具報

者不

之疏臣不知秉衡之心何心也臣聞吳人為之謠

曰承差作旗鼓其惡如狼虎夫巡方入境將望其

剔蠹安良乃肝腹之地而養奸若此安望其禁制

他人耶切思巡方責任何等重大以激濁揚清之

事而聽之菽麥不辦之夫况蘇松繁劇數倍他省

似此縱蠹害民百弊叢生地方其何賴焉伏乞

皇上大奮乾斷嚴加懲處庶幾綱紀肅然而澄

清其可再見矣

順治十五年七月

日題奉

旨這所參王秉衡劣狀着嚴察議奏該部院知道

誠正齋文集

卷四

二九

同官無隱則餘皆可可知想其棒簡直言時談

如虎嘯殿上人人膽墮地



掌河南道事湖廣道監察御史上官鉉謹  
奏為 大計業已屆期申飭亟宜加嚴敬陳末議  
以重 盛典事臣維天下事以為宜寬而過嚴則  
失之刻以為宜嚴而過寬則失之濫乃 國家計  
吏之典三年一舉此吏治勸懲所關非可尋常褻  
越者也臣謂 計典之行不過區別賢否凡廉能  
者舉為卓異貪酷者入之露章其餘開載冊報盡  
之八法之中竊思三年之內督撫歲終甄別按鹽  
差滿復 命歲歲舉行其賢者曷嘗不薦舉不肖  
者曷嘗不糾彈而必待三年者何也蓋古者天子  
誠正齋文集 卷四 三

有巡狩之典今御史代 天巡狩循其遺意而所  
謂三年入 覲者即助古諸侯述職之事而行之  
耳按畿省風俗不同人情各殊自藩臬以之州縣  
輟玉而來各陳職業部院諸臣得以親觀其人之  
年貌才品參稽於撫按司道之開報賢愚立見燦  
若列眉 朝廷分別殿最以昭示勸懲使中外諸  
臣萬耳萬目共見其聞擢用者得被殊榮而庸懦  
者凜遵 功令鼓舞諸司之大權蓋在乎此矣年  
來以地方為重府州縣有司免脩 肆覲之典每  
省惟藩臬各一員府佐一員其餘單覲冊報中間

金鑑  
今甲寅在

保無有飾貪為廉以賢為否借 朝廷之令甲行  
一已之愛憎者乎此則職之所大懼也在部院科  
道諸臣仰體 皇上求治盛心自當釐奸剔弊力  
破積習以副 睿慮仰撫按露章冊報之外尚有  
科道糾拾以廣 朝廷明目達聰之意臣思撫按  
身在地方日與道府有司相親而科道身在輦轂  
其與道府有司甚遠乃撫按上下相蒙惟以苟且  
塞責舉耳聞目見之事一力徇庇而借口待科道  
之糾拾臣恐循良見擲而吞舟漏網者且不可勝  
計矣何足以大示勸懲也臣謂撫按之不宜少寬  
誠正齋文集 卷四 三

者此也山西河南陝西等差十月俱滿既留見任  
按臣料理 大計不過多住一月即可不誤惟是  
浙江湖南蘇松三處俱無御史夫計冊以撫按為  
據撫臣久居會城兼理軍務而按臣巡行察吏逐  
郡皆至撫按並重豈可偏廢若夫湖南蘇松猶曰  
尚有撫臣可以獨力整理至於浙撫陳應泰見在  
告病而新撫佟國器尚候贛撫蘇弘祖到任交代  
始可離境計新撫蒞浙當在冬盡春初之時矣其  
於計事固不能及在應泰久任巖疆病體莫支  
朝廷念其積勞成病 允令辭歸今又使管理計

把提已定  
撫臣皆准

事恐抱病之軀未必周詳况今八月已盡萬難再緩○各無救下部院速議除撫臣之外應責何官專為料理亟為請旨遵行臣十年臺臣叨任掌道所有應行申飭事宜謹擇其切要可行者臚列五款於左以仰佐計典者也○一曰慎卓異按舊例計典八法之外獨有卓異一條原國家異等之科必才品出眾超絕尋常者乃可膺茲異數年來刻舉方行而穢聲大著者實不乏人雖事後嚴懲然如其棄越鉅典多矣夫寧嚴無濫久奉明綸匪歷俸二年不得混行保舉科臣

誠正齋文集

卷四

三

業已言之切維朝廷用人首重人品然而品行正直端凝持重者有之抑弘才四應盤錯見長者亦有之今吏部推陞已有邊俸裏俸之分臣請卓異之中再特設邊才一等不論方面有司擇兩廣川閩等處有新附繁難借資長才者遇缺即行推用庶賢者得展布之地而地方獲寧謐之福矣○一曰嚴陞任夫大計首重常恐其寬方面而問小吏舍見在而索去任赫赫功令共宜恪遵乃去任之中亦自有別如因丁憂事故而去任者誠不可借以塞責至於陞任各官其砥礪廉隅愛惜

百密一疎  
防微杜漸

皆應為  
擇其善者

名節者固多聞有不肖之輩當時在任巧於彌縫上司墮其術中而不自覺去後復畏其勢焰惴惴乎有投鼠忌器之嫌而不敢動臣謂陞任各官果有貪穢實跡昭著難掩者不得以既去之身槩從寬典庶幾在任有事後之慮不敢恣肆以鳴得意矣○一曰核叅罰按大計冊撫按司道造報考語樞點不根之言甚多過情之譽部院按冊而定信以為賢者而留之臣聞近日吏部貼出俸冊有一官而數事牽扯者有叅罰而數年不聞者俱云仕俸停陞夫俸冊昭昭叅罰累累其才之庸劣可知如此而撫按造報循日本官才長可乎臣謂撫按之不公此其一端今歲大計請將吏部俸冊同計冊叅閱如有叅罰多者不論錢糧刑名有過五件者即係才力不及降級調用過十件者革職撫按徇庇嚴加處分庶計冊無混造之擾而撫按不得以意為愛憎矣○一曰註事實舊例大計冊守才年貌之後開載事實乃今撫按司道造報各官賢否其於地方行事不聞所與何利所除何害實政寥寥無聞而虛詞鋪張炫人耳目可謂欺罔之甚矣臣謂布政司糧道知府知縣應分註三

誠正齋文集

卷四

三

此之謂也

年內每年應徵錢糧若干。完欠若干。開墾田畝若干。招撫流移若干。按察司各道推官。應分註三年內。每年承問刑名若干。已未完若干。承追贓罰銀若干。其學道驛傳。以及同知通判諸散員。俱有職業。先就本等職掌。一一查核明白。直註於冊。俾部院諸臣按籍而稽。一目了然。不得空言掄揚。將無作有。如有仍蹈前弊。開報不實者。臨期泰處。庶六察。庶幾使偽之吏。無所遁於其間矣。一日查委。夫委署之官。深為民害。原與部選諸員。有功名之念者不同。臣思若輩無籍根柢。無營。委署平

誠正齋文集 卷四 三

時不肖。上司既留之。以為利民之鷹犬。清朝之初。猶為遠報。後來謂其無級可降。無職可革。當計吏之時。遂脫然吏議之外。無怪乎貪風日競。而不止也。臣謂今歲計冊。請將三年以內之委署。有隨征軍前而暫署道缺者。有同知通判推官而帶署州縣者。有縣丞首領而委署州縣者。有裁革各官仍戀地方而遇缺委署者。自某年某月署起。某年某月署止。另造一冊。一一開載。除署事無過免議。如有穢跡彰聞。並行提問。借曰果有不肖。前此即掛彈章。何待今日。抑思部選諸臣。平時亦曾

卷五 於  
酌量乎情  
之中無礙  
亦無枉

其糾劾而猶不廢此典。何獨至委署而少寬乎。似應一例。並造庶幾委署知微。而鎖管之圖。少隙矣。以上五款。未知有當與否。如果臣言不謬。伏乞敕下部院議覆施行。

順治十五年九月

日題奉

旨該部院議奏

法雖有八。而不法者。視八法。几無一法。疏於三年以內。八法之中。細加考究。或脩其已然者。毋令忽為虛文。或增所未有者。務期見諸實事。此與尋常別釐外別。是一番振綱肅紀。

誠正齋文集

卷四

三

極大經濟

掌河南道事湖廣道監察御史臣上官鉉謹  
題爲利病關係民生條議業奉 俞旨請定期限  
以收敷奏之實效事竊惟天下之治忽在于民生  
休戚而與百姓最相親者莫若有司今者 計吏  
大典三年舉行課吏治也。寔所以安民生也。我  
皇上惓惓求治民依在念 特允憲臣之議。凡地  
方民情利弊有司官察其大有關於 國計民生  
者開送藩臬藩臬酌其實可施行者奏 聞不得  
濶行條陳奉有 俞旨遵行在案臣愚竊有說焉  
天下之官果能平日留心民瘼視一夫之向隅不

誠正齋文集

卷四

三

膏痼瘵之在已則其早作夜思求所以輾轉控額  
而登斯民於衽席者必匪朝夕矣况逢 睿詔求  
言之時正葑菲是采之日敢不益竭芻蕘以佐  
盛明自非然者營營於剥民肥已阿諛取容之計  
其於百姓之疾苦漠不相關雖有虛言不過苟且  
塞責已耳揆之民生曾何裨益今朝 觀各官既  
限十二月二十五日到京臣請諸臣條議俱限二  
十五日以前次第入 告 敕下部院嚴加察核  
其條陳之攸當與否卽可以觀諸臣任事之心庶  
幾古者敷奏以言之遺意也如待 計典已畢之

後而始爲條陳萬一有濫竿上考之人而全無條  
議與條議無當者不幾與 大典相背乎臣愚未  
敢擅便伏乞 睿鑒施行  
順治十五年十一月 日題奉  
旨該部院知道

平日無愛民之心隔膜而談究與病疥何關  
責令先期入告以便嚴加稽核庶不負 聖  
天子求言至意

誠正齋文集

卷四

三

掌河南道事監察御史臣董夢熊等謹

奏為 大計關係吏治造報難容疎忽謹循例摘

未仰祈 睿鑒事切照 國家計吏之典三年一

舉俾賢者奮志功名而不肖者慎畏 功令百官

肅然在此一時故責撫按以開報復責部院以稽

覈在事諸臣敢不矢公矢慎以仰體 皇上澄清

吏治之盛心臣等恪遵 新例業于開印次日封

門閱冊公同滿漢諸臣詳為披較今冊已閱畢議

于本月初十日照依舊例同科臣赴部會單互為

添訂臣等再察計冊差錯例有摘叅但往特摘叅

誠正齋文集 卷四 三

係在會單之後臣等以為冊既閱完何敢遲緩倘

會單之時再有參差另行奏 聞謹將見在查明

諸款先行入 告仰祈 睿鑒一 大計鉅典嚴

彰瘡以勵群工首重方面次及有司臣等查得山

東一省方面之中止効降調知府丘正策並未叅

見任陞任司道知府一員巡撫耿煥巡按繆正心

難免徇庇之咎其當摘叅者一也一 大計賢否

原以撫按為據臣等查得江南按察使盧慎言按

臣衛貞元雖叅冊內一字未開而撫臣張中元蔣

國柱亢得時等冊詞極溢美朦混之咎其何能辭

其當摘叅者二也一 計大新例五花兼註府考

部院覆科臣王益朋之議已奉有 俞旨欽遵在

案臣等查得湖廣巡撫張長庚巡按李贊元鄖陽

巡撫張尚偏沅巡撫袁廓宇廣東巡撫李棲鳳巡

按趙之麟廣西巡撫于時躍巡按田昇龍延綏巡

撫周召南甘肅巡按金鼎四川巡撫高民瞻巡按

陳洪柱五花冊中并不開列知府考語 新例頒

行已以諸臣豈不聞知疎忽之愆難免其當摘叅

者三也一 大計新例委署另為一冊部院覆臺

臣上官欽之議已奉有 俞旨欽遵在案臣等查

誠正齋文集 卷四 三

得委署各官惟有直隸保定河南陝西寧夏延綏

甘肅巡按等處其餘諸省全不開造祇云委署之

官俱係部選無憑開造既已奉有 明旨輒敢藐

視不遵其當摘叅者四也一 計典賢否首戒互

異撫按諸臣自宜敬慎從事臣等查得徽寧道孫

登第鼎江巡撫蔣國柱江寧巡撫衛貞元俱以不

謹露章而巡撫御史于嗣登冊開品格端凝操履

清慎江西廣信府知府張始青江西巡撫張朝璘

巡按許世昌俱以不及露章而巡撫御史于嗣登

冊開恪守章程事無叢勝同此二官而開造賢否

參差若是其當摘叅者五也以上五款關係計  
典臣等據實摘叅如果所旨不謬伏祈 敕下部  
院察議施行

順治十六年正月初十日題奉

旨該部院議奏

察小吏非難察大吏爲難察察大吏者更難  
摘款中從撫按冊註司道求疵索癥几於吹  
毛洗垢不憚嚴密此綱常張而紀自就理大  
既法而小者自廉之道也

誠正齋文集

卷四

卑

辭酌審  
吏通極易  
膠橋刻舟  
者河爲

掌河南道事湖廣道監察御史臣上官鉉謹  
奏爲銓司缺員甚多行取奉 旨已久統祈 敕  
部速行以勵新猷事考稽唐虞之世建官惟百至  
成周而大備士無兼官官無廢事是以號爲至治  
夫兵農禮樂事有專司均爲 朝廷分猷宣理之  
臣未嘗不重而銓曹職司用人關係尤大該部不  
能一日無事則該司不可一日無官今吏部四司  
止有司官伍人見在選司候察封司代爲署理其  
實止有四人已耳該部司官分省考取共額十三  
員今除五員外尚懸缺八員銓曹何地而乏員若  
此庶事之叢脞痛處其不免也案近例每遇缺出  
先於推知之中察其俸薦合例請 旨行取但遠  
近地方不同近者半年遠者十月然後可到推知  
到日續取主事中行又以一省不便遠考彼此延  
捱又經數月總之成例具在部臣遵循而不敢變  
故至此臣請自今以後推知業有臺省之例何必  
銓曹也銓部取之京官何必推知也庶常改授單  
改臺省臣請改授之時遇有該省銓部缺員者先  
行推補均之清華之臣何必分臺省與銓曹也止  
一斟酌變通之間而亮工熙載之歌起矣其見在

解部易解  
所得不可  
解部易解

缺員更須作速刻期考授毋致任意延緩俾一缺有數年不補之官而銓署有落落晨星之嘆斯可也再察前二月內奉有上諭爾部仍照例行取應考推官知縣來京朕親加考選欽此吏部行咨各部稽查錢糧迄今三月有餘各部回咨參差不齊夫錢糧完欠分數各部自有底冊曷難今日咨到而明日咨回乃就延遲回直至三月之久殊不可解也見今吏部覆科臣金漢鼎慎行取之選一疏內稱嗣後行取各官臣部查照見在俸冊無錢糧未完參罰者即准行取不必又咨四部若臨

誠正齋文集

卷四

聖

時有各部參罰者於科抄到部之日即行停取奉旨是依議行欽此臣請吏部自今為始祇遵明旨無論部咨詳察俸薦合式各官與俸冊中凡無錢糧未完參罰者行取來京庶幾朝廷收得人之效而蹇諤之風可期也區區末議不識有當與否如果臣言不謬統祈皇上睿鑒敕下該部速議施行

順治十六年五月十六日奉

旨吏部議奏

銓曹臺省俱係樞路要津凡遵循成例就延

時日其中皆有不可解處疏於不可解處明目張膽及之蹇諤之風拂皂藥簡白而來

誠正齋文集

卷四

聖

引加多民  
不加多民  
則語忘味  
之民強之  
雖引食鹽  
勝於如茶

掌河南道事湖廣道監察御史臣上官鉉謹  
奏為酌議行鹽之法以裕國課以甦民累事竊  
惟謹正鹽筴理財之要務計口食鹽轉運之良謀  
我皇上定鼎以來軫念民依一切地丁錢糧悉  
照萬曆年間則例各運司鹽引課銀以照舊例征  
解迨至順治十三年間戶部條議生財又令各運  
司增行鹽引並增鹽課在部臣之意方謂生齒漸  
繁加引加課不致大累吾民耳乃年來商民交病  
在在告困不苦於加課而專苦於加引及此時而  
不求疏通之法其可乎臣請以河東言之舊額鹽

誠正齋文集

卷四

四

引各州縣雖有定數率皆招商行鹽辦課銷引即  
可以完有司之考成而不至以戶口病民在百姓  
量力食鹽不過貿易之常而辦課銷引之事未嘗  
過而問焉商民兩便誠至計也自加引之議行各  
州縣舊額行引一萬者加至一萬三四千不等在  
州縣食鹽百姓止有此數鹹味不能多食商人苦  
於轉運由是有司考成日逼泰罰不免不得不強  
民銷引圖為日前補苴之計上下相蒙非計之得  
也前見戶部題覆長蘆鹽臣祖永杰一疏內稱臣  
部因兵餉不足於十三年條議加給引目徵課奉

奏稿重  
改已全  
具呈  
教習

有俞旨遵行在案今該御史疏稱加課而不加  
引商民兩便應如所議奉旨依議欽此臣謂方  
今軍需孔亟司農仰屋匪敢曰新加課銀可以少  
減但河東長蘆民困相同商情不異請將河東新  
引比照長蘆新例盡行裁去止將新引課銀三萬  
二千兩加之舊引之中庶幾商不苦於轉運民不  
困於派引且有司便於考成國課克以早完一  
舉而數善備何憚而不為此事關利弊有聞必  
告如果臣言可採伏乞皇上睿鑒敕下該部  
詳加議覆施行

誠正齋文集

卷四

聖

順治十六年五月十二日奉

旨戶部議奏

援例顧恩雖從桑梓起見然以局外之身誰  
肯萬目時艱迫切控陳若此視當事蟬結置  
商困民苦於罔恤者奚啻星漢之與丘壤



掌河南道事湖廣道監察御史臣上官鉉等謹

奏爲合抒愚忱恭留 睿駕事日者臣等欽承

上諭云車駕南臨巡幸江南浙江等處親覽形勢

鎮安民心而且內出帑金簡約扈從大哉 王仁

軫念蒼生不憚跋涉之遠而志切海宇之安臣等

謂 鑾蹕一至東南半壁百姓疾苦有司艱難從

此盡在 睿照洞鑒之中特見省耕省斂之典安

在不可比觀先王誠今日盛事千載罕觀者也但

臣等區區愚忱尚有鯁鯁通慮者不得不陳於

君父之前請得而言之臣等仰見 皇上仁孝性

誠正齋文集 卷四 聖

成遠紹舜武晨昏定省未嘗一刻離 皇太后左

右今 法駕遠出往返動經數月伏思 皇太后

慈仁諒 皇上經國子民之心不欲中止而數千

里河山迢遞其情恐有不容已於中者况 京師

爲天下根本居所星拱之義孔子業已言之且南

方水土異宜風氣殊尚我 皇上一身爲 天地

祖宗之托宗廟社稷之主關係匪輕伏願 皇上

暫留 睿駕以慰輿望臣等幸甚天下幸甚

順治十六年八月初二日具題

以臣子挽留 聖駕如踰虎尾如撓龍鱗若

止知一味沽直效昔人首碎丹墀頭軻乘輿  
故事觸天威可也不能格君心奈何唯從晨  
昏定省上輕挑微撥已足令至性感動天顏  
開霽而根本不宜劾擢水土難以珍捍詞愈  
和緩意愈懇切一語不敢絮煩而字二具有  
回天力量

誠正齋文集 卷四

聖

此小須要  
理是兼管  
長則足帶  
此則則足  
推及

掌河南道事湖廣道監察御史臣上官欽謹  
奏為操漕職掌攸分撫事難以兼任再請裁提督  
之名專總督之責以正名分以一事權以鞏封疆  
事竊惟我皇上授文奮武近悅遠來十有七年  
車書萬里一統之盛古未有也方今春和布令東  
作伊始軫念四海黎庶昭告天地祖宗雖  
二帝咨儆之虛懷無逸無虞之盛心曷以加此臣  
備官言職受恩深重當君父焦勞之日而苟  
非莫效其敢即安不揣狂愚謬效芻蕘請得而陳  
之臣於順治八年曾蒙皇上差往江寧是江南

誠正齋文集

卷四

吳

臣昔日巡歷之地也先是江南省城設有總督一  
員安徽等府設有巡撫一員廬鳳等府設有巡撫  
一員蘇松等府設有巡撫一員而漕運總督兼轄  
七省專理漕政操江提督往來江干一切巡緝諸  
事悉皆操臣之責也嗣後江洋寧謐四方無虞操  
江一官安坐金陵之間見其高枕而無事也隨將  
安徽巡撫歸併操江是因操江之間而帶理撫事  
非曰巡撫之可裁也因之而廬鳳巡撫亦併而歸  
之漕督矣此江南諸臣兼併之始末也臣思天下  
事有宜守經者有宜達權者常變不拘經權互用

自前不暇  
至後無人

誠正齋文集

卷四

吳

惟在乎審時度勢權其事之輕重緩急而為之斯  
可耳在前廷議諸臣因見地方晏然裁官省費寬  
恤民力豈曰無補但謀天下之事者不可以計旦  
夕圖百世之安者不可以徂目前今海逆初遁防  
患宜周臣請上江江安八府專設巡撫一員下江  
蘇松六府專設巡撫一員一切刑名錢糧官評防  
禦諸事令其畫疆而治各為鞏固巖疆之計若夫  
漕督一官漕政乃其專責拮据料理殫心飛輓而  
撫事可無預焉操江駐劄鎮瓜操練水師修船戰  
船以為進剿之計而不必分營安撫舍已芸人臣  
謂操漕職掌攸分撫事難以兼理者蓋謂此也至  
於總督駐劄江寧兼制兩省專理兵馬錢糧而不  
司刑名細故凡巡撫以下悉聽節制其任可謂大  
矣其責可謂重矣乃臣巡歷江寧時見漕操二臣  
因係帶攝撫事總督雖有節制巡撫之往例已不  
可得而行之不特此也即提督一官且與總督抗  
衡列疏入奏皇上之所知也即如客歲海逆狂  
逞而松江提督擁兵不前非又其已事乎臣辦事  
衙門見兵部畫知會推松江提督切思在省既有  
滿漢提督擁領重兵彈壓全省矣吳松要害逼近

名之為害  
至此

表名則安  
分領心不  
然則過矣  
袖手旁觀  
孰能何去  
切實

浙省固不可無大將以居之。誠設總兵一員。遴選  
能將。堵剿防禦。而提督名色。可以不用。恐其銜大  
大。後來之官。徒爭體統虛名。而尾大不掉。曷若總  
兵之與督臣。各分風定。安心帖服。而聽其節制之  
爲得乎。臣謂請裁提督之名。以專總督之責者。蓋  
謂此也。抑職更有請者。往見直省督撫。條奏地方  
事宜。部議之日。多不准從。在台省諸臣。引據經典。  
揆度時政。未便懸議。猶可言也。督撫身在地方。凡  
有關係兵餉者。自非耳目真切。不敢輕言。在部臣  
不過慎重之意。而外臣臂指之效。自此其不靈已。

誠正齋文集

卷四

五

況江南今日總督操江。巡撫諸臣。與昔時不同。果  
其足備剿禦。曷敢責陳。萬一尚有急需兵餉之時。  
不敢曰求如經略輔臣。內部不得掣肘。但請。敕  
下戶兵。俯從所請。或可展布手足。而得以運籌疆  
場之間也。臣一介書生。不諳大計。因其巡歷舊地。  
聞見所及。不甘緘默。如果臣言不謬。伏乞。皇上  
睿鑒。敕下該部議覆。庶幾東南半壁。其有攸賴  
矣。緣係條奏事宜。字稍溢格。統乞。鑒宥施行。  
順治十七年正月二十四日具題奉  
旨該部議奏

舍已芸人無益而有害。况督撫重任。乎分別  
職掌。各有尙責。而其難兼撫事也。確乎不可  
移易。提鎮異名而同實。爭虛名。則債實事。裁  
其名其實固在也。天子雖明見萬里而審  
時度勢。守經達權。能勿嘆賈生至言。

誠正齋文集

卷四

五

掌河南道事湖廣道監察御史臣上官鉉謹

奏爲刑名關切民生司寇懸缺日久請乞速賜

簡任以觀刑清之效事竊惟生殺予奪天子之權

然爵祿功名原以鼓舞天下之豪杰而予奪所及

誰不凜功令以愛榮名至於刑者聖人蓋不得

已而用之者也易曰先王以明罰勅法又曰君子

以明慎用刑而不留獄明乎刑罰爲國家之大

典而輕重出入之間關係人之身家性命是以司

刑名之責者過寬則姑息而養奸過嚴則無辜而

波累法不可枉亦不可縱庶幾天下之平也苟非

誠正齋文集

卷四

五

其人烏能勝任而愉快乎我皇上如天好生思

被薄海唯恐一夫向隅塵懷猶病近者捧讀上

諭特遣科臣清理刑部積案大哉皇仁直與禹

仁泣車湯慈解網千載同符將見史冊書之以爲

美譚因思司寇一席實乃刑官之長今滿洲刑部

尚書業已懸缺數月未見有人請乞皇上俯念

刑名重大關切民生速簡賢能以振新猷庶幾

刑清民服而至治可觀矣

順治十七年正月二十四日具題奉

旨已有諭旨了該部知道

庚子正月二十日鉉五鼓啓奏疏甫入卽經

御覽是日恭遇

聖駕釋奠先師回朝隨諭吏部刑名重大關係

民生命左都御史能吐調刑部尚書欽此司

寇受命飲水定大案清積獄凜凜法曹吏靜

若仙其明決擔當淙得古大臣體鉉因是心

服

先帝知人善任司寇公忠體國恭紀往事以昭一

代盛美

刑者聖人不得已而用則用一祥刑司寇亦

誠正齋文集

卷四

五

須有其難其慎如不得已心腸然後可以得

忠信之長慈惠之師寬嚴相濟枉縱無失已

爲當宁畫一廷尉平矣

昔也則暗  
非暗也  
不得不暗

朕向風猶

誠正齋文集

卷四

五

掌河南道事湖廣道監察御史臣上官鉉謹  
奏爲圖治在於擔當任事貴乎實心請華積習以  
收明作之益事臣聞先王之訓曰卿大夫朝考其  
職書講其庶政夕序其業夜庀其家事而後即安  
誠萬世之臣範也抑孔子有曰臣事君以忠又曰  
事君敬其事而後其食明乎敬事爲忠君之實而  
居官要箴亦唯曰清慎勤三者而已而臣謂三者  
非敬不可合而論之可得自靖自獻之道而臣子  
其知所以自處矣臣仰見我皇上勵精圖治宵  
旰不遑大小臣工敢不夙夜寅亮以報君父顧  
有封非未議不得不上瀆宸聽者如六部議覆  
事宜我皇上慮其積案之久懸也立爲限期以  
程之一衙門議者限定二十日兩衙門會議者限  
定一個月以爲可使案無留牘矣其中有不能速  
完者許其寬限亦無非曲體下情耳乃寬限之後  
而沉閣數月一任司官之悠忽與奸胥之舞文竟  
無究結之期臣請自今以往寬限之時卽當自立  
程限除去齋戒約略時日刻期完結庶乎其可也  
况該部凡行督撫按之事莫不皆有定限乃在他  
人則督之在已則寬之是豈情理之平哉此其一

老范

一請再議  
何不俾煩  
豈是有待  
而然

具呈丁寅  
其長務應

具呈保陳  
一封見

誠正齋文集

卷四

五

又如錢糧一事各官恭罰其處分固係吏部職掌  
而掛欠分數則在戶禮兵工臣見吏部覆戶部酌  
定考成一疏內云戶部疏稱遵奉 上諭議定考  
成則例併未有道官應否處分聽吏部查議先行  
請 旨矣嗣後又云遵奉 上諭會同各部會議  
定例將道官併未開議處亦未開免議其確查錢  
糧分數臣部職掌且處分事隸吏部職掌應否處  
分仍 勅吏部查議又行請 旨矣我皇上上  
日萬幾而部臣於此一事今日請 旨明日請  
旨紛紛啓奏不肯仰體 睿慮豈臣子敬事忠君  
之義乎臣請自今以後凡錢糧等項既在四部所  
有未完各官應降級若干罰俸若干逐一分別明  
白吏部據實題覆四部不得但云應否處分仍聽  
吏部酌議是則居敬行簡之道而天下事可以不  
勞而理也此其一又如行查一事凡事之不可懸  
議者不得不轉行督撫按臣查明回覆及其回覆  
之日如其可行不難斷然而行之果其難行曷煩  
再計而已之乃因循兩可游移無定已經查覆矣  
而再查不已今日行查明日行查簡外生枝稽延  
時日推其心不過以爲打點未工有待而行而不

知事務之叢勝自此多端也。人臣忠君之誼不應如是。此其一。以上三款均係時政之急。敢乞皇  
上睿鑒。天語嚴飭在事諸臣力圖新效。毋循積習。庶幾明作之益。再收今日矣。

順治十七年正月二十四日具題奉

旨該部議奏

清慎勤忠君敬事之本。而清居其首。蓋清則能慎。能勤。不勤不慎。皆由不清。如一事而積案至數月請。旨至再三。各部中彼此耽延。摠為打點。未工誅心之論。且持法善鏡。照見

誠正齋文集

卷四

五

臍腑矣。此從讀書考道以來。實有得於中。君敬事之義。故敢實心担当。抗言不諱。如此

掌河南道事湖廣道監察御史臣上官鉉謹

奏為蘇松控制東南總河關係漕艘請。敕二臣星馳至任。以礪新礪事切惟。朝廷以封疆土地責之督撫之一身。其任綦重。况吳門之地。濱處海隅。邇來。天威遐指。海氛宵遯。然綢繆桑土之計。曷可一日不諱。乃舊撫臣謝事之後。業經數月。節鉞重臣。自非特奉。俞旨。從無委官代庖之理。臣念軍旅大政。錢糧大事。一切刑名。欽件。文武官評。既已久懸。若此。近蒙。皇上欽點理卿朱國治。惠撫蘇松。在國治竭蹶捐糜以報。國恩。此其時

誠正齋文集

卷四

五

也。又總河臣朱之錫。奉有准假之。旨。見奉。新綸。着令吏部侍郎楊茂勲署理。臣思。今已正月終旬矣。當河開凍解之日。正漕船開幫之時。沿河一帶。文武各官。悉係河臣統轄。而嚴飭隄防。坐睹安瀾。悍數百萬漕艘。飛輓而達。天庾者。河臣與有責焉。夫二臣既承。寵命。自當旦夕就道。况嚴禁私宴。豈敢久居京師。但領。勅辭。朝不無需時。伏乞。敕令二臣星馳入境。極力整頓。以觀新礪。庶幾地方得人而不虛今日。特簡至意矣。

順治十七年正月二十四日具題奉

百該部知道

爲新任促裝疏稿中嘗見之惟就任大責重處發抒一段刻不容緩事務令當事者畏此簡書不迫啓處故非勸駕習套

誠正齋文集

卷四

天

揮淚而出

臣等

掌河南道事湖廣道監察御史臣上官鉉謹

奏爲兵餉關係最重。支放務期有法。敬陳一得仰乞採擇以清月濫。以鼓士氣事。從古治天下者。莫不曰足食足兵二者。蓋經國之大政也。乃司兵者恒不使其司餉。司餉者恒不使其司兵。誠有深意存乎其間矣。今我皇上不惜百萬金錢。以養天下之兵。良古者有備無患。安不忘危之志也。在清洲兵將起。桓桓克敵制勝。公候于城之選夫。何待言。獨是綠旗兵馬往往有名無實。不無兵單餉弱之慮。若此者何也。計督撫鎮標以及副泰遊

誠正齋文集

卷四

天

守諸兵。每營馬步若干。每月銀米若干。莫不按月開支。取給於司餉之官。及至餉銀到日。月各頂替。將無爲有。借端侵扣者。先自主將。始次之。而中軍有常例。長隨有舊規。降及管隊諸項。莫不染指。計此區區月餉。所得幾何。而剝孤軍之脂膏。不滿食弁之糲粝。毋惑乎強將之令。不能以制。枵腹之衆也。如是而望其紀律嚴明。其可得乎。况我國家德威遐敷。疆宇日拓。守土之兵益衆。需餉之數實多。臣仰見皇上體恤軍士。軫念勞苦。憫黔滇戍卒之窮。特頒內帑。遠賑饑軍。詔書至日。軍中

感泣以爲。朝廷扶續投膠至意。不遺萬里之外。者如此其切。乃聞外諸臣曾不仰體宸慮。而乾沒月濫。視爲固有。及此時而不爲稽覈之法。耗盡其安窮乎。臣請自今以往。凡司兵之官。專令司兵而餉不與焉。每省營標各兵。許同城兵道。每月帶領餉銀。親至公所。會同該將。逐兵分給。不許將全營軍餉。總付主將之手。雖有債帥漁獵無由。不得不日事訓練。以壯軍實。如兵不足額。咎在該將。道不申報。治以扶同。將見士馬有飽騰之樂。而將軍有節制之威。庶幾細柳之師。再觀今日矣。臣從兵

誠正齋文集

卷四

本

餉起見。謬陳管窺伏乞 睿鑒採擇 敕下該部再加議覆施行

順治十七年正月二十七日具題奉

旨該部議奏

主帥不尅兵餉。擁虎帳懸大纛。有何受用。今者聞以外人人視爲金穴。帷幄運籌。此爲第一勝筭。大將軍居然富家翁耳。乾沒月濫。疏中且欲攻其痼疾。塞其弊孔。使呼庚呼癸者。聞之勝於投膠挾纊多矣。

掌河南道事湖廣道監察御史臣上官鉅謹

奏爲臺臣職司言責。鹽茶不宜緘默伏祈 睿鑒以開忠諫之路。事竊惟 國家設立言官。原以寄耳目之任。使之糾彈邪惡。摘發奸弊。以廣 朝廷明目達聰之意。職任綦重。匪徒曰備官已也。又曷嘗有在內當言在差。不言之說哉。乃八年以前。在廷諸臣。偶立存鹽言。蓋在茶言。茶之議。凡地方之利弊。百姓之疾苦。專責諸巡按御史。而鹽茶倉學諸差。不得過而問焉。夫臺臣原係風紀之官。當正色立朝之日。尚且期其明目張膽。不畏強禦。而破

誠正齋文集

卷四

本

柱埋輪之盛事。後世循襲其丰采。不知何以一奉簡命。而驅車就道。輒曰在鹽言。蓋在茶言。茶矜矜然。緘口結舌。甘蹈寒蟬之議。而天下事遂不敢出一言。以相及也。是以端謨獻納之職。而僅同諸權稅之司官。不幾負 朝廷簡任言臣至意乎。臣請自今已往。地方利病。百姓安危。一切釐奸剔弊之事。雖以巡按爲政。而鹽茶倉臣。應歷所至。耳目果具。聞見不爽。許其有聞必告。且言無諱。卽督撫按鎮之得失。皆得而指陳之。庶幾循名責實。而寒謬風高。將見 朝廷收忠諫之益。而遐方無不照



之隱矣。如果臣言不謬，伏乞皇上睿鑒。敕下  
部院議覆施行。

順治十七年正月二十七日具題奉

旨該部院議奏

言官但責其不敢言，何嘗限以不當言？若有  
言，有不言，則倏而鳴鳳者，倏而寒蟬矣。半載  
中安得有躉章百八耶？故必使其無時不言，  
無地不言，無人不言，臺閣風生，庶為繡斧中  
揚眉吐氣。

誠正齋文集

卷中

李

掌河南道事湖廣道監察御史臣上官登謹

奏為京師為首善之地，奸宄多不逞之徒，請嚴

五城以肅輦轍事。臣聞宋臣歐陽脩有言曰：信

義行於君子，而刑罰加於小人，誠萬世不易之定

論也。况京師王畿之地，所貴彰善罰惡，使君子

勇於為善，而小人不取為非，於以正人心而厚風

俗，斯為上治。今我皇上至誠待物，恩信素孚於

天下，而不惜峻法懲奸，以示除惡安良之志，往者

如李東湖、潘文學等，荷蒙乾斷，舉國歡呼，豈意

滋蔓難圖，狼莠易生，邇來奸宄之徒，率多騙詐良

民，毆辱選官，甚至代人刎頸，公行無忌，種種不法

卷四

三

深可駭異。顧其所以致此之由，其弊有二：何者？蓋

五城御史無拏訪之例，與究提之條是也。凡且省

巡按御史，但有真正惡人，或由院臣親訪，或據道

府開送，皆得訪實拏究，盡法創懲，是以訪一人而

千萬人知懼，處一人而千萬人稱快，乃為憲典。若

夫五城則不然，其所問理者，止於閭閻細故，商賈

交易，清察僧道水戶已耳，稍有關係，即為叅送刑

部。在該部事務殷繁，既不能旦夕問詰，在巡城事

權弱小，又不敢違例問理，由是刁風日長，蠶張成

根株源流  
搜發無遺

是何等地  
友何等

難覓而非工  
非商不務生業

直尾却頓  
所起何事

成假於危  
若虛皆有  
亦山之勢  
今同歸漢  
洗髮而客

習土著豪惡既同猛虎負隅莫之敢撓而遠方窮  
兇極惡之輩或盜賊事犯歇案招提為州縣之急  
捕或衙蠹作奸罪惡貫盈為鄉曲之不容盡皆負  
罪脫逃竄入都門如之猶借京華為躲雨繼之竟  
視長安為壘斷交結土棍串通衙役匪貨綠線索  
代人打點即捏寫狀揭嚇詐官民盤踞日久根深  
難覓而非工非商不務生業一任其聚馬翻翻昂  
昂於長安道上以與公卿大夫齊驅並駕又枕相  
籍也卒未有操三尺而繩之者幾幾乎唯所欲為  
而莫可如何矣竊思 朝廷特命御史巡視五城

誠正齋文集

卷四

南

原為風紀執法之官何奸不釐何弊不剔况今日  
之巡城即他日之巡方胡為在外則山岳震撼而  
法在必行在內則畏首畏尾而事多却顧且都門  
何地 功令森嚴如此愍不畏罪之徒蔑視王  
章當加在外一等而獨為法紀不及似匪所以風  
示四方也臣請巡城御史宜照直省巡按御史之  
例凡該城地方但有前項惡棍責令掌印司官每  
季據實密報該城御史會同滿漢從公斷理除應  
自行發落者照常發落所有情罪重大先行 題  
參成招定罪照依外省巡按究擬覆奏之例具疏

題覆恭候 俞旨分別 勅下刑部並三法司再  
加核擬此一時之創舉而天下之快事也庶幾魁  
魁魁無所容於 充舜之世而 輦轂之地式  
親肅清之治矣臣志切懲奸不避怨尤冒昧上陳  
仰乞 睿鑒 敕下部院詳察議覆施行  
順治十七年二月初四日具題奉  
旨該部議奏

時司寇能公正在秋曹一見此疏亟為擊節  
據疏題覆應如台臣所請奉  
旨依議欽此煌煌

誠正齋文集

卷四

奎

俞旨炳如日星無何各城差驍狗却顧竟不敢見  
諸施行以致  
令甲空懸深可浩嘆  
輦轂之地藏垢納污已非一朝五城特遣御  
史蓋為懲戢奸宄而設若止小節細故則  
兵馬司諸員已足不几架屋疊床乎况嚴嚴  
雄峻之官方且叩龍墀糾主愚不難使責成  
泥樓何物蚌辛蠶尾之輩輒敢蜩集鴟張於  
長安道上耶惟是恭送刑部一節巡城由是  
掣肘群奸遂以漏網耳且以究擬歸巡城不

惟狐狸潛踪抑令豺狼屏跡數百年來未見此拔本塞源之論

絕上招旨  
失出猶可  
意大入  
不可處

掌河南道事湖廣道監察御史臣上官鉉謹  
奏為請嚴親審之條以清積案以杜夙弊事竊惟  
王者之治天下也所與分猷共理者在內則有部  
院大臣在外則有督撫按臣所貴各盡其職以襄  
昇平斯已耳今我皇上志切又安求治因勸不  
以歸咎臣工而反躬循省孜孜然敬天勤民有  
加無已且赦過宥罪毅然與天下更始卽此一  
念已足以紹麻上帝而沛澤蒼生矣百爾臣庶  
跼跼何極敬為披瀝上籲宸聰如直省撫按凡  
奉有究擬之旨者唯據司道呈詳卽與會覆問  
有慎重其事者不過再行批駁而成招定罪終不  
能出問官之手嗟乎刑名何等關係人命何等重  
大乃撫按二臣未曾一覩犯証之面而止憑司道  
依樣葫蘆不曰覆覈無異則曰覆勘相同輒出看  
語以定爰書而輕易若此先王敬獄之義謂何語  
曰事由下生權不在上積弊相沿良可浩歎也我  
皇上離照當空理幽雪滯無遠弗届無微不徹豈  
可令其因循積習而莫之改圖乎臣請自今以後  
凡撫按奉到欽件批發司道詳加鞫訊呈詳之  
日連人僉解該撫按再加親審如親審口供與司

聖賢遺教  
要書中此  
約案

獄之遺  
好生之心

詳相符依律成招選行題覆倘口供不對司詳參  
差撫按親行改正即治司道以在縱之罪使其何  
辭自非然者舍近求遠不為操刀自割之謀而一  
駁再駁至於稽遲時日違誤限期然後卸過司道  
以為承問者之咎紛紛覆奏聚越天聽人臣急  
公之誼所不宜出也伏乞 敕下該部詳察一切  
積案凡有過期一年而未經報完者速催撫按親  
審具奏不得以司詳未至犯証不齊為辭致令罪  
大惡極之徒展轉免脫而負屈含冤之人反罹雉  
網於以戢奸暴而全善良是今日之第一急務也

議正齋文集

卷四

太

區區一得之愚不識有當與否伏乞 敕下該部  
議覆施行

順治十七年二月初四日具題奉

旨該部議奏

忠信明決自古難得其人問官即無不明保  
無不公三年早六月霜非舞文弄法則偏聽  
過信所致親審之條既嚴初鞠已加敬慎再  
訊必無枉縱縱其中未必皆可矜疑而持此  
好生一念免爰雉罹者鮮矣天下無冤民後  
世必有興者此理非獨人所共信抑亦可以

議正齋文集

卷四

充

問王者承天育民五材並用歸修土穀八政農  
用愛寶稼穡成周之治重農為本其於命官  
戒籍意唯勤已管子治國亦先富民而歸其  
效於安鄉重家然則豈有不耕之人不耕之  
地乎蓋策鼓鑄諸利足佐時急乃漢晁錯則  
云貴粟賈誼則云積貯豈虞未作盛本富衰  
歟且粟生於耕其所以裕耕資防耕累濟耕  
嘉歷代良法美意亦可述而志歟 本朝定  
鼎幽燕旋令滿洲兵丁分耕近畿之地意者  
聖慮淵深寓農於戰因而裕國便民也至於  
四海之廣因時制宜規條勸課倘亦有可補  
前代所未及者歟或曰勸農先勸吏得一循  
吏自有以康田功宣婦子可一二指其人歟  
諸士蒿目時艱其馨所知以對  
周禮九職任萬民首曰三農生九穀所云養民不  
窮之道也三代以前率由斯軌至周而益修明之  
文王早服即康功於田功夫文功在養民不謂養  
而謂田非田固無養也周頌一篇於命他官無詩  
而嗟嗟臣工於農官獨有之觀其除壇戒籍一舉  
班三途師縣正里宰司稼歲時合耦而辨種種以

源不可不

誠正齋文集

卷四

三

紀三種四種五種之數何纖悉畢周哉誠知民事所關者重貴乎上有以勸諭之也至管子剗伯視五穀之重輕而聚散之權金粟之生死而內外之其意與五材九職之旨不侔也然推其術唯取農人服田力稼使一國有耕耘之利百姓無不給之困則亦可謂本計矣皇上丕將天威期年而成帝業宜於南畝之務未遑也乃論令入衛滿兵咸勤耕戰不必規摹古制而商風之教已見於經畫之中一時議國計者謂益策不已釐修乎自墾種納米之制不行而粟死者十之五謂鼓鑄不已

充盈乎自貴粟賤金之義不明而害農者十之三何者以其舍粟而課金也漢晁錯有言珠玉金銀其為物輕微易藏在於把握可以周海內而無飢寒之患此令其下背主去鄉而勸於盜賊者也釋斯言而為今計則買生積貯之論不可不申田况經產之規不可不飭也然今者度田非益寡也洴

饑兵燹雖沃壤陸海無弗鞠為茂草也反彼荆蕪易為豐穰請即明問而覆覈之古者一夫受田八口偕作今戶口流散而任佃種者幾何任贖值者幾何任辟織者幾何則能耕之人鮮矣且民有

防

防

防

誠正齋文集

卷四

三

田疇以長子孫今終歲流徙而資牛具者幾何資籽粒者幾何資耨耨者幾何則能耕之具鮮矣不齒惟是農夫之能耕者不過百晦春耕夏耘秋穫冬藏代薪樵治官府給繇役四時之間無日休息而久且送往迎來吊死問疾養孤長幼在其中勤苦如此尚或冷風霪雨愆舊吝之期蠲蠲商羊浮穎粟之華是重可憫已爾乃淮奔淪野棄同石磔無遇而問耳至小民力謀開墾初及登獲里胥編額而徵之長吏按課而稅之芟柞未償鞭笞迫體收膏吮髓生民搖落是國積三疑而野盈三盜矣

嗟嗟乳民尚有願歌于趾者哉故欲興穀宜先廣募凡齊魯秦晉以及荆襄汝穎之間其曠土閒田任民開種無異土著而勻勻原隰者足追十千維綱之盛焉嗣是則一申給本助種之令蓋耕作寡資私相稱貸農民殊滋費累今議官給牛種子粒分配上中下三等多墾少墾聽其便焉歲登計息荒則蠲焉夫貸錢集務躬疇田帑及秋而公利倍王延管效之也所為裕耕之源者以此一申緩征新田之令凡地一年拋棄非三年沃溉不遂滋生即或確確隸隸之鄉方嗟于耕乃麥初旗而稅夏

經訓  
功勳  
後  
法

誠正齋文集

卷四

五

之。今師是意而行之。責諸管糧者。視墾多寡。序其勞績。以次陞擢焉。此一法也。閩南人來居北地。能墾田百畝者。入籍定貫。一如商籍。匠籍。竈籍。就學應試。用開功名焉。此一法也。能行此法。以視布納贖之條。中側監之令。變易國器者。度越不大遠哉。而歲可得粟數百萬。是利自下而效自上也。然則撫衆蕃民之道。容可緩乎。漢元和時。詔賜民胎養穀。諸懷妊者。人三斛。復其夫勿筭一歲。嬰兒無親屬。及有子不能養者。廩給之。是以生齒殷庶。而力稅用登。迨後土滿不理。戶口消耗。則地畝終未可

收葬无令  
尸口不道  
妻妾其利  
山阴

功更不如  
則諸法  
行果不  
功而自  
夫何如  
此持本  
源之論

耕而飢乃益甚故開農政以墾戶口尤在施叙養  
之令井疆之中有年壯堪使而婚娶鮮資者量與  
優免有孤執莫依而啼號可恤者多方字畜不遇  
數歲生聚稠衍無虞曠土矣今廟堂軫念哀鴻  
蠲租招集慮無遺術特恐奉行不力將流亡不可  
集而賦稅愈無所出故勸農之道惟勸吏爲至切  
也昔杜元凱在荊州激濁消諸泉灌原田萬餘頃  
分疆刊石公私同利衆庶賴之郭子儀在河中身  
先士卒爲耕一畝於是軍皆樂種不致告飢張全  
義守河南教民樹蔬田疇美者召田主飲食慰勞

卷四

州

之或親至其家呼老幼賜以茶線衣物雜途富庶  
此以知吏不率民而興不急之務隔無益之征欲  
天下無飄胡可得也爲之立考績之法以農事先  
後爲優劣復爲之舒以課賦假以歲月其笠伊糾  
其縛斯趙田畯至喜端在乎是繇是而稱觥獻豸  
黎民戴天子之威矣豈復有競知角力爲窺闢  
號澤之舉者哉一興農而諸善咸備則誠理財聚  
人守邦之本計也敢以佐前籌

裕源三者挈盡重農要領餘則旁搜博採酌古準今利之中猶恐有遺利法之外亦已無

遺法勸農詔固無此洞達卽理財用人策外  
此皆落第二籌矣

問關中險固四塞漢興之域界連巴蜀蜀不靖  
三秦未得安枕也邇者逆獻實逼處此藉開  
剽之聲靈傳檄可定乃向者竊發棧雲間煩  
我師旅滅此朝食宜用何畫歟行師之道先  
審形勢蜀地驚江峻壁我兵地利不習意不  
容不借利鄉導如昔時名將因敵成功亦可  
踵而行之歟然因敵必圖我所當防則疑誘  
不無其術而識者謂秦觀王元勃之言爲曲  
中機宜其說可悉究歟仁義之師如拯溺救  
焚蜀在水火簞壺望切久矣我兵一至天日

重逢在 諸王將帥應有便宜方畧而戰勝  
攻取之中或需安輯拊綏以爲善後計可一  
一指陳之歟諸士生長西陲削平三巴正自  
爲牖戶計也同仇在念其爲我賦無衣

追維往者政刑失馭陽九之禍極於中原於是  
天心厭亂運啓 皇清爲斯民戡大難致昇平焉  
故整兵入關揮戈而奠 燕京傳檄而定晉豫至  
若三秦爲寇久踞虐焰薰天愚生所目擊而身試  
者幸 兩藩悉皇義旅分路夾擊以致遊魂宵遁  
開隴之地始爲 國有向時人心風鶴惴惴於餘

逆聲以號  
傳勝

氛之竊發遇者 天戈迅逐長鯨就擒可無貽憂  
三楚矣嗟焉南顧城郭人民茫茫荆棘中者非逆  
獻之爲祟耶策逆獻者謂宜鮮謝醜類皇皇待罪  
請命 朝廷以俟寬政也乃不自悔禍率彼餘孽  
薄我漢疆并娃子陽今昔之所以同慨也賴師臣  
武士陳兵於郊一大創之而還特渠魁之頸尙未  
繫而致諸 闕下縱敵養癰豈長策乎日者 皇  
上分遣使臣招撫東南之郡至於巴蜀特 諭之  
曰另有事宜誠明見萬里外矣虎賁之師佇且旦  
晚應發 廟堂之上早得勝笑 執事復與舊食

誠正齋文集

卷四

宋

者謀之俱白面不堪參贊帷幄之籌然平蜀以宣  
秦恩生身家計也敢據一得而直據之兵法日知  
彼知已知彼所以敗則我所以勝不須龜卜數計  
而知之矣蓋逆獻聞寇作難騷動者幾二十年其  
賜張承奕往往爲類自闔而外獻爲最劇毀名城  
殲大帥明社因之以屋此其罪大惡積宜敗者一  
昔我祖受禪識者謂自此太平乃知帝王之興皆  
天命也今 皇上入主大統海宇歸心不以此時  
革面猶滋狡謀而奮螳臂不諳王命是班彪所重  
議也宜敗者二卽彼所恃者江峽爲險莫老我師

兵展大義  
緊需得能  
略聞之心  
照供裝

耳然逆豎嗜殺之性傳記所未聞蜀人欲食其肉  
人和失矣地險何爲幾見陰平劍閣足限健兵之  
入乎宜敗者三噫彼有三可敗矣我之可勝者何  
居乎剿寇者兵取兵者將 本朝開勦聲靈響  
躍馬者人有無前之氣兼之信賞必罰有進無退  
是可勝在兵威也往漢高誅暴秦唐宗定隋亂大  
業以成逆寇肆毒海內 本朝一怒安民慘慘於  
吊伐之意 皇天后土實式憑之時雨之師漢唐  
令主所不敢望者是可勝在大義也 諸王將帥  
生長軍旅出奇無窮錦江玉壘之間必有繪輿圖

誠正齋文集

卷四

七

而告險夷量江面而示遠近爲我上首功者昔武  
侯瀘水之役未嘗習至其地也安流而渡以底擒  
縱之功半皆土著之力矣是可勝在將能也以彼  
殘局當我勝著屢年連寇直遊釜之魚耳剿之易  
易而可輕議撫哉至其黨族蟻聚赦不可而誅不  
勝今籌所以解散而彌難之一日廣間謀入人之  
地不可以不知地索人之情不可以不知情故兵  
法莫要於用間今賊將或自相疑貳豈無辨才可  
從中而搆之者李光弼之於李日月李愬之於李  
祐用是術也一日重賞格宣和時懸兩鎮節餉購





誠正齋文集目錄卷五

江沅記遊

修黃鶴樓記

武昌九曲亭記

君山記

岳陽樓記

望洞庭記

臨湘孔子廟碑

屈賈雙祠序

續赤壁賦

誠正齋文集

卷五

書王元之竹樓記後

得蘇子瞻定惠院海棠詩

緩刑篇

思軒記

月食文

社義

學田碑

湘游誌

遊岳麓記

楚文崇雅序



江北文三集序

湘澤行吟

羅督師

王雪樞直指楚北

除夕寄爾遐兄

蒲園郎事次漢清韻

過蕭圻王念尼去思亭

端陽訪張伯珩

古別離

寒溪寺

誠正齋文集

卷五

九峯寺

君山

洞庭湖

喜雨

寒溪

洞賓先生讚

朝坡仙

坡仙解嘲

赤壁懷銅雀臺

庾公南樓

二喬墓

迴雁峯

九日武陵雨歸

岳陽春望

湘妃

春歸

雪樞雨中召飲晴川樓

遲中丞晉秩司馬

別偏沅金中丞

黃鶴樓詩依韻和

誠正齋文集

卷五

三

廬吟

停雲

時運

廉吏行 二首

喜雨

田家

擬古 二首

剪桐 二首

潞公臺 二首

登翔舉山 二首

深池

綿山

憶彭澤令

懷子瞻子由兄弟

元日

居第

贈別友人

老人行

把酒問月

觀書

誠正齋文集

卷五

四

舟行

讀書

春日

牡丹四首

誠正齋文集卷五

翼城上官鉉松石甫著

修黃鶴樓記

余嘗論世至一千年事中間幾治幾亂不禁慨然  
生古今之感而山川人物恒因之楚武昌昔有黃  
鶴磯自跨鶴人去後建有黃鶴樓相傳數百年其  
樓凡建而廢廢而建者三仙靈顯著名人標題前  
代之述備矣已丑之夏余至鄂渚過磯頭尋舊樓  
云火於獻寇越明年正月議為修葺以嗣前轍已  
毅然動振興之志矣繼思之而宜若有所待今日

誠正齋文集卷五

之楚軍興旁午兵飭不繼在楚君子方蒿目憂心  
夙夜旁皇而落想山水興言土木母乃騷人游士  
風雅相高而有異乎仁人之所為此所以思之而  
謂有所待也而又不敢以終待王者受命而興必  
使山川效靈雲物煥彩然後足昭一代之盛今清  
命方新百廢具興豈一樓之不克舉為觀維新之  
治乎於是謀之在楚諸君子欣然相從咸有同志  
彷彿於靈臺經始之意先是余告在事者太守王  
子司李張子曰是役也母費民財母勞民力一切  
經營母忽心目不則以振興盛典反為厲民之舉

誠正齋文集卷五

乎是重余咎也予用是懼其悉余志以從幸一時  
在事共諒此意不聞叔制之維艱而已過觀厥成  
矣嗟乎仙跡重新曾何關政治之得失聞之韓昌  
黎記滕王閣曰今修於戶庭數日之間而人自得  
於湖山千里之外是山川之致當府事修和之日  
乃悠然其有餘情今縱不及追美當年而不侈前  
人不廢後觀庶幾自我得之使在楚君子退食自  
公載酒江干臨風洋洋而文人杰士摘管落思江  
山開顏即野夫士女以游以泳亦熙熙然有化國  
舒長之樂此日之山川可知也則此日之民物可  
知也詎止風流快事哉工既訖余亦言旋時矣雖  
然余去而諸君子在也諸君子去而邦人士在也  
即此日之邦人士有時盡而後此者未有極也是  
故諸君子樂之而余樂也邦人士樂之而余又樂  
也至後此之樂未有極而無非余之樂也不然余  
居楚之日亦寡矣而豈為一人之私哉考稽舊制  
重樓百尺凌雲耀日其規模壯麗誠為江漢大觀  
而今竟約畧規畫不幾因陋就簡狹小前規今昔  
人笑我乎曰否今昔之不同而時勢之各異也昔  
之人處四方無事之日府有餘帛廩有餘粟故能

乃作此  
記  
以  
誌  
之

與山水爲徒。放情逸志。各極其致。而一時勝槩。得  
以盡情爲之。而無所靳。今何時也。爲之而不加。於  
必求如之。而中止。故寧不如而爲之。勿求如之。而  
不爲。此余所以決意爲之。而不敢終待也。使置我  
於前。我亦能如前人。置前人於後。前人不遇。如我  
而止。所樓也。千秋之名勝。而成一時之新觀矣。天  
地間。虛消息之有數。時未至。不得而爭之。時既  
至。不得而辭之。余今日者。與諸君子。適逢盈息之  
期。而江山起色。耳目忽異。使其以一日之盛舉。俾  
姓字得託此。以無窮分。榮實多。又何必較尺寸於  
誠正齋文集 卷五 三

日記

黃鶴樓。滕王閣。古今名勝。天下人皆知之。而  
余見滕閣。讀子安序。已如置身閣中矣。此樓  
廢興者。三前人豈不爲文。而卒多不傳何也。  
點綴仙蹟。非仙筆不能相副。故爲文難。而傳  
之者寡也。文不從樓上叙。摘皮往。事不從修  
字。後丹腹浮文。而始發其所以欲修之志。繼

言其所以不忍輕修之心。究及其修之而景  
運維新。民物咸熙之狀。一篇中全是烟霞飄  
緲。不似人間塵世。而使人觀之心。上皆有樓  
在目中。如見鶴舞。覺序滕閣者。典麗勝駢偶。  
亦勝而靈奇超忽。此爲過之殆境。有仙凡而  
文章因之有異也。歟

誠正齋文集

卷五

四

武昌陶侃孫權之所守也二公壯烈或有志中原

或左伯江東其在當時爲最盛城西三里有名

九曲亭者東曰寒溪西曰西山蘇子瞻遷黃黃之

山水赤壁而外無甚佳者往往乘舟而南適志茲

中子由爲之記於是亭獨以蘇子傳是歲春余來

壽昌陰雨浹旬居數日出遊郊外徑泥石滑至寒

溪而反二日雨歇遥望峯嵐溪雲飄緲依稀胸塵

數斗奕然都盡及至山下九廻十轉奔奔峻嶺核

登而上姑蓮於亭聞其亭弗蕪于有之至蕪于而

大○割○羅○列○西○山○勝○際○旁○多○樵○石○古○木○參○差○向○背○効○

於左石數百年而後至弘治間武昌視篆者新其

亭易之曰懷坡○今其亭猶在○一二恠石離離山阿○

昔所云古木千尋百圍不可加以斧斤者無之亭

之上遠眺大江○近視城郭○登臨其間○心怡神曠○樂

哉斯乎蘇子蓋先我而得之也繇亭而西是日西

山舊有寺今存不及半寺前一小石書曰洗劍池

岸下有井傳云吳王洗劍處門內金剛四尊屋宇

頽圯金像裸體日飄飄風雨中不知何季予命易

主供殿前梅花一株其萼方蕊蘇子詩步上西

山尋野梅是或遺種與未可知寺僧僅數拾種貧甚中無方丈可棲陳塌佛側殿南有泉及井出自石中余刻其石曰石眼泉後舊有松風閣今不可考僧又云山嶺有吳王試劍石余不及觀而轉比

反於亭循曲而下曲盡而息復遊寒溪寺迤回廊

登寶閣。浮圖精舍。排闥而盡。歷之。殿後墻甚短。墻

外皆山若翠屏然青松綠竹掩映短牆之西舉手

可攀其枝每遇風起松聲鍾音兩相應寺後云是

陶公讀書處。無棟無宇。半畝閒閒而已。寒溪源出。

山中離寺尚遠紆綑旋折向寺邊遇出山而注之

誠正齋文集

卷五

六

江偶來林間坐卧石上聽水聲日鳥飛悠然若有

得而未可爲不知者言余前日之來入寒溪望西

山歎淋淋者遲我西山之遊今日重來乃知前日

不獨遲我西山并遲我寒溪此間風雨晦明尤長  
萬千眼不能敘向此中遊也余因是重有感矣夫

萬千恨不能數向此中選也余固是重材願效

之○在○天○地○間○宜○其○古○今○盛○衰○之○不○相○開○而○胡○以○寒○

之○有○其○宜○其○不○外○天○之○不○在○  
溪○若○此○西○山○若○彼○豈○其○世○變○難○知○卽○山○川○亦○無○如○

之何也○余因是重有感矣○有爲之言者曰○讀好文○

字如看好山水由今以觀晉吳雄圖不可問矣山

生於元方

集 202—584

文以事主  
本以文傳  
是二是一

水風流○聽諸人矣○獨有子山一篇○文字千載傳誦○  
使後之學者○披其文○想見其事○松蔭餘輝○烟雲盈楮○  
鳴晨夕在在○如有九曲焉○嗚呼文章豈有今古哉

誠正齋文集

卷五

七

曲則惟九而文之中不啻千迴百轉若歷一曲更有一曲愈曲愈邃愈曲愈勝至於曲曲不知所之我今三復不能誌其一曲公一遊歷間何獨於曲之中曲之外曲之上下前後左右無不洞悉胸中而揮酒毫端耶前有易亭者曰懷坡後有再易者得無取蘇子與今

記蘇子者而並懷之乎在蘇子當年應不謂千百世以下文有記九曲亭如斯文者將駕蘇子而上之吾恐蘇子亦嘆積薪矣

讀此記  
山遊山脚  
讀書處  
諸人足  
食饌費人  
獨一致  
山窮水尽

詩云三至  
河漢至此  
詩門見  
山  
千里來觀  
佇而未來  
過峽方有  
佳境

君山記

嗟呼山水豈有盡乎哉孔子自十五志學至於七十孜孜矻矻終其身皆讀書之日也自今觀之書於孔子盡矣讀書如孔子至矣使孔子於七十之後豈遂廢書而忘學乎曰非然也然則孔子當時猶有未盡之書乎亦曰否理有一致而變不可勝窮以為盡則盡矣以為未盡則又曷嘗有盡時也予過洞庭者三遊君山者一其始末則在己丑七月時方新秋湖光灩冶萬頃蒼茫予歌唐人之什曰洞庭西望楚江分水盡南天不見雲繼來則秋行盡矣九月霜露既降木葉盡脫予歌唐人之什曰楓岸紛紛落葉多洞庭秋水晚來波其三則是歲之春三月也日長風暖柳色青青予歌唐人之什曰岳陽城上聞吹笛能使春心滿洞庭於是與客泛舟湖水之上徘徊君山之閒泊軒轅臺歷酒香泉步柳毅井登朗吟亭一時登臨所至覺山水滿懷反而登舟望醉樓而搖曳也舟中歎曰有是哉造物者之無盡藏也吾於湖山一至之再至之他日有相問者予必曰曾至之即有問及湖山之况者余必應以前日之事孰知其不盡於是也嗚

重以筆畫  
筆字皆解

誠齋詩公  
三友三絕

百川集  
足齋詩

呼茲足以盡湖山否曰盡之矣湖山無盡吾亦盡之以無盡可乎昔韓昌黎自藍田入商雒涉浙臨漢水升峴首以望方城出荆門下岷山過洞庭上湘水行衡山之下由柳谿嶺暖伏所家魚龍所宮極幽遐瑰詭之觀曰吾於山水飲聞而厭見矣今其意乃猶若不足蘇子由上韓魏公書曰轍之來也於山見終南嵩華之高於水見黃河之大且深於人見歐陽公而猶以為未見太尉也天下之無盡也類如斯而謂予盡之乎孟子曰孔子登東山而小魯登泰山而小天下觀於海者難為水遊

誠正齋文集

卷五

九

於聖人之門者難為言予未登泰嶽而望海若猶未及孔氏之門而言道也其不敢以湖山盡山水者蓋以此

置君山於白鶴烏石之間抵是一峯屹立惟其在洞庭湖中山光映以水色遂覺巴陵勝樂至此別是一觀觀文於三過洞庭歷時攬勝不憚縷悉然後一主君山縱橫而極目之作其山水滿懷讀之山水滿幅山水無盡文入之心有盡乎哉

岳陽樓記

天下之奇觀不可多得而士君子之足跡又不能遍歷於其間以不可多得之奇觀當不能遍歷之足跡此山水所以有知希之感也岳陽樓天下之奇觀也山奇而幻水奇而壯後之人縱勉載筆度無踰少陵詩文正記者余謂岳陽勝狀與天地同開闢乃萬千年而詩記出於以見奇觀不之而名文蓋寡昔伯牙操琴鍾子期聞之一則曰先生之志在高山再則曰先生之志在流水余謂伯牙之琴調絕千古不有子期則高山深水其誰知乎已

誠正齋文集

卷五

十

丑秋冬余兩過岳陽未遂登樓越明年三月復至巴陵春和景明雲淡風輕於焉登樓焉眺望洞庭水波映日金光百道不啻朱霞天半而水際烟雲倏濃倏淡若聚若散恍乎縱送之多致飛合之有情也其湖中兩山似斷似連一段山盡雲起之遙如觀古畫圖然少焉徘徊樓畔樽酒盤桓不覺清風徐來漁聲互亂斯時也觸目快心寵辱齊捐其觸於目者可望而知可舉而名其快於心者意得而會口不得而言此間風雨暉陰不勝其變予之來也適當湖山放色風日熙和之天雖未可自



天機之錄  
山欽其美

野風情  
卷五  
能此

命知音竊亦自惟其有緣也。倚歎休哉。獨是岳陽風景不殊而登樓有江山之異未免有情亦復誰遣。攷樓之始不詳何年今所存者乃太守戴光裕司李陶鼎所建其時紀自崇禎庚辰為時僅拾壹載縱未至飄搖而四壁不完雕欄半折層折樓空觀之凄然遂同分節公及太守司李議為脩葺與有同志捐資以治。刻期鳩工爰命遊軍董其役前乎此者冠盜充斥戎馬生郊欲求一日之優游而干戈驚心寢食不遑弗可得今湘沅漸復鴻雁方集得從諸君子遊幸矣。昔楚襄王遊蘭臺之宮宋

識正齋文集

卷五

士

王景差侍有風颯然至者王披襟當之曰快哉此風寡人所與庶人共者耶。宋玉曰此獨大王之雄風耳。庶人安得共之。余願守土之吏憂民之憂樂民之樂惟能憂者然後能樂古之人與民偕樂故能樂也不則笛陽奇觀僅同於襄王蘭臺已耳竊恐宋玉不取也是為記

天地能開闢勝境而不能開闢文人之胸岳陽與天地同闢乃萬千年而少陵詩文正記出別是一番開闢少陵文正後於今几何年而是記出又是一番開闢余不及讀前人詩

記而讀是篇中千態萬狀錯落變化氣吞雲夢詞憾岳陽但覺神越氣疑颯颯乎欲寒寒而就之何必更讀前人詩記謂此文即少陵詩文正記可也亦何必思觀岳陽樓謂此文即岳陽樓可也

識正齋文集

卷五

士

望洞庭記

已丑之秋巧夕次日余採風三湘泛舟長江中望  
巴陵十里許有磯陳陵泊舟磯下不葦不蔬脫粟  
星星以永薄暮少焉半輪新月已上疎楞間徘徊  
之而不能寐因縱目曠觀北望荆河浩浩手排倒  
雄流浹江而南望洞庭湖水蒼茫秋色濛濛蕩  
蕩平蕩其涯際唯見月流江心星羅舟外一時  
皎月疎星離落可觀幾不知舟在江上安識其身  
在舟中也江乎天乎吾惡乎知之良久入舟睡夢  
遊故園童子喜余歸來倉皇啓扉延見高堂訊及  
誠正齋文集卷五主

湘楚之事應曰無他唯洞庭一湖洋洋乎楚南大  
觀也哉夙昔夜遊星月送暉迄今猶可指之余親  
交口而曰嘻子何以能至此耶方依依膝下見庭  
前塵起幾度呼童掃之無何夜半鐘聲驚余而醒  
起視窗外江流依然星則歷歷而月已移西山矣  
嗟乎人舟中之人也胡以江干胡以江園胡以瞬  
息而千里果孰真而孰夢耶余又惡乎知之未已  
也請振衣待旦蚤過洞庭看其氣蒸雲澤波撼岳  
城以竟巴陵之勝事

洞庭好寫望字難描文則叙望之由盡望之

致極望之變至於望而憂憂而醒醒而復望  
身近洞庭心遊故園心到故園口說洞庭若  
寐若醒似幻似真月流星羅是方入夢時景  
星疎月移是夢初回時景候候分漏恰是一  
夢蕉耶鹿耶蝶與周耶幻莫幻於此具莫具  
於此矣至振衣待旦到底是望一字不實詮  
洞庭而洞庭已在望中讀其文亦如望洞庭  
目迷心眩茫無涯際惟見烟波飄渺一片空  
靈境界

誠正齋文集

卷五

古

臨湘孔子廟碑

粵自生民以來。聖人而君。聖人而相。聖人而士者。不一其人。而巍然萬古常尊者。獨宗孔子。余諸生時執事春秋。一時有司周旋。登降之節。進退趨跲之儀。與天子等。歎曰。大哉聖人之道。如此其至也。往者侍從太廟。侍從國學。因得觀所謂禮者。自孔子以至顏魯。思孟四子。天子皆北面。跪祭。誠敬無怠。十哲以下。始命侍臣分獻。禮行樂奏。規於太廟。於乎天子之貴。退而修子弟禮。區區有司云乎哉。雖然。不觀於國。不知聖人之尊。不觀於鄉。不知聖

誠正齋文集

卷五

五

人之大鄉學。蓋世道人心之綱維也。慨自兵興以後。儒生縮首山徑。學官鞠爲茂草。有司輩今日支兵。明日應馬。兼之武夫志。雅文吏折氣。敦詩說禮之儒。悔不如彎弓躍馬之子。幾何不望聖門而涕洟也。然而吾道至此。有心者憂之。岳州司理李子署篆臨湘。睹聖廟頽廢。凜乎其有餘恫。議爲脩葺。已丑秋冬間。予還自星沙。諸生求予一言。是春再遇其邑。訊之理日工幾竣。聞之而喜。廟貌新。吾道興矣。自此以後。春若秋。朔若望。有司博士率弟子群拜且祝。不獨臨之髦士。正誼明道爲國之楨。下

嗣細民孝弟力田。共明親長之分。以無卽於戾庶幾乎化行俗美。而先王雍穆之風。不難再見於今日也。於是乎書

聖道之尊。且大後人不能贊一詞。極力表揚祀典。而聖道尊且大者。自見文能証聖具體而微矣

誠正齋文集

卷五

六

屈賈變祠序

是誠心也

是誠心也

屈賈變祠序

韓昌黎道出田橫墓下感憤又高。能得土。取酒以祀。為文而弔之。其辭曰。事有曠百世而相感者。予不自知其何心。非今世之所稀。孰為使予歔歔而不可禁。嗟乎。屈子宗國不造。家鄉云亡。忠魂已逝。蘭芷誰芳。迄今讀離騷。經歌有思。而哭有懷。百世而後。猶感之。胡當日荆懷之不悟也。有是哉。賈生之弔屈曰。歷九州而相其君兮。何必懷此都也。是謂知屈之心。耶。是謂不知屈之心。耶。逮後賈生懷長策而思奮。遇文帝而太息。卒之梁王墜馬而身

誠正齋文集

卷五

七

與之殉。嗟乎。賈之與梁。與屈之與荆。異何其自苦。若此。豈其歷州相君。言出於賈而忘之耶。抑人臣心事。弗可預期。設身處地而後得之耶。余終以悲賈之傷勇也。獨是千載下。兩賢同祠。忠烈長存。已丑九月。余過星沙。瞻拜二公之側。獻歎不自禁。於是乎序。

離騷經治安策古今傳誦不輟。而以其大節論之。屈忠而過憤。賈忠而傷勇。竊嘆才人文勝而每於道理上有見不透徹處。此其理世所共曉。文故置屈一邊。不為低昂。而獨取弔

屈數語。泰勸互駁。使賈生返而自問。諒賈之遇哀賈之苦。即屈之心。無不可知。應令比肩同祠者。相向而哭。又復相視而咲。

誠正齋文集

卷五

七

蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春  
蘇子之遊在赤壁而不知也庚寅之春

續赤壁賦

昔聞王荊公菊詩曰西風昨夜過園林吹落黃  
花滿地金是詩也蘇子疑之遂以憑黃其後在黃  
五年治東坡步雪堂嘆傲歸臯之下泛觴赤壁之  
陽一葦自如萬頃可航懷曠達於今古興隨在以  
徜徉方其孤鶴夜半橫江而來也不知蘇子之爲  
鶴與鶴之爲蘇子與蘇子之爲鶴也栩栩然蘇子也  
蘇子不可得而知而況於予乎噫嘻我思之矣蘇  
子之遊在赤壁而不知也庚寅之春  
明月在赤壁之間而不盡赤壁之間我非蘇子不  
知蘇子而江山如昨安知我之不知也庚寅之春  
誠正齋文集卷五  
余族江上渡龍蟠乘扁鰲遊於赤壁尋蘇子之遺  
跡弔兩賦之宏章亭荒台蕪石斷碑亡弋奇文而  
不獲聊洒酒以旁皇須臾大守持扇遺我几前上  
寫兩賦讀之鏗然予乃揮扇鼓風倚風流連而感  
曰賦之不碑而扇也蘇子其何知焉嗣焉而煙消  
日雨嗣焉而風微雲亂登磯頭臨斷岸漁歌洋洋  
江水漫漫低此半日優游而山川雲物陰晴變換  
胡爲乎數出其態度以供我之泮渙既俯仰於登  
臨旋徘徊而三歎回首日暮彈鋏而舟於是鼓棹

蘇子之遊在赤壁而不知也庚寅之春

長嘯而歌曰白雲飄飄兮青山浮長江滾滾兮天  
際流片帆悠悠兮我何求舟發未幾風逆江鳴進  
望岸上燈燭熒熒行十里始泊岸不覺長夜已三  
更

赤壁兩賦亘古來蘇子一人蓋已前者莫爲  
之前後者莫爲之後矣而不意後有續其賦  
若斯文者非蘇子尚有留餘以俟後之續之  
也有蘇子其人則有前賦又有後賦叙如蘇  
子者其人則有前後賦斷不可無續賦殆胸  
有萬斛筆無點塵故叙事處帶有議論寫景

誠正齋文集

卷五

辛

處間以嘯歌其致悠然其韻鏗然而其接落  
轉換殊走毫下九跳紙上蓮生舌端又復自  
然而然賦成紙貴與前後賦鼎足而三懸之  
國門定當易字千金

書王元之竹樓記後

蘇子瞻曰。王元之自黃遷於蘄。卒於蘄。然世之稱元之者。必曰黃州。而黃人亦曰。吾元之也。蓋國有君子。而人咸倚之以爲重。無足併者。朱咸平二年。元之守黃。爲治竹樓二間。與月波樓相通。更作記以書其事。黃州之有竹樓。遂以元之傳。是歲正月。予過齊安。問竹樓。無有知者。曰。元之記曰。黃岡之地多竹。大者如椽。用代陶瓦。比屋皆是。今黃岡脩竹如林。而其樓之不可問。豈黃之無竹哉。無元之也。時綬寧方令。代攝黃李。予命之曰。斷碣殘碑。古

誠正齋文集

卷五

三

人之遺蹟。在是矣。片石可出。千載有知。汝其爲我求之。四月間。自巴陵還鄂。而方令來謁。云得文徵明書。竹樓記於黃之兵。厠移砌赤壁之上。予謂元之爲感。平名臣。丰標岳立。子瞻尚景懷其高風。今復置此記於臨臯。間吾思風來江上月。過磯前。二公不遯。多應自慰。而不識亦訝其緣之異否。猶恐斯石之不可久也。爰命重鐫。以永奕世。不既其寔。既其名。竹樓其有幸乎。

曠懷今古甚矣。事之可傳者。以其人人之可傳者。以其文也。不有記竹樓者。竹樓何足傳。

誠正齋文集

卷五

三

不有書記後者。竹樓記几於無傳。知元之者。蘇子其在一代中。蹟可考。風可聞。然而蘇子外無之。此其緣已異也。而猶不足訝也。知元之以及蘇子者。則有若今之書者。千百載而下。世已遠。言將湮。元之以來。蘇子而外。又無之。此其緣則甚異也。誠可訝也。而實深可幸也。嗟乎。記竹樓者。與懷竹樓記者。與書於記後者。與道既相同。心故相感。吾烏能分其古人之與今人。而何敢謂今文之非卽古文與。

得蘇子瞻定惠院海棠詩  
 余正月遊赤壁感兩賦不可得命有司勒石以備  
 故事工既訖署黃李綬寧方令報命曰工竣矣然  
 天下事有求之而不得有不求而得之者敢為大  
 人道之大人方委職刻賦事職構石命匠鑄之而  
 覓佳石不得忽傳城南有斷碑可節取者急往視  
 之乃東坡定惠院海棠詩也雖非蘇子手筆而讀  
 之皆先輩廣和諸詩洋洋灑灑風流想見古人職  
 不趨視匠石將鑿而用之矣不惟蘇子海棠詩不  
 見於世並廣和子瞻者且自今淪亡矣復得竹樓  
 所傳俱非  
 所求不得  
 自刻金石  
 快舉一時  
 並集  
 天下事類  
 此  
 余月得詩  
 右之心為  
 之

得蘇子瞻定惠院海棠詩

余正月遊赤壁感兩賦不可得命有司勒石以備  
 故事工既訖署黃李綬寧方令報命曰工竣矣然  
 天下事有求之而不得有不求而得之者敢為大  
 人道之大人方委職刻賦事職構石命匠鑄之而  
 覓佳石不得忽傳城南有斷碑可節取者急往視  
 之乃東坡定惠院海棠詩也雖非蘇子手筆而讀  
 之皆先輩廣和諸詩洋洋灑灑風流想見古人職  
 不趨視匠石將鑿而用之矣不惟蘇子海棠詩不  
 見於世並廣和子瞻者且自今淪亡矣復得竹樓

誠正齋文集

卷五

三

記於兵燹而山中人又持坡公像以示職立命勒  
 石並竹樓記海棠詩同砌赤壁間更捐貲脩亭栽  
 竹數十竿植柳數十株今亭成而瞻公之像讀公  
 之詩與賦江流有聲竹柳掩映比之春初光景不  
 覺改觀說者曰天下事莫為之前雖美弗彰莫為  
 之後雖盛弗傳如海棠詩之得也雖後之人為之  
 乎豈後人意想之所能及哉此固坡公之志也而  
 實坡公之靈為之余退而書之以志其說  
 海棠何不可得而定惠院海棠詩不易得即  
 海棠詩雖已得而得海棠詩之文不易得也

誠正齋文集

卷五

三

賦得詩且得坡公像奇因得海棠詩復得竹  
 樓記又奇借方子口頭語為作者心間事奇  
 而令人讀之若忘其為作者心間而通曉在  
 方子口頭更奇千古奇事千古奇文

緩刑篇

甚矣王者之治天下。有似乎天地也。天地有四序。然後萬物資始而資生。乃太和元氣。不在陽春。煦日之中。而在嚴霜凍雪之下。然則聖人之心。亦大可見矣。慨自風之。不古而。攝虞之吏。工於督責。煨煉周內之術。勝重刑而刑煩。是知刑之為刑。而不知刑以止刑。誰復問先王敬慎之意乎。昔天子對衛將軍文子曰。以禮齊民。譬之於御。則轡也。以刑齊民。譬之於御。則鞭也。執轡於茲。而動於彼。御之良也。無轡而用策。則馬失道矣。文子曰。以御言之。

誠正齋文集

卷五

五

左手執轡。右手運策。不亦速乎。無策而用轡。馬何俱哉。孔子曰。吾聞古之善御者。執轡如組。兩驂如舞。非策之助也。先王盛於禮。而薄於刑。故民從命。今也廢禮而尚刑。故民彌暴。嗟。嗟。立乎後代。以指古初。大聖人德盛化神。移風移俗。使天下回心而嚮道。固非俗吏之所能為。不則有如文子之言。轡策並用。不至慘刻而流為忍人。庶幾可無後世之過。而無何知此者亦難也。余忝綱紀之重。喜怒好惡。舉不敢任。生人而不敢恕。有罪刑人而不忍。及無辜。乃百姓今日之罪。則又有重可憫者矣。其情

是教義

罪可原。輒開一面。仰體朝廷好生之德。以廣浩蕩之皇仁。至情罪之不可解者。求其所以生之。而不可得。未嘗不怒。然若疾而嘆其非。盡百姓之過也。使曉諭有素。風鶴不聞。有司深已惠民。而有家給人足之樂。如漢之文帝。唐之太宗。終歲斷獄。不過數人。豈非盛世之休徵乎。由今而論。以為當時之民。異乎後世。何以前乎此者。亦不可多得。此其故蓋可思矣。子曰。古之知法者。能遠。今之知法者。不失其罪。不失其罪。其於怨遠矣。能遠則於獄其防深矣。明於此而嚴霜凍雪之下。涵有春和刑之所

誠正齋文集

卷五

五

刑期無刑。即先王未嘗謂刑盡可廢。文特拈定緩字。以敬慎為之。綱領喜怒不任。是緩之初心。怒然若疾。是緩之苦果。非曰情罪可原。當緩者。始緩之也。乃於生不可得。必不當緩者。仍是欲緩之心。即至終不能緩。而所以欲緩之心。自在。激烈悲憤。發而為文。銘之白雲。秋暑民自不寬。無怪乎于公之高大其門也。公真仁人也。夫抑具文人也夫。



思謂用學  
不學便是  
空思

智不可思

思字義

思軒說竟  
是學義註

思及元功  
目其神清

思軒說

君子之居也。左有圖。右有史。盤盂必銘。几杖必謹。豈以爲文。蓋無之而非學也。余入楚數月。齋居鄂署。蕭蕭一室。圖書數卷。無異環堵。歌風之致。暑榻壁間。吳子穿窬爲戶。靜坐窓前。縱目戶外。好鳥噪枝。柳蔭滿庭。每遇風雨。一種悠然。况味益人。爽致處良多。余曰。是室也。其軒之軒何名。命之曰思夫。軒何以思名也。請爲之說。心之爲體。淵然內涵。一發爲思。而已有不能自制者矣。思嚴則慾寡。慾寡則神清。神清則志肅。志肅則四大片念之呼吸。皆

誠正齋文集

卷五

三

可上通於帝座。而況於人乎。是以大學正心工夫。帝在誠意。意之所動。卽是思。思之所發。未必誠。故大學一書。言誠意。孟子一書。言思誠。誠固是一思。亦非二。自入世以後。世道漸深。天分漸短。日復一日。竟不識其本來面目。特未從元初一思之也。豈曰不思。正緣移志紛華。馳情物慾。憧憧往來。朋從爾思。已耳。不思而忘。其本思之而逐於末。思與不思。二者交謾。吾何以正之。正之曰思。古人誠想思。思則慮。慮則能。能而後知。知之地。戒慎不觀。恐懼不聞。無思也。無爲也。寂然不動。感而遂

學歸  
於此一生  
誠正工夫

通是無思而無不思。無不思而仍未嘗思。思之爲思。如是而已。余今日兀然獨坐。夙夜旁皇。懼進無可盡。退無少補。廻環志慮。惄然若疚。惄惄焉不能已於思也。孟子曰。心之官則思。思則得之。不思則不得。易之艮曰。思不出其位。詩之騁云。思無邪。以之終身。其庶幾乎。故命其軒曰思。

誠正齋文集

卷五

三

想其命軒時。必有所思。進盡退補。未方見之。而余以爲此其思之大者也。然而其思不自此始。自讀書考道。以迄致君澤民。無之非思。無之非學實。思之有得。而之所以思也。乃其所以爲學也。不然。我豈無思。何其於不嘗思者。則朋從爾思。當思者。反茫然不思。而今也。讀公一言。尚作數日思耶。

月食文

人可先  
領是如  
此說

日象德月象刑日月之食歲歲有之雖陰陽生尅  
度數一定君子屆期必爲之恐懼脩省以應之某  
備官風紀住遇其時雖刻意補過不過簡默日夕  
事止則身已耳尚以爲上有天子下有宰相國家  
政治得失刑辟出入君相之任而非可責之班行  
之小臣今出使南楚四月之望逢月食陰陽先期  
以護月典例告及期集釋道提鼓鳴鑼其聲振振  
某爲焚禮避位署左踰階不寧曰護月之典如斯  
乎因思月之食也月之盈也日中則仄月盈則食

誠正齋文集

卷五

元

亢之有晦君子惕之又君子之過也如日月之食  
焉過也人皆見之更也人皆仰之人雖聖賢豈有  
無過之理特君子有過人可以見而已可以言後  
世之人其過未嘗不爲人所見人雖見之而已不  
可出諸口則其不可告人之心事有言之而愧滋  
甚者我不能必已之無過但使已之有過可以告  
人庶幾可見君子也夫受天子之命施行茲土政  
治得失刑辟出入惟予之責如有任喜怒以黜陟  
者某之戾兇好惡以輕重者某之戾惟望摘某之  
戾以相示人吾之師也言吾之箴也常弦弗遑敢

改過不遷  
躬行實踐  
今日人在  
地中誰肯  
道不此

不百拜

紛塗彈丸執扇秉燭文中一字不及而獨於  
恐悞修省惕發前人之所未發過可告人卽  
可告天與溫公清獻公同一心事而喜於聞  
過勇於改過則自天子以至庶人無人不當  
如此凡人自爾室屋漏立身行已至於上致  
下澤無時無事不當如此文特於月食發之  
豈曰於其月食也而後當如此耶

誠正齋文集

卷五

三

學者聲  
王夫之語  
道來

此等文字  
自然從性  
情得來

揆合歲月  
以據實  
處

杜義

問凌霄之姿其發而若是乎曰否冲天之翮抑生而為然乎曰否何也曰埃之以歲月而已矣夫士則亦有然者隱居求志行義達道理非有二處而士歌先王之風出而仕行先王之道出處可以見先王而士其庶幾乎然道不可以驟致也齋居以習之群居以論之優游歲月以漸漬之於文字中得性情復於性情中得文字一代之文章在是即一代之事業在是安見聖賢之不可學而至也余為楚士立杜者五武昌杜曰江楚岳州杜曰君山誠正齋文集

卷五

三

長沙杜曰三湘衡州杜曰江東常辰杜曰桃源丘陵學山而不至山百川學海而可至海其漸漬然也吾願楚士之學之也楚士勉旃  
立杜有五而勉以學為聖賢之義則一優游漸漬非實有得於性情之事文字之妙者不能曉暢其義楚士知此義一鄉之文章事業在是天下士皆知此義一代之文章事業在是此作者之真文章亦作者之大事業

學田碑

周室班祿之制與班爵等其制為基重士修之於家而獻諸天子之廷果志在當世思有所豎立以自異抑徒竊升斗以自潤諒士之賢者必有以自處夫士之自處為不薄顧上之所以處士者可不審士所處詔祿有典先王待士之意篤矣余思今日之良士即他年之廉吏祿以養廉明王之賜而在外諸君子恒設學田以養士楚疆兵火二十年於茲田荒丁亡遑問其他然士之流離煢燹之間遭遇不偶獨歎上之人豈其忘情樂育特以時事

卷五

三

誠正齋文集  
孔棘不遑以士是念誠為闕典余巡楚周歲時與楚士談經究義立杜江湖一時二三子咸樂從游雖職司風紀然而有師弟子之雅在文章樂事余庶幾矣於是捐貲治學田武昌府九十畝岳州六十畝長沙府二百三十畝常德府一百畝除完正供外歲獲租若干每年付刑官收貯報院發給豐年留為觀風賞賚歉歲用為寒士賑恤豈謂茲足以重士耶誌吾重士之意云爾抑有說者往見他處學田有州縣而欺隱者有學道而侵奪者殊失當日本意余敢以薄道待人而為此言惟冀後人

壯心重慶

之我諒以母變其初是故心前人重士之心而設  
田其事存乎我心余設田之心而重士其事存乎  
人予亦盡其在後者而已他又何知焉爰勒諸石  
以書其田之所自始

昔人云學者先治生計不足必嗜利以養  
所學故重士者欲教之而先養之所在置學  
田如許恩意周浹而囑戒後人之辭宛轉淋  
漓此典所以養士此文卽可以教士

誠正齋文集

卷五

三

湘游誌

吾觀天地之大也在上有日星雲漢在下有川流  
岳峙日星雲漢有目者得而共觀之至川流岳峙  
不出而觀覽方州茫如也昔司馬子長周游天下  
歷名山涉大川爲文益壯余才百不逮子長間讀  
廣輿諸誌見三楚山江爲天下雄以言乎江其在  
北由秦入者則有漢江由川入者則有荆江其在  
南則有湘江一統誌云湘水源出廣西陽海山流  
出分水嶺分派北流入長沙界湘者相也言有所  
合也永州與瀟水合曰瀟湘衡陽與蒸水合曰蒸

誠正齋文集

卷五

三

湘沅州與沅水合曰沅湘會衆流以達於洞庭寒  
宇誌稱湘鄉曰上湘湘潭曰中湘湘陰曰下湘余  
秋初舟次巴陵見其暉陰萬狀洞庭勝景入吾望  
者已十九矣及抵長沙挽舟溯流上之湘潭西瞻  
江干舳艫千里市肆百家問之則曰兵卒貿易而  
已而潭之居民鮮有存者使在當年淮揚雖買粵  
漢數客南往北來日不暇給則其騷人游士行歌  
互答聲振林木響遏行雲此日清湘之濱又不識  
是何景况過此以往登三門上昭靈諸灘風急水  
吼石磯稜稜一舟如葉萬浪環猷余因爲誦溫公

身處湘潭  
神分楚晉  
此景非凡  
景此相亦  
妙九和

出遊學  
後以有誌  
三記若始  
筆三知如  
列眉水經  
詩可以不  
讀

天運字  
自其家  
子孫日  
信而家

之詩晚泊舟沙岸神氣稍閒命舉網求魚久之未獲而余輟然喜之或詰其故余曰得魚則魚憂不得魚則魚樂余亦憂魚之憂而樂魚之樂也大日鼓棹再上徘徊舟中無何而南嶽又入吾目矣思五嶽之雄衡莫火方為南國諸山之祖其峯七十有二星峙南州遊之不勝遊觀之不勝觀惟上迴雁峯頭低九疑而小湘流可乎回首大行白雲依依余更有不盡之觀在

從湘宇遡流窮源支分派別湘之景盡矣從游宇遠矚近眺撫今追昔游之情盡矣人謂

誠正齋文集

卷五

三

不游不能知湘余謂游湘者僅能知湘而未必能知湘之所自出所自入所自分所自合究亦不知湘之所以為湘如兵卒貿易此游覽之所及也賈客往來何所見士女歌吟何所聞上回雁峰所以終游之事也太行在何處白雲於何生湘則猶是顧游之者何如耳天下有未為湘游者乎讀是誌不游可也天下有曾為湘游者乎不讀是誌與不游同也必如是誌斯可以出而游湘可以出而游天下矣

岳麓記  
長沙郡西十五里有岳麓書院是聘翁南軒兩先生讀書處院後山巔有古大禹碑傳者以為玉書之遺筆余七月渡湖採風至長皆分節鎮子谷王太守張子調鼎來請為岳麓之遊乃以衡陽行遠星槎南巡逮中秋始還分節公采薪未出太守復為敦請皆有願詔使者王子遇符同余自衡來邀彼同行於是鼓棹浮湘者十里而登彼岸頭岳麓已入吾望自此以往荆纂新關紆徊展轉又歷五里許始陟先生之庭觀其頽圯之狀木石生婁止

遊岳麓記

誠正齋文集

卷五

三

徐斷碑數段遺之荒烟衰草間因與王子張子徘徊其下愴然而嘆曰昔曾子居武城有越寇而以無寓人我室毀傷薪木諄諄為小子致誠齊師犯魯而過柳下之里兵不敢入三代重道之風蓋可想見也何至今日而先生之靈曾數椽之不庇乎余曰否是非所以論先生也禮樂雖廢而肅雍自在人心今庭云圯矣而精一之與先生紹自鄒魯惠迪來學者自千載如同一日知不與堂構共銷况後之君子生今懷古而有羽翼道教之思先生之志也先生之幸也少焉乘竹車造絕巘觀禹碑

善處者方  
知其成  
是先生之  
後故也  
先生之成

形如虹龍體似劍科九矣三代以上之文乃今日  
而見之雖有異書吾不欲讀之已因與生卧其上  
回首郡城見晚烟四起歸鴻飛鳴俯視湘流繚繞  
襟帶之前又不覺別是一觀想先生當時際南國  
清談之日星沙萬戶之盛讀書山中幾數十年則  
其風雨日夕縱目山江直以其身與造物者遊不  
識此日之襟懷樂乎否否

七十二峯逶迤綿綿於衡陽星沙之巔遊不  
勝遊何為乎記遊岳麓以此中有朱張兩先  
生書院在也故於岳麓名勝處概置弗記而

誠正齋文集 卷五

三

所感慨者兩先生之道教所企慕者兩先生  
之襟懷先生與造物游記者與先生遊矣有  
兩先生書院而岳麓特著兩先生其人中之  
岳麓乎有記遊岳麓者而兩先生著岳麓乃  
愈著是記其文中之岳麓乎

有力者  
能操其  
以義者  
相主者

楚文崇雅序

余嘗讀六經旁及諸子退而嘆曰聖人之道如日  
月賢人之道如星辰今之學者不識先正之遺而  
入於離岐之途以自迷其衡往率由相士者自逞  
聰明謬相許可非伯樂之識而遇冀比之野詡詡  
然號於人曰無留良矣乃人亦輒以為伯樂也而  
信之嗟嗟豈當吾世而遂云無良哉吾友漢清起  
家麟經里聲國門茲膺簡命持衡江楚入境之初  
亟以崇正文體為兢兢先是選集已丑會墨名曰  
正音遍為頒布挽一時之風尚而力追先正今武  
誠正齋文集 卷五 三  
岳兩郡試既訖讀其所錄諸士卷典而雅奇而法  
幽而達淡而超如掃濃雲之翳而觀日月之光不  
覺耳目忽異一時士子教然自命無不以聖賢自  
任文章者代聖賢而為言吾之言言聖賢之所未  
言而又皆聖賢之所欲言則聖賢之徒矣道聖賢  
之言行聖賢之事便是希聖希賢文章之義亦大  
矣豈可僅僅作章句觀昌黎有言曰鳳凰芝草賢  
愚皆以為美瑞青天白日奴隸亦知其清明譬之  
食物遐方異味則有嗜者有不嗜者至於稻也梁  
也脯也炙也豈間有不嗜者哉聖賢之言載於六

言之微  
聖賢之心  
若劍之

經其於人也不啻布帛菽粟服食之而未有厭此  
之不務而離經叛道詭異相高文字之不歸於正  
而人心風俗隨之矣此漢清諄諄崇雅意也漢清  
今日以茲課楚士他日以報朝廷正朝廷以正  
百官正百官以正萬民早於秀才時期之余願楚  
士必先勿自負然後可以不負吾師不負吾君禮  
經曰事君先資其言拜自獻其身以成其信楚士  
勉乎哉

· 文何以謂之雅雅者酌理敷詞言聖賢之所  
欲言皎若青天白日旨若稻梁膾炙者是也

誠正齋文集

卷五

三元

公無事不歸於雅而其為文論文無在不勉  
以雅故樂得崇雅者而序之在楚則為楚文  
言之耳此序出而天下為文論文者如觀青  
天白日如嘗稻梁膾炙無不以聖賢自任雅  
道是崇其功獨在一楚也賦哉

江北文三集序

古今文章之道有二有垂世之文有應世之文垂  
世之文如佳山水淫濫猥黷應世之文如好花卉  
紅紫芳芬余不佞乘使車來楚星言命駕願早入  
楚疆以觀江漢人文之盛至信陽道上遇雨偶題  
句云車前雨點輕輕拂留酒湘南億萬家及入應  
山而七信宿不休幾為雨所苦矣夏仲至鄂渚炎  
暑薰人永日難消思得好風來座爽我懷抱竟憂  
憂乎其難之忽念尼出其所錄江北文三集示余  
余讀之未終篇而佳麗可人奇葩相送已忘其身  
在客而時方暑矣或憂玉鳴金音韻鏗鏘或蒲幅  
暉陰氣象萬千大有孤鶴飛來夜半橫空之致而  
蕭湘雲夢之况亦復洒洒筆端為文僅數十卷而  
佳山水好花卉都在其中余今日幸誤桃源矣念  
尼三年於茲笥中秘書肯再出示余使我一誤再  
誤否

誠正齋文集

卷五

罕

詩云穆如清風又曰其風肆好可見好文字  
悠然入詩藝人懷抱如是文從炎暑中思好  
風景出文集如佳山水奇幻幽麗在峯峦波  
濤之外非卉蕒花妍色澤輝映者比也文之

的堪垂世者此也

湘澤行吟

羅督師

三十年来佐命臣。星旗特命照熊濱。風生顰鼓河  
山壯。日到茅簷草木春。心血數升嘔社稷。丹忠一  
點酒。君民聖明不必憂。南顧江漢磐宗久。有人  
王雪樞直指楚北

彈冠相慶故人情。何事聯鑣駕楚城。負弩前驅憐  
我拙。策驄新發壯君行。遙瞻法節搖山岳。引領仙  
車待廓清。江漢中分南北迥。埋輪自信不如卿  
除夕寄爾殿兄

誠正齋文集

卷五

四

旅情獨恐物時牽。桐水江雲各一天。夢到家園忘  
作客。春來南國喜新年。臘脂山半嵐光紫。鸚鵡洲  
邊碧草芊。骨肉天涯幸聚首。酩然直自嘯風前

蒲園卽事次漢清韻

淡旬陰雨喜初晴。雨後天光分外明。花滿上林人  
欲醉。風吹疎柳鳥爭鳴。枝枝蕊李盈門迥。朗朗冰  
壺映座甍。天下文章莫大是。典墳留取樂箏笙

過蒲圻王念尼去思亭

如玉風流我所思。東來今日過君祠。瞻言絳帳燃  
藜夜。永是春風拂座時。文字不譚三古後。孤標直



以千秋期感恩知已誰軒輊吾友巖巖百世師

端陽訪張伯珩

為逢蒲節慶昌辰特向山中問故人瑞氣龍從來  
泊采仙雲飄縹緲挹車塵繡衣此日炫珂里鐵面移  
時冷峽津攬轡休嗟蜀道遠雲峰峻處好圖麟

古別離 中秋

送君十里望雲州河畔歸來兩淚流翠被無情誰  
共緩草橋有夢應多愁倚欄漫想昨宵事對月忽  
驚此夜秋江尾江頭何有已悔教夫僧覓封侯

寒溪寺

誠正齋文集

卷五

三

武昌西山下其東有寒泉湧出清而潔酌來淡以  
玄冰心知自剌塵想從今捐曲肱蒼苔上日移不  
記旋

其二

尋勝過雲寺浮生半日遊莎穿石徑度花落溪邊  
驟雨洗春山翠鷗鳴斗酒嘉寄思天半外聊坐聽  
南華

九峯寺

仙山次第起猛石怪而崔顥此金莖迥誰將玉斧  
開禪心掛野月御墨飛瑤台永鎮山門下毒龍不

敢來

君山

湖光說道好頂上君山看荆楚無雙地西南第一  
觀濤飛驚日滾水遠縱龍蟠狂興登臨鼓長歌天  
地寬

洞庭湖

三月湖上游獨駕一孤舟青草生滄岸桃花飛綠  
洲春光何處覓煙景自悠悠搖曳中流去回首望  
醉樓

喜雨

誠正齋文集

卷五

四

春雨如油惠茲田疇一犁云足決旬何憂出郊視  
之露濡千丘農夫志喜我心悠悠

寒溪

維彼寒溪既冽以清孺子歌曰淡而無聲潭底日  
照岸旁雲行有龍吸去霖雨蒼生

洞賓先生讚

天高日遠俯仰無窮意不在酒三醉樓中陶陶真  
樂不與世同丹成九轉乾坤鴻濛

朝坡仙

赤壁風光海外天孤槎夜泛斗牛眠西風不向圍

林過來送坡仙作壁仙

坡仙解嘲

臨江灑酒已多秋學士風流尚未休此地蘇郎夜  
夜到荆公能得幾迴遊

赤壁懷銅雀臺

春深銅雀日初紅武帝宮中繡帳空  
細語夢回搔首怨東風

庾公南樓

近水樓臺月有光風來西嶺送梅香  
然在試上南樓乘庾亮

誠正齋文集

卷五

登

二喬墓

絕代佳人少連枝一氣嗟君臣伯業壯妙殊國乘  
書不道百年後空餘一古墟  
樵漁

迴雁峯

舟辭關門地雙雙逐岳磯沙明驚歲晚日暮嘆音  
稀何怕雲峯岌但愁鄉國非歸心到此切不忍更  
南飛

九日武陵雨歸

秋雨連宵足歸思客夢長三江莫問水九日試滌

霜欲了相如病耶將彭澤鴈風飄籬落下兩袖有  
餘香

岳陽春望

醉公樓上望煙景誠悠然江水分仍合湖山斷若  
連春心隨眼濶雁足寄書旋漁父策衣短不歌空  
扣舷

湘妃

昔聞帝二女追舜瀟湘間不信當年事試看方竹  
斑孤琴彈夜月清怨徹君山多少相思淚江流尚  
潺潺

誠正齋文集

卷五

哭

春歸

無端忽報春將還我有思兮懶去眠九十晴光今  
又度百年事業有誰肩肉生脾裏休空借駒過隙  
陰莫浪咽經世由來男子志鴻名肯盡讓前賢

雪樞雨中召飲晴川樓

晴川日向江南望遲我何當風雨時江漢面現晴  
亦好登臨佳致雨更奇近瞻舊樹枝安在遠矚新  
樓雲又移任是丹青絕妙手風光如此畫來誰

遲中丞晉秩司馬

天生名世自非常主聖端期肱股良江漢三年豎

其蹟斬黃六月整軍收系麻樂利誰之賜劍戟光  
芒自此裁晉爵雖然邀帝眷還看彩鳳鄜龍章

別偏沅金中丞

湘南八郡日橫兵寥落天涯吾弟兄澤浹江沅應  
拜賜威鎮衡岳可知名請纓自是終軍志持節寧  
無定遠情歸謝故人無別祝望君眷眷爲蒼生

黃鶴樓詩依韻和

乾坤是處有名山不是知津莫強攀雲覆樓臺  
閣裏月移寒嶺碧岑間蹟傳千載喜重遊景煥今  
朝豈等閒跨鶴之人已去矣因風問道幾時還

誠正齋文集

卷五

望

塵寰莫道無仙山尋得天台用意漫說乘龍霄  
漢上魯間跨鶴雲間靜中參透千秋事忙裏偷  
將半日間黃鶴樓中玉遂罷樓中人去何不還  
奇情不必在深山狂興所之隨我攀三十年來情  
面目數千里外識間關文章風雅且休尋踪跡江  
沅剩得閒流水高山無限趣樓頭倚從爲雲還  
十洲未盡又三山咫尺芳踪何處攀層閣久空逐  
鶴羽蓬萊新闢到人間目窮千里樓頭潤寶聚三  
花物外閒黃鶴飛來不敢去天涯遊子早思還

盧吟

停雲

鶴鶴停雲濛濛時雨願見君子山河脩阻清琴懸  
床彈指獨撫興言來會搔首延佇  
停雲鶴鶴時雨濛濛我懷君子渭樹春江在昔促  
膝剪燭西窗敬哉離人千里相從  
眷彼條枚欣欣向榮理性清溪息囂忘情競此寸  
陰日月千征願言寡過勗我友生  
悠悠舊鹿慈茲庭柯抱具守朴爰笑卞和荷鋤地  
少長嘯天多素心有在晨夕如何

誠正齋文集

卷五

望

時運

人生百歲良懷今朝氣和天澄日午山郊顧瞻林  
翼頽頽雲霄好音南來聲在新苗  
滄浪清清留纓待濯高山仰止載欣載嘯貪得無  
厭不辱知足陋巷簞瓢不改其樂  
盈盈春服涓涓清沂晨興出遊帶月忘歸數畝多  
秫一絃獨揮誰謂世遠邈矣莫追  
原生納履歌音振廬千載而上清風穆如濯濯五  
柳抗志懸壺置身北意羲皇夢予

康吏行

清風彌百里。歷落古松枝。惻然人爭厭蒼涼。君自知。七年峴石淚。此日羔羊詩。匪是催科拙。生來薄繭絲。

其二

仙吏靜何事。情疎薄宦人。賓朋嫌俸少。妻子怪官貧。腸熱憐蒼赤。冰寒折要津。案塵揮盡後。明月一簾春。

喜雨

眷汝荷鋤望。不如決渚勤。情慙久旱雨。慰滿頂。史雲鷄黍歡。相得鄉鄰惠。兒分。幽風歌七月。長此戴。

誠正齋文集

卷五

四

賢君

田家

田家風味好。祈望在逢年。晴雨非關我。鋤耘休問天。穀絲何太早。心肉許誰憐。租稅肯從薄。請吟樂只篇。

擬古

舉世白眉少。吾將青眼誰。楮冠高士素。雪履先生奇。凍酒脫巾暴。春深好夢隨。悠悠千載事。俯仰從吾思。

其二

讀史可論世。賢愚任爾曹。土桑巢窟。輦沙莫金城。高漢代五侯。燭堯塔三尺。蒿車書大一統。何必九泥勞。

剪桐

桐葉書周史。唐封侯叔虞。剖符懷百里。捧珪守山隅。治定如何報。化成永未徂。承風歌蟋蟀。良士尚瞿瞿。

其二

禮樂宗天子。王言如綽綸。壁琮千百曆。桐葉幾多春。強幹樹王室。條枝錫懿親。長生擊壤地。叔也美而仁。

誠正齋文集

卷五

五

而仁

潞公臺

耆英座上老。琴鶴澹之渭。數榭臺猶古。短碑字未迷。煙籠唐樹遶。雲夾羊山垂。無限憑高意。異人安可期。

其二

潞公百世師。私淑在吾黨。勲業昭清時。聲名播異垓。蒼松燕嶺滋。元凱芝田朗。把酒問公臺。清風夜抗爽。

登翔臯山

高山風在望。此日面山迴。翠屏千年麗。新峯一旦開。丁酉新輝分。涑水月影照。豁公臺思作。登高賦。借君八斗才。

其二

登山興不盡。頂上最高峯。頂峭松多瘦。林深根已叢。雲開欣瑞日。嵐轉喜輕風。天子方仁聖。山河礪帶中。

灤池

大易次蒙卦。取象山下泉。我觀灤水曲。發自翔臯邊。千畝黍禾茂。三春桃李妍。渠成萬世利。水陸不

同天。

誠正齋文集

卷五

五

綿山

慷慨矢忠節。從君十九年。如何鱗翼士。徒作龍蛇篇。伯國雄圖壯。綿山芳草芊。于今懷子犯。安得同心言。

憶彭澤令

高卧北窓涼。悠悠夢古皇。清琴環堵樂。濁酒半壺香。園涉既成趣。松徑豈就荒。五男清白繼。曷羨簪裾芳。

懷子瞻子由兄弟

眉山蘇氏出。奇爽果何如。言語妙天下。理函秋石渠。執鞭雅有志。御李愧無車。搔首徘徊久。愛君兄弟書。

元日

太和在宇宙。位育元無私。雲物幾先肇。山川雨露滋。百揆既聿叙。七政自咸宜。玉鼎調元化。天王憲夏時。

居第

方宅安身地。獨留朴素風。繅絲待歲晚。積穀願年豐。與架上藥。不盡析薪意。無窮肯構工。太初旋馬生。塵意同。

誠正齋文集

卷五

五

贈別友人

丈夫知己重。意氣薄千秋。顧此晨風發。無能斗酒留。霜新月華冷。秋老松聲愁。揮手再三別。寸心照遠流。

老人行

杖行纔數武。不似少年時。座上懸壺老。眼前竹馬兒。天涯徒入夢。同調半相離。百歲須臾事。走安車莫日遲。

把酒問月

與來聊酌酒。酒盡興如何。不辭醉翁意。但看明月。多新懷舊友。得熱腹。冷杯磨。莫以千人善。易吾陽。雪歌。

觀書

清齋獨坐。偶取博翁四前和之。覺天地匪大。吾身匪小。曠懷逸舉。庶幾作如是觀。萬斛原泉。隨地開。鳶飛魚躍。任徘徊。此間清徹人。難盡不盡。滔滔晝夜來。

舟行

雨過江頭。掛笠簑。扁舟一葉如江何。青山綠樹。尋常有。不道清光雨後多。

讀書

卷五

五

江邊昨夜春潮生。滾滾浮萍浪打輕。為愛波平風靜後。長江千里任君行。

春日

烟水蒼茫古洞濱。岸傍桃柳為誰新。請君勿剪窻前草。何處生機不是春。

牡丹四首

獨樹奇芳富貴花。春來還發故人家。風情綽約君知否。態度朦朧尚未葩。

其二

丹香一種自天來。耀日芳紅滿院開。瑞色若交逢上苑。九重會見五雲迴。

其三

嚶嚶鶯聲罵曉春。那堪顰冶照幽人。爭看如繡花經眼。大塊文章萃汝身。

其四

廓落殘紅次第稀。園林風掃胭脂飛。年年歲歲花相似。等待新香拂翠衣。

余不工詩。嘗聞詩人言。詩謂詩有別才。非關學。詩有別趣。非關理。固已。余竊疑其偏也。才

讀書

卷五

五

不關學。則才僅雕鏤。而金銀車弄。麝詩出矣。趣不關理。則趣同糟粕。而錦囊句擲地聲寡矣。公惟學既博。而有才以揮霍之。理既精。而有趣以游泳之。故雖眼前景口頭語。皆有深意存乎其間。而字推句說。超越驢背。子上余不工於詩。而讀諸詩。無一不見其工。若是則余亦可以學詩矣。乎日否。詩可學也。公之詩不可學也。余之才與學。理與趣。百不逮一。而今欲襲優孟步耶。卿其將能乎。噫。公非專美於已。絕物凌俗者也。何至文章一道。專美絕。

物乃爾

誠正齋文集

卷六

五

誠正齋文集目錄卷六

五言古詩

京兆署中懷河陽薛夫子

夫子辛卯會任少京兆也

壽總漕蔡奎吾先生

丙午三月贈龔芝麓先生錦旋

丙午冬日贈劉憲評道長節鉞入閩

丙午冬日苗大生先生總督四川

督捕侍郎高弗若年兄終養

學士李繪先年兄假旋

蔡奎吾先生七十

誠正齋文集

卷六

一

王襄璞方伯屏藩山右

任雲石分節鳳泗

在衡高公祖視饒河東

荆西道王念蓼年兄

紹興太守王文二年兄

時公山居

王厥菴同門出守平樂

潘次公父母奉詔行取

正陽門關聖祠

中秋大雨懷月有感

漁父詞

樵父詞

牧童詞

西園蓬稠麻稀一日命僕盡斧諸蓬心目俱  
快有感而吟

祝大宰鄒敬公先生太夫人

內陞金紫汾年兄太夫人壽

乙卯仲秋柳華午社兄七十初度

祝賈元士社兄七十

贈雲漢王社丈行樂圖

五言律詩

誠正齋文集

卷六

二

京兆署中齋里兼懷高弗若張伯珩晉長眉

諸年丈二首

秋旱夜雨二首

桐水左明府

辛丑元日二首

光祿魏環溪年兄歸省二首

咏管二首

端午書懷四首

遊龍門二首

遊百泉二首

元日

過天津關咏先師石上車跡二首

七言古詩

贈韓心康中丞

張樾青都掌科分守長沙

壽河東道張中老公祖院長

春日壽平陽太守梁公祖

丙辰十月壽潘次公父母

七夕

祝家大人七十雙壽

順治庚寅

誠正齋文集

卷六

三

自咏二十四句

癸亥壽平陽太守梁公祖

七言律詩

成青壇衛文石先生兩典春闈

中堂栢鄉魏石生先生錦族

少宰曹澹餘節鉞黔省

學士靳紫垣節鉞江南

銀台劉憲評節鉞寧夏二首

祝魏環溪年兄年母八十

賈膠侯中丞園林重陽招飲



周凝圖學士五十

廬山斗公祖總督河道

韓心康年兄巡撫蘇松

朱小晉院長初度

謝叔賓公祖驛糧山右

朱小晉年兄巡茶西秦

少司寇張東山年兄旋里

少司馬漢清李年兄旋里

大京兆王弘宇節鉞鄖陽

姚際斯掌科分節黔中

誠正齋文集

卷六

四

朱雲門巡撫浙江

韓心康巡撫津門

周卿梁子源旋里

柱史張羽王年兄終養

賀盧瑞峯北部母壽

辛亥秋贈霍龍淮銀台致政依公原韻

二首

黃杞雲柱史兩淮差滿

丁未馮恒山年兄觀旋安陸

吳乾公柱史尊人入鄉賢

依魏環老韻送張翊王年兄西旋

環溪年兄尹京兆步禱卽日得雨志喜依韻

奉和

大司寇白東谷同門旋里

祝余浣公柱史兩尊人八十

祝蕭長源柱史封公

祝高閻修柱史太夫人

祝比部劉君尊人壽

癸丑十月門人曹雲九之商河

史滄航衡文三晉

金紫汾掌科內陞錦旋

誠正齋文集

卷六

五

祝錢大士柱史封公

二首

祝裴晉卿銀台母壽

賀饒差黃萊園公祖

癸丑仲冬壽司馬賈膠侯

胡宣懿兩尊雙烈

洪洞范處西母七袞

賀驛道焦荆巖公祖

己未冬賀張澹明公祖榮擢閩憲

辛酉小春贈程章世公祖分節瓊海

贈泰階高年兄任嚴陵

寄驛道焦荆巖公祖

桐水何侯乃弟爲桐禦寇有功至今桐人廟祀

甲寅留別長安故

賀董會徵節鉞兩河

壬子三月相州道中作

丙辰春日郊外之作

甲寅孟冬別楊執玉年兄

丙辰菊秋祝周提台壽

丙辰二月澹明公祖瑤托存問奉報

誠正齋文集

卷六

六

祝爾音和年兄六十

贈社友張碧藕孝廉

大行皇帝上賓次總憲栢鄉先生韻 二首

西便門外有慈壽寺明神宗太后所建浮屠

轟立與天盦寺爭勝殿旁有石鐫關夫子像

自慈仁寺返數武爲摩訶庵中有十八體篆

字金剛經

真覺寺在西直門西內有金剛寶座座上有

玉塔皆石爲之永樂間西僧所建中印度規

式也

萬壽寺明萬曆初年修有大鐘永樂時鑄重  
十萬餘觔擊之聲聞百里

和洪畏軒世兄西園杏熟詩用摩詰少陵櫻

桃韻 二首

元夕次銀台霍龍淮報國寺韻 四首

和陳越庵乞米詩

丁巳小春祝張碧藕社丈六袞

宋公昭司鐸廣昌

過陳潭水年兄齋見猓與犬相聞余曰孫吳

平泖水曰苟完矣相視而咲

誠正齋文集

卷六

七

新春拜客馬上口占 二首

春正偶作

庚申元日四律 四首

元夕 二首

咏海棠花 二首

咏新柳 二首

舊燕來巢 二首

壬戌七夕

園中石榴紅實得十六顆感賦

壬戌重陽同社諸友邀飲東園

丙辰中秋看月

巳酉中秋

庚申中秋賞月

咏秋海棠

重陽雨中作

乙卯咏菊

壬戌咏菊

甲寅九月十六日雨

甲寅重陽

重陽日過學士周凝圖立有菊十四盆漫寄

誠正齋文集

卷六

八

首二

元旦

元夕

集聯

誠正齋文集卷六

翼城上官鉉松石甫著

五言古詩

京兆署中懷河陽薛夫子

夫子辛卯曾任少京兆也

道教開千古。文壇獨主盟。端居望泰斗。先生深景

行。文章起八代。正直絕逢迎。策扶天人與。品付史

臣評。綢繆沙堤彥。出入歷鳳城。蓮炬子夜徹。恩遇

峻。列卿培風廉。頑儒磨礪盡。羣英聲名聳。陸海共

欽。稽古榮。予本晉鄙士。負笈稟裁成。北面敬義戒

水兢。珍令名。箕山今偃卧。矜式遺後生。輦轂典學

誠正齋文集

卷六

一

地幸獲瞻先型。模樸化未艾。中阿我常菁。愷悌歌

君子金玉播。振聲淑躬迪。名教志期間。周程互照

觀。未發心。正而意誠。淵源龍門近。家學嗣文清明

理而節慾。宗風百世鳴。

懷字中諷。詠曲盡京兆署中只一筆及之。署其暫而懷其常也。

壽總漕蔡奎吾先生

憶昔服官日。高山勤仰止。先生列中台。欣得隨筆

珥。威望懷庶僚。其心真似水。遠紹碩膚勲。赤舄常

几几。天子重封疆。節鉞西江指。閩澤滋蒼生。百廢

頓興起。特命簡督漕。澄清直徹底。七省誦惠和。清

風誰能比東臯方僂餐海氛憂卯累倉猝起先生  
江淮慰帖吧飛檄定人心單騎勞軍士耕耘渾如  
初不復危封豕生聚已三年巾車歸帝里簇聚爭  
攀留耳棠遺百祀陽復見天心恭逢海籌始平格  
壽自綿箕疇有至理今來祝先生福祿綬葛藟公  
輔遶堦前令名赫青史

顧更難於競病而出  
落天然不分今古

丙午三月贈龔芝麓先生錦旋

靈氣苞符聚人文關星辰時雨雲先出興朝有偉  
人先生產江左翼運為名臣鳳儀千仞上高標誰

誠正齋文集 卷六

二

與倫總憲西台日正色悚臣鄰各疏類入告忠愛  
篤君親帝念民生切秋卿填璽綸重任由肅斷清  
論快朝紳豈弟滿腔是胞與任天真不以嫌疑故  
易我茂育仁蓼我中情迺盟沐削牘陳宸恩錫顙  
廣青門車韓麟佩玉鳴珂望忠孝獲兩伸風來聽  
曳履山斗兀嶙峋

心上事口頭言磨韻  
調聲而出遂成絕唱

丙午冬日贈劉憲評道長節鉞入閩

十載從君子氣誼喻苔岑豈無它昆弟不如叔度  
深方今論制撫才守所共欽安得諸節度咸心我

公心賀蘭棠蔭滿數載沐甘霖清風虛百粵勁節  
秀千尋廉法不假借綱紀以為任坦懷洵自得海  
滋樂清琴從此入閩地羣興樂只吟孰無封疆責  
峻望獨嶺嶽彈冠古人志吾今慶盃簪斗酒青門  
別千里聽好音

交情離緒縱橫全集  
一經烹煉飽食悉化

丙午冬日苗大生先生總督四川

在昔仲山氏文武憲萬邦厥後方州重使相典巖  
疆先生從龍彥佐命翼興王風雨親櫛沐近瞻紫  
薇香經畧首簡在三輔化日長春風噓草木召棠

誠正齋文集 卷六

三

蔚帝鄉益州天府國新綸煥建章桑遠復能通錦  
江鞏苞桑忠厚大臣體寬仁子孫昌胡為先生贈  
芝蘭奕葉芳

銅鉢一擊佳句泉湧  
蕭與丘一齊斂手

督捕侍郎高弗若年兄終養

異姓為兄弟念載共承明余初歸中翰君適來廷  
評晨夕相聚首刻燭常三更意氣邁千古歡然足  
平生余忝蘭台史君向梧垣鳴冰寒凜夜半到處  
絕逢迎帝心幸特簡擢任位上卿恩遇日聿篤峻  
望益崇榮假旋甫匝歲熊轅戒帝京借問樞密秋

督捕正耳盟。苦心生全路。軫懷惟孤憚。不以嫌疑。故易我胞與。情好生上帝。德悉使萬物。傾如君陰。行善知周。不言各顧。念倚閭。切忽作。今伯行。削贖。獲報可拂。輟長西征。龍門今朝渡。耳旨得親烹。堂紫雲。遶三公。信為輕憶昔。服官日。馳驅入鳳城。同時三十子。精白矢寅清。何期數載後。聚散埒水。幸獨君乘上。駟騫標鮮與。爭綠野。清風廣琴尊。指日橫。寄語商山皓。余將繼後程。

以好聲氣。攬真肝膽。調叶處何啻。嚶鳴。

學士李繪先年兄假旋

誠正齋文集

卷六

四

四海皆聲氣。交清淡為真。大道今猶在。願得素心人。以予友君子。在昔協比鄰。廓落風塵表。相與數夕晨。巖巖誰得似。山斗真絕倫。譚譚謫以古。春風喜相親。秉教成均地。典型規先民。樸棧一何茂。化雨與時新。常弦常在佩。參倚敬書紳。多士式歌舞。肅然道教遵。中秘日月近。彈冠慶新綸。龍山清夢切。遺發憶羹尊。匪耽烟霞次。寧甘陋室貧。瘡心汲古典。吾斯堪自信。東山聊偃仰。君民待吾身。堯舜得親見。何必樂有莘。折柳青門外。杯酒酌芳辰。祖生鞭先執。擊節車聲麟。迢迢河橋路。紛紛紫陌塵。

君驅慎勿疾。收盡千里春。

未旋如許。清望既旋。何寺龍眷適成。共為學士假旋。

蔡奎吾先生七十

早歲從龍起。矢志篤清忠。勲名誠揭日。行藏青史中。風紀標駭列。節鉞樹豐功。章門棠蔭蔚。誦頌將無窮。曾中清。稽考始而戰。終利獎。秋毫晰。天子時改容。宸眷方無斁。綠水情徧濃。丹雘已九轉。潭底日初紅。下必求黃白。不必慕鶴松。元氣常自葆。道骨與仙風。

由儀無詞。南陵有聲。壽意故在。筆墨之外。

誠正齋文集

卷六

五

王襄璞方伯屏藩山右

冀州山河壯。綢繆鬱蒼蒼。猶存喬野舊。相與守陶唐。風俗雖近古。飢饉弗可當。嗷嗷誰與哺。中夜起旁皇。使君嚙新命。慷慨上太行。清風來千里。信宿迄晉陽。士女爭引領。拊掌待路傍。後一何切庶幾。慰維桑中流。有砥柱。三河觀孔康。蘭絲知所恥。保障信為良。卓爾名世績。分陝擊巖疆。他年過汾澮。甘棠奕世芳。

意精才巧。中便是中。岐和何敢。開掌袖。任雲石分節。鳳泗。

西河有良友。意氣薄雲天。慷慨雄千古。吞吐納百川。在昔守淮海。聲名江左傳。經權應常變。爭道使君賢。於今邨新命。驅車濠梁邊。冰心惟飲水。誓不酌貪泉。淮西名勝地。茲日幸有緣。耕桑應樂業。童叟安枕眠。三代遺直在。口碑紹管絃。榮名高鍾鼎。甘棠樹百年。

爭以韻傳竹與肉  
合使人聽之忘倦

贈在衡高公祖視饒河東

虞絃雖云邈。遺響振千秋。至今遇西土。餘音嫋嫋留。吾公啣新命。更都繡節適。仁政三河邁。冰心五

誠正齋文集

卷六

六

月。襄仙差何所欲。如水原無求。阜解雅可追。彈指傾筵。簾龍門山河。壯嵩室形勢。幽置身泰華。上俯首。涓川流。文章高秦漢。盛業炳伊周。公餘勤汲古。披圖問先疇。不因簡書至。如何稱快遊。歸來贈良友。兩袖有清飈。

河東維桑在衡如  
肅言之無不親切

荆西道王念蓼年兄

攬衣中夜起。拊膺獨惻惻。開戶三星在。故人天一。方別來幾年。所溜髮漸盈。霜相思不可極。寸心托。彼蒼尺素千里至。啓視增徬徨。風土既已異。服食

慎他鄉。時維木葉脫。白露橫楚江。顧茲北來鴈。雙度衡陽。爲過方城外。寄我苦岑章。不盡編帶意。好風與之將。百年信瞬息。聚散其何常。遙期灤水。澳携手共徜徉。

蘭臭殷情。雋施雋好。兼蒼露白之章。不啻江東渭北。

紹興太守王文二年兄 時公山居

剪燭北窓下。磊砢未易裁。行藏仔細檢。萬事盡草萊。故人今餘幾。藻藻且溯洄。我思伊何邈。子喬山之隈。世路真難問。瓶罄耻爲罍。商巖久偃卧。鼎鼐需塩梅。我亦動忍後。海波千層來。智愚渾忘舊。是

誠正齋文集

卷六

七

非罔疑猜。不見塞公馬。得失誰爲媒。地道安貞吉。康莊利駿材。飛鳥今已倦。歸來岫雲開。庾興如不淺。挑月醉潞臺。

慰山居不甚及出山真  
率開曠兼儲刻之長

王厥菴同門出守平樂

四海皆兄弟。素心未易求。星霜十六載。聚散若浮鷗。脫粟常相款。箕踞任自由。抗言譚在昔。意氣亘千秋。顧此晨風發。無能斗酒留。懷君不及寐。晨夕共誰謀。南渡湘沅水。當年我舊遊。試臨黃鶴畔。覩眺金沙洲。雲夢烟波壯。岫嶠文章幽。休從雁峯度。

恐動鄉關愁衡嶽九面望仙槎一葉浮龔黃新節  
耀士女頌聲謳南海得君子清風萬里投與君此  
夜別縫綵幾時休

千載芳積一詩中詩  
學史才是一是二

賀潘次公父母奉詔行取

偶坐青苔上低徊問古今高山勤仰止黃流大且  
深蕭艾不屑伍松竹在碧岑亭亭歷百載皎節蔚  
千尋既見黃叔度高風自崎嶇締交綿綽帶論文  
慰素心綰符鐵研里咫尺聞鳴琴冰蘂貞操列典  
釐德威森化洽淵泉淳泉香而酒浸飲和以食德

誠正齋文集

卷六

八

男耕而女紵平水方州異卓犖廉史箴口碑日奕  
易御墨正滴淋宸藻趣鳳闕鳴珂入丹禁恩波徧  
薄海諫章徹上林君聖則臣直朝陽千秋吟荷歟  
唐虞際盛事堪披襟此日別父老韓轍卧山陰重  
來瞻繡斧班班駟馬音蘭枝壯行色連珠世所欽  
躊躇陽關路拊掌慶盍簪

一韻中字字若為我  
設八巧可奪天工

正陽門關聖祠

讀書誦唐虞二帝開天祖緬懷三代風惟漢猶近  
古正氣孕苞符吾帝產晉土生長堯舜鄉羨壻形

誠正齋文集

卷六

九

博博曠懷問古今廿史從何數大義篤忠貞五德  
信為矩至今仰丹心天高而日午  
語語開夫子三國志鉛華滌盡確甚異甚然  
而難甚古人所以不敢為此

中秋大雨懷月有感

中秋天氣灝清思淡以橫塔然隱几上蕭蕭風雨  
鳴尋常三五夜晴霞萬里明顧瞻今宵月咫尺暮  
雲平懸想天漢表銀河擊長纓廣寒仙風逗蟾娟  
錫瑤瓊乾坤清輝滿朗照徹八竝一輪何皎潔玉  
盤轉璣衡容光是處到流黃映深庚名珠湧滄海  
彩影震石鯨朱門多豪客國色亦傾城新暉共把

玩釣響過雲行南樓興不淺玉關笳律清聞雞頻  
起無不忍聽秋聲慷慨今古事唏噓念虞卿此際  
流雲濕溜簷午夜驚鴻露布仙掌鳴珂滿金莖琴  
書草堂潤丹桂園苑朱來朝雲欲散相看雨初晴  
齊色園林淨嘉賓座上迎舉世輕然諾白首猶新  
盟誰將蒹葭意綢繆篤班荆素心託良月炯炯悉  
平生慎勿歎遲暮躊躇不勝情

樓明月便如明月在懷尺幅間有秋色蒼翠  
雨聲錯落之况

漁父詞

蕩漾江湖上一葉橫天涯春風共秋雨漂泊閱歲

誠正齋文集

卷六

十

華烟淡何浩瀚流水逐飛花行歌多散亂  
雲遮誤經桃源路清溪盡桑麻天地若曠代情恍  
漁父槎舉世誰清醒汨羅日影斜蘭芷生悲憤幽  
思遺蒼葭桐江新月上銀光隱烟霞雲臺今已古  
漁家風味賒

分明是漁父  
却不似漁父

樵父詞

家居太山麓早歲業擔簦匪不美良產負荷歷世  
仍青松秀蒼嶺長楊蔚峻嶒斧斤以時入母事削  
墨繩鋒刃一何淬盤錯隨手應八口資俯仰朝夕

博斗升南山踞虎豹負嶠誰為懲壯夫強有力拳  
拳而服膺白雲時出岫盤谷任曲肱咫尺天台路  
仙風若可凝千駟騁東海一介日冰競為我吊高  
士青丘漫憑陵

不似樵父又  
分明是樵父

牧童詞

日食三盂飯出入山與林豐草暴牛腹慰我牧童  
心大牛登山阜小牛穿山陰相望忽相失悠悠應  
求音窮達各有命休咎理亦深素無掛角志敢效  
白石吟天地何拓落古今多差參優游以卒歲偃

誠正齋文集

卷六

士

仰碧山吟

牧童何不可為漁樵究竟漁自漁樵自樵牧  
自牧一樣道理三般生活寫景會意句句皆  
有神來

西園蓬稠麻稀一日命僕盡斧諸蓬心目俱  
快有感而吟

蓬生麻中直蓬稠根亦老蔓延勢難除滿滿無人  
掃夜來視西園不覩積與藻滿目皆蒿萊我心真  
如擣盆食天地英雨露爾偏早嗟此化工神胡為  
生若草寥寥園中麻孤貞獨自好無奈蓬蒿榮難  
為世人道呼童至園林手斧吾為討須臾盡芟夷



芳草根莫葆矯矯白蔴森不肯隨風倒留此待詔  
宣綸綉以爲寶

艾者蓬耶留者蘇耶紅蕖冉冉翠篠娟娟吾  
烏知其風中雨而雨中風耶  
祝太宰郝敏公先生太夫人

攷稽古名詰孝爲百行原孔志在麟史經爲魯氏  
言瀛海鍾間氣先生大節敦忠貞世世篤勲名照  
乾坤顧占慈帟表懿德繼姜嫄滄桑經身歷千仞  
克高騫九熊心且旨曳履上帝軒宸眷勤晝接駿  
鴻人揭掖伯仲連城貴芝蘭藹朝暉春暉日初麗  
椒實衍以蕃冰桃與雪藕斑舞佐饗殮九重龍章

誠正齋文集

卷六

三

煥彩色映簾萱猗歟夔龍續冊府千古存魯頌賡  
燕喜長載錫類恩

批宴中有此可代九如三祝尋常考詞則  
聲聞辟支果耳

內陞金紫汾年兄太夫人壽

人生惟百歲箕疇壽爲欽升恒歷日月及時孝子  
心春明五載度蘭誼共君深典型常在望異喜  
同岑丰采掖垣迥高節信前欽飲冰嚴夙夜凜奉  
慈闈箴在昔相君子雞鳴警脫簪栢舟列中道凄  
風動寒砧春秋閱八袞孤燈對寒衾荻畫心良苦  
經營十指尋惟天眷至德有子莫留金卿月輝金

掌好音傳青禽慶彼高堂宴霽日照園林庭前芝  
蘭靄霞厄幸滿斟龍章賁越海忭舞不勝榮孝慈  
誰可繼流芳溢古今

細檢曾不得一壽詞此爲崑崙源頭近世漫  
泐又視尾闕遠甚

乙卯仲秋祝華年兄七十初度

余友先天厚才華發少年風霜曾飽歷白雪忽滿  
顛圖書常滿酒杖屐自翩躚高山芝味永朱桑任  
醉眠鶴髮童顏古飄飄真如仙回首生平事一似  
夢中緣余家草堂大時獲接高賢風晨並月夕脫  
粟臨花前此情信如水悠悠共和絃管飽今何在

誠正齋文集

卷六

三

相向枕已偏中秋月色迥銀輝散萬川仁人寧壽  
考古稀福綏芋余今爲兄祝天真在丹田百年善  
願養秋月歲歲圓

宮商卽在規矩中飄逸  
雅澹直是古人似我

祝賈元士社兄七十

巖穴多佳士伊人巢高林自非同苔客誰爲悉素  
心往昔歌敲竹文字得知音交情久愈淡坦懷篤  
盍簪駕駟驟達路彩鳳翔碧岑回首四十載鬚髮  
霜雪侵同社諸兄弟瞬息異古今此日經綠野二  
三共暉陰歲當大夏季乾坤萬象森靈椿七十度

請賦松高吟。大鵬六月息。凌霄不可禁。知君培風厚。筠節厲千尋。行輕而步健。神情靜以深。箕裘付國器。斗酒時自斟。昕夕過遷柳。相與聽鳴禽。悠悠閱百歲。橫我世外襟。

七十年履歷。竟以篇什。盡之法律。精深古今。來何獨歸美。少陵。

### 贈雲漢兄行樂圖

吾友高世士。論交自少年。出處雖云異。霜鬢各滿顛。生平重氣節。孝友克純全。文字邁流俗。法眼選青錢。扶弱與拯危。不為物欲牽。一腔菩提露。流出酒塵緣。辟立宮牆表。典型數仞懸。筋骨追顏柳。八

### 誠正齋文集

#### 卷六

十四

已執先鞭。銀燭初暉。日麟趾喜。翩躚丹素。代觴舞一堂。笑語燕丰姿。凝玉尺意。氣薄雲天。于今挹道。範鬚眉。尚宛然。積德終有報。風規遺象賢。來歲秋光好。蘭菊分外妍。

水中看月鏡裏觀花  
郎此可當摩詰畫

### 誠正齋文集卷六

翼城上官鉉松石甫著

#### 五言律詩

京兆署中齋里兼懷高弗若張伯珩晉長眉諸年丈二律

聖德山河迥。普天膏露多。清班容線襪。賢路從婆娑。行已嚴而教。作人節以和。英材幸長養。藉手答恩波。

#### 其二

高軒何所事。恬淡而寡營。入世畏行路。讀書樂友

### 誠正齋文集

#### 卷六

十五

生清風來拂座。孤鶴任飛鳴。懷客不能昧。幾迴問旦明。

興感在京兆署中懷諸友但畧畧寫意故是題中兼字

#### 秋旱夜雨

二麥賡田暖。嘉禾彌隰原。良疇企雨露。新穎畏秋暄。目斷三旬望。心憂百穀蕃。彼蒼憐下土。涓滴蘇黎元。

#### 其二

為問昨宵月。畢宮幾度開。神龍生變化。風雨滿蒼苔。一夕溝渠足。千家歡笑陪。他時速父舅。解酒漫

徘徊

前憂旱後喜  
雨具見法眼

桐水左明府

晉國豐年瑞。春風舞雪妍。每逢知己語。爭道使君賢。三異中牟紀。一錢會稽還。空懷野鶴夢。西望祝堯天。

欲規故頌非  
頌不忘規

辛丑元日

四十年前日。歡欣想歲華。如何臨令節。羞見春光賒。崇嶺崖猶雪。向陽物早花。渺茲滄海粟。遮莫向

誠正齋文集

卷六

十六

天涯

其二

廓落紅塵裏。四旬有四春。此生能健飯。不敢厭清貧。誦法先謨訓。琢磨慕德鄰。百年今已半。何以善吾身。

情所同然  
獨能道破

光祿魏環溪年兄歸省

珂鳴十四載。書錦樂如何。驛路秋風度。與亭華髮多。綸音昭錫覲。菽水養天和。閭望從今慰。願聽燕喜歌。

其二

陽關濯濯柳。折別送君行。清白平生志。晨昏此日情。仙雲回蔚嶼。卿月照邊城。為報萱堂上。歸寧可計程。

刻意摹寫。歸省必不使游移。終養才愈大者。心愈細。

咏黃

不盡秋毫照。小心到竹扉。敢言並月朗。且自逐星飛。寒夜清秋淡。草堂翠色微。未須愁日暮。指顧送新輝。

其二

誠正齋文集

卷六

十七

風。氣造物妙。陽氣夏秋蒸。神化生枯草。靈光燦乙。燈。羽毛還拂拂。奕葉自繩繩。留取囊中括。價高十。二。乘。

螢有心欲其小。有羽毛欲自附。有奕葉欲相繩。噫。一螢火。而金光百道。乃如斯手。

端午書懷

獨坐新篁底。鬚眉對鏡明。雲天何浩渺。花鳥自關情。懷古追遺事。撫時感此生。躊躇不盡意。慎矣務虛名。

其二

梧扇青苔上。清風掌後生。堂開集燕喜。舟渡競龍

迎○人○事○多○高○下○天○時○有○息○盈○本○來○面○目○在○何○必○問○  
君○平○

其三

不○是○烟○霞○癖○深○居○樂○事○融○鵬○飛○高○溟○比○瓜○發○爰○陵○  
東○河○洛○先○天○祖○平○成○終○古○功○悠○悠○千○載○事○俯○仰○少○  
人○同○

其四

紅○塵○來○咫○尺○何○處○尋○青○蓮○琥○珀○水○盤○錯○胭○脂○樹○杪○  
懸○蛟○龍○潛○海○底○鐵○笛○吹○江○邊○歌○罷○滄○浪○曲○長○吟○秋○  
水○篇○

誠正齋文集

卷六

六

四○首○中○千○縷○萬○緒○總○是○書○懷○瑞○午○符○其○借○景○  
故○閑○中○微○點○一○筆○

遊龍門

渾○淪○何○日○關○天○地○自○鴻○濛○疏○鑿○神○工○力○平○成○大○聖○  
功○高○巖○懸○漢○表○大○澤○穴○龍○宮○秦○晉○中○分○處○禹○門○萬○  
古○雄○

其二

黃○河○來○天○上○玉○柱○齊○雲○開○九○曲○先○江○漢○兩○崖○轟○澤○  
雷○龍○門○此○日○度○神○斧○當○年○推○進○歷○中○原○久○奇○觀○真○  
壯○哉○

畫出一龍門  
望之海峽

遊百泉

河○千○春○色○滿○攬○勝○到○蘇○門○竹○影○雲○林○迴○泉○聲○曉○夜○  
喧○桃○花○笑○洞○口○濯○柳○映○前○村○回○首○甯○臺○上○還○過○安○  
樂○軒○

其二

夏○絕○遶○千○里○湧○泉○發○太○行○奇○波○星○宿○海○煙○景○水○雲○  
鄉○潤○澤○膏○禾○黍○汪○洋○晚○帝○航○漫○云○吳○越○秀○名○勝○駕○  
中○邦○

往遊百泉至今日幾如槐安國裏讀此想見  
其樂

元日

誠正齋文集

卷六

九

春○從○何○處○度○曙○色○先○王○畿○北○關○仙○雲○麗○南○郊○陌○草○  
暉○乾○坤○普○大○德○日○月○送○新○輝○率○土○春○皆○到○喜○身○近○  
紫○薇○

高華端重聞之  
如金鑄玉珂

過天津關咏 先師石上車跡

尼○山○千○載○高○水○鐸○傳○東○魯○杖○策○太○行○巔○徘徊○大○聖○  
武○宮○墻○並○日○崇○道○法○開○天○祖○轍○跡○繫○人○心○天○閑○普○  
化○雨○

其二

孔○席○不○暇○煖○祇○因○周○轍○東○聖○王○如○可○作○吾○道○又○安○

窮方策載天府姬公入夢中悠悠石上跡百世仰  
高風

聖教不在跡跡在教亦在觀感表章私淑至今有人

誠正齋文集

卷六

三

誠正齋文集卷六

翼城上官鉅松石甫著

七言古詩

贈韓心康中丞

昔年比肩聯班昆出入同趨紫禁門自爾君才齊  
八斗區區筆墨非所倫三吳擾攘塵宸憂谷嘯幾  
芳鎖鑰籌帝曰俞哉汝其往聖談折俎高山丘海  
門烟樹日蕭蕭蜃樓幻市起九霄吳人生長澤國  
裏小兒踏波手弄潮頻年陸梁多小醜釜底遊魂  
不自忸包涵覆載無不容通誅天討長其壽東南

誠正齋文集

卷六

三

財賦半寰區嘔心難計惟東吳鉄衣待哺星羽檄  
軍吏傳呼不緩輸恤兵既恐來枵腹憂民又痛無  
完膚旄頭日落嚴鼓角指揮常惺舒弘謨清外沙  
明鷗鷺飛繁花芳草釣魚磯會計那須興仰屋聲  
名直與江水肥江上長虹海上鯨帖爾波臣伏不  
驚靈妃瑟雨西來潤龍子珠潮化上生門第從來  
高世胄龍池鳳館君家茂在宋欣譚有魏公在唐  
誰使吾君瘦其他列爵不可當數傳相國家聲舊  
科甲香芬在令君廉吏之名樂世聞款段長安慚  
索米墮麓梓里時殷勤館娃勝境若銀濛響露虛

聲降碧空闔閭門外漁火紅五茸城裏草色叢吳歌發越下簾櫳夜深微雨滴梧桐花陰初亂雲半朦雞聲四遠曉翻風四傳論思繩武粵當陞只令虛密勿何時于邁從金闕乘風常望吳江月

揮事寔爲吟哦善剪截能變化正如八音迭奏清濁高下無不各極其妙

張樾青都掌科分守長沙

緬昔湘南采風遊屈指不覺十五秋僕僕京華縉塵滿夢裏時登楚江樓黃鵠磯頭晴日麗白雲縹緲鸚鵡洲武陵洞口春三月有無桃花似舊浮星沙萬戶昔云盛父老扶杖仰君侯計程花明仙旆

誠正齋文集卷六

三

拂春風先上玉虛舟琴鶴風雅期何古圖書歷落韵自幽吏靜民間消長日公庭如水看海鷗濂洛心傳可相許屈賈芳徽堪並儔六賢祠中今將七湘水之濱聽吟謳山川不改雲物在我來君至慶新猷攬轡須知君恩重回首鳳詔錫澠州

信口吟來山川雲物筆下紙上大手筆最上乘越龍門積石而上

壽河東道張中老公祖院長

久從金門共比肩衣冠同惹御爐烟殿上高名懸北斗篋中諫草至今傳晉國自是陶唐舊山河文獻著前編名世應期勞分陝膚藻續紛渙日邊河

東蒼生慰引領翹企仙旆戴堯天飲和食德誰之賜耳棠到處慶長年春雨花朝聽瑤奏天風吹開玉井蓮觀面華嶽觴春酒坐揮塵尾集群仙瑁筵弘厥遲遲日千里謳聲雜管絃園綺不忘華封志遙祝嵩高賡大千

着意在河東道三字若頌若禱爲公不專在公真仁人君子

春日祝平陽太守梁公祖壽

晉山風景斐天章爽氣西來貌姑蒼王喬飛鳥來咫尺天半霞紫帶雲翔河東自是股肱郡康衢擊壤頌陶唐名世應期涖茲土功高史冊踵黃山

誠正齋文集卷六

三

川繡錯烟雲碧楊柳依依藹其芳瑁筵弘厥歡無極坐對嵩岳春酒觴仙旆初拂鳴琴室玉壺新徹飲水堂蒼生引領歌樂只和風甘雨潤召棠堯舜君民欣作觀化國舒長壽以康野人願効華封意逢瞻蓬萊廣霓裳

吟成百餘言搃不外題中十數字相其興會所在居然灞橋雪中木蘭船上

丙辰十月壽潘次公父母

花城蒼茫迷曉烟廉史丰標致欲仙冰心玉壺誰得似洋洋口碑載道傳十月中流星漢朗紫氣東凝搖踈幌遙傾北斗申華祝悠然俄側鈞天響操

絕一塵著令聞肝胆如雪氣如雲懸情企仰無可  
卽汾流千里溢清芬不然胸次何浩浩不然明月  
滿懷抱德音孔貊不能忘相將富貴並壽攷鉄研  
台前風細細扶桑日出吐新暉預卜金甌思良牧  
丹書指顧宣紫薇

樽柱得方幹旋得法故句相接而有開換韻  
通轉而無筭縫  
七夕

七月七日秋氣集傳云織女會牽牛銀河盈盈懸  
終古此夜鵲橋咏好迷兒女喁喁鳴花鼓浮瓜沉  
李顙神麻薰沐竭誠惟恐後齋心乞巧良願酌天

誠正齋文集

卷六

二四

孫錦文章日月雲漢黼綬仰九州針線綿密匪輕  
易工夫不羨空中樓多少非想非非想瞞天跨海  
有奇謀先幾妙著無從測天孫俛首輸君籌一飲  
一啄皆前定耕田鑿井我何求巧婦無米終成拙  
時來風送是仙舟

七襄不成報章俗云乞巧皆非非想耳豈惟  
巧不能乞且有弄巧成拙者巧婦無米善哉  
言乎吾故不惟羨其琢煉之精工而深嘆其  
寄托之深遠  
祝家大人七十雙壽 順治庚寅

清和四月物候新十有一日慶昌辰大人今朝紀  
吐麟華堂作圖列仙真有季遠道宦湘濱有竹待

漏典成均惟昆殷勤拂庭塵鴈稱萬年酒三巡兄  
弟慚匪軾轍倫大人氣槩邁蘇洵七十年來春秋  
頻風骨稜稜兀嶙峋椿正榮今豈方春南風時兮  
吹座賓俸雖云廉酒期醇百歲好懷開令晨三五  
執事少年人勉效竹林步藉伶醉歸扶路鷄須鳴  
白髮故人古今情遊子江上日宵征沅澧不睹蘭  
芷菁黃鶴詩人千載廣我今作樓幸觀成仙靈重  
來楚江城一粒金丹錫璫瓊我不祈年不祈名惟  
祈吾親壽雙榮願新松栢長年青願祝嘉禾玉堦  
生世田有種親力耕家聲奕奕日崢嶸

誠正齋文集

卷六

三五

如圖如語增易一字不得人謂魏不逮漢吾  
謂漢不逮今誰能識其權輿豪翰所在  
自咏二十四句

白髮老人五十八杖履瀟灑傲天涯何處鄉關何  
處客忽見秋風捲岸沙三十年前空一世夜郎何  
曾識漢家須臾少壯成衰老文章富貴盡虛花水  
流花開瞬息間極目天半睹朱霞青山不語人無  
事東門何地不宜瓜于今渾俗長安市且向清  
煮苦茶故園兄弟知多少秋水伊人動兼葭屈指  
蟋蟀吟床下朋酒羔羊度歲華人生百年須行樂  
山高水長日自斜盈虛消息有天道如何俯仰得

無○差○假○我○數○年○以○學○易○不○美○凌○波○萬○傾○棹○

賦○而○興○又○比○全○休○俱○備○好○句○只○自○吟○惠○連○固○

非○欺○我○

癸亥春日祝平陽太守梁從先公祖

汾○之○水○清○且○滿○千○里○悠○悠○噴○波○奇○姑○射○山○前○晴○嵐○

照○杏○園○春○色○到○鳳○池○雍○容○錦○畫○紫○薇○早○琴○鶴○優○游○

風○光○好○玉○堂○此○日○開○綺○筵○吾○公○喬○嶽○益○壽○考○露○帷○

行○春○使○君○遊○風○情○澹○宕○凌○滄○洲○我○心○如○水○明○如○鏡○

身○在○冰○壺○十○二○樓○凍○解○銀○塘○美○花○旆○依○依○楊○柳○映○

襟○帶○耳○棠○滿○路○多○濃○蔭○躋○堂○介○眉○與○情○藹○卿○雲○復○

旦○壽○以○康○萬○姓○謳○歌○頌○龔○龔○黃○越○在○山○椒○崧○高○切○揮○

誠正齋文集

卷六

二六

毫○飛○翰○佐○霞○觴○曝○野○芹○進○春○酒○丹○井○香○酌○大○斗○洋○

洋○紫○氣○入○坐○來○蓬○萊○仙○班○降○瑤○臺○天○風○吹○響○雲○門○

奏○百○歲○好○懷○從○今○開○

人面水光兩兩照映。蓬萊原在心上必分。塵世為兩境者非。花爛熳柳扶疎清芬秀色拂人襟裾。藥珠宮裏仙韶奏字代官而句代商。

誠正齋文集卷六

翼城上官鉅松石浦著

七言律詩

成青壇衛文石先生兩典春闈

盛○世○文○章○喜○起○隆○憐○才○端○的○望○宗○工○樞○樞○杞○梓○引○

繩○墨○孔○牡○驥○黃○識○駿○雄○水○鏡○重○懸○高○日○月○玉○山○雙○

照○開○鴻○濛○而○今○令○甲○嚴○桃○李○不○道○參○苓○滿○藥○籠○

寫○勝○事○須○得○名○手○重○重○疊○疊○上○瑤○台○氛○從○此○

中○悟○出○

贈中堂栢鄉魏石生先生錦旋

山斗巖巖冠絕班

手標磊落許誰攀

千官澄叙清

誠正齋文集

卷六

七

流○品○百○道○封○章○動○帝○顏○事○業○追○踪○伊○傳○後○心○傳○直○

接○孔○周○間○東○山○清○夢○應○難○久○宣○室○席○虛○指○顧○還○

錦旋多矣要見是栢

贈少宰曹澹餘節鉞黔省

采○采○蘭○英○王○者○香○岱○宗○奇○氣○鍾○思○皇○惟○期○邁○德○紹○

臯○績○恒○耻○叢○綿○補○漢○章○位○陟○天○卿○新○命○煥○望○高○節○

鉞清風長佇看視草來天上回首鶴雲北關翔

是少宰是黔省不襲節鉞粉本

學士靳紫垣節鉞江南

侍○中○丰○度○冠○羣○英○清○近○仙○班○久○著○名○蓮○炬○當○年○送○



鶴院旌旗今日照江城山川佳麗多奇狀人物高華有別情昔我采風識往事翹瞻霖雨潤蒼生

節鉞同而學士與少宰異江南與黔省異異樣手筆

銀台劉憲評節鉞寧夏

秦關百二簡從龍節鉞新承帝命隆聲動賀蘭草木壯威震靈武旌旗雄轅門風細閑刁斗幕府秋深靜角弓幸際康寧無事日邊方慎奏凱旋功

百煉成字以中易波者為誰

其二

十載清忠最出羣西夏此日肅千軍振英栢府天

誠正齋文集

卷六

二八

顏改秉憲巖疆瑞節芬倒影奇峯連碧漢函關紫氣拂星文兼葭白露秋風切隴樹秦雲長憶君

祝魏環溪年兄太夫人八十

乾坤大節炳雲州集義所生浩氣浮井旨情深將菽水溫清念切樂林丘春秋八十水霜冽蓬嶼三千歲月悠此日畫堂開壽域融融慈孝誰堪儔

開端便知為環溪母有是母有是子尤幸有是詩

賈膠侯中丞園林重陽招飲

瀨氣凌空未易裁獨臨新閣想蓬萊園林飛鶴迎風舞池畔遊魚噓沫來誰識曠懷超世外須知異

景待仙才座上幸有少陵客願借藻思潤碧苔

客有少陵主人身分知多少景不足異才則真仙

周凝圖學士五十

嶽嶽崑崙高誕甫申坦然獨自抒天真年齊伯玉思無數家述遠溪德日醇金鏡敢忘霄閣奏丹宸日向延英陳興朝平格知誰是蓮炬新輝錫萬春

伯玉蓮溪傳物中如何想像得起周有此榮於全蓮炬矣

廬山斗公祖總督河道

高標嶽嶽聳巖廊盛世夔龍自異常冀北湛恩歸汾水粵東丰采震南陽萬艘飛輓漕方裕千里安

誠正齋文集

卷六

二九

瀾波不揚翹企河干時獻瑞功歌清燕殿天邦

如其位如其地如其人左宜右有

韓心康巡撫蘇松

北斗高標舉世宗中流直砥百川東冰心清冷碑橫口化日優游襟映風精察秋毫關節斷澤滋春雨海濱同諸州節度誰能比江左英聲徹九重

江南景色節鉞威風毫端可以指顧

朱小晉院長初度

十年諫院久知名嶽嶽丰采柱後生槐里劍光寒微閣鹿門藜影照芸英連牀誼篤弟兄好把僑交

添風雨情此日春暉來鳳閣松高碧漢祝長庚

題原是初度故但言事業言情誼而不言壽考斟酌如此

謝叔賓公祖驛糧山右

表裏山河右臂雄晉開猶見古唐風殿中珥筆搖星岳冀北雨車潤黍花翹企康衢鳴世瑞伏觀保障樂年豐丈夫事業留分陝介節冰寒凜玉駟

晉開唐風望之儼然杜史為保障前後俱無漏義

朱小晉年兄巡茶西秦

鮑桓嶽嶽久齊名攬轡秦關望廓清茹藥水心茶味淡空群法眼駿蹄輕一天雨露先函谷萬里霜

誠正齋文集 卷六 三

威動磧城漫說關河古道遠隴頭鸚鵡善傳情

茶差兼有馬看文中補闕拾遺手段

少司寇張東山年兄旋里

臯謨久贊翼天家夙夜亮工帝賚嘉遇眼流雲三十載奇花清夢幾回賒青門好鳥啼新柳驛路春光映晚霞宦海風波千萬變幾先早上太平車

太平車常在誰能見先才固大識更高

少司馬漢清李年兄旋里

出入承明共帝鄉數年同拜五雲光位高司馬籌帷幄名接天庭振廟廊紫閣無心戀列鼎清溪偏

樂橫流觴別來雙鯉何時寄晉水燕山夢路長

後談少司馬旋里仍是西錦精敏雅澹亦右丞亦蘇州

大京兆王弘宇節鉞郎陽

絕代英猷誰與群况兼劍氣炳星文同依京雒薦交密忽送陽關雁影分明德長流漢水月謳聲初動楚山雲峴碑遺跡今何在羊叔重來事再聞

舊交雁影漢水楚山允矣錦心繡口

姚際斯掌科分節黔中

封章侃侃掖垣尊仗節黔南帝語溫草昧新開資雨露驚鴻初集望仁恩九卿復出憂民切一路遙

誠正齋文集 卷六 三

臨福宿焯此日春明分雁影清風先許過偏沅

掌科分節當之者氣沮九卿復出溫語匠心

贈朱雲門巡撫浙江

十年丹陛染爐香節鉞新綸下建章萬里風烟今日靜一天雨露海濱長雅獮卧鼓閑門十鴻雁飛翔樂黍桑共說升卿多駿烈棠蔭自一廂餘杭

門所浙江潮潮與駢與其在茲與

贈韓心康巡撫津門

相國蘭英翼帝猷端忠簡在幾多秋旌旗搖曳燕山月劍戟茫寒瀛海洲咫尺君門欽介節徘徊三

輔挹清颺南陽自古稱難問奕奕似君莫有疇

津門節鉞是為韓易  
一人便如優孟衣冠

贈同卿梁子源旋里

西京才僑梧垣尊陸奏匡疏勳帝軒一代文章開  
景運百年山斗拱龍門旋聽玉佩搖卿月忽送秋  
風捲蕙蓀菽水雖歡宸眷切肯交安石卧丘園

旋者榮贈者快溺  
橋東傷心何為

柱史張羽王年兄終養

蕩蕩天街駿馬嘶笑看桓轡入山期翔皇春色耿  
華髮行麓白雲拂鬢絲慈壽堂前鳩杖發芝蘭塔

誠正齋文集

卷六

三

下紫英奇龍文奕奕輝桐野記取青燭荻畫時

休貼終養媿而多風  
惟蓼莪詩人知此

賀盧瑞峯北祖母壽

瑞氣將開必有先藍田種玉卜逢年登庭萱草隨  
風舞入夢江花奮筆妍秋憑聲名高紫閣慈帟淑  
德斐青編珠簾半捲南薰細錦堂優游樂舜絃

北祖母壽四字連詠俗  
下截做壽字豈非鈍賊

辛亥秋贈霍龍淮銀台致政依公原韻

干將光芒射國門胸中豪氣至今存二疏介節辭  
丹闕四皓高風到綠園畢世榮遇多特賜幾回簡

在非常恩兩朝文獻民之望喉舌平分斗杓尊

陽春白雪友在和者  
惜不得原韻而方之

其二

耿耿孤忠願莫違夢魂時繞九重依冬官六考冰  
心列卿月三遷玉殿輝望重銀台飲畫錦地臨金  
掌賦初衣青門八座神仙客花發東籬攬菊暉

贈黃妃雲柱史兩淮差滿

繡節霜威共所推情深春樹及瓜期清風千里吹  
蘭蕙輪月一簾照海湄恩湛秦淮霖雨潤名傳魏  
關主心知塩梅事業今誰許指顧珮聲度玉墀

誠正齋文集

卷六

三

兩淮差滿說來津津有  
味在醴醅黍醒之間

丁未馮恒山年兄觀旋安陸

黃鵠磯頭餘十年清宵時作夢中緣欣瞻雨露彌  
南國何幸茸棠遍楚川七澤安瀾禹德遠方城春  
暖羊叔賢湏臾促膝遽分首漢水燕山風雨懸

人知已路慣經  
潑墨皆成煙雲

吳乾公柱史尊人入祀鄉賢

岳降英姿迥絕羣丰期磊落未前聞當年壯烈能  
從武風昔高懷願右文俎豆馨香久在列烏台芝  
玉許平分即今鳳詔續紛紛日應向賀蘭挹紫雲

吐氣揚芬榮於組豆  
祀得此可以不祿

依魏環老韻送張翊王年兄西旋

共知名利不如閑。此日驅車過晉關。驛路秋風隨客去。世情春夢美猶還。滄浪尚有溪邊趣。簫鼓常聞座上顏。回首白雲相對照。不須別去買青山。

益友拾成三  
益音幸幸二

環溪年兄尹京兆步禱即日得雨志喜依韻

奉和

夢卜旁求想傅霖。一時簡在應天心。風雲呼吸蒼生願。雨露滂沱盛世音。自是精誠轉造化。庶幾竭誠正齋文集

誠正齋文集

卷六

三四

賦答高深從今喜見豐年兆。請進幽風七月篇。

無字不精確。驚愕絕響。倉海月嗣音。應成絕響。

大司寇白東谷同門旋里

曳履星辰匡弼尊。九齡丰度至今存。冰寒夜半勤君父。春暖冬餘長子孫。宸眷方來倚揆叙。高風早已到雲根。此行莫整耆英座。寰海蒼生久籲恩。

當音律精工讀此使人不敢為冷淡生活

祝余浣公柱史兩尊人八十

漠漠江山綠水濱。百年隨唱古今奇。為歛梁孟能偕老。還羨鵬鵬并漸逵。對仗彈文鵷色動。斑衣戲

綠松雲棲達瞻畫閣當呼日。雪藕冰桃照皓眉。

紫姑雙壽絕妙  
詞能兼衆妙

祝蕭長源柱史封公

久從海嶽瞻奇氣。為見紫雲入望來。揀勝尋幽巴楚壯。橫經汲古左遷才。漫云救世岐黃畧。且喜揚鑣繡史台。此日華封榮畫錦。龍章先向九重開。

壽詞較多多益善善用律如用兵然古來凡見淮陰

祝高閣修柱史太夫人

婺星燦燦照光筵。此日新豐曙色偏。三十六年榮志潔。一堂五福萱花妍。燒燵夜識寒機影。晝荻朝

誠正齋文集

卷六

三五

生翠閣烟。莫喜翟華輝。鶴髮龍章將下第三篇。

觀定高太夫人敏妙出  
自天機不數筠手建步

祝比部劉君尊人壽

大朴高風誰與儔。春暉燦燦翠光流。衣冠麗古存先代。詩書燕貽篤世求。花種秦川遺愛永。棠蔭南國頌聲謳。而今秋憲新章煥。翹首白雲彌并州。

清雅似襄陽白雲句  
天室人物

癸丑十月贈門人曹雲九之商河

西京人物望前編。屈指甄衡三十年。價倍連城欽葵畝。名高北斗重青錢。門牆佳士今餘幾。桃李英

華晚且賢。把酒燕山。良友遠。洋洋東海。廣蘇天。

撫今懷昔。慰勉悽悽。高足曹子。幸而有此好。

史滄航衡文三晉

絳帳新開。參野墟。百年山斗。定無虛名。賢爭拂。鷺湖。座佳士。欣聞鹿洞。書藜閣。光烟懸。日月杏壇。化雨動。禽魚。狄門自此多桃李。共仰奎躔。照使車。

開口已見大意。驚湖鹿洞。漢人亦當退舍。何有魏晉。

金紫汾掌科內陞錦旋

數載承明。侍帝居。英聲嶽嶽。竟何如水。心一片玉。壺照諫草。千章冊府。書卿月。方輝。耽菽水。宣蘇有。

誠正齋文集

卷六

三

待御。潘車。青門不必。張岐路。回首春光。載道舒。

有內陞錦字。愈着寔若。泛作錦旋。便不堪入錦囊。

祝錢大士柱史封公

橋梓作述。已有人。脩然獨自。規先民。江門雪月。春風早。海角霜天。寒谷溫。留取青箱。篤世德。還瞻鶴髮。拂佳賓。南州冠冕。知誰是。仰止高山。卜德隣。

祝公又有封字。得意疾書。几几乎蕉葉。暴杏葉。澆矣。

其二

大雅宗風。振道壇。丰標鸞舉。吳江寒。圖書歷落。懷猶古。杖履逍遙。夢亦安。千里嶺雲。飛角豸。九重袞。

詔降青鸞。錦堂屈指。稱觴日。片片梅花。度玉闌。

祝裴晉卿銀台母壽

節烈雙垂。典冊芬。徽編奕奕。炳星文。閨門繞有。鬚眉氣。荆布還凌。烈士雲。卿月高。光有令子。芳名煜耀。誦慈君。貞心千載。如松雪。南海雲香。瑞色紛。

賀饒差黃萊園公祖

十載鳴珂。曉漏寒。豐城紫氣。注雲端。探奇渠。閣。殿碑影。振采蘭。台。騁牙。鞍見說。三河。民力盡。應知今日。聖恩寬。前車脫洗。開生面。咫尺海光。望鮑桓。

誠正齋文集

卷六

三

賀意隱躍。言外。孤白裴已到。手技妙。一至於此。

癸丑仲冬祝司馬賈膠侯壽

久從風雨。沐綈袍。蒼翠璘珣。志氣豪。羽翼聖。經。續孟子。削平雲。棧。俯江。臯百年。麟閣。今爲。烈。兩國。井棠心。獨勞。魏闕。江湖。同一視。喬山。平格。賡。崧。高。

膠侯堂中。那堪。彈。噪。鳴。此乃爲。鈞。天。雅奏。

胡宣懿兩尊雙烈

系出升聞。虞德傳。疾風勁草。誰爲賢。一門高節。垂千古。百世芳名。晉簡編。刺史清徽。姑射。爽。樞。曹。環佩玉。塔懸。書香不輟。來天春。率祖攸行。奕葉綿。

劉成雙事甚奇文更奇文奇愈見事奇

洪洞范彪西母七襄

堂開燕喜列瑤壇。片片梅花度玉闌。澤洞雲深勤  
荻盡。琅山日暖。和熊九。青錢久入南宮選。救水新  
將北閣歡。九轉丹成今日始。相從慶朔看桃蟠。

主人在洞雲深處。声声呼出小范來。若使俗  
啄同。咻何異真率。如籠鶴。惹僧耶。

賀驛道焦荆巖公祖

名世昔來我所思。燕山把臂結心期。嶽標騫舉凌  
霄漢。汪度淵泓潤海湄。鳴珮西台春色曉。驅車冀  
野雨。露隨他年揆席知高步。不易羊羔一快詩。

誠正齋文集

卷六

三

慰蕭屬望俱見馬  
賀不知燭刻几許

已未冬賀張澹明公祖榮擢閩憲

桓驍西發出長安。雨露隨車載道歡。驛路風清歌  
冀土。棠蔭春暖滯榆關。晉陽遺愛千秋永。閩海新  
恩此日看。指領楓宸來視草。五雲深處慶彈冠。

凡閱歷而後得此擢此行便如登仙閣憲愈  
覺生榮

辛酉小春贈程章世公祖分節瓊海

上黨風霜十月寒。俄聞仙舟渡江干。嶺南春到梅  
傳信。冀野棠深夢自安。名世自茲皇路永。故人千  
里鴈書寬。文莊事業今猶在。仰止高山問宿壇。

鸞廷可喜環海拂然言下似有駿車羽輪環  
海竟是大羅天

贈泰階高年兄任嚴陵

建安才子久知名。奕奕琅玕紫氣橫。仙旆新移辭  
鳳閣。春風初拂滿江城。桐廬明月多佳興。驛路梅  
花傳遠情。南國甘棠自此永。遙瞻玉尺待延英。

岐路徘徊任字有何尤。采綯歸自然。因是  
初發芙蓉

寄驛道焦荆巖公祖  
多史霜威震帝京。久從風雨篤周行。白雲自逐巢  
由志。玉燭遙期契稷平。兩載甘棠彌冀野。一天雨  
露潤蒼生。野人扶杖觀盛化。翹跂竹書紀漢卿。

誠正齋文集

卷六

三

千里陳遵意三秋杜  
甫心詩中有此古道

桐水何侯乃弟為桐禦寇有功至今桐人廟

祀

召伯甘棠二十年。干城猶誦使君賢。循良在昔主  
璋重。節烈於今俎豆傳。翔嶽峯高碑潛潛。澮流春  
永草芊芊。一門忠義誰能比。留取清風吹史編。

分明是乃弟禦寇尸祝  
真切豈效醴泉父老

甲寅留別長安故人

廿載追隨度玉墀。草橋何事轉生疑。故人天上風  
雲聚。野鶴山中歲月遲。白雪陽春和已寡。高山流

水有誰知別來兩地空相憶長念橙黃橘綠時

別已生感留復眷懷文

情亦在高山流水間

賀董會徵節鉞兩河

紫氣東來漏未殘。光芒先射斗牛寒。棘司七載同  
風雨。烏府當年共豸冠。三楚甘棠猶未改。西河霖  
雨慰新歡。千秋事業應誰許。擎柱高標雲外看。

西河節鉞又是別樣旗

旌詩客中何所不有

壬子三月相州道中作

蕭蕭匹馬出長安。驛路清風拂玉鞍。劍老豐城騰  
紫氣。人傍故國問青山。依依新柳迎春綠。燦燦桃

誠正齋文集

卷六

早

花帶笑看起對鷄鳴。早夜舞征車。窗惜五更寒。

人中景景中人泰

此可悟第一義

丙辰春日郊外之作

南山十里風光適。爲挹晴嵐數上樓。偶爾行春至  
綠野。何期散步到滄洲。花香柳嫩心机少。日暖風  
和歲月悠。翹首最初思太朴。行生時物自春秋。

時在春日境在郊外

時行物生心在何處

甲寅孟冬別楊執玉年兄

此行祝髮入深山。永別春明不復還。平地孟門事  
既往。羊腸九折楚有九路多艱。風波不作鳶魚樂。

水炭相忘海天寬。漫把寸心憑月照。而今明月照  
銀灣。

天空海濶襟懷魚躍鸞飛趣味一別而勝九  
迴矣

丙辰菊秋祝周提台壽

昔時聲氣駕如蘭。咫尺元龍且盡歡。仲甫臨戎百  
二壯。萊公鎖鑰北門寒。遙瞻青鳥傳佳信。回首冰  
桃滿玉盤。麟閣功高丹詔近。山中從此慶彈冠。

揮毫如落英可摘可食俗調蕪冗不過虎帳  
中羊羔酒耳

丙辰二月澹明公祖瑤孔存問奉報

晉宣表裏舊山河。驛路春風鳴玉珂。空谷久深忘

誠正齋文集

卷六

四

素鯉仙音何事到。青蘿桓桓暫爾勞。分陝鄭僂他  
時聽亮歌。風鶴如今有管晏。野人只合曝漁簑。

唱予和汝投桃報瓊佳  
句千古良友亦千古

祝爾音和年兄六十

河上仙公入望華。薰風此日漾仙槎。冰桃暖結千  
春核。沆瀣塵空六月花。歷落琴書懷自古。婆娑晴  
雨夢多賒。翔臯山勢連嵩岳。翹首峯頭挹綵霞。

作者愈快意  
當者愈報顏

贈社友張碧藕孝廉

從今回數粉榆初。壯志嘗思採石渠。自愧駑駘先

勸駕遲君驛駿淹公車。捧章毛義情何切。負米仲由志不踈。出處輒增牢落感。天門佇奏太平書。

君藉聞之曰寔獲我心永矢弗告

大行皇帝上賓次總憲栢鄉先生韻

四海昇平聖主恩。不憂錯節與盤根。譚兵慷慨試南苑。論道優游御平軒。尊祖敬天講禮樂。勤民愛士繼晨昏。痛心過密八音日。帝德王功振古吞。

珠唱玉有瑜何可無亮

其二

率土何人不承恩。獨沾雨露庇孤根。十年執簡官

誠正齋文集

卷六

四

蘭史數次召宣侍帝軒。義篤天冠驚隔代。德高日月忽黃昏。孤臣有淚難揮洒。無限悽愴北望吞。

西便門外有慈壽寺明神宗太后所建浮屠

轟立與天寧寺爭勝殿旁有石鐫關夫子像

義我千尺振蘭林。爽塏清光徧布金。慧光直登三

乘上。菩提還洒十洲深。弘開願力凌天漢。獨闢芳

模識哲心先聖岩。岩留石像拜瞻遺蹟起長吟。

此雁堂彼鹿苑。泰祥又仰聖青蓮。竟自舌上生

自慈仁寺返數武爲摩訶菴中有十八體篆

字金剛經

金剛般若秘靈文云。道沙門有典墳。龍鳥縱橫點

畫古。斟酌變幻律音分。鍾王自來饒情態。顏柳競

傳遺骨筋。閑坐給孤。讀法偈。寶蓮千葉吐奇芬。

談經必先辨篆非讀書萬卷焉敢伸指弄拳

真覺寺在西直門西內有金剛寶座座上有

玉塔皆石爲之永樂間西僧所建中印度想

式也

三千法界勢蒼隆。百寶光明一室中。遙矚莊嚴仰

法力。還觀舍利擬神工。西山晚照綠園樹北闕晴

雲度塞鴻。耿耿孤燈懸日月。百年長發祇作宮

誠正齋文集

卷六

四

題緒不勝聯鑣金沙散布但見滿地玻璃

萬壽寺明萬曆初年修有大鐘永樂時鑄重

十萬餘觔擊之聲聞百里

剝落塵根冥寂器。欲移壽嶺度今朝。日高浮屠臨

午影。夜半鐘聲聽曉潮。法物煌煌同夏鼎。元音朗

朗羞鳴珮。長楊禾黍不堪同。繫馬荒郊落日遙。

何時修何時鐘歌咏留連花亂墜而石點頭

和洪畏軒世兄西園杏熟詩用摩詰少陵櫻

桃韻

六載狂疎守一官。同人聲氣篤如蘭。隔簾蕉扇隨



風舞。予亭前亦出水菱裳帶露殘。補闕時思山甫。  
衣洗心嘗讀殷王盤。滇南鵬翮今方息。奮舉雲霄  
問廣寒。

杏與桃洵堪競。艷嬌美韻叶五杜。則青出於  
藍矣。

其二

磊落珠璣映日紅。朱霞燦燦絳紗籠。瓊瑤有報風  
期古。桃李無言蹊路同。扇戶漫尋蕉鹿夢。開窓高  
卧羲皇宮。滄浪喚醒長安客。何事心機首似蓬。

元夕次銀台霍龍淮報國寺韻

帝里韶光久艷奢。蘭林風味興偏賒。經聲响徹松

誠正齋文集

卷六

四

間鶴爐氣香。浮古刹。鴉竹院。明燈炯似電。山門寶  
炬朗如花。一年好景君須記。三五新逢慶玉華。

元夕報國寺寫景寔雄然而莫難於限韻韻  
落天然處四聯已尽人處和者難爲後吾正  
恐唱者難  
爲先耳

其二

金門十載寵遇奢。極目春光特地賒。夢繞家山傍  
野鹿。身隨天仗逐朝鴉。銀輝搖曳莎蘿影。采色紛  
飛闥苑花。携手相將遊此地。誰知今夜觀瑤華。

其三

元夕張燈上國奢。時來今日興更賒。霓裳歡舞鈞

天奏。簫鼓震驚栢府。鴉梅影披離梢。吐月東風蕩  
漾。火催花丹青能奪天工。巧無數。紗籠闔國華。

其四

燕市相逢景物奢。流連慷慨少年賒。萬點曙星喧  
瑞鵲。千門翡翠照歸鴉。宰臣休獻燈籠錦。學士爭  
看蓮炬花。燦燦卿雲歌復旦。長調玉燭祝嵩華。

和陳越菴乞米詩

寂寞山居日似年。囊中那得一文錢。詩書滿架不  
堪煮。藜藿充飢誰見憐。愧我饔飧無善策。與君升  
斗結良緣。沿門持鉢。匪客易萬事。如今只聽天。

誠正齋文集

卷六

四

今人所乞者不止一米米。尚如此其乞浮於  
米者。尚何如讀至听天。句見萬事無可乞。亦  
不必乞字字  
可以療飢

丁巳小春祝張碧藕社丈六袞

不衫不履率天真。回首風光六十春。期月鶴琴多  
近古。一行清白不言貧。齊眉梁孟同蒼翠。繞膝芝  
蘭美鳳麟。朝暮東山偕杖屨。歡然相對寫天民。

話使碧藕日夕佩  
服疑在藥珠宮裏

宋公昭司鐸廣昌

半生劍氣老風塵。此日光芒動紫宸。絳帳新開絳  
雪舞。青毡還發青蒸烟。文章冀比高山斗。事業中

朝景鳳麟指顧金門趨待詔五雲深處玉華春

賦青毡不涉賈孟康  
寒詩人寓意自遠

遇陳泚水三見猿與犬相鬪余日孫吳

乎泚水日苟完矣相視而咲

將軍今已無誰云東郭畏韓盧沐猴衣錦未

為智高鳥良弓總是愚惟埋雖然爭按劍扁舟久

已入西湖卧龍明月千秋照讀罷史編想丈夫

是閩皆後與犬此能為之解紛得句時一咲  
而三太息

新春拜客馬上口占

春日揚鞭過帝城沿門飛翰逐流鶯高才攘臂爭

誠正齋文集 卷六 四

先到緩步營車待後行但見朱門填貴客曾無古

道踐初盟時來風送尋常事多少工夫奏得成

到萬事成未捧先鳴既推復獻此日果在馬

背上上

其二

競色蒼蒼御鳳城上林淑氣促文鶯天街駟馬連

雲逐路金貂踏雪行按劍知交追往轍彈冠年

少結新盟東君不擇情疎密春到人間萬事成

春正偶作

年年曙色典江山無那春風度漢關玉苑馬嘶芳

草軟長堤人醉玉樓還揮毫珠玉搖星斗看劍光

芒動珮環昨夜上林花滿樹千官肅杖拜天顏

筆端生出上林花  
兼有珠光劍氣

庚申元日四律

元日風和天氣清山中甲子問行生義輪初轉卿

雲旦鳳曆重開列曜明抱膝林臯歌聖世行吟盤

谷樂昇平榛苓自是野人性獻頌椒花不盡情

年年此日此日詩又不似他日曾中武庫其  
日新日升矣乎令我拈一字作數日想究竟  
不敢  
加點

其二

其二

誠正齋文集 卷六 四

太倉一粒渺天涯蓬鬢那堪經歲華咫尺春山青

色早婆娑雲樹鳥聲諱陽春有脚來何地造物無

私到此家百草悠悠隨意度停驂遙憶赤城霞

其三

應事參差歷歲寒春光迢遞滿河干出門漫讀絕

交錄入世須思行路難幾度問春春不語豁然醉

酒酒方開陰晴風雨君休計吟罷常編天地寬

其四

褚冠常素攻平生皮裏陽秋有定評春夢重尋蕉

鹿事浮雲又作耶卿行救時無策長憂已憫世有

心○空○惜○纓○悵○望○龜○山○莫○太○息○函○中○紫○氣○射○豐○城○

元夕

三○五○欣○逢○月○滿○天○千○門○花○燭○照○無○眠○丹○禁○簫○鼓○連○  
官○漏○綠○野○鰲○山○徹○珥○筵○風○景○時○隨○春○意○足○人○情○願○  
共○玉○華○圓○良○宵○若○此○須○當○醉○應○是○開○元○極○樂○年○

身○廣○陵○

其二

桐○皋○一○望○暮○雲○齊○此○夜○天○星○錯○綠○堤○萬○井○濃○烟○籠○  
月○澹○千○家○花○鼓○動○鴉○棲○春○風○迴○處○銀○燈○舞○餘○雪○照○  
時○火○樹○低○玉○燭○平○調○知○就○是○素○心○已○寄○武○陵○溪○

誠正齋文集

卷六

四

咏海棠花

簇○簇○朱○英○紫○曉○東○看○花○人○到○興○偏○同○七○襄○爛○熳○天○  
孫○錦○九○錫○輝○煌○赤○璧○宮○架○上○珊○瑚○映○旭○日○檻○前○翡○  
翠○舞○輕○風○名○花○奇○異○真○難○繪○却○恐○丹○青○筆○未○工○

花○啓○文○聰○明○文○耶○花○顏○色○文○心○喚○入○花○心○裏○  
花○心○殊○難○盡○文○心○

其二

金○門○歷○落○幾○多○春○喜○見○仙○葩○又○復○新○乍○似○胭○脂○塗○  
錫○帶○還○疑○綺○縠○鋪○莎○茵○濃○英○輻○輳○蜀○江○色○彩○葉○紛○  
飛○紫○陌○塵○觀○此○方○知○春○似○錦○朱○霞○滿○目○莫○言○貧○

咏新柳

日○暖○風○和○二○月○時○西○園○又○見○吐○新○枝○春○光○不○改○年○  
年○色○青○翠○新○添○故○故○垂○粉○蝶○紛○飛○林○影○度○流○鶯○婉○  
轉○玉○樓○思○筆○光○有○意○爲○誰○畫○不○盡○離○懷○託○藕○絲○  
但○咏○柳○蟬○翳○葉○欺○人○耳○刻○意○取○新○字○乃○見○其○  
起○眼○之○狀○

其二

已○是○淡○雲○微○雨○時○青○黃○今○早○發○高○枝○池○塘○烟○淺○畫○  
中○照○亭○畔○陰○斜○月○下○垂○絮○起○長○空○疑○雪○舞○影○搖○草○  
閣○興○梅○思○玉○驄○千○里○誰○能○繫○萬○種○情○牽○百○尺○絲○

舊燕來巢

海○天○霞○舉○社○迴○初○爲○舞○霓○裳○過○舊○墟○翅○翅○風○斜○多○

誠正齋文集

卷六

四九

貼地語

因○舌○鵲○聽○蠻○書○鞦○韆○院○裏○深○深○見○王○謝○堂○  
前○隊○隊○居○借○問○漢○宮○誰○得○似○昭○陽○艷○冶○五○雲○車○  
快○意○在○舊○宇○來○字○畢○竟○是○巢○可○來○非○闕○燕○不○  
忘○舊○然○已○愧○煞○王○謝○堂○前○燕○子○

其二

浪○暖○春○晴○水○泮○魚○吉○光○片○羽○琅○華○居○好○音○在○萍○達○  
繡○幕○翡○翠○輕○盈○逗○玉○虛○志○鮮○凌○雲○局○面○小○地○占○旺○  
氣○嘉○應○紆○錦○箋○千○里○能○傳○信○紅○葉○何○須○泛○漢○渠○

壬戌七夕

天○章○燦○燦○橫○銀○河○身○世○悠○悠○杆○杓○多○吐○納○風○雲○轉○  
造○化○錯○綜○星○斗○掛○莎○蘿○蓬○萊○咫○尺○神○仙○路○瀚○海○蒼○

茫一葉梭巧奪天孫識不到鴻濛未闢奈君何  
自成机杼貝錦爛然的係斗女宮裏人豈是  
誤入

園中石榴紅實得十六顆感賦

朱英金紫絳紗籠露溢高寒顆顆紅簾外珊瑚懸  
綠樹簷前球貝舞秋風行生時物自然性理數奇  
偶大造功妙合虞庭十六字無心成化有誰同

深得十六字心傳榴寔顆顆是道皆由天造  
非關人力

壬戌重陽同社諸友邀飲東園

悟透浮生意氣豪青山拓落俯林臯浣花共酌蘭  
陵酒洛社還分菊葉糕眼底晴嵐餘綠樹坐間肝

誠正齋文集

卷六

五

膳篤綈袍悠悠身世須知足極目千峯萬丈高

五柳先生非好酒白衣者寔幸遇饒遠主人  
耳誰能得陶趣兼為陶詩

丙辰中秋看月

玉色溶溶簾外橫曠懷今古起深情晶輝有影三  
更朗銀漢無聲萬里清老幼休暇欣扶杖江山清  
晏莫譚兵無端更上南樓望把酒臨風感慨生

看月不但看其魂魄形影直看到輝光照映  
處未知遊月宮者曾看及此否

已酉中秋

秋光欲灑碧霞輝風拂珠簾帶露飛旅况十年夢  
裏度青山千里故人稀天邊雁影淪潭底戶外蛩

吟促織機澁側清班無寸補翹瞻唐聖軫民依

寫景只是中秋若侵及  
桂魄水輪字豈有足

庚申中秋賞月

一天秋色徹琅玕此夜銀燈仔細看三載佳期風  
雨阻丁巳戊午已今宵良會斗牛寒光搖碧落留  
莎影雲歛晴空轉玉盤咫尺瞻宮天路近清輝灑  
灑印千灘

三年雨阻此夜清光故謂之賞對月不須御  
燭讀詩可廢墨歌

咏秋海棠

朱英三月闌春芳沾帶秋風別有香粉面輕勻搖

誠正齋文集

卷六

五

素影蛾眉淡掃想幽光淺粧恒愛清陰趣秀色唯

嫌烈日長林外風情薄世味葭思已寄水中央  
海棠惟經秋斯為花中神仙林外風情房成  
子寔豈起時關豔者可比

重陽雨中作

杖履蕭然過草堂素心時悉浣花莊那堪秋雨連  
宵足辜負佳期滿院香拈筆聊吟宋玉賦登高共  
泛陶公醵園林霽日花應好晚節從來喜傲霜

寓意深寫景確視尋筌  
更兼句有不一可無二

乙卯咏菊

秋光今日至誰家把酒東園問菊花潦倒花前百

斗少流連醉後好懷餘。柴桑無意看飛鳥。湘澤有情玩落霞。傲節經霜尤見迥。金風吹向玉塔斜。

金鈴與銀台習見。然從其谷水中咀嚼花有此逸姿。詩有此仙才。

九日咏菊

百花開罷菊花香。風捲秋英到草堂。翠影偏宜半。畝月瑤枝不厭五。更霜推班出色。爭先賞異彩相宜。闌晚芳把酒花前。渾欲醉天邊。飛鴈度衡陽。

字字胭脂色。句句醺醺漿。讀者須識得紫莖種子。緯許領白。窮氣味。

甲寅九月十六日雨

濛濛秋雨透窓紗。倚徙亭欄送晚霞。歸鳥覓林瞻。

誠正齋文集

卷六

五

遠樹輕舟返岸望。堤沙雲橫白鹿書。千卷日落清溪烟。萬家此世悠悠隨意足。不知何處是天涯。

繪雨形并繪雨声。又是秋雨真通神佳手。

甲寅重陽

帝里風烟曉夜蒼。今朝客裏度重陽。寒花猶帶舊時艷。仙釀新生此日香。時至高秋天已老人逢。華髮興偏長。與君曾訂歲寒約。勁節璘珣在晚芳。

字藏句句藏意。意又藏景。前人所未發。

重陽日遇學士周凝圖。有菊十四盆。浸寄茫茫世態似秋波。為問少陵竟若何。好景莫忘沽。

美酒良時且自唱。高歌漫云白雪。髮前滿請觀黃花。眼底多無限。中懷憑月照。東籬簇簇任婆娑。

菊僅十四而曠懷高寄諸品。五美俱備。若謂陶公所愛。惟菊豈不錯認東籬主人。

其二

拂拂秋香蜚客衣。與君共對鴈霞飛。幽香自足淵明志。珍重誰云茂叔非。五色斑斕十四種。三秋澹澹重陽輝。幾回把臂時光換。願上層樓拱紫微。

元旦 壬戌

偶將春意問東君。至理總從太極分。細草雖宜承雨露。嬌花尚自惜風雲。生機簇發無中有。萬象包。

誠正齋文集

卷六

五

羅靜若勞身在化工。隨序度比窓。高卧誦義文。

杜工部一聯八意。此更森羅萬象。

元夕 壬戌

乾坤無事日清寧。元夕重逢咏太平。禁徹金吾曉漏早。輝分銀燭和鸞鳴。千家歌舞喧花鼓。午夜園林醉洛英。為問春宵多少價。畫堂一刻抵連城。

春宵一刻連城全在四堂。今夕何夕愛惜珍重。

古今為詩者不知凡幾。而後人艷稱模倣。惟曰李杜吾不識。李杜當年曾有所模倣乎。前乎此者未聞其人也。謂模倣李杜或可以為。

李杜乎後乎此者何竟無其人也且使模之而似不遇優孟衣冠刻鵠類鶩非然則東家施捧腹效顰已耳然則李杜之所以空前而軌後者何也蓋由其自抒性靈優入聖域故能前無所依傍於古而後亦不留餘地以俟今也公以東遺我慙無詩料吾未及展讀公詩已如見李杜之爲李杜也者太率學詩者皆謂詩若無料未免如寒島瘦而吾以貪據詩料必至埋沒性靈了無清新俊逸之致彼眼前景致口頭語曾有料無料之謂乎李杜

誠正齋文集

卷六

五

集中亦有料可指乎况公之詩又未嘗無料乎有料而視以爲無是其自抒性靈優入聖域陶鎔渾化而出之者若謂公之詩可以媲美李杜是美在李杜而公與媲之也不知公並不知李杜矣吾直謂公抒性靈爲吟咏自成其爲公之詩猶之乎李杜詩自成其爲李杜不相借也不相下也李杜之在當年亦若是則已矣

昔人以詩歌被之管絃而崇丘華黍諸篇有聲無詞是詩也者神韻在字句之中趣興在

誠正齋文集

卷六

五

筆墨之外卽平上去入而清濁高下之理存焉不第以比儷工巧辭藻典腴爲高也余沐公詩教久今獲炙其全鼎每一披閱所及目属而心維之口誦而耳受之於一首先讀其一句於一句細讀其一字而後合字字讀爲一句合句句讀爲一首乃知其借題發意言近指遠語未轉而意已接聲將微而韻猶長無論長吟小咏雖寥寥數言而其中起承轉合反正虛實莫不盡態極妍穷神而入化所謂力全氣足神來情來空中音相中色非耶

今人一讀一擊節有如敲金戛玉而听之者洋洋盈耳不覺其神清而氣爽矣詩之爲道固若此乎抑公之爲詩能若此乎

誠正齋文集卷六

翼城上官鉅松石甫著

對聯

嚴御史寬御民臣心如舊金陵察院大堂

公生明廉生威天語常新

兩袖清風拂鐵面金陵察院川堂

一簾明月照冰心

識朗玉山端向白門照粹璧金陵貢院

鑑澄秋水懸知滄海無遺珠

取舍原無意琅邪山瑞鹿亭

誠正齋文集

卷六

五

卷舒任自如

北斗簷前掛戶動星臨好景豈來爲我黃鶴樓

白雲檻外低江鳴霞起風光多少可人

丹成棗熟問何年再是如瓜時節黃鶴山仙棗亭

梅落笛清到五月試聽夜半僊音

雲生寒谷續巖斷武昌縣寒溪寺

月過清溪照竹長

洞庭山水暉陰不改永朝夕岳陽樓

文正風徽在憂樂誰能識後先

仰企聖人之道乾坤合德四時合序順天府文廟

儼然百代之師志在春秋行在孝經

神聖天開允矣侯文奮武京兆五聖祠

離光日爛大哉懸象著明

開節不通冽冽人行水上京兆署包龍圖祠

鬚眉獨戟凜凜笑比河清

振采王畿之內宣德達情春回泰谷先三輔京兆

翼猷天子之邦觀光揚烈日麗楓宸捧五雲

皇皇千里之畿敢日三王接武京兆二堂

翼翼四方之則庶乎二鮑齊名

卿月追陪久向金門鳴玉珮李政堂

誠正齋文集

卷六

五

典型何在敢云山斗式邦畿

絳座春深天下文章莫大是

昌垣日煖杏壇化雨自無私

清畏人知誰謂今不及古

忠來主眷宜思德可勝才

端謨一代朝陽鳳河南道聯

耿介千秋午夜氷

表裏山河之國心理同然誰云今古不相及三晉

雍容文獻之邦典型在望須信見聞自有傳

應五老而參野嶽輝心日人天朗朗麟書闕里

扶三綱而彙倫。攸叙君臣兄弟。股肱典穆。虞夏  
天宣知勇。一時貫日凌雲。震動山河。望聳卧龍之  
右。開帝廟

志篤忠貞。千里間關。定開匡扶社稷。功高白馬之  
盟。

鳳眼顰眉。英雄本色。超千古。  
忠心赤胆。節義高華。照兩閭。

麟史傳心。首重春王正月。

桃園結義。永綿漢代江山。  
之德之純。寧獨晉之君子。

誠正齋文集

卷六

五八

乃文乃武。須知漢有聖人。

英烈昂昂。兩漢在當年。磊落逸群。適觀麟史。修文  
鹿園奮武。大開帝廟

孤忠奕奕。千秋至今日。琳瑯汗簡。不啻江河行地。  
日月經天

處太極中。妙化育於靜翕動闢。  
為萬物母。體中和以長養生成。  
后土廟

淵弘溥博。敬直義方。徵含章之時。發  
后土廟

柔順利貞。遂生復性。普大德於無窮。

坤靈效順。四方海晏。河清歌咏大平之瑞。  
后土廟

后德含弘。一代民安。物阜通昭。厚載之仁。  
千葉蓮花。蔭穰法界。觀音堂

滿懷耳露。月湧潮流。聽海音

典青雲之籍。感通呼吸。恢恢乎達路弘開。先德行  
而後文。稊帝君聯

司福善之權。明並日月。朗朗然容光必照。凜名教  
以砥士風

仰日月之照臨。不為昭昭立。節不為冥冥易行。城  
儼明威於左右。勿以惡小為之。勿以善小不為。廟

晉國山河。惟舊望四域大觀。東太行西姑射。中霍

誠正齋文集

卷六

五九

巖諸峯亘峙其間。且汾曲如襟。黃流如帶。寫出壯  
圖。允集苞苻之瑞。  
明倫堂

閣唐名詒。代興考千秋文字。始二典繼八卿。終涑  
水奕世淵源。斯在况解梁以武河津。以文傳來秘

笈。久垂道德之宗。

淵源潮海。想當年私淑昌黎。文興八代之風。展矣  
梅巖冠冕。  
朔山書院

山斗翔舉。念在昔鳴嶽。潞野手植中阿之士。歸然  
桐水龍門

十二世培植淮瀝。水本水源。謨烈肇興。桐野  
家廟



三百年僂僕循牆水競玉執凱元接踵芝田

有道風徽遠玉節金和允矣先民之範文孝公祠

仁人德澤深川流岳峙卓哉百世之師

梅雨新收四野清風吹麥浪請縣公

虞絃初奏一簾翠色映桐華

琴鶴風清雍雍佳氣隨車轉請縣公

主璋日麗藹藹仙雲拂馬來

風骨欲仙奕奕品擬玉潤請縣公

鬚眉獨戟巖巖笑比河清

鹿野秋高引領嘉賓暉四座請縣公

誠正齋文集

卷六

六

龍光鸞喜行聽鈞樂奏三台

朋酒羔羊洗酌桐堦歌湛露請縣公

益梅霖雨調元玉叩慰蒼生

百里山靈欣受命請縣公

一天甘雨喜相隨

秩秩五常之叙德言盛禮言恭夙夜齋心謙易

兢兢三事之勤敬勝息義勝欲終身比面丹書

元臣居第風雲聚太門

開府門庭氣象新

日月升華萬里卿雲歌復旦大廳

行生發育普天雨露占先春

栢府霜清禮樂三千鳴世瑞大廳

槐階日煖風雲五百翊春輝

春色醉仙桃頌獻椒花浮栢醴春聯

晴嵐映雪藕梅調金鼎佐辛盤

杖屨盤旋把酒桐堦追維社

圖書羅列揮毫玉案吐江花

門鮮雜賓吐握風高勤赤舄

庭惟益友肅弦願切延高車

德躋華嵩觀鳩杖

誠正齋文集

卷六

六

慶衍蘭玉美芙蓉

華皆秀氣滋蘭玉

畫錦高風拂鶴松

一天雨露春如錦北樓

百世芝蘭香滿堂

椒盤芬吐梅和鼎二門

花信風迴院有香

天章弘闢文明運

雲吉新登太史書

琪樹雙雙集鳳翥

卿雲燦燦躍龍文

丹山雪清豐年瑞

晉水風和聖世春

芝閣雲開清鶴夢

錦堂日永煥麟文

門迎五福徵眉錫

家有一經煥鳳文

堂開春色永華髮

簾動曉風開清琴

春色滿門試問故園幾許

誠正齋文集

晴光入戶請看旅館三杯

雪深占麥浪

日暖長蘭英

春風動鳳翥

旭日煥麟文

惜陰似金一寸韶光一寸價

愛身如玉幾回萍厲幾回瑩

白石青蘿蒲酒東山踪謝屐

紅雲綠雨從容彭蠡撫陶琴

扶杖青山食綠雪

內書房

濯纓丹水浴春風

藍田日厥強為善

鹿洞春深好讀書

春晝雍容觀妙理

鷄鳴呼吸應天心

北窓清夢人誰曉

東野奇文我自吟

登峰造頂依稀霄漢之巔到此際是何眼界

憑檻御風倘恍蓬萊之嶼想從前幾許經營

非澹泊無以明志非寧靜無以致遠武侯冠世高

誠正齋文集

才淵源理學鶴院大廳

先天下之憂而憂後天下之樂而樂文正立朝大

節涵蓄性靈

母勞爾形母搖爾精常聞言於柱史鶴院廳前

志在春秋行在孝經願奉教乎尼山

雨後青山悟透無非僊境河東書院

塘前新草覺來是天機

高材博學能文章古多奇士南書院

克已修行敦孝友今則幾人

天地間許多妙理試從山盡雲與時想海濶天空

南書院

豈是尋常可及河東書院

古今籍儘有奇觀嘗向春風秋雨夜看龍吟鶴舞

不禁思議兩忘半畝閑閑鳥在樹魚在淵蓮在沿石在畔此日風

光荏苒河東書院數椽落落春宜花夏宜菓秋宜月冬宜雪四時氣

象萬千茂林中翠閣弘開八詠篇成俯百尺浣花莊樓上

灣水曲玉樓鸞舉五雲霞起映三台杖履香山促膝時招如玉客浣花莊樓下

誠正齋文集

卷六

奇

巾車綠野素心相悉浣花莊

座后青山無限嵐光來左右問鞦川風景云何河

眼前穀水相將明月湧溪流覺綠野佳興如昨書院

珥華楓宸之上揭日高標毅然拜表陳情令伯風

徽猶在侍御張年兄

築堂桐水之陽清溪逸致雅志分經課子鄧侯家

法堪傳

出爲忠臣入爲孝子凜凜大節如山一代龍門有

作述

進則臯夔處則巢許列列永心似水百年堦下睹

芝蘭

究苞符之理聿思河洛圖書與蘊天機數千聖闡

颺不盡處身世之衡祇此子臣弟友天倫人紀一家中履

躍有餘或謂聯與詩似同而實異似易而實難蓋以

詞甚簡而意則欲其該括體雖平而韻則分

乎低昂必其百鍊已精方可千金不易世有

誠正齋文集

卷六

金

誠正齋文集近作目錄卷六

翼城上官鉅松石甫著

近作

田兼三年兄邀遊海會寺同陽城張父母楊  
冬生年兄計部張世丈進士李世丈宴飲連

宵東踰太行 其二

懷蒲城門人米輔之侍御兼憶秦閣諸子

門人王茂衍衡文三楚

廷尉薛大武世兄旋里

春日過田沛蒼山庄

誠正齋文集

卷六

李

高顯之道長新陞秋卿

寄胡又弓孫岷瞻祖公狄諸世丈

宮詹沈釋堂尺函存問兼寄

懷大司空楊崑岳總憲出振門兩年兄

春日至上黨晤呂大呂年世丈

江右左藩李息六壽

戊午春日遊龍門

春日遊禹門過絳陽訪李息六孫遵仰道長

二公留飲用悉別懷

別少司寇高念東年兄

東少馬孫作庵年兄

憶大中丞劉玉章年兄

東大廷尉王迂叟公祖

考功周方更年兄招飲

張惠瞻年兄驛糧閨中

答漢陽門人熊吉士

誠正齋文集

卷六

李

誠正齋文集卷六

翼城上官鉅松石甫著

近作七言律詩

田兼三年兄邀遊海會寺同陽城張父母楊  
冬生年兄計部張世丈進士李世丈宴飲連

宵東踰太行

天街昂首拜彤華幸賦遂初挹彩霞冉冉青絲成  
白雪年年樽酒逐飛花匣中劍氣今何在眼底流  
雲日已斜珠樹臨風輝客座素心相對咏蕪葭

嘉客賢東相視而笑  
壯氣遠懷意中言外

誠正齋文集

卷六

六

其二

此身共在太行中邂逅招提般若宮剪燭鷄鳴話  
別緒引杯哦雪醉東風響生鶯壑花催鼓行擊鼓  
令花月上千峯曲已終好向桃源深處住相將洞  
口月初紅

履險得平超凡入聖  
參透仙意是處桃源

懷蒲城門人米輔之侍御兼憶秦闢諸子  
抗懷今古問知音道義高華慶盍簪人歷風塵驚  
白髮品經百煉重南金溯洄良友山河邈翹跂周  
行雨雪清共話蘭台猶昨日東臯偃仰賦梁吟

自髮和不易得  
裁既工調諧更妥

門人王茂衍衡文三楚

才名自昔迥西京此日文壇獨主盟識朗玉山甄  
後哲鑒澄秋水濶群英文章有價評今定桃李無  
言蹊自成江漢思皇仰比斗彈冠卿月照方城

幹以風骨文以丹彩樹  
漢魏之幟奪初盛之席

廷尉薛大武世兄旋里

熱腸忍讀絕交書歷盡人情摠是虛想到河山千  
里外誰留肝膽百年餘快心論世君何壯雄辯驚  
筵我不如安得重尋盤谷約雲天浩渺混樵漁

誠正齋文集

卷六

六

腸甚熱語甚冷無限含蓄  
已極雄辯至此快心

春日過田沛蒼山莊

卧龍綸羽宿烟村有客單車叩鹿門偶爾行春經  
綠野何期把臂飲平原隴頭日暖垂楊早林外花  
飛鳥雀喧盛世容閑笑傲白雲深處是桃源

畫家妙處在寫境非閑境妙乃因手妙  
仙家之趣盛世之音

高顯之道長新陟秋卿

燕山擊筑斗牛寒聲氣遙投九畹蘭夢斷春明憶  
舊友音稀空谷少新歡秋官寵命今初陟史史丰  
裁尚未闡知已逢時皇路廓故人千里慶彈冠

空谷傳音鈴羊掛角  
此丹成九轉時也

寄胡又弓孫岷瞻祖公狄諸世丈

冠世高英久軼倫○中○天○文○物○自○嶙○峴○恩○叨○密○勿○丹○  
宸○奏○位○陟○清○禁○范○炬○新○金○馬○玉○堂○三○學○士○清○風○明○  
月○一○閑○人○臯○夔○巢○許○各○相○適○翹○企○嵩○華○祝○聖○春○

佳句若為我設快不可言○誰知能為巢許  
者即是臯夔聞其語見其人  
官詹沈繹堂尺函存問兼寄

御書心經感賦

曲江丰度紫雲高○別後薰葭清夢勞○空谷久遐志○  
素鯉瑤函何事到林臯○宸華游荏楮光逗膚藻清○

誠正齋文集

卷六

七

芬筆墨豪懸想臨軒酒翰日○天○香○縹○緲○溢○宮○袍○

玉皇香案吏  
方能為此言

懷大司空楊崑岳總憲杜振門兩年兄

回想端謨補衣初○劍光直射斗牛墟○流連郭隗臺○  
前酒慷慨陳東院○哀書澤水鶴顏映旭日○蒲東鳩○

杖命巾車山中甲子誰為紀○廓落海天百歲餘○  
是自道是怀人○李杜得意處恐不及此○  
亦怀人亦自道

春日至上黨晤呂大呂年世丈

久從風雨駕嚶鳴○大雅坵壇曾主盟○漫向午橋邀○  
野月須知安石繫○蒼生班荆難悉十年話○促膝重○

我家釀  
十餅

中此日情知已相逢○應盡醉餘香○分我瓮頭清○  
極有意處皆從無意得○來開室而下所罕見○  
何況景雲以前

江右左藩李息六壽

鶚在飛雲玉在壺○揆天才業進訐謨○化行巴蜀文○  
公治績奏洪都○相國模一片丹心懸魏闕○千山明○

月滿江湖從今復理礮○溪事會見非熊入畫圖○

始知  
渾雅玲瓏粗心看几莫辦為壽詩細吟微會

戊午春日遊龍門

丹崖削壁步天梯○大禹神功千古奇○巨斧開山北○

誠正齋文集

卷六

七

斗近狂瀾索怒大川夷○漫云石破天驚日○正是民○  
安物阜時○此際登臨懷往事○悠悠河洛繫人思○

千古以上事業千古以下文章一稱神功一  
推神品誰云不宜

春日遊禹門過絳陽訪李息六孫遵仰道長

二公留飲用悉別懷

平章事業日中天○休波還山枕已偏○雒社風流司○  
馬壯香山高會曾公賢○停驂偶爾造陳榻○揮手許○  
誰着祖鞭話到醉心嫌燭短○飛花又落舞鵲前○

兼到卓乎自命一家  
別少司寇高念東年兄

趙率高標古道盟。曠懷拓落藐公卿。詞傾三峽烟  
雲滿。學富五車星斗橫。把臂中朝罄肺腑。曝莎綠  
野較陰晴。而今兩地空相憶。風雨懸懸不勝情。  
於未別以前。摹丰標於不忍別中。寫心事與  
味故別。

東少司馬孫作庭年兄

岱宗奇氣海天高。川岳還鍾命世豪。調鼎弘猷光  
日月亮工。推轂拜夔臯。掖垣諫草千章進。帷幄論  
思萬里勞。箕顙先鞭叨早着。東瞻雲樹恋絺袍。

言不及悉  
神與俱馳

憶大中丞錢玉章年兄

誠正齋文集

卷六

七

山公雅望重當年。玉尺平衡度欲仙。鳴珮久隨卿  
月後。歸鞭叨在鳥台先。春風秋雨將周紀。白石青  
蘿且縱眠。北海青鑄如可即。翛然共醉杏花天。

酌致天然得句  
後應自訝非常

東大廷尉王迂叟公祖

憶昔締交自太原。脂車過我青松園。飲水禔府飲  
霜簡。待漏卿華曳紫垣。良友同尋猿鶴夢。草堂爭  
羨風花繁。高山流水恒相憶。兩地長瞻雙月圓。

絕不費力極力  
追琢者不是過

考功周方更年兄招飲

蕭蕭介馬步春郊。西渡龍門問舊交。千里晴嵐彌  
綠陌。半床烟雨滿林梢。山公屈指登程迤。榮戟許  
誰待月敲。信宿虞絃頻入耳。停驂且飽天官庖。

其地其人其盤餐  
與歌韻宛然如昨

張蕙暉年兄驛糧關中

燕國文章自昔傳。鴻名肯盡讓前賢。風生八面經  
權裕。才堪四應揮霍圓。華嶽晴嵐高北斗。函關紫  
氣映青蓮。異時視草來天上。玉燭平調待詔宣。

如金如石  
擲地有聲

答漢陽門人熊吉士

誠正齋文集

卷六

七

采風南國楚江清。蘭蕙香飄九畹輕。黃鶴幾多騷  
雅客。東亭長側落梅聲。好音何事來江漢。尺素歡  
然樂友生。惆悵故人千里遠。撫膺繾綣有深情。  
一吟一詠儼然師。生對晤文情在高山流水  
之間。

誠正齋文集目錄卷七

江南條令

嚴禁橫索

嚴禁私幫

嚴禁冒濫

嚴禁額外

散兵歸農

嚴禁科場

關防詐偽

嚴禁營將

誠正齋文集

卷七

嚴禁廳官

特飭司刑

慎訪衙蠹

嚴禁刁詞

嚴禁貪墨

爲科場事

孝廉考察

嚴禁報錄

曉諭膳錄

曉諭編號

明倫彙編  
家範典  
卷七

曉諭做卷

硃卷字額

示諭簾官

禁約南關

關防簾官

再飭關獎

曉諭雷同

曉諭彌封

再飭膳錄

曉諭對讀

誠正齋文集

卷七

曉諭薦號

曉諭巡綽

曉諭各所

曉諭諸生

再飭巡綽

應試諸生

曉諭蠲免

示諭官兵

嚴禁屯政

嚴禁惡報

二



曉諭刑官

武關積弊

嚴禁稅課

再禁徵官

嚴禁行戶

嚴禁鎮兵

禁約屯田

嚴禁屯糧

再飭屯政

肅清屯政

誠正齋文集

卷七

三

禁約包攬

禁約米價

嚴禁騷擾

曉諭水災

肅清關弊

爲出巡事

巡司員役

嚴禁巡兵

私幫驛馬

嚴革糧里

嚴禁養馬

禁諭鎮防

府縣關防

再禁捕役

肅清漕弊

僉報土子

嚴禁擅用

嚴禁衛官

懇除積弊

嚴禁過糶

誠正齋文集

卷七

四

曉諭稅契

曉諭風水

再禁住戶

祁山開禁

嚴禁私派

再飭保甲

嚴禁積歇

淳米改折

嚴禁交際

嚴禁紅季

極慘驚天

再飭積歇

申嚴防兵

擅用民舡

預禁衛官

嚴禁舡差

禁約惡少

曉諭關政

再飭私幫

曉諭官吏

誠正齋文集

卷七

五

曉諭鳳屬

嚴禁邪教

申飭供應

曉諭肝胎

再飭橫徵

禁止好訟

禁約宴飲

嚴禁交遊

泗州造橋

誠正齋文集卷七 江南徐令

翼城上官鉉松石甫著

爲嚴禁橫索以懸驛困事照得宿州路居孔道一  
州四驛實繁且苦本院初入宿境詳詢其弊百姓  
雜項加派業已十倍正項言之大爲駭異除痛革  
前弊嚴禁幫貼外今責令該州置立循環二簿凡  
紙牌小票票不准行惟有勘合火牌照牌應付如  
過往差役有分外需索折乾借馬等錢者該州明  
登號簿聽本院按臨之日查閱究治如隱漏不報  
或事後覺發或本院訪出定行題叅決不輕貸

誠正齋文集

卷七

一

有報如不報者有報反不如不報者查閱究  
治隱漏何爲

爲嚴禁私幫以蘇民困事照得該州四驛自有額  
編正項與外解協濟今正項之外加派多至十倍  
本院痛釐此弊除勘合火牌照牌應付一切紙票  
票不准行即先自院衙門始折乾借馬嚴行禁革  
已經行州置立循環登記聽候查覓所有額設協  
濟站銀已未解數目另行該府徹底清查爲此示  
仰宿州士民人等知悉除春夏兩季已經收過姑  
免究外自今以後科派私幫分文不可再收倘有  
驛棍奸胥通同蒙蔽再行科派養馬幫貼橫索窮

黎者許被害士民即行赴院陳告以憑立拿審明  
究罪倘該州徇縱不行覺察即刻題奉法在不  
宥

站銀不清私幫藉為口實膏肓之疾治標兼  
治其本

為嚴禁冒濫優免以均差徭事照得宿州路居孔  
道差務殷繁民生最苦每有勢豪奸蠹藉名衙役  
躲重圖輕冒濫優免以致偏累小民含冤莫訴本  
院訪聞於此殊切痛恤除行州禁革外合行曉諭  
為此示仰該州士民人等知悉凡有一切差徭見  
任在籍鄉紳士衿照例優免至於吏典須驗納銀

誠正齋文集

卷七

二

庫收吏劄方准請豁其餘大小衙門人役俱照民  
間一例當差不許仍前冒濫倘將應免姓名併革  
除過某某造冊報院查閱如敢朦朧影射躲避差  
徭者查明申解

優免有例冒濫自除  
分別澄汰鉄面婆心

為嚴禁額外私幫以蘇民累事照得固鎮驛額設  
馬八十匹今照大店例止用四十匹該縣原額馬  
價二千兩動用買馬外草料馬夫工食等項又有  
外解協濟銀兩在縣者縣給在府者按月支領在  
外省外府者申驛傳道提發不得正額外擅自科

派分文幫貼或官棍包攬或驛丞侵佔一切等弊  
着印官嚴行禁革如不實為遵行本院定行痛懲  
決不令仍前欺蒙也

在縣在府皆不可問外府外省愈不堪言焉  
得如此洞悉

為散兵歸農事照得靈璧縣向來添設鄉兵雖稱  
固圉今時已成平舊時鄉兵二百名哨官八名撤  
去盡放歸農加派工食即行停止如仍藉鄉兵名  
色假冒錢糧并於鄉村恣橫生事者許被害民人  
即時赴院陳告以憑嚴拿決不姑貸

兵散諸害俱  
散只是為民

誠正齋文集

卷七

三

為嚴禁科場積弊事照得江左關務關節盛行士  
風大壞走空棍徒慣提線索通神衙蠹指詐金錢  
或詭托鄉親或勾連宦僕或云漁郎接引或云親  
見如來或父母作師生或年棠成桃李吳會街頭  
公言無忌淮陽舟畔奔走如狂柳樹花園半是關  
竅之地緞店當舖遂成封兌之場以致省會神奸  
藩司猾吏編號則安排布置聚師生戚友於一堂  
膳錄則好醜天淵變縑素元黃千五色積弊種種  
筆不勝書茫戶宿儒廢書自歎商子宦裔攘臂爭  
先束黃卷而攢青蚨駕輕車而走熟路聞之髮指

言之傷心。本院垂念斯文。力清宿蠹。指天誓日。按本塞源。先行曉諭。後加體察。再有仍蹈前弊者。官屬則飛奏糾參。奸棍則立置重典。務快士心之積憤。永定釐剔之新規。法在必行。匪托空談。須至告示者。

離照當空。題各各現形。有法善。鉄鏡終敢。施秋夫金針。

爲關防詐僞事。照得本院原籍山右家世書香。從不識門外人。從不豫門外事。今卿命江左。惟有冰心鐵面。巡行察吏。凜凜法紀。誰敢輕爲嘗試。爲此合行關防。凡按屬地方。但有指稱梓里。托言年

誼及風昔知交。詐騙官民者。許府州縣官立刻鎖

拿解院。以憑重究。不報者并治不貸。

四

誼正齋文集

卷七

四

爲嚴禁營將縱兵擾民事。照得駐防官兵。執銳披堅。爲朝廷捍禦疆場。潛消萌孽。近聞各營官紀律不嚴。每每縱兵入市。或擁住民居。或強行勒索。以致居民受害。隱痛吞聲。本院提籌澄澈。真安疆土。務欲使兵民相安。不負設兵初意。除行令各營嚴加約束外。合行出示曉諭。爲此示仰各營將兵。恪守營規。不得擅住民房。肆行擾害。如再故違。許

刻入憲案

受害百姓。據實擊鼓陳告。兵丁嚴行重處。官將立刻題奉。赫赫國法。決不爲爾恕也。

兵假虎威。官同鼠膽。派責營官。旁源振領。

爲嚴禁廳官濫受民詞事。照得朝廷設官原有專職。顧名思義。豈得越俎。府州縣親民之官也。一切民詞。自應印官爲政。近日厲風盛長。府佐竟受民詞。出票出籤。拘提肆擾。以致衙蠹虎差。乘此爲市。貧民擾之。而家產立破。甚之鬻女賣兒。而官之因此爲壑者。亦不飽其欲不止也。除本院另行體訪外。擬合出示嚴禁。爲此示仰府廳各官。止許奉

誼正齋文集

卷七

五

到批詞。照詞內人拘審。隨審隨解。不得入署入犯。致妨民業。其書差人等。尤宜嚴禁勒索。股剥窮民。自示之後。如受民片紙隻字。本院訪知。定行題叅。該廳自有功名。慎勿顧目前而忽遠圖。以功令爲嘗試也。

艾氏帝建並。欲隔絕暮夜。

爲特飭司刑秉公。嚴提事。照得刑官秉憲一郡。誠擬泰詳。必須矢公矢慎。務期肺石無冤。芒消貫索。斯稱明允。但恐利慾薰心。是非無主。而聽斷之際。不禁倒置。每遇一事。不日就是。孰非但日孰貧孰

富及阿堵入袖矣。又以院件不便。空回羅織。無辜  
粧砌多賊。希圖允詳。及奉文追賊。叔累親族。不一  
而足。一紙入官。十家破產。言之深可痛恨。吾甚悲  
汝。此副心腸。不獨不可見人。試回想讀書時。本來  
面目。多因捫心自媿。特流風積漸。而不自覺。故至  
此。爲此曉示。凡司刑官。一應承問事件。俱據事直  
剖。不得徇情面。而逐賄賂。使是非判若列眉。原被  
凜凜帖服。神明之口。碑載道。本院尤嘉賴之。倘或  
就法徇情。被害之人。不時陳告。白簡無私。吾鼎宜  
愛。可不慎諸。

誠正齋文集

卷七

六

以貧富爲是非。渠心竟有端主。從原本處  
提醒。使其欲泣欲笑。自怨自艾。  
爲慎訪衙。靈以肅憲紀事。照得訪拿衙憲。奉有  
明諭。必期懲一人而千萬人交口稱快。除一蠹而  
諸蠹役凜凜。寒心斯稱。憲典年來訪拿一事。不爲  
處惡人而單爲取贖。錢但得賍私百千全。不寸刑  
及。雖且叔誣完。賍相習成風。是以本犯被訪。輒爲  
得意。而同族里戚。反惴惴乎其俱不免也。勢至  
此。衙蠹肆惡。又何所憚而不爲。甚至道拿幾人。府  
拿幾人。廳拿幾人。州縣又拿幾人。金錢入手。竟行  
私放。不知前此何以拿。後此何以放。不幾拿蠹之

名爲上下射利之場。乎言之大爲可恨。本院痛革  
前弊。誓不濫取賍贖。爲此合行曉諭。不論司道府  
廳州縣衙門。但有大奸不法。嚴拿解報。立置重典。  
以快公憤。不許害及無辜。不許私行訪拿。如有仍  
蹈前轍。一入本院之耳。官叅役究。決不輕貸。

取贖人誰肯與言及此。惡不能處。靈乃益  
甚。楚猿池魚。掘因取贖。使然。心如皎日。法  
斷無生理。

爲嚴禁刁詞。以清訟端事。照得詞訟一事。原爲小  
民辯理。冤枉邇來棍徒肆騙。仇家報怨。無情虛詞。  
往往粧點過量。初閱之不啻窮兇極惡。及審之全

誠正齋文集

卷七

七

無影響。又有一種神奸。捏造款單。甚人之惡。夫膚  
受之。翹猶多不實。况他人被害。抑何勞爾。代爲陳  
情。耶至於舊紳富室。更爲群奸側目。思得魚肉。其  
道無由。勾連營將。暗通兵丁。加以謀叛通賊。題目  
金錢買命。誰敢不從。自今以後。宜遵恩例。赦前  
之事。一槩不究。開單之狀。一槩不准。該道府州縣  
共體此意。力懲刁風。爾等百姓。從此肯安分守。已  
各務生業。亦不失爲良民。如再不遵。捏詞聳聽。定  
然按律。反坐天道。好還法網。不漏勿效。吞舟之魚。  
自作業裏之蟲也。

一人含沙人人覆盆豈但不禁抑且故縱言  
及此髮未豎而心已裂不究反坐何物紳民  
蘇天今  
果有二

爲嚴禁貪墨以肅吏治事照得懲貪獎廉本院事  
也年來吏治大壞貪墨非常率由風紀未振勸懲  
未昭在有司趨利若鶩視民如仇不日與援可恃  
則日金錢有靈一時道府其賢者亦瞻徇顧慮惴  
惴乎投鼠忌器而不敢動不然則猶鼠同眠表裏  
爲奸至於暮夜餽送尤今日最妙之一着以爲不  
發則利誠在我萬一事發不特受者不應卽與者  
亦不認授受縱爾忘言脂膏抑復何堪卒之上下

誠正齋文集

卷七

八

相蒙不啻鐵壁銅山及院檄嚴查據其回覆此日  
某某還有才彼日某某也罷了半含半吐無是無  
非吏治若此不識此日之民生何如也今本院按  
部江左務期激濁揚清諸司賢否必以聞見爲真  
果能洗心滌慮廉明有聲便是好官總開報參差  
本院自有耳目倘沉迷弗悟陰恃與援賄買開報  
希圖漏網彌縫雖工風聲難掩本院一有所聞卽  
行入告清法森嚴關係不止爾等功名也可不  
猛省

與受同科不能禁受適以教與有此可以平  
反真聞見在輿論不在與援錢神何爲不

爲科場事照得南闈之弊往日雖有不謂近科爲  
尤甚前本院入省卽行嚴禁今時已七月場期近  
矣爾等省棍宦僕正是賣弄關節捻提線索之時  
此日迎房考彼日接主司求編號買謄錄白紙無  
徑青雲有路幾以國家賢書等於壘斷若輩固  
不足怪獨異三吳文物之盛甲於海內使風聞鄰  
國輕朝廷而羞當世莫此爲甚本院深痛前弊  
定欲盡革無遺除另行體察外爲此再行曉諭有  
能拿住真正關節前來舉首者童生秀才移送學  
院或准青衿或准幫補平民歲免爾門差花紅獎

誠正齋文集

卷七

九

實其作奸犯法立置重典至房考主司亦必飛章  
奏糾斷不敢少惜情面貽羞大典

廉恥爲重則功名爲榮  
冷水一澆汗夫頂背

爲永止孝廉考察事照得孝廉雖登賢書猶然下  
帷攻苦無與吏事考察何爲在明季偶一行之今  
清朝定鼎竝無此例查得廬陽一郡前院尚爾開  
報考察除備行該府轉行各縣知會外恐州縣官  
猶借舊時題目以圖鈴制而該房吏書仍復借名  
造報合再出示曉諭今後不必仍前開造取究未  
便

作偏原為鈴制此  
真齊奏與共之談

為嚴禁報錄以遏橫恣事照得南關 賓興在即  
每于放榜後多有不法棍徒借稱報錄橫索不已  
甚至無名棍徒蜂擁搶掠此風到處皆然而微俗  
為甚是諸生甫一作賓 王家而先受若輩索掠  
之苦矣擬合預為嚴禁為此示仰該府縣凡有中  
式舉人着令快手把截本家門首如有奸徒再  
報錄為名橫恣索掠者即稟該府縣嚴拿鎖解本  
院以憑盡法究懲決不輕宥

想頭甚奇惡  
風非此不除

誠正齋文集

卷七

十

示諭江寧府知悉南關獎端騰錄為甚除行布政  
司每書手一名用麻繩一條鉄鎖一把一人一桌  
鎖至桌上不得互相換卷仰該府官吏速做新夾  
棍二十副新大枷四十面如有買進騰錄或是換  
卷或將寒生好卷有意磨壞本院查出夾責勒示  
性命攸關勿徒騙錢

妙法何處得來術揚  
森然聞之縮首股慄

示諭南關編號之弊本院久已聞之仰應試諸生  
定限初四日赴司投完彙齊送院所有坐號本院  
親用小印以杜司蠹積弊如遇期不投不准收卷

勿得遲違自誤功名

此等閑節  
備誰與通

示諭南關做卷之弊本院久已知之仰表背各匠  
所做試卷俱是一樣如有長短闊窄不同卷中分  
行粗細不一本院查出該匠定行枷號游營仍重  
責八十板決不姑恕

必細於髮  
法戾於山

示諭照得鄉會硃卷每篇以五百五十為則自己  
丑科已有成法誠恐諸生未必通知合行曉諭凡  
爾諸生務宜恪遵前數不許溢額重行如過五百

誠正齋文集

卷七

十一

五十字之外者即行貼出斷斷不准發騰功名所  
係毋得忽畧

示諭取到簾官往科入簾分校損箱書籍批語硃  
墨等件無不帶進今除隨身衣服鋪陳等物外臨  
期廂內本院一一親行查點如有片紙隻字照依  
諸生懷携之例不准入場仍行 題忝

閱歷得真  
防閑得密

為禁約事照得南關之弊不啻百端士子不以倖  
進為耻而鄉里亦不之羞今 功令森嚴不比往  
昔本院釐剔豈同前時與爾等洗心滌慮改換肺

賜官資。即且讓寒生一頭。不期痴心不改。妄想猶存。見今吳會街頭。哄傳三百餘名。不知賣者何人。而買者三百。爾等豈不思正額幾何。而買者如許。即令假者盡得。真者不中。亦不能如爾之願望也。此必舊日棍徒。巧騙人錢。不知者墮落術中。而不自覺。為此嚴諭諸生。各宜閉戶清心。休得奔走。邪徑。此時紛紜。不足深信。放榜之後。如有人言哄傳某某。倖進本院。定須根因到底。不獨功名無成。身家隨之。痴生不信。請看本院之憲法也。

醉然醺然。蕉耶鹿耶。醉裏當不至此大。大聲疾呼。復能姦而善入。若誤作。戾刑峻法。則夜半

誠正齋文集

卷七

主

深淵到底。不見彼岸矣。仁心仁言。後果驗之。丁酉。避勝何及。

示諭取到。廉官。即稟藩司。差官請封。封鎖如視。此日。開防。為往日套典。或與省城。知交。暗行往來。及借名。恭謁院司。各色街上。出走者。本院查知。不准進場。

針線固多。開鎖殊繁。

為。丹飭。閣獎。以清本原。事。照得。南場之弊。相沿有年。士風至此。幾不可言。然要買舉人。先自買廉官。始今。本院誓日矢。天端。本澄源。情面賄賂。有一于此。鬼神共誅。天日共鑒。諸生。豈無耳目。今歲

廉官。亦曾聞有。尚費一錢者。乎。廉官。不用錢買。而欲將舉人。買錢。潔潔法紀。肯為兩寬。或曰。下江各官。稱係。隔屬。本院。欽奉。簡命。監臨。全吳。非獨特。嚴上江也。諸生。慎勿。執迷不悟。鑽營。倖實。休說中。舉。一罹。憲網。求保。故物。而不可得。至於各官。雖是。畏法。還是。洗心。若念。頭兩可。不定。萬一。發覺。豈止。已。成功名。空自。搭賠。功令。森嚴。重典。難犯。爾其。慎諸。

廉官。不值一文。錢舉子。斯為。無價。寶。推子。於母。見利。思害。始可。謂之。良賈。畏法。何如。洗心。功名。何如。性命。苦海。慈航。各宜。猛省。

誠正齋文集

卷七

主

為。晚諭。事。照得。前場。錄舊。因是要。貼。至於。後場。向多。抄襲。今。新令。甚嚴。雷。同。不。錄。

示諭。彌。封。所知。悉。照得。謄。錄。生。作。弊。多。由。彌。封。所。買。號。該。所。官。須。一。一。經。目。嚴。督。各。役。關。防。慎。密。不。許。與。謄。錄。生。暗。通。消息。致。貽。風。弊。身。命。攸。關。毋。得。泄。視。

糊名外加。密一層。

示諭。謄。錄。生。知。悉。務。宜。恪。遵。憲。約。各。守。位。次。靜。心。楷。寫。不。許。交。頭。接。耳。出。席。換。卷。該。所。官。須。一。一。過。目。稍。有。疑。竇。責。有。攸。關。本院。仍。不。時。臨。所。抽。點。各



役身命所係。毋圖愛錢。

易書中更

示諭對讀所知悉。務宜嚴督諸生。細心朗對。該所官於對過各卷。逐一檢明。如遇謄寫不堪。及一篇之內。錯落十字以上者。即便呈堂究治。不許各生通同作弊。本院執法無私。決不姑容。

意在華獎不第  
亥系混淆而已

示諭。諸生新設火燭宜嚴。巡綽官嚴督各軍。晝夜巡緝。毋得偷安。但不許喧嚷致亂文思。如違重治不貸。

誠正齋文集

卷七

古

愛土右文  
切膚一體

示照得今歲蒙恩廣額。添有席蓬號房。已示巡綽員役。謹防火燭外。凡爾多士進場時。須宜謹慎。以防不虞。先此曉諭。勿致違悞。未便。

風簷寸暑又恐  
士或不暇自愛

示照得各所供事人役。均應嚴加關防。如有不在本所辦事。敢於別所往來者。即係關通。本院不時親臨察訪。不惟該役按法究治。即該所官亦難辭其責矣。慎之。

獎中  
尋獎

示諭諸生。不許彼此換卷。本院不時吊號親查。俟中後仍行移取。學院考卷查對。若字畫可疑。定行處分不貸。

法外  
立法

示照得貢院附近一帶。不許閑人往來窺伺。已經嚴飭外。誠恐愚民不醒。合再申禁。自示之後。敢有諸色人等。在於棘牆以外。及水溝等處窺探者。不拘何人。許巡緝員役。即便擒拿。解院定以大法重治。決不姑徇。

梓實已盡惟恐留餘真  
如穹室薰鼠塞向謹戶

誠正齋文集

卷七

五

示諭應試諸生。知悉照得往時場外傳卷。場內割卷。多於夜晚更深。乘人困倦。紛紛滋弊。今諭諸生。務宜靜心構思。即有完篇交卷者。必俟天明放出。自然弊無從生。設有真病不能完場者。本院臨晚親放一次。即封鎖號門。不許再開。

思作磨磨作聖通神  
入化非開闢見所及

為曉諭事。案照順治七年八月內。原奉恩詔。四年錢糧。再免拖欠一年。今詔復撤。又經戶部題奉。聖旨。四年拖欠錢糧。前既蠲免。今若復徵。豈不苦累小民。仍與豁免。以示朕恤民之意。欽此。欽。

遵台行曉諭為此示仰按屬府州縣衛軍民人等知悉遵照前頒詔款四年拖欠錢糧俱實實蠲免倘有官役通同朦朧收者許被害士民赴告或本院訪聞定行題參治罪

宣德敷惠不在官始在民

示諭壽春營官兵知悉照得營弁縱兵擾民業經本院出示禁諭不啻諄且切矣通聞該營弁仍然約束不嚴以致各兵藉以護送銀鞘為名往來民家需索酒食鞭笞愚民恐嚇鄉婦種種不法本應嚴拿重處姑再出示申嚴自示之後凡爾兵官務

誠正齋文集

卷七

七

宜恪遵法紀各守本信遇有護送銀鞘必須自裹餱糧如再擅入民房不分內外勒民酒食及無端嚇詐者許被害之人赴該府縣具稟密揭報院該弁分別泰拿兵丁以大法處治法在必行毋貽後悔

瞻徇顧忌只為面觀心寒密揭二字於此獨為要訣

為嚴禁積弊以清屯政事照得屯政之弊至今日而極矣率由無賴百總鑽營徵催既有所費豈能無取是以臨屯徵收任意需索端難枚舉今本院痛懲前弊除去百總盡革不用惟許旗徵旗解至

于千總不過催徵起解不得經手錢糧起解到省守備隨即交倉不得復落歇家上下使費一切陋規盡行革去為此出示曉諭千總官臨屯敢有要屯丁一錢者計贓治罪守備官分文苛求者重處不貸管倉官役如有尚索舊例者官參吏究爾等屯丁但有要錢之官赴院告理國典昭然于今為烈况本院執法無私勿徒受若輩之魚肉也

事事皆然可恨可歎處處盤剝全為杜塞歇家弊孔

誠正齋文集

卷七

七

府縣先行羈禁速申本院以憑重法究治不宥為曉諭事案據鳳翔官呈解犯入方經文招由到院查得本犯詐贓累累除經批免外仍有亳州騙經紀銀一百二十兩給王瑞陳完一等又各行銀一百兩給張華李春芳等散給四十行收領批行去後誠恐經承不行票迫合行曉諭為此示仰經紀行戶知悉前赴該刑官照數稟追如經承侵漁及本犯抗延者許即赴院陳告以憑拿究不貸

或不肯遠追或不肯盡追官飽吏肥一一照徹

為嚴禁武關積弊以収真才事照得國家開科

取士文武並重。年來武科一途。盡是情面。紛紛請托。沿爲舊例。一榜之中。求其真者。百不得一。言之不禁浩歎。究之說情者之所得。多者五六兩。少者二三十兩。功名之路。乃朝廷鼓舞豪傑之權。何爲以科名重典。致令無藉棍徒。竟以幾兩臭銅。若取諸其寄也。本院法紀無私。文場剔釐。爾等諒已共悉。今武闈屆期。一切夙弊。定欲痛革。爲此合行嚴禁。凡應試諸生。果係真才。自然收錄。切莫擅求囑託。妄意倖進。如不相信。但有一字到本院之前者。除不准進場外。仍重責八十板。枷號三月。今

誠正齋文集

卷七

六

昔不同時勢亦異。爾等當自兢兢。國法也。

匡維大典愛惜真才。視文武不作隔膜。但前已凡煩意匠。故至此不勞餘力。功在當時業在干。

爲嚴禁稅課積弊。以避商困事。照得商稅一節。自古有之。思以裕國。先當通商。本院巡行江南。到處問民疾苦。念商民皆吾赤子。不作異視。今訪得亳州商客。爲稅所苦。幾不可言。如客貨一到。多方搜求。借題漏稅。任其苛罰。輕者資本一空。重者性命淪亡。又如納稅給單。每單要銀二錢。一客數貨。則一客數單。計入詐錢。錙銖不爽。異客含冤。言之

痛心。除將三五蠹役。嚴拿重處。已批鳳刑官查明。稅額勒石。永守不得分外苛求。如有肆惡不悛。各商赴院陳告。官忝役究。決不輕貸。

國家自正賦而外。莫大於開稅。何其近無定額。處處皆然。即凡稅皆宜查明定額。各關俱常勒石。永守商人至此。何幸而至彼。又何事耶。快心擊節。不能已於扼腕。

爲再禁徵官橫收。以避軍困事。照得江南屯政大壞。蓋緣居上不潔。致徵官多方橫索。以圖逢迎。今本院按臨茲土。稔知前弊深惜窮軍。遭此害除。一面牌行司道衙門及守備等官。痛革茶菓石頭。及衙役陋規外。今管屯千總開徵。務要一洗陋習。

誠正齋文集

卷七

九

糧米責令旗徵。旗解不得仍踰百總故套。到任則有公座筵席。下馬則索酒肉飯米。至于醬菜鹽菜。各色多端。無所不派。尤可恨者。徵牌到手。輒招收多役。渡江則大轎執事。虎嚇鄉愚。徵收則加五加六之外。又有管家伴識門子。小票使費。諸如此類。不一而足。本院既去百總。而用千總。澄清其源。爾等自應潔已奉公。止管督催。不許經手。倘有違禁。痛除陋規。完糧獨先者。不惜獎賞。苟橫索如故。法紀不畏者。或本院訪出。或經人告發。定行卽刻鎖拿。捆綁重責八十板。革職示懲。決不姑息。

源潔則流清人所皆知而不肯言 持斧布

為禁約事照得行戶窮民不遇營生度日以保旦夕那有許多本錢為官者自當照依時價平買毋得輕自虧損據各行紛紛稟稱各衙門每日取物全不給價又無硃票可憑此皆衙役兵丁借官詐騙為此合行嚴禁如兵役撻詐稟明本官究治若係官廚行戶赴院陳告以憑查究重處決不輕貸載米懸魚不信古人果有此事推示中之意亦如堵旁巷陶谷中亦競傳而樂道之矣

為禁約事照得郭鎮兵營奉 王差蝦守催赴粵

誠正齋文集 卷七 三

所需船隻徽寧道自有料理今 新命森嚴本院欽承 特簡凡有官兵騷擾立行指參合行嚴禁為此示仰各將領等官知悉務宜恪遵紀律收拾起程如有借口討債或搬取什物騷擾地方驚散百姓該州印官即便據實揭報以憑 題參若州官隱匿一體治罪本院執法無私爾各將官各自守法毋貽主帥戚也慎之

主同猶鼠因而兵如虎狼主既芒刺在背兵將無不胆落為禁約事照得屯田之弊一言難盡本院反覆告戒冀爾等回心奉法不意奸宄不測百計以撓我

法即如歇家一事歇家改而為里保里保改而為住戶今方嚴懲住戶又改住戶而為飯店豈朝廷之法竟不能為爾何也吾不信也更可恨者向有住戶猶有定規一去住戶串通倉蠹多方需索其所費有過于舊時數倍者是本院此番剔釐不能除弊又以貽害數日來寢食不寧誓必澄清此弊以期更新不則令巨惡障天安在其來巡行也至于住戶之弊已難言矣而奸民之充旗甲每糧一石加米八斗加銀一兩此更駭人聽聞此弊不除屯政其何能清為此曉諭凡從前住戶有敢容

誠正齋文集 卷七 三

旗甲一人者立正大法旗甲有敢仍宿住戶之家者一同治罪倉中諸蠹有需索刁勒者擊鼓陳告旗甲有科派花戶者查出赦至夫經屯各官另有森森之憲法在 國典無私言之已早勿謂本院不教而誅也

如鬼如賊定當投界豺虎 指天誓日切齒痛心諸蠹能無戰慄 罪有首從律無縱赦為禁約事照得屯糧住戶本院已經痛革積年掛欠俱發右布政兩都司勒限嚴追此水落石出之時務期澄清到底誠恐住戶陰用巧計暗通倉蠹刁勒索且又有奸民投充旗甲借以使費各色

為科派花戶題目。此尤在各守備官。潔已奉行為此合行示諭。今後守備起批解倉。須要親自交納。如住戶尚留旗甲吃飯者。立行鎖拿解報。旗甲在屯征收使費者。並行拿解。兼外新規分文需索者。據實申報。在守備官仍舊作弊者。定行拿問。本院從來不出套示。如有撓我法者。是以性命為嘗試也。思之慎之。

示威習套不止一人一事一日。看此中搜獎。懲奸有一習套。否扶杖刮日。想見當年。

為禁約事。照得屯政之壞。蓋緣陋規相沿。行賄擄比。為牢不可破之局。今本院極意剔釐。諸弊盡革。

誠正齋文集

卷七

三

茲值徵收之期。相應立限嚴比。為此合行示諭。每月以十五日為期。右司會同屯田都司。公同齊比。依期完解者。免其責懲。不及分數者。重加懲治。每限將比完分數。具文報院查考。開舊日每遇比較。書吏一衛要銀二三十兩不等。今該司等衙門。管屯書吏。先各具名申院。如有需索舊規一分一文者。或經人告發。或本院訪知。該役定置重典。此何足惜。休察不嚴。恐其咎又不端在下矣。慎之。

籠鳥釜魚。若不亟亟。悔悟此名。即登鬼錄。

為肅清屯政。出示曉諭事。照得江南屯衛。敝壞已

極。查從前舊規。每米一石。非得三石。不能交納。屯軍之苦。一至于此。矣。今本院端。勅理屯細。加採訪。初聞之大為憤恨。數月以來。諸弊頗悉。祛除維力。如屯田道掌印都司。管倉等衙門。茶葉担頭。及各衙役。陋規守備起批。千總催徵。常例并跟從。使費種種積弊。盡行除去。至于歇家一節。包攬侵漁百弊之源。皆生於此。業已力為嚴革。斬草除根。以斷蔓延。又有司道等衙門。原派表文貼備人役。工食。亦經盡革。不得再派守備進表。十三年為一輪。唯一衛寫表銀伍錢。廂損銀伍錢。出自守備。不

誠正齋文集

卷七

三

許科派本官盤費。亦係自備。不許別衛幫貼。承為禁止。進倉使用。除船錢驢腳。隨時酌量外。所有扒抬夫。篩夫。籬夫。蔣場。簽繩。蘆蓆。茅竹。修倉等八項。本院會集戶部分司。并司道各官。每米一石。定銀伍分八厘。花戶以此付旗甲。旗甲以此交守備。旗甲多收。守備稽查。守備多收。計贓治罪。本院此番釐剔。斟酌合宜。期垂百年。非為區區一時之計。除一面具。題。誠恐爾等竊軍。未能週知。特令江防趙同知。單騎歷屯。張示曉諭。以示本院今日清屯。至意。斯言一出。萬耳共聞。撓我法者。自有典刑。因

循情面有始無終。豈第見笑爾輩。且昭昭之天。日可鑒也。守備千總徵收歸屯。單騎寡從。止帶四。人如跟從多役。及坐轎擾害者。告發嚴究。

貪謀寔出。獨斷法律。經緯在人。意想之外。此心此言。至誠惻惻。但可以对人。可以告天。

為禁約事。照得屯政之壞。其原總起于歇家包攬。上飽官慾。下剥民膏。本院已經責華具疏。題明。外為此合行列名示諭。凡各屯戶。不許仍投舊歇。如違許該守備指名報院。以憑拿究。倘守備容隱。即係通同作弊。本院別有所聞。官歇屯戶。一併嚴拿重處。不貸。

誠正齋文集

卷七

二

罪魁一手擒定。下筆如刀。出語成案。不為失。入何須疑重。

計革歇家朱均等共六十一名

為禁約事。照得米價騰貴。萬口嗷嗷。近聞文武衙門。因革硃票取米。於是有不用硃票。而止用白頭銀封。任意強買者。且勒令行戶挑送硃為不法。又有指稱衙門販米外來。不自發賣。強付行戶為之代賣。窮人糶米。銀錢不無碎細。又逼令成錠。且要重收。病商厲民。莫甚于此。合行嚴禁。凡各官買米。俱照民間市價。不得指官要挾。各處販米到省。公平交易。聽其自便。不許指官強付行戶。如有不遵。

赴院陳告。究處不貸。

既要強買。又令代賣。肉雖剝。盡不能醫。可奈何。天地好生。水火中幸有拯溺救焚之人。為嚴禁驛樓。以肅郵政。事照得驛站苦累已極。即有心蘇困而積弊日深。徒托空言者多矣。本院入境之初。首為嚴禁。不意猶有泛泛相視而敢于藐我之法者。據江南驛傳道趙僉事呈。據盱眙縣知縣吳國泰申。稱福建副將陳尚智。差丁王有才等。騷擾驛遞夫馬。以一索三緣。由隨經具疏糾參。奉聖旨。陳尚智着從重議處。王有才等該撫按嚴拿。究擬具奏。該部知道。欽此。欽遵。抄報到院。合行申

誠正齋文集

卷七

五

飭為此示仰。按屬各驛。及過往差官。知悉。自今以後。凡遇應付。悉遵部頒勘合火牌。一毫不許需索。如有多索一夫一馬者。許該州縣據實申報。以憑題參。若通同與受一併究處。新令森嚴。各宜兢競。本院行法。無私決不為爾等少寬也。榜示各府州縣。王有才已作前車。與受並究。示出自當。速於。為曉諭事。照得江南水災。業經本院與各院會疏具題。造冊報部。今奉部覆。各省漕糧。除未被災傷地方。盡徵本色。升合不容少欠。外。查果被災地方。災輕者量折四分。極重者以折五分為限。每石

折銀一兩四錢并隨糧各項應徵銀兩及時完解等因題奉 聖旨是依議改折欽遵在案除一面照冊查核酌議分折外誠恐小民無知苦于催比合行通知為此示仰按屬地方冊報有名花戶知悉各宜靜聽議折明白再行查照輪納毋任奸胥糧里欺蔽重徵其不被災傷者不得藉口觀望

恤災又恐貽災  
奉奉愛民至意

為肅清關弊以甦商困事照得設關抽稅 國家自有常典前代已然非從今日始也不意近年以來諸弊叢生一夥棍徒結黨揮盟盤踞虎關魯不

誠正齋文集

卷七

三

少念商賈遠客彼其拋父母撇妻子間關跋涉以遊茲土無非欲獲錙銖之利以養其父母妻子乃每至過關胆慄心悸視為畏途而不敢至一到關上先投保家每單一兩保家則要二兩三兩不止堂房書辦五錢委官三錢農民一錢舍人一錢皂快三錢買單一錢傘扇一錢巡兵四分副巡兵三分而加耗之重不與焉種種弊端未易殫數而究之皆由保家始是以商人亦有怨其太苦而不投其家者彼即曰我但要寫單錢你去自已交納殊不知表裏為奸安能逃其圈套及去自納所費必

倍自後商人雖明知之而不敢不投保家也言念及此髮指心裂今本院持斧巡行通商惠民盡汰陋習申明大法凡商客至止許照依內部原定則例商人親身詣關照單納稅交完即便放行分文不許需索至保家盡革不得復用委官盡裁不可復留農民舍人皂隸快手傘扇巡兵水手等項自有額設工食似得剝削商人自今以後使天下之商賈望蕪闕而止不至如往日之苦者端自本院懲創為之通商裕 國惟茲為最而不然者森森憲法將從而繼其後也

誠正齋文集

卷七

三

為出巡事照得巡方入境而不山搖嶽動者謂之不職本院持斧江左半載於茲冰心鉄面爾地方料已聞而知之特以文武兩關久駐金陵近訪民情望我甚切是以不避隆冬馳車巡行念爾等百姓年來遭逢貪官汙吏不見天日之事不知凡幾何矣今本院面承 天語恭肅拿吏凡地方不肖等官一有所聞即當入 告甚有一種奸貪有司不思洗心滌慮以補前愆乃自本院入境以來道



路之間處處密訪求障院台之耳目至于按臨之日又四路差人攔截百姓告狀且密囑無耻教官傳諭諸生不得輕言地方官事更買求數十劣紳出面保官希圖塗飾自已罪過而不知此段舉動早已欲蓋而彌張矣况本院巡歷所至耳目所及各官臧否自難逃鑒別掩著何益祇滋罪戾若夫府廳貓鼠綱紀久已掃地亟宜改過各盡職業庶表率刑名兩為不負否則赫赫王言誰能少違撫膺三思其為勗諸

誠正齋文集

卷七

元

曉雲望霓民情豈能強致○防口甚於防川彼鳥知之○貴州縣不及府廳州縣必至叫

居此底無枉無縱

為禁約事照得巡司員役與守汛官兵惟以盤詰奸細為本此外毫無職掌邇來么麼吏弁越俎受詞兼以二三巡兵如狼如虎外而僂偏登臺內則貓鼠作伴一紙入官便云捺縱在我三尺可假不難嚇詐其人如獲荻港帶管巡檢趙世燧之擅受民詞加責宋文奎也奎以債負小事自有該管有司亦無可枷可責之罪除將世燧責治枷一月滿日革逐外但恐各官之類世燧者亦定不乏人合行禁約自示之後凡一應文武巡職務要恪遵憲

約各守汛地凡民間詞狀一槩不許准理如再故違許被害之人赴院陳告定將官役嚴拿重處不惟即行責逐即身命亦隨之矣各宜慎之斷不姑息

雀角鼠牙中有魚肉存焉懲一警百後來者並受其福皆當尸祝世燧矣

為嚴禁巡兵事照得巡兵之設原為沿江偵探用戒不虞年來每一巡兵幫役數人每遇客船指稱驗單名色蜂擁船頭如同搶掠船之小者五七錢船之大者一二兩不等商人忍氣吞聲幾莫可言本院通商別獎申明大法除具題外已移本部

誠正齋文集

卷七

元

酌量名數印給號衣腰牌為此合行示諭自後江上棍頭如有假借巡兵生事害人者定行重究决不輕貸

巡兵為害已甚那堪助紂為虐○兵可假印給衣牌必不可假斥逐幫役不怒威於鉄鉞

為嚴禁私幫以除民害事照得驛馬一項奉旨官養自有額設錢糧本院巡恤驛因一切差使及緊急會稿並未取用一馬本院如此司道府廳州縣可知以原額之站銀供節省之馬匹自未有不足者不意年來奸里積欺諱私幫為津貼欺罔鄉民每田一畝仍津貼銀一二兩不等有司假為不



知。且。有。一。等。婪。官。因。以。爲。利。爲。此。示。仰。按。屬。官。民。知。悉。遵。照。原。編。站。銀。縣。官。喂。養。或。有。不。敷。呈。詳。兩。院。示。行。如。州。縣。官。敢。任。荒。里。歇。需。索。一。分。一。文。者。許。諸。民。從。實。首。告。地。方。不。許。攔。截。一。經。審。明。本。官。叅。拿。奸。里。積。歇。加。以。大。法。決。不。輕。貸。

不知者少爲利者多相比爲奸亦相連受禍試問此時爲利凡何雖欲假爲不知得乎

爲。嚴。革。糧。里。加。派。事。照。得。州。縣。錢。糧。糧。里。催。排。年。排。年。催。花。戶。此。正。經。門。差。從。來。舊。例。不。謂。近。來。糧。里。公。堂。有。費。書。吏。有。費。下。至。皂。快。亦。有。花。紅。等。費。且。分。日。打。卯。那。有。此。理。一。年。之。內。凡。遇。往。清。洲。經。

誠正齋文集

卷七

三

臨。使。客。上。司。交。際。本。縣。酒。席。供。應。一。應。等。事。槩。派。糧。里。糧。里。從。而。派。排。年。排。年。從。而。徵。花。戶。本。院。久。悉。此。弊。今。至。南。陵。細。訊。糧。里。一。一。不。爽。如。此。情。事。不。禁。髮。指。毗。裂。今。歲。已。將。終。正。更。換。糧。里。之。時。止。可。照。甲。公。點。使。費。盡。革。一。人。終。年。着。役。糧。完。告。退。再。不。許。分。日。打。卯。其。糧。里。應。役。止。照。催。叔。正。糧。一。切。養。馬。過。往。供。應。絲。毫。不。得。再。派。如。蹈。前。弊。印。官。則。題。叅。掣。問。糧。里。立。斃。杖。下。性。命。攸。關。爾。等。仔。細。休。得。漫。視。

分。日。必。有。日。進。陰。謀。勝。算。 獎。絕。風。清。終。年。俱。是。化。日。

爲。嚴。禁。糧。里。養。馬。事。照。得。站。馬。奉。 旨。官。養。嚴。禁。私。派。不。啻。三。令。五。申。本。院。經。臨。南。陵。查。此。中。馬。匹。各。係。官。養。實。係。糧。里。私。相。幫。貼。問。之。縣。官。而。伴。爲。不。知。問。之。經。承。而。經。承。互。相。支。吾。及。詢。之。里。糧。始。據。實。供。稱。該。縣。八。十。九。里。兩。里。催。一。夫。養。馬。官。銀。二。十。兩。私。幫。銀。三。十。兩。每。年。共。幫。銀。二。千。六。百。七。十。兩。咄。咄。怪。事。日。日。禁。私。幫。而。私。幫。愈。甚。殊。可。痛。恨。合。行。申。禁。爲。此。示。仰。閭。閻。邑。里。民。人。等。知。悉。自。後。官。馬。實。照。原。編。錢。糧。縣。官。責。令。兵。房。催。夫。自。行。喂。養。止。照。火。牌。勘。合。應。付。一。切。紙。票。不。許。徇。情。濫。應。

誠正齋文集

卷七

三

若。再。敢。令。糧。里。津。貼。于。編。額。之。外。多。收。一。分。一。文。者。卽。係。私。派。卽。係。悖。 旨。爾。百。姓。卽。時。赴。院。陳。告。官。叅。吏。拿。決。不。輕。饒。  
私幫二字官與經承皆利之卽糧里未必不因此爲利害既盡去利乃歸之百姓  
爲。禁。諭。事。照。得。鎮。防。兵。丁。視。百。姓。爲。魚。肉。領。兵。將。官。不。體。總。鎮。愛。民。之。意。庇。兵。爲。虐。本。院。未。出。都。門。卽。已。廉。得。其。槩。有。三。五。比。肩。出。城。接。貨。鄉。民。之。柴。炭。皆。轉。手。貴。賣。者。有。物。價。本。貴。而。強。買。者。有。色。銀。不。足。而。強。用。者。有。賒。取。食。物。而。經。年。不。吐。者。以。強。梁。之。壯。兵。當。孱。弱。之。小。民。恐。氣。吞。聲。甘。受。凌。虐。本。

院持芥南來面承。天語豈容姑貸。合行申嚴。為此示仰官兵民士知悉。以後柴炭悉聽鄉民進城買賣。不許出城攔截。一切貨物俱照市價見銀平買。不許短價低銀賒取。有一如此。許百姓赴院陳告。兵丁鎖解大法處治。該管將官特疏糾參。本院言不虛發。如官兵不信。且看本院之執法焉。慎之。四面皆網。道路以目。有獎皆除。無微不悉。小者如此。大者可知。示照得府縣各官有錢穀刑名之司。關防最宜嚴密。通聞各官竟令家人相公出入街上有未告狀。先自講通而後准者。有原被賈緣暗行線索而顛

誠正齋文集

卷七

三

倒是非者。飲酒宿娼。無所不為。宅門大開。甚非法紀。自示之後。不惟有司佐領嚴禁關防。不許家人相公出入宅外。卽教官雜職一併嚴密。如有不遵。有司卽刻糾參。佐領以下。罕問究逐。憲法無私。各宜慎之。

絕賄賂肅法紀恤體  
統一禁而三善備焉

爲再禁捕害事。本院屢閱招情。見捕役之害人。過於強賊。業已通行禁諭。自後獲有真賊。止許府正佐州縣印官親審。以初供口詞爲憑。申詳批緝。不許衙官審理。致滋捕陷。通行已久。不料各屬仍有

未遵者。每一獲盜。巡捕員役私拷其干連何人。某某殷實強盜。以此爲贊禮。捕役以此爲漁獵。後來辭白而身家已破矣。無怪百姓之不畏賊而畏捕也。自示之後。凡遇地方失盜。事主告明州縣入門。幾人或強或竊。失物若干。州縣卽日據實申詳。該管上司批行緝拿。掣到之賊。對明月日審取真贓。卽以本犯供報申詳。再緝再緝之賊。若有再板姓名者。止許立案。不許緝拿。捕役隨獲隨解。有司隨解隨審。當卽通詳。稍有耽延。卽係通同害良。捕役處死。經承提究。該有司定註下考。本院職在安民。

誠正齋文集

卷七

三

毫無寬假。仔細思之。勿錯。

捕甚於盜。未必無更甚於捕者。休恤民隱。天地父母之心。立案使盜無免脫。緩捕使民無嫌。羅隨解則漁獵不能逞。隨審則糾網無所施。條條可捕。爰書。

爲肅清漕弊事。照得官旗領兌。自有行月二糧。糧里催收。自有一定會計。花戶以此交倉。糧里照數兌出。官旗各照派定糧數。升合不容增減。邇來積弊相沿。盤量有費。驗米有費。自府廳縣役莫不需索。有費又有一等歇家。串通奸旗百般刁索。花紅酒席。淋尖踢斛。晝會等項。明加暗加。廳縣各官止做好好先生。全不想民疾苦。茲據溧陽士民連名

請禁誠恐各屬之如溧陽者亦斷不少合行通飭  
自示之後爾糧里百姓悉照會計糧米公同官旗  
如數兌足挑運上船不許歇家於中與事監兌廳  
官大破情面潔已肅下其以前陋規盡行革除如  
官旗捐勒衙役保歇通同作弊者卽刻按法懲處  
若運官不法該廳飛揭報院一面鞫究一面糾叅  
官旗百姓其悉知之勿忽

於自己好故於衙旗保歇亦好乃爲好好先生但不知糾叅之後其疾苦視民何如讀至此而不喪胆革心者非夫也

示照得士子閉戶讀書率皆違大自期是以有志

誠正齋文集

卷七

三

者羞入公門乃年來有司不知重士糧里排年竟  
僉生員爲之青青子衿何以別于齊民甚爲非體  
自後縣官有敢仍前僉報者定行重處諸生各宜  
愛卹勿負本院貴士之意

士不自愛者甚多先言有司不重士而未方微擊冷側依然愛士之心

爲嚴禁擅用行戶事照得行戶之禁不啻三五令  
申通聞文武各官陽順陰逆猶然擅用硃票賒取  
各物如溧陽知縣吳元玠已經題叅拿問外合  
行申嚴爲此示仰按屬文武各官知悉自後務  
宜恪遵悉照民間市價平買不許賒取短捐如違

道路有口後車宜戒斷不能爲爾貨也

陽順陰逆必不獨溧陽爲然望茲示也宣第法度可畏事事宜有留昧之志人人當慕斷帶之風

爲禁約事照得慶賀大典乃臣子分內之事本  
院昨日具題各衛守備輪流齋捧其寫表盤費  
皆係自辦今據安慶衛守備王弘量呈稱表箋七  
道用過一百四十兩仍循往例每戶科銀八分二  
厘五毫隨糧帶徵殊可詫異除批行右藩查報外  
合行嚴禁爲此示仰官旗人等知悉自後表箋俱  
係衛官輪流齋捧寫表一道止給銀伍錢亦係衛

誠正齋文集

卷七

三

官自辦如再明科派屯丁一分一文者諸守備官  
一面拿究一面題叅爾衛官其各慎之

齋捧者何止一衛王弘量自行覓發殆神人共憤民困當廷耶

爲懸除積弊以收殘黎事據石埭縣生員汪斗等  
連名呈稱石埭錢糧官徵民解并私設鄉勇二獎  
重累情由隨經批行池刑官查議前來據此惟照  
額編錢糧官徵官解久有成例何獨該縣不然任  
其奸棍包攬魚肉里糧至鄉勇一事非奉部行無  
庸輕設今且濫行派餉殊爲悖背兼以段月各  
邑恣意科擾如此厲政小民奚堪除嚴批申禁外

合行曉諭為此示仰園邑士民人等知悉嗣後一應錢糧甲戶自封投櫃官徵官解不許貪黠批頭包攬科費鄉勇一節該縣地稱山僻已行該廳酌減議餉另詳定奪惟不許派民分文其里長段月使費尤為科派之源槩行禁止敢有再指前項故違者許爾等即時控院官叅役究決不姑貸

微而不解明為包攬者啓釁審量重輕看後來二字定案

為嚴禁遏糶事照得遏糶之禁早已諄諄申諭通聞富豪之家坐擁沉腐閉販待價零星不肯分賣彼里開窮民那得三兩五兩一時兌糶乎安危利

誠正齋文集

卷七

三

災不惟無守望扶持之義即自己良心亦過不得矣合再勸諭為此示仰按屬四民人等知悉務將有餘之稻乘時出糶不論本土外境但有一石二石即便開倉零賣其有好義之民爭先平糶者該有司指名報院以憑給扁獎勵如仍前坐擁不肯周里定以懲惡之條加之周急濟困仁人之為爾百姓勉效大義勿以嗜利貽悔

禁遏糶用重典似乎不情先賞後罰先勸其良心而後繩以大義貧有濟富亦無傷故謂之勸

為曉諭事照得稅契額銀每兩三分此外毫無耗

費近聞各州縣多有硃墨等費殊非法紀除通行申飭外合行曉諭為此示仰各屬官民人等知悉凡稅契銀兩俱照三分為則一毫不許多收其藩司解部即於稅銀內抽給水脚如奉行不力官叅吏處斷不姑息

藩司允有司不得不奉行印稅銀各項可惟

為曉諭事照得新安之民惑于風水經年計訟破家蕩產殊不知風水二字從古未聞夫以查冥難辨之事一經構訟先無益而有害矣合行嚴禁自示之後敢再以風水具告者道府縣俱不許准理

誠正齋文集

卷七

三

若隱情捏告審出定行反坐不貸

民情甚愚諭以理或未必解不准反坐認心乃自釋然

為再禁住戶包攬屯糧事照得屯糧之蠹住戶為最本院已經題明奉旨自宜上下共遵乃近聞在省諸戶猶有陰行包攬奸究謀利怙終不悛深可痛恨不識管屯衙門耳目何在為此再行嚴飭如有包攬屯糧者住戶自置重典管糧各官一併指叅

屯官若能潔己不信住戶匪真可包天一併指叅語出聾人耳目聾人毛骨

示照得祁山磁土條開條禁半為有力所踞自

以後聽民自便勒石垂示永無封禁違者重為究治不貸

欲開故禁既禁自難空開永無封禁有力將安用之

為嚴禁私派事據江刑官呈詳江浦縣馬夫戶差緣由到院查得該縣每米一石私貼馬銀六錢九分又幫夫銀六分五厘自夫馬而外領解錢糧每平米一石派水脚銀五分至備辦豆麥荅應過往大人每糧一石又派銀二分沿以為例官胥猫鼠小民魚肉種種私派閭閻之殊堪髮豎除將經承究處外合再嚴禁自示之後一切夫馬俱照原額編

誠正齋文集

卷七

三

銀馬係縣官喂養夫照原額支給絲毫不得幫貼其領解錢糧官徵官解併不許私加耗費如該管有司陽順陰違一有訪聞印官飛章奏處經承嚴拿處死勿得以身輕試之也慎之

但係科派上下必要通同一掛彈章所關不獨功名胥役乘重耳性命夫何足惜

為再飭保甲以安善良事照得保甲之法本院業已通行嚴飭至再至三若印捕各官果能力為奉行何至盜賊橫行合行申飭為此示諭按屬人民知悉凡鄉村市鎮以十家編為一甲互相訖察如有容留匪類公同舉首若隱匿不報事發一體連

坐決不輕宥各宜慎之

見成法一經申飭讀之肅然

為嚴禁積歇事照得催收錢糧里長催排年排年收花戶照額收納此定例也邇來有等市棍慣走衙門起城商訟串通書快表裏作奸名曰歇家最為民害合行嚴禁自示之後凡在城積歇盡革不用如敢明去暗存侵糧包告者許被害之人赴院陳告定行嚴拿重處不貸

禁歇家三令五申一市棍耳乃致大人勞心至此

為永折事照得淳米改折原省二六輕齋以抵虛

誠正齋文集

卷七

三

續本院題疏言之甚悉今奉旨改折其輕齋款項自應查照當年舊例舉行除已行分守江寧道查報外其八年分糧米徵收在倉者仰該縣照數退還百姓以廣朝廷恤民之仁印官仍當親為給散如致胥吏中飽該縣不得卸其咎也

非親給必至中飽慈祥而周到

為嚴禁交際以觀永清事切因交際之道從來有之禮以達情此就無所防閑而言言之也至于上下衙門法廉所在何等關係況一介寒士驟釋蔬而拜一命欲其載筐篚而供庭實其勢必有所

不能是以一二廉吏進退維谷而不肖者且借餽  
之名巧剥膏血莫道一盃一幣科派里甲歛取  
衙役即一程一饌無不取之于民甚且有上司不  
收而前此所取之物半付貪吏之囊中者功令  
清嚴司道府廳日以虛文相束而交際如舊母戚  
乎下吏之聽而罔聞也自今以後凡遇佳節生辰  
一槩交際通行禁止端本澄源法自近始使其治  
日進而風日古不亦快乎匪然者豈獨致干新  
令試問夙夜如何

誠正齋文集

卷七

卑

賄賂上司收則藉此可以弋賄不收則已見  
受其賄甚矣矣之際之名歸上寔歸下而害獨  
歸之於民也然上若一槩不收下將何以爲  
辭端本澄源善哉言乎  
爲嚴禁舡季以甦商困事據池防官呈稱池舊例  
凡通江鄉鎮有舡之處俱應官差一年三百六十  
日派定日期名曰舡季仍有地名稠密向派舡季  
七日今已無舡將彼處農夫不論舡之有無照田  
輪當兵書積快包攬欺騙等情到院據此爲照貴  
池百姓以民舡而當官差苦已極况無舡而編  
派農夫書快藉以挾騙尤爲屬民除將各役嚴拿  
解究外相應嚴禁自示之後凡一切民舡不許答  
應官差其從前舡季名色禁革不用敢有名去寔

存仍前派充及無舡而編舡甲者許被害之人據  
實赴院首告官特奉寬更役處死法在必行勿貽  
後悔

但禁無舡保無而爲有者有無風波  
俱息舟子揚帆而歌孰不日豈弟君子民之  
母父

爲極慘驚天事據分守江寧道呈詳溧陽縣民史  
坦智等條陳緣由審明報院該本院細閱招詳除  
馬草顏料等項業已會題外如易知由單則任  
摠書主持使民間苦樂不均錢糧耗費則任經承  
高下使官旗得以刁勒甚而解手籬夫亦藉手勢

誠正齋文集

卷七

四

要銀匠傾銷亦明加外勒皂快一名而有數人衙  
官小事而行倉禁倉夫凌虐無所不至魚鱗冊籍  
五年不完一任冊書索費民間私債代抵官糧以  
致小民逃亡種種敝政真堪髮豎其經承蠹役謝  
兆宗等依律縲首批行訖合行嚴禁自示之後凡  
一應編糧悉照易知由單逐戶遍給糧米無分支  
解苦樂均沾兌運一切使費盡革不用如官旗拏  
勒指名報院重處解手籬夫與傾銀工匠聽民自  
便不許把持皂快自經制而外一名不許多至  
于衙官不許擅受民詞已有嚴禁若小事寔倉及

貪蠹凌虐者查出定行重處。魚鱗冊籍責令各里自造小民債務不許抵兌錢糧。爾百姓各宜遵守。如奸胥撓法有謝兆宗之榜樣在本院法行無私勿致噬臍。

標出榜樣各蠹役抱頭鼠竄保全首領者皆仁人之賜也。

為嚴禁積歇以甦民困事。照得歇家一項非市井無賴之徒。即已革蠹役之數。慣走衙門交結水黨。視鄉民為凡肉。以打點作生涯。錢糧則包收包比。一分而索取數倍。詞訟則包告包准。隨事而自為。起滅因而侵欺洒派。聽其破家蕩產。在彼坐收漁

誡正齋文集

卷七

四

利習以為常。此歇家之弊在江南為第一。合行嚴禁。自示之後。凡以前積歇盡革不用。其應交錢糧里排催收甲戶自行投櫃。不許歇家包攬。至於大小詞訟。不許頂名代告。于中唆訟。所在有司極力釐剔。如有名去實在本院別有訪聞。歇家即拿處死。若奉行不力。該有司定行重究不貸。

各為積歇。虧欠深根。帶圖術法。密羽翼多不處死。奸心不歇。重担子。究歸有司。彼家乃無東道主人。

為申嚴防兵事。照得防兵之設。原以衛民。邇來分防將領擅作威福。縱容兵丁有占住民房。內外不

分者有強買貨物。虧損價值者。甚至派民供給恃強搭飯。而十不及一者。更有無名僕卒。府縣閑說而毫無忌憚者。流害至此。朝廷養汝何用。合行申嚴。自示之後。凡防守官兵。悉住無碍官舍。如無官舍。僑寓空閑寺觀。不許仍住民房。其各兵飯食自有月糧。不許派民供給。日用食物俱照時價與民平買。不許短尅。所在有司與該弁不時察訪。民間果否。兵民相安。如仍前不悛。許有司不時據實揭報。不論是否。兵是將立拿正法。有司隱匿。一体治罪。憲法無情。各宜恪守。勿貽後悔。

誡正齋文集

卷七

聖

有司隱匿。乃無可奈何。而然一体治罪。明假有司以權兵。與將現。既俱喪。為嚴禁擅用民舡事。照得拿舡之禁。久奉嚴旨。各院申飭。不啻再四。以為庶幾其可已矣。乃不肖有司。漫不為念。將民舡而應官差。編立季頭。分日輪值。逢迎上司。差官承合。撥舟致送。折乾刁勒。而經承胥役。因以漁獵上下。猶鼠最為屬政。昨據安慶知府池州同知各呈詳到院。除將作奸好書快嚴拿究處外。合行通禁。自示之後。凡一切民舡。俱不許答應官差。其從前埠頭舡季名色盡革不用。敢有陽奉陰違。仍前編派者。被害之人。許即赴院陳



告縣官特泰胥役立斃杖下斷不少為姑息使

王章若弁髦而窮百姓身受其苦有口難分訴也

折乾之為害猶小漁獵之為害甚大官泰吏杖誰敢陽奉陰違

為預禁衙官徵銀加派事照得省衛額設新增沙

荒丁租等銀例于麥季開徵查防衛弁每徵銀三

錢竟加至一兩二錢而衛有識字伴當額定使費

再加之不自衛官酌其供給醬麥等項是徵一而

加四五倍矣往昔司道都司等衙門官吏立有一

定石頭陋規上下通同任竊軍受其剝削而弗問

嗟此弊竇遺其甚焉有年矣本院來風茲土將及

誠正齋文集

卷七

四

一載於中積弊昨午已端本澄源將各衙門

官吏入等使費陋規并諸衙人役工食表文等項

盡行痛革具題矣衙官既無處使費則錢糧自

應照額徵收以耗積囤為此示仰各衙官軍人等

知悉凡交納增荒丁租等銀俱照原額數目投納

倘奸識積甲仍復苛派和派分文者許軍丁赴院

陳告審明立將官職革職甲以重法至司道都司

等衙門官吏仍復勒索衙官舊規使費者亦許衛

官具揭報院以憑查刻刻參治本院執法無私慎勿

自誦憲法莫謂示之不預也

科歛原係上下交征如此方令衛官斂手

為嚴禁疍差事照得民疍應差本院已出示嚴禁

今據道詳寧屬每日派疍七隻各應官差夫寧屬

盡係支河又無勘合火牌其所以撥疍者皆有司

逢迎過客以民膏而作人情耳除一面禁革外合

再申飭為此示諭寧屬官吏士庶人等知悉自示

之後凡一切民疍不許答應官差自不待言即奉

有勘合火牌亦止照陸路應付毋得撥疍敢有不

遵該有司定行查究不貸

照陸路應付檣不搖而帆自收狂瀾怒濤中砥柱屹然

誠正齋文集

卷七

四

為禁約事據高淳縣申稱本縣無知惡少舊習相

沿傳有歌案每于春三月間演戲迎神傀儡塗飾

遠近聚觀晝夜喧雜不顧父母之養典衣枵腹殊

非美俗請示嚴禁勒石永革等因到院據此為照

山川鬼神官民自有常祀非禮致祀神必不享語

云淫神無福徒以取喪耳矧此梨園之場悉係崔

荷之藪而無知惡少易於生事合行嚴禁除行縣

勒石外自示之後凡城市鄉保各宜恪遵禁約敦

崇朴實敢再塗面裝神及迎賽演戲聚眾歌謠者

即是奸民許該縣印官密拿解院定將為首者加



責重處決不輕貸

壞風俗傷孔義耗物力真乃無知惡少醒愚頭當以法及之維風亦其一端

為曉諭事照得一切開政本院業已肅清特題題息所有宣屬支河如簾灣新庄等處合行嚴飭凡一應客船如開政內所應抽者止許在彼報單候到蕪湖交納毋違

報單名色甚輕應鶴何處為虐

為嚴禁私幫事據宣國府呈詳犯人陶日升等招由開稱八年分通縣八十九里共計幫銀二千六百七十兩除僱用打點貼馬外仍存一千九百零

誠正齋文集

卷七

果

二兩奸書馬戶猾里烹分閱招至此深可詫異隨經本院批開陶日升等一党豺狼視夫馬為奇貨歲歲科派贓罪貫盈若八年分之贓特其一端耳徽寧道將日升等責四十板紙罪一通豁免贓銀速給還各里仍詳捺撫部院示行批行去後恐各里甲戶未必周知合行曉諭為此示仰南陵縣通鄉甲戶知悉本院斷還私幫銀一千九百零二兩照數退還各里分散甲戶定是收領如有延推不給許諸民赴院陳告定行拿究重懲不貸

已割之膏復還已出望外又必照數又必定收直令貪墨不得染指點黎个个稽顙

為曉諭事照得江北地方幅員遼濶官吏不法相沿有年本院入境之初稍經懲處貪風稍戢乃數月以來驅車南巡不肖有司革面而不肖革心未必不以為法違難及恣睢行徑躍而欲逞今本院渡江按捺尋及廬鳳如有奸貪剝民之吏一經訪實即登白簡或曰道府彌封已周本院耳目可欺不知小民之口輿情逼真采風所至聽百姓據實陳告即是公論如敢攔阻不令民情上達該地方官一體治罪不貸

百計邪經何當一旦敗露墨吏觀此應自悔計拙不如早早邪經百姓

誠正齋文集

卷七

吧

為曉諭事照得鳳屬地方田荒民窮目今亢暘不雨赤地千里本院巡行至此已為惻然念錢糧為軍國急需誠不容緩郡縣有司當于催科中寓撫字止用勸諭勿用鞭朴戕虐遺黎再干天和爾等百姓隨便輸納亦勿以抗玩拒公負本院體恤之意也

諭官以仁勸民以義軫民懷何難格天心

為嚴禁邪教以安民生事照得百姓安居樂業自是爾等本分乃今有奸民倡為佛教鼓惑鄉愚小民無知俱墮術中若以為真佛出世其初不惜傾

家廢產以供教主久之男女混雜昏迷不悟竟置羞耻不顧堪恨此輩不過驅財騙色之徒借口佛法包藏禍心爾等百姓豈不思佛那有在人間之理試問州縣錢糧佛能完否民間私債佛能償否無本無食佛能與人否誠能如是是佛之靈也不然家業蕩盡婦女淫污卽此得罪名教便是佛法不容爲此合行州縣遍示曉諭務宜耕鑿相安毋得聚衆爲非如再痴迷不醒立拿教主正法以爲榜樣決不輕貸

三問魯無一應所謂七能安在可恨賊子竟云教主非準諸市朝焉能維風易俗

誠正齋文集

卷七

咒

示照得舊時前院巡歷十八州縣輪流伺候今本院按臨鳳陽日用盡從儉省止着鳳陽一縣供應完日開報其外十七州縣不必伺候至於陪巡道廳日用蔬菜該縣登號簿一併報院查發施行

借端供給茶苦中饒有并芥報查則弊實盡塞受人固先節用

爲曉諭事邇聞野貽一帶盜賊橫行鳴鑼立寨幾至燎原本當提兵撲滅但念無知之民飢荒所迫不忍不教而誅合亟差官亟示曉諭爲此示仰諸民知悉各宜互相勸勉解散歸農卽便嘉予維新亦不失爲良民若再其心從賊官兵一到玉石俱

焚身命所係爾輩其熟思之

飢荒無知聞此言便令刀鋸盡賣絲線縫裙尚費許多工夫

爲再飭橫徵以肅屯政事照得屯官額外加派大爲屯害本院業經痛革上下陋規嚴示曉諭不啻再三務期徹底肅清近訪得江北各衛徵米麥一石猶折銀一兩不止是一倍加徵一倍矣爲此示仰各衛軍民人等知悉以後交納米麥各照原額折色五錢赴交敢有不肖官識伍長藉端多索分文者卽赴本院投稟以亮立挈處以重法決不姑息

誠正齋文集

卷七

咒

橫徵已成痼疾調劑須用曉諭借衛官發之針刺者豈第衛官

示好訟之風鳳屬爲最有一告不准而更名叠控者紛紛雀角下水拖人破家悞農可恨孰甚所有未准人犯速卽迴家各安本業再有更易姓敢來纏擾者查出定以大法枷示究遣不貸

好訟雖係習染亦由於陋俗無法且或藉此以行其苞苴此示一出穿牆屋者讓路矣

爲禁約宴飲事照得村畧之風古道猶存今歲久旱不雨禾麥未登秋成難期嗷嗷八口已羣悲俯仰無計矣所在有司不爲蒿目時艱宴飲如昨殊非修省之意合行嚴禁自示之後各道府州縣務

宜齋心節儉。不得仍前般樂。夜飲流連。至于境內。優人之流。槩行逆逐。民間一體申禁。以省物力。倘有司奉行不實。卽以不職叅處。幸體此意。奉迓天和。

表出爲民父母。心腸使司牧者如醉初醒。雖宴不樂。赫炎中布此良言。何異雲行雨施。爲嚴禁交遊事。照得清嚴兩字。從來相隨。若做官不爰一錢。則干求者不必杜門相謝。自是望風而却步。若夫躬行不檢。竿牘之進。雖欲麾之而不能。彼有所扶。我有所畏。則官箴之難言。卽此已大可見矣。近奉新旨。嚴禁請托。凡按屬各官。果能力

誠正齋文集

卷七

辛

破情面。卽是自好之吏。如瞻循故套。相習不改。聽斷之際。顛倒是非。熱腸軟面。吸小民之脂膏。而潤他人之囊橐。致令百姓負屈含冤。飲恨莫訴。捫心自思。能不汗背。本院訪知。自有夾夾。功令幸共遠嫌。謝交慎。勿輕干法紀。

勢利之交。無過畏挾二字。然我無所畏。彼將安扶。故惟一清字。能爲畏者張胆。能使挾者喪氣。不惡而戾。此之謂也。

爲曉諭事。照得泗州素稱孔道。南北通衢。舊設浮橋。被水冲沒。年久竟未修造。往來病涉。可虞。今本院議爲修舉。端令單同知督造。不日造成。但恐各

役欲速工。完潦草了事。難以垂久。合行曉諭。爲此示仰匠役人等知悉。每日工食。按名給發。務要用心修造。期于堅固。永久如有苟且完工。許本官指名申報。重究不貸。

聞此工甚大。費將及萬。並未取民閭一文錢。千載而下。試問造橋者何人。又微直耳。棠蔽芾而

已。條教號令。聖人以爲末務。蓋謂行其本也。言其末也。是欲先本而後末。非謂有本可無末也。後世本之不務。併其末而亦失矣。其在於今行與言。大相徑庭。固已。且有倩筆。蓋本希

誠正齋文集

卷七

五

以塗飾耳目。而當事者。心不注目。不屬率意。施丹甃。究不知其所言。爲何事者。始吾得此集。凡以爲具文。而忽之。若曰。文章中有昭華固。不可無沃焦。即強試讀其。一駭。然非耳目間。物再讀其。次則爲國爲民。寔心寔政。語語自肺腑中出。於是。窮日夜之力。手不停披。幸已粗涉其槩。翌日早起。往復尋味。不禁掩卷而嘆曰。有是哉。言必可行。行必有效。言行相顧。而天下事之無不可爲也。據文相事。文旣悉。事亦遂核。吾目中從未見條令中有此文意。

天下所當急見此文者及不在吾一人倘宜  
佩服其言庶幾矜式其行也夫

誠正齋文集目錄卷八

祭文誌銘

祭少宗伯河陽薛夫子文

祭少司馬叅陽劉夫子文

祭嶺南李夫子文

公祭河陽薛夫子文

祭滿洲大司寇能老先生文

祭大司寇東谷白公文

公祭少宗伯見齋呂公文

公祭少司空伯珩張公文

誠正齋文集

卷八

祭同門張伯珩年兄文

祭大司馬中丞膠侯賈公文

祭江南提台懷赤管公文

祭薛太夫子文

祭侍御張羽王親家文

祭安陸道前侍御馮恒山年兄文

祭侍御錢大士門人文

祭四川副使田弱水門人文

祭兗州道周在中年兄文

祭工部郎中華州張華友門人文



祭黔藩潘公祖文

祭封君味澹高公文

祭陳封翁文

祭  
徐父母文

翼城涂令君序引

祭內兄湖廣益陽令常澠池文

祭仲兄中州泰憲文

哭李琳枝

哭張碧藕社丈

仲兄行實

誠正齋文集

卷八

二

祭洪相國師母文

祭黎陽本房劉老夫子師母文

祭一品夫人薛師母文

祭一峯周年兄夫人文

祭侍御張巢阿太夫人文

祭提台周曆長太夫人文

祭睦台黃萊園太夫人文

誌銘

湖廣荆西道加一級山東道監察御史馮公

墓誌銘

四川文衡覺海席公墓誌銘

泰山李公墓誌銘

昌黎令碧藕張公墓誌銘

內弟癸卯孝廉揀選知縣仲平錢公墓誌銘

表兄茂才卿雲李公墓誌銘

詔封孺人張母王太君墓誌銘

曲沃李孺人墓誌銘

余內君常孺人墓誌銘

五妹李母上官孺人墓誌銘

誠正齋文集

卷八

三

誠正齋文集卷八

翼城上官鉅松石甫著

祭少宗伯河陽薛老夫子文

師道之重同於君親而百年之內聚散存亡之感興焉雖其時勢異宜乃道固不隨時為變易也夫子德業開望度越古今昌黎廬陵後先一轍自作令以及史館豈弟作人之雅其在當時為最盛清興之初首典成均八旗子弟以及四方書升之彥咸稟裁成焉迄今蒲漢之思服先生者無異七十子而公卿大夫之選皆出先生之門在昔宋訥

誠正齋文集卷八

為祭酒稱為得人吾師其堪並轡乎旋推學士教習館選蒲漢諸賢共宥大治之中嗣以羣望共推特簡宗伯以司典禮維時世祖皇帝殷殷以敬天尊祖為念凡朝廷郊廟大典吾師綜核古義斟酌時宜仰副 睿慮戊戌春初蒙 恩歸養優游東山承敬膝下以遂定省之志噫遭逢至此難言之矣計吾師通籍之始二十有八朝朔達路三千餘年忠結 主知汲引後進為國名臣至使天下之士仰望官牆而頃心杖履不賢而能之乎昔孟子尚論夷惠而稱之曰百世之師舍先生其誰

與歸今致政之後優游綠野之堂者又復十年日侍尊人斑衣戲彩河陽之演築有翕園方諸三槐解白何多讓焉兄長兄震聲青瑣昌言日拜嘉謨謚論屢形奏牘他日史臣能記之而列兄雋學稽古不啻玉笋仙姿山後而觀吾師之燕翼可知也鉅晉鄧堅儒摩承衣鉢蓋二十有五年矣屈指及門存亡增慨今暮春之月忽聞夫子訃音撫膺悲痛情猶衰絰奈何受終身之教而不及三年之場也有媿端木子多矣虔修牲醴用靖徽誠百年山斗悵惘無從嗚呼哀哉

誠正齋文集卷八

聚散存亡者時也其中原有不得不變易者在今天下隨時變易者豈止此道而此道中隨時變易者政不少二十五年後無變易則終無變易者矣端木子三年築場蓋言其心喪之期即此以概終身耳若將獨居三年解實則大忤前賢之意又烏足以識作者之心

天祐教養  
隆慶元年  
給事中

受命不索  
其子先  
不與其父  
相感便成  
此情宜上

石橋先生

天隆大任  
故在勳忠  
之後

道隆黎

祭少司馬黎陽劉老夫子文

嗚呼師生之義昭著天壤此自尋常言之也至於  
一人之身經歷常變中間生死存亡艱難險阻之  
故無不備嘗則非復尋常之可言我夫子海內名  
儒早掇巍科三試花封甘棠日茂迴想壬午晉闈  
分校義經鉅以葑菲獲列公門及展謁平水殷殷  
提命情同父子不獨為感知遇之恩癸未禮闈鉅  
與伯珩兩人同捷南宮不負夫子知人之明無何  
瞬忽滄桑塵氛蔽日舉世惶恐莫必始終至今追  
懷夫子骸骨相託之言不禁淚下沾襟雖世兄輩

誠正齋文集

卷八

三

亦不能知當日之苦此乾坤何時也幸皇清定  
鼎天日再睹先後入都陟身達路旋迴天緣鉅與  
伯珩得隨夫子之後咸列台班朝夕獻納諫院風  
清未幾先皇帝親統大政憲臣甄別台臣六十  
員中僅留二十人嚴刻非常中朝動色師生飲水  
仰承 睿鑒及再遣巡方夫子山右伯珩兩淮鉅  
泰江左共覽轡四出矢志澄清先皇帝銳意圖  
治臨軒召見賜坐賜茶叮嚀告諭喜起之風  
曷以加茲此又千載一時也後者一平伯珩以司  
空節鉞三秦某亦備官廷尉我夫子晉秩司馬

感亦有日  
在後發而  
忘情者乎  
三嘆哭  
子之變父  
當是是過  
哀矣故人  
食之

誠正齋文集

卷八

四

籌帷幄策安社稷功名鼎盛可謂不世之遭逢乃  
火意還山不少濡滯迄今流連山中者既已十年  
南面千峯野鶴飛雲長兄承顏順志晨昏定省一  
堂之上子孝孫慈自非厚福不及此鉅栖遲巖壑  
人謝賓客意想倦倦所不能忘情者日在夫子杖  
履之間茲者菊秋之月十有三日警聞計音五內  
摧裂計從夫子三十五年風雨晦明之况猶在日  
前一旦騎箕天上兩楹與悲太山梁木之感其何  
能已鉅昔也春風桃李今也皓首蒼顏言念今昔  
為之愴然今當大變之臨又以山川迢遞撫棺  
由端遊一介潔陳椒觴千里懸懸翹企陟降望  
悲號不自知其聲淚之長也伏惟尚享  
知遇在一時道義在千古今人輒以知遇二  
字了却師生之義無怪乎荒莊多而好腳跡  
寡也文從尋常中尋出非常迫履非常後仍  
不改乎其常撫今懷昔之間節節俱痛筆筆  
是淚情同父子更甚於父子矣師生之義自  
此可以昭著天壤

祭嶺南李老夫子文

三十年之  
公議  
悼辭

序  
悼辭

人  
易

嗚呼士生百世之下而遇賢人之丘隴則唏噓焉  
 吊有曠世相感之心此無他惟其賢也若夫當吾  
 世而遇君子得以身親杖履從事九面之列至三  
 十年之久一旦而兩楹興歌則其唏噓焉吊之情  
 為何如哉吾夫子產自潮陽蓋潮陽者昌黎先生  
 遺風在焉自總角讀書首以聖賢為法弱書初奮  
 輒得冠軍後二十年而魁大廷道德文望之隆  
 若山斗蓋與昌黎先生如一轍云筮仕晉鄙敷化  
 剪桐殷殷然愛民課士士之嚴師而民之慈母雖  
 誠正齋文集 卷八 五  
 戎馬生郊而擁爐城頭猶然講義夜分不寐  
 桐士久困科第得夫子而造就之數十年後人文  
 之盛為三晉最再調曲沃課士之意猶如在翼先  
 後五年喬擢木天日侍延英獲遂生平之志癸未  
 分校範經一時入教者率多知名之士蓋夫子讀  
 書汲古出於天性是以言及作人之雅則欣然忘  
 倦而海內翕然景仰其宗風 昭代蔚興詔求隱  
 逸粵東撫按諸公首疏上 聞乃夫子以怡情箕  
 山遜志典籍著有文範一書筆削之嚴如親見古  
 人而高下論思其篤情經史八十年如一日至其

表  
後  
墓  
墓

素遠二種忠憤虹流擊句血出殆不啻三閭之吟  
 生平文章氣節真可壽天地而泣鬼神小子輩何  
 能傳習萬一也芝蘭翩翩香克繩而孝廉高世  
 之材終能探秘天祿石渠則恢弘先志知其無難  
 耳某久忝宮牆親事秋門年來南北各天而八千  
 里外鐸音歲至每一啓封儼如提命風聞健飯齊  
 眉無恙計音忽至凄其悲愴雖然失聲相向不能  
 築室返場握井求泉而水在是庶鑒乎寸誠之猷  
 香

誠正齋文集

卷八

六

當年作人雅意誠有如文所言但星移物換  
 畢竟與身親杖履時有形違情疎之異讀至  
 南北各天耿耿此心天不能限地不能阻而  
 時勢不能為之移易公不忘先生者造就之  
 功先生賴有公者表章之力也



公祭河陽夫子文

天地正氣。闢自鴻濛。日星河嶽。英靈攸鍾。我公翼  
運。命典秩宗。煌煌朝廟。禮樂肅雍。德業文望。  
一代稱隆。正且丕阿。大臣之風。十年綠野。椿萱雍  
容。芝蘭遶膝。瑣闥清忠。山斗方峻。羣仰宗工。兩楹  
忽悼。百川誰東。爵等夙慕。哲範大道。爲公典型。云  
邈。守待無憑。潔陳牲醴。聊展微悃。泣洒河洛。悲動  
卬嵩。

公典中富有親師重義私情故長太息者三  
而勝於痛哭流涕如許

祭滿洲大司寇能老先生文

於惟先生之德。蓋莫可得而形容也。居公卿之位。  
而勤於稽古。歷刑殺之官。而藹若春溫。蓋魯齋先  
生後一人而已。其等風沐正教。親聆典訓。見其非  
聖賢之言。不出諸口。非聖賢之行。不見於事。往往  
時過先生之門。促膝接語。而不忍言去。雖云官僚  
之舊好。而縷縷雅誼。不異尼山杖屨之情。今天不  
憖遺老成。而木萎山頽。臨風長號。洒泣千行。獨計  
先生往矣。而清風高節。百世如生。是先生往而未  
往也。不腆椒漿几筵。是將嗚呼哀哉。

寥寥數行一語可當千百言讀此乃知丈六  
全身原來只是一莖

祭大司寇東谷白公文

嗚呼公蓋當世之君子也。古之君子處為真儒，出為名世。幸而遭時遇主，得以展布生平於以高坐論之風。秦溺亮之績，至使讀史者想見文泰之盛焉。此慨慕之所由，而人情之所同也。及功成身退，浩氣常伸，不徒以文章自樂，而以身心為業。孜孜然惟日不足，此流俗之所難，而賢者之所獨也。吾鄉大司寇析城東谷先生癸未會魁前代吉士，清興之初，游歷宮坊，少宰以及秋憲，仰荷睿鑒，非關廷推。先帝知公之深信公之誠，公於時處

誠正齋文集

卷八

九

乾乾之地，風夜匪懈，矢志寅清。凡諸大案幾經躊躇，然後定。偶觸天威，詰責公輒曰：「臣刑官之長，臣實為之，不以推諉同人，其毅然担當，真不愧古大臣。」公以此勉循職業上答天子特達之知。中朝喁喁以為一心一德之盛，不啻堯舜夔龍。無何，澹情主組移病還山。在事諸君尤日引領大行，望公再起以資啓沃。乃山居兩年，決志懸車。至於讀書汲古，理性青山，其年日高，其學日進。讀公桑榆諸集，一如武公勤學不倦。前此往來山中者，見公之鶴髮童顏，天和自足，飄飄然若神僊中人。而且

各和人不  
不為  
無事

長君孝廉端凝沉毅，玉尺丰標，他年必能踵關苑之花，而繩曳屨之跡。一時諸孫林立，伯仲躋美。王謝家雍容揖遜，何多讓焉。起視一堂之上，祖孫三世，天性惇愉，非甚盛德孰能當此。凡人功名赫赫，奕者多矣，終其身名，輒利鎖中而不獲優游綠野，南面千峯以享天之餘福。此魏公醉白之築子瞻所以艷稱而樂道之也。乃今春仲之月，倏爾騎箕，天上嗚呼。公員處真儒而出名世也。計至之日，相為殯涕於焉。悲老成之喪，傷亡道之窮，噫難言矣。山河千里，音容在卽，虔將牲醴芳靈咫尺，伏惟尚享。

誠正齋文集

卷八

十

出處合一之謂君子。觀於功成身退，天和自足，則當彌亮寅清時，視君國事皆如身心事。天子富貴人，別有一種清福，然而富貴人偏不能享，則以其役役鞶鑲之中而能出不能處也，亦未奉教於君子耳。

公祭少宗伯見齊呂公文

公蓋當世之君子也。世之公卿大夫其功名顯著  
聲施赫奕者。豈乏人哉。乃內而攷諸立身行已。俯  
仰之間。愧怍不免。君子傷之。公自腐戶讀書。首以  
多明理少嗜欲為兢兢。至通籍後始由史館游歷  
春卿。在在砥礪名行。矜飭廉隅。以此律已。即以此  
事。君楓宸啓沃之日。無異諷詠古道之時。仰荷  
世祖章皇帝睿鑒炯照。中朝咸為歎服。乃急流勇  
退。力請休沐。杖屨田間。優游薰風之亭者十年。於  
今讀書課士。維挽風俗。古所云鄉先生者。非其人

誠正齋文集

卷八

十一

耶。先是公報於舉子。今國器九齡。已登溫衾之年。  
清白書香。可以傳之奕葉。而公之甲子適當古稀  
之期。夫復何憾。獨是老成凋謝。哲人云亡。吾儕蘭  
請聞之。不禁唏噓涕零。河山修阻。執紼無從。椒葉  
陳真泣酒悲風。

聲施赫奕。明理少慾者所不貴。壽而有後則  
雖亡猶存矣。好讀書如見齋。而其於諷詠詠  
章之餘。以妥以侑。果當何如。

公祭少司空伯珩張公文

古今不同。而人情無異也。士人入官。居乎膏腴之  
地。而不能自潤者。流俗之議所不免矣。是以清風  
高節。君子貴之也。乃世之清節。亦有二清。而刻者  
標廉潔之名。而急刻覈之實。一以矯情。一以震物。  
清而恕者。持正且之心。而存忠厚之道。既不失已。  
又不失人。乃吾之所取。則在此不在彼也。公之通  
籍二十餘年矣。其砥礪名行。在在表見。冰玉貞操。  
世無間言。獨其忠恕之心。得之天性。則可以自信。  
可以告人也。自弱冠登朝。翱翔遼路。內陟司空之

誠正齋文集

卷八

主

階外。膺節鉞之重。雖屈志闕海。捐館強仕。而人世  
寵榮既已。翻反而盡。歷之夫又何憾。日碑七葉。晉  
公三槐。仁者有後。尤為明驗。以公生平。况之他年  
之燕翼。可期也。同朝知已。仰公之德久矣。聞公之  
訃。泣悲風。幽明雖隔。寸誠可通。酌酒陳詞。邊豆  
溶溶。高山流水。朗月孤松。

今論居官者。但得一清字。便已異於流俗。而  
恕與刻。則未有能辨之者。伯珩正且忠厚。皆  
於達路。翱翔時見之文。故不多及其寵榮事。  
業。而於屈志左遷。曾不少諱。君子哉。若人知

心哉斯文

誠正齋文集

卷八

十三

諫意可麻

門語其其

大綱以下

則月曉萬

川於處皆

四

百鍊無偽  
故能通

抑泥不易  
差處如是

祭同門張伯珩年兄文

上世之風朴近世之情僞至於誅辭而僞極矣聲聞過情君子所耻何取茲無稽之辭飾於蓋棺之後乎公少年登第輒有老成之風游歷華靡不忘寒素之志其行已也則天日可矢鬼神可質也其接物也則春風吹襟霽月入懷也其官方之飭則秦川士民淮揚商賈萬口同聲也其遭逢之盛則世祖皇帝睿鑒特達中朝無二也雖有華藻何用多言惟是公之清操介節既已振衣雲霄世之公卿未之能知即知而未能詳而草野百姓自有能

誠正齋文集

卷八

古

道之者則三代之遺在也至馳驅烟瘴開河萬里曾不以升沉之故易生平之素則公之學問識見非後常人可及矣今日者公之名完矣公之節全矣書之竹冊同譜增色德等聞音腸裂涕泗交流望風長號撫棺無由實斯世之為慟寧知已之我憂與型云遠蒼天悠悠嗚呼痛哉

憶昔曾與伯珩共事一方亦常重慕其人而未及深悉其後之為人但少年老成則時在心上口頭讀是文依稀想見當年而名完節全一語舉公卿所不能詳者詳之百姓所樂

道者道之作者斷腸隕涕聞者瞑目含笑聞  
幽表微幸有良友

大小既分  
人非知共  
此重

祭大司馬中丞膠侯賈公文

嗚呼士大夫立身行已其大者在綱常名教之間  
其小者在然諾取與之際兩者並重不可不慎持  
斯道以揆當世不數數見也吾膠侯賈公三晉人  
傑偶儼不羈大材晚成里人共期許之及長文章  
則堪躋司馬韜鈴則不減武庫昂昂然不可一世  
洵命世之英也皇清肇興豪傑奮起首為攀龍  
附鳳上佐清時起家西台掌理京畿此日聲施  
藉藉長安仰荷世祖章皇帝知遇之隆擢任冬  
卿督工奉先而公亦憂勞拮据克慰先帝展

親之孝思自是而節鉞中州節鉞西秦清風高節  
體賢下士籌兵裕餉靖盜安良賑貧恤孤修廢舉  
陞纂輯通志表章先賢百察振肅庶務更新此秦  
豫二省之所同若在豫則分山東河南驛路以甦  
百姓重困在秦則修關南漢中棧道以免行路艱  
辛二省各有其特恩凡十五國之節度無不望公  
之風而為之折節至於救人之危濟人之難慈祥  
世悌不致一夫隅泣而然諾取與生平必謹古稱  
慷慨之士微公其誰與歸乃當壯盛之年遽爾耽  
情綠野築喬山之園於燕台之間日與吾儕獻棋

情綠野築喬山之園於燕台之間日與吾儕獻棋

不獨今日  
其八

剪燭春風秋雨時。眺西山之嵐。興梁父之吟。雍雍  
洩洩。古之香山洛社。未之或過。余躬逢斯會。從事  
數年。近雖里居。而風清月朗之夕。未嘗不為慨想。  
向與把臂各園樽。酒夜話。無何而公竟騎箕天上。  
也。噫。公往矣。而公之肝胆義氣。不與之俱往。世之  
白首。公之肝胆義氣。不與之俱往。世之  
道者。幾何人哉。余不獨為公慟。而兼為斯世慟。為  
斯世慟。而益不得不為公慟也。總之。公於君臣父  
子兄弟夫婦之倫。無不克盡。而朋友一道。真切款  
懇之誠。尤有季路之風。今日者。生芻一束。義重情

誠正齋文集

卷八

七

親知已猶在。聞我悲音。伏惟尚享

大凡豪傑舉動功業。綽有可觀。然諾取與。恒  
以其小而忽之。彼烏知莘叟一介自任。以天  
下之重耶。至朋友一道。隙末齒終。今古同慨。  
如文所云。膠侯固良友矣哉。而烏能以無慟。  
然世之友。不如膠侯。與有友如膠侯。而不知  
慟者。往往然也。文所以不獨為膠侯慟。而兼  
為斯世慟也歟。

人如季

素操  
嘉禮

祭江南提臺管公懷赤文

古之所謂大丈夫者。富貴不淫。貧賤不移。威武不  
屈。備斯三者。而後可表表天壤間也。以語懷赤管  
公。殆其人歟。公早歲從龍。百戰百勝。乾坤肇造。櫛  
沐功高。吾不殫述。獨是余輩。隨公有年。其所以知  
公而信公者。不在乎紛華靡麗之場。而在乎素心  
握手之情。世之人。種種勢利之交。而鮮肝胆之託。  
甚至交滿天下。曾無一信心之友。抑獨何也。似余  
與公經年之中。杯酒不接。而每促膝移日。不自知  
其言之長者。視世之交情。何如也。今公脫塵凡而

誠正齋文集

卷八

太

仙遊矣。弟腹痛之情。烏能已已。爰采椒漿。以招芳  
魂。臨風酒泣。冀聽知已之詠音。

樽俎洽比。勢利中焉有肝胆。當今紛華靡麗  
之中。管公誠大丈夫。諒音盈耳。洋洋如在。信  
心之友。想當然耳。

祭薛太夫子文 太夫子年九十

於○惟○天○地○中○和○之○氣○萃○於○中○州○古○來○大○聖○大○賢○理  
學○節○義○文○章○之○士○往○往○多○出○於○其○間○披○覽○史○冊○指  
不○勝○屈○鉉○晉○鄧○一○介○負○笈○從○遊○得○稟○裁○成○於○河○陽  
夫○子○之○門○者○蓋○二○十○餘○年○矣○溫○恭○慈○良○之○德○如○同  
一○日○也○大○夫○子○碩○德○淳○龐○風○期○古○處○春○秋○九○十○而  
神○清○氣○爽○體○輕○若○仙○雖○在○少○年○亦○或○有○所○不○能○其  
生○平○磊○落○瀟○灑○之○况○全○不○屑○以○世○俗○之○念○介○我○胸  
中○將○古○之○所○謂○有○道○者○非○耶○是○以○夫○子○典○禮○於  
朝○經○筵○進○講○朝○夕○啓○迪○格○心○正○君○之○功○多○焉○一○時

誠正齋文集

卷八

九

學○者○爭○爲○北○面○至○比○之○泰○山○北○斗○及○至○長○兄○振○聲  
掖○垣○丰○采○稜○稜○補○袞○拾○遺○仰○荷○ 睿○納○直○言○敢○諫  
之○風○天○下○咸○慕○而○聞○之○因○思○凡○人○享○有○大○年○者○未  
必○能○後○裔○繁○衍○卽○曰○繁○衍○而○未○必○能○拖○青○衣○紫○簪  
笏○滿○床○甚○至○功○名○鼎○盛○輒○矜○一○時○之○榮○又○未○必○皆  
積○德○力○行○孳○孳○然○濟○世○利○物○唯○日○不○足○而○能○以○聖  
賢○自○期○許○也○今○太○夫○子○忠○厚○仁○義○佑○啓○後○昆○理○學  
文○章○之○臣○彬○彬○庭○闈○之○間○ 紫○誥○花○封○輝○映○鶴○髮  
百○年○齊○眉○曾○玄○在○列○箕○疇○五○福○至○今○而○備○誠○人○世  
不○易○遭○之○遭○逢○而○自○我○得○之○夫○復○何○憾○乃○證○正○果

忽○登○莊○嚴○老○成○逝○矣○間○計○潛○然○鉉○素○仰○山○斗○親○沐  
龍○光○薄○采○雞○絮○啼○噓○旁○皇○雖○千○里○之○云○遠○知○芳○靈  
之○洋○洋○異○鑒○微○誠○來○格○乎○飫○芬○之○香○於○戲○哀○哉

誄○章○一○道○人○多○撰○襲○哀○詞○說○得○極○其○痛○切○而  
公○之○爲○誄○則○篇○篇○要○說○到○極○快○暢○處○何○也○誄  
爲○亡○者○非○爲○生○者○也○亡○者○之○情○慰○斯○生○者○之  
哀○盡○如○太○公○春○秋○九○十○理○極○數○過○非○復○尋○常  
存○歿○之○感○但○看○享○有○大○年○一○段○將○一○家○中○累  
世○以○來○繩○武○聯○芳○濟○世○利○物○種○種○福○澤○說○得  
愷○至○詳○盡○質○之○太○公○不○亦○快○暢○而○無○餘○憾○矣

誠正齋文集

卷八

二十

乎吁今而後余知誄之所以爲誄矣

祭侍御張羽王親家文

嗚呼天地真遽廬也哉。百年瞬息，人生幾何。此逝者之所以興歎也。於惟我公，事業在朝，右幸友在宗黨，誅公者何用多言。獨是吾輩粉榆之交，早歲相從，見公之下帷，攻苦見公之陟身青雲，以及簪筆。楓宸揚鑲，吳越光景在在目前，宛如昨日。至公予告旋里，得以追隨東山，猶幸三五良友，向然滿座，把酒臨風，肆志於高山，流泉以寄曠懷。不謂數年之後，竟落落晨星也。往者讀公應世諸作，篤寔光輝，彬彬大雅之章，而燕貽啓佑如日方

不見公却  
頗說見公  
惜無忘情  
字字有血  
痕斑

誠正齋文集

卷八

三

升仁人之澤，寧可意量于其間乎。今者來復之月，將駕雲帡而躋玉京，悼後進之矜式，悵吾道之典型。某誼切葭華，情深周行，虔治牲醴，率瀝杅誠，望風洒泣，慨然悲鳴。洋洋陟降，咫尺几楹。

生平時時見那堪，一旦不見既真而篤復懷，以燒不用多言，寧忍多讀。

祭安陸道前侍御恒山馮公文

嘗觀士大夫功名顯著，後之人取史冊而讀之，不襟連慷慨，而致諸幽獨，先不能以自信。其人蓋可知矣。公冀北人宗，昆仲濟美，榮榜一發，讀書中秘，已有聖明其君之志，不敢以一日之榮名而易我生平之素。及珥筆柱下，直聲奕焉奉命視漕，銳意釐弊，一時獎絕風清，為前此所未有。世祖親政，甄別臺班，五等考課，留公第一，旋蒙特簡按部山左，無利不興，無害不除。二東之間，吏畏秋霜，而民懷冬日，埋輪破柱，庶幾漢代之風矣。至於殫

誠正齋文集

卷八

三

心刑名篤意生全一切招冊無不反覆推求稍有。一線生機必為委曲矜宥，雖伏暑冽冬不憚况瘁。公之好生蓋其天性使然也。事竣之日，亟疏陳情制報曰：可公驅車雁門，晨昏定省，五世一堂，熙熙雍雍，可謂得天獨厚者矣。及其再起田間，會值考績新行，當事諸公攷公上等，夫以十年山中之人，初履朝端，輒登上考，非其聲望之素著而能服人若是乎。未幾分節荆西，質心實政，峴山墮淚，前後一轍。景陵沔陽修築長堤，為方城萬世之利，鄭白諸公曷以踰此。嗣後憇息東山，猶日望安石早出。



以霖蒼生無何汜露興歌騎箕雲鄉也夫公之忠  
君孝親信友愛民凡此者皆不負所學也而要自  
不欺其心始僕與公周旋二十餘年遇公最久知  
公最深聞公計至而不覺聲淚俱下也嗚呼痛哉  
公之話言猶在案頭而竟飄然長逝不復再聞公  
言矣生芻一束洒泣千行幽明不殊來格洋洋  
天性好生吾鄉居然有此仁人功名聲望皆  
原於此不負天子不負所學德之不欺其心  
文能曲折濔濔而出

祭侍御錢大士門人文

嗚呼公蓋當世之賢人君子也士人功名鼎盛光  
映竹書事功之士能爲之此無足以爲難惟是恬  
靜自持淡然無欲不矜名不炫功而衮影無媿俯  
仰皆愜則非靜修之力不及此公江左俊彥射策  
天門初任大行旋擢烏府遭時遇主之榮得以  
行其所學迄今讀入告諸章卓然有古名臣之風  
嗣奉簡書巡視茶政潔已惠民通商裕國遇秦  
川而聽口碑父老猶然傳播也報績之日天子  
嘉賴未幾請告旋里畫錦椿庭極色養之歡而篤  
誠正齋文集 卷八 二  
愛日之誠雍容一堂祖孫燕衍三公之樂未足易  
此及其再起田間晉補台班正色嚮頭風生對仗  
中朝之人無不望而起敬而公之意慮獨冲然自  
下不以區區擊斷爲名而以積誠格君爲正是公  
之品格端凝誠有以過乎人也無何彼蒼難問璫  
憂輒清斯世斯民之痛將與公而俱深矣某幸獲  
知交素履風聞俚言是誅匪敢云文虔具椒漿香  
烟氤氳尚冀公之降鑒而聽知已之云云嗚呼哀  
哉

不矜名不炫功俯仰無媿積誠格君此作者

一生本領而其高足有然足微沆瀣一氣

祭四川副使田弱水門人文

嗚呼人生離合之感深矣。不若死生之難言也。昔孔子晚年回憶陳蔡諸賢。輒以不及門為憾。余今日不能不與歎於弱水云。自乙酉之秋。以文字見知。一日之長與。百年之雅也。及其筮仕鄖令。鄖在楚封界連巴蜀。秦豫諸省。山遂嶺峻。盜寇竄伏。誠盤根錯節之秋也。弱水甘心守貧奮志廉吏。壬辰大計獲叨。曠典以數十年焦勞之身。而得邀儀曹之選。非利器素優而能之乎。典禮三載出守鄖。魯寬仁慈惠。樂只興歌。大有潁川渤海之風焉。任滿之期。特簡蜀憲。方琴鶴西歸。馳驅雲棧。乃當事爰採峻望。為地擇賢。念滇國兵燹之後。非豈弟仁人。為之撫殘黎而拯孤獨。鮮有起色。特疏上請。改官南詔。制報曰。可。弱水於是星輶南指。匹馬萬里。間關跋涉。自惟以東西南北。莫非君恩。不敢以途路殷遠。而有勸志。行至貴竹之間。泥露焦顙。嗚呼弱水平生閱歷。大半皆艱難險阻之區。顧以王事之勞。而不惜捐糜至此。噫。為臣盡忠。不虧所事。在弱水已得其正矣。又何憾焉。特弱水與余杖屨之誼。已二十年矣。異鄉之悲。胡以自遣。薄採

生芻聊申哀悃。謾云幽明之懸隔。倘彷彿乎其聰  
余之一言。

天生豈弟仁人。專爲艱難險阻而設。自恒情  
看來。捐糜未免有憾。然仁人不避艱險。勞於  
王事。固已盡瘁而正命矣。弱水河地而以之  
爲宇田。公其仁人。歟。其仙客歟。文中雅意。慙  
慙謂百年如一日可也。

祭兗州道周在中年兄文

吾嘗歎人生百年。而百年內之春秋。眞如瞬息。卽  
以公論。公早歲能文。有如出水芙蓉。一變而矯健  
靈奇。河漢星斗之章。世所希有此公之始也。迨釋  
褐而後。一行作吏。守其寒素。尺寸不踰。猶然風雨  
雞。意之志。履含香之署。而水漿彌潔。百粵之地  
而茹藥。知節豈非所謂有道君子乎。此公之中也。  
嗣移節闕里。得近聖居。水陸交衝之衝。漕帆咽喉  
之地。風波况瘁。齋志東土。此公之終也。今日者公  
不負所學。不負君親。假以遐齡。令聞愈彰。胡爲乎  
誠正齋文集 卷八 天

跨鶴西歸。徒令人悵惘。典型也。所勵者椿萱正茂。  
堦蘭方長。此則公之未了事耳。某恨不能馮棺長  
號。寧止車。起腹裂他日。求聞公一言。而不可再得  
矣。生平知己。一朝洒涕。人情至此。慟心難已。嗚呼  
哀哉。

自始迄終。不負所學。在中可以已矣。惟是椿  
萱正茂。言之令人慘傷。若有難乎其爲在中  
者。雖然。在中未了事。文能補出。則在中事已  
了矣。作者稱補哀才。故又有此補天手。

祭工部郎中華州張華友門人文

吁嗟乎以華友之賢而至此也夫以西京之彥品金玉而度珪璋乙酉之役余得網羅而入穀焉歲丁亥成進士第符花封琴轡鳴高清風百里冠冕南州之吏余采風江左結歌之聲洋洋乎盈耳焉迨俞綸內召拜命冬官權稅吳楚惠沛商民蓋庶幾歌舞之載塗焉庚子秋讀禮已畢爰供舊職朝而考職夕而課業可謂能其官矣乃俸滿待擇而二豎作祟初聞之猶以為采薪之恙耳再一相見而知其劇甚也爾時尚望其徐有起色而乃秋

誠正齋文集

卷八

三

風騷厲卒而長往嗚呼斯人也而竟至於此捐膺咽哽其何能已因謂世之享長年恣溫飽而行誼之不愧衾影不愧屋漏者幾何人華友夙夜內省不疚登之君子之林真可以無愧色非獨余之相信當亦華友之自信也子與所為存心養性修身以俟而壽夭不貳者其謂是乎猶有鬼神不以吾言為誣也不腆雞黍酒布几筵幽明隔絕情誼依然異芳靈之如卽曷禁臨風之惓惓

開口嘆其賢涕聲潛然至初聞再見等語義則師生情猶父子悽愴淋漓幾令讀者不能卒業

祭黔藩潘公祖文

古者天子列爵之榮內而公卿外而方面兩者蓋並重云今之方伯昔之行省是也於惟我公鍾長白之秀擷鳴絲之潤早歲櫛沐從龍入關筮仕花封洊歷邦憲以言乎仁則藹若春雲以言乎義則凜若秋霜迄今度屬關過洮水并棠之咏猶奕奕口碑間也嗣膺簡命屏藩黔中肅天子柔遠至意凡所以調劑軍民苗譯者籌畫周詳俾遐方化外之人無不畏我之威懷我之德嗚呼賢矣哉治某昔也鳩班風聞令譽嗣與次公有一日之雅

誠正齋文集

卷八

三

世好尤殷殷也甲寅之冬南服倉卒公則憐憫故國未嘗或忘其忠貞世篤不啻涕秦庭而賦無衣悲愴之情萬里猶如見之辛酉之春次公以治浮循績特舉卓異行取入都備官冬曹朝夕飲冰尤其職業奈公計適至殞身絕域視之如歸丈夫鬚眉固自有在今大數數千里扶輿江漢還公薊北孤臣之志孝子之淚雖為之悲忠烈而抱終天然而耿耿丹心昭耀青史俯仰天壤賢橋梓可以甕然而無憾矣夫復何言鉉栖遯山椒聞計潸然執綽無及臨風哽咽恪修牲醴虔奠几筵千里咫尺

天下可問  
入何能解

洋洋在天

文心所至不在表其事業而在剛其節義節義炳然是文可當竹帛旂常區區作誄詞觀則負此文心矣

誠正齋文集

卷八

三

祭封君味澹高公文

祭封君味澹高公文 公年九十

嘗聞之富不如壽才不如德身貴不如有人持三者以揆當世不數數見也蓋其人必有潛修默行發光養晦積之終身之久然後足感召穹蒼天道無親常與善人是以厚其報以酬之其理彰彰古今不爽今觀味澹高老親臺殆其人與公資秉英特好學深思高瞻攻苦風雨不輟蓋闇然之君子也其孝親友弟敦仁崇讓之風匪時俗可及猶記四十年前余尚髫齡晤公最多接公最久一種謙遜之光冲抑之度溢於眉宇間所謂恭而安者

誠正齋文集

卷八

三

唯公有之起視英敏少年往往賢智先人不可一世而朝榮夕瘁其不可問者多矣公初艱於嗣五旬而舉中翰以常情論若以為晚乃公輒鞠育調護視其成童舞象以至奮起青雲高捷南宮迨後擢任紫薇出入清禁稽古榮名炫燿一時而華髮童顏懌愉高堂之上既親見其子之榮而又為之舍館弄孫享人世之極樂視他人雖早歲有子而能如公之壽躋喬松秀映芝蘭者幾何人哉總之公之德壽固所兼全而燕翼昌後尤未易量屈指中翰簡拔臺諫珥筆彤墀端謨補衮以霖雨

天下之蒼生。可翹足而待也。至公壽考之永。踰於  
髦。髦俄駕鶴。馭悠然九臯。此理與數均處。其極豈  
復尋常存歿之感。嘉平之月。卜吉歸藏。素車白馬。  
古道悽愴。鉅誼忝至。戚生芻是。將臨風洒泣。不禁  
旁皇。嗚呼哀哉。伏惟尚享。

有德者必有壽。必有後。凡暮年舉子。以爲晚  
者。恐其無壽。不能見子之成立耳。乃壽而無  
德。則有子不肖。遲早亦復何益。篇中推本於  
德。而其有壽也。所以成乎其後。詩曰。俾爾壽  
而臧。天人相與理。有不爽。得名手寫出。翁當

爲之一快

祭陳封翁文

維乾坤之清淑。今鍾醇氣於敦龐。乃哲人之挺生。  
今同源深而流長。於惟我公。至德事彰。鳴綠樹。潤  
長白。呈祥主平襟。期爽豁。志氣激昂。旣言坊而行  
表。抑課子以義方。品高月旦。行重圭璋。太丘嗣見  
彥。方齊芳。篤生方穀。桂窟分香。初鳴琴於桐水。旋  
駕遷乎睢陽。際仁聲之洋溢。種兩地之甘棠。龍  
章鳳詒。丹詔輝煌。無何蝶夢遽爾雲翔。某誼叨  
世好。情切周行。聞計山椒。洒泣旁皇。虔修生芻。薄  
奠椒漿。芳靈不昧。陟降洋洋。

因其子以及其父。有是父故有是子。乎文生  
於情。吾獨不難其情。而難其文。爲此文者。甚  
難。當此文者。亦難。

祭涂 父母文

嗟乎公之撫桐三載於茲矣而其棠之澤則百年也自公下車以來重學校愛百姓輕徭役均編審犬吠不驚市肆無擾身任郵政備極况瘁而不忍勞民入疆問俗者熙熙然見三古之風焉一時孔道之懷既已家誦戶詠雖云賢父母廉慈仁恕大有造於斯土而寔桐之人邀有天緣獲享仁人之賜也今鄰邑鼠竊弗靖高枕不遑視吾桐夜不閉戶蓋不啻霄壤也此日節度方岳師帥諸君無不知公之賢服公之揀而並藉公之長地方相安無

誠正齋文集

卷八

三

事歸然金城之倚蓋在乎是矣無何當三年有成之日忽與兩楹入夢之歌桐之白叟黃童惶惶然如失怙恃匪慟公之萬里扶襯乳哺藐孤舉日無親不忍見聞寔慟繼公之後而荏苒將作求向日之安枕而不可復得知今日之慟公固深異日之思公且不止如今日之慟也請懸斯言以驗異日可乎某等幸受一廬聞計悽愴悲鳴琴之不再悼斯民之失望潔陳牲醴饌芬是將臨風哽咽洒泣千行廉吏難為覓汨他鄉行人殞涕知已裂腸嗚呼哀哉

翼城涂令君叙引

士君子克自樹立盡其在我惟有疆為善而已數之修短天也非人也吾邑涂令君治桐三年潔已惠民父老能言之顧今日之民牧最重者盜案一事年來言路條奏制撫請命多矣終無良法以救積弊令君智慮先人獨為童牛之言弭患未形桐之犬吠不驚夜戶不閉非令君不及此今一旦捐館桐人如喪怙恃萬里孤觀乳哺藐孤目擊心惻行路哽咽廉吏可為而不可為悲夫敢懇仁人君子篤意周恤以憫無告至於同寅同譜同鄉更為

誠正齋文集

卷八

三

開切倘肯格外垂慈施恩不報誰云古道不彰彰於今日也是為言

祭內兄湖廣益陽令常澠池文  
 吾嘗壯公之志高公之才而未始不悲公之遇也  
 世之人學不逮公而多遭逢適意者何至公而獨  
 不然公之少年亦一介卑寒耳奮志螢雪以博一  
 第乃公車數上兩射副車數也可奈何迫授教護  
 澤嘉意作人如是者五年綰符百粵甫四月而丁  
 外艱急遽奔喪哀毀盡禮起補楚南之益陽維時  
 正苛政如虎之日守令之遭其竣削者不啻視日  
 如歲公周旋三年未之有失益人之咏甘棠者亦  
 復循壤不輟無何積勞成疴竟至不起孑然一身  
 誠正齋文集 卷八 三

天地間可恨一遇字最爲志士才人坑塹墮  
 落其中者志不能伸才不能展而遭逢適意  
 者且以爲其志不壯也才不高也何遇之堪  
 悲若是則其堪悲愈甚澠池之遇固有堪悲  
 而文於其堪悲處一一歸之於遇則其志其

才自若也其遇亦不必悲矣世不少遇如澠  
 池者而焉得有悲其遇若悲澠池如斯文者



祭仲兄中州泰憲文

於○惟○五○倫○之○中○天○合○者○骨○肉○之○親○人○合○者○名○義○之○  
存○是○以○爲○仁○之○本○首○在○孝○弟○吾○先○大○人○三○十○二○而○  
生○長○兄○三○十○五○而○生○仲○兄○四○十○一○而○生○不○肖○蓋○中○  
晚○之○年○也○某○自○孩○提○稍○長○受○教○於○兄○回○想○當○日○高○  
堂○之○上○椿○萱○駢○茂○起○視○塔○前○棠○棣○聯○輝○既○翁○洽○而○  
親○心○順○益○太○和○在○一○室○中○也○低○是○家○無○厚○產○日○事○  
舌○耕○三○人○勞○勞○機○杼○組○織○文○章○此○外○別○無○生○業○無○  
復○他○想○惟○牛○茲○諸○生○門○戶○家○雖○貧○亦○不○自○知○其○貧○  
已○卯○吾○兄○捷○書○至○兩○尊○人○怡○怡○然○此○後○均○繼○登○朝○  
誠○正○齋○文○集○卷○八○元

不能言

此○軀○已○化○猶○有○鬼○神○匪○人○所○知○仲○春○之○月○十○吉○安○  
厝○玉○京○永○慕○白○雲○百○世○今○日○者○尚○在○兩○楹○之○間○得○  
申○撫○梓○之○憫○虞○脩○牲○醴○封○越○在○天○人○生○至○此○母○容○  
言○亦○不○能○多○言○也○惟○吾○兄○其○俯○鑒○之○嗚○呼○哀○哉○

哀○情○在○筆○墨○未○着○之○先○慟○聲○在○字○句○不○到○之○  
處○自○總○角○迄○黃○髮○颯○縷○宛○拆○有○如○家○人○面○談○  
而○其○中○由○散○得○聚○從○悲○尋○喜○百○感○交○集○寸○腸○  
欲○斷○字○句○之○中○皆○有○血○痕○淚○斑○至○於○雁○行○失○  
序○隻○影○才○立○則○哽○咽○几○絕○淚○血○俱○盡○矣○而○世○  
乃○有○甘○爲○角○弓○相○脩○不○思○鄂○韓○且○孺○者○讀○此○  
誠○正○齋○文○集○卷○八○卑

何以立於天地之間

哭李琳枝

君不見巧宦安驅屨公卿脂韋態度善逢迎又不  
見貪墨恣睢壑難盈金玉山積自崢嶸楚相當年  
稱廉吏子孫蕭條不聊生吾友琳枝產東土一從  
特簡資衮補英風破柱與埋輪誰謂今人不如古  
豈道不爲時俗容飄向東萊卧長松世祖拊髀  
開言路骨鯁孤臣再升庸十年散落潛山沼重來  
金闕瞻帝表珥筆朝端讀彈文瑤頭正色仍矯矯  
省方觀民仔肩難攬轡澄清具江寒冰心鐵面提  
山岳獨留清風拂江干抗言偶逢聖主怒三吳童

誠正齋文集

卷八

四

叟泪如雨須臾昭雪故物還猶靈依然縹緲斧國  
賦煩煩司農憂荒熟不清古豫州脚命一至涇  
渭辨兩河士女共吟謳十六年來畏行露百折不  
回守寒素世祖特詔陟清卿滿朝相慶公舉措  
一旦泥露殞厥身室無升斗灶無薪五行氣盡理  
則已公臨終惟元日不言無忝所生若而人晒彼  
流俗何足道終朝營營聚金寶回首石火與電光  
一生身名俱草草吁嗟琳枝猶有知伯牙摔琴謝  
子期頑夫廉公懦夫立東海洋洋百世師知已哽  
咽有餘恫匪關秋雲并春夢泰山梁木異昔時唏

噓泣麟而悲鳳

始終要是一哭字哭字意在字句中亦在聲  
韻間不但用眼觀亦須用口咏又須用耳聽  
茲篇中字字實却字字虛句句落却句句轉  
分之則各爲一段合之則如出一氣橫看成  
峰側看成嶺珠聯璧合藕斷絲連莫能喻其  
文心之靜密筆法之圓妙但覺寒聲冷韻掩  
卷尚自悠然

誠正齋文集

卷八

四

言之備甚  
聞者感歎  
四無八戶  
沾在指間

哭張碧藕社父文

茫茫天道無常親得失窮通豈由人。吁嗟廉吏徒  
高潔室無升斗灶無薪。吾友家世席清白科第蟬  
聯嗣。滄濱文成先生親執耳。培風鐸振一時新。鹿  
洞春深開絳帳。曾黃次第列朝紳。兄弟軼才追軾  
轍。燕山佳氣萃靈椿。作述似續青箱素。首步廣寒  
挹桂輪。芙蓉出水映旭日。翩翩筍姿越風塵。繼承  
先生主文牘。筆剪墨尺陶群倫。棠棣教思尤殷篤。  
紛榆佳士亦奇困。公車數上志弗懈。鶴髮齊眉八  
千春。捧檄毛義情頓切。宰割百里膺褒綸。昌黎丰  
禾秋霜冽。冰寒子夜悚要津。介節肯因五斗折。蕭  
洒琴鶴不言貧。解組嘯傲穿林澗。鄉黨之間日恂  
恂。君家孝友推張仲。梁孟唱隨敬如賓。余亦杖屨  
東山日。脫粟時款步莎茵。花晨月夕頻携手。不衫  
不履無懷民。天涯聲氣知多少。惟君坦然率天真。  
良友騎箕歸天上。車過腹痛泪沾巾。嗚呼流俗何  
足較。真情古道如其仁。聰明才智過當世。回首郊  
原盡青燐。湏臾覲面成千古。唏噓悲鳳與泣麟。人  
生百年終有盡。丈夫鬚眉自長伸。

揮毫已隕涕。開卷便成淚。使我讀之一字一

誠正齋文集

卷八

四

誠正齋文集

卷八

四

哭雖然我與碧藕公良友而開情者讀之哭  
宜也若使不開情者讀之亦莫不哭文之入  
人心而移人情如此

仲兄行實

余兄諱鑑號金之字炳千世籍桐封蓋三百餘年云五世祖諱高祖諱曾祖諱世有隱德不顯於時祖諱前贈大理寺副父諱庠生勅封文林郎山東道監察御史嗣以余官少廷尉恭逢覃恩吾祖吾父今俱誥贈中大夫大理寺少卿加一級如其官祖妣王氏前贈安人妣王氏勅封孺人今俱誥贈淑人祖孫三世宸恩載錫奕葉箕裘獲荷曠典余先君積學修行孝友仁讓桐之士咸楷模之為諸生六十載始膺

誠正齋文集

卷八

聖

監察御史之封壽躋大耋飲於鄉卒之日鄉謚文孝先生同胞者三先君行一生余兄弟三人伯鉉已亥科進士任太原府署教授仲即為今中州泰憲余其季也余兄生而穎悟岸然自異操觚即能為文不煩師傳之訓十二歲補弟子員大司馬劉玉孺先生一見輒奇其才庚午鄉試擬副車癸酉廩於郡庠其於舉業一途蓋深造自得而至於左右逢原者也爰時桐水風氣未改邑侯李二何先生來令吾翼振興文教拔桐士之異等者親為陶淑一時英才濟濟兄輒首與其選壬申秋冬適值

秦寇擾我晉疆督師張公戎馬之暇蒞訪佳士邑侯以余兄與余同年史君文起二人對時從行間

譚經義癸酉文起幸捷余兄下第督師公從雲中寄札慰勉云不佞南征喜得二妙今史子雖捷門下但令力田不憂不逢年也切望切望余幼從兄學舉業中儒多岐路未得其傳畢生茫然余得早歲登科賴余兄之教聯翩南宮至余為諸生時余兄燕閒之暇時為吾娓娓古典余雖不披覽史漢迨後流覽所及舉屬家珍耳已卯秋吾兄學問日富持滿而發居然決科自命會少司空河南傅夫

誠正齋文集

卷八

聖

子司理上党分校晉關得列賢書榜發之日桐人相慶以為文壇夙將今始得志鹿鳴宴訖適逢先慈六袞椿萱並茂花萼相輝丹桂水桃一堂燕喜於斯時也三樂之慶美公卿哉聖清肇興奮關天衢高第禮闈改授潞庠以篤嗜古之志日與生徒朝夕考課淬勵多士厥後班班登籍者三秦文衡呂君和鍾主政王君綸世解元程君正緒孝廉溫君子儒若而人是歲聘考中州分校載記得士七人張君潛翰林郝君紳翰褚君振聲劉君之琮牛君君藩均成進士徐君印昌司理輩昌賈君

其大知者  
並知已

相繼登  
其大知者  
並知已

柳猶上公車丁亥余以秘垣 欽假省親還遇上  
竟既翕歡洽戊子之春先大人曾之法上以觀作  
人雅化泊三月 詔入成均時少宗伯河陽薛夫  
子為大司城兄與同年畢頴雲兩名士分督六館  
菁莪樸棧為之一新秩滿轉計部主事轉餉甘肅  
駐節皋蘭前是出此差者多為侵扣軍資余兄悉  
昭藩司所發原封經付邊將一時三軍咸泣歡聲  
偏於玉門癸巳正月有先妣王淑人之變維時祇  
長兄在籍親視含殮余巡江左兄餉秦邊共抱終  
天迄今猶有餘憾余二月奔喪抵里兄以代者遲

誠正齋文集

卷八

四

遲十月始旋抵里後猶得侍先大人晨昏者數閱  
月甲午仲秋又遭嚴君之變乳乳孤寡我茲勸  
一年內外太故變歸兄弟一室相對環泣噫此何  
時也乙未夏四月勉為襄事安厝郊原圖書柩捲  
手澤尚新風木之思未之有已丙申服闋丁酉夏  
日相繼入 朝余以深資領袖台班兄以夙望  
簡擢天官兄弟清華靖共罔懈知已成艷稱之已  
亥長兄成進士引見時 世祖章皇帝問爾與掌  
道吏部可是兄弟長兄唯唯 先帝為之動容余  
兄晉陟銓曹海歷諸司玉尺水壺銓政一清庚子

本朝  
光緒  
不

所在  
有  
公

國  
不  
日

春三月特啣 簡命備兵嘉湖越省夙稱難治余  
兄坦懷期物潔已惠民惟以至誠惻但行之事不  
煩民不擾浙之民歌頌不輟三年考陟昔 令甲  
命督撫分別諸司等第于時督師趙公撫軍朱公  
列兄一等上之 天子以旌廉能 制日可未幾  
擢陞中州叅憲分守大梁清而且惠汴水有召伯  
之戴後河道議裁時難其人撫台潔源張公嘉兄  
之賢題請兼理又未幾各省守巡盡裁計百餘員  
獨留河道海防二缺兄於是竭力河干拮据經營  
核減民夫柳稍歲省民間數萬金幸河伯效靈安

誠正齋文集

卷八

四

爾無虞繼以河工就緒波恬浪淨三省繁生白公  
題兼河南通省驛傳鹽法邀有 命給勉為視事  
往時洩斯土者輒借查驛名色索取驛站常例周  
彼私囊以致驛站苦累公私交困兄在事數年暫  
不取驛站一錢各州縣站銀先儘該屬正項動用  
不足者再為撥補於是官民共便驛困立甦迄今  
兩河父老能述之及後酌復道員又以開封歸德  
河南三府分守事務屬兄管理夫以一人之身而  
兼三郡地方錢穀刑名吏治民生况驛鹽紛沓急  
需綜理兄任事後飲水茹藥此其素履為然而慈

愛民而民  
愛之幾何  
何能便其  
惟以仁  
和成無物  
不化  
聖賢及不  
在集此  
為其幸

羽化登仙  
誠哉誠哉

寄訣心印  
借世無情  
之為本情  
世無可傳  
者

祥豈弟愛民如子仁聲千里不約而然中州百姓  
倚為慈母遍視察屬披仁風而懷清節者又多倦  
倦也甲寅之冬就情薛蘿解組桐水余亦從長安  
西歸兄弟聚首而譚天倫之樂事往年余年六奏  
兒輩為將菽水賓朋咸集肴蕘在列兄弟同筵差  
強人懷戊午夏赴召弘詞部檄頻至勸駕長安  
復與二三知己邸杯燕市以叙疇昔之雅嗣以泉  
石情殷星言而西數月來猶肩膺讀書傳覽古典  
不問門外事至十月十一日已時無病而終經宿  
之後容顏如生嗚呼痛哉吾兄一代之儒生平孝  
誠正齋文集 卷八 哭

豫人里歌而巷誦兄來浙之後督師君鄰趙公偶  
遇嘉禾旋省之日向司道言曰一路來見嘉興百  
姓不知何以謳吟思慕嘖嘖然爭言前道賢也豈  
三代遺直猶在斯民乎為之喟嘆再四若夫居鄉  
則月旦名高邑有利病不憚慷慨大吏之前而肝  
胆照人真情古道有非尋常可及吾兄之教澤將  
以興起百世而況於親炙之者乎一時學者稱為  
文貞夫子嗟嗟吾兄往矣風雨晨夕誰復以弟為  
念手足披離不可再得與言及此聲淚俱下雖一  
切含殮悉遵文公之制一如昔日之事吾先君者  
誠正齋文集 卷八 平

必敬必誠而鶴鳴之威其何有極嗚呼痛哉兄生  
於萬曆三十九年十二月二十三日寅時卒於康  
熙十八年十月十一日已時享壽七十歲元配史  
氏余同年癸未進士福建漳泉道參憲文起史公  
之妹先兄而逝初贈安人繼贈宜人今 諸贈恭  
人事姑孝事夫敬琴瑟靜好相敬如賓二十年如  
一日桐水罕見繼娶陳氏側室周氏男一澤歲貢  
生候補內閣中書舍人周孺人出女一適附監生  
衛繩康史恭人出伏祈名公大人俯賜瑤章俾琳  
瑯之輝得照羅泉壤之間翹瞻鴻慈存歿均感謹

綜行實以備採擇

所言者人皆習言之而言之未必悉則以其知之有未詳也何也少年讀書將以天下爲已任耳享溫都厚何必讀書投艱遺大奚暇讀書蓋惟讀書一道是公一生受用故於經史百家恣取之而惟恐有遺至於珍好阿堵中物則棄之若將免焉而或以天生仁人君子必有清福以貽之公自成名後一路清華終身顯要視俗吏中蠅逐羶途者相去固霄壤也不知好讀書者無時不可以讀書貪取

誠正齋文集

卷八

五

利者無在不可以取利公之所履清要處皆極華靡非其天性使然何爲一介不苟若此此文詳而悉而不外乎人所共知共言斯不失行實二字若今之所爲行實者皆不實人亦皆知其不實究使實者湮沒不彰終不可考其實嗚呼九京仙子其抱歎飲恨者豈少也哉

祭洪相國師母文

古者姜嫄之風遠矣後之公卿大夫能建大業以造國家者內助之賢居多茲相國先生佐命興王功高伊呂入關之初酌古準今典制詳備規模宏遠爲前此未有招撫江左兵民安堵市肆不廢視文惠之下江南無異世祖皇帝親政殫心啓沃大經大法無不共謀繼而經略黔滇車書一統其功不在馮鄧之後也及王師蕩平馬首北歸角巾私第口不言平南之功又高出尋常數等凡此皆先生生平大略也所以無內顧之慮者以闔政之寄有太母在焉乃太母家居勤苦淡朴儉素日勉其子端亮正且以報朝廷於是畏軒世兄謹遵母教初授儀曹矢志寅清值世祖皇帝脩明典禮郊廟禮祀一一經畫既已委曲而周詳迨擢尉丞國之大獄平反有聲斷不肯輕自扶同以屈其剛方退食之暇定省殷殷愉色婉容以養親志方期含飴弄孫憚憚萱堂胡爲鶴馭仙昇飄渺雲鄉清標等風侍數俎久慕圭璋聽秋風之凜冽感白露而悽愴爰饌芬饌薄陳椒漿追淑德之難再不禁洒淚而旁皇

誠正齋文集

卷八

五

相國壹政豈比尋常箕箒居家勤苦教子端  
亮便已盡其大畧故前叙相國後及其子非  
爲相國與其子也蓋以安邦定國正眞剛方  
皆緣於內顧無累母儀可師而然文有體裁  
善經畫如輪扁斲輪得心應手處口不能言

祭黎陽本房劉老夫子師母文

師母之賢而淑也古之賢淑者多矣而時命不齊  
遭逢不偶則其人之福澤可知若我師母之具靜  
素網福祿綏綏將有非尋常之可跋則其所以得暇  
於天者蓋有所獨厚耳吾師德業聞望曼絕一時  
求諸前古其臯夔之儔乎自振采蘭台搜轡澄清  
天下久已仰其丰裁迨晉爵司馬久典樞密精核  
庶務少年弗及而且戴星出入風雨不避中朝君  
子求其勤毅如吾師者何可多得蓋由賢助在內  
專理圖政絲泉塩米一毫不以關其慮所以吾師

誠正齋文集

得以公爾忘私國爾忘家故至此也吾師以王事  
在躬十載春明丁未初夏蒙恩子告入里之日  
師母尚自健飯通時長兄侍側欣逢椿萱並茂得  
以優游膝下而兩大人在上復有含飴弄孫之樂  
一堂之內祖孫父子雍雍洵洵遭逢之異非盛德  
而能至是乎乃師母輒捐煩囂跨鶴雲翔計至國  
門無不念令德而懷僕也某爲夫子門下士今負  
笈二十七年栖棲之思猶於長兄虔脩牲醴望風  
洒泣倘芳靈之不昧異千里之降鑒

婦人之賢若止就一身論卽括盡宜家善政



猶夫人之所謂賢而已。蓋婦人之所理者家所重者私。此其分在則然也。乃能相夫致主忘私忘家。則非猶夫人之所謂賢矣。故凡鋪揚先生德業處。皆是贊嘆夫人賢淑處。文不滿尺幅而蘊藉弘深。組織精密。卓然垂世名篇。

祭一品夫人薛師母文

嗚呼。兩間清淑之氣。鍾爲名賢。其在廊廟之上。則旆常鐘鼎。軼前越後。而功名弘開千古。其在閭閻之中。則蠡斯麟趾。承先啓繼。而椒實繁衍一門。我河陽薛老師母趙太夫人。蓋其人云。某夫子癸未禮闈老門生也。釋褐至今。歷四十年。曩時春風桃李。出入狄門。而今則皓首蒼顏。杖履綠野。回想戊戌春初。夫子解組還山。某尚在強仕之時。與長兄學科同列班行。二十餘載。升沉雲泥。存亡聚散。未免時異勢殊之感。自夫子騎箕後。師母獨秉闡政。慈育備至。而鶴髮龐眉。優游萱堂。俯視堦前。伯仲叔季。兄弟濟美。蘭茁昭蘇。相繼而起。較之太素家風。箕疇五福。又何多讓焉。掌科十載。棘寺矜全之德。過於釋之定國。今秋一歲三遷。詔擢清班。晉秩廷尉。其視九棘三槐。直旦暮事。無何師母遽爾雲翔。扶搖清虛。掌科急急抵里。終喪同朝。君子相與泣送青門。某孤雲野鶴。伏處東山。遙聞計音。望風鳴咽。潔陳牲醴。虔告在天。敢冀芳靈之降鑒。而彷彿乎几筵之間。

人情自稱以上便已。尊而不親。若乃師生之

誼推及所尊猶復懇摯乃爾或云惟其情真所以文至予日觀其文至愈見情真

祭一峯周年兄夫人文

古人以妻子好合之義喻之琴瑟豈無故哉良以  
兩人之和係一家之休徵也庶民之家荆布自若  
所慮者衣食貧賤之事耳朝夕唱隨可以情感可  
以意解進而卿大夫之家左右侍妾之不能盡絕  
嫌疑猜忌之難以悉釋脫有不調詎厲茲甚以語  
琴瑟之好益亦難矣以今聞於閨中周年嫂蓋開  
中之淑媛而女中之君子也少歸名門秉志貞肅  
虔職中饋勉紡績善事夫子相敬如賓而且待  
庶嫖猶姊妹撫諸子若所生噫賢矣哉宜其百年  
齊眉而高堂怡娛庶幾無負半生之劬勞而慰  
昔之况卒也乎何意浩然而長逝也在丈夫失  
儷之良友在諸子喪鞠育之慈親某等聞之亦悲  
慟嗚咽歎賢德之難再也性醴不勝俎豆是將芳  
靈未遠來格洋洋

荆布之婦可以情感意解者一唱一隨止此  
琴瑟耳若乃庶嫖如雲則執祝竝陳嘯吟迭  
奏琴瑟紛然而亂我先自處於不好不合而  
動以悍妬繩內子噫亦過矣故凡婦人之妬  
者其宜也而有不妬如周夫人者則其賢也

文能酌理以原情不第使賢者慰並可使妬者媿吊賢文抑卽療妒方也

祭侍御張巢阿太夫人文

人生難得者子而子所難得於親者壽若夫生有賢子而壽幾百齡雖云遭逢實開至德太母吾桐之賢淑也其貞靜寧一舉女乘所載諸名媛未之或過自少課侍御篝燈芸窓歲時罔怠既以母道而兼師道乃侍御敬承母教學古入官謹身脩行惟恐尸素貽母氏憂及蒞仕花封循良大著亦可謂能其官者未幾詔拜西臺丰采稜稜擬於二鮑長安豪右行行且止爭避驄馬之威焉嗣以吳門難治天子越資特簡巡行所至壁立風清銅強禦而矜鰥寡未嘗少遺餘力每自念曰畏此簡書在此役矣尋還班行龍章方賁得邀翟芾之榮以上萱堂顯揚之盛於斯爲烈乃其意唯倦將母情慙菽水遂決志終養蒙恩予告聞命之日介馬西馳不崇朝而至於今得奉膳寢視晨昏者亦既四年矣一堂之上母子祖孫優游懽愉太母賢而侍御孝庶幾交至而無憾歟甲辰冬杪之月鶴駕西賓遼大臺之遐福知蕙紉之長春某等誼切葭莩洒泣沾巾鷄絮不腆望風抵陳洋洋左右環珮若親願言來格邇豆之濱

賢能壽考  
故不日慈  
而目賢  
領優養  
諸之慈母  
道兼師力  
爲賢

可謂不負  
其母

母賢子孝誠為備美然子之孝實母之賢所致熊九荻畫往事猶屬耳食若夫人簪履教子則邑人所耳而目之者巢阿揚名顯親辭楓宸而依萱闈雖以盡其子之孝僅以耐其母之賢蕙蒿几筵間得此愷悌之章靈不昧而神或憑之矣

祭提台周曆長太夫人文

粵稽有邵之胤肇祚八百而探本溯源以為姜嫄后妃澤焉逮至卿大夫文伯有勞逸之論永叔有畫荻之誠母教父訓二者蓋並重云我太母周老夫人清淑之氣鍾靈閨闈貞靜和懿內則風嫺雖古女史所載曷以加茲乃積德發祥篤生司農以豐鎬淮沛之英當熙朝受命之初振起東京扈從燕闕中間視清江干理離津門種種異績有足述者及擢喉舌期期清班夙夜匪懈以答楓宸而愉色婉容所以得歡萱慈者無不篤摯周詳兼

以內助之賢忘兄弟公輔之貴而曲盡子婦之禮晨昏定省與司農共為周旋欣逢褒典翟氏允彰捧象服以上高堂孝子之心庶幾少慰萬一嗣是詔推計部總督倉場乃拜命未幾旋藉山甫以控晉疆在司農方將宣猷疆場出奇制勝表裏山河之國屹若磐石之安而太夫人勉曰君恩深重王事況瘁其無以母氏為念於是司農畏茲簡書提劍西指甘旨之奉諄諄內君為託無何鏘鏘璫珮之聲驟爾搖曳西池之上孝子終天之恨自此其莫解矣鉅也交歡司農情同兄弟聞

計心推望風洒淨。潔采生芻以申猶子之誼。倘異  
芳靈之來鑒。而洋洋乎几筵之間也。伏惟尚享。  
父生子而訓之。其分也。惟母教最爲難得。觀  
蓬暮之年。猶以王事勉其子。則周公一生宣  
猷。暨績皆本於母教。可知文中脉絡。續密無  
懈。可擊。

借西民錢  
買馬出城  
京情投贈  
延點水之  
超惟曉星  
無之誤

祭離台黃桑園太夫人文

古者歌公卿大夫。類高素絲羔羊之節。至於閨範  
所稱。則咏葛覃卷耳之德。風雅所載。可攷而知也。  
惟桑園黃公祖典離河東。玉立風清。一時商民翕  
翕然沐浴棠蔭。不啻戴尧天而咏舜日也。乃驟聞  
太夫人之訃音。其德行淑質。彰彰耳目之前。自有  
家乘備述之。獨計至之日。商民錯愕。以爲池蓋波  
魚。國課難艱。公方拮据。焦勞極力。挑瀆興成。功旦  
夕之間。胡爲而有萱堂之痒。悠悠彼蒼。其如民生  
何。某忝世誼。關切尤篤。首以爲國課憂。而次以爲

桑梓。惜薄採生芻。以實樽俎。山川脩阻。寸誠可通。  
望風惆悵。芳雲咫尺。環珮珊珊。左右來格。

一人之存亡。而國計民生之休戚係焉。此其  
人爲何如。故爲國課憂。爲桑梓惜。所以爲夫  
人憂之。而惜之也。文特持重。得大體落俗手。  
則發願宣謝。茶蓼風木。一切唾餘。滿紙矣。

湖廣荆西道加一級前山東道監察御史恒

山馮公墓誌銘

公諱右京字左之號恒山其先山東青州府東光縣人明成化間始祖盛初遷居於代之振武衛盛生時時生天祿以子仕封昌黎令祿生子四長諱忠次諱恩以一榜任昌黎縣尹三諱惠武關鄉舉加授指揮僉事即公之王父生子二長諱良期文華殿中書舍人次諱亨期鎮江府幕以公貴 皇清軍恩 勅封文林郎福建道監察御史妣 氏勅封孺人生子二長即公也按公生而明敏喜讀

誠正齋文集

卷八

五

書甫能言即授毛詩強記不怠稍長貫徹微旨選選發人所不發識者曰馮氏有子矣年弱冠廩於庠氣象軒舉同郡先達爭延致之未幾蒼堂疾作親奉湯藥日夜侍左右罔懈及卒哀毀骨裂父命之日少自寬脫有不虞如我何勉期成就足憫若母自是兄弟時勤定省並力攻苦不輟歲乙亥直省貢士如科場例以兩場取士公首膺書升之典一時稱快 清興丙戌再行秋闈公歌鹿鳴於鄉丁亥聯捷成進士廷試二甲讀書中秘從亭兩載為館師所信重改授福建道監察御史正色台班

手裁岳立都門有行行且止避驄馬御史之謠已

秋 特簡巡漕時漕事疊壞公矢志飲水銳意整剔甫抵道即催船南下以杜攬載及至京口痛革陋規禁絕濫差嚴除包攬代運力防水次折乾又畫定小舟二十隻榜日漕院解舡提兵五百名駐節江干每運至即次第盤掣是以積弊一清飛輓北上受事僅八閱月而督催漕白至三百餘萬為前此所未有恭遇 世祖章皇帝初攬大政相國洪公出典風紀甄別台員以五等黜陟六十員中遴選者紳二十八人公以廉能之譽得居第一會

誠正齋文集

卷八

六

有復遣巡方之 旨公遣山左余亦附驥金陵同時 陞辭親承 綸音諄諄以安百姓禁強暴為論賜茶賜坐恩寵優渥公介馬東指繡斧肅然夫巡方入境而不山岳動搖者謂之不職公首糾大察一時墨吏望風解綬者接踵凜凜然不寒而慄及監臨秋闈悉心體察周詳備至二東之士無不式歌且舞尤加意讞決凡按部所至必細閱罪冊至於日不暇食夜不暇寐盛暑隆冬備極艱辛不憚再三反復為求一線之生苟有可救必委曲務全之周受詔諷廉訪疾苦有議蘇民困四疏一曰

程常題  
或著好生  
所致

清查包荒二日驛站錢糧三日徵解漕米四日臨  
清倉疏入奉有切寔爲民之旨下部議覆有見  
在遵行者若夫擒斬巨寇周魁軒舉積來嘯聚之  
党一旦削平雖非公之職掌而志在安民爲地方  
造救寧之福巡歷既訖舉劾文武允協輿情一時  
公論翕然歸之癸巳春余江左役竣讀禮山中公  
驅車入朝士大夫相識者咸嘆服曰公神人也  
何其行之不可測如此也時封公年踰古稀白雲  
思深急疏陳請制報可星言遣駕得以承歡膝  
下一堂之上祖孫父子雍雍孝慈藹然可風及封

誠正齋文集

卷八

宅

公考終哀毀如前日考稽古典喪祭盡禮終天之  
際庶幾無憾服闋例應赴補曰予豈甘升斗哉得  
策杖林間吾志也居嘗勇於爲義周急賑乏待舉  
火者凡數十家二父執仰體先人志各贈莊田一  
所贍給終身一切桑梓利害留意興革而人罕有  
知者弟濬卽余之壬午同譜也高才冠世筮仕  
令不數月而病歸竟艱於嗣公取族人子以繼  
之且增置其產令訓之家塾異其成立泰山魏公  
亦不嗣舉從子以承宗祧不幸夭折遺孤襁褓公  
保護撫育已賦採芹聘韓生女以爲之室族有瞽

富貴驕人  
禮復知有

幼孤而貧力不能娶公資給聘定今舉二男夫妻  
父子晏如也今上御極科臣奏請查催在籍官  
員再起田間復補蘭台遇考課新例公雖初入國  
門清風介節中朝咸共仰之資深望著輒居一等  
遂協理河南道事夫以十年山中之人甫履朝端  
獲膺上考非品望素著者不能也未幾順天癸卯  
秋闈公奉命監試余時在京兆有提調之役共  
事浹旬風雨連床得以叙歡生平甲辰春公有荆  
西之命握手青門感慨斗酒幾不忍言別先是  
楚之西山逆寇盤踞大兵征勦久未下及公至方

誠正齋文集

卷八

六

城卽值秦凱前此百姓饑運之勞困苦方極乃調  
護長養以培元氣事關興廢再四申請務必行而  
後卽安楚故澤國潛江沔陽景陵間水患尤劇廬  
舍遷諸魚窟南畝鞠爲蕪莽每歲修堤築防糜費  
不下數千力已竭而無補公親行省驗大集紳衿  
耆庶擬議開河以分水勢乃相地而築之延三百  
餘里各通順河河成萬世之利自此始矣待屬吏  
開誠布公坦懷示人無敢干以私者撫君嘗曰使  
天下之官皆如公存心行事奚難立見治平居三  
載兩郡士民頌祝如出一吻後立懷德碑以誌去

誠正齋  
文集

思丁未春公以天壽至都猶得從邸舍接公顏色把酒譚心爲十日之飲未幾辭余南行至秋會議撤天下監司公以是年十月抵里着東山之巖泛北海之樽方將優游憺愉徜徉百年無何越二年而飄然長逝嗚呼公之大節卓然不苟而出處之間能得其正其矢志則玉潔冰肅其行誼則日白天青生平務實不喜近名而胸次磊落光明洞達之際曾不猶人求諸當世士大夫中指不爲屈嗚呼公生於前明萬曆三十四年八月二十三日子時卒於清康熙九年閏二月二十二日子時享

誠正齋文集

卷八

充

年六十有五元配魏氏繁時貢士諱幘公長女幼聰慧雅不喜玩好相者曰他日必貴及長端肅言笑不輕未及笄于歸公成禮後舉動得大體未嘗讀書事爲嘿相符合事翁姑孝謹飲食必親寒暑弗少懈御下以嚴不責小過親覓貧窶不吝周給教子以正孩提時禁僕輩無得誘以戲玩就外傳益加嚴飲食之物性有不嗜者寧稍食以待再飯不遽易他食一切嗜好不使任情大率本先世家法云已丑秋先公而逝公終身義不再娶母忘虞虞之情順治八年覃恩贈孺人生於萬曆三十

九年七月初八日戌時卒於清順治六年七月十二日未時享年三十有九生子二長曰雲龍陝西盤屋縣知縣娶劉氏次曰雲奏貢監娶施氏繼娶黃氏女三長適定襄縣舉人薄海清次適廩生元錦時三適庠生張綸世孫男三長曰慶衍廩生廩魏氏次曰慶餘增廣生娶馬氏俱雲龍出三曰慶有聘施氏雲奏出孫女三未字俱雲奏出曾孫男四大善二善慶衍出三善四善慶餘出曾孫女二幼俱慶衍出今年辛亥六月盤屋公不遠千里走一命以至京師云月將葬公於州之平原祖塋

誠正齋文集

卷八

丰

之次且云生平之知公者惟余求爲公誌余往昔哭公今復誌公管鮑情至嗚咽繫辭銘日中流誰砥柱賢者植其綱吾友眞君子至誠貫彛常君親能仰答德業炳天壤千載牛眠穩燕貽世澤長余於恒山不知其爲何如人讀是誌始慨然想見其爲人娓娓凡二千言有美畢搜無行不核文如其人而人之藉文以傳者多矣夫人之貴有相知也皆謂在百年以前而詎知其百年以後耶



四川文衡席公覺海墓誌銘

平水之席氏古陶唐老師之後裔也。沿及元世有大司馬宣仕振興其間。迨至今日而有蜀文衡覺海公。篤生康衢。蔚然為一代名儒。余世居桐野。距公百里。聞公高風。窮嚮往之。癸未禮闈。追隨驂尾。把臂長安之日。恒以遲暮與歎。公之丰範。庶幾親炙之也。風雨之好。二十八年。無何古稀未及。輒為捐館。與成。仲秋公之嗣子堯福不遠千里。遺尺一之。其先人丐誌銘焉。余與公有蘭譜之誼。弗克辭。攷公之先世。曾祖諱倫。鄉耆有德。祖諱文魁。誠正齋文集卷八

七

壽官克紹前業。祖妣朱氏考諱周邑庠生讀書稽古。一經垂訓。妣杜氏先卒。繼安氏貞靜。一嫻於內。則生丈夫子二。長即公也。生而穎異。長而嗜學。其才華磊落。丰標絕不猶人。游泮後。試輒冠軍。孝事二親。宗族稱焉。仲弟詢事教誨。婚娶皆躬任之。抑且愛姪如子。撫摩鞠育。延師肄業。次第費序中。殷殷棠棣之愛。藹然可親。歲丁卯。舉於鄉。癸未成進士。初仕浙江溫州司理。士民感懷。浙人刊有東甌輿誦。會丁外艱。回籍讀禮。服闋。補江右九江司理。刑清民服。郡人刊有德政遺範。內陞冬官。再遷

未備出  
始有非  
此德實  
不能及

秋曹威能共厭職焉。嗣以西蜀兵燹。文教未敷。

特達公望。往典文衡。下車之日。端以培植人才。一時人文蒸蔚。則公之大有造於蜀士也。群組歸來。築室汾水之陽。朝夕釣咏。適其林壑之性。如是者十年。嗣子堯福克稱象賢。諸孫林立。雅有王謝家風。公之生平。可以暢然而無憾。吾又何以誌公。要而論之。平水南宮之捷。癸丑而後。三十年已絕響矣。至公之身。而毅然奮發。崛起文壇。豪傑之士。無待而興。其公之謂乎。初仕京浙。再補西江。原本仁恕之旨。而敬慎從事。約法適意。唯公近之。嗣是

誠正齋文集

卷八

七

卿。命西蜀。愷悌作人。荆棘草萊之間。而復見青我。樸樸之化。明刑課士。公既身兼之矣。余是以服公之出處。攸宜而嘆。吾譜之。多君子也。銘曰。姑射天半。汾流千里。惟公振興八代。崛起葉榜。先登絕響。嗣美造士。多方翩翩桃李。顧茲佳城。典型尺咫。起覺海而問之。快心瞑目。毫髮無遺憾存斯誌也。人人皆知覺海世世如見覺海矣。

泰山李公墓誌銘

公諱都蕃字維翰曲沃之義城莊人其篤學嗜義昔聞其高風矣乙巳之春以泰岳之誼視余長安孟夏西旋菊秋而終業八年於今是歲仲冬將厝元堂命余誌公誼弗可辭考公始祖進辰前朝應詔翰粟特嘉旌表歷五世而至世賢公諱宗書者家聲益振旌其門曰崇義祖諱遇春生子三人長諱永壽仲諱永嘉爲公嗣父季諱永亨爲公生父母梁氏生公三日卽見背賴祖母張氏撫育之後出繼仲父永嘉爲嗣公生聰慧弱冠補博士弟子

誠正齋文集

卷八

七三

員未幾廩于庠屢科未遇下帷攻苦不輟讀書大尖山雖環堵一室恒以當世自命承繼之後續生二弟且公子女漸多食旨益繁于是恪遵父命營居別室後又讀書本村慈雲洞手不釋卷者數年凡遇同人不憚多方鼓舞一時名宿賴公造就指不勝屈及遇父疾親嘗藥餌數旬之間衣不解帶捐館之日擗踊號泣幾至骨立時諸弟尙幼公獨襄大事祭葬如禮迨分析之際產業器皿唯母王氏是命毫無爭攫癸卯生父七旬會集親友製鐘稱觴以傳親心之歡無何數月泥露與悲公寢苦

枕塊哀毀踰禮友愛諸弟殷殷懇懇篤摯周詳不

賢而能之乎生平不妄交一人不喜譚人過且通財好義有古人之風至于排難解紛務求其兩相安而後止素與修義莊匡宇王君善王物故子俱幼衣衾棺槨代爲周旋其處友生死不易如此一切男婚女嫁延師擇友罔不殫心是以年未四十卽髮白齒稀癸卯生父與伯兄价人公相繼卽世骨肉慟心爾時不自知其成疾八月晦日猶與二三知己譚叙門下日余自揣無不可對人言者吾欲終竟可終矣是夜疾劇詰朝而逝嗚呼公蓋篤

誠正齋文集

卷八

七四

行之君子也孝友之誠出于天性事其生父纏綿固結而不可解凡屬毛裏之仁事其嗣父眷戀愛慕無以異于所生可謂仁至而義盡矣且以一人之身經理兩門兄弟既翕手足恩深方之近代實難其人若夫奮志青雲皓首窮經雖和璧三獻而壯志不懈居齋八年指顧脫穎會新令停貢致稽公遇乃今歲例舉行君子惜焉然公之俊昆振振繩繩知必有能紹公之志者今太孺人優游萱堂綜理閭政諸子奉母之訓不敢改父之行四子六孫卓爾不群公亦可以無憾矣公生於萬曆四十

一年十一月二十日寅時卒於大清康熙四年九月初一日辰時筮吉長至月十有三日葬公于本村之南經營新阡以綿百禩公娶孺人張氏楊談村義民張公喬女生丈夫子四奉天武庠生娶前給諫趙公鐸孫庠生輔世女次敬天邑庠生娶許公元寬女出嗣福建崇安知縣价人公爲嗣三尊天娶定州知州楊公泰徵男庠生道洽女四憲天娶前青州府通判許公日強男舉人許公元運女女四長適庠生陳于庭先卒次適于余 誥封淑人三適楊六村楊唐胤四幼未字孫男六滂澤奉

誠正齋文集

卷八

七五

天出濬深敬天出濟注尊天出孫女五一奉天出未字一敬天出字國學生傳錫蕃次子一尊天出二憲天出俱幼未字爰撫行實以爲公誌銘曰惟公仁人攸叙彝倫孝親友弟追美君陳德造大雅學諸真醇三代而後復見先民後裔林立玉樹嶙峋卜吉封樹嵐紫千春

張碧藕社丈墓誌銘

張碧藕社丈墓誌銘

余嘗讀易至智來藏往喟然歎曰天地間理與數而已儘古今人世往來於其中而卒不能外也知此者可與言易知易者可與言天可與言人余同社友直隸昌黎縣尹張公諱廣乘號碧藕萬裏之同石里人先世家諸詳載封公誌中高祖諱祖妣氏曾祖諱曾祖妣氏祖諱舉人山東莘縣尹祖妣王氏考諱號五雲歲進士鄉謚文成先生主盟正社桐封科第雲蒸冬受裁成妣王氏賢淑有德以子貴膺褒綸詔封

誠正齋文集 卷八 七六

考如子官妣孺人兄弟二人長即公次則龍芝名下士今爲首齋公齒少余一歲家世青箱前二十年遭逢順境履其順之庭而孝親友弟俯仰無憾君子人歟君子人也戊寅採芹至辛卯而宴鹿鳴稽古榮名致身青雲此亦吾公分內事無足多者嗣繼文成接踵文壇殷殷棠棣教思而兼及枌榆德造之功尤大且內君貞靜芝蘭林立宗支之繁可謂極盛獨是一行作吏輒嘆岐路遊人一事無端受誣在前與後皆邀曠典而公以數奇值之公論太息解組之後椿萱相繼見背皆壽躋大年雖

爲小人斯  
富貴必若  
十家貧賤  
能與不能  
皆天也速  
以操而  
四之  
不小人知  
立力天知  
嗚呼天亦  
何如

宦。况。蕭。然。而。菽。水。將。歡。耳。音。弗。缺。所。謂。養。志。之。孝。也。令。嗣。四。人。出。繼。者。一。此。日。芹。菲。之。香。自。非。素。封。之。家。未。免。望。宮。牆。而。却。步。時。也。可。若。何。公。嘗。曰。卜。者。皆。言。吾。報。於。一。第。而。且。無。子。吾。曰。不。然。吾。有。科。星。而。無。官。星。是。以。不。能。致。身。通。顯。有。子。而。字。星。在。宮。是。以。子。孫。功。名。躍。躍。職。是。故。耳。數。寔。爲。之。於。我。乎。何。尤。余。因。是。重。有。感。矣。天。能。予。人。以。富。貴。而。不。能。不。使。爲。小。人。能。予。人。以。貧。賤。而。不。能。不。使。爲。君。子。公。困。於。遇。而。亨。於。道。阻。於。人。而。達。於。天。况。世。之。艷。情。華。廳。封。殖。之。厚。亦。自。快。意。旦。暮。而。跡。其。所。爲。

誠正齋文集 卷八 主

送之夙夜能不疚心胡若公之介然一身含笑泉壤之爲得乎公亦盡其在我而已他何知焉吾於是益釋然理之故矣張氏之族有領楊生贊經商江湖卒於旅邸財東昇觀歸里其妻尚肆無厭公曰負人之貲而還其骸骨此思寔深尚何多言其排難解紛從不出口不惟他人不知卽楊生亦不得而知也公平生爲人正直忠厚類如此銘曰迺行詎於疇昔孰是知音美孝友之真至宗支如林悵身世之紛沓岐路盡簪跨鶴壺平天半桐月松岑

亨於道達於天卽此可以含笑泉壤反覆歸之於數可見人定勝天不逞勉人之詞究竟天不能勝碧藕公千古如生賴有斯文

誠正齋文集 卷八 末

內弟癸卯孝廉揀選知縣錢仲平墓誌銘

余內弟仲平錢公雋偉曠達當吾世而見之蓋斐然君子也其高材壯齡方望其康濟民物建豎功名廓清皇路一旦賁志而終桐之人惜其才而悲其志者咸愴嘆而不能已余之慟公尤過恒情今卜於陽復之二十七日塋於城西高原間而嗣君以誌銘請余往來君家六十餘年自公孩提以至成名皆所深悉不敢不勉爲質言而重煩他人也按狀公之先世高祖諱曾祖諱祖諱祖妣陳氏考諱號翔山爲余之外父明戊午科舉

誠正齋文集

卷八

先

於鄉初授陝西鳳翔府推官廉靜寡慾明允有聲兩攝府篆三攝縣篆所在惠政宜民百姓歌思至今所隴之間猶頌其德不衰所著有二如堂兩不負記后以紳衿殺招撫官執法過嚴謝事歸里閉戶養高絕跡竿牘至蒙馬一節關係閭閻利害不憚極力相爭月旦之評以故高之前妣王太孺人余先祖姑之女也繼妣周太孺人爲余內君淑人之生母生妣李太孺人爲公之生母生子二長諱正九歲而卒次即公公生於崇禎癸酉二月念二日即外父司理泰鳳時乳名曰鳳是歲余年十七

方賦采芣九月酉入秦關與伊姊錢淑人完婚爾

時公甫生七月尚在襁褓中余讀書之暇輒撫摩之未幾長兄逝外父哭甚哀春來公少知嬉笑差爲慰藉六月余以學使考試期迫旋里應考至乙亥十月外父亦解組公隨外母李太孺人及姊先抵里舍後外父西歸維時兩尊人在椿萱駢茂三世一堂家庭藹藹不羨鼎食之榮也至丁丑兩尊人賓天相繼只間七日外父哀毀骨裂然事事遵文公禮不敢過亦不敢不及翼人久爲從俗見復古禮輒異之三年讀禮封樹既訖履道安貞孝慈

誠正齋文集

卷八

全

可風矣至甲申而公十三齡矣無何滄桑變起虐祲燎原外父餽事受累公與太孺人崎嶇北山備歷艱辛寇退事平骨肉團聚丙戌月泰岳終於里公甫十四齡既無伯叔又寡兄弟孑然孤百務交萃爾時人方宦裔朵頤之公苦塊之際克總大綱弇勉襄事人嘉其孝丁亥余假旋里門見其舉止深靜且悲且喜因爲之延師柳君景午館於家之東偏景午方嚴之槩不嫌師範扁戶課業如是者兩年庚寅學使張公芹泚科試平水公以韶齡爲吾翼童子冠軍是年即准入闈觀場以勵朝

氣○余○時○巡○楚○湘○聞○而○喜○之○以○爲○泰○岳○有○子○矣○遊○泮  
後○愈○勵○於○學○芸○窗○攻○苦○寒○暑○不○輟○後○入○東○社○時○社  
長○張○五○雲○先○生○主○盟○文○壇○多○所○聞○成○公○折○節○從○事  
文○章○一○歸○大○雅○壬○寅○余○官○京○兆○公○千○里○來○京○磐○桓  
數○月○余○每○五○鼓○入○朝○時○聞○書○聲○肆○力○探○索○學○業  
日○進○瀕○行○之○際○目○送○之○曰○秋○中○佇○聽○好○音○也○癸○卯  
余○時○督○頌○天○學○政○提○調○京○闕○出○場○三○日○得○晉○錄○公  
果○列○賢○書○余○不○禁○喜○溢○襟○裾○翩○翩○鳳○毛○得○嗣○書○香  
一○快○也○公○車○至○都○深○爲○慶○慰○公○早○歲○失○怙○止○待○母  
氏○十○五○年○來○雞○窓○夜○月○淒○風○苦○雨○若○他○人○處○此○不

誠正齋文集

卷八

八

知○歷○多○少○艱○辛○而○公○之○愉○色○婉○容○耳○旨○必○親○晨○昏  
匪○懈○亦○可○謂○善○體○親○心○者○矣○甲○辰○六○月○適○值○太○孺  
人○六○泰○公○在○京○製○錦○西○歸○將○歡○菽○水○一○時○同○年○兄  
弟○爭○爲○賦○詩○以○歌○咏○之○在○太○孺○人○三○十○年○而○舉○子  
在○公○三○十○年○而○折○桂○且○蘭○苗○秀○出○琪○華○雙○美○含○飴  
化○日○優○游○怡○愉○豈○非○人○生○樂○事○乎○計○登○賢○書○後○猶  
獲○事○其○母○者○八○年○公○之○交○游○日○廣○譽○望○日○隆○磊○落  
倜○儻○之○槩○梓○里○咸○仰○其○高○風○大○孺○人○亦○欣○欣○色○喜  
方○期○祿○養○輒○爾○泥○露○公○慟○滋○甚○感○風○木○而○悲○終○天  
自○初○喪○以○逮○祔○塋○無○不○加○禮○三○鼎○五○鼎○之○異○前○後

不○同○也○過○此○以○往○數○上○公○車○爲○文○未○嘗○不○滿○志○以  
數○奇○見○格○兩○年○來○長○君○乙○卯○遊○於○泮○次○君○戊○午○遊  
於○泮○花○萼○掩○映○棠○棣○交○輝○公○前○揀○選○知○縣○今○又○援  
納○先○用○一○腔○經○濟○躊○躇○待○時○胡○爲○鶴○夢○之○遽○翔○也  
大○約○公○事○親○孝○天○性○直○肝○胆○真○切○意○氣○慷○慨○樂○於  
道○人○之○善○而○亦○能○含○容○不○肖○以○揮○霍○不○羈○之○才○當  
菁○華○果○銳○之○年○借○使○早○膺○民○社○於○以○幹○濟○時○艱○福  
澤○蒼○生○涉○身○清○華○爲○國○賢○臣○從○此○照○耀○青○史○眞○旦  
暮○可○待○耳○况○余○今○晚○年○屈○指○親○知○中○其○能○如○公○之  
熱○腸○古○道○者○不○可○槩○見○尙○冀○公○步○天○衢○返○林○臯○爲

誠正齋文集

卷八

三

吾○輩○他○日○後○勁○今○若○此○豈○非○天○乎○至○公○以○髫○齡○持  
家○能○讀○父○書○能○悅○母○志○立○身○揚○名○分○香○桂○窟○又○前  
後○經○理○家○政○者○三○十○四○年○哲○嗣○三○荆○孫○枝○一○葉○夫  
亦○可○含○笑○九○京○之○下○矣○系○以○銘○曰○公○性○純○篤○今○克  
將○母○歡○早○歲○冠○軍○今○繼○步○廣○寒○坦○懷○大○度○今○世○俗  
所○難○天○生○奇○才○今○不○及○一○官○壯○志○未○伸○今○誰○瀝○寸  
丹○芝○蘭○繁○衍○今○鳳○翥○琅○玕○埋○玉○崑○崗○今○佳○氣○翔○喬  
億○萬○斯○年○兮○松○楸○石○磐

以○蒿○蘿○之○誼○爲○肝○胆○之○言○且○從○襁○褓○說○起○而  
淬○志○芸○窗○而○分○香○桂○窟○立○身○揚○名○光○前○裕○後

四十餘年中時時克自樹立事事大過平人  
後之人知吾邑有仲平若而人者此文之力  
也

表兄李慶雲茂才墓誌銘

公諱雲卿字慶雲世居桐之水清鎮其先世代有  
潛德敦本崇寔高祖璉曾祖仞祖師顏父曰麟母  
王氏即余之從母也生子三人公居長次雲乘又  
次雲衢公生丙辰長余一歲庚午上冬年甫十五  
與余同受書于吾兄以從母兄弟而共事筆研雞  
鳴風雨之夕極爲資益至乙亥公採芹泮水戊寅  
補增廣生先是李氏皆以良賈起家後有子矜季  
叔一人及公之身而書香始振乃父經商于外凡  
客彭城公讀書之暇日與諸弟承歡母氏菽水不  
誠正齋文集 卷八 四  
輟邑人稱之甲申之變公扶父病從亂兵中閱關  
抵里中間數窘于寇雖資斧無遺而父子猶獲保  
全尚得侍湯藥兩年餘公之初配薛氏繼娶衛氏  
先公而卒至順治丙戌始娶余妹丁亥生子璵即  
余甥也今年已二十一歲矣計余自乙酉登籍至  
于癸巳數年之間與仲兄皆以薄宦萍踪甘旨闕  
畧依依先大人膝下惟伯兄在焉其次則公與余  
妹朝夕侍之已丑姜逆煽虐城危累卵先大人馳  
驅山谷以避寇氛公追隨左右未嘗或離公視先  
大人猶父而先大人亦愛公如子也癸巳甲午先

大人相繼見背。余妹素善病者。哀毀益甚。余昆弟分財置產。以慰其心。丁酉。余讀禮畢。出山。遺公門戶。爲余謹備。餼者又數十年。余之子女在里。與公同處。賴公撫綏尤多。壬寅。余從母王孺人捐館。公親含殮。一切棺槨衣衾。罔不殫厥心。致誠敬焉。乙巳三月。余接璫甥于長安。肄業家塾。雅知勤學。余心嘉之。是歲正公知命之年。方幸公之有子。而得見成人。乃冬至之月十四日。竟一疾不起。今歲丁未仲秋十二日。將塋于祖塋之次。璫甥自里求誌於京。余與公五十年兄弟。不敢以虛文欺公也。謹

撮其寔而言之。大約公謹飭之士也。事父母極孝。待諸弟以仁。居平坦懷待人。人有不可其意者。造次之間。忿然發數言責之。過後不宿於中。朋友落。落而直率之性。人亦咸諒之。求之斯世。庶幾近古。公生於明萬曆四十四年十一月二十三日辰時。卒於清康熙四年十一月十四日酉時。初配薛氏。平陽里太學生養氣公女。繼娶衛氏。同石里省祭官良謨公女。早逝。繼娶上官氏。卽余妹也。丈夫子一日璫。上官氏生娶孔氏。東南里興經公女。銘曰。太朴無飾。木訥近仁。我公之性。既真且純。孝親愛

弟克篤天倫。有子穎異。炳炳麟麟。牛眠封樹。蒼蒼千春。安貞之吉。永維哲人。

只一天性。樸直而孝。友仁恕。皆是率性而由。任天而動。至半子之誼。能代甘旨。思難與之相共。子女可以相托。其人其德。超世常萬。萬誌中。隨手指點。行核事。確足令億世而後。慶雲如生。



詔封孺人張母王太君墓誌銘

張氏世籍吾翼東河下其先科貢聯發縣誌及張氏家乘詳載之至有莘公承家學淵源萬曆乙酉舉於鄉授山東東昌府莘縣令生封公歲進士五雲先生配孺人王氏封公行年八十有五尚健飲無恙孺人以是年卒長君昌黎令初余為誌余不敏誼弗克辭按孺人為前陝西慶陽府同知王公諱三錫女母常氏贈宜人孺人早歲喪母哀慕終身隨慶陽公抵陝西成縣乾州任幼習儒書通曉內則大義孝敬勤儉罔不深悉年十有五于歸封

誠正齋文集

卷八

七

公爾時太公任莘縣已捐館四年惟以太孺人在堂執執孺節孺人卽能仰體其心而晨昏奉事罔怠衣之澣濯食之烹飪悉手治之不以假人太孺人端肅莊嚴婢子之屬偶不得當輒變色見孺人則為之改容其得乃姑之惟心如此嘗曰吾得吾婦增一孝女矣姻戚鄉黨咸以孝歸焉及太孺人春秋高病痿數年不特躬親藥餌卽起居櫛沐皆親為之以故勞瘁太過右臂腫痛終一歲核後雖愈瘡痕尚存幾半指深崇禎辛未太孺人厭世佐封公襄大事始終如禮而哀毀過之封公無兄弟

止一姊孺人事之如母自處不足以奉姊氏姊之子女撫育婚嫁與已之子女無異慰姊心以慰乃姑之心又如此封公性嗜恬靜朝夕惟勤學誨人為事家務咸聽於孺人每日雞鳴而起二鼓而寢躬先操作董率家人至於籌畫事宜悉得要領每有出封公所不及者癸酉遭水災廬舍漂沒家計日窘甲申寇變縉紳之族無不破家獨賴孺人勤儉之功不至披離嘗聞封公之教子曰汝母仁孝有聞婦德咸備自萬曆甲辰以迄於今六十餘年敬戒無違奉烝嘗則虔而潔教子孫則慈而嚴

誠正齋文集

卷八

八

睦姻族則周而悉御婢僕則仁而恕汝母其賢矣哉其夫妻相敬如賓有足風者長公廣乘辛卯舉於鄉康熙庚戌除授直隸永平府昌黎知縣四月抵任五月遇 覃恩詔封父如子官母孺人未幾以迷人誣罔正在辨雪間孺人於冬至月以疾終嗚呼箕疇五福以壽為先其間琴瑟調叶百年偕老何可多得况乎芝蘭繞膝曾孫牽裾尤人深願而不可必者今孺人與封公春秋八十有餘生有令子綰符百里獲邀 詔典庶幾無憾方優游高堂起視階前伯仲連城諸孫繼起均在成人之列

而曾孫輩芽茁方新大有貫管之勢今孺人雖鰥  
駕翩跹而封公以父道兼母道一家之中孝慈百  
年孺人亦可以含笑於九京矣爰爲之銘曰於惟  
孺人貞淑允臧齊眉大壺福壽永康厥嗣聯璧玉  
潤珠光諸孫林立琪樹庭芳新阡卜吉佳城舊蒼  
顧瞻紫氣長發其祥

宜家之道盡善盡美者固少要之克盡其道  
只是適得其常惟是姑嫜姊妹之間無論常  
情所難即賢淑者亦多不能善處茲且事姊  
如母能使嚴姑愛如孝女德足相其夫子而

誠正齋文集

卷八

允

父且持其母道以教子求之內則載籍猶屬  
空言而此其母儀之躬行實踐今古所不易  
觀者也垂誌銘於後具可奉爲謨訓而方之  
葵鼎

曲沃李孺人墓誌銘

人生五倫一家之中所朝夕唱隨者惟夫婦之時  
爲多妻子賢則父母順兄弟親門內雍雍一堂之  
大和萃焉否則閨閭詬詈乳鷄家索此關雎之化  
所以格諸風雅也曲沃義盛里茂才李公娶西亭  
里許孺人貞靜之譽聞於閭黨不幸先公而逝今  
將厝坤堂茂才走扶命余誌夫茂才余內兄也弗  
可辭按扶沃邑許氏爲邑望族累世簪纓冠蓋相  
望至乃父許公元寬母李太孺人即茂才家姑寔  
生孺人幼字茂才爲婚兩姓之好自此始茂才生

誠正齋文集

卷八

允

而穎悟聰明絕不循人太公常奇愛之十二歲卽  
受知文衡時山右張公芹泚遷其青年傳才錄之  
膠庠至十五而聚孺人及真鴈而拜李氏之廟事  
翁姑以孝聞相夫子敬如賓妯娌燕好婢僕咸宜  
三十年如一日柔順慈祥天性然也嗣因伯父介  
人公中丙子鄉試授福建崇安縣令達宦閩海卒  
於任卽遺命擇茂才過繼用承宗祀孺人同茂才  
新哀三年乙巳生父捐館例應降期猶服三年戊  
午祖妣辭世又承重三年先後數年頻經大變終  
天之慟接踵而至所以爲孺人有蓋極難耳而且

內難橫起。外侮紛沓。丙午又遭橫逆之來。兩人設計脫身。以避在鋒。而終獲即安。歷十餘年之况。瘁不知幾經披離。幾經酸辛。至今日雍容齊眉。琴瑟在御。庶幾差慰疇昔。乃積勞日深。至丙辰而疾作。雖染病卧床。而男婚女嫁。尚能周旋無缺。風雨之久。追叙昔時。妻其之狀。不禁相對哽咽。為之泣下。沾襟。回想當年流離困苦。妻楚滿目。寧知異日之穩舟乎。今安常處順。正宜相將百年。而孺人乃跨鶴空中。茂才之慟。於是乎深矣。讀其行實。情悽愴。而言逼切。衷腸真至。匪復啾啾。見女之。嗚呼。慟哉。正齋文集 卷八 九

哉。夫斷絃之悲。古今所同。矧患難之夫婦。余於是從而誌之。于以見茂才之義。孺人之順。均足當世風也。銘曰。閨中良友。百事宜平。生安危共。唱隨吁嗟。啼哭懸終古。長楊日暮。朔風悲。

誌銘與行實相表裏。相其洞原。鏡委由始迄終。行實中未必有此周悉。

余內君常孺人墓誌銘

余五十年來。絃凡三斷。雖命寔為之。而所以當此則極難也。自癸酉崇禎六年進學。九月娶錢孺人。蓋先岳錢公司理鳳翔之時。至丁丑崇禎十年六月止。四年耳。先我而卒。已卯崇禎十二年再娶李孺人。余壬午登鄉書。癸未成進士。甲申隨遭閭亂。與孺人避寇山寨者周歲。至於乙酉。順治二年。皇清定鼎。楚仕薇郎已丑六年按部湖南。辛卯八年再按江寧。自巳卯至辛卯。凡十二年。李孺人生產瀚兒之故。彌月而卒。及壬辰九年先慈猶在堂。為余娶常孺人。蓋

誠正齋文集 卷八 九

東王里福建汀州府同知常公之三女也。至癸巳正月。先慈見背。余使江左。尚未旋里。一聞姑喪。倉皇過門。余氏族頗大。事務甚劇。况遭比堂之變。而新婦入室。烏能上下咸宜。不得已調停周旋。閱歷數載。始克綱領大畧。迨丁酉順治十年余讀禮畢。旋軫春明。孺人隨余至京。又經五年。至辛丑順治十八年八月。生兒祐聰。穎異常。雖口不能言。而能識人意。一似有宿根者。自癸巳至壬寅。凡十年。乃孺人又卒於京。即十月祐子亦亡於里。爾時痛子傷妻。幾不能起。嘗自悼云。欲釋心中恨。除非到九泉。計人

中年不幸  
今乃獲歸  
其支

生百年而百年內曾幾何時。家人之情何人。僕有而余狼狽。披離頻經。新造今以五十歲蓬髮老翁。筋力已疲。乃日用左右不復見一老成知事之人。禹錫所謂我悲祇自慟。匪止爲君悲者。得無同耶。孺人觀歸五載。未能殯土。心刺刺不寧。今歲丁未八月十二日。特命弟鑣擇地於祖塋之左。別爲一阡。暫爲寄塋。特嘆余匏繫一官。而不及送孺人於土。吾子幼冲。不能歸襄母事。用是悵然。謹約而誌之。俾吾之子孫。有以知先世之因也。云爾。孺人生於崇禎九年五月二十五日子時。卒於康熙元年六月十七日巳時。銘曰。孺人令淑。今十載追隨主我中饋。今百事允宜。故今歸藏。今覓覓有倚。他年同穴。今彼此何知。

誠正齋文集

卷八

九

三日入厨。小姑嘗羹。言新婦之難。必有所依。傍則效而後可。况閨閣之家。大事待襄者乎。文所誌者。常而必叙。自斷絃之始。一再及三。總以見屢變愈難。至斯而極。未語同穴。何知道盡人情。世事令我讀之。喟然興嘆。人生斯世。大抵如此。不第一人一事爲然也。

五妹李母上官孺人墓誌銘

孺人者。余之妹也。配同石里茂才卿雲李公。爲繼室。卿雲爲余之表兄。先孺人十四年而逝。蓋在康熙四年乙巳十月十四日也。今歲己未七月十九日。孺人卽世。享壽六十歲。余甥廩生璣筮定。是年十二月初九日。將啓卿雲公之窆。而合塋焉。巧余爲誌銘。以他人之言。不若余言之真。且切也。念昔卿雲公之殞。余既約畧生平。悉之片石。間當不復縷縷。茲爲孺人誌之。願余兄弟姊妹共六人。惟孺人最少。先大人文孝公及先慈咸篤愛之。而孺人天性仁孝。復能承順順志。盡愛親之道。自拜李氏之廟。事姑以孝。處妯娌以和。御衆以寬。中饋鹽米之細。衣裳滌濯之勤。無不親自操持。從未嘗以兄弟之貴。輕自驕。人閭黨之閒。以是賢之。卿雲公爲從母之子。爲人質朴。無華有君子之風。而耕讀自若。則內助之力居多。計自乙巳至今。捐館十四年。孺人從妻風苦雨中。茹藥盡歡。督子肄業。始而泮泮水。繼而食廩。儉行特振。聲藉苑。顯親揚名。則母氏之教彰彰也。有孫曰璣。年甫十齡。孺人含飴撫摩。愛如掌珠。未始須臾離左右。其率孝乃孫視子。

誠正齋文集

卷八

九

從母之子。爲人質朴。無華有君子之風。而耕讀自若。則內助之力居多。計自乙巳至今。捐館十四年。孺人從妻風苦雨中。茹藥盡歡。督子肄業。始而泮泮水。繼而食廩。儉行特振。聲藉苑。顯親揚名。則母氏之教彰彰也。有孫曰璣。年甫十齡。孺人含飴撫摩。愛如掌珠。未始須臾離左右。其率孝乃孫視子。

遺集  
極生之  
孝之  
祖

無二也。憶自癸巳甲午先人見背後。余兄弟讀禮  
既訖。蓬宦二十年。孺人乙巳曾至長安。丙午至太  
原。癸丑至大梁。歷至任所以觀仕宦之榮。今歲三  
月。為孺人花甲之期。甥輩為將歡。菽水而今從諸  
親之末。獲御賓筵。方期善飯。以臻耄耋。乃自仲兄  
京旋。相見之後。一疾不起。至七月十九日而終病  
中。對骨肉親族。以及諸親。服後無不以溫語與訣。  
衣裳含殮之事。預經心目。雖至彌留。不迷其性。則  
生平之不肖。草草可見也。孺人生於萬曆四十八  
年三月十三日亥時。卒於康熙十八年七月十九

歲正齋文集

卷八

七

日寅時。丈夫子一日。敬邑廩生娶浮園村孔公與  
經女孫。一日驢聘賢宣里已酉科武舉王公紹攸  
女。今以季冬之月九日。附孺人於茂才公之墓。暨  
元配薛孺人繼室衛孺人而合葬。同穴禮也。系之  
以銘。銘曰。惟靈之敬勤而不倦。今既况葬以畢生。  
愾風雨之淒清。今能貽子以令名。儼家聲之振起。  
今當含笑於九京。望松楸於丹岩。今歷百禩以永  
貞。

自己人家常話。但期事之可紀。不務文之可  
觀。而貴而不驕。則實為矯俗之本。愛親故親

愛之敬兄。故兄敬之。相夫則夫有君子之風。  
教子則子有吉人之譽。女史揚徽。疑其文勝  
於質。不若此誌之朴率而切實也。誄章則有  
十二郎一篇誌銘。中則僅見此曠觀千古空  
前軼後。

上齋文集

卷八

七

441011/00543666

誠正齋集八卷 山西巡撫採進本

國朝上官鉉撰鉉字三立號松石翼城人前明崇禎

癸未進士入

國朝官至副都御史終於太常寺卿是集自一卷至五卷之前半爲襍文五卷後半至六卷皆詩七卷以後又皆文且第六卷詩集未完又襍以對聯其編次殊爲無法其詩文惟意所如不可繩以格律